



Հարգելի՛ ընթերցող.

ԵՊՀ հայագիտական հետազոտությունների ինստիտուտը, չհետապնդելով որևէ եկամուտ, իր կայքերում ներկայացնելով հայագիտական հրատարակություններ, նպատակ ունի հանրությանն ավելի հասանելի դարձնել այդ ուսումնասիրությունները:

Մենք շնորհակալություն ենք հայտնում հայագիտական աշխատասիրությունների հեղինակներին, հրատարակիչներին:

Մեր կոնտակտները՝

Պաշտոնական կայք՝ <http://www.armin.am>

Էլ. փոստ՝ info@armin.am

ՌՐՐՍ ԳԱՐՈՎԱՆՆԵՐԻ ԳՐԱԴԱՐԱՆ

БИБЛИОТЕКА РУССКОЙ КЛАССИКИ

А. Н. Толстой

АННА
КАРЕНИНА

В ДВУХ ТОМАХ



ТОМ
ВТОРОЙ

*Перевод
Вагана Пер-Аракеляна*

ИЗДАТЕЛЬСТВО
«СОВЕТАКАН ГРОХ», ЕРЕВАН—1979

Հ. Ա. Մալխոյ

ԱՆՆԱ
ԿԱՐԵՆԻՆԱ

ԵՐԿՈՒ ՀԱՏՈՐՈՎ



ՀԱՏՈՐ
ԵՐԿՐՈՐԴ

*Թարգմանությունը
Վահան Տեր-Առաքելյանի*

«ՍՈՎԵՏԱԿԱՆ ԳՐՈՎ»
ՀՐԱՏԱՐԱԿԶՈՒԹՅՈՒՆ, ԵՐԵՎԱՆ—1979



Հ Ի Ն Ք Ե Ր Ո Ր Գ Մ Ա Ս

I

Իշխանուհի Շչերբացկայան այն կարծիքին էր, որ անհնարին է հարսանիքն անել պահքից առաջ, երբ մնացել էր հինգ շաբաթ, որովհետև օժիտի կեսն էլ չէր կարող պատրաստ լինել այդ ժամանակամիջոցին. բայց նա չէր կարող չհամաձայնել Լևինին, թե պահքից հետո էլ կարող էր շափազանց ուշ լինել, որովհետև իշխան Շչերբացկու հարազատ հորաքույրը, շատ հիվանդ ու ծեր, կարող էր շուտով մեռնել, և այն ժամանակ սուգն ավելի կուշացներ հարսանիքը: Այդ պատճառով, վճռելով օժիտը բաժանել երկու մասի՝ մեծ ու փոքր օժիտի, իշխանուհին համաձայնեց հարսանիքն անել մինչև պահք: Նա վճռեց, որ օժիտի փոքր մասն ամբողջովին կուպտրաստի այժմ, իսկ մեծը կուղարկի հետո, և շատ բարկանում էր Լևինի վրա այն բանի համար, որ սա ո՛չ մի կերպ չէր կարողանում լրջորեն պատասխանել նրան՝ համաձայն է արդյոք դրան, թե ոչ: Այս նկատառումն ավելի ևս հարմար էր այն տեսակետից, որ նորապսակները հարսանիքից անմիջապես հետո գնում էին գյուղ, որտեղ հարկավոր չեն լինի մեծ օժիտի իրերը:

Լևինը դեռ գտնվում էր խելահեղ այն կացության մեջ, երբ թվում էր նրան, թե ինքն ու իր երջանկությունը կազմում են գոյություն ունեցող ամեն ինչի գլխավոր ու միակ նպատակը, թե պետք չէ, որ այժմ ինքը մտածի և հոգ տանի որևէ բանի մասին, թե ամեն ինչ իր համար անում են ու կանեն ուրիշները: Նա նույնիսկ շուններ ո՛չ մի ծրագիր ու նպատակ ապագա կյանքի համար. նա դրա որոշումը թողնում էր

Տոլստոյ Լ.

§ 80 Աննա Կարենինա: Վեպ 2 հատորով, II հրատ.,— Սրբ. Սովետ. գրող, 1979.— (Ռուս դասականների գ-րան).
 2. 2 (Թարգմ. Վ. Տեր-Առաքելյան). էջ

«Աննա Կարենինան» և «Տոլստոյի գլխավոր ստեղծագործություններից է:

«Պատերազմ և խաղաղությունից» հետո սա հեղինակի երկրորդ սովորածավալ վեպն է, որ ընթերցողի առաջ բացում է ամբողջ մի դարաշրջան:

Վեպում զուգահեռաբար զարգանում է երեք ընտանիքների՝ Կարենինների, Օբլոնսկիների և Լևինների ընտանիքների պատմությունը: Այնուհետև այդ երեք գծերը զարգանալով իրարից անկախ և ուրույն հետաքրքրություններով, միահյուսվում դառնում են մի ամբողջություն, արտահայտելով հեղինակի խոհերը ընտանիքի ճակատագրի մասին՝ տվյալ հասարակության մեջ:

§ $\frac{4702010100 (675) 137}{705 (01) 79}$ 79 «S»

P1
 ԳՄԻ 84. P1

«Սովետական գրող» ճրատարակչություն, Բարգմանված է հայերեն, 1979

ուրիշներին, իմանալով, որ ամեն ինչ կլինի հիանալի: Նրա եղբայր Սերգեյ Իվանովիչը, Ստեպան Արկադևիչը և իշխանուհին ղեկավարում էին նրան այն բանում, թե ի՞նչ պետք է աներ նա: Նա միայն լիովին համաձայն էր այն բոլորին, ինչ առաջարկում էին իրեն: Եղբայրը նրա համար պարտք վերցրեց դրամ, իշխանուհին խորհուրդ տվեց հարսանիքից հետո մեկնել Մոսկվայից: Ստեպան Արկադևիչը խորհուրդ տվեց գնալ արտասահման: Նա ամեն բանի համաձայն էր: «Արեք այն, ինչ ուզում եք, եթե դա ուրախություն է պատճառում ձեզ: Ես բախտավոր եմ, և իմ բախտավորությունը չի կարող լինել ո՛չ ավելի, ո՛չ պակաս, ինչ էլ անելու լինեք», մտածում էր նա: Երբ նա հաղորդեց Կիտին Ստեպան Արկադևիչի խորհուրդը՝ գնալ արտասահման, շատ զարմացավ, որ Կիտին չէր համաձայնում դրան, այլ ուներ իրենց ապագա կյանքի համար իր որոշակի ինչ-որ պահանջները: Կիտին գիտեր, որ Լևինը գյուղում գործ ունի և սիրում է այն: Ինչպես տեսնում էր Լևինը, նա ո՛չ միայն չէր հասկանում այդ գործը, այլև չէր ուզում հասկանալ: Սակայն դա չէր խանգարում նրան՝ համարել այդ գործը շատ կարևոր: Այդ պատճառով իսկ՝ նա գիտեր, որ իրենց տունը կլինի գյուղում, և կամենում էր գնալ ո՛չ թե արտասահման, որտեղ չպիտի ապրի, այլ այնտեղ, որտեղ կլինի իրենց տունը: Որոշակի արտահայտված այդ դիտավորությունը զարմացրեց Լևինին: Բայց որովհետև Լևինի համար միևնույն էր, նա անմիջապես խնդրեց Ստեպան Արկադևիչին, կարծես թե դա նրա պարտականությունն էր՝ գնալ գյուղ ու կարգավորել այնտեղ ամեն ինչ գիտցածի պես և այն ճաշակով, որով այնպես առատորեն օժտված էր նա:

— Սակայն լսի՛ր,— ասաց մի անգամ Ստեպան Արկադևիչը Լևինին՝ գյուղից վերադառնալուց հետո, որտեղ նա ամեն բան սարքել, պատրաստել էր նորապսակների գնալու համար,— դու վկայական ունե՞ս, որ խոստովանվել ես:

— Ո՛չ, Ի՞նչ կա որ:

— Առանց դրան չի՛ կարելի պսակվել:

— Ա՛յ, ա՛յ, ա՛յ,— բացականչեց Լևինը:— Կարծեմ, արդեն ինչ տարի կա, որ ես չեմ ապաշխարել: Մտքովս էլ չի անցել:

— Լա՛վ ես,— ծիծաղելով ասաց Ստեպան Արկադևիչը,—

իսկ ինձ անվանում ես նիհիլիստ: Բայց չէ՞ որ այդպես չի կարելի: Դու պիտի ապաշխարես:

— Էլ ե՞րբ: Մնացել է շորս օր:

Ստեպան Արկադևիչը դա էլ կազմակերպեց: Ու Լևինն սկսեց ապաշխարել: Լևինի համար, որպես չհավատացող մարդու և դրա հետ միասին ուրիշ մարդկանց հավատալիքները հարգող անհատի, շատ ծանր էր ներկա լինել ու մասնակցել եկեղեցական բոլոր ծեսերին: Այժմ, ամեն ինչի հանդեպ զգայուն, ոգու այն փափկացած կացությամբ, որի մեջ գտնվում էր նա, ձեռնալու այդ անհրաժեշտությունը ո՛չ միայն ծանր էր Լևինի համար, այլև թվում էր բոլորովին անհնարին: Այժմ, իր փառքի, իր ծաղկման կացության մեջ, նա պետք է կամ ստեր, կամ սրբապղծեր: Նա իրեն ի վիճակի չէր զգում անելու ո՛չ մեկը, ո՛չ մյուսը: Բայց ինչքան նա հաբցուփործ արեց Ստեպան Արկադևիչին, թե չի՞ կարելի արդյոք վկայական ստանալ առանց ապաշխարելու, Ստեպան Արկադևիչը հայտարարեց, որ անհնարին է այդ:

— Ի՛նչ դա ի՞նչ է քեզ համար՝ երկու օր: Եվ նա շատ համակրելի, խելոք ծերուկ է: Նա քս այդ ատամը այնպես կհանի, որ դու շես էլ նկատի:

Կանգնած առաջին պատարագին, Լևինը փորձեց թարմացնել իր մեջ պատանեկան հիշողություններն այն կրոնական ուժեղ զգացման, որ ապրել էր ինքը տասնվեցից մինչև տասնյոթ տարեկան հասակը: Բայց նա անմիջապես համոզվեց, որ դա իր համար բոլորովին անհնարին է: Նա փորձեց այս բոլորի վրա նայել որպես ո՛չ մի նշանակություն չունեցող դատարկ սովորույթի վրա, ինչպես այցեր անելու սովորույթը. սակայն զգաց, որ դա ևս ո՛չ մի կերպ չի կարող անել: Կրոնի խնդրում Լևինը, ինչպես և նրա ժամանակակիցների մեծամասնությունը, գտնվում էր ամենաանորոշ վիճակում: Հավատալ նա չէր կարող, իսկ դրա հետ միասին հաստատ համոզված չէր, որ այդ ամենն անիրավացի է: Այդ պատճառով, ի վիճակի չլինելով հավատալու այն բանի կարևորությանը, ինչ անում էր ինքը, ոչ էլ անտարբերությամբ նայելու դրա վրա, որպես դատարկ ձևականության, այդ ապաշխարության ամբողջ ընթացքում նա ուներ անհարմար դրություն և ամոթի զգացում, անհիշով այն, ինչ ինքը չէր հասկանում, ուստի, ինչպես ասում

էր նրան ներքին ձայնը, կատարում էր ինչ-որ կեղծ ու վատ բան:

Ժամերգության ժամանակ նա մերթ լսում էր աղոթքները, աշխատելով վերագրել նրանց այնպիսի նշանակություն, որը չէր հակասի իր հայացքներին, մերթ զգալով, որ ինքը չի կարող հասկանալ և պետք է դատապարտի զրանք, նա աշխատում էր չլսել, այլ զբաղվել իր մտքերով, դիտողություններով ու հիշողություններով, որոնք չափազանց վառ կերպով պտտվում էին նրա գլխում՝ եկեղեցում այդպես պարապ կանգնած պահին:

Նա մինչև վերջ կանգնեց պատարագին, երեկոյան ժամասացությանն ու երեկոյան սաղմոսերգությանը և մյուս օրը, վեր կենալով սովորականից ավելի վաղ, առանց թեյ խմելու, առավոտյան ժամը ութին եկավ եկեղեցի՝ լսելու առավոտյան ժամերգությունը և խոստովանվելու:

Եկեղեցում ոչ ոք չկար, բացի աղքատ մի զինվորից, երկու պառավից և եկեղեցու սպասավորներից:

Երիտասարդ սարկավազը, որի բարակ կապայի տակից երևում էր հատորոշ կերպով երկու մասի բաժանված երկար մեջքը, դիմավորեց նրան և, անմիջապես մոտենալով պատի տակ դրած փոքրիկ սեղանին, սկսեց կարդալ եկեղեցական կանոնները: Որքան նա կարդում էր, մանավանդ հաճախ ու արագ կրկնում էր միևնույն խոսքերը՝ «տեր, ողորմյա», որոնք հնչում էին ինչպես «տողորմա, տողորմա», և ինչն զգում էր, որ իր միտքը փակված ու կնքված է և որ հարկավոր չէ այժմ ձեռք տալ, շարժել այն, թե չէ կստացվի խառնափնթորություն, ուստի, կանգնած սարկավազի ետևը, առանց լսելու և խորամուխ լինելու, շարունակում էր զբաղվել իր մտքով: «Ձարմանալի շատ արտահայտություններ ունի Կիտիի ձեռքը», մտածում էր նա, հիշելով, թե ինչպես իրենք նստել էին երեկ անկյունի սեղանի մոտ: Նրանք խոսելու բան չունեին, ինչպես համարյա միշտ այդ ժամանակ, և Կիտին, ձեռքը դնելով սեղանին, բացում ու փակում էր ափը, և ծիծաղեց, նայելով իր ձեռքի շարժմանը: Նա հիշեց, թե ինչպես ինքը համբուրեց այդ ձեռքը և հետո դիտում էր վարդագույն ափի վրա իրար հետ միացող գծերը:— «Նորից տողորմա», մտածեց և կինը, խաչ հանելով, երկրպագելով ու նայելով երկրպագող սար-

կավազի մեջքի ճկուն շարժմանը: «Կիտին հետո վերցրեց իմ ձեռքը և նայում էր գծերը. դու շատ լավ ձեռք ունես,— ասաց նա»: Եվ և կինը նայեց իր ձեռքին ու սարկավազի կարճ ձեռքին: «Այո՛, հիմա շուտով կվերջանա,— մտածում էր նա:— Ո՛չ, կարծեմ էլի սկզբից,— մտածեց նա, ականջ դնելով աղոթքներին:— Ո՛չ, վերջանում է. ահա նա երկրպագում է: Այդպես է միշտ վերջավորությունից առաջ»:

Պլիսե թեաթալքով բոլորած ձեռքով աննկատելիորեն ստանալով երեք ռուբլիանոց մի թղթադրամ, սարկավազն ասաց, որ կգրի, և, նոր կոշիկներն աշխուժորեն հնչեցնելով դատարկ եկեղեցու սալերի վրա, բարձրացավ բեմ: Մի րոպեից հետո նա դուրս նայեց այնտեղից ու ձեռքով կանչեց և կինին: Մինչ այդ փակված միտքը շարժվեց և կինի գլխում, բայց նա շտապեց վանել այն: «Մի կերպ գլուխ կգա», մտածեց նա և գնաց դեպի ամբիոնը: Նա բարձրացավ աստիճանների վրա և շուտ գալով դեպի աջ, տեսավ քահանային: Ծերուկ քահանան, ալեխառն նոսր մորուքով, հոգնած, բարի աչքերով, կանգնել էր գրակալի մոտ ու թերթում էր մաշտոցը: Թեթև ողջունելով և կինին, նա անմիջապես սկսեց սովոր ձայնով կարդալ աղոթքները: Վերջացնելով, նա երկրպագեց ու դեմքով դարձավ և կինին:

— Այստեղ անտեսանելի ներկա է Քրիստոսը, ընդունելով ձեր խոստովանությունը,— ասաց նա ու ցույց տվեց խաչելությունը:— Արդյոք հավատո՞ւմ եք դուք այն բոլորին, ինչ սովորեցնում է մեզ առաքելական սուրբ եկեղեցին,— շարունակեց քահանան, աչքերը շուտ տալով և կինի դեմքից և ծալելով ձեռքերը փորուրարի տակ:

— Ես կասկածում էի, ես կասկածում եմ ամեն բանում,— ասաց և կինն իր համար անախորժ ձայնով ու լռեց:

Քահանան սպասեց մի քանի վայրկյան, թե արդյոք ուրիշ ոչինչ չի՞ ասի նա, և աչքերը փակելով, արագ ասաց, «օ» տառն¹ արտասանելով Վլադիմիրի նահանգի բարբառով:

— Կասկածները հատուկ են մարդկային թուլությունը, բայց մենք պիտի աղոթենք, որպեսզի ողորմած աստված ամ-

¹ Ռուսերենում «օ» տառը շեշտից առաջ արտասանվում է որպես «ա», բայց որոշ նահանգներում այն արտասանում են իր իսկական հնչյունով:

րացնի մեզ: Ի՞նչ առանձին մեղքեր ունեք,— ավելացրեց նա, առանց ամենափոքրիկ ընդմիջումի, կարծես աշխատելով ժամանակ չկորցնել:

— Իմ գլխավոր հանցանքը կասկածն է: Ես ամեն բանում կասկածում եմ և մեծ մասամբ գտնվում եմ տարակուսանքի մեջ:

— Կապի՞սը հատուկ է մարդկային թուլությանը,— կրկնեց նույն խոսքերը քահանան:— Ինչո՞ւմն եք գլխավորապես կասկածում դուք:

— Ես ամեն բանում կասկածում եմ: Ես երբեմն կասկածում եմ նույնիսկ աստծո գոյությանը,— ակամա ասաց Լեինը և սարսափեց իր ասածի անվայելությունից: Սակայն, ինչպես թվում էր, Լեինի խոսքերը տպավորություն չթողեցին քահանայի վրա:

— Ի՞նչ կասկածներ կարող են լինել աստծո գոյության վերաբերյալ,— հազիվ նկատելի ժպտով շտապ ասաց նա: Լեինը լուռ էր:

— Ի՞նչ կասկած կարող եք ունենալ արարչի մասին, երբ դուք նայում եք նրա արարածներին,— շարունակեց քահանան արագ, սովոր խոսելաձևով:— Ո՞վ է զարդարել երկնակամարը լուսատուներով: Ո՞վ է պլընել երկիրն իր գեղեցկությամբ: Ինչպե՞ս կարելի է առանց արարչի,— ասաց նա, հարցական նայելով Լեինին:

Լեինն զգում էր, որ անվայել է փիլիսոփայական վեճի բռնելով քահանայի հետ, ուստի, որպես պատասխան, ասաց միայն այն, ինչ ուղղակի վերաբերում էր հարցին:

— Զգիտեմ,— ասաց նա:

— Զգիտե՞ք: Հապա ինչպե՞ս եք կասկածում, որ աստված է ստեղծել ամեն ինչ,— ուրախ տարակուսանքով ասաց քահանան:

— Ես ոչինչ չեմ հասկանում,— ասաց Լեինը կարմրելով ու զգալով, որ իր խոսքերը տխմար են և որ նրանք չեն կարող տխմար չլինել այդպիսի դրությամբ:

— Աղոթեցեք աստծուն և խնդրեցեք նրան: Նույնիսկ սուրբ հայրերը կասկածներ են ունեցել ու խնդրել են աստծուն իրենց հավատն ամրացնելու մասին: Սատանան ունի մեծ ուժ, և մենք չպիտի ենթարկվենք նրան: Աղոթեցեք աստծուն,

խնդրեցեք նրան: Աղոթեցեք աստծուն,— կրկնեց նա շտապ քահանան մի պահ լռեց, կարծես մտասուզվելով:

— Ինչպես լսեցի, դուք պատրաստվում եք ամուսնանալ իմ ծխականի և հոգևոր որդու՝ իշխան Շչերբացկու աղջկա հետ,— ավելացրեց նա ժպտալով:— Հիանալի աղջիկ է:

— Այո՞,— քահանայի փոխարեն կարմրելով, պատասխանեց Լեինը: «Նրա ինչի՞ն է պետք հարցնել այդ մասին խոստովանության ժամանակ», մտածեց նա:

Եվ, կարծես պատասխանելով նրա մտքին, քահանան ասաց.

— Դուք պատրաստվում եք ամուսնանալ, և զուցե, աստված վարձատրի ձեզ ժառանգներով, այդպես չէ՞: Իսկ ի՞նչ դաստիարակություն կարող եք տալ դուք ձեր մանկիկներին, եթե չհաղթահարեք ձեր մեջ գայթակղեցումը սատանայի, որ դրդում է ձեզ անհավատության,— ասաց նա հեզ կշտամբանքով:— Եթե դուք սիրում եք ձեր որդուն, ապա դուք, որպես բարի հայր, ձեր զավակին կցանկանաք ո՛չ միայն հարստություն, շքեղություն, պատիվ, դուք կկամենաք նրա փրկությունը, նրա մտավոր լուսավորությունը ճշմարտության լույսով: Այնպես չէ՞: Ի՞նչ պիտի պատասխանեք նրան, երբ անմեղ մանկիկը հարցնի ձեզ. «Հայրիկ, ո՞վ է ստեղծել այն բոլորը. ինչ հրապուրում է ինձ այս աշխարհում՝ երկիրը, ջրերը, արևը, ծաղիկները, խոտերը»: Մի՞թե դուք կասեք նրան.

«Զգիտեմ»: Դուք չեք կարող չլիմանալ, թե ինչպե՞ս տեր աստված իր մեծ ողորմածությամբ բացահայտել է ձեզ այդ կամ ձեր երեխան կհարցնի ձեզ .«Ե՞նչ է սպասում ինձ հանդերձյալ կյանքում»: Ի՞նչ կասեք նրան, երբ դուք ոչինչ չգիտեք: Հապա ինչպե՞ս կպատասխանեք դուք նրան: Նրան կթողնեք աշխարհի և սատանայի հրաշալիքներին: Դա լավ չէ,— ասաց նա և կանգ առավ, զլուխը թեքելով կողքի ու նայելով Լեինին բարի, հեզ աչքերով:

Լեինը ոչինչ չպատասխանեց այժմ՝ ո՛չ այն պատճառով, որ չէր ուզում վեճի մտնել քահանայի հետ, այլ այն պատճառով. որ ոչ ոք այդպիսի հարցեր չէր տալիս նրան, իսկ երբ նրա մանկիկները կտան այդ հարցերը, դեռ ժամանակ կլինի մտածելու պատասխանի մասին:

— Դուք մտնում եք կյանքի այն շրջանը,— շարունակեց

քահանան,— երբ պետք է ընտրել ուղի և շնորհվել նրանից: Աղոթեցե՛ք աստծուն, որ պետքի նա իր բարեսրտութեամբ օգնի ձեզ ու ողորմա,— եզրափակեց նա:— Տերն մեր աստված Հիսուս Բրիստոս ողորմածութեամբ և առատաձեռնութեամբ մարդասիրության յուր թողութիւն շնորհեսցե՛ք ձեզ, որդի... — և ավարտելով թողութեան աղոթքը, քահանան օրհնեց ու արձակեց նրան:

Վերադառնալով այդ օրը տուն, Լեինը համակված էր ուրախալի զգացումով, որ անհարմար դրութիւնը վերջացավ ու վերջացավ այնպես, որ ինքն ստիպված չեղավ ստեղծութեան հրահրանից, նրա մեջ մնաց աղոտ հիշողութիւն այն մասին, թե այն, ինչ ասում էր այդ բարի և համակրելի ծերուկը, բնավ այնպես հիմար բան չէր, ինչպես թվում էր նրան սկզբում, և որ այստեղ կա ինչ-որ բան, որը պետք է պարզել:

«Հասկանալի է, որ ո՛չ այժմ,— մտածում էր Լեինը,— այլ երբևիցե հետո»: Լեինն այժմ զգում էր, առաջվանից ավելի շատ, որ իր հոգու մեջ ինչ-որ բան մութ է, անմաքուր, և որ կրոնի խնդրում ինքը գտնվում է նույն այն վիճակում, որն ֆնքն այնպես պարզ տեսնում էր ուրիշների մեջ ու չէր սիրում և որի համար կշտամբում էր իր բարեկամ Սվիյաժսկուն:

Այդ երեկո անցկացնելով իր հարսնացուի հետ, Գոլլիի մոտ, Լեինն առանձնապես ուրախ էր և, բացատրելով Ստեպան Արկադևիչին հուզված այն վիճակը, որի մեջ գտնվում էր ինքը, ասաց, թե ուրախ է զգում իրեն, ինչպես այն շունը, որին սովորեցնում էին թռչել օդակի միջով, և որը, հասկանալով վերջապես ու կատարելով այն, ինչ պահանջվում է իրենից, վնասում է և պոչը շարժելով, աշխույժ թռչկոտում է սեղանների ու պատուհանների վրա:

II

Հարսանիքի օրը Լեինը, համաձայն սովորույթի (բոլոր սովորույթների կատարումը պնդում էին իշխանուհին և Գարիա Ալեքսանդրովնան), շտեպով իր հարսնացուին ու ճաշեց իր իջևանած հյուրանոցում՝ պատահամբ իր մոտ հավաքված երեք ամուրիների հետ. Սերգեյ Իվանովիչը, Կատավասովը, հա-

մալսարանական ընկեր, այժմ բնական գիտութիւնների պրոֆեսոր, որին, պատահելով փողոցում, Լեինը քարշ տվեց իր մոտ, և Չիրիկովը՝ խաչեղբայրը. Մոսկվայի հաշտարար դատավորը, արջորսության մեջ Լեինի ընկերը: Ճաշը շատ ուրախ էր. Սերգեյ Իվանովիչը չափազանց լավ տրամադրութեան էր և զվարճանում էր Կատավասովի օրիգինալութեամբ: Կատավասովն զգալով, որ իր օրիգինալութիւնը գնահատված է ու հասկացված, սնափայլում էր՝ նրանով: Չիրիկովն ուրախ ու բարեսրտորեն սատարում էր ամեն խոսակցութեան:

— Հո գիտեք, թե ինչ ընդունակ տղա էր մեր բարեկամ Կոնստանտին Գիտրիչը,— ասում էր Կատավասովը, ամբիոնի վրա ձեռք բերած սովորութեամբ ծոր տալով արտասանելով բառերը: — Ես ասում եմ բացակաների մասին, որովհետև նա այլևս չկա: Ե՛վ գիտութիւն էր սիրում այն ժամանակ, համալսարանից դուրս գալուց հետո, և՛ շահեր ունեւր մարդկային, իսկ այժմ նրա ընդունակութիւնների կեսն ուղղված է այն բանին, որ խաբի ինքն իրեն, մյուս կեսը՝ որ արդարացնի այդ խաբեութիւնը:

— Ես չեմ տեսել ամուսնութեան ավելի վճռական թշնամի, քան դուք եք,— ասաց Սերգեյ Իվանովիչը:

— Ո՛չ, ես թշնամի չեմ: Ես բարեկամ եմ աշխատանքի բաժանման: Այն մարդիկ, որոնք ընդունակ չեն ոչինչ անելու, պետք է մարդիկ արտադրեն, իսկ մնացածները նպաստեն նրանց լուսավորութեանն ու երջանկութեանը: Ահա՛, թե ինչպե՛ս եմ հասկանում ես: Այդ երկու արհեստը շփոթող մարդկանց թիվը մեծ է շատ: Ես այդ թվից դուրս եմ հաստատ:

— Ի՛նչ բախտավոր կլինեմ ես, երբ իմանամ, որ դուք սիրահարվել եք,— ասաց Լեինը:— Խնդրեմ, ինձ կանչեք հարսանիքի:

— Ես արդեն սիրահարված եմ:

— Այո՛, մաղասածկան վրա: Գիտե՞ս,— դիմեց Լեինը եզրորը,— Միխայիլ Սեմյոնիչը գրում է մի երկ սննդի մասին և...

— Գե՛, դե՛, մի՛ շփոթեք: Միկնույն է, թե ինչի մասին: Բանն այն է, որ իրոք ես սիրում եմ մաղասածուկ:

— Բայց նա չի խանգարի ձեզ՝ սիրելու ձեր կնոջը:

— Նա չի խանգարի, սակայն կինը կխանգարի:

— Ինչո՞ւ :

— Ա՛յ կտեսնե՞ք: Ա՛յ, դուք սիրում եք տնտեսություն, որսորդություն, դե՛, կտեսնե՞ք...

— Այսօր եկել էր Արխիպը, ասում էր, որ Պրուդնիում անհամար իշաթծյամներ կան և երկու արջ, — ասաց Չիրիկովը:

— Նրանց դուք առանց ինձ կրոնե՞ք:

— Դե իհարկե, — ասաց Սերգեյ Իվանովիչը: — Նախօրոք մնաս բարով ասա արջորսությանը, կինդ չի թողնի:

Լեինը ժպտաց: Այն պատկերացումը, թե կինը չի թողնի իրեն, այնպես հաճելի էր, որ նա պատրաստ էր ընդմիշտ հրաժարվելու արջեր տեսնելու բավականությունից:

— Այսուամենայնիվ՝ ավստոս է, որ այդ երկու արջը առանց ձեզ կրոնեն: Իսկ հիշո՞ւմ եք Խապիրովում վերջին անգամ: Հրաշալի որսորդություն կլինե՞ր, — ասաց Չիրիկովը:

Լեինը շէր ուզում հիասթափեցնել նրան, թե կարող է որևէ տեղ որևէ լավ բան լինել առանց Կիտիի, ուստի և ոչինչ չասաց:

— Իզուր չէ, որ սահմանվել է ամուրի կյանքին հրաժեշտ տալու այս սովորույթը, — ասաց Սերգեյ Իվանովիչը: — Ինչպես էլ մարդ երջանիկ լինի, այսուամենայնիվ ավստոս է ազատությունը:

— Խոստովանեցե՞ք՝ ունե՞ք այն զգացումը, ինչ ունի՞ր Գոգուի փեսացուն, որն ուզում էր դուրս թռչել պատուհանից:

— Հավանորեն ունի, բայց չի խոստովանում, — ասաց Կատավասովը և բարձրաձայն քրքրաց:

— Ուրեմն էլ ի՞նչ, պատուհանը բաց է... Գնանք հիմա Տվեր: Մի էգ արջ է, կարելի է վրա տալ որջին: Իսկուպես գնանք ժամը հինգի գնացքով: Իսկ այստեղ՝ ինչպես կուզեն, — ասաց Չիրիկովը ժպտալով:

— Ա՛յ, աստված վկա, — ժպտալով ասաց Լեինը, — չեմ կարող հոգուս մեջ գտնել ավստոսների այդ զգացումն իմ ազատության մասին:

— Ձեր հոգում այժմ այնպիսի քառոս է, որ ոչինչ չեք զբոսնի, — ասաց Կատավասովը: — Սպասեցե՞ք, երբ մի քիչ ուշքի գաք, կգտնե՞ք:

— Ո՛չ, բացի իմ զգացումից (նա շէր ուզում նրա ներկա-

յությունը ասել՝ սիրուց)...) ու երջանկությունից, ես կղղա՞ի, գեթ մի փոքր, որ այնուամենայնիվ ավստոս է ազատության կորուստը... ընդհակառակը, ես ուրախ եմ ազատության հենց այդ կորստի համար:

— Վա՛տ է: Անհուսալի սուբյեկտ, — ասաց Կատավասովը: — Դե՛, խմենք նրա բուժման համար կամ ցանկանք միայն, որ իրագործվի նրա տենչերի գեթ մի հարյուրերորդը: Եվ դա արդեն կլինի այնպիսի բախտավորություն, որի նմանը չի եղել աշխարհիս երեսին:

Ճաշից անմիջապես հետո հյուրերը գնացին, որ կարողանան հագնվել հարսանիքի համար:

Մնալով մենակ ու վերհիշելով այդ ամուրիների խոսակցությունը, Լեինը մի անգամ էլ հարցրեց իրեն. կա՞ր արդյոք իր սրտում ավստոսների այդ զգացումն իր ազատության նկատմամբ, որի մասին ասում էին նրանք: Նա ժպտաց այդ մտքից: «Ազատություն: Ինչի՞ համար է ազատությունը: Երջանկությունը միայն այն է, որ սիրեմ ու ցանկամ, մտածեմ նրա՝ Կիտիի ցանկություններով, նրա մտքերով: Այսինքն՝ ո՛չ մի ազատություն, — ահա սա է երջանկությունը»:

«Բայց գիտե՞մ արդյոք Կիտիի մտքերը, նրա ցանկությունները, նրա զգացմունքները», հանկարծ շնչաց Լեինին ինչ-որ ձայն: Ժպիտը չբացավ նրա դեմքից, և նա մտասուզվեց: Ու հանկարծ նրան համակեց տարօրինակ մի զգացում: Նրան համակեց ահն ու կասկածը: Կասկած ամեն բանում:

«Իսկ եթե նա չի՞ սիրում ինձ: Եթե նա ամուսնանում է ինձ հետ միայն ամուսնացած լինելու համար: Եթե նա ինքը չգիտե այն, ինչ անո՞ւմ է, — հարցնում էր Լեինն ինքն իրեն: Նա կարող է ուշքի գալ և ամուսնանալուց հետո միայն հասկանալ, որ չի սիրում ու չէր կարող սիրել ինձ»: Եվ տարօրինակ, ամենավատ մտքեր Կիտիի մասին սկսեցին գալ Լեինի գլուխը: Լեինը խանդում էր նրան Վոռնսկու հանդեպ, ինչպես մի տարի առաջ, և կարծես այն երեկոն երեկ էր, երբ ինքը տեսավ նրան Վոռնսկու հետ: Լեինը կասկածում էր, որ նա իրեն ասաց ո՛չ ամեն բան:

Լեինն արագ վեր թռավ տեղից. «Ո՛չ, այդպես չի՞ կարելի, — մտածեց նա հուսահատությամբ: — Կիրթամ նրա մտտ, կհարցնեմ, կասեմ վերջին անգամ. մենք ազատ ենք, և ավելի

լավ չէ՞ արդոք կանգ առնել: Ինչ էլ լինի ավելի լավ է, քան մշտական դժբախտությունը, խայտառակությունը, անհավատարմությունը: Սրտի մեջ հուսահատություն և զայրույթ բոլոր մարդկանց դեմ, իր դեմ, Կիտիի դեմ, Լևինը դուրս եկավ հյուրանոցից ու գնաց հարսնացուի մոտ:

Լևինը նրան գտավ ետևի սենյակներում: Նա նստել էր սնդուկին և ինչ-որ բանի մասին կարգադրություն էր անում աղախինն, ջոկջկելով բազմերանգ զգեստների այն կույտերը, որ դարսված էին հատակին ու աթոռների թիկնատեղերին:

— Ա՛խ,— ճշաց նա, տեսնելով Լևինին և ամբողջովին փայլելով ուրախությունից:— Ինչպե՞ս դու, ախր ինչպե՞ս դուք (մինչև այս վերջին օրը Կիտին ասում էր նրան մերթ օգուտ, մերթ օգուտ): Բնավ չէի սպասում: Իսկ ես ջոկջկում եմ իմ օրիորդական զգեստները, թե ո՛ւմ ինչ... — Ա՛, դա շատ լավ է,— ասաց Լևինը, մոռալորեն նայելով աղախինին:

— Գնա, Դունյաշա, ես կկանչեմ հետո,— ասաց Կիտին:— Ի՞նչ է պատահել քեզ,— հարցրեց նա, որոշակի ասելով օգուտ, հենց որ աղջիկը դուրս գնաց: Նա նկատեց Լևինի տարօրինակ դեմքը, հուզված ու մոռալ, և նրա սիրտը վախ ընկավ:

— Կիտի, ես տանջվում եմ: Ես չեմ կարող տանջվել մեռնակ,— ասաց նա հուսաբեկ ձայնով, կանգնելով հարսնացուի դիմաց և աղբրսագին նայելով նրա աչքերին: Լևինն արդեն տեսավ նրա սիրող ճշմարտաշող դեմքից, որ ոչինչ դուրս չի գա այն բանից, ինչ մտադիր էր ինքն ասելու, բայց և այնպես՝ պետք էր, որպեսզի Կիտին համոզե՛ր նրան:— Ես եկա ասելու, որ դեռ ժամանակ կա: Այս բոլորը կարելի է ոչնչացնել և ուղղել:

— Ի՞նչ: Ես ոչինչ չեմ հասկանում: Ի՞նչ է պատահել քեզ:

— Այն, ինչ հազար անգամ ասել եմ և չեմ կարող չմտածել... այն, որ ես արժանի չեմ քեզ: Դու չէիր կարող համաձայնվել ամուսնանալու ինձ հետ: Դու մտածիր: Դու սխալվել ես: Լավ մտածիր: Դու չես կարող սիրել ինձ... Եթե... ավելի լավ է՝ ասա,— ասում էր նա, առանց նայելու իր հարսնացուին:— Ես դժբախտ կլինեմ: Թող մարդիկ ասեն, ի՞նչ կուզեն. ինչ էլ լինի, ավելի լավ է, քան դժբախտությունը... Ավելի լավ է այժմ, քանի դեռ ժամանակ կա...

— Ես չեմ հասկանում,— վախեցած պատասխանեց Կիտին,— այսինքն՝ որ դու ուզում ես հրաժարվե՞լ... որ պետք չէ՞:

— Այո՛, եթե դու չես սիրում ինձ:

— Խելագարվե՛լ ես,— ճշաց Կիտին, կարմրելով սրտենությունից:

Բայց Լևինն ուներ այնպիսի ողորմելի դեմք, որ Կիտին զսպեց իր սրտենդությունը և հագուստները վայր գցելով բազկաթոռից, նստեց նրան ավելի մոտիկ:— Ի՞նչ ես մտածում, ասա բոլորը:

— Ես կարծում եմ, որ դու չես կարող սիրել ինձ: Ինչի՞ համար դու պիտի սիրես ինձ:

— Աստված իմ, ի՞նչ կարող եմ ես...— ասաց Կիտին և լաց եղավ:

— Ա՛խ, ի՞նչ արի ես,— ճշաց Լևինը և ծունկ չոքելով նրա առաջ, սկսեց համբուրել նրա ձեռքերը:

Երբ հինգ րոպեից հետո իշխանուհին մտավ սենյակ, նա տեսավ նրանց բոլորովին հաշտված: Կիտին ո՛չ միայն հավատացրեց նրան, որ սիրում է, այլ նույնիսկ, պատասխանելով նրա հարցին, թե ինչի՞ համար է ինքը սիրում նրան, բացատրեց, թե ինչի՞ համար: Կիտին ասաց, թե ինքը սիրում է նրան այն բանի համար, որ հասկանում է նրան ամբողջովին, նրա համար, որ ինքը գիտե, թե ի՞նչ պետք է սիրի Լևինը, և որ լավ է այն ամենը, ինչ սիրում է նա: Ու դա Լևինին թվաց լիովին պարզ: Երբ իշխանուհին ներս եկավ, նրանք նստել էին իրար կողքի՝ սնդուկի վրա, ջոկջկում էին հագուստները ու վիճում: Կիտին ուզում էր Դունյաշային տալ իր շագանակագույն այն զգեստը, որն ինքը հագել էր, երբ Լևինն առաջարկություն արեց նրան. իսկ Լևինը պնդում էր, որ այդ զգեստը ոչ ոքի չտրվի, որ Դունյաշային տրվի երկնագույնը:

— Ինչպե՞ս չես հասկանում դու: Դունյաշան թխահիր է, և դա չի սազի նրան: Այս բոլորը ես հաշվի եմ առել:

Իմանալով, թե ինչի՞ համար էր եկել Լևինը, իշխանուհին կես կատակով, կես լուրջ՝ բարկացավ ու նրան ուղարկեց տուն, որ հագնվի և շխանդարի Կիտիին սանրվելու, քանի որ հիմա զալու էր Շաուրը:

— Առանց այդ էլ Կիտին ոչինչ չի ուտում այս քանի օրը

և տգեղացել է, իսկ դու քո անհեթեթություններով ավելի փշաքնում ես նրա տրամադրությունը, — ասաց նա Լևինին: — Կնա՛, գնա՛, սիրելի՛ս:

Լևինը հանցավոր և ամոթահար, բայց հանգստացած, վերադարձավ հյուրանոց: Նրա եղբայրը, Դարիա Ալեքսանդրովնան ու Ստեպան Արկադևիչը, ամենքն էլ ոտից զլուխ պճնված, արդեն սպասում էին նրան, որ օրհնեն սրբապատկերով: Ուշանալու ժամանակ չէր: Դարիա Ալեքսանդրովնան պիտի զեռ գնար տուն, որպեսզի վերցնե՛ր անուշահոտ յուղերով օծված և խոպոպիկներով զարդարված իր որդուն, որը հարսնացուի հետ պետք է տաներ սրբապատկերը: Հետո պետք էր կառնիքներից մեկն ուղարկել խաչեղբոր ետևից, իսկ մյուսը, որ տանելու էր Սերգեյ Իվանովիչին, ետ ուղարկել... Առհասարակ խիստ շատ էին շափազանց բարդ նկատառումները: Մի բան անկասկած էր՝ շափազ էր ուշանալ, որովհետև արդեն վեցից անց էր կես:

Սրբապատկերով օրհնությունից բան դուրս չեկավ: Ստեպան Արկադևիչը կոմիկական-հանդիսավոր զիրքով կանգնեց կնոջ կողքին, վերցրեց սրբապատկերը և հրամայելով Լևինին՝ երկրպագել, օրհնեց նրան բարի ու ծաղրական ժպիտով և երեք անգամ համբուրեց նրան. նույն բանն արեց նաև Դարիա Ալեքսանդրովնան և անմիջապես շտապեց գնալ ու նորից խճճվեց կառքերի շարժման նախածրագրումների մեջ:

— Ահա թե ի՛նչ կանենք. դու մեր կառնիքով գնա նրա ետևից, իսկ Սերգեյ Իվանովիչը, եթե այնպես բարի լինե՛ր, որ գնար խաչեղբոր ետևից, ապա ետ ուղարկե՛ր կառնիքը:

— Ինչո՞ւ չէ, ուրախությամբ:

— Իսկ ես ու Կոստյան հիմա կգանք: Իրերն ուղարկվա՞ծ են, — հարցրեց Ստեպան Արկադևիչը Լևինին:

— Ուղարկված են, — պատասխանեց նա և հրամայեց Կուզմային՝ բերել հագուստը:

III

Մարդկանց ամբոխը, մանավանդ կանանց, շրջապատել էր պսակի համար լուսավորված եկեղեցին: Նրանք, ովքեր չէին կարողացել ներս մտնել, խոնվել էին պատուհանների մոտ,

իրար բռնելով, վիճարանելով և նայելով վանդակապատերի միջից:

Ժանդարմները քսանից ավելի կառնիքներ արդեն շարել էին փողոցի երկարությամբ: Ոստիկանական սպան, շնայած սառնամանիքին, կանգնել էր մուտքի մոտ, փայլելով իր համազգեստով: Անընդհատ գալիս էին նոր կառքեր, և մերթ ծաղկազարդ տիկին՝ բարձրացրած շվեյֆով, մերթ տղամարդիկ, հանելով իրենց կեպին կամ սև զլխարկը, մտնում էին եկեղեցի: Եկեղեցում արդեն վառել էին երկու ջահ և բոլոր մոմերը տեղական սրբապատկերների առաջ: Պատկերակալի կարմիր ֆոնի վրա ոսկե փայլփլոցը, և՛ սրբապատկերների արժաթյա քանդակը, և՛ կանթեղների ու մոմակալների աղծաթը, և՛ հատակի սայերը, և՛ խաչվառնիքը վերևում՝ եկեղեցու նախաբեմում, և՛ ամբիոնի աստիճանները, և՛ հին սևույթ գրքերը, և՛ կապաններն ու ժամաշապիկները — բոլորը, բոլորը ողողված էին լույսով: Տաք եկեղեցու աջ կողմում, ֆրակների ու սպիտակ փողկապների, համազգեստների և շոտֆնեբրի՛, թավիշի, ատլասի, մազերի, ծաղիկների, մերկացրած ուսերի ու թևերի և բարձր ձեռնոցների խայտաբղետ հավաքածուի մեջ տեղի ունե՛ր զուսպ ու աշխույժ խոսակցություն, որ տարօրինակ ձևով արձագանք էր գտնում բարձր գմբեթի տակ: Ամեն անգամ, երբ լսվում էր բացվող դռան ճոխչը, խոսակցությունը լռում էր ամբոխի մեջ, և ամենքը նայում էին այն կողմ, սպասելով որ տեսնեն ներս մտնող փեսացուին ու հարսնացուին: Բայց դուռն արդեն բացվում էր ավելի քան տասն անգամ, և յուրաքանչյուր անգամ եկողը կամ ուշացած հյուր էր, որ հարում էր կանչվածների խմբին՝ աջում, կամ հանդիսատես մի կին էր, որ խաբել էր ոստիկանական սպային կամ շարժել էր նրա գուլթը, և միանում էր օտար ամբոխին ձախում: Ե՛վ ազգականները, և՛ կողմնակի մարդիկ արդեն անցել էին սպասումի բոլոր փուլերը:

Սկզբում ենթադրում էին, որ փեսացուն ու հարսնացուն կգան այս բոպեիս, ո՛չ մի նշանակություն չտալով այդ ուշացումին: Հետո սկսեցին ավելի ու ավելի ստեպ նայել դռանը, խոսելով այն մասին, թե չի՞ պատահել արդյոք որևէ բան:

1 Մարդկազուրգ մեռուքս:

Նետո այդ ուշացումը դարձավ արդեն անհարմար հանգամանք, և ազգականներն ու հյուրերը ձևացնում էին, իբր շեն մտածում փեսացուի մասին և զբաղված են իրենց խոսակցությամբ:

Ավագ սարկավազը, կարծես հիշեցնելով իր ժամանակի թանկարժեք լինելու մասին, անհամբերությամբ հազում էր, որից ցնցվում էին պատուհանների ապակիները: Նախարհամում լսվում էր ձանձրացած երգիչների մերթ ձայների փորձը, մերթ խնչոցը: Քահանան անդադար ուղարկում էր մերթ տիրացուին, մերթ սարկավագին՝ իմանալու, թե շեկավ արդյոք փեսացուն, և ինքը մանիշակագույն շուրջառով ու առեղնագործած գոտիով ավելի հաճախ էր դուրս գալիս դեպի կողքի դուռը, սպասելով փեսային: Վերջապես տիկիներին մեկը, նայելով ժամացույցին, ասաց. «Սակայն, տարօրինակ է դա», և բոլոր հյուրերն անհանգստացան ու սկսեցին բարձրաձայն արտահայտել իրենց տարակուսանքն ու դժգոհությունը: Հարսնեղբայրներից մեկը գնաց իմանալու, թե ի՞նչ է պատահել: Կիտին այդ ժամանակ, վաղուց արդեն բոլորովին պատրաստ, սպիտակ զգեստով, երկար քողով և նարնջենու ծաղիկների պսակով, հարսանամոր ու իր կվովա քրոջ հետ կանգնել էր Շչերբացիկների տան դահլիճում և նայում էր պատուհանից դուրս, արդեն կես ժամից ավելի ապարդյուն սպասելով իր խաչեղբորից տեղեկություններ՝ փեսացուի եկեղեցի գնալու մասին:

Մինչ այդ Լեինը անդրավարտիքով, բայց առանց ժիլետի և ֆրակի, ետ ու առաջ էր քայլում իր համարում, անդադար զույմը դուրս հանելով դռնից և դիտելով միջանցքը. սակայն միջանցքում չէր երևում այն մարդը, ում սպասում էր նա. և հուսահատությամբ ետ դառնալով ու ձեռները թափահարելով, դիմում էր հանգիստ ծխող Ստեպան Արկադևիչին.

— Արդյոք, մարդ երբևիցե եղե՞լ է այդպիսի սոսկալի հիմար գրություն մեջ,— ասում էր նա:

— Այո՞, հիմար գրություն է,— հաստատում էր Ստեպան Արկադևիչը, մեղմ ժպիտով: — Բայց հանգստացի՛ր, հիմա կբերեն:

— Ո՛չ, ինչպե՞ս կարելի է,— զուսպ կատաղությամբ ասում էր Լեինը: — Հապա այս տխմար բաց ժիլետնե՛րը: Անհնարին

բան է,— ասում էր նա, դիտելով իր շապկի ճմրթված կուրծքը: — Պատկերացնո՞ւմ ես, եթե իրեն արդեն տարել են երկաթուղու կայարան,— ճշաց նա հուսահատությամբ:

— Այն ժամանակ կհազնես իմը:

— Վաղուց պետք էր անել այդ:

— Լավ չէ ծիծաղելի լինելը... Սպասի՛ր՝ կարգի կգա:

Բանն այն է, որ երբ Լեինը պահանջեց՝ ամեն ինչ բերել հազնվելու համար, Կուզման՝ Լեինի ծերունի ծառան, բերեց ֆրակը, ժիլետը և բոլորը, ինչ պետք էր:

— Հապա շապի՞կը,— ճշաց Լեինը:

— Շապիկը ձեր հագին է,— հանգիստ ժպիտով պատասխանեց Կուզման:

Կուզման շատածեց մաքուր շապիկ թողնելու և հրաման ստանալով՝ ամեն բան դարսել ու տանել Շչերբացիկների մոտ, որտեղից հենց այդ երեկո նորապսակները մեկնում էին գյուղ, նա այդպես էլ արեց ու դարսեց բոլորը, բացի ֆրակից: Շապիկը, որ հագել էր Լեինը առավոտվանից, ճմրթված էր և անտանելի էր բաց կրծքով ժիլետի մեջ: Շչերբացիկներն էլ մոտ ուղարկելը՝ հեռու էր: Ուղարկեցին նորը գնելու: Լակեյը վերադարձավ, բոլոր խանութները փակ էին, կիրակի էր: Ուղարկեցին Ստեպան Արկադևիչի մոտ, բերին շապիկ, բայց անտանելի լայն ու կարճ էր: Ուղարկեցին վերջապես Շչերբացիկների մոտ՝ քանդելու իրերը: Փեսացուին սպասում էին եկեղեցում, իսկ նա, ասես վանդակում փակված դազան, քայլում էր սենյակում. գլուխը հանում, նայում էր միջանցք և սարսափով ու հուսահատությամբ հիշելով թե ինքը ինչե՞ր ասաց Կիտիին, և ի՞նչ կարող է մտածել Կիտին այժմ:

Վերջապես հանցավոր Կուզման, ծանր շնչելով, ներս վազեց սենյակ՝ շապկի հետ:

— Հազիվ հասա: Արդեն դարսում էին սայլի վրա,— ասաց Կուզման:

Երեք րոպեից հետո, առանց նայելու ժամացույցին, որ սրտի վերքը չբերի, Լեինը վազեվազ գնում էր միջանցքով:

— Դրանով արդեն գործը շեկի,— ասում էր Ստեպան Արկադևիչը ժպտերես, առանց շտապելու հետևելով նրան: — Կարգի կգա, կարգի կգա... ասում եմ քեզ:

— Եկան. ահա՛ նա: Ո՞րն է: Նա, որ ավելի ջահել է, հա՛: Մտիկ արեք հարսին, ո՛չ մեռած է, ո՛չ կենդանի, — խոսեցին ամբողջի մեջ, երբ Լեինը հանդիպելով հարսնացուին գլխավոր մուտքի մոտ, նրա հետ միասին մտավ եկեղեցի:

Ստեպան Արկաղեկը պատմեց կնոջը ուշանալու պատճառը, և հյուրերը ժպտալով փափսացին իրար մեջ: Բայց Լեինը ոչինչ ու ոչ ոքի չէր նկատում. նա նայում էր իր հարսնացուին, առանց աչք հեռացնելու նրանից:

Ամենքն ասում էին, որ Կիտին տգեղացել է այդ վերջին օրերը և պսակի ժամանակ բնավ այնպես գեղեցիկ չէ, ինչպես գեղեցիկ էր սովորաբար. բայց Լեինը այդ կարծիքին չէր: Նա նայում էր Կիտիի բարձր սանրվածքին՝ երկար սպիտակ քողով ու սպիտակ ծաղիկներով, բարձր կանգնած ծալքավոր օձիքին, որ առանձին անարատությամբ ծածկել էր կողքերից ու բացել էր առջևից նրա երկար վիզը, նայում էր նրա գարմանալի բարակ իրանին, և Լեինին թվում էր, որ իր հարսնացուն ավելի լավ է, քան երբևիցե, ո՛չ այն պատճառով, որ այդ ծաղիկները, այդ քողը, Փարիզից ստացված այդ զգեստը որևէ բան էին ավելացնում նրա գեղեցկությանը, այլ այն պատճառով, որ շնայած այդ պերճազգեստի պատրաստած շքեղությանը, նրա համակրելի դեմքի, նրա հայացքի, նրա շարժումների արտահայտությունը էլի նույն առանձնահատուկ արտահայտությունն էին անմեղ շիտակության:

— Ես արգեն կարծում էի, որ դու ուզում էիր փախչել, — ասաց Կիտին ու ժպտաց նրան:

— Ինձ հետ պատահածն այնպիսի հիմար բան է, որ քաշվում եմ ասել, — ասաց նա կարմրելով և ստիպված էր գիմեղու մոտ եկած Սերգեյ Իվանովիչին:

— Լա՛վ բան է քո շապկի պատմությունը, — ասաց Սերգեյ Իվանովիչը, գլուխն օրորելով ու ժպտալով:

— Այո՛, այո՛, — պատասխանեց Լեինը առանց հասկանալու թե ի՛նչ են ասում իրեն:

— Դե՛, Կոստյա, այժմ պետք է վճռել մի կարևոր հարց, — ասաց Ստեպան Արկաղեկը շինծու-վախեցած տեսքով: — Դու հատկապես այժմ ի վիճակի ես գնահատելու դրա ամբողջ

կարևորությունը: Ինձ հարցնում են. կիսավա՞ռ մոմերը վառել, թե՞ չվառվածները: Տարբերությունը տասը ուրլի է, — ավելացրեց նա, հավաքելով շրթունքները, ժպտով: — Ես վճռեցի, բայց վախենում եմ, որ դու չհամաձայնես:

Լեինը հասկացավ, որ դա կատակ էր, բայց չկարողացավ ժպտալ:

— Ուրեմն ինչպե՞ս՝ չվառածներ՞ը, թե՞ կիսավառները. ահա՛ հարցը:

— Այո՛, ա՛յո, չվառածները:

— Է՛հ, շատ ուրախ եմ: Հարցը վճռված է, — ասաց Ստեպան Արկաղեկը ժպտալով: — Սակայն, ինչպես տխմարանում են մարդիկ այս դրուձյան մեջ, — ասաց նա Ձիրիկովին, երբ Լեինը, նրան շվարած նայելուց հետո, մոտեցավ հարսնացուին:

— Տե՛ս, Կիտի, առաջինը դու կանգնիր գորգի վրա, — ասաց կոմսուհի Նորդստոնը, մոտենալով: — Լա՛վ եք դուք, — դիմեց նա Լեինին:

— Շ՛ր, սարսափելի չէ՞, — ասաց Մարիա Դմիտրիևնան, պտռավ հորաքույրը:

— Հո չե՞ս մրսում: Դու սփրթնած ես: Կա՛ց, կռացի՛ր, — ասաց Կիտիի քույր Լվովան և բոլորածև բարձրացնելով իր գեղեցիկ գեր թևերը, ժպտալով ուղղեց ծաղիկները քոջ գլխին:

Մոտեցավ Դոլլին, ուզում էր մի բան ասել, բայց չկարողացավ, լաց եղավ և անբնականորեն ծիծաղեց:

Կիտին նայում էր ամենքին նույնպիսի բացակայող աչքերով, ինչպես և Լեինը: Իրեն ուղղված բոլոր խոսքերին Կիտին կարողանում էր պատասխանել միայն երջանկության ժրպիտով, որ այժմ այնքան բնական էր նրան:

Մինչ այդ եկեղեցու պաշտոնյաներն զգեստավորվեցին, և քահանան ու սարկավազը դուրս եկան, մոտեցան գրակալին, որ դրված էր եկեղեցու գավթում: Քահանան դիմեց Լեինին, ասելով ինչ-որ բան: Լեինը չլսեց այն, ինչ ասաց քահանան:

— Բռնեք հարսնացուի ձեռքից ու տարեք, — ասաց խաչեղբայրը Լեինին:

Լեինը երկար ժամանակ չէր հասկանում, թե ի՛նչ էին պահանջում իրենից: Երկար ժամանակ ուղղում էին նրան և

ուզում էին արդեն թողնել,— որովհետև նա շարունակ բռնում էր ո՛չ այն ձեռքով կամ ո՛չ այն ձեռքը,— երբ նա հասկացավ վերջապես, որ պետք էր աչ ձեռքով բռնել հարսնացուի աչ ձեռքը, հենց առանց փոխելու իր դիրքը: Երբ վերջապես նա բռնեց հարսնացուի ձեռքը՝ ինչպես պետք էր, քահանան մի քառի քայլ առջև նրանց առջևից ու կանգնեց գրակալի մոտ: Ազգականների և ծանոթների ամբողջ, դժալով խոսակցությունը և շրջուն բարձրացնելով շեյֆներով, շարժվեց նրանց ետևից: Մեկը կռանալով ուղղեց հարսնացուի շեյֆը: Եկեղեցում տիրեց այնպիսի լուսթյուն, որ լսվում էր մոմի կաթիլների ձայներ:

Կամիլավկայով ծերունի քահանան, արծաթափայլ ճերմակ մազափնջով, ականջների ետևում երկու մասի բաժանած, ազատելով ծերունական ձեռքերը մեջքին ոսկե խաչով արծաթյա ծանր շուրջառի տակից, ինչ-որ բան էր ընտրում զբոսակալի մոտ:

Ստեպան Արկազեիչն զգուշ մոտեցավ նրան, ինչ-որ բան շնչաց և աչքով անելով Լեինին, նորից ետ գնաց:

Քահանան վառեց ծաղիկներով զարդարված երկու մոմերը, բռնեց ձախ ձեռքում՝ թեքած մի կողքի, այնպես որ մոմը հալվում, կաթում էր դանդաղ, ու շուտ եկավ դեպի նորապսակները: Դա նույն քահանան էր, որ խոստովանեցրել էր Լեինին: Նա հոգնած և թախծոտ հայացքով նայեց փեսային ու հարսին, հառաչեց և աչ ձեռքը դուրս հանելով շուրջառի տակից, օրհնեց նրանով փեսային և նույնպես, բայց զգուշ քնքշությամբ դրեց ծալած մատները Կիտիի խոնարհած գլխին: Հետո նա մոմերը տվեց նրան ու վերցնելով բուրվառը, դանդաղ հեռացավ:

«Մի՞թե սա իրական է» մտածեց Լեինը ու նայեց հարսնացուին: Նա մի փոքր վերևից տեսնում էր Կիտիի պրոֆիլը, և նրա շուրթերի ու արտևանունքների հագիվ նկատելի շարժումից իմացավ, որ Կիտին զգաց իր հայացքը: Կիտին ետ շնայեց, բայց ծալքավոր բարձր օձիքը շարժվեց, բարձրանալով դեպի նրա վարդագույն փոքրիկ ականջը: Լեինը տեսավ, որ հառաչանքը կանգ առավ իր հարսնացուի կրծքում, և բարձր ձեռնոցի մեջ ցնցվեց փոքրիկ ձեռքը, որ բռնել էր մոմը:

Շապկի հետ կապված ամբողջ իրարանցումը, ուշանալը, ծանոթների ազդեցականների հետ եղած խոսակցությունը,

նրանց դժգոհությունը, իր ծիծաղելի դրությունը— այս բոլորը հանկարծ շքացավ, և նրան համակեց ուրախության ու սարսափի զգացումը:

Բարձրահասակ, գեղեցիկ ավագ սարկավագը, արծաթյա ժամաշապկով, երկու կողքի վրա սանրած կանգուն խոպուպիկներով, առույզ առաջ անցավ և, սովոր շարժումով ուրարը բարձրացնելով երկու մատի վրա, կանգնեց քահանայի դիմաց:

«Օրհ-նյա տեե՛ր», դանդաղ, իրար ետևից, տատանելով օդի ալիքները, լսվեցին հանդիսավոր հնչյունները:

«Օրհնյալ տեր մեր Հիսուս Քրիստոս այժմ և միշտ և հավիտյան», հեզությամբ ու քաղցրաձայն պատասխանեց ծերուկ-քահանան, շարունակելով ինչ-որ բան ընտրել գրակալի վրա: Եվ լցնելով ամբողջ եկեղեցին՝ լուսամուտներից մինչև կամարները, ներդաշնակ ու լայնալի, բարձրացավ, ուժեղացավ, մի վայրկյան կանգ առավ ու մեղմորեն մարեց անտեսանելի երգեցիկ խմբի լրիվ ակկորդը:

Աղոթում էին, ինչպես միշտ, ի վերուստ խաղաղության ու փրկության համար, սինոդի համար, կայսեր համար, աղոթում էին նաև այժմ նշանադրվող՝ աստծո ծառա Կոնստանտինի և աստծո աղախին Եկատերինայի համար:

«Վասն պարգևելո սոցա սեր կատարյալ և առաքինի վարս և օգնություն, զտեր աղաչեսցուք»,— կարծես շնչում էր ամբողջ եկեղեցին ավագ սարկավագի ձայնով:

Լեինը լսում էր այդ խոսքերը, և նրանք զարմացնում էին նրան: «Ինչպե՞ս հասկացան նրանք, որ օգնություն է պետք, հատկապես օգնություն,— մտածում էր նա, մտաբերելով մոտիկ անցյալի իր վախճ ու կասկածները:— Ի՞նչ գիտեմ ես, ի՞նչ կարող եմ անել ես այդ սարսափելի բանում առանց օգնության,— մտածում էր նա:— Իրոք որ, այժմ ինձ օգնություն է պետք»:

Երբ սարկավագը վերջացրեց մաղթանքը, քահանան գիրքը ձեռքին դիմեց նշանվածներին:

«Տեր աստված հավիտենական,— կարդում էր նա հեզ, երգածորուն ձայնով,— որ զանդույզս և զբացորոշյալս զուզակցես միաբանությամբ սիրո և կապես անքակտելի. որպես օրհնեցեր զիսահակ և զմեբեկա և ժառանգ զնոսա քո ալևետյացն երևեսցուցեր: Դո՛ւ տեր, ողորմած և մարդասեր աստված»:

օրհնյա զծառայս քո Կոնստանտին և զաղախին քո Եկատերինա, առաջնորդելով սոցա ի գործս բարիս, զնալ ի ճանապարհս արդարության և առնել զհաճույսն առաջի քո, ողորմած և մարդասեր տեր աստված մեր: Եվ քեզ վայել է փառք, իշխանութիւն և պատիվ այժմ և միշտ և հավիտյանս. ամեն»:—«Ամեն» նորից ձգվեց, տարածվեց օդի մեջ՝ անտեսանելի երգեցիկ խումբը:

«Զանդույզս և զբացորոշյալս զուզակցես միաբանությամբ սիրո»,—որքան խորիմաստ են այս բառերը և ինչպե՞ս համապատասխանում են այն բանին, ինչ զգում է մարդ այս բուպին,—մտածում էր Լեինը:—Արդյոք զգո՞ւմ է Կիտին նույն բանը, ինչ որ ես»:

Եվ գլուխը շուտ տալով, նա հանդիպեց Կիտիի հայացքին:

Եվ այդ հայացքի արտահայտութիւնից նա եզրակացրեց, որ իր հարսնացուն էլ հասկանում է նույնը, ինչ որ ինքը: Բայց դա ճիշտ չէր. Կիտին համարյա բոլորովին չէր հասկանում ծիսակատարութեան բառերը և նույնիսկ չէր լսում դրանք նշանօրհնութեան միջոցին: Նա չէր կարող լսել ու հասկանալ դրանք, այնքան զորեղ էր այն միակ զգացումը, որով համակվել էր նրա հոգին և ավելի ու ավելի ուժեղանում էր: Այդ զգացումն այն բանի լիովին կատարման ուրախութիւնն էր, որն արդեն մեկուկես ամիս կատարվում էր նրա հոգում և որն այս վեց շաբաթվա ընթացքում ուրախացնում ու տանջում էր նրան: Այն օրը, երբ Կիտին իր շաղանակագույն զգեստով Արբատյան տան դահլիճում լուռ մտտեցավ Լեինին ու հանձնվեց նրան, Կիտիի հոգում այդ օրը և այդ ժամին կատարվեց լիովին խզում առաջվա ամբողջ կյանքից, ու սկսվեց բոլորովին ուրիշ, նոր, նրան միանգամայն անծանոթ կյանք, իսկ իրապես շարունակվում էր հինը: Այդ վեց շաբաթը նրա համար ամենաերջանիկ և ամենատանջալից ժամանակն էր: Նրա ամբողջ կյանքը, նրա բոլոր ցանկութիւնները, հույսերը կենտրոնացել էին միայն այդ, նրա համար դեռ անհասկանալի մարդու վրա, որի հետ նրան կապում էր է՛լ ավելի անհասկանալի, քան այդ մարդն էր, մի զգացում, մերթ՝ մերձեցնող, մերթ՝ վանող, բայց այնուհանդերձ նա շարունակում էր ապրել առաջվա կյանքի պայմաններում: Ապրելով հին կյանքով, նա սարսափում էր ինքն իրենից, իր անհաղթահարելի բացարձակ անտարբերու-

թիւնից դեպի իր ամբողջ անցյալը՝ դեպի իրերը, սովորույթները, դեպի մարդիկ, նրան սիրած ու սիրող, դեպի մայրը, որ վշտացել էր այս անտարբերութիւնից, դեպի համակրելի, քնքուշ հայրը, որ առաջ ամեն բանից ավելի սիրելի էր աշխարհի երեսին: Մերթ նա սարսափում էր այս անտարբերութիւնից, մերթ ուրախանում էր այն բանի համար, ինչը բերել, հասցրել էր իրեն այս անտարբերութեանը: Նա ոչինչ մտածել, ոչինչ ցանկալ չէր կարող այդ մարդու հետ եղած կյանքից դուրս. բայց այդ նոր կյանքը դեռ գոյութիւն չուներ, և նա նույնիսկ չէր կարողանում պարզ պատկերացնել այն: Կար միայն սպասողականութիւն, նորի ու անհայտի վախը և ուրախութիւնը: Եվ այժմ ահա՛ սպասողականութիւնը, և՛ անհայտութիւնը, և՛ նախկին կյանքից հրաժարվելու զղջումը — բոլորը կվերջանա ու կսկսվի նորը: Այդ նորը չէր կարող սարսափելի չլինել իր արտահայտութեամբ. բայց սարսափելի է, թե սարսափելի չէ, այն արդեն կատարվել է նրա հոգում վեց շաբաթ սրանից առաջ, իսկ այժմ միայն նվիրագործվում է այն, որը վաղուց արդեն կատարվել էր նրա հոգում:

Նորից դառնալով գրակալին, քահանան դժվարութեամբ բռնեց Կիտիի փոքրիկ մատանին և պահանջելով Լեինի ձեռքը, դրեց նրա մատի առաջին հոգին: «Նշանի ծառայս աստուծո Կոնստանտին ընդ աղախնույս աստուծո Եկատերինա»: Եվ զնելով մեծ մատանին Կիտիի վարդագույն, փոքրիկ, իր թուլութեամբ խղճուկ մատը, քահանան ասաց նույնը:

Նշանվողները մի քանի անգամ ուզում էին հասկանալ, թե ի՞նչ պետք է անել, և ամեն անգամ սխալվում էին, ու քահանան շուտով ուղղում էր նրանց: Վերջապես անելով այն, ինչ պետք էր, խաշակներով նրանց մատանիներով, նա նորից մեծ մատանին հանձնեց Կիտիին, իսկ փոքրը՝ Լեինին. նրանք նորից շփոթվեցին, և երկու անգամ մատանին անցավ ձեռքից ձեռք, այնուամենայնիվ, չէր ստացվում այն, ինչ պահանջվում էր:

Դուլին, Չիրիկովը, և Ստեպան Արկազևիչն առաջ անցան՝ ուղղելու նրանց: Տեղի ունեցավ իրարանցում, փսփոց, երևացին ժպիտներ, բայց հանդիսավոր սիրահույզ արտահայտութիւնը նշանվողների դեմքին չփոխվեց. ընդհակառակը, ձեռ-

քերը շփոթելով, նրանք նայում էին ավելի լուրջ ու ավելի հանդիսավոր, քան առաջ, և Ստեպան Արկադևիչի շրթունքներին ակամա սառեց այն ժպիտը, որով նա շնչաց, որպեսզի այժմ յուրաքանչյուրը դներ իր մատանին: Նրան թվում էր, որ ամեն ժպիտ կվիրավորի նրանց:

«Վասնզի դու, տեր, նախ ստեղծեք զմարդն, ապա զկիսն,— կարդաց բահանան մատանիները փոխելուց հետո,— և օրհնեցեր, ասելով, աճեցեք և բազմացարուք և լցրեք զերկիր և տիրեցեք դմա: Օրհնյա զուխտս դայս նշանադրության ծառայից քոց, զի դու ժամանեցուցեր զսոսա զօրհնութուն բաղցրության քո և հաստատեցեր անսուտ բանիվդ, թե զօր աստված զուզյաց, մարդ մի՛ մեկնեացե: Որպեսզի կեցյալք սրդարությամբ, ըստ հաճոյից կամաց քոց բարեսիրաց, տեսցեն զորդիս որդոց յուրյանց: Եվ այժմ աղաչեմք զքեզ, տեր, օրհնյա՛ զնշանադրութունս զայս՝ ծառայիս քո Կոնստանտինի և աղախնիս քո Եկատերինայի, անարատ պահելով զսոսա հոգևոր սիրով և միաբանությամբ ի կյանս հայսոսիկս...»

Լեինն ավելի ու ավելի զգում էր, որ ամուսնության մասին իր բոլոր մտքերը, իր տենչերն այն մասին, թե ինչպե՛ս ինքը կշաստվորի իր կյանքը, որ այս բոլորը երեխայութուն է և որ դա այնպիսի մի բան է, ինչը մինչև այսօր չէր հասկանում ինքը և այժմ ավելի քիչ է հասկանում, թեև դա կատարվում է իրենց յիսին. նրա կրծքում ավելի ու ավելի լեռնանում էր սարսափը, և անհնազանդ արցունքներ էին երևում նրա աչքերում:

V

Եկեղեցի էին եկել ամբողջ Մոսկվան, ազգականներն ու ծանոթները: Եվ նշանադրության ծեսի ժամանակ, եկեղեցու շքեղ լուսավորության մեջ, պերճազգեստ կանանց, աղջիկների և սպիտակ փողկապներով, ֆրակներով ու համազգեստներով տղամարդկանց շրջանակում չէր լուռ վայելուչ մեղմ խոսակցությունը, որ զլիսավորապես սկսում էին տղամարդիկ, մինչդեռ կանայք կլանված էին իրենց միշտ այնպես հուզող և վիրագործության բոլոր մանրամասները դիտելով:

Հարսնացուին մոտիկ կանգնած խմբում գտնվում էին նրա

երկու քույրերը—ավագը՝ Դուլին և անդորր գեղեցկուհի Լվովան, որը եկել էր արտասահմանից:

— Այդ ի՞նչ բան է, ինչո՞ւ է Մարին պսակի եկել մանիշակագույն զգեստով, կարծես սև լինի,— ասում էր Կորսունսկայան:

— Նրա դեմքի այդպիսի գույնով զա միակ փրկութունն է... — պատասխանեց Դրուբեցկայան: — Ծա զարմանում եմ, ինչո՞ւ նրանք այսպես արին երեկոյան: Դա վաճառականներին...»

— Ավելի գեղեցիկ է: Ծա էլ պսակվեցի երեկոյան,— պատասխանեց Կորսունսկայան ու հառաչեց, հիշելով, թե ի՞նչ գեղեցիկ էր ինքն այն օրը, թե ինչպե՛ս ծիծաղելի կերպով սիրահարված էր իրեն ամուսինը և ինչպե՛ս այժմ ամեն բան այլ է:

— Ասում են, ով տասից ավելի անգամ է խաչեղբայր լինում, նա չի ամուսնանում. ես ուզում էի լինել տասներորդը, որպեսզի ապահովագրեի ինձ, բայց տեղը բռնված էր,— ասում էր կոմս Սինյավինը սիրուն իշխանազնուհի Չարսկայային, որն աչք ուներ նրա վրա:

Չարսկայան պատասխանեց նրան միայն ժպիտով: Նա նայում էր Կիտիին, մտածելով այն մասին, թե ինչպե՛ս և ե՛րբ ինքը կոմս Սինյավինի հետ կկանգնի Կիտիի դիրքում և ինչպե՛ս այն ժամանակ կհիշեցնի նրան այժմյան նրա կատակը:

Շչերբացկին ասում է պառավ Ֆրեյլինա Նիկոլաևային, որ ինքը մտադիր է պսակը դնել Կիտիի շինյոնին¹, որպեսզի նա բախտավոր լինի:

— Պետք չէր շինյոն հագնել,— պատասխանեց Նիկոլաևան, որը վաղուց վճռել էր, եթե իր հետ ամուսնանա ծերայրին, որին որսում էր, հարսանիքը կլինի շափազանց պարզ:— Ծա չեմ սիրում այդ ֆաստը:

Սերգեյ Իվանովիչը խոսում էր Դարիա Դմիտրիևնայի հետ, կատակով հավատացնելով նրան, թե հարսանիքից հետո այլ տեղ գնալու սովորույթը տարածվում է այն պատճառով, որ նորապսակները միշտ մի փոքր ճնշվում են:

— Ձեր եղբայրը կարող է պարծենալ: Հարսնացուն սքանչելի է: Ինձ թվում է, դուք նախանձում եք:

¹ Կեղծ մագերից շինած կանանց գլխազարդ:

— Այդ զգացումը ես արդեն ապրել, անցել եմ, Գարիա Գմիտրիկենա,— պատասխանեց նա, և նրա դիմքը հանկարծ ընդունեց տխուր ու լուրջ արտահայտություն:

Ստեպան Արկադևիչը պատմում էր թե՛նուն իր բառախաղը «Ուսուցիչ» մասին:

— Պետք է ուղղել պսակը,— պատասխանեց թե՛նին, շլսելով նրան:

— Ափսո՛ս, որ Կիտին այդպես տգեղացել է,— ասում էր կոմսուհի Նորդաստոնը Վլովային:— Այսուամենայնիվ նա շարժե Կիտիի մի մատը: Այնպես չէ՞:

— Ո՛չ, նա ինձ դուք է գալիս շատ: Ո՛չ այն պատճառով, որ նա իմ ապագա beau-frère-ն է,— պատասխանեց Վլովան:— Եվ ինչպե՛ս լավ է պահում նա իրեն: Մինչդեռ, այդ դրություն մեջ այնպես դժվար է իրեն լավ պահել, այսինքն՝ ծիծաղելի շլինել: Իսկ նա ծիծաղելի չէ, ոչ էլ բռնազրոսիկ, երևում է, որ նա զգացված է:

— Կարծեմ, դուք սպասո՞ւմ էիք զրան:

— Համարյա, Կիտին միշտ սիրում էր նրան:

— Հիմա տեսնե՞ք, թե նրանցից ո՞վ առաջինը կկանգնի գորգի վրա: Ես խորհուրդ տվի Կիտիին:

— Միևնույն է,— պատասխանեց Վլովան,— մենք ամենքս հնազանդ կին ենք, դա մեր տոհմական հատկությունն է:

— Իսկ ես այդպես դիտմամբ առաջինը կանգնեցի Վասիլի հետ: Իսկ դո՞ւք, Դոլլի:

Դոլլին կանգնել էր նրանց մոտ, լսում էր նրանց խոսակցությունը, բայց չպատասխանեց: Նա զգացված, հուզված էր: Արցունքները լճացել էին նրա աչքերում, և նա չէր կարող ոչինչ ասել, որ շարտասվեր: Նա ուրախ էր Կիտիի ու Լեինի համար. մտքով վերադառնալով դեպի իր պսակը, նա նայում էր կենսափայլ Ստեպան Արկադևիչին, մոռանում էր ամբողջ ներկան և հիշում էր միայն իր առաջին անմեղ սերը: Նա հիշում էր ո՛չ միայն իրեն, այլև իրեն մոտիկ ու ծանոթ բոլոր կանանց. նա հիշեց նրանց մասին՝ նրանց համար միակ հանդիսավոր այն ժամանակը, երբ նրանք, Կիտիի նման, կանգնել էին պսակի տակ, սրտները լցված սիրով, հույսով ու երկյուղով, հրաժարվելով անցյալից և մտնելով խորհրդավոր ապագայի մեջ: Բոլոր այդ հարսնացուների թվում, որոնք նրա միտն էին գալիս,

նա հիշեց նաև իր սիրելի Աննային, որի ենթադրվելիք ապահարզանի վերաբերյալ մանրամասները նա լսեց նորերս: Նա՛ ևս այդպես անարատ կանգնած էր նարնջենու ծաղիկներով և քողով: Իսկ հիմա՞:— «Սարսափելի տարօրինակ է»,— ասաց նա:

Միայն քույրերը, բարեկամները և ազգականները չէին, որ հետևում էին նվիրագործության մանրամասներին. այլև կողմնակի հանդիսատես կանայք. շնչները պահած, հուզմունքով հետևում էին, չլինի թե բաց թողնեն փեսացուի ու հարսնացուի դեմքի որևէ շարժումը, արտահայտությունը և դժկամորեն կին պատասխանում ու հաճախ չէին էլ լսում տղամարդկանց ասածը, որոնք զվարճալի կամ կողմնակի դիտողություներ կին անում:

— Իսկ ինչի՞ է էդպես լացակուժած: Թե՞ անհոժար է գնում:

— Էդպիսի տղամարդուն անհոժար՝ Տեսնես իշխա՞ն է:

— Օպիտակ ատյասովը քո՞ւյրն է: Դե՛, լսի՛ր, թե ո՞նց հիմա սարկավազը կգրռա. և պի՛նն երկնչիցի հառնե յուրմե՛ս:

— Չուղովի՞ցն են:

— Սինոդինն են՝:

— Ես հարցրի ծառային: Ասում է, էս բոպեիս տանում է իր հայրենակալվածքը: Շատ հարուստ է, ասում են: Դրա համար են տվել:

— Չէ՛, լավ զույգ է:

Մարիա Վասիլենա, դուք վիճում էիք, ասում էիք, թե լայն են հագնում կարնալինը՞: Մի նայիր պյուսե՞՞ հագուստով այն կնոջը, դեսպանի կին է, ասում են. ո՞նց է կիպ տված... էնպես, հետո էլի էսպես:

— Ի՞նչ անուշիկն է հարսնացուն, ոնց որ զարդարված գառնուկ: Ի՞նչ կուզեք՝ ասեք, մեղք է կին ասածդ:

Այդպես էին խոսում այն հանդիսատես կանանց ամբոխի մեջ, որոնք կարողացան ներս խցկվել եկեղեցու դռնից:

¹ Հարց ու պատասխանը երգեցիկ խմբի մասին է. երգիչները Չուլո՞վ վանքի խումբն են, թե՛ Սինոդի:

² Կարնալիքը կրկնույն բառի աղավաղումն է (կրկնույն—բարակ երկաթաթալարերի բոլորածև ցանցի վրա կարած հագուստ):

³ Պյուս՝ ֆրանսերեն նշանակում է լու. այստեղ խոսքը վերաբերում է զգեստի գույնին, այսինքն՝ մուգ շագանակագույն:

նոր նշանադրութեան ծեսը վերջացավ, եկեղեցու սպասավորը փոստը գրակալի առաջ՝ եկեղեցու մեջտեղում, մի կտոր վարդապետի մետաքսե գործվածք, խումբը երգեց ճարտարի մաստ ու բարդ մի սաղմոս, որի մեջ բանն ու տենորը ձայնարկում էին իրար, և քահանան շուտ գալով, նշեց նշանվածներին փոստ գործվածքի մետաքսե կտորը: Ինչքան էլ հաճախ ու շատ անգամ լսել էին երկուսն էլ, թե ով առաջինը ոտքը դնի գորգի վրա, նա կլինի ընտանիքի գլուխը, այնուամենայնիվ ո՛չ Լևինը, ո՛չ Կիտին չկարողացան հիշել այդ մասին, երբ նրանք արին այդ մի բանի քայլը: Նրանք չլսեցին ո՛չ բարձրաձայն նկատողությունները, ո՛չ էլ վեճերն այն մասին, թե ոմանց դիտողությունը, փեսան առաջինը կանգնեց, իսկ մյուսների կարծիքով, երկուսն էլ միաժամանակ կանգնեցին:

Նշանվածների ամուսնանալու ցանկության մասին, նաև՝ թե ուրիշներին հո խոսք տված չե՞ն եղել, սովորական հարցերից ու նրանց տված՝ իրենց համար տարօրինակ հնչող պատասխաններից հետո սկսվեց նոր ժամերգություն: Կիտին լսում էր աղոթքի խոսքերը, կամենալով հասկանալ դրանք, բայց չէր կարողանում: Հանդիսավորության ու պայծառ ուրախության զգացումը ծիսակատարության ընթացքում ավելի ու ավելի համակում էր նրա հոգին և զրկում էր նրան հասկանալու հնարավորությունից:

Աղոթում էին. «Որպեսզի կեցյալը արդարությունը, ուստի հաճույից կամաց քոց բարեսիրաց, տեսնեն զորդիս որդու յուրյանց և դստերց»: Հիշատակվում էր այն մասին, որ աստված կնոջն ստեղծեց Ադամի կողից, և ավասն այսօրիկ թողցե այլ զհայր յուր և զմայր յուր և երթիցն զհետ կնոջ յուրո, և եղիցին երկոքյան ի մարմին մի»: Խնդրում էին, որ աստված տա նրանց պտղաբերություն և իր օրհնությունը, ինչպես Իսահակին ու Ռեբեկային, Հովսեփին, Մովսեսին ու Հոսեփին, և որ նրանք տեսնեն իրենց որդոց որդիներին: «Այս բոլորը հիանալի է,— մտածում էր Կիտին, լսելով այդ խոսքերը,— այս բոլորը չի կարող այլ կերպ լինել», և ուրախության այն ժպիտը, որն ակամա հաղորդվում էր բոլոր նրան նայողներին, փայլում էր նրա պայծառացած դեմքին:

— Լրիվ հազցրե՞ք.— լսվեցին այս ու այն կողմից խորհուրդներ, երբ քահանան դրեց նրանց գլխին պսակները, և Շչերբացկին, երեք կոճականոց ձեռնոցի մեջ դողողուն ձեռքով, բարձր բռնել էր պսակը Կիտիի գլխին:

— Հազցրե՞ք,— շնչաց Կիտին ժպտալով:

Լևինը նայեց նրան և ապշեց այն ցնձազին փայլից, որ շողում էր նրա դեմքին. և այդ զգացումն ակամա հաղորդվեց իրեն: Ինքը նույնպես, ինչպես իր հարսնացուն, լցվեց պայծառությունով և ուրախությամբ:

Նրանց համար ուրախալի էր լսել առաքելական թղթի ընթերցումը և ավագ սարկավագի ձայնի դղրդյունը վերջին տունը կարդալիս, որին կողմնակի հասարակությունը սպասում էր այնպիսի անհամբերությամբ: Ուրախալի էր խմել տափակ գավաթից ջրախառն տաք դինին և ավելի ուրախալի եղավ, երբ քահանան, ետ գցելով շուրջառը ու վերցնելով նրանց երկու ձեռքն իր ձեռքի մեջ, տարավ, պատեցրեց նրանց գրակալի շուրջը, «Ցնձա Ծսայի» թափավյունի տակ, որ հատորոշ հնչեցրեց բասը: Շչերբացկին ու Զիրիկովը, որ բռնել էին պսակները, խճճվելով հարսի շվեթի մեջ, նույնպես ժպտում էին և ուրախանում ինչ-որ բանի համար, մերթ ետ էին մնում, մերթ դիպչում պսակվողներին քահանայի կանգառների միջոցին: Կիտիի մեջ վառված ուրախության կայծը, թվում էր թե հաղորդվում է եկեղեցում գտնվողներին: Լևինին թվում էր, որ թե՛ քահանան, թե՛ սարկավագը ժպտալ են ուզում, ինչպես և ինքը:

Պսակները հանելով նրանց գլխից, քահանան կարգաց վերջին աղոթքը և շնորհավորեց նորապսակներին: Լևինը նայեց Կիտիին, և երեք մինչ այդ նա չէր տեսել նրան այդպես: Կիտին սքանչելի էր երջանկության այն նոր փայլով, որ շողում էր նրա դեմքին: Լևինն ուզում էր մի բան ասել նրան, բայց չգիտեր, վերջացա՞վ արդյո՞ք: Քահանան հանեց նրան դժվարությունից: Նա ժպտաց իր բարի դեմքով ու կամաց ասաց. «Համբուրեք ձեր կնոջը, դուք էլ համբուրեք ձեր ամուսնուն», և մոմերն առավ նրանց ձեռքից:

Լևինն զգուշությամբ համբուրեց Կիտիի ժպտուն շուրթերը, ձեռքը տվեց նրան և զգալով տարօրինակ նոր մերձություն, դուրս գնաց եկեղեցուց: Նա չէր հավատում, չէր կարող հավա-

տալ, որ իրողութունն էր այս ամենը: Միայն այն ժամանակ,
երբ հանդիպում էին նրանց զարմացական ու երկշոտ հայացք-
ները, նա հավատում էր դրան, որովհետև զգում էր, որ իրենք
արդեն միացած են:

Ընթրիքից հետո հենց նույն գիշերը նորապսակները մեկ-
նեցին գյուղ:

VII

Վոռնսկին ու Աննան արդեն երեք ամիս էր, ինչ միասին
ճանապարհորդում էին Եվրոպայում: Նրանք շրջագայել էին
Վենետիկ, Հռոմ, Նեապոլ և հենց նոր եկել էին իտալական մի
փոքրիկ քաղաք, որտեղ ուզում էին ապրել որոշ ժամանակ:

Գեղեցիկ ավազ մատուցողը, որի օժիված խիտ մազերի սա-
նըրվածքի միջնագիծն սկսվում էր վզից, Ֆրակով ու լայնա-
կուրծ սպիտակ բատիստե շապկով, կլոր փոքրին բրեյլակների
մի կապոց, ձեռները դրած գրպաններում, աչքերն արհամար-
հալից կկոցած, խիտ տոնով ինչ-որ բան էր պատասխանում
կանգ առած պարոնին: Գլխավոր մուտքի մյուս կողմից լսելով
քայլեր, որոնք բարձրանում էին սանդուղքի վրա, ավազ կել-
ները շուտ եկավ ու տեսնելով ռուս կոմսին, որը նրանց մոտ
վարձել էր լավագույն սենյակները, հարգալից հանեց ձեռները
գրպաններից և կապոց, բացատրեց, որ եկել էր սուրհանգա-
կը ու պալացցո վարձելու գործը գլուխ է եկել: Գլխավոր
կառավարիչը պատրաստ է ստորագրելու պայմանագիրը:

— Ա՛: Շատ ուրախ եմ, — ասաց Վոռնսկին: — Իսկ տիկի-
նը տա՞նն է, թե ոչ:

— Նրանք գնացել էին զբոսնելու, բայց հիմա վերադար-
ձան, — պատասխանեց կելները:

Վոռնսկին զլխից հանեց իր լայնեզր փափուկ զլխարկը և
թաշկինակով սրբեց քրտնած ճակատն ու մինչև ականջների
կեսը թողած մազերը, որոնք ետ էին սանրած և ծածկում էին
նրա ճաղատությունը: Ու ցրված նայելով դեռ կանգնած և իրեն
հետաքրքրության մեջ դիտող պարոնին, ուզում էր անցնել:

— Այս պարոնը ռուս է և հարցնում էր ձեր մասին, — ասաց
ավազ կելները:

Սրտնեղության զգացումով, թե ծանոթներից հետո գնալու

հենար չկա, դրա հետ նաև իր միօրինակ կյանքի համար գեթ
որևէ զվարճություն գտնելու ցանկությամբ, Վոռնսկին մի ան-
գամ էլ նայեց ետ քաշված ու կանգ առած պարոնին և երկու-
սի աչքերն էլ պայծառացան միաժամանակ:

— Գոլենի՛ շշև:

— Վոռնսկի:

Իսկապես, դա Գոլենի՛ շշևն էր, Վոռնսկու ընկերը պածերի
դպրոցից: Գոլենի՛ շշևը դպրոցում պատկանում էր լիբերալ կու-
սակցությանը, դպրոցից դուրս եկավ քաղաքացիական աստի-
ճանով և ո՛չ մի տեղ չէր ծառայում: Ընկերներն իրարից բո-
լորովին հեռացան դպրոցն ավարտելուց հետո և այնուհետև
իրար պատահեցին միայն մի անգամ:

Այդ հանդիպմանը Վոռնսկին հասկացավ, որ Գոլենի՛ շշևն
ընտրել է ինչ-որ խորիմաստ լիբերալ գործունեություն և դրա
հետևանքով ուզում էր արհամարհել Վոռնսկու գործունեու-
թյունն ու կոշումը: Այդ պատճառով, Վոռնսկին Գոլենի՛ շշևի
հետ պատահելիս տվեց նրան այն պաղ ու հպարտ դիմազար-
կը, որը նա գիտեր տալ մարդկանց և որի իմաստն այս էր.
«Ճեղ կարող է դուր գալ կամ դուր չգալ իմ ապրելակերպը, ինձ
համար դա բոլորովին նշանակություն չունի. դուք պետք է
հարգեք ինձ, եթե ուզում եք ծանոթություն պահել ինձ հետ»,
իսկ Գոլենի՛ շշևը արհամարհալից, անտարբեր էր Վոռնսկու
վարվելաձևի հանդեպ: Թվում էր, թե այդ հանդիպումը պետք
է ավելի ևս հեռացնել նրանց իրարից: Իսկ այժմ նրանք ճշա-
ցին ուրախությունից ու պայծառացան, ճանաչելով իրար:
Վոռնսկին ո՛չ մի կերպ չէր սպասում, որ այդպես կուրախա-
նա Գոլենի՛ շշևին տեսնելիս, բայց, հավանորեն, նա ինքն էլ
չգիտեր, թե ինչպես ձանձրալի էր իր համար: Նա մոռացել էր
վերջին հանդիպման անախորժ տպավորությունը և բաց,
ուրախ դեմքով ձեռքը մեկնեց իր նախկին ընկերոջը: Ուրա-
խության միևնույն արտահայտությունը փոխարինեց Գոլե-
նի՛ շշևի դեմքի նախորդ հուզումնալից արտահայտությանը:

— Որքան ուրախ եմ քեզ հանդիպելուս, — ասաց Վոռն-
սկին, բարեկամական ժպիտով ցուցադրելով իր ամուր, սպի-
տակ ատամները:

— Իսկ ես լսում եմ՝ Վոռնսկի, բայց ո՛րը — չգիտեի:
Շատ, շատ ուրախ եմ:

— Ներս գնանք: Ի՞նչ ես անում:

— Արդեն երկրորդ տարին է, որ ես ապրում եմ այստեղ: Աշխատում եմ:

— Ա՛, կարեկցությամբ ասաց Վոռնսկին:— Դե՛, ներս գնանք:

Եվ ուռնների սովորությամբ, փոխանակ հենց ուռներն ասելու այն, ինչ ուզում էր ծածկել ծառաներից, նա խոսեց ֆրանսերեն:

— Դու ծանո՞թ ես Կարենինայի հետ: Մենք ճանապարհորդում ենք միասին: Ես գնում եմ նրա մոտ,— ասաց նա ֆրանսերեն, ուշադիր նայելով Գոլենիշչևի դեմքին:

— Ա՛: Ես չգիտեի (թեև նա գիտեր),— անտարբերությամբ պատասխանեց Գոլենիշչևը:— Դու վաղո՞ւց ես եկել,— ավելացրեց նա:

— Ե՛ս. շորրորդ օրն է,— պատասխանեց Վոռնսկին, մի անգամ էլ ուշադրությամբ զննելով ընկերոջ դեմքը:

«Այո՛, նա կարգին մարդ է և գործին նայում է ինչպես պետք է,— ասաց ինքն իրեն Վոռնսկին, հասկանալով Գոլենիշչևի դեմքի արտահայտության ու խոսակցությունը փոխելու նշանակությունը:— Կարելի է նրան ծանոթացնել Աննայի հետ, նա հարցին նայում է ինչպես պետք է»:

Վոռնսկին այս երեք ամսում, որ նա անցկացրեց Աննայի հետ արտասահմանում, պատահելով նոր մարդկանց, միշտ հարց էր տալիս իրեն այն մասին, թե ինչպե՛ս կնայի այդ նոր անձնավորությունն իր ու Աննայի հարաբերությանը, և մեծ մասամբ տղամարդկանց մեջ գտնում էր ինչպես պետք է հասկացողությունը: Բայց եթե հարցնեին իրեն ու հարցնեին նրանց, ովքեր հասկանում էին «ինչպես պետք է», թե ի՞նչ է այդ հասկացողությունը, և՛ ինքը, և՛ նրանք կընկնեին մեծ դժվարություն մեջ:

Ըստ էության, «ինչպես պետք է» հասկացողները, Վոռնսկու կարծիքով, բնավ չէին հասկանում դա, այլ առհասարակ պահում էին իրենց այնպես, ինչպես պահում են իրենց բարեկիրթ մարդիկ՝ ամեն կողմից կյանքը շրջապատող բոլոր բարդ ու անլուծելի հարցերի վերաբերյալ, պահում են իրենց վայելուչ, խոսափելի ավանդակներից և անախորժ հարցերից: Նրանք ձևացնում էին, իբր լիովին հասկանում են դրություն

արժեքն ու իմաստը, ընդունում և նույնիսկ հավանություն են տալիս դրան, բայց անտեղի և ավելորդ են համարում բացատրել այդ բոլորը:

Վոռնսկին անմիջապես կոահեց, որ Գոլենիշչևը մեկն էր դրանցից, այս իսկ պատճառով՝ կրկնակի ուրախ էր նրան տեսնելու համար: Իսկապես, երբ Վոռնսկին նրան տարավ Կարենինայի մոտ, Գոլենիշչևը իրեն պահում էր Աննայի հետ այնպես, ինչպես կարող էր միայն ցանկալ Վոռնսկին: Նա հայտնապես, առանց ամենաթեթև ջանքի, խոսափում էր այն բոլոր խոսակցություններից, որոնք կարող էին հանգել անհարմար դրություն:

Նա Աննային չէր ճանաչում առաջ և ապշեց նրա գեղեցկությունից, ավելի ևս այն պարզությունից, որով Աննան ընդունում էր իր վիճակը: Կարենինան կարմրեց, երբ Վոռնսկին ներս բերեց Գոլենիշչևին, և մանկական այդ կարմրությունը, որ պատեց նրա բաց ու գեղեցիկ դեմքը, շափազանց դուր եկավ Գոլենիշչևին: Բայց առանձնապես դուր եկավ նրան այն, որ Աննան անմիջապես, կարծես դիտմամբ, որպեսզի թյուրիմացություններ չծագեն օտար մարդու ներկայությամբ, Վոռնսկուն պարզապես անվանեց Ալեքսեյ և ասաց, թե իրենք միասին տեղափոխվում են նոր վարձած տունը, որն այստեղ կռչվում է պալացցու: Գոլենիշչևին դուր եկավ այդ ուղղակի և պարզ վերաբերմունքը սեփական վիճակի հանդեպ: Նայելով Աննայի բարեսրտորեն ուրախ, եռանդուն վարվելաձևին, ճանաչելով Ալեքսեյ Ալեքսանդրովիչին ու Վոռնսկուն, Գոլենիշչև վին թվում էր, որ ինքը հասկանում է Աննային: Նրան թվում էր, որ ինքը հասկանում է այն, ինչը բնավ չէր հասկանում Աննան. այսինքն՝ այն, թե ինչպե՛ս կարող էր նա՝ Աննան, դժբախտացնելով ամուսնուն, լքելով նրան ու որդուն և կորցնելով իր բարի համբավը, զգալ իրեն եռանդագին ուրախ և երջանիկ:

— Ուղեցույցի մեջ դա կա,— ասաց Գոլենիշչևն այն պալացցոյի մասին, որ վարձում էր Վոռնսկին:— Այնտեղ կա սքանչելի Տինտորետո՞: Նրա վերջին էպոխայից:

1 Խոսակցի հայտնի նկարիչ ՄՄ Գրուսով:

— Գիտե՞ք ինչ, հիանալի եղանակ է, գնանք այնտեղ, մի անգամ էլ նայենք,— ասաց Վոռնսկին, դիմելով Աննային:

— Շատ ուրախ եմ, ես հիմա գնամ՝ զխարկս դնեմ: Գուր ասում եք, որ շոգ է,— ասաց Աննան, կանգնելով դռան մոտ ու հարցական նայելով Վոռնսկուն: Եվ նորից պայծառ շառագույնը պատեց նրա դեմքը:

Վոռնսկին նրա հայացքից հասկացավ, որ նա չգիտե, թե ինչ հարաբերության մեջ է ուզում լինել Ալեքսեյը Գոլենիշչևի հետ, և որ նա վախենում է, արդյո՞ք այնպես է պահում իրեն, ինչպես կուզենար Վոռնսկին:

Նա նայեց Աննային տևական, քնքուշ հայացքով:

— Ոչ, շատ շոգ չէ,— ասաց Վոռնսկին:

Եվ Աննային թվաց, որ ինքը ամեն ինչ հասկացավ. կարեւորն այն է, որ Վոռնսկին գոհ է իրենից. ու ժպտալով նրան, Աննան արագ քայլերով դուրս գնաց դռնից:

Ընկերները նայեցին իրար, և երկուսի դեմքին էլ շփոթություն առաջացավ. կարծես Գոլենիշչևը, որ հայտնապես հիացած էր Աննայով, ուզում էր մի բան ասել նրա մասին, բայց չգիտեր՝ ի՞նչ ասել, իսկ Վոռնսկին կամենում ու վախենում էր նույն այդ բանից:

— Ահա՛ թե ի՞նչ,— ասաց Վոռնսկին, որպեսզի սկսած լինի որևէ խոսակցություն:— Ուրեմն դու բնակություն ես հաստատել այստեղ: Ուրեմն դու դեռ զբաղվում ես նույն բանով,— շարունակեց նա, հիշելով, որ իրեն ասել էին, թե Գոլենիշչևը ինչ-որ բան է գրում:

— Այո՛, ես գրում եմ երկու հիմունքների երկրորդ մասը,— ասաց Գոլենիշչևը, բռնկվելով բավականությունից՝ իրեն այդ հարցը տալիս,— ավելի ճիշտ՝ ես դեռ չեմ գրում, այլ նախապատրաստում եմ, նյութեր եմ հավաքում: Նա կլինի շատ ավելի ծավալուն և կընդգրկի համարյա բոլոր հարցերը: Մեզանում՝ Ռուսաստանում, շեն ուզում հասկանալ, որ մենք Բյուզանդիայի ժառանգներն ենք,— սկսեց նա մի երկար ջերմ բացատրություն:

Վոռնսկին սկզբում անհարմար էր զգում, որ չգիտեր երկու հիմունքների մասին առաջին հոդվածը, որի մասին հեղինակը խոսում էր, որպես հայտնի բանի: Բայց հետո, երբ Գոլենիշչևն սկսեց պարզել իր մտքերը, և Վոռնսկին կարող էր

հետևել նրան, դուրս եկավ, որ շիմանալով հանդերձ երկու հիմունքները, նա լսում էր նրան ո՛չ առանց հետաքրքրության, որովհետև Գոլենիշչևը լավ էր խոսում: Բայց Վոռնսկուն զարմացնում ու վշտացնում էր այն գրգռված հուզմունքը, որով Գոլենիշչևը խոսում էր իրեն զբաղեցնող նյութի մասին: Որքան ավելի էր խոսում նա, այնքան ավելի էին բոցավառվում նրա աչքերը, այնքան ավելի շտապողական կերպով էր նա առարկում իր կարծեցյալ հակառակորդներին և այնքան ավելի խուճահույզ ու վիրավորված էր դառնում նրա դեմքի արտահայտությունը: Մտաբերելով նիհար, աշխույժ, բարեսիրտ ու ազնիվ երեսա Գոլենիշչևին, որը միշտ առաջին աշակերտն էր դպրոցում, Վոռնսկին ո՛չ մի կերպ չէր կարողանում հասկանալ նրա զրգովածության պատճառը, և հավանություն չէր տալիս դրան: Այդ զրգովածությունը նրան առանձնապես դուր չէր գալիս այն պատճառով, որ Գոլենիշչևը, որը լավ շրջանից էր, կանգնում էր միևնույն մակարդակի վրա ինչ-որ գրչակների հետ, որոնք նրան զրգոտ էին, և նա բարկանում էր նրանց վրա: Մի՞թե արժեր: Դա դուր չէր գալիս Վոռնսկուն, բայց չնայած դրան, նա զգում էր, որ Գոլենիշչևը դժբախտ է, և խղճում էր նրան: Դժբախտություն, համարյա խելահեղություն էր նկատվում այդ շարժուն, բավական գեղեցիկ դեմքին այն ժամանակ, երբ նա, չնկատելով նույնիսկ Աննայի դուրս գալը, շարունակում էր շտապ ու ջերմորեն արտահայտել իր մտքերը:

Երբ Աննան ներս եկավ գլխարկով ու թիկնոցով և, գեղեցիկ ձեռքի արագ շարժումով խաղալով հովանոցի հետ, կանգնեց նրա մոտ, Վոռնսկին թեթևության զգացումով կտրվեց իր վրա շեշտակի սևեռած՝ Գոլենիշչևի գանգատվող աչքերից ու նոր սիրով նայեց կյանքով և ուրախությամբ լեցուն իր սքանչելի ընկերուհուն: Գոլենիշչևը դժվարությամբ ուշքի եկավ ու սկզբում տխուր և մռայլ էր, բայց Աննան, սիրալիր տրամադրված դեպի ամենքը (այդպես էր նա այդ ժամանակ), շուտով կայտառացրեց նրան իր պարզ և ուրախ վերաբերմունքով: Փորձելով խոսակցության տարբեր նյութեր, Աննան խոսքը բերեց, հասցրեց նկարչությանը, որի մասին Գոլենիշչևը խոսում էր շատ լավ և ուշադրությամբ լսում էր նրան: Նրանք ոտքով հասան մինչև վարձած տունը և դիտեցին այն:

— Ես շատ ուրախ եմ մի բանի համար,— ասաց Աննան Գոլճնիշչևին, երբ նրանք արդեն վերադառնում էին.— Ալեքսեյը կունենա լավ atelier¹: Անպայման դու վերցրու այդ սենյակը.— ասաց նա Վոռնսկուն ռուսերեն և ասելով նրան դու, որովհետև տեղն արդեն հասկացավ, որ Գոլճնիշչևն իրենց միայնություն մեջ կդառնա մոտիկ մարդ և որ նրա առաջ պետք չէ քողարկվել:

— Մի՞թե դու նկարում ես,— ասաց Գոլճնիշչևը արագ շուռ գալով դեպի Վոռնսկին:

— Այո՛, ես վաղուց էի զբաղվում դրանով և այժմ մի քիչ սկսել եմ,— ասաց Վոռնսկին կարմրելով:

— Նա մեծ տաղանդ ունի,— ասաց Աննան ուրախ ժպտալով:— Ես, իհարկե, դատավոր չեմ: Բայց գիտուն դատավորները նույնն ասին:

VIII

Աննան իր ազատվելու և արագ բուժվելու այս առաջին շրջանում զգում էր իրեն աններելի երջանիկ ու կյանքի խընդունթյամբ լեցուն: Ամուսնու դժբախտության մասին հիշողությունը չէր թունավորում նրա երջանկությունը: Մի կողմից՝ այդ հիշողությունը չափազանց սոսկալի էր, և դժվար էր դրա մասին մտածելը: Մյուս կողմից՝ ամուսնու դժբախտությունը Աննային տալիս էր չափազանց մեծ երջանկություն, ուստի դժվար էր զղջալը: Հիշողությունն այն բոլորի մասին, որ տեղի ունեցավ Աննայի հիվանդությունից հետո՝ ամուսնու հետ հաշտվելը, խզումը, Վոռնսկու վերքի մասին լուրը, նրա երևան գալը, ապահարզանի պատրաստությունը, ամուսնու տնից հեռանալը, հրաժեշտը որդու հետ,— այս բոլորը նրան թվում էր տենդախտի երազ, որից նա արթնացավ մենակ՝ Վոռնսկու հետ, արտասահմանում: Ամուսնուն պատճառած շարիքի մասին հիշողությունը Աննայի մեջ հարուցում էր մի զգացում, նման զզվանքի և նման այն զգացումին, որ ունենում է խեղդվող մարդը, երբ իրենից պոկում է իրեն կարթված մարդուն: Այդ մարդը խեղդվեց: Հասկանալի է, որ դա վատ բան էր, բայց դա միակ փրկությունն էր, և ավելի լավ է չհիշել այդ սոսկալի մանրամասնությունները:

¹ Գեղարվեստագետի՝ նկարչի, քանդակագործի արվեստանոց:

Հանգստացուցիչ մի դատողություն իր վարմունքի մասին եկավ Աննայի գուլբը խզման առաջին ըրպինը, և այժմ, երբ նա հիշեց ամբողջ անցածը, մտաբերեց այդ միակ դատողությունը: «Ես անխուսափելիորեն դժբախտացրի այդ մարդուն,— մտածում էր նա,— բայց ես չեմ ուզում օգտվել այդ դժբախտությունից, ես նույնպես տառապում եմ և կտառապեմ. ես զրկվում եմ այն բանից, որ ամեն ինչից ավելի թանկ էի գնահատում,— զրկվում եմ ազնիվ անունից ու որդուցս: Ես վատ բան արի, ուստի չեմ ուզում բախտավորություն, չեմ ուզում ապահարզան և կտառապեմ նախատինքից ու որդուցս անշատվելուց»: Սակայն նա որքան անկեղծորեն ուզում էր տառապել, չէր տառապում: Ո՛չ մի նախատինք չկար: Ծնորհիվ այն տակտի, որ այնպես առատորեն օժտված էին երկուսն էլ, նրանք արտասահմանում, խուսափելով ռուս տիկիններից, երբեք իրենց չէին դնում կեղծ դրության մեջ և ամենուր պատահում էին մարդկանց, որոնք ձևանում էին, իբր լիովին հասկանում են նրանց փոխադարձ դրությունը շատ ավելի լավ, քան հասկանում են իրենք: Անջատումը որդուց, որին Աննան սիրում էր, չէր տանջում նրան սկզբում: Աղջիկը, Վոռնսկու երեխան, այնպես սիրունիկ էր և այնպես կապեց իր հետ Աննային՝ սկսած այն օրից, երբ նրան մնաց միայն այդ աղջիկը, որ Աննան հազվադեպ էր հիշում որդուն:

Կյանքի պահանջը, որ ավելացել էր ապաքինվելու հետեւվանքով, այնքան ուժեղ էր և կյանքի պայմաններն այնպես նոր էին ու հաճելի, որ Աննան իրեն աններելի երջանիկ էր զգում: Որքան նա ավելի էր ճանաչում Վոռնսկուն, այնքան ավելի էր սիրում նրան: Աննան սիրում էր նրան իր հանդեպ տածած նրա սիրո համար և իբրև Վոռնսկու: Նրան լիովին տիրանալը միշտ ուրախալի էր Աննայի համար: Նրա մոտիկությունը միշտ հաճելի էր Աննային: Վոռնսկու բնավորության բոլոր գծերը, որ Աննան սկսում էր ճանաչել ավելի ու ավելի, անարտահայտելի սիրելի էին նրան: Աննայի համար, կարծես սիրահարված ջահել աղջկա համար, հրապուրիչ էր նրա արտաքինը, որ փոխվել էր աշխարհիկ զգեստի մեջ: Ամեն ինչում, որ ասում, մտածում և անում էր Վոռնսկին, Աննան տեսնում էր առանձնապես ազնիվ ու վեհ մի բան: Նրա հիացմունքը Վոռնսկուց հաճախ վախեցնում էր իրեն: Նա փնտրում

կյանքով, ուստի ոգևորվում էր շատ արագ ու հեշտ և նույնպես արագությամբ ու հեշտությամբ հասնում էր այն բանին, իբր իր նկարածը շատ նման էր այն ժանրին, որին ձգտում էր նմանվել:

Մյուս բոլոր ժանրերից նա ամենից ավելի հավանում էր ֆրանսիականը, տպավորիչ ու նազելի, և այդ ոճով նա սկսեց նկարել Աննայի պորտրեն իտալական զգեստով, ու այդ շատ հաջող էր թվում իրեն և բոլոր տեսողներին:

IX

Հին, բարձիթողի պալացցոն, ծեփանախշ բարձր առաստաղներով ու որմնանկարներով, մոզաիկ հատակներով, բարձր լուսամուտներին քաշած ծանր, դեղին մետաքսե վարագույրներով, պատերի դրցակներին և բուխարիներին դրած սկահակներով, քանդակած դռներով ու նկարազարդ, մռայլ դահլիճներով այդ պալացցոն, երբ նրանք տեղափոխվեցին այդտեղ, հենց իր արտաքին տեսքով նպաստում էր Վոռնսկու հաճելի մոլորությունը, իբր ինքը ո՛չ այնքան ոռու կալվածատեր է, եղիմեյստեր առանց ծառայության, որքան արվեստների հովանավոր ու լուսավորչալ սիրող, ինքն էլ մի համեստ նկարիչ, որ սիրած կնոջ համար հրաժարվել է բարձր հասարակությունից, կապերից, փառասիրությունից:

Վոռնսկու ընտրած դերը լիովին հաջողվեց պալացցո տեղափոխվելուց հետո, և Գոլենիշչևի միջոցով ծանոթանալով մի քանի հետաքրքիր անձանց հետ, սկզբում հանգիստ էր: Նա նկարում էր բնօրինակից էտյուդներ՝ նկարչության պրոֆեսոր իտալացու ղեկավարությամբ ու զբաղվում էր միջնադարյան իտալական կյանքով: Միջնադարյան իտալական կյանքը վերջերս այնպես գրավեց Վոռնսկուն, որ նա սկսեց նույնիսկ գլխարկը և ուսին զգած պլեդը կրել միջնադարյան եզանակով, որ շատ սազում էր նրան:

— Մենք ապրում ենք ու ոչինչ չգիտենք,— ասաց մի անգամ Վոռնսկին առավոտյան իր մոտ եկած Գոլենիշչևին:— Դու տեսե՛ր ես Միխայլովի նկարը,— հարցրեց նա, տալով նրան հենց նոր՝ առավոտյան ստացված ուսական թերթը և նշելով հողվածը ուս նկարչի մասին. սա ապրում էր նույն այս քաղաքում ու վերջացրել էր մի նկար, որը նախապես գնված էր

և որի մասին վաղուց էին լուրեր պատվում: Հողվածի մեջ կար կշտամբանք կառավարության և ակադեմիայի հասցեին, որ ուշագրավ նկարիչը զրկված էր ամեն խրախուսանքից և օգնությունից:

— Տեսել եմ,— պատասխանեց Գոլենիշչևը:— Իհարկե, նա զուրկ չէ ձիրքից, բայց ուղղությունը բոլորովին կեղծ է: Էլի միևնույն Իվանովյան—Շտրաուսյան—Ռենանյան վերաբերմունքը Քրիստոսին ու դեպի կրոնական նկարչությունը:

— Ի՞նչ է պատկերում նկարը,— հարցրեց Աննան:

— Քրիստոսը Պիղատոսի առաջ: Քրիստոսը պատկերացված է որպես հրեա՝ նոր դպրոցի ամբողջ ղեալիզմով:

Նկարի բովանդակության մասին տրված հարցը հղացրեց Գոլենիշչևի մեջ նրա ամենասիրած թեմաներից մեկը, և նա սկսեց բացատրել.

— Ես չեմ հասկանում, թե ինչպե՛ս կարող են նրանք այդպիսի կոպիտ սխալ անել: Քրիստոսն արդեն ունի իր որոշակի մարմնացումը ալևոր մեծությունների արվեստի մեջ: Հետևաբար, եթե նրանք ուզում են պատկերել ո՛չ թե աստված, այլ ռեալիտետների կամ իմաստունի, թող վերցնեն պատմությունից Սոկրատին, Ֆրանկլինին, Շառլոտա Կորդեին, միայն թե ո՛չ Քրիստոսին: Նրանք վերցնում են հենց այն դեմքը, որը չի կարելի վերցնել արվեստի համար, և հետո...

— Իսկ ճի՞շտ է, որ այդ Միխայլովն այդպես չբավոր է,— հարցրեց Վոռնսկին, մտածելով, որ ինքը, որպես ոռու մեկնեսս, պետք է օգնի նկարչին, անկախ այն բանից, արդյոք լա՞վ է, թե վատ է նկարը:

— Դժվար թե: Նա նշանավոր պորտրետիստ է: Դուք տեսե՛ր եք Վասիլիևիկովայի դիմանկարը: Բայց նա կարծեմ չի ուզում այլևս պորտրետներ նկարել, այդ պատճառով կարող է պատահել, որ, իրոք կարիքի մեջ է: Ես ասում եմ, որ...

— Արդյոք չի՞ կարելի խնդրել նրան, որ նկարի Աննա Արկադևնայի պորտրեն,— հարցրեց Վոռնսկին:

— Ինչո՞ւ իմը,— ասաց Աննան:— Քո նկարելուց հետո ես չեմ ուզում ոչ մի պորտրե: Ավելի լավ է Անիինը (այդպես էր կանչում նա իր աղջկան): Ահա և նա,— ավելացրեց Աննան, պատահանից նայելով գեղեցկուհի իտալացի ծծմորը, որը փոքրիկին դուրս տարավ պարտեզ, և անմիջապես աննկատե-

լիորեն հայացքը դարձրեց Վոռնսկուն: Գեղեցկուհի ծծմայրը, որի գլուխը Վոռնսկին նկարում էր իր նկարի համար, միակ զաղտնի վիշտն էր Աննայի կյանքում: Վոռնսկին ընդօրինակելով ծծմոր գլուխը, հիանում էր նրա գեղեցկությամբ ու միջնադարյանությամբ, և Աննան չէր համարձակվում խոստովանել, որ վախենում էր այդ ծծմորը խանդելու զգացումից, այս իսկ պատճառով, զուրգուրում ու փայփայտում էր թե՛ նրան, թե՛ նրա փոքրիկ որդուն:

Վոռնսկին նույնպես նայեց պատուհանից դուրս ու Աննայի աչքերին և անմիջապես դիմելով Գոլենիշչևին, ասաց.

— Դու ճանաչո՞ւմ ես այդ Միխայլովին:

— Ես պատահել եմ նրան: Նա տարօրինակ մարդ է և առանց որևէ կրթության: Գիտե՞ք, մեկը վայրենի այն նոր մարդկանցից, որոնք այժմ հաճախ են պատահում. մեկն այն ազատամիտներից, որոնք d'embrée¹ դաստիարակված են անհավատության, բացասման ու մատերիալիզմի հասկացողություններով: Առաջ պատահում էր, — ասում էր Գոլենիշչևը, շնկատելով կամ չկամենալով նկատել, որ խոսել էին ուզում և՛ Աննան, և՛ Վոռնսկին, — առաջ պատահում էր, ազատամիտ էր կոչվում այն մարդը, որը դաստիարակվել էր կրոնի, օրենքի, բարոյականության հասկացողություններով և աշխատանքով ու պայքարով հասնում էր ազատամտության. բայց այժմ հրապարակ է գալիս նոր տիպ ինքնածին ազատամիտների, որոնք աճում, մեծանում են և նույնիսկ լսած չեն, թե եղել են բարոյականության, կրոնի օրենքների. թե եղել են հեղինակությունների. և դրանք ուղղակի աճում, մեծանում են ամեն բան բացասելու հասկացողություններով, այսինքն՝ որպես վայրենիներ: Ահա այդպես է նա: Կարծեմ, նա Մոսկովյան ավագ սպասավորի որդի է և ո՛չ մի կրթություն չի ստացել: Երբ մտավ ակադեմիա ու համբավ ստեղծեց իր համար, որպես ո՛չ տխմար մարդ, նա կամեցավ կրթվել: Ի՞նչ դիմեց այն բանին, ինչը նրան թվում էր կրթության ազբյուր, այսինքն՝ դիմեց ամսագրերին: Եվ, հասկանո՞ւմ եք, հնում մի մարդ, ենթադրենք մի ֆրանսիացի, որ կկամենար կրթվել, կսկսեր ուսումնասիրել բոլոր կլասիկներին՝ և՛

¹ Միանգամից, մեկեն:

անտվածարաններին, և՛ ողբերգականերին, և՛ պատմարաններին, և՛ փիլիսոփաներին, և, հասկանո՞ւմ եք, մտավոր այն ամբողջ աշխատանքը, որ կծառանար նրա առաջ. բայց մեզանում նա այժմ ուղղակի վրա ընկավ բացասական գրիտության ամբողջ ծայրաքաղ՝ և ահա պատրաստ է: Այդ դեռ թիչ է. մի քսան տարի սրանից առաջ նա այդ գրականության մեջ կգտներ հեղինակությունների դեմ, դարավոր հայացքների դեմ պայքարի հատկանիշներ, նա այդ պայքարից կհասկանար, որ եղել է ինչ-որ ուրիշ բան, բայց հիմա նա ուղղակի վրա է ընկնում այնպիսի գրականության, որտեղ վեճի աբսոլյուտ չեն համարում հին հայացքները, այլ ուղղակի ասում են. ոչինչ չկա, évolution, ընտրություն, գոյության կոիվ, — ուրիշ ոչինչ: Ես իմ հոգվածում...

— Գիտե՞ք ինչ, — ասաց Աննան, որը վաղուց արդեն զգուշությամբ աչքի տակով նայել էր Վոռնսկուն ու դիտեր, որ Վոռնսկուն չէր հետաքրքրում այդ նկարչի կրթությունը, այլ զբաղեցնում էր նրան օգնելու միտքը միայն և նրան պորտրե պատվիրելու: — Գիտե՞ք ինչ, — վճռականապես ընդհատեց նա խոսքով տարված Գոլենիշչևին: Գնա՛նք նրա մոտ:

Գոլենիշչևն սթափվեց ու սիրով համաձայնեց: Բայց որովհետև նկարչին ապրում էր հեռավոր թաղամասում, ուստի վճռեցին կառք վերցնել:

Մի ժամից Աննան, Գոլենիշչևը և Վոռնսկին միասին նրստած կառքի առջևի տեղում, մոտեցան մի նոր գեղեցիկ տան՝ հեռավոր թաղամասում: Իմանալով իրենց ընդառաջող բակապանի կնոջից, որ Միխայլովը թույլատրում է մտնել իր արվեստանոցը, բայց որ այժմ նա գտնվում է իր բնակարանում՝ երկու քայլի վրա, նրանք այդ կնոջն ուղարկեցին նկարչի ետևից՝ իրենց այցետումսերով, թույլատվություն խնդրելով տեսնելու նկարները:

X

Նկարիչ Միխայլովը, ինչպես միշտ, աշխատանքի էր, ևրբ բերին նրան կոմս Վոռնսկու և Գոլենիշչևի այցետումսերը: Առավոտյան նա աշխատում էր ստուդիայում իր մեծ նկարի

վրա: Գալով տուն, նա բարկացավ կնոջ վրա, այն բանի համար, որ կինը չէր կարողանում վարվել դրամ պահանջող տանտիրուհու հետ:

— Քսան անգամ ասել եմ քեզ՝ մի՛ մտիր բացատրությունների մեջ: Դու առանց այդ էլ հիմար ես, իսկ երբ սկսում ես իտալերեն բացատրվել, դուրս ես գալիս եռակի հիմար,— ասաց նա կնոջը երկար վեճից հետո:

— Այդ զեպրում վճարիր ժամանակին. ես մեղավոր չեմ: Եթե ես դրամ ունենայի...

— Հանգիստ թող ինձ, ի սեր աստծո,— ճշաց Միխայլովը արտասովթոր ձայնով և ականջները փակած, գնաց միջնորմի ետևի իր բանվորական սենյակը ու փակեց դուռը: «Անհասկացող կին», — ասաց նա ինքն իրեն, նստեց սեղանի առաջ և բացելով թղթապանակը, անմիջապես առտնձին ջերմությամբ ձեռնամուխ եղավ սկսած գծագրին:

Նա երբեք այնպիսի ջերմությամբ և արդյունավետությամբ չէր աշխատում, քան այն ժամանակ, երբ նրա կյանքը վատ էր ընթանում ու մանավանդ, երբ կովում էր կնոջ հետ: «Ա՛խ, երանի մի տեղի վրա՝ կորչեի», մտածում էր նա, շարունակելով աշխատանքը: Նա գծանկարում էր ցասման նուպայի մեջ գտնվող մարդ: Գծագիրը պատրաստ էր վաղորոք, բայց նկարիչը գոհ չէր նրանից: «Ո՛չ, այն ավելի լավ էր... որտե՞ղ է այն»: Նա գնաց կնոջ մոտ և հոնքերը կիտած, առանց նայելու նրան, հարցրեց ավագ աղջկան, թե որտե՞ղ է այն թուղթը, որ տվել էր նրանց: Գտնվեց գծագրով թուղթը, բայց կեղտոտված ու կաթկթոտած էր ճարպամոմով: Այսուամենայնիվ նա վերցրեց գծագիրը, դրեց իր սեղանին և հեռանալով ու աչքերը կկոցելով, սկսեց նայել նրան: Հանկարծ նա ժպտաց և ուրախ թափահարեց ձեռքերը:

— Այսպե՛ս, այսպե՛ս,— ասաց նա և անմիջապես վերցնելով մատիտը, սկսեց արագ նկարել: Ճարպամոմի բիծը նոր դիրք էր տալիս մարդուն:

Նկարելով այդ նոր դիրքը, հանկարծ նրա միտն ևկավ դուրս ցցված կզակով այն վաճառականի եռանդուն դեմքը, որից նա սիգարներ էր վերցնում, և նա նկարեց մարդուն հենց այդ դեմքով, այդ կզակով: Նա ծիծաղեց ուրախությունից: Մեռած, մտացածին ֆիգուրը հանկարծ դարձավ կեն-

դանի և ստացավ այնպիսի արտահայտություն, որն այնքա չէր կարելի փոփոխել: Այդ ֆիգուրն ապրում էր ու գծագրած էր պարզ և աներկբա: Կարելի էր ուղղել գծագիրը՝ այդ ֆիգուրի պահանջների համեմատ, կարելի էր և պետք էր նույնիսկ այլ կերպ դնել ոտները, բոլորովին փոխել ձայն ձեռքի դիրքը, ետ գցել մազերը: Բայց կատարելով այդ ուղղումները, նա չէր փոփոխում ֆիգուրը, այլ միայն դեն էր գցում այն, ինչ ծածկում էր ֆիգուրը: Կարծես, նա վերցնում էր նրա վրայից այն ծածկույթները, որոնց պատճառով չէր երևում ամբողջ ֆիգուրը. յուրաքանչյուր նոր գիծ ցուցադրում էր միայն ամբողջ ֆիգուրը իր ամբողջ եռանդուն ուժով, այնպես, ինչպես այն հանկարծ հայտնվեց նրան ճարպամոմի թողած բծի հետևանքով: Նա զգուշությամբ վերջացնում էր ֆիգուրը, երբ բերին այցեռոմսերը:

— Իսկո՛ւյն, իսկո՛ւյն:

Նա անցավ կնոջ մոտ:

է՛, հերիք է, Սաշա, մի՛ բարկանա,— ասաց նա կնոջը. ժպտալով անվստահ ու քնքուշ: — Դո՛ւ մեղավոր էիր: Մ՛ս մեղավոր էի: Ամեն ինչ կկարգավորեմ: — Եվ կնոջ հետ հաշտվելուց հետո, նա հագավ թավշյա օձիքով ձիթապուղի գույնի վերարկուն, դրեց գլխարկն ու գնաց ստուղիա: Նա արդեն մոռացել էր հաջողված ֆիգուրը: Այժմ նրան ուրախացնում և հուզում էր այն, որ կառքով եկած այդ նշանավոր ոտսները պիտի այցելեն իր ստուղիան:

Իր այն նկարի մասին, որ այժմ դրված էր մուրեքաի վրա, նա իր հոգու խորքում ուներ մի կարծիք, այսինքն՝ ալդպիսի պատկեր ոչ ոք չի նկարել երբեք: Նա չէր կարծում, թե իր պատկերը լավ էր Ռաֆայելյան բոլոր նկարներից, բայց գիտեր, որ այն, ինչ ուզում էր արտահայտել և արտահայտել էր այդ նկարով, ոչ ոք չէր արտահայտել երբևիցե: Դա գիտեր նա հաստատ ու գիտեր արդեն վաղուց, այն օրից, երբ սկսեց նկարել այն: Բայց մարդկանց կարծիքը, ովքեր էլ լինեին նրանք, այնուամենայնիվ հսկայական նշանակություն ուներ նրա համար և հուզում էր նրան մինչև հոգու խորքը: Յուրաքանչյուր ամենանշիխ դիտողություն, որը ցույց էր տալիս, թե դատավորները տեսնում են գեթ փոքրիկ մասն այն բանի, ինչը նա տեսնում էր իր նկարի մեջ, հուզում էր նրան մինչև

հոգու խորքը: Իր դատավորներին նա միշտ վերագրում էր հասկանալու ավելի խորութուն, քան ունեւր ինքը, և միշտ սպասում էր նրանցից այնպիսի մի բան, որ ինքը չէր տեսնում իր նկարի մեջ: Ու հաճախ թվում էր նրան, որ դիտողների գատողության մեջ ինքը գտնում է այդ:

Նա արագ քայլերով մոտենում էր իր ստուգիայի դռանը և շնայած իր հուզմունքին, ապշեց գլխավոր մուտքի ստվերում կանգնած Աննայի ֆիզուրի նուրբ լուսավորութունից. Աննան լսում էր իրեն ջերմորեն ինչ-որ բան ասող Գոլենիշչևին ու միաժամանակ հայտնապես ցանկանում էր դիտել մոտեցող նկարչին: Վերջինս ինքն էլ շնկատեց, թե ինչպե՛ս, մոտենալով նրանց բռնեց ու կլանեց Աննայի թողած այդ տպավորությունն այնպես, ինչպես սիգարներ ծախող վաճառականի կզակը, և թաքցրեց այն մի տեղ, որտեղից կհանի այն ժամանակ, երբ դրա կարիքը լինի: Այցելուները, որ նախապես արդեն հիասթափված էին նկարչի մասին Գոլենիշչևի պատմածից, ավելի ևս հիասթափվեցին նրա արտաքինից: Միջահասակ, ամրակազմ, անհանգիստ քայլվածքով, Միխայլովը թողեց անախորժ տպավորություն իր շագանակագույն գլխարկով, ձիթապտղի գույնի վերարկուով ու նեղ փանթալոնով, մինչդեռ վաղուց արդեն հագնում էին լայնը, մանավանդ իր սովորական լայն դեմքով՝ վեհերոտության արտահայտությամբ ու իր արժանապատվությունը պահելու ցանկությամբ:

— Խնդրեմ, համեցե՛ք, — ասաց նա, աշխատելով ունենալ անտարբեր տեսք և մտնելով նախասենյակ, զրպանից հանեց բանալին ու բացեց դուռը:

XI

Մտնելով արվեստանոց, նկարիչ Միխայլովը մի անգամ էլ աչք գցեց հյուրերի վրա և նշանակեց իր երևակայության մեջ նաև Վոռնսկու դեմքի, մանավանդ նրա այտուկների արտահայտությունը: Չնայած որ նրա գեղագիտական զգացումն աշխատում էր անդադար, նյութ հավաքելով իր համար, շնայած՝ նա շարունակ զգում էր ավելի ու ավելի հուզմունք այն բանից, որ մոտենում էր իր աշխատանքի մասին

գատողությունների թուլեն, այսուամենայնիվ նա աննկատելի հատկանիշներից արագ ու նուրբ կերպով կազմում էր իր հասկացողությունն այս երեք անձնավորության մասին: Այն մեկը (Գոլենիշչևը) այստեղացի ուս էր: Միխայլովը չէր հիշում ո՛չ նրա ազգանունը, ո՛չ էլ այն, թե որտե՛ղ էր հանդիպել նրան և ի՛նչ էր խոսել հետը: Նա հիշում էր միայն նրա դեմքը, ինչպես հիշում էր այն բոլոր դեմքերը, որ տեսել էր ելբեկից, բայց նա հիշում էր նույնպես, թե դա մեկն էր կեղծ-նշանակալից և արտահայտությամբ աղքատ այն դեմքերից, որ առանձնացվել էին նրա երևակայության հսկայական բաժնում: Երկար մազերը և շատ բաց ճակատը տալիս էին արտաքին կարևորություն այդ դեմքին, որի վրա կար միմիայն մանկական փոքրիկ անհանգիստ արտահայտություն՝ կենտրոնացած նեղ քթարմատին: Վոռնսկին ու Կարենինան, Միխայլովի գատողությամբ, պետք է լինեին տոհմիկ ու հարուստ ուսաներ, որոնք ոչինչ չեն հասկանում արվեստից, ինչպես և բոլոր հարուստ ուսաները, բայց որոնք ձևանում են արվեստ սիրող ու գնահատող: «Հավանորեն արդեն նայել են ամբողջ հինը և այժմ շրջագայում են նորերի՝ շառլատան գերմանացու և «պրեռաֆայելիտ»՝ հիմար անգլիացու արվեստանոցները, ու եկել են ինձ մոտ՝ իրենց շրջահայեցողությունը լրացնելու համար միայն», մտածում էր նա: Նա շատ լավ գիտեր դիլետանտների վարվելաձևը՝ (որքան ավելի խելոք էին նրանք, այնքան ավելի վատ) դիտել արդի նկարիչների արվեստանոցները միայն այն նպատակով, որ իրավունք ունենան սուսելու, թե արվեստն ընկել է և իբր մարդ ինչքան ավելի է դիտում նորերին, այնքան ավելի է համոզվում, որ հին մեծ վարպետները մնացել են անկրկնելի: Նա սպասում էր այդ բոլորին, տեսնում էր այդ բոլորը նրանց աչքերում, տեսնում էր այն անտարբեր անփութության մեջ, որով նրանք խոսում էին իրար հետ, դիտում մանեկեններն ու կիսանդրիները և ազատ շրջում էին, սպասելով, մինչև ինքը բաց կանի նկարը: Բայց շնայած դրան, այն ժամանակամիջոցին, մինչև նա շուտ էր տալիս իր էտյուդները, բարձրացնում վարագույրներն ու

¹ Այդպես էին կոչվում 19-րդ դարի կեսերին Լոնդոնում հիմնված նկարչական դպրոցի ներկայացուցիչները, որոնք թարգմանում էին միամտություն և անկեղծություն նկարչության մեջ:

վերցնում սավանները, նա զգում էր ուժեղ հուզմունք, և ավելի ու ավելի դուր էին գալիս նրան թե՛ Վոռնսկին, թե՛ մանավանդ Աննան, շնայած որ, նրա հասկացողությամբ, բոլոր տոհմիկ ու հարուստ ունեները պետք է լինեին անասուն և հիմար:

— Ահա՛, չէի՞ք կամենա արդյոք, — ասաց նա, անհանգիստ քայլվածքով քաշվելով մի կողմ և նշելով նկարը: — Գա Պիղատոսի հորդորանքն է: Մատթեոս՝ զուլս XXVII, — ասաց նա, զգալով, որ շուրթերն սկսում են զոզալ հուզմունքից: Նա հեռացավ ու կանգնեց նրանց ետևը:

Այն մի քանի վայրկյանին, որոնց ընթացքում այցելուները լուռ դիտում էին նկարը, Միխայլովը նույնպես նայում էր և նայում էր անտարբեր, կողմնակի աչքով: Այդ մի քանի վայրկյանին նա նախապես հավատում էր այն բանին, որ բարձրագույն և ամենաարդար զատավճիռ կհանեն սրանք, հենց այս այցելուները, որոնց նա այնպես արհամարհում էր մի բոլոր առաջ: Նա մոռացավ այն բոլորը, ինչ կարծում էր, ինքն իր նկարի մասին առաջ, այն երեք տարիների ընթացքում, երբ նկարում էր այն, նա մոռացավ նկարի այն բոլոր արժանիքները, որ անկասկած էին իր համար, — նա նկարը տեսնում էր նրանց անտարբեր, կողմնակի, նոր հայացքով և ոչ մի լավ բան չէր տեսնում նրա մեջ: Նկարի առաջին պլանում նա տեսնում էր Պիղատոսի սրտենդած դեմքը ու Քրիստոսի հանգիստ երեսը և երկրորդ պլանում՝ Պիղատոսի սպասավորների ֆիգուրներն ու Հովհաննեսի դեմքը՝ խորասուզված տեղի ունեցող իրադարձության մեջ: Յուրաքանչյուր դեմք, որ այնպիսի պրպտումով, այնպիսի սխալներով, ուղղումներով աճել էր նրա մեջ իր առանձնահատուկ բնույթով, յուրաքանչյուր դեմք, որ պատճառել էր նրան այնքան տանջանք և ուրախություն, բոլոր այս դեմքերը, այնքան անզամ տեղափոխված՝ հանուն ընդհանուրի պահպանման, կոլորիտի և գույների բոլոր նրբերանգները, որոնց նա հասել էր այնպիսի դժվարությամբ, — այս բոլորն այժմ միասին վերցրած, նայելով նրա՛նց աչքերով, թվում էր նրան գոհակություն, հազար անգամ կրկնված: Նրա համար ամենաթանկագին դեմքը, Քրիստոսի դեմքը, նկարի կենտրոնը, որ այնպիսի հիացք էր պատճառել նրան իր հայտնաբերման պահին, — բոլորը կո-

րավ նրա համար, երբ նա նայեց նկարին նրա՛նց աչքերով: Նա տեսնում էր Տիցիանի, Ռաֆայելի, Ռուբենսի պատկերած անթիվ-անհամար Քրիստոսների և միևնույն գինվորների ու Պիղատոսի լավ նկարած կրկնությունը (այն էլ նույնիսկ ո՛չ լավ, — նա պարզ տեսնում էր այժմ բազմաթիվ պակասություններ): Այս բոլորը գոհճիկ էր, աղքատ ու հին և նույնիսկ վատ նկարած՝ խայտաբղետ ու թույլ: Նրանք իրավացի կլինեին, եթե, խղճալով նկարչին, ասեն շինծու-քաղաքավարի ֆրազներ նրա ներկայությամբ ու ծիծաղեն նրա վրա, մնալով մենակ:

Նրա համար շափազանց ծանր էր այդ լուռությունը (թեպետ այն տևեց մի րոպեից ո՛չ ավելի): Որպեսզի խզի այդ լուռությունը և ցույց տա, որ ինքը հուզված չէ, ճիգ գործադրելով իր վրա, նա դիմեց Գոլենիշչևին.

— Կարծեմ, ես հաճույք եմ ունեցել պատահելու ձեզ, — ասաց նրան, անհանգիստ նայելով մերթ Աննային, մերթ Վոռնսկուն, որպեսզի աչքից բաց չթողնի նրանց դեմքերի արտահայտության ո՛չ մի գիծ:

— Ինչպե՛ս չէ, մենք տեսնվել ենք Ռոսսիի մոտ, հիշո՞ւմ եք, այն երեկոյթին, որտեղ արտասանում էր իտալացի այն օրիորդը՝ նոր Ռաշելը՝, — ազատ խոսեց Գոլենիշչևը, դիմելով նկարչին ու հայացքը հեռացնելով նկարից՝ առանց ոչևէ ավստանքի:

Սակայն, նկատելով, որ Միխայլովն սպասում է նկարի մասին կարծիքի, նա ասաց.

— Ձեր նկարը շատ առաջ է գնացել այն օրից հետո, երբ վերջին անգամ ես տեսա այն: Եվ ինչպես այն ժամանակ, այնպես էլ այժմ ինձ անսովոր զարմանք է պատճառում Պիղատոսի ֆիգուրը: Մարդ այնպես հասկանում է նրան՝ բարի, համակրելի անձնավորություն, բայց շինովնիկ մինչև հոգու խորքը, որը շգիտե, թե ի՛նչ է անում: Սակայն, ինձ թվում է...

Միխայլովի շարժուն ամբողջ դեմքը հանկարծ պայծառացավ. աչքերը փայլեցին: Նա ուզում էր մի բան ասել, բայց չկարողացավ խոսել հուզմունքից ու ձևացրեց, իբր հազաց: Ինչքան էլ նա ցածր էր գնահատում Գոլենիշչևի՝ արվեստը

հասկանալու ընդունակությունը, որքան էլ շնչին էք այդ Իրան վաքի դիտողությունը Պիղատոսի, որպես շինովնիկի, դեմքի արտահայտության ճշտության մասին, ինչքան էլ վիրավորական թվար նրան առաջին այդպիսի շնչին նկատողությունը, երբ խոսք չէր ասվում կարևորագույնների մասին,— այնուամենայնիվ Միխայլովը հիացած էր այդ դիտողությունից։ Նա ինքն էլ Պիղատոսի ֆիզուրի մասին մտածում էր նույնը, ինչ ասաց Գոլենիշչևը։ Այն հանգամանքը, որ այդ նկատառումը մեկն էր միլիոնավոր այն նկատառումներից, որոնք բոլորն էլ ճիշտ էին, (Միխայլովը հաստատ գիտեր դա) չէր նվազեցնում նրա համար Գոլենիշչևի դիտողության նշանակությունը։ Նա սիրեց Գոլենիշչևին այդ դիտողության համար և հուսալքյալ կացությունից հանկարծ անցավ հիացմունքի։ Անմիջապես նրա ամբողջ նկարը կենդանացավ նրա առաջ՝ կենդանության իր ամբողջ անարտահայտելի բարդությունը։ Միխայլովը նորից փորձեց ասել, որ ինքն այդպես էր հասկանում Պիղատոսին, բայց նրա շուրթերը ցնցվեցին անհնազանդ, և նա շկարողացավ խոսել։ Վռոնսկին ու Աննան նույնպես ասում էին ինչ-որ բան այն ցածր ձայնով, որով սովորաբար խոսում են նկարների ցուցահանդեսում, մասամբ՝ որպեսզի չվիրավորեն նկարչին, մասամբ՝ որպեսզի բարձրաձայն չասեն հիմարություն, որ այնպես դուրին է ասել, խոսելով արվեստի մասին։ Միխայլովին թվում էր, որ նկարը տպավորություն թողեց նաև նրանց վրա։ Նա մոտեցավ նրանց։

— Ի՞նչ զարմանալի է Քրիստոսի արտահայտությունը,— ասաց Աննան։ Այն բոլորից, ինչ տեսավ Աննան, նրան ամենից ավելի դուր եկավ այդ արտահայտությունը, և նա զգում էր, որ դա նկարի կենտրոնն է, ուստի դրա գովասանքը հաճելի կլինի նկարչին։ — Երևում է, որ Քրիստոսը խղճում է Պիղատոսին։

Դա նորից մեկն էր միլիոնավոր այն ճիշտ դիտողություններից, որ կարելի էր գտնել նրա նկարի և Քրիստոսի ֆիզուրի մեջ։ Աննան ասաց, որ Քրիստոսը խղճում է Պիղատոսին։ Քրիստոսի արտահայտության մեջ պետք է լինի և խղճահարուցանող արտահայտություն, որովհետև նրա մեջ կա սիրո, գերերկրային հանգստության, մեռնելու պատրաստակա՞նության և խոսքերի ապարդյունության գիտակցության արտա-

հայտություն։ Հասկանալի է, որ Պիղատոսի մեջ կա շինովնիկի արտահայտություն և Քրիստոսի մեջ՝ խղճահարուցան, որովհետև մեկն անձնավորումն է մարմնավոր կյանքի, մյուսը՝ հոգևոր։ Այս բոլորը և ուրիշ շատ բան անցավ Միխայլովի մտքով։ Ու նորից նրա դեմքը փայլեց հիացմունքից։

— Այո՛, և ինչպե՛ս է նկարած այդ ֆիզուրը, որքան օգուտ կարելի է շրջանցել,— ասաց Գոլենիշչևը, երևի ցույց սալով այդ նկատողությամբ, որ հավանություն չի տալիս ֆիզուրի բովանդակությանն ու իմաստին։

— Այո՛, զարմանալի՞ վարպետություն,— ասաց Վռոնսկին։ — Ինչպե՛ս զատվում, աչքի են ընկնում այդ ֆիզուրների հետին պլանի վրա, ահա՛ տեխնիկա,— ասաց նա, դիմելով Գոլենիշչևին և դրանով ակնարկելով իրենց մեջ եղած խոսակցությունն այն մասին, որ Վռոնսկին հույս չունե՞ր հասնելու այդ տեխնիկային։

— Այո՛, այո՛ զարմանալի է,— հաստատեցին Գոլենիշչևը և Աննան։

Չնայած հուզված այն կացությանը, որի մեջ գտնվում էր Միխայլովը, տեխնիկայի մասին նկատողությունը խոցեց նրա սիրտը, և նա բարկացած նայելով Վռոնսկուն, հանկարծ խոժոժվեց։ Նա հաճախ էր լսում այդ բառը՝ տեխնիկա, և վճռականապես չէր հասկանում, թե ի՞նչ իմաստ էին դնում այդ բառի մեջ։ Նա գիտեր, որ այդ բառի տակ հասկանում էին նկարելու մեթոդական ընդունակություն, բոլորովին անկախ բովանդակությունից։ Հաճախ նա նկատում էր, ինչպես և տվյալ գովասանքի դեպքում, որ տեխնիկան հակադրում էին ներքին արժանիքին, կարծես կարելի էր լավ նկարել այն, ինչը վատ էր։ Նա գիտեր, որ քողը հանելիս, ինչպես և բոլոր քողերը հանելու համար, պետք էր մեծ ուշադրություն ու զգուշություն, որպեսզի չփչանար արտադրությունը. բայց նկարելու վարպետության մեջ ոչ մի տեխնիկա չկար։ Ի՞թե փոքրիկ երեխային, կամ իր՝ նկարչի խոհարարուհուն նույնպես բացվե՞ր այն, ինչ տեսնում էր ինքը նկարիչը, խոհարարուհին ևս կարող էր դրսևորել այն, ինչ տեսնում էր։ Իսկ ամենափորձված ու վարպետ նկարիչ-տեխնիկը չի կարող միմիայն մեթոդական ընդունակությամբ նկարել ոչինչ, եթե նրա համար նախ և առաջ չբացվեն բովանդակության սահմանները։

Բացի գրանից, նա տեսնում էր, որ եթե արդեն խոսք է լինում տեխնիկայի մասին, չի կարելի դրա համար գովել իրեն: Այն բոլորի մեջ, ինչ նա նկարում էր ու նկարել էր, տեսնում էր աչք ծակող թերութուններ, որոնք առաջացել էին անզգուշութունից, որով նա հանում էր քողերը, և որոնք այժմ արդեն չէր կարող ուղղել, առանց փշացնելու ամբողջ ստեղծագործությունը: Եվ համարյա բոլոր ֆիգուրների ու դեմքերի վրա նա տեսնում էր դեռ մնացորդներ լիովին չհանած քողերի, որոնք փշացրել էին նկարը:

— Միակ բանը, որ կարելի է ասել, եթե թույլ կտաք անել այդ նկատողությունը... — նկատեց Գոլենիշչևը:

— Ա՛խ, ես շատ ուրախ եմ և խնդրում եմ ձեզ, — ասաց Միխայլովը, արհեստականորեն ժպտալով:

— Դա այն է, որ ձեր մոտ Քրիստոսը մարդ-աստված է, ո՛չ թե աստված-մարդ: Թեպետ, ես գիտեմ, որ դուք հենց այդ էք կամեցել:

— Ես չէի կարող նկարել այն Քրիստոսը, որը չկա իմ հոգում, — ասաց Միխայլովը մոռալով:

— Այո՛, բայց այդ դեպքում, եթե թույլ կտաք արտահայտելու իմ միտքը, ձեր նկարն այնքան լավ է, որ իմ նկատողությունը չի կարող վնասել նրան, և հետո՝ դա իմ սնձնական կարծիքն է: Դուք այլ կարծիքի եք: Բուն շարժառիթն այլ է: Բայց վերցնենք թեկուզ Իվանովին: Իսկ կարծում եմ, որ եթե Քրիստոսը հասցրած է պատմական դեմքի աստիճանի, ապա՝ ավելի լավ կլինեիր, որ Իվանովն ընտրեր պատմական այլ թեմա, թարմ, կուսական թեմա:

— Բայց եթե դա մեծագույն թեմա՞ է արվեստին առաջադրված:

— Եթե փնտրեն, կարող են գտնել ուրիշ թեմաներ: Բայց բանն այն է, որ արվեստը չի հանդուրժում վեճ ու դատողություններ: Իսկ Իվանովի նկարի վերաբերյալ՝ հավատացողի և չհավատացողի համար հարց է ծագում — աստված է դա, թե՞ աստված չէ, և խախտվում է սպավորության միասնությունը:

— Իսկ ինչու՞: Ինձ թվում է, որ կրթված մարդկանց համար, — ասաց Միխայլովը, — արդեն չի կարող գոյություն ունենալ վեճ:

Գոլենիշչևը չհամաձայնեց դրան և մնալով իր առաջին կարծիքին արվեստի համար հարկավոր սպավորության միասնության մասին, ջախջախեց Միխայլովին:

Միխայլովը հուզվում էր, բայց ոչինչ չունեիր ասելու ի պաշտպանություն իր մտքի:

XII

Աննան ու Վոռնսկին վաղուց արդեն աչքի տակով իրար էին նայում, նեղվելով իրենց բարեկամի խելոք շատախոսությունից. վերջապես Վոռնսկին, առանց սպասելու նկարչին, անցավ մի ուրիշ փոքրիկ նկարի:

— Ա՛խ, ինչ զմայլելի, ի՛նչ հիանալի բան է: Հրաշալի՞ք: Ի՛նչ չքնաղ բան է, — խոսեցին նրանք միաբերան:

«Ի՛նչը նրանց այդբան դուր եկավ», մտածեց Միխայլովը: Նա բոլորովին մոռացել էր այս պատկերի մասին, նկարած էր եք տարի առաջ: Մոռացել էր այն տառապանքներն ու հիացքը, որ ապրել էր այդ նկարի հետ, միայն սա մի քանի ամիս շարունակ օր ու գիշեր զբաղեցնում էր իրեն, մոռացել էր, ինչպես միշտ մոռանում էր վերջացրած նկարների մասին: Նա չէր սիրում նույնիսկ նայել դրան և ցուցադրել էր լոկ այն պատճառով, որ սպասում էր մի անգլիացու, որը ցանկացել էր գնել այն:

— Դա հենց այնպես, վաղուցվա էտյուդ է, — ասաց նա:

— Ի՛նչ լավն է, — ասաց Գոլենիշչևը, որը նույնպես, ըստ երևույթին, անկեղծաբար համակվել էր նկարի գեղեցկությանը:

Երկու մանուկներ ոլոռի շվաբում ձուկ էին որսում կարթերով: Մեկը, ավագը, հենց նոր գցել էր կարթը և ուշիմ ջանքով աշխատում էր դուրս հանել լողանը թփի ետևից, ամբողջապես կլանված այդ գործով. մյուսը՝ ավելի փոքրը, սլափել էր խոտերի մեջ, շիկավուն գանգրահեր գլուխը հենած ձեռքերին և մտազբաղ կապույտ աչքերով նայում էր ջրին: Ինչի՞ մասին էր մտածում նա:

Հիացմունքը իր այդ նկարից Միխայլովի մեջ շարժեց առաջվա հուզումը, բայց նա վախենում էր ու չէր սիրում այդ պարապ զգացումն անցյալի վերաբերյալ, այդ պատճառով հենց, թեև նրան ցնծություն էին պատճառում այդ գովեստ-

ները, նա կամենում էր այցելուներին ուշադրութիւնը դարձնել
երրորդ նկարի վրա:

Բայց Վոռնսկին հարցրեց, արդո՞ւր չի՞ վաճառվում այս նկա-
րը: Գրամական հարցի մասին խոսքը չափազանց անախորժ էր
այժմ Միխայլովի համար, որը հուզված էր այցելուներէից:

— Յուցադրված է վաճառքի համար,— սպտասխանեց
նա, մոռալորեն խոժոռվելով:

Երբ այցելուները մեկնեցին, Միխայլովը նստեց Պիղատո-
սի ու Քրիստոսի նկարի առաջ և մտքում կրկնում էր այն, ինչ
ասել էին կամ թեպետև չէին ասել. բայց ենթադրում էին այդ
այցելուները: Եվ տարօրինակ բան. այն, ինչ այնպիսի կշիռ
ունենէր նրա համար, երբ նրանք այստեղ էին և երբ ինքը
մտքով փոխանցվում էր նրանց հայեցակետի վրա, հանկարծ
կորցրեց նրա համար ամեն արժեք: Նա սկսեց նայել իր նկա-
րին արվեստագետի լրիվ հայացքով և եկավ այն համոզման,
որ նկարը կատարելություն է, այդ իսկ պատճառով՝ և նշա-
նակալից. համոզմունքի այդ կացութիւնը պետք էր նրան
մյուս բոլոր շահերը բացասող այն լարվածութեան համար,
որի դեպքում միայն կարող էր աշխատել ինքը:

Քրիստոսի փոքրացած ոտքն այնուամենայնիվ այն չէր,
ինչ պետք էր: Նա վերցրեց ներկապնակը և սկսեց աշխատել:
Ուղղելով ոտքը, նա անընդհատ ուշադիր նայում էր ետեի պլա-
նում շոգանների ֆիգուրին, որն այցելուները նույնիսկ շնկա-
տեցին, բայց որը, նա գիտեր, կատարելության գագաթնա-
կետն էր: Ոտքը վերջացնելուց հետո նա ուզում էր ձեռնամուխ
լինել այդ ֆիգուրին, բայց զգաց, որ այդ անելու համար ինքը
չափազանց հուզված է: Նա հավասարապես չէր կարող աշ-
խատել և՛ այն ժամանակ, երբ ստան էր, և՛ այն պահին, երբ
փափկել էր ու շատ լավ տեսնում էր ամեն ինչ: Սառնութիւ-
նից ոգևորության փոխանցվելու ընթացքում կար միայն մի
աստիճան, որի վրա կարելի էր աշխատել: Իսկ այժմ նա շա-
փազանց հուզված էր: Նա ուզում էր ծածկել նկարը, բայց
կանգ առավ և սավանը բռնած ձեռքին, երջանկությամբ ժրպ-
տալով, երկար նայում էր շոգանների ֆիգուրին: Վերջապես,
կարծես տխրութեամբ կտրվելով նրանից, իջեցրեց սավանը և
հոգնած, բայց երջանիկ, գնաց տուն:

Վոռնսկին, Աննան ու Գոլենիշչևը վերադառնալով տուն,

առանձնապես աշխույժ էին և ուրախ: Նրանք խոսում էին
Միխայլովի և նրա նկարների մասին: Տաղանդ բառը, որի
տակ նրանք հասկանում էին բնածին, համարյա ֆիզիկական
ընդունակություն, խելքից ու սրտից անկախ, և որով նրանք
ուզում էին բնորոշած լինել նկարչի ունեցած բոլոր ապրում-
ները, առանձնապես հաճախ էր կրկնվում նրանց խոսակցու-
թյան մեջ, որովհետև այդ բառը անհրաժեշտ էր նրանց՝ ան-
վանելու այն, ինչի մասին նրանք ո՛չ մի հասկացողություն
չունեին, բայց ուզում էին խոսել: Նրանք ասում էին, որ չի
կարելի բացասել նրա տաղանդը, բայց որ նրա տաղանդը
չէր զարգացել կրթութեան պակասութեան պատճառով, մի
բան, որ կազմում էր մեր ռուս նկարիչների ընդհանուր դժ-
բախտությունը: Սակայն մանուկների նկարը դրոշմվի էր
նրանց հիշողության մեջ, և կամա-ակամա նրանք նորից վե-
րադառնում էին նրան: «Ի՛նչ սքանչելի է: Ինչպե՛ս այդ հա-
ջողվել է նրան և ինչքա՛ն պարզ: Նա չի էլ հասկանում, թե
ի՛նչ լավ է դա: Այո՛, շպետք է ձեռքից բաց թողնել և պիտի
գնել այն», ասում էր Վոռնսկին:

XIII

Միխայլովը վաճառեց իր նկարը Վոռնսկուն և համաձայ-
նեց նկարել Աննայի դիմանկարը: Նշանակված օրը նա հկավ
ու սկսեց աշխատանքը:

Գիմանկարը հինգերորդ սեանսից զարմացրեց ամենքին,
մանավանդ Վոռնսկուն, ո՛չ միայն նմանությամբ, այլև բա-
ցառիկ գեղեցկությամբ: Տարօրինակ էր, թե ինչպե՛ս կարող
էր Միխայլովը գտնել նրա այդ առանձնահատուկ գեղեցկու-
թյունը: «Պետք էր ճանաչել և սիրել նրան, ինչպես սիրում էի
ես, որպեսզի կարելի լիներ գտնել նրա ամենահամակրելի
հոգեկան արտահայտությունը»,— մտածում էր Վոռնսկին,
թեև նա այդ դիմանկարի միջոցով միայն ճանաչեց Աննայի
այդ ամենահամակրելի արտահայտությունը: Բայց այդ ար-
տահայտությունն այնպես ճիշտ էր, որ Վոռնսկուն և մյուսնե-
րին թվում էր, թե իրենց վաղուց ծանոթ է եղել այն:

— Ինչքան ժամանակ ես շարչարվում եմ և ոչինչ չարի,—
ասում էր Վոռնսկին իր նկարի մասին,— իսկ նա նայեց ու
նկարեց: Ահա՛ թե ի՛նչ է նշանակում տեխնիկա:

— Պա կգա, — միտիթարում էր նրան Գոլենիշչևը, որի հասցե կացողութեամբ Վոտնսկին ունեւր և՛ տաղանդ և զլիսավորը՝ կրթութեան, որը տալիս էր արվեստի վերաբերյալ վեհ տեսակետ: Վոտնսկու տաղանդի նկատմամբ Գոլենիշչևի համոզմունքն ամրապնդում էր նաև այն բանով, որ նրան պետք էր իր հողվածներին և մտքերին համար Վոտնսկու համակրանքն ու գովասանքը, և նա զգում էր, որ աշակցութեանն ու գովասանքը պիտի լինեն փոխադարձ:

Ուրիշի տանը, մանավանդ պալացցոյում՝ Վոտնսկու մոտ, Միխայլովը բոլորովին այլ մարդ էր, քան իր արվեստանոցում: Նա անբարյացակամորեն հարգալից էր, ասես՝ վախենում էր մոտիկանալ այդ մարդկանց, որոնց չէր հարգում: Նա Վոտնսկուն կանչում էր ձերդ պայծառափայլութեան և երբեք, չնայած Աննայի ու Վոտնսկու հրավերներին, չէր մնում ճաշի և գալիս էր միմիայն սեանսների համար: Աննան նրա հանդեպ ավելի, քան ուրիշների, սիրալիր էր ու շնորհապարտ իր դիմանկարի համար: Նրա հետ Վոտնսկին ավելի քան քաղաքավարի էր և հայտնապես իրեն հետաքրքրում էր նկարչի կարծիքը իր նկարի մասին: Գոլենիշչևն առիթը բաց չէր թողնում՝ ներշնչելու Միխայլովին իսկական հասկացողութեաներ արվեստի մասին: Բայց Միխայլովը մնում էր միակերպ, սառն ամեն ինչի հանդեպ: Աննան զգում էր նրա հայացքից, որ նա սիրում է նայել իրեն, բայց նա խուսափում էր Աննայի հետ խոսակցութեանից: Իր նկարչության մասին Վոտնսկու խոսակցութեանների պահին Միխայլովը համառորեն լռում էր, ինչպես համառորեն լռեց և այն ժամանակ, երբ նրան ցույց տվին Վոտնսկու նկարը. ըստ երևույթին, նա ճնշվում էր Գոլենիշչևի խոսակցութեաններից և չէր առարկում նրան:

Առհասարակ Միխայլովն իր զուսպ ու անախորժ, ասես թշնամական վերաբերմունքով շատ դուր չեկավ նրանց, երբ ճանաչեցին նրան ավելի մոտիկ: Եվ նրանք ուրախ էին, երբ սեանսները վերջացան. իրենց ձեռքին մնաց գեղեցիկ նկարը, իսկ նա դադարեց գնալ-գալուց:

Գոլենիշչևն առաջինն արտահայտեց այն միտքը, որ ունեին մշուսներն էլ, այսինքն՝ Միխայլովը ուղղակի նախանձում էր Վոտնսկուն:

— Ասենք, չի նախանձում, որովհետև նա ունի տաղանդ,

բայց նա վրդովվում է, որ պայատական ու հարուստ մարդու մեկը, այն էլ կոմս (չէ՞ որ նրանք առում են այս բոլորը). առանց առանձին դժվարութեան անում է միևնույն բանը, և թե ոչ ավելի լավ, քան նա, որը իր ամբողջ կյանքը նվիրել է դրան: Գլխավորը կրթութեանն է, որից զուրկ է Միխայլովը: Վոտնսկին պաշտպանում էր Միխայլովին, բայց հոգու խորքում հավատում էր դրան, որովհետև, նրա հասկացողութեամբ, ուրիշ, ավելի ստոր աշխարհի պատկանող մարդը պետք է որ նախանձեր:

Աննայի դիմանկարը, — միևնույն բանը, որ նկարել էին բնորդից և՛ Վոտնսկին, և՛ Միխայլովը, — պետք է ցույց տար Վոտնսկուն այն տարբերությունը, ինչ կար նրա ու Միխայլովի միջև, բայց նա չէր տեսնում այդ տարբերությունը: Եվ միայն Միխայլովից հետո նա դադարեց Աննային նկարել, վճռելով, որ դա այժմ արդեն ավելորդ է: Իսկ միջնադարյան կյանքից սկսած իր նկարը նա շարունակում էր: Թե՛ նա ինքը, թե՛ Գոլենիշչևը, թե՛ մանավանդ Աննան այն կարծիքին էին, որ նկարը շատ լավն է, որովհետև շատ ավելի նման է հռչակավոր նկարներին, քան Միխայլովի նկարը:

Մինչդեռ Միխայլովը, չնայած որ Աննայի դիմանկարը սաստիկ հրապուրեց նրան, ավելի ուրախ էր, քան նրանք, երբ սեանսները վերջացան և նա այլևս ստիպված չէր լսելու Գոլենիշչևի դատողութեաններն արվեստի մասին ու կարելի էր մոռանալ Վոտնսկու նկարչության մասին: Նա գիտեր, որ չի կարելի արգելել Վոտնսկուն՝ խաղալ նկարչութեամբ՝ նա գիտեր, որ Վոտնսկին և բոլոր դիլետանտները լիովին իրավունք ունեն նկարելու այն, ինչ ուզում են, բայց այդ նրան անախորժ էր: Զի կարելի արգելել մարդուն, որ նա մոմից շինի մեծ-մեծ տիկնիկ ու համբուրի այն: Բայց եթե այդ մարդը տիկնիկի հետ գար ու նստեր սիրահարվածի դիմաց և սկսեր գուրգուրել իր տիկնիկին, ինչպես գուրգուրում է սիրահարը իր սիրածին, պարզ է, որ սիրահարվածի համար անախորժ կլիներ այդ: Այսպիսի անախորժ զգացում ունեւր Միխայլովը, տեսնելով Վոտնսկու նկարչութեանը, նրա համար դա և՛ ծիծաղելի էր, և՛ սրտնեղիչ, և՛ ողորմելի, և՛ վիրավորական:

Վոտնսկու հրապուրվելը նկարչութեամբ ու միջին դարերով

երկար շարունակվեց: Նա այնքան ճաշակ ուներ նկատու
թյան խնդրում, որ չկարողացավ վերջացնել իր նկարը: Վեր-
ջինս կիսատ մնաց: Վոռնսկին աղտոտ կերպով զգում էր, որ
նկարի Գերությունները, սկզբում քիչ նկատելի, ապշեցուցիչ
կլինեն, եթե շարունակի ինքը: Նրան պատահեց նույն բանը,
ինչ և Գոլենիշչևին, որն զգում էր, թե ինքն ասելու բան չունի,
և մշտապես խաբում էր ինքն իրեն նրանով, որ միտքը չի
հասունացել, որ ինքը կրում, մտածում է այն և պատրաստում
է նյութեր: Բայց Գոլենիշչևին դա շարացնում ու տանջում էր,
իսկ Վոռնսկին չէր կարող խաբել ինքն իրեն ու տանջել և մա-
նավանդ գազագել: Իրեն հատուկ բնավորության վճռականու-
թյամբ, առանց ոչինչ բացատրելու և արդարանալու, նա դա-
գարեց նկարչությամբ զբաղվել:

Բայց առանց այդ զբաղմունքի, նրանց կյանքը իտալական
բողաքում թվաց շատ ձանձրալի թե՛ նրան, թե՛ Աննային,
որը զարմացավ Վոռնսկու հիասթափության վրա: Պալացցոն
հանկարծ դարձավ այնպես ակնբախ հին ու կեղտոտ, այնպես
ահաճ աչքի էին ընկնում բծերը վարագույրների վրա, ձեղ-
քերը հատակներին, փշրված սվաղը քիվերին և այնպես
ձանձրալի դարձան միշտ միևնույն Գոլենիշչևը, իտալացի
պրոֆեսորը ու գերմանացի ճանապարհորդը, որ անհրաժեշտ
էր փոխել կյանքի եղանակը: Նրանք վճռեցին գնալ Ռուսաս-
տան, գյուղ: Պետերբուրգում Վոռնսկին մտադիր էր բաժան-
վել եղբորից: Աննան էլ ուզում էր տեսնել որդուն: Իսկ սմա-
ռը, նրանք մտադիր էին ապրել Վոռնսկու հայրենական մեծ
կալվածքում:

XIV

Երրորդ ամիսն էր, ինչ ամուսնացել էր Լեինը: Նու երջա-
նիկ էր, բայց բնավ ո՛չ այնպես, ինչպես սպասում էր: Յու-
րաքանչյուր քայլափոխում նա գտնում էր հիասթափություն
առաջվա տենչերից և նոր անակնկալ համալք: Նա երջանիկ
էր, բայց մտնելով ընտանեկան կյանք, յուրաքանչյուր քայ-
լափոխին տեսնում էր, որ դա բոլորովին այն չէր, ինչ երևա-
կայում էր ինքը: Ամեն քայլափոխում նա զգում էր այն, ինչ
կզգար մարդ, երբ ինքը նստեր այն նավակը, որի սահուն,
երջանիկ ընթացքով լճի երեւին մինչ այդ հիանում էր նա:

Նա տեսնում էր, որ դեռ բավական չէր ուղիղ նստելն առանց
ճոճվելու, հարկավոր էր նաև համակերպվել, ոչ մի րուպե
չմոռանալով, թե ո՛ր լողալ, շմոռանալով, որ ոտքերի տակ
չուր է ու պետք է թիավարել, և որ անսովոր ձեռքերը ցա-
վում են, որ հեշտ է միայն նայելիս, իսկ այդ անելը թևակա
շատ դուրեկան բան է, բայց և՛ շատ դժվար:

Պատահում էր, որ ամուրի եղած ժամանակ, նայելով
ուրիշի ամուսնական կյանքին, մանր հոգսերին, գծություն-
ներին, խանդին, նա միայն արհամարհալից ժպտում էր իր
հոգում: Նրա համոզմունքով, իր ապագա ամուսնական կյան-
քում ո՛չ միայն չէր կարող նման բան լինել, այլև, թվում էր
նրան, բոլոր արտաքին ձևերը պիտի ամեն բանում բոլորովին
նման չլինեին ուրիշների կյանքին: Եվ հանկարծ դրա փոխա-
րեն, նրա կյանքն իր կնոջ հետ ո՛չ միայն չդասավորվեց
առանձնահատուկ կերպով, այլ, ընդհակառակը, ամբողջա-
պես կազմվեց այն ամենաշնչին մանր-մունր բաներից, որոնք
նա առաջ այնպես արհամարհում էր, բայց որոնք այժմ, հա-
կառակ իր կամքի, ստանում էին անսովոր և անհերքելի կա-
րևորություն: Ու Լեինը տեսնում էր, որ այդ մանր բաների
կարգավորումը բնավ այնպես հեշտ չէր, ինչպես թվում էր
նրան առաջ: Չնայած, որ Լեինը կարծում էր, թե ինքն ամե-
նաստույգ հասկացողությունն ունի ընտանեկան կյանքի մա-
սին, այսուամենայնիվ նա, ինչպես և բոլոր տղամարդիկ, ըն-
տանեկան կյանքն ակամա պատկերացնում էր որպես միայն
սիրո վայելք, որին ոչինչ չպիտի արգելք հանդիսանար և որից
մանր հոգսերը չպիտի հեռացնեին մարդուն: Իր կարծիքով,
նա պետք է կատարեր իր աշխատանքը և սրանից հանգստա-
նար սիրո երջանկության մեջ: Կինը պետք է սիրված լիներ
և ուրիշ ոչինչ: Բայց նա, ինչպես և բոլոր տղամարդիկ, մոռա-
նում էր, որ կինը ևս պետք է աշխատեր: Եվ Լեինը զարմա-
նում էր, թե ինչպե՛ս նա, այդ պոետիկ, չքնաղ Կիտին, կարող
էր ընտանեկան կյանքի ոչ միայն հենց առաջին շաբաթները,
այլև առաջին օրերը, մտածել, հիշել ու հոգ տանել սփոռց-
ների մասին, կահ-կարասիքի մասին, եկվորների համար
նեղքնակների մասին, մատուցարանի, խոհարարի, ճաշի մա-
սին և այլն: Տակավին փեսացու եղած ժամանակ Լեինը զար-
մացավ այն որոշակիության վրա, որով Կիտին հրաժարվեց

արտասահման գնալուց ու վճուց գնալ գյուղ, կարծես էա գիտեր այնպիսի մի բան, որ կարևոր էր, և իր սիրուց բացի, կարող էր մտածել նաև կողմնակի բաների մասին: Դա վիճակորեց Լևինին այն ժամանակ, այժմ էլ կնոջ մանր հոգսերն ու հոգացողությունը բանիցս վիրավորում էին նրան: Բայց նա տեսնում էր, որ դա անհրաժեշտ է կնոջը: Եվ Լևինը սիրելով նրան, թեպետ չէր հասկանում, թե ինչի՞ համար, թեպետև ծիծաղում էր այդ հոգսերի վրա, բայց և այնպես չէր կարողանում չհիանալ դրանցով: Նա ծիծաղում էր այն բանի վրա, թե ինչպե՞ս Կիտին գասավորում էր Մոսկվայից բերած կահ-կարասին, ինչպես նոր ձեռք հարդարում էր իր և ամուսնու սենյակը, ինչպես կախում էր վարագույրները, ինչպես բաշխում էր ապագա շենքը հյուրերի համար, Գոլլիի համար, ինչպես կարգի էր բերում սենյակն իր նոր աղախնի համար, ինչպես ճաշ էր պատվիրում ծերունի-խոհարարին, ինչպես խոսարտում էր Ագաֆիա Միխայլովնայի հետ, հեռացնելով նրան պարենից: Նա տեսնում էր, որ ծերունի-խոհարարը ժպտում էր, հիանալով Կիտիով ու լսելով նրա անձարակ, անհնարին հրամանները. տեսնում էր, որ Ագաֆիա Միխայլովնան մտազբաղ ու սիրալիք ճոճում էր գլուխը ջահել տանտիկնոջ՝ մառանում արած նոր կարգադրությունների առթիվ. տեսնում էր, որ Կիտին արտասովոր լավն էր, երբ ծիծաղելով ու արտասովելով գալիս էր նրա մոտ հայտարարելու, թե Մաշա աղախինը սովոր է իրեն օրիորդ համարելու և այդ պատճառով ոչ ոք չի լսում իրեն: Լևինին դա թվում էր հաճելի, բայց տարօրինակ, և նա կարծում էր, որ առանց դրան ավելի լավ կլիներ:

Լևինը չգիտեր փոփոխության այն զգացումը, որ ունենում էր Կիտին այն բանից հետո, երբ տանը նա երբեմն ուզում էր կաղամբ ու կվաս կամ կոնֆետ, և ո՞չ մեկը, ո՞չ մյուսը չէր կարելի ունենալ. իսկ այժմ նա կարող էր պատվիրել ինչ ուզում էր, գնել մեծ քանակությամբ կոնֆետ, ծախսել դրամ, ինչքան ցանկանար և պատվիրել իր ուզած կարկանդակը:

Կիտին այժմ ուրախությամբ երազում էր Գոլլիի գալու մասին՝ երեխաների հետ, մանավանդ այն պատճառով, որ նա երեխաների համար կպատվիրի յուրաքանչյուրի սիրած կարկանդակը, իսկ Գոլլին կգնահատի նրա այս ամբողջ նոր

սարքուկարգը: Կիտին ինքն էլ չգիտեր, թե ինչու՞ և ինչի՞ համար, բայց տնային տնտեսությունն անպարտեն գրավում էր իրեն: Նա բնագղաբար զգալով գարնան մոտենալը և իմանալով, որ կլինի նաև վատ եղանակ, հյուսում էր, ինչպես կարող էր, իր բույնը ու շտապում էր միաժամանակ և՛ հյուսել և՛ սովորել, թե ինչպե՞ս պետք է անել այդ:

Կիտիի այդ մանր մտահոգությունն ահա, այնքան հակադիր Լևինի սկզբնական շրջանի վսեմ երջանկության իդեալին, մեկն էր նրա հիասթափություններից. և այդ հաճելի մտահոգությունը, որի իմաստը չէր հասկանում Լևինը, բայց որը չէր կարող չսիրել, մեկն էր նոր հմայքներից:

Մյուս հիասթափությունը և հմայքը գծտություններն էին: Լևինը երբեք չէր կարող երևակայել, որ իր և կնոջ միջև կարող էին լինել ուրիշ հարաբերություններ, բացի քնքուշ, հարգալից, սիրաշող հարաբերություններից, և հանկարծ հենց առաջին օրերից նրանք գծտվեցին, այնպես որ Կիտին ասաց նրան, որ նա չի սիրում իրեն, սիրում է միայն ինքն իրեն, լաց եղավ ու թափահարեց ձեռքերը:

Նրանց առաջին այդ գծտությունը ծագեց այն բանից, որ Լևինը գնաց նոր ազարակը և կես ժամ ուշացավ. իսկ ուշացավ, որովհետև ուզում էր անցնել կարճ ճանապարհով ու մուրվեց: Նա գնում էր տուն, մտածելով միայն կնոջ մասին, նրա սիրո մասին, իր երջանկության մասին և որքան մոտենում էր տանը, այնքան ավելի էր բոցավառվում նրա մեջ քնքշանքը դեպի Կիտին: Նա ներս վազեց սենյակ նույն և ավելի ուժեղ զգացումով, քան այն, որով նա եկավ Շչերբացկիների մոտ առաջարկություն անելու: Եվ հանկարծ նրան ընդունեց մոայլ մի արտահայտություն, որ երբեք չէր տեսել Կիտիի դեմքին: Նա ուզում էր համբուրել կնոջը, կինը ետ մղեց նրան:

— Ի՞նչ եղավ քեզ:

— Դու ուրախ ես... — սկսեց Կիտին, կամենալով լինել հանգիստ-թունալից:

Բայց հենց որ նա բացեց բերանը, դուրս թափվեցին անմիտ խանդի կշտամբանքի խոսքեր, որպես հետևանք այն բուրբի, ինչը տանջում էր նրան այս կես ժամվա ընթացքում, որ անցկացրեց նա՝ անշարժ նստած պատուհանին: Այստեղ

միայն Լեհինն առաջին անգամ պարզ հասկացավ այն, ինչ չէր հասկանում, երբ պսակից հետո դուրս էր տանում Կիտիին եկեղեցուց: Նա հասկացավ, որ կինը ո՛չ միայն մոտիկ է իրեն, այլև որ ինքն այժմ չգիտե, թե որտե՞ղ է վերջանում կինը և՛ սկսվում ինքը: Նա հասկացավ դա երկատման այն տանջալից զգացումից, որ ունեւր այդ բոպեին: Առաջին բոպեին Լեհինը վիրավորվեց, բայց հենց նույն վայրկյանին էլ զգաց, որ ինքը չի կարող վիրավորվել նրանից, որ Կիտին հենց ինքը Լեհինն է: Առաջին բոպեին Լեհինն ունեցավ այնպիսի զգացում, որպիսին ունենում է մարդ, երբ հանկարծ ստանալով թիկունքից ուժեղ հարված, սրտնեղությամբ ու վթեժալընդրության մտադրությամբ շուտ է գալիս, որ գտնի հանցավորին և համոզվում է, որ ինքն է պատահաբար խփել իրեն, որ բարկանալու օրջեկտ չկա և պետք է տանել ու մեղմել ցավը:

Նետագայում նա երբեք այդպես ուժեղ կերպով այլևս չէր զգում այդ, բայց այս առաջին նվազին նա երկար ժամանակ չէր կարողանում ուշքի գալ: Բնական զգացումը պահանջում էր նրանից արդարանալ, ապացուցել կնոջն իր հանցանքը, բայց ապացուցել կնոջ հանցանքը՝ նշանակում էր է՛լ ավելի գրգռել նրան և ավելի մեծացնել այն պառակտումը, որն ամբողջ դժբախտության պատճառն էր: Սովոր մի զգացում դըրդեց նրան՝ հանցանքը վերցնել իր վրայից ու բարդել կնոջ վրա. մի այլ զգացում, ավելի ուժեղ, գրդում էր նրան՝ շուտ, որքան կարելի է շուտ, հարթել տեղի ունեցած պառակտումը, առանց թույլ տալու, որ ավելի մեծանա այն: Տանջալից էր մնալ այդպիսի անիրավացի մեղադրանքով, բայց և ավելի վատ էր արդարանալ ու կնոջը ցավ պատճառել: Լեհինը ինչպես մի մարդ, որ կես-քուն, կես-արթուն տանջվում է ցավից, ուզում էր պոկել, դեն գցել իրենից ցաված տեղը և ուշքի գալով, զգում էր, որ ցաված տեղը հենց ինքն է: Պետք էր միայն աշխատել՝ օգնել ցաված տեղին, որպեսզի դիմանա, և նա աշխատեց այդպես անել:

Նրանք հաշտվեցին: Կիտին, գիտակցելով իր հանցանքը, բայց չխոստովանելով այն, ավելի քնքուշ էր դեպի ամուսինը, և նրանք զգացին սիրո նոր, կրկնակի երջանկություն: Բայց դա չխանգարեց, որ այդ ընդհարումները կրկնվեին:

Մինչև իսկ առանձնապես հաճախ, ամենամասնավորի և չընչին առիթների հետևանքով: Այդ ընդհարումներն առաջանում էին հաճախ և՛ այն պատճառով, որ նրանք դեռ չգիտեին, թե ի՞նչ է կարևոր միմյանց համար, և՛ այն պատճառով, որ սկզբնական այդ ամբողջ շրջանում նրանք երկուսն էլ հաճախ լինում էին վատ տրամադրության: Երբ մեկի տրամադրությունը լավ էր լինում, իսկ մյուսինը՝ վատ, խաղաղությունը չէր խախտվում, բայց երբ երկուսն էլ վատ տրամադրության էին, ընդհարումներն առաջանում էին իրապես այնպիսի աննշան և անհասկանալի պատճառներից, որ հետո նրանք ո՛չ մի կերպ չէին կարողանում հիշել, թե ինչի՞ մասին էին վիճում: Ծիջտ է, երբ նրանք երկուսն էլ լավ տրամադրության էին լինում, այն ժամանակ կրկնապատկվում էր նրանց կյանքի ուրախությունը: Բայց և այնպես այդ առաջին ժամանակաշրջանը ծանր շրջան էր նրանց համար:

Այդ առաջին ամբողջ ժամանակաշրջանում առանձնապես ուժեղ էր զգացվում այն շղթայի ձգվածությունը, նրա այս ու այն կողմ քաշքշելը, որով կապված էին նրանք իրար հետ: Առհասարակ այն մեղրամիսը, այսինքն՝ հարսանիքին հաջորդող ամիսը, որից Լեհինը ավանդաբար սպասում էր այնքան շատ բան, ո՛չ միայն մեղրի շէր, այլև նրանց երկուսի հիշողության մեջ մնաց որպես նրանց կյանքի ամենածանր ու նվաստացուցիչ ժամանակը: Նրանք երկուսն էլ միակերպ աշխատում էին հետագա կյանքում ջնջել իրենց հիշողությունից այդ անառաջ ժամանակի բոլոր այլանդակ, ամոթալի պարագաները, երբ երկուսն էլ հազվադեպ անգամ էին լինում նորմալ տրամադրության, հազվադեպ անգամ էին լինում իրենց բնական շրջանակում:

Ամուսնության երրորդ ամսին միայն, Մոսկվայից վերադառնալուց հետո, ուր գնացել էին նրանք մի ամսով, նրանց կյանքն ընթացավ ավելի հարթ, հավասար:

XV

Նրանք նոր էին վերադարձել Մոսկվայից և ուրախ էին իրենց առանձնանալու համար: Լեհինը նստել էր կարիսետում՝ գրասեղանի առաջ ու գրում էր: Կիտին, մուգ մանիշակագույն

այն զգեստով, որը հագնում էր ամուսնութիւնից հետո առողջին օրերին ու այսօր նորից հագել էր և որն առանձնապէս հիշատակելի ու թանկ էր Լեինի համար, նստել էր բազմոցին, կաշվե այն հին բազմոցին հենց, որ միշտ զրված էր Լեինի պապի ու հոր կարինետում, և կարում էր broderie anglaise¹. Լեինը մտածում ու գրում էր, անընդհատ ցնծութեամբ զգալով կնոջ ներկայութիւնը: Նա շէր թողել իր զբաղմունքները, կապված և՛ տնտեսութեան, և՛ գրքի հետ, որի մեջ պետք է նկարագրվեին նոր տնտեսութեան հիմունքները. բայց ինչպէս առաջ փոքր ու շնչին էին թվում նրան այդ զբաղմունքները և մտքերը այն խավարի համեմատութեամբ, որ պատել էր ամբողջ կյանքը, ճիշտ այնպէս էլ աննշան ու մանր էին թվում նրանք այժմ՝ առաջիկա այն կյանքի համեմատութեամբ, որ ողողված էր երջանկութեան պայծառ լույսով: Նա շարունակում էր իր զբաղմունքները, բայց զգում էր այժմ, որ իր ուշադրութեան ծանրութեան կենտրոնը փոխանցվել է ա՛յլ բանի վրա և որ այդ պատճառով ինքը բոլորովին ուրիշ կերպ ու ավելի պարզորեն է նայում գործին: Առաջ այդ գործը նրա համար փրկութիւն էր կյանքից: Առաջ նա զգում էր, որ առանց գործի իր կյանքը կդառնա չափազանց մռայլ: Իսկ այժմ այդ զբաղմունքներն անհրաժեշտ էին նրան, որպէսզի կյանքը շինեի չափազանց միօրինակ պայծառ: Նորից անդրադառնալով իր թղթերին, կարդալով այն, ինչ զրված էր, նա գոհունակութեամբ եզրափակեց, որ արժե զբաղվել այդ գործով: Գործը նոր էր և օգտակար: Առաջվա մտքերից շատերը թվացին նրան ավելորդ ու ծայրահեղութիւն. բայց շատ բացի պարզ դարձան նրա համար, երբ նա թարմացրեց իր հիշողութեան մեջ ամբողջ գործը: Նա այժմ գրում էր մի նոր գլուխ՝ Ռուսաստանում հողագործութեան անշահեկան դրութեան պատճառների մասին: Նա ապացուցում էր, որ Ռուսաստանի աղքատութիւնն առաջանում է ո՛չ միայն հողային սեփականութեան անկանոն բաշխումից ու սխալ ուղղութիւնից, այլ որ գրեթե նպաստում է վերջերս Ռուսաստանին աննորմալ ձեռով պատվաստված արտաքին քաղաքակրթութիւնը, մանաւանդ հողորդակցութեան ճանապարհները, երկաթուղիները,

¹ Անգլիական տոնգործում:

որոնք իրենց ետևից բերին կենտրոնացում քաղաքներում, փարթաւութեան զարգացում ու դրա հետևանքով, ի վնաս հողագործութեան, զարգացում ֆաբրիկային արդյունաբերութեան, վարկի և սրա ուղեկից՝ բորսային խաղի: Նրան թվում էր, որ այս բոլոր երևույթները տեղի են ունենում պետութեան մեջ հարստութեան նորմալ զարգացման դեպքում միայն, երբ հողագործութեան վրա արդեն զրված է բավական աշխատանք, երբ հողագործութիւնը մտել է կանոնավոր, համեմայն դեպս, որոշակի պայմանների մեջ. որ երկրի հարստութիւնը պետք է աճի համաշխարհային և մանաւանդ այնպէս, որպէսզի հարստութեան մյուս ճյուղերն առաջ շանցնեն հողագործութիւնից, որ հողագործութեան որոշ կացութեան համեմատ՝ պետք է լինեն նաև նրան համապատասխան հողորդակցութեան ճանապարհներ, և որ հողից մեր անկանոն օգտակար պայմաններում երկաթուղիները, — որոնց կյանքի է կոչել ո՛չ թե տնտեսական, այլ քաղաքական անհրաժեշտութիւնը, — վաղաժամ են ու հողագործութեանը նպաստելու փոխարեն, ինչ սպասում էին նրանցից, առաջ անցնելով հողագործութիւնից և առաջ բերելով արդյունաբերութեան ու վարկի զարգացում, կանգնեցրին այն. և որ այդ պատճառով, ինչպէս մի օրգանի միակողմանի ու վաղաժամ զարգացումը կենդանու մեջ կխանդարեի նրա ընդհանուր զարգացմանը, այնպէս էլ Ռուսաստանում հարստութեան ընդհանուր զարգացման համար վարկը, հողորդակցութեան ճանապարհները, ֆաբրիկային գործունեութեան ուժեղացումը, որոնք անկասկած անհրաժեշտ են Եվրոպայում և որտեղ նրանք պատեհաժամ են, մեզ մոտ միայն վնաս պատճառեցին, հեռացնելով հողաշինարարութեան հերթական զլխավոր հարցը:

Մինչ Լեինը գրում էր իրենք, Կիտին մտածում էր այն մասին, թե ինչպե՛ս անբնականորեն ուշադիր էր իր ամուսինը դեպի երիտասարդ իշխան Չարսկին, որը շատ անտակտ կերպով սիրաբանում էր Կիտիի հետ՝ Մոսկվայից մեկնելու նախօրյակին: «Չէ՞ որ նա խանդում է, — մտածում էր Կիտին: — Աստված իմ, ի՞նչ սիրելի և տխար է նա: Նա խանդո՞ւմ է ինձ: Եթե նա իմանար, որ նրանք ամենքն ինձ համար նույնն են, ինչ Պյոտր խոհարարը, — մտածում էր Կիտին, նայելով իր համար տարօրինակ սեփականութեան զգացումով նրա ծոծ-

րակին ու կարմիր վզին: — Քեպետե ափսոս է նրան կտրել իր զբաղմունքներից (ոչի՛նչ, նա կհասցնի), պետք է նայել նրա դեմքին. արդյոք կզգա՞ նա, որ ես նայում եմ իրեն: Ուզում եմ, որ շուտ գա... Ուզում եմ, դե՛, և Կիտին աչքերը բացեց ավելի լայն, կամենալով զրանով ուժեղացնել իր հայացքի ներագոյնությունը:

— Այո՛, նրանք իրենց են քաշում բոլոր հյուսիսը և տալիս են կեղծ փայլ,— մոթմոթաց Լեինը, դադարելով գրել և զգալով, որ կինը նայում է իրեն ու ժպտում, ետ նայեց:

— Ի՞նչ կա,— հարցրեց Լեինը ժպտալով ու վեր կենալով: «Ետ նայեց», մտածեց Կիտին:

— Ոչի՛նչ, ես ուզում էի, որ դու ետ նայեիր,— ասաց Կիտին, նայելով ամուսնուն ու կամենալով կռահել, արդյոք, նա սրտենդո՞ւմ է, որ ինքը խանգարեց նրան, թե՛ ոչ:

— Ա՛յ, ինչ լա՛վ է, որ մենք երկուսով ենք: Այսինքն՝ ինձ համար,— ասաց Լեինը, մոտենալով նրան ու փայլելով երջանկալիքի ժպտով:

— Ինձ համար այնպես լավ է, ո՛չ մի տեղ չեմ գնա, մանավանդ Մոսկվա:

— Իսկ ինչի՞ մասին էիր մտածում դու:

— Ե՛ս. ես մտածում էի... ո՛չ, ո՛չ, գնա գրիր, մտքերդ մի՛ ցրիր,— ասաց Կիտին, կնճռելով շուրթերը,— ես էլ սկսեք է հիմա կտրեմ այս ծակերը, ա՛յ, տեսնո՞ւմ ես:

Կիտին վերցրեց մկրատը և սկսեց կտրել-հանել:

— Ձէ, ասա՛, ի՞նչ էիր մտածում,— ասաց Լեինը, նստելով կնոջ մոտ և հետևելով փոքրիկ մկրատի շրջանաձև շարժումին:

— Ա՛խ, ի՞նչ էի մտածում: Մտածում էի Մոսկվայի մասին, քո ծոծրակի մասին:

— Իսկպպես, ինչո՞ւ ինձ վիճակվեց այսպիսի երջանկություն: Անբնական է: Չափազանց լավ է,— ասաց Լեինը, համբուրելով նրա ձեռքը:

— Ինձ համար, ընդհակառակը, որքան ավելի լավ է, այնքան ավելի բնական է:

— Գու՛ փոքրիկ հյուս ունես,— ասաց Լեինը, գոլշությամբ շուտ տալով նրա գլուխը: — Փոքրիկ հյուս: Տեսնո՞ւմ ես, ահա այստեղ: Ո՛չ, ո՛չ: Մենք զբաղված ենք գործով:

Զբաղմունքն այլևս չէր շարունակվում, և նրանք, որպես

հանցավորներ, ետ քաշվեցին իրարից, երբ Կուզման մտավ հայտնելու, որ թեյը պատրաստ է:

— Իսկ քաղաքից եկա՞ն,— հարցրեց Լեինը Կուզմային:

— Հենց նոր եկան, կարգի են բերում:

— Դե՛, շո՛ւտ եկ,— ասաց Կիտին ամուսնուն, դուրս գնալով կարինետից,— թե չէ՛ առանց քեզ կկարդամ նամակները: Եվ արի՛ նվազենք չորս ձեռքով:

Մնալով մենակ ու հավաքելով իր տետրերը Կիտիի գնած նոր պորտֆելի մեջ, նա սկսեց լվանալ ձեռքերը նոր լվացարանում՝ էլի նույն Կիտիի հետ հանդես եկած, նոր վայելչագեղ պարագաներով: Լեինը ժպտում էր իր մտքերին և անհավանորեն շարժում էր գլուխն այդ մտքերի վրա. նրան տանջում էր զղջման նման մի զգացում: Նրա այժմյան կյանքի մեջ կար ինչ-որ ամոթալի, փափկակեց, կապուսկան՝ բան, ինչպես կոչում էր նա ինքն իրեն: «Լավ չէ այդպես ապրելը,— մտածում էր նա: — Ահա շուտով կլինի երեք ամիս, իսկ էս համարյա ոչինչ չեմ անում: Այսօր համարյա առաջին անգամ ես լրջորեն ձեռնամուխ եղա աշխատանքի և ի՛նչ: Սկսեցի ու իսկույն թողի: Ես համարյա թողել եմ նույնիսկ իմ սովորական զբաղմունքները: Ես համարյա չեմ գնում ոչ մի տեղ, չեմ լինում նաև տնտեսության գործերով: Մերթ խոճում եմ Կիտիին մենակ թողնել, մերթ տեսնում եմ, որ նա ձանձրանում է: Իսկ ես կարծում էի, որ մինչև ամուսնություն՝ կյանքը հենց էնպես մի կերպ ընթացող, հաշվից դուրս բան է, որ ամուսնությունեից հետո միայն կսկսվի իսկական կյանքը: Իսկ ահա շուտով կլինի երեք ամիս, ես երեք այդպես պարապ-սարապ ու ապարդյուն չեմ անցկացրել ժամանակը: Ո՛չ, այսպես չի կարելի, պետք է սկսել: Իհարկե, Կիտին մեղավոր չէ: Նրան հանդիմանելու բան չկա: Ես ինքս պետք է լինեի ամուր, պաշտպանեի տղամարդու իմ անկախությունը: Թե չէ՛ այսպես կարող եմ ինքս էլ վարժվել անգործության, նրան էլ վարժեցնել... Իհարկե, նա մեղավոր չէ», ասում էր ինքն իրեն Լեինը:

Բայց դժգոհ մարդու համար դժվար է չհանդիմանել մեկ ուրիշին, և հենց նրան, ով ամենից ավելի մոտ է իրեն, հանդիմանել այն բանում, ինչից ինքը դժգոհ է: Եվ աղոտ կերպով

¹ Կապուսկան՝ փոքրիկ քաղաք Իտալիայում, որը միջին դարերում հայտնի էր իր հարստությամբ ու բնակիչների զեխ, փափկատուն կյանքով:

Լեհին գլխում ծագեց մի միտք. թե մեղավոր է ո՛չ թե ինքո՞
հիտին (նա ոչ մի բանում չէր կարող մեղավոր լինել), այլ
մեղավոր է նրա դաստիարակութունը՝ չափազանց մակերե-
սային ու թեթևակշիռ («այդ հիմար Չարսկին. ես գիտեմ, Կի-
տին ուզում էր, բայց չէր կարողանում կանգնեցնել նրան»)։
«Այո՛, բացի տան հանդեպ հետաքրքրությունից (դա ունի Կի-
տին), բացի իր տուալետից և բացի broderie anglaise, Ես
ուրիշ բանով լուրջ չի հետաքրքրվում։ Չկա հետաքրքրություն
ո՛չ դեպի իմ գործը, դեպի տնտեսությունը, դեպի մուժիկները,
դեպի երաժշտությունը, որի մեջ նա բավական ուժեղ է, ո՛չ էլ
դեպի ընթերցանությունը։ Նա ոչինչ չի անում և լիովին բա-
վարարված է»։ Լեհինը իր հոգում դատապարտում էր դա և չէր
հասկանում դեռ, որ Կիտին պատրաստվում էր գործունեու-
թյան այն գալիք շրջանի համար, երբ նա միաժամանակ կլինի
իր ամուսնու կինը և տանտիկին, արգանդում կկրի, հետո
կկերակրի ու կդաստիարակի երեխաներին։ Լեհինը չէր հաս-
կանում, որ Կիտին ներքին զգացողությամբ գիտեր այդ ամե-
նը և պատրաստվելով այդ սոսկալի աշխատանքին, չէր կրշ-
տամբում իրեն սիրո երջանկության ու անհոգության բոպանե-
րին, որոնցից նա օգտվում էր այժմ, ուրախ հյուսելով իր
ապագա բույնը։

XVI

Երբ Լեհինը բարձրացավ վերև, նրա կինը նստել էր արծա-
թե նոր ինքնահեղի մոտ՝ թեյի պարագաների առաջ և Ագաֆիա
Միխայլովնայի համար լցրած մի գավաթ թեյ, նստեցրել էր
նրան փոքրիկ սեղանի մոտ, ինքն էլ կարդում էր Դոլլիից ըս-
տացած նամակը, որի հետ մշտական ու հաճախակի նամակա-
գրություն ունեւր։

— Տե՛ս, նստեցրել է ինձ ձեր տիկինը, հրամայեց նստել
իր հետ,— ասաց Ագաֆիա Միխայլովնան, բարեկամարար
ժպտալով Կիտինին։

Ագաֆիա Միխայլովնայի այդ խոսքերի մեջ Լեհինը կարգաց
լուծումն այն դրամայի, որ վերջերս տեղի ունեւր Ագաֆիա
Միխայլովնայի և Կիտիի միջև։ Նա տեսավ, որ շնայած Ագա-
ֆիա Միխայլովնային նոր տանտիկնոջ պատճառած ամբողջ
դառնութանը, այն է՝ տան կառավարության ղեկը նրանից խլե-

լուն, Կիտին այսուամենայնիվ նրան հաղթել ու ստիպել է
սիրել իրեն։

— Եվ ահա ես կարողացի ջո նամակը,— ասաց Կիտին,
տալով Լեհինին անգրագետ մի նամակ։ — Դա այն կնոջից է,
կարծեմ, ջո եղբոր... — ասաց նա։ — Ծս չկարողացի։ Իսկ սա
մերոնցից և Դոլլիից է։ Երևակայի՛ր։ Դոլլին Գրիշային ու
Տանյային տարել է Սարմատսկիների մոտ՝ մանկական պա-
րահանդեսի։ Տանյան եղել է մարքիզուհի։

Բայց Լեհինը չէր լսում կնոջը. նա կարմրելով, վերցրեց
Մարիա Նիկոլանայի, Նիկոլայ անդրոպ նախկին սիրուհու նա-
մակը և սկսեց կարդալ այն։ Դա արդեն երկրորդ նամակն էր
Մարիա Նիկոլանայից։ Առաջին նամակում Մարիա Նիկոլա-
նան գրում էր, թե եղբայրն անմեղ տեղը վճարեց իրեն, և սրբ-
տառուչ միամտությամբ ավելացնում էր, որ թեև ինքը նուրբ
աղքատության մեջ է, բայց ոչինչ չի խնդրում, չի ուզում, այլ
որ իրեն տանջում է միայն այն միտքը, որ առանց իրեն կկոր-
չի Նիկոլայ Դմիտրիևիչը իր թույլ առողջությամբ, և խնդրում
է եղբորը՝ հոգ տանել նրա մասին։ Այժմ նա գրում էր ուրիշ
բան։ Նա գտել է Նիկոլայ Դմիտրիևիչին, նորից միացել է
նրան Մոսկվայում և նրա հետ գնացել է նահանգական քա-
ղաքը, որտեղ Նիկոլայը պաշտոն է ստացել։ Բայց այնտեղ նա
կովել է իր պետի հետ և վերադարձել Մոսկվա, բայց ճանա-
պարհին այնպես է հիվանդացել, որ դժվար թե վեր կենա,—
գրում էր Մարիա Նիկոլանան։ «Շարունակ խոսում էր ձեր
մասին, և հետո՛ էլ փող չկա»։

— Կարգա, ջո մասին է գրում Դոլլին,— սկսեց Կիտին
ժպտալով. բայց հանկարծ կանգ առավ, նկատելով ամուսնու
ղեմքի փոխված արտահայտությունը։ — Ի՞նչ եղավ քեզ։ Ի՞նչ
է պատահել։

— Նա գրում է ինձ, որ Նիկոլայ եղբայրս մահամերձ է։
Ծս պետք է գնամ։

Կիտիի դեմքը հանկարծ փոխվեց։ Բոլոր մտքերը Տանյա
մարքիզուհու և Դոլլիի մասին չբացան։

— Իսկ ե՞րբ ես գնալու,— հարցրեց Կիտին։

— Վաղը։

— Ծս էլ քեզ հետ, կարելի՞ է,— ասաց կինը։

— Կի՛տի, է՛, քի՛նչ բան է գա,— հանգիմանութեամբ ասաց
Լևինը:

— Ինչպե՞ս թե ինչ է,— հարեց Կիտին, վիրավորված, որ
ամուսինը կարծես ո՛չ սիրով ու սրտնեղութեամբ է ընդունում
իր առաջարկը: — Իսկ ինչո՞ւ չգնամ ես: Ես քեզ չեմ խանգարի:
Ես...

— Ես գնում եմ, որովհետև իմ եղբայրը մեռնում է,—
ասաց Լևինը: — Դո՛ւ ինչո՞ւ...

— Ինչո՞ւ: Նրա համար հենց, ինչի համար և դու:

«Եվ ինձ համար կարևոր այդպիսի բոլորին նա մտածում
է միայն այն մասին, որ ինքը կձանձրանա միայնակ», մտա-
ծեց Լևինը: Եվ այդ պատճառաբանությունը այդպիսի կարևոր
գործում բարկացրեց նրան:

— Դա անհնարին բան է,— ասաց նա խիստ:

Ազաֆիա Միխայլովնան տեսնելով, որ բանը հասնում է
վեճի, լռիկ ցած դրեց գավաթը և դուրս գնաց: Կիտին նույնիսկ
չնկատեց նրան: Այն տոնը, որով ամուսինն ասաց վերջին
խոսքերը, վիրավորեց կնոջը, մանավանդ նրանով, որ ամու-
սինը, ինչպես երևում է, չէր հավատում կնոջ ասածին:

— Ես ասում եմ քեզ, եթե դու գնաս, ես էլ կգամ քեզ
հետ, անպայման կգամ,— շտապ ու ցասկոտ խոսեց Կիտին:—
Ինչո՞ւ է անհնարին: Ինչո՞ւ ես ասում, որ դա անհնարին է:

— Որովհետև պետք է գնալ, աստված գիտե թե ո՛ւր. ինչ
ճանապարհներով, ինչ հյուրանոցներում պիտի ապրել... Դու
կճնշես ինձ,— ասում էր Լևինը, աշխատելով լինել սառնար-
յուն:

— Բնավ ոչ: Ինձ ոչինչ պետք չէ: Որտեղ կարող ես դու,
այնտեղ էլ ես...

— Ա՛, թեկուզ հենց այն պատճառով, այնտեղ է այդ կի-
նը, որի հետ դու չես կարող մոտիկանալ:

— Ես ոչինչ չգիտեմ ու չեմ ուզում իմանալ, թե ո՞վ է այն-
տեղ և ինչ: Ես գիտեմ, որ իմ ամուսնու եղբայրը մեռնում է
և ամուսինս գնում է նրա մոտ, ես էլ գնում եմ ամուսնուս
հետ, որպեսզի...

— Կի՛տի, մի՛ բարկանա: Բայց մտածիր, տե՛ս, այդ
գործն այնքան կարևոր է, որ ցավում եմ, երբ տեսնում եմ,
որ դու խառնում ես թուլություն, մենակ շմալու ցանկություն

զգացումն իրար հետ: Եթե մենակ ձանձրալի կլինի քեզ հա-
մար, դե՛, գնա Մոսկվա:

— Ա՛յ, ահա, դու միշտ վերագրում ես ինձ վատ, ստոր
մտքեր,— ասաց Կիտին վիրավորանքի ու ցասման արցունք-
ներով,— ես ոչինչ, ո՛չ թուլություն, ո՛չ մի բան... Ես զգում
եմ, որ իմ պարտքն է լինել ամուսնուս հետ այն ժամանակ,
երբ նա դժբախտության մեջ է, բայց դու ուզում ես դիտմա՞թ
ցավ պատճառել ինձ, դիտմամբ ուզում ես չհասկանալ...

— Ո՛չ, սոսկալի է դա: Լինել ինչ-որ ստորուկ,— ճշաց Լևի-
նը, վեր կենալով ու այլևս չկարողանալով զսպել իր սրտնե-
ղությունը: Բայց հենց նույն վայրկյանին զգաց, որ հարվա-
ծում է ինքն իրեն:

— Ուրեմն էլ ինչո՞ւ ամուսնացար: Ազատ կլինեիր: Ինչի՞
համար էր, եթե դու ափսոսում ես,— ասաց Կիտին, վեր թռավ
տեղից ու վազեց ընդունարան:

Երբ Լևինը եկավ նրա ետևից, նա ցնցվում էր հեկեկանքից:

Լևինն սկսեց խոսել, ցանկանալով գտնել այն բառերը,
որոնք կարող էին ոչ թե փոխել Կիտիի համոզմունքը, այլ մի-
այն հանգստացնել նրան: Բայց նա չէր լսում ամուսնուն և
ոչ մի բանի չէր համաձայնում: Լևինը կոացավ դեպի նա ու
վերցրեց նրա դիմադրող ձեռքը: Համբուրեց կնոջ ձեռքը, համ-
բուրեց մազերը, նորից համբուրեց ձեռքը,— կինը լուռ էր շա-
բունակ: Բայց երբ Լևինը երկու ձեռքով բռնեց նրա դեմքը և
ասաց «Կի՛տի»,— Կիտին հանկարծ ուշքի եկավ, լաց եղավ ու
հաշտվեց:

Վճռեցին վաղը գնալ միասին: Լևինը ասաց կնոջը, թե հա-
վատում է, որ նա կամենում է գնալ միայն նրա համար, որ-
պեսզի օգտակար լինի, համաձայնեց, որ Մարիա Նիկոլաևնա-
յի ներկայությունը եղբոր մոտ անվայելուչ բան չէ. բայց իր
հոգու խորքում Լևինը գնում էր դժգոհ նրանից և իրենից:
Լևինը դժգոհ էր կնոջից, որը շթողեց նրան մենակ գնալ, երբ
դա պետք էր (և ի՞նչ տարօրինակ էր թվում նրան այն միտ-
քը, թե ինքը, որ դեռ նորերս չէր համարձակվում հավատալ
այն բախտին, որ Կիտին կարող է սիրել նրան, այժմ դժբախտ
էր զգում իրեն, որ Կիտին սիրում է նրան չափազանց), և
դժգոհ էր ինքն իրենից, որ ցույց չտվեց իր կամքի ուժը: Իր
հոգու խորքում նա ավելի ևս համաձայն չէր այն մտքին, իբր

Կիտին ոչ մի գործ չունի այն կնոջ հետ, որը եղբոր հետ էր, և նա սոսկանքով էր մտածում հնարավոր բոլոր ընդհարումներին մասին: Հենց միայն այն, որ իր կինը, իր Կիտին, կիննի մի սենյակում պոռնիկ կնոջ հետ, ստիպում էր նրան ցնցվել զզվանքից ու սարսափից:

XVII

Նահանգական քաղաքի հյուրանոցը, որտեղ պառկած էր Նիկոլայ Լեինը, մեկն էր նահանգական այն հյուրանոցներից, որոնք սարքավորվում են նոր կատարելագործված եղանակով, մաքրության, հարմարավետության, նույնիսկ վայելչագեղության լավագույն դիտավորություններով, բայց որոնք, իրենց այցելող հասարակության շնորհիվ, ծայրահեղ արագությամբ վերածվում են կեղտոտ գինետների՝ կատարելագործման հավակնությանը և հենց այս հավակնության հետևանքով դառնում են ավելի վատ, քան հին, ուղղակի կեղտոտ հյուրանոցները: Այդ հյուրանոցն արդեն հասել էր այս կացության, և թե՛ մուտքի մոտ ծխախոտ ծխող կեղտոտ համազգեստով գինավորը, որ պարտավոր էր լինել բարապանի դերում, թե՛ շուգունն, մուսլ և անախորժ միջանցիկ սանդուղքը, թե՛ կեղտոտ ֆրակով բացելզու հավաքարարը, թե՛ ընդհանուր դահլիճը՝ մոմե ծաղիկների փոշոտ փնջով, որ զարդարում էր սեղանը, թե՛ կեղտը, փոշին ու փնթիռությունն ամենուր, և դրա հետ միասին այդ հյուրանոցի ինչ-որ նոր արդիորեն երկաթուղային ինքնաբավական մտահոգությունը առաջ բերին Լեինի մեջ ամենաձանր զգացում, նրանց նոր կյանքից հետո, մանավանդ նրանով, որ հյուրանոցի թողած կեղծ տպավորությունը ո՛չ մի կերպ չէր հաշտվում այն բանի հետ, ինչ սպասում էր նրանց:

Ինչպես միշտ, բանից դուրս եկավ, որ սովորական հարցից հետո, թե ի՞նչ գնանոց համար կկամենային, չկար ո՛չ մի լավ համար. մի լավ համար զբաղեցրել էր երկաթուղու վերաբննիչը, մյուսը՝ Մոսկվայից եկած փաստաբանը, երրորդը՝ գյուղից եկած իշխանուհի Աստաֆևան: Մնում էր մի կեղտոտ համար, որի կողքին խոստանում էին երեկոյան դեմ ազատել մի ուրիշը: Սրտնեղելով կնոջ վրա, որ կատարվեց այն, ինչ

սպասում էր ինքը, այսինքն՝ այն, որ գալու թույլին, երբ նրա սիրտը փոթորկվում էր հուզմունքից, մտածելով, թե ինչպե՛ս է եղբայրը, նա ստիպված էր հոգ տանել կնոջ մասին, փոխանակ անմիջապես վազելու եղբոր մոտ,— Լեինը կնոջը ներս տարավ իրենց հատկացրած համարը:

— Գնա՛, գնա՛,— ասաց Կիտին, երկչոտ, հանցավոր հայացքով նայելով ամուսնուն:

Լեինը լուռ դուրս եկավ և տեղնուտեղը դեմ առավ Մարիա Նիկոլանային, որն իմացել էր նրա գալու մասին ու չէր համարձակվել մտնել նրա մոտ: Նա ճիշտ այնպես էր, ինչպես տեսել էր նրան Լեինը՝ Մոսկվայում. նույն բրդե հագուստը և մերկ թևերն ու վիզը, և նույն բարեսիրտ-բուր, մի փոքր լցված, շեշոտ դեմքը:

է՛, ի՞նչ կա: Ինչպե՛ս է նա: Ի՞նչ:

— Շատ վատ է: Վեր չի կենում. նա շարունակ ձեզ էր սպասում: Նա... դուք... ձեր տիկնոջ հե՛տ եք:

Լեինն առաջին թույլին չհասկացավ այն, ինչ ճշում էր Մարիա Նիկոլանային, բայց սա անմիջապես պարզաբանեց:

— Ես կհեռանամ, ես կգնամ խոհանոց,— թոթովում էր նա.— Նա կուրախանա: Նա լսել է և ճանաչում ու հիշում է նրան արտասահմանից:

Լեինը հասկացավ, որ Մարիա Նիկոլանան նկատի ուներ իր կնոջը, և չգիտեր, թե ի՞նչ պատասխանի:

— Գնա՛նք, գնա՛նք,— ասաց Լեինը:

Բայց հենց որ նա տեղից շարժվեց, նրա համարի դուռը բացվեց և դուրս նայեց Կիտին: Լեինը կարմրեց թե՛ ամոթից, թե՛ վրդովմունքից իր կնոջ դեմ, որ այդ ծանր վիճակի միջոցից և՛ իրեն և՛ նրան. բայց Մարիա Նիկոլանան կարմրեց ավելի շատ. նա ամբողջովին կուչ եկավ ու կարմրեց արտասովելու աստիճան և երկու ձեռքով բռնելով թաշկինակի ծայրերը, ոլորում էր կարմիր մատներով. շիմանալով, թե ի՞նչ ասի, ի՞նչ անի:

Առաջին վայրկյանին Լեինը տեսավ ազահ հետաքրքրության արտահայտություն այն հայացքի մեջ, որով Կիտին նայում էր իր համար անհասկանալի այդ սոսկալի կնոջը. բայց դա տեսեց միայն մի վայրկյան:

— Ինչպե՞ս է, ինչպե՞ս է նա, — դիմեց կիտին ամուսնում
և հետո Մարիա Նիկոլաևնային:

— Դե հո չի՞ կարելի միջանցքում գրուցել, — ասաց Լևինը,
զայրույթով նայելով այն պարոնին, որը խորոխտ քայլերով
անցնում էր այդ պահին միջանցքով, իբր գնում էր իր գոր-
ծով:

— Դե՞, ներս եկեք, — ասաց կիտին, դիմելով ուշքի եկած
Մարիա Նիկոլաևնային. բայց նկատելով ամուսնու վախեցած
դեմքը, — կամ գնացե՛ք, գնացե՛ք և մարդ ուղարկեք իմ ետե-
վից, — ասաց նա ու վերադարձավ համար: Լևինը գնաց եղ-
բոր մոտ:

Նա ո՛չ մի կերպ չէր սպասում այն բանին, ինչ տեսավ ու
զգաց եղբոր մոտ: Նա սպասում էր, թե կգտնի ինքնախա-
բևության այն կացությունը, որ այնպես հաճախ ունենում են
թոքախտավորները, ինչպես լսել էր նա, և որն այնպես խիստ
զարմացրեց նրան աշնանը՝ եղբոր եկած ժամանակ: Նա սպա-
սում էր, որ մոտեցող մահվան հատկանիշներն արտահայտ-
ված կլինեն ավելի որոշակի, այսինքն՝ ավելի թուլություն,
ավելի նիհարություն, մինչդեռ վիճակը համարյա նույնն էր:
Նա սպասում էր, թե ինքը կունենա սիրելի եղբորը կորցնելու
ափսոսանքի և մահվան հանդեպ սարսափի նույն զգացումը,
որ նա ուներ այն ժամանակ, բայց ավելի մեծ շահով միայն:
Եվ նա պատրաստվում էր դրան, սակայն գտավ բոլորովին
այլ բան:

Փոքրիկ, կեղտոտ համարում, — պատերի նախշազարդ
պաննոն թքոտած, որի բարակ միջնորմի ետևից լսվում էր
խոսակցության ձայն, — աղտոտությունների խեղդուկ հոտով
հագեցած օդում, պատից հեռացրած մահճակալի վրա պառ-
կած էր վերմակով ծածկված մի մարմին: Այդ մարմնի մի ձեռ-
քը վերմակի վրա էր, և այդ ձեռքի վիթխարի թաթը, փոց-
խի նման, անհասկանալիորեն կցված էր սկզբից մինչև կեսը
բարակ ու հավասար երկար ուսոսկրին: Գլուխը կողքի վրա
դրած էր բարձին: Լևինը տեսնում էր քրտնած նոսր մազերը
քունքերին և պրկած, ասես թափանցիկ ճակատը:

Չի կարող պատահել, որ այդ սարսափելի մարմինը լի-
նե՞ր Նիկոլայ եղբայրը, մտածեց Լևինը: Բայց նա ավելի մոտ
գնաց, տեսավ դեմքը, և կասկածն այլևս դարձավ անհնա-

բին: Չնայած դեմքի սոսկալի փոփոխությանը, բավական էր,
որ Լևինը նայեր այդ աշխույժ, ներս մտնողի վրա բարձրաց-
րած աչքերին, նկատեր բերանի թեթև շարժումը՝ մազերն իրար
կպած բեղերի տակ, որպեսզի հասկանար այն սարսափելի
ճշմարտությունը, թե այդ մեռած մարմինը իր կենդանի եղ-
բայրն է:

Փայլուն աչքերը խիստ ու կշտամբալից նայեցին ներս
մտած եղբորը: Եվ այդ հայացքով անմիջապես կենդանի կապ
հաստատվեց կենդանի էակների միջև: Լևինն անմիջապես
զգաց իր վրա հառած հայացքի մեջ կշտամբանք և զղջում իր
երջանկության համար:

Երբ Կոնստանտինը վերցրեց նրա ձեռքը, Նիկոլայը ժրպ-
տաց: Ժպիտը թույլ էր, հազիվ նկատելի և, շնայած ժպիտին,
չփոխվեց աչքերի խիստ արտահայտությունը:

— Դու չէի՞ր սպասում, որ ինձ կգտնես այս վիճակում, —
դժվարությամբ արտասանեց նա:

— Այո՛... ո՛չ... — ասում էր Լևինը շփոթվելով: — Հապա
ինչո՞ւ իմաց չտվիր ավելի շուտ, այսինքն դեռ իմ հարսա-
նիքի ժամանակ: Ես տեղեկություններ էի հավաքում ամենուր:

Պետք էր խոսել շուտուհե համար, իսկ նա չգիտեր, թե ի՞նչ
խոսի. մանավանդ որ եղբայրը ոչինչ չէր պատասխանում,
այլ միայն նայում էր, աչք չհեռացնելով նրանից և, ըստ երե-
վույթին, թափանցում էր յուրաքանչյուր բառի նշանակության
մեջ: Լևինը հաղորդեց եղբորը, որ իր հետ եկել է կինը: Նիկո-
լայը գոհունակություն հայտնեց, բայց ասաց, որ վախենում
է իր դրությամբ երկուդ պատճառի նրան: Տիրեց լուռություն:
Հանկարծ Նիկոլայը շարժվեց ու սկսեց ասել ինչ-որ բան:
Լևինը նրա դեմքի արտահայտությունից սպասում էր ինչ-որ
առանձնապես նշանավոր ու կարևոր բան, բայց Նիկոլայը խո-
սեց իր առողջության մասին: Նա մեղադրում էր բժշկին, ափ-
սոսում էր, որ չկա Մոսկվայի հոշակավոր բժիշկը, և Լևինը
հասկացավ, որ նա դեռ հույս ուներ:

Օգտվելով լուռության առաջին րոպեից, Լևինը վեր կացավ,
կամենալով գեթ մի րոպե ազատվել տանջալից զգացումից և
ասաց, որ գնում է կնոջը բերելու:

— Կա՞վ. իսկ ես կհրամայեմ, որ մաքրեն այստեղ: Այս-
տեղ կեղտոտ է և, կարծում եմ, դարձահոտություն է փչում:

Մա՛շա, հովաքիր այստեղ,— դժվարութեամբ ասաց հիվանդը:— Հենց որ հավաքես, դուրս գնա,— ավելացրեց նա, հարցական նայելով եղբորը:

Լևինը ոչինչ չպատասխանեց: Դուրս գալով միջանցք, նա կանգ առավ: Նա ասաց, որ կբերի կնոջը, բայց հիմա, հաշիվ տալով իրեն այն զգացման մասին, որ ունեւր ինքը, նա վրձնեց, որ ընդհակառակը, կաշխատի համոզել Կիտին, որ նա չզնա հիվանդի մոտ: «Ինչո՞ւ պիտի նա էլ տանջվի, ինչպես ես», մտածեց Լևինը:

— Ըր՞, ի՞նչ կա, ինչպե՞ս է,— հարցրեց Կիտին վախեցած դեմքով:

— Ա՛խ, սարսափելի է, սոսկալի: Ինչո՞ւ եկար դու,— ասաց Լևինը:

Կիտին լռեց մի քանի վայրկյան, երկշտտութեամբ ու խղճահարված նայելով ամուսնուն. ապա մոտեցավ և երկու ձեռքով բռնեց նրա արմուկները:

— Կոստյա, տա՛ր ինձ նրա մոտ, մեզ համար ավելի թեթև կլինի երկուսով: Դու միայն տա՛ր ինձ, տա՛ր ինձ, խընդրեմ, և հեռացի՛ր,— խոսեց Կիտին:— Դու հասկացիր, որ ինձ համար շատ ավելի ծանր է տեսնել քեզ ու չտեսնել նրան: Կարող է պատահել, որ այնտեղ ես օգտակար լինեմ քեզ և նրան: Խնդրում եմ, թույլ տուր,— աղաչում էր նա ամուսնուն, կարծես իր կյանքի երջանկությունը կախված էր դրանից:

Լևինը ստիպված էր համաձայնել և ուշքի գալով ու բոլորովին մոռանալով Մարիա Նիկոլաևնայի մասին, Կիտիի հետ նորից գնաց եղբոր մոտ:

Թեթև քայլերով ու անդադար նայելով ամուսնուն և ցույց տալով նրան քաջ ու կարեկից դեմք, Կիտին մտավ հիվանդի սենյակը և անշտապ շուռ գալով, առանց աղմուկի փակեց դուռը: Անլսելի քայլերով նա արագ մոտեցավ հիվանդի մահահին ու մտնելով այնպես, որ Նիկոլայն ստիպված չլինի զուլախը շուռ տալու, անմիջապես վերցրեց իր թարմ, ջահել ձեռքի մեջ նրա հսկայական ձեռքի կմախքը, սեղմեց այն և միայն կանանց հատուկ, չվիրավորող ու կարեկցող խաղաղ աշխուժութեամբ սկսեց խոսել նրա հետ:

— Մենք իրար պատահում էինք Սոդանում, բայց ծանոթ

չէինք,— ասաց Կիտին:— Դուք չէիք կարծում, որ ես կլինեմ ձեր բույրը:

— Դուք ինձ չէի՞ք ճանաչի,— ասաց Նիկոլայը ժպտով, որը փայլեց Կիտիի ներս մտնելիս:

— Ո՛չ, կճանաչեի: Ի՞նչ լավ արիք, որ իմաց տվիք մեզ: Օր չէր լինում, որ Կոստյան չհիշեր ձեր մասին ու շանհանգըստանար:

Բայց հիվանդի աշխուժությունը երկար չտևեց:

Դեռ Կիտին չէր վերջացրել խոսքը, երբ Նիկոլայի դեմքին նորից երևաց կենդանի էակի նկատմամբ մեռնողի նախանձի խիստ, կշտամբական արտահայտություն:

— Ես վախենում եմ, որ ձեզ համար այստեղ այնքան էլ լավ չէ,— ասաց Կիտին, շուռ գալով նրա սեռուն հայացքից ու դիտելով սենյակը:— Պետք է հյուրանոցի տիրոջից խնդրել ուրիշ սենյակ, և հետո որ մենք ավելի մոտ լինենք,— ասաց նա ամուսնուն:

XVIII

Լևինը չէր կարողանում հանգիստ նայել եղբորը, չէր կարողանում նրա ներկայութեամբ լինել բնական ու հանգիստ: Երբ նա մտնում էր հիվանդի մոտ, նրա աչքերը և ուշադրությունն անգիտակցաբար շաղվում էին, և նա չէր տեսնում ու չէր տարբերում եղբոր դրություն մանրամասները: Նա սոսկալի հոտ էր առնում, տեսնում էր կեղտոտություն, անկարգություն և տանջալից կացություն ու հառաչանքներ և զգում էր, որ չի կարելի օգնել դրան: Նրա գլխով անգամ չէր անցնում մտածել, հասկանալ հիվանդի կացության բոլոր մանրամասները, մտածել այն մասին, թե ինչպե՞ս էր պառկել այնտեղ, վերմակի տակ, այդ մարմինը, ինչպե՞ս էին ծալվելով գետեղվել այդ նիհարած ոլոգները, կոնքոսկրները, մեջքը և չէ՞ր կարելի արդյոք՝ մի կերպ ավելի լավ տեղավորել դրանք, անել այնպես, որ եթե անգամ ավելի լավ չլինեք, բայց պակաս վատ լինեք: Նրա մեջքով սարսուռ էր անցնում, երբ նա սկսում էր մտածել այս բոլոր մանրամասների մասին: Նա անկասկած համոզված էր, որ ոչինչ չի կարելի անել՝ ո՛չ կյանքը երկարացնելու համար, ո՛չ էլ տառապանքները թեթևացնելու: Բայց

այն գիտակցութիւնը, որ նա ամեն օգնութիւն համարում էր անհնարին, հաղորդվում էր հիվանդին ու գրգռում էր նրան: Այդ իսկ պատճառով Լևինի համար ավելի ծանր էր: Հիվանդի սենյակում լինելը նրա համար տանջանք էր, շինելը՝ ավելի վատ: Եվ նա զանազան պատրվակներով անդադար դուրս էր գնում ու նորից ներս գալիս, անկարող լինելով մենակ մնալ:

Բայց Կիտին մտածում էր, զգում ու գործում էր բոլորովին այլ կերպ: Տեսնելով հիվանդին, նա խղճաց նրան: Եվ խղճահարութիւնը նրա կանացի հոգում բնավ առաջ չբերեց սարսափի ու գարշանքի այն զգացումը, որ առաջացրեց նրա ամուսնու մեջ, այլ հարուցեց պահանջ՝ գործելու, իմանալու հիվանդի կացութեան բոլոր մանրամասները և օգնելու նրան: Ու սրովհետև Կիտի մեջ ո՛չ մի կասկած չկար, որ ինքը պետք է օգնի հիվանդին, նա չէր կասկածում նաև այն բանում, որ դա կարելի է, և անմիջապէս ձեռնամուխ եղավ այդ գործին: Այն նույն մանրամասները, որոնց մասին մտածելը սարսափեցնում էր նրա ամուսնուն, անմիջապէս զրավեցին նրա ուշադրութիւնը: Կիտին ուղարկեց բժշկի ետևից, մարդ ուղարկեց դեղատուն, ստիպեց իր հետ եկած աղջկան ու Մարիա Նիկոլանային ավելի, մաքրել փոշին, լվանալ, ինքն էլ ինչ-որ բան լվանում էր, ողողում, ինչ-որ բան դնում էր հիվանդի վերմակի տակ: Նրա կարգադրութեամբ ինչ-որ բան ներս բերում ու դուրս էին տանում Նիկոլայի սենյակից: Նա ինքը մի քանի անգամ գնաց իր համարը, ուշադրութիւն շղարձելով իրեն ընդառաջ եկող պարոնների վրա, հանում ու բերում էր սավաններ, բարձի երեսներ, երեսսրբիչներ, շապիկներ:

Սպասավորը, որը ընդհանուր գահլիճում ճաշ էր տալիս ինժնեներներին, մի քանի անգամ բարկացած դեմքով եկավ Կիտիի կանչին և չէր կարող չկատարել նրա հրամանները, որովհետև նա այնպիսի սիրալիր պնդողականութեամբ էր անում իր կարգադրութիւնները, որ ո՛չ մի կերպ չէր կարելի թողնել հեռանալ նրանից: Լևինը հավանութիւն չէր տալիս այս բոլորին. նա չէր հավատում, որ դրանից որևէ շահ ստացվի հիվանդի համար: Իսկ ամենից ավելի նա վախենում էր, որ հիվանդը կբարկանա: Բայց հիվանդը չէր բարկանում, թեպետև կարծես անտարբեր էր այդ ամենի նկատմամբ, այլ ամաշում էր միայն, իսկ առհասարակ կարծես թե հետաքրքրու-

վում էր այն բանով, թե ինչ է անում Կիտին իր հետ: Լևինը, վերադառնալով բժշկի մոտից, ուր նրան ուղարկեց Կիտին, դուռը բացելով, տեսավ հիվանդին այն բոպին, երբ Կիտիի կարգադրութեամբ փոխում էին նրա սպիտակեղենը: Մեջքի երկար, սպիտակ կմախքը, աչքի զարնող վիթխարի թիակներով և դուրս ցցված կողերով ու ողնաշարով՝ մերկ էր, և Մարիա Նիկոլանան ծառայի հետ խճճվել էր շապկի թևում ու չէր կարողանում մտնել նրա մեջ կախ ընկած երկար թևը: Կիտին, որ Լևինի ետևից շտապ ծածկեց դուռը, չէր նայում այն կողմը. բայց հիվանդը հառաչեց, և Կիտին արագ գնաց դեպի նա:

— Գե՛, շո՛ւտ,— ասաց Կիտին:

— Մոտ մի՛ գաք,— բարկացած թոթովեց հիվանդը,— նս ինքս...

— Ի՞նչ եք ասում,— հարցրեց Մարիա Նիկոլանան:

Բայց Կիտին լսեց ու հասկացավ, որ հիվանդը ճնշվում էր և նրա համար անախորժ էր մերկացած լինել իր հարսի ներկայութեամբ:

— Ես չեմ նայում, չեմ նայում,— ասաց Կիտին, ուղղելով թևը:— Մարիա Նիկոլանա, իսկ դուք անցեք այն կողմից, ուղղեք,— ավելացրեց նա:

— Գնա, խնդրում եմ, իմ փոքրիկ պայուսակի մեջ կա մի սրվակ,— դիմեց նա ամուսնուն,— գիտե՞ս, կոզրի գրպանում, բեր խնդրեմ, մինչև այստեղ բոլորովին կհավաքեն:

Վերադառնալով սրվակի հետ, Լևինը գտավ հիվանդին արդեն պառկեցրած և ամեն բան նրա շուրջը բոլորովին փոփոխված: Մանր օդին փոխարինել էր քացախի հետ խառնած դուխին, որ սրակում էր փոքրիկ խողովակի միջով Կիտին, շուրթերն առաջ բերած ու կարմիր այտերն ուռցրած: Ո՛չ մի տեղ փոշի չէր երևում, մահճակալի տակ փռած էր գորգ: Սեղանի վրա կանոնավոր շարված էին սրվակները, գրաֆինը և դարսված էր հարկավոր սպիտակեղենն ու Կիտիի broderie anglaise-ը: Մյուս սեղանի վրա՝ հիվանդի մահճակալի մոտ դրված էին ըմպելիքը, մոմը և դեղափոշիները: Ինքը՝ հիվանդը, լվացած ու սանրած, պառկել էր մաքուր սավանի վրա, բարձր դրված բարձերին, հագին մաքուր շապիկ՝ անբնական բարակ

վզի մոտ սպիտակ օձիքով և հույսի նոր արտահայտութեամբ նայում էր Կիտիին, աչք շհեռացնելով նրանից:

Ակումբում գտած ու Լեինի բերած բժիշկը նա չէր, որ բուժում էր Նիկոլայ Լեինին և որից դժգոհ էր նա: Նոր բժիշկը հանեց լափողը և լսեց հիվանդին, գլուխը ձոճեց, դեղ գրեց ու առանձին մանրամասնութեամբ բացատրեց սկզբում, թե ինչպե՛ս պետք է ընդունել դեղը. ապա թե ի՛նչ դիտարարի պահել: Նա խորհուրդ էր տալիս հում կամ թերխաշ ձվեր և սելտերյան ջուր՝ որոշ տաքութեան նոր կթած կաթի հետ: Երբ բժիշկը գնում էր, հիվանդն ինչ-որ բան ասաց եղբորը, բայց Լեինը լսեց միայն վերջին խոսքերը. «Քո Կատյան», իսկ այն հայացքից, որով նա նայեց Կիտիին, Լեինը հասկացավ, որ նա գովում էր հարսին: Նա մոտ կանչեց նաև Կատյային, ինչպես անվանում էր նրան:

— Ես այժմ ինձ շատ ավելի լավ եմ զգում, — ասաց նա: — Ա՛յ, ձեզ հետ ես վաղուց առողջացած կլինեի: Ի՛նչ լավ է: Նա վերցրեց Կիտիի ձեռքը և մոտեցրեց այն իր շրթունքներին, բայց, կարծես վախենալով, որ դա անախորժ կլինի նրա համար, մտադրությունը փոխեց, ձեռքը բաց թողեց և միայն շոյեց այն, Կիտին վերցրեց նրա ձեռքը և երկու ձեռքով ամուր սեղմեց:

— Այժմ պառկեցրեք ինձ ձախ կողքի վրա և զնացեք քնելու, — ասաց նա:

Ոչ ոք չլսեց այն, ինչ ասաց նա, Կիտին միայն հասկացավ: Նա հասկանում էր, որովհետև մտքով անդադար հետևում էր, թե ի՛նչ է պետք հիվանդին:

— Մյուս կողքի վրա, — ասաց Կիտին ամուսնուն, — նա միշտ քնում է այն կողքի վրա: Շուտ տուր, պառկեցրու նրան, անախորժ է սպասավորներին կանչելը: Ես չեմ կարող: Իսկ դուք չե՞ք կարող, — դիմեց նա Մարիա Նիկոլայանային:

— Ես վախենում եմ, — պատասխանեց Մարիա Նիկոլայանան:

Որքան էլ սարսափելի էր Լեինի համար զրկել իր ձեռներով այդ սոսկալի մարմինը, բռնել վերմակի տակ այն տեղերը, որոնց մասին նա չէր ուզում իմանալ, բայց ենթարկվելով կնոջ ազդեցությանը, Լեինն իր դեմքին տվեց վճռական արտահայտություն, որ ծանոթ էր կնոջը, և ներս մտցնելով

ձեռքերը, փորձեց բարձրացնել, սակայն, չնայած իր ուժին, աչքեց այդ ուժասպառ եղած անդամների ծանրությունից: Մինչ նա շուտ էր տալիս եղբորը, զգալով իր վիզը զրկած վիթխարի, նիհար ձեռքը, Կիտին արագ, անլսելի կերպով շուտ տվեց բարձը, թափ տվեց այն և ուղղեց հիվանդի գլուխը ու նստ մազերը, որոնք նորից կպել էին քունքին:

Հիվանդը պահեց իր ձեռքում եղբոր ձեռքը: Լեինն զգում էր, որ նա ուզում է ինչ-որ բան անել այդ ձեռքի հետ և քաշում է այն դեպի ինչ-որ տեղ: Լեինն անձնատուր եղավ՝ մարելով: Այո՛, նա այն քաշեց, մոտեցրեց բերանին ու համբուրեց: Լեինը ցնցվեց հեկեկանքից և անկարող լինելով որևէ բան արտասանելու, դուրս գնաց սենյակից:

XIX

«Սածկեցիր յիմաստնոց և ի գիտնոց և հայտնեցեր տղայոց», — մտածում էր Լեինն իր կնոջ մասին, խոսելով նրա հետ այդ երեկու:

Լեինը մտածում էր ավետարանի ասացվածի մասին ո՛չ այն պատճառով, որ իրեն համարում էր իմաստուն: Նա իրեն իմաստուն չէր համարում, բայց չէր կարող չիմանալ, որ ինքն ավելի խելոք է, քան իր կինն ու Ագաֆյա Միխայլովնան, և չէր կարող չիմանալ այն բանը, որ երբ ինքը մտածում էր մահվան մասին, մտածում էր իր հոգու բոլոր ուժերով: Նա գիտեր նույնպես, որ տղամարդկային շատ մեծ գլուխներ, որոնց մտքերն այդ մասին ինքը կարդացել էր, մտածում էին դրա մասին և շփոթեին մի հարյուրերորդն այն իմացություն, ինչ գիտեին իր կինն ու Ագաֆյա Միխայլովնան: Որքան էլ տարբեր էին իրարից այդ երկու կանայք, Ագաֆյա Միխայլովնան և Կատյան, ինչպես կանչում էր նրան Նիկոլայ եղբայրը, և ինչպես այժմ Լեինի համար առանձնապես հաճելի էր կանչել նրան, նրանք այդ բանում բոլորովին նման էին իրար: Այդ երկու կանայք անպայման գիտեին, թե ի՛նչ է կյանքը, ու ի՛նչ է մահը և թեպետ նրանք ո՛չ մի կերպ չէին կարող պատասխանել ու չէին հասկանա նույնիսկ այն հարցերը, որ պատկերանում էին Լեինին, այնուամենայնիվ նրանք երկուսն էլ չէին կասկածում այդ երևույթի նշանակության վերաբերյալ

և դրան նայում էին կատարելապէս միատեսակ, ո՛չ միայն իրար մեջ, այլև իրենց այդ հայացքով նմանվելով միլիոնավոր մարդկանց: Որ նրանք հաստատ գիտեին, թե ի՛նչ է մահը, գրա ապացույցն այն էր, որ գիտեին առանց մի վայրկյան կասկածելու, թե ինչպէ՛ս պետք է վարվել մեռնողներին հետ ու չէին վախենում նրանցից: Իսկ Լեհներ և ուրիշները հայտնապէս չգիտեին, թեպէս շատ բան կարող էին ասել մահվան մասին, որովհետև նրանք վախենում էին մահից ու վճռականապէս չգիտեին, թե ինչ պետք է անել, երբ մարդիկ մեռնում են: Եթե Լեհին այժմ մենակ լիներ Նիկոլայ եղբոր հետ, սարսափով կնայեր նրան ու ավելի մեծ սարսափով կսպասեր և ուրիշ ոչինչ չէր կարող անել:

Իե՛տ ավելին. նա չգիտեր, թե ի՛նչ խոսի, ինչպէ՛ս նայի, ինչպէ՛ս քայլի: Խոսել կողմնակի նյութի մասին նրան թվում էր վիրավորական, չի կարելի. խոսել մահվան մասին, մտայլ բաների մասին՝ նույնպէս չի կարելի: Լռել՝ նույնպէս չի կարելի: Ենայնի՛ նա կմտածի, որ ես ուսումնասիրում եմ իրեն. վախենում եմ չնայել՝ նա կմտածի, որ ես մտածում եմ ուրիշ բանի մասին: Քայլել ոտների ծայրերով՝ նա կդժգոհի, քայլել ստի ամբողջ թաթով՝ քաշվում եմ: Իսկ Կիտին երեխ չէր մտածում ու ժամանակ չունէր մտածելու իր մասին. նա մտածում էր հիվանդի մասին, որովհետև գիտեր ինչ-որ բան, և ամեն ինչ լավ էր դուրս գալիս: Նա պատմում էր և՛ իր մասին, և՛ իր ամուսնության մասին, և՛ ժպտում էր, և՛ խղճում, և՛ գուրգուրում էր նրան, և՛ խոսում առողջանալու դեպքերի մասին, ու ամեն ինչ լավ էր դուրս գալիս. հետևապէս նա գիտե՛ր: Որ Կիտի և Ագաֆյա Միխայլովնայի գործունեությունը բնազդային, անասնական, անխոհական չէր, դրա ապացույցն այն էր, որ բացի ֆիզիկական հոգատարությունից, տառապանքները թեթևացնելուց, թե՛ Ագաֆյա Միխայլովնան, թե՛ Կիտին պահանջում էին մեռնողի համար էլի մի ուրիշ, ավելի կարևոր բան, քան ֆիզիկական հոգատարությունն էր, և այնպիսի բան, որ ընդհանուր ոչինչ չունէր ֆիզիկական պայմանների հետ: Ագաֆյա Միխայլովնան խոսելով մեռնող ծերունու մասին, ասաց. «Ի՛նչ կա որ, փառք աստծո, հաղորդեցին, օձեցին, տա աստված, որ ամեն մարդ էզպէս մեռնի: Կատյան ևս ճիշտ այդպէս, բացի սպիտակեղևի, պառկելավեր-

քերի, ըմպելիքի մասին տարած բոլոր հոգսերից, հենց անուշիկն օրը կարողացավ համոզել հիվանդին, թե անհրաժեշտ է հազարավել և օձվել:

Հիվանդի մտախց վերադառնալով իրենց երկու համարները, Լեհներ նստել էր, գլուխը կախ, շիմանալով, թե ի՛նչ անի: Չիտեղով արդեն այն մասին, որ պետք էր ընթրել, պատրաստվել գիշերելու, պետք էր մտածել, թե ի՛նչ պիտի անեին իրենք, նա չէր կարողանում նույնիսկ խոսել կնոջ հետ. քաշվում էր: Իսկ Կիտին, ընդհակառակը, սովորականից ավելի գործունյա էր: Նա մինչև անգամ ավելի աշխույժ էր սովորականից: Նա հրամայեց ընթրիք բերել, ինքը հանեց իրերը. օգնեց փռելու անկողինները և շոտացավ նրանց վրա շաղել պարսկական փոշի: Նրա մեջ կար կշռադատելու արագութուն ու լարվածություն, որոնք տղամարդկանց մեջ հայտնվում են ճակատամարտից, պայքարից առաջ, կյանքի վտանգավոր ու վճռական ընթացքներին, երբ մի անգամ ընդմիջտ տղամարդը ցույց է տալիս իր արժեքը և այն, որ իր ամբողջ անցյալը զուր չի անցել, այլ եղել է պատրաստություն այդ բոսորների համար:

Կիտիի մոտ ամբողջ գործն առաջ էր գնում հաջող, արագ, և դեռ տասներկուսը չկար, երբ բոլոր իրերն արդեն դարձված էին մաքուր, կարգին, առանձնահատուկ մի այնպիսի ձևով, որ համարը դարձավ տան նման, իր սենյակների նման. անկողինները զգված էին, խոզանակները, սանրերը, հայելիները հանված, գորսված էին, անձեռոցիկները՝ փոված:

Լեհին կարծիքով, աններելի բան է ուտել, քնել, խոսել նույնիսկ այժմ, և զգում էր, որ իր յուրաքանչյուր շարժումն անվայելուչ է: Իսկ Կիտին հանում, դատում էր փոքրիկ խոզանակները, բայց այդ բոլորն անում էր այնպէս, որ վիրավորական ոչինչ չկար դրա մեջ:

Սակայն նրանք չկարողացան ոչինչ ուտել ու երկար ժամանակ չէին կարողանում քնել և շատ ուշ պառկեցին քնելու:

— Ես շատ ուրախ եմ, որ համոզեցի նրան օձվել վաղը, — ասում էր Կիտին, կոֆտայով նստած իր ծալովի հայելու առաջ ու խիտ սանրով սանրելով իր նուրբ անուշտուրյու մագերը: — Ես երբեք չեմ տեսել այդ ծեսը, բայց գիտեմ, Քնձ մայրիկս է ասել, որ այդտեղ կան բժշկության աղոթքներ:

— Մի՞թե դու կարծում ես, որ նա կարող է առողջանալ. —
ասաց Լեինը, դիտելով կնոջ կլոր զլխի ետևի նեղ շարքը, որը
շարունակ ծածկվում էր, հենց որ նա սանրում էր դեպի առաջ:

— Ես հարցրի բժշկին. նա ասաց, որ նա երեք օրից ավելի
ապրել չի կարող: Բայց մի՞թե նրանք կարող են իմանալ
Այսուամենայնիվ ես շատ ուրախ եմ, որ համոզեցի նրան, —
ասաց Կիսթին, մազերի տակից շեղակի նայելով ամուսնուն: —
Ամեն բան կարող է պատահել, — ավելացրեց նա այն առան-
ձին, մի փոքր խորամանկ արտահայտությամբ, որ միշտ լի-
նում էր նրա դեմքին, երբ խոսում էր կրոնի մասին:

Կրոնի վերաբերյալ նրանց խոսակցությունից հետո, երբ
նրանք դեռ հարս ու փեսա էին, ո՛չ մեկը, ո՛չ մյուսը երբեք
խոսք չէր բացում դրա մասին, բայց Կիտին շարունակում էր
եկեղեցի հաճախելու իր կարգերը, աղոթքները, միշտ մ՛ջատե-
սակ հանգիստ գիտակցությամբ, որ դա այդպես էլ պետք է:
Չնայած Լեինի հակառակ պնդումներին, Կիտին հաստատ հա-
մոզված էր, որ իր ամուսինը նույնպիսի և դեռ ավելի քրիս-
տոնյա է, քան ինքը, և որ այն բոլորը, չնչ ասում է նա դրա
մասին, մեկն է նրա տղամարդկային ծիծաղելի արտաոտոց
վարմունքներից, ինչպես, օրինակ՝ broderie anglaise-ի մասին
նրա ասածը՝ իբր բարի մարդիկ կարկատում, ծակերը բռնում
են, իսկ Կիտին դիտմամբ ծակեր է բացում և այլն:

— Այո, այդ կինն ահա, Մարիա Նիկոլանան, չէր կարո-
ղացել զլուխ բերել այս բոլորը, — ասաց Լեինը: — Եվ... պետք
է խոստովանեմ, ես շատ, անշափ ուրախ եմ, որ դու եկար:
Դու այնպիսի մաքրություն ես, որ... — Նա վերցրեց կնոջ ձեռ-
քը և շհամբուրեց (մահվան այդպիսի մոտիկությամբ նրա
ձեռքը համբուրելը Լեինին թվաց անվայելուչ), այլ միայն
սեղմեց այն, հանցավոր արտահայտությամբ նայելով կնոջ
սլաժառագած աչքերին:

— Քեզ համար տանջալից կլինեք, եթե մենակ լինեիր, —
ասաց Կիտին ու վեր բարձրացնելով ձեռքերը, որոնք ծած-
կում էին բավականությունը կարմրած նրա այտերը, փա-
թաթեց ծամերը ծոծրակին և ամրացրեց վարսակալներով: —
Ո՛չ, — շարունակեց նա, — այդ կինը չի իմանում... Ես, բա-
լեբախտաբար, շատ բան սովորեցի Սողեմում:

— Մի՞թե այնտեղ էլ այդպիսի հիվանդներ կային:

— Ավելի վատ:

— Ինձ համար սարսափելին այն է, որ ես չեմ կարողա-
նում նրան չպատկերացնել այնպես, ինչպիսին նա ել՛ֆտա-
սարդ ժամանակ էր... Դու չես հավատա, թե ի՞նչ հիանալի
պատանի էր նա, բայց ես չէի հասկանում նրան այն ժամա-
նակ:

— Հավատում եմ, շատ եմ հավատում: Ինչպես զգում եմ
ես, որ նրա հետ մենք կլինենք բարեկամներ, — ասաց Կի-
տին ու վախեցավ իր ասածից, նայեց ամուսնուն, և արցունք-
ներ երևացին նրա աչքերում:

— Այո՛, կլինենք, — ասաց Լեինը թախծոտ: — Ահա՛ իս-
կապես մեկն այն մարդկանցից, որոնց համար ասում են, թե
այս աշխարհի համար չեն:

— Բայց մեր առաջ շատ օրեր կան, պետք է պառկել, —
ասաց Կիտին, նայելով իր փոքրիկ ժամացույցին:

XX

Մ Ա Ն Հ

Մյուս օրը հիվանդին հաղորդեցին և օծեցին: Միսակա-
տարման ժամանակ Նիկոլայ Լեինը ջերմորեն աղոթում էր:
Նրա մեծ աչքերում, հառած թղթախաղի սեղանի վրա փռած
գունավոր անձեռոցիկին դրած սրբապատկերին, արտահայտ-
վում էր այնպիսի բուռն աղերս և հույս, որ Լեինը սոսկում էր
նրան նայելուց: Լեինը գիտեր, որ այդ բուռն աղերսն ու հույ-
սը պետք է է՛լ ավելի ծանր դարձնեն նրա համար անշատումը
կյանքից, որն այնպես սիրում էր նա: Լեինը գիտեր եղբորը և
նրա մտքերի ընթացքը, նա գիտեր, որ նրա շհավատացող լի-
նելը առաջացել էր ո՛չ այն պատճառով, որ նրա համար ավե-
լի հեշտ էր ապրել առանց հավատի, այլ այն պատճառով, որ
աշխարհի երևույթների արդի գիտական բացատրությունները
քայլ առ քայլ դուրս վանեցին հավատը, ուստի համոզված էր,
որ այժմյան նրա դարձը օրինական չէ, կատարված միևնույն
մտքի միջոցով, այլ ժամանակավոր, շհախնդրական դարձ
է միայն, համակված բուժվելու խելահեղ հույսով: Լեինը գի-

տեր նույնպես, որ Կիտին ավելի ևս ուժեղացրեց այդ հույսը՝ իր լսած անսովոր բուժումների մասին: Այս բուրբ գիտեր Լևինը, և նրա համար ծանր էր, տանջալից՝ նայել հուսով լի այդ աղերսող հայացքին ու ձեռքի այդ նիհարած թաթին, որ դժվարութեամբ բարձրանում ու խաչակնքում էր խիստ-պրկուն ճակատը, նայել այդ դուրս ցցված ուսերին և խոխոացող այդ դատարկ կրծքին, որոնք այլևս անկարող էին տեղավորելու իրենց մեջ այն կյանքը, որի մասին աղերսում էր հիվանդը: Միտակատարման ժամանակ աղոթում էր նաև Լևինը, այն մարդը որ հավատացող չէր, և անում էր այն, ինչ հազար անգամ արել էր: Նա ասում էր, դիմելով աստծուն. «Աբա այնպես, եթե դու գոյություն ունես, որպեսզի ապաքինվի այս մարդը (չէ՞ որ այդ միևնույն բանը կրկնվում էր շատ անգամ), և դու կփրկես նրան ու ինձ»:

Օժումից հետո հիվանդը հանկարծ իրեն զգաց շատ ավելի լավ: Մի ժամվա ընթացքում նա ո՛չ մի անգամ չհազաց, ժրպտում էր, համբուրում էր Կիտիի ձեռքը, արտասովալից աչքերով շնորհակալություն հայտնելով նրան, և ասում էր, որ չրեն լավ է զգում, ո՛չ մի տեղը չի ցավում, որ ախորժակ ունի և ուժի զգացողություն: Նա նույնիսկ ինքը բարձրացավ նստեց, երբ սուպ բեյճն նրան, ու խնդրեց էլի մի կոտլետ: Որքան էլ անհուսալի էր նա, որքան էլ բացահայտ էր, նրա վրա նայելիս, որ նա չի կարող ապաքինվել, այսուամենայնիվ Լևինն ու Կիտին այդ ժամին գտնվում էին միևնույն երջանիկ ու երկչոտ հուզմունքի մեջ, չլինի թե սխալվեն:

— Ավելի լավ է, չէ՞: Այո՞, անհամեմատ լավ: — Զարմանալի է: — Զարմանալի ոչինչ չկա: Համենայն դեպս ավելի լավ է, — ասում էին նրանք շշուկով, ժպտալով իրար:

Այդ պատրանքը տևական չէր: Հիվանդը հանգիստ քնեց, բայց կես ժամից հազը արթնացրեց նրան: Եվ հանկարծ չքացան բուրբ հույսերը թե՛ նրան շրջապատողների, թե՛ հենց նրա: Տառապանքի իրողությունը, առանց կասկածի, նույնիսկ առանց հիշողությունների, կապված առաջվա հույսերի հետ, խորտակեց այդ հույսերը Լևինի, Կիտիի և իր՝ հիվանդի մեջ:

Զհիշելով անգամ նրա մասին, ինչին նա հավատում էր կես ժամ առաջ, կարծես ճնշվում էր այդ հիշելուց իսկ, նա պահանջեց, որպեսզի իրեն տան շնչելու այն յոդը սրվակի

մեջ, որ ծածկված էր ծակոտկեն թղթով: Լևինը տվեց նրան բանկան, և նույն այն հայացքը բուռն հույսի, որ ուներ նա օժվելիս, բևեռվեց այժմ եղբոր վրա, պահանջելով նրանից բժշկի խոսքերի հաստատումն այն մասին, որ յոդ ներշնչելը հրաշքներ է գործում:

— Կիտին այստեղ չէ, հա՞,— խոխոաց նա, նայելով շուրջը, երբ Լևինը դժկամութեամբ հաստատեց բժշկի խոսքերը: — Այստեղ չէ, ուրեմն կարելի է ասել... նրա՛ համար ես կատարեցի այդ կոմեդիան, որովհետև նա այնպես հոգատար է, բայց ես ու դու արդեն շենք կարող խաբել մեզ: Ահա՞, սրան ես հավատում եմ, — ասաց նա և սրվակը սեղմելով սակրացած ձեռքով, սկսեց շնչել նրանից:

Երեկոյան ութերորդ ժամին Լևինը կնոջ հետ թեյ էր խմում իր համարում, երբ Մարիա Նիկոլաևնան հևալով վազեց եկավ նրանց մոտ: Նա գունատ էր, և նրա շրթունքները դողում էին: — Մեռնո՞ւմ է, — շնչաց նա: — Ծա վախենում եմ, հիմա կմեռնի:

Երկուսն էլ վազեցին հիվանդի մոտ: Նա բարձրացել, նստել էր մահճակալին, հենվելով թևին, իր երկար մեջքը կորացրած ու գլուխը խիստ կախ զցած:

— Ի՞նչ ես զգում դու, — շշուկով հարցրեց Լևինը լուսթյունից հետո:

— Զգում եմ, որ գնում եմ, — դժվարութեամբ, բայց զարմանալի որոշակիությամբ ասաց Նիկոլայը, դանդաղ քամելով, դուրս հանելով իր միջից խոսքերը: Նա գլուխը չէր բարձրացնում, այլ միայն աչքերն ուղղում էր դեպի վեր, առանց հասնելու նրանցով եղբոր դեմքին: — Կատյա դուրս գնա, — ասաց նա էլի:

Լևինը թռավ տեղից ու հրամայական շշուկով ստիպեց նրան դուրս գնալ:

— Գնում եմ, — ասաց նա նորից:

— Ինչու՞ ես կարծում, — ասաց Լևինը, մի բան ասած լինելու համար:

— Որովհետև գնում եմ, — կարծես սիրելով այդ արտահայտությունը, կրկնեց նա: — Վե՞րջ:

Մարիա Նիկոլաևնան մոտեցավ նրան:

— Պառկե՛ք, հիմա ավելի լավ էք, — ասաց նա:

— Շուտով կպառկեմ մեռած, — կամաց թոթովեց հիվանդը, և դա նա ասաց հեղինանքով, բարկացած: — Դե՛, պառկեցրե՛ք, եթե ուզում եք:

Լեինը եղբորը պառկեցրեց մեջքի վրա, նստեց նրա մոտ և առանց շնչելու նայում էր նրա դեմքին: Մեռնողը պառկած էր աչքերը փակած, բայց նրա ճակատին երբեմն շարժվում էին մկանները, ինչպես այն մարդու, որ խորասուզված ու լարված մտածում է: Լեինն ակամա մտածում էր նրա հետ այն բանի մասին, թե ի՛նչ է կատարվում այժմ նրա մեջ, բայց չնայած իր բոլոր ջանքերին՝ մտքով գնալ նրա հետ միասին, նա տեսնում էր այդ հանգիստ, խիստ դեմքի արտահայտությունների և հոնքի վրայի մկանքի խաղից, որ մեռնողի համար պարզվում ու պարզվում է այն, ինչը էլի և էլի մութ է մնում Լեինի համար:

— Այո՛, այո՛, այդպե՛ս, այդպե՛ս, — ընդմիջումով, դանդաղ ասաց մեռնողը: — Կացե՛ք, կացե՛ք, — նա նորից լռեց: — Այդպե՛ս, — հանկարծ հանգստացուցիչ տոնով ձգեց նա, կարծես ամեն բան լուծվեց նրա համար: — Օ՛, աստված իմ, — ասաց նա և ծանր հառաչեց:

Մարիա Նիկոլաևնան շոշափեց նրա ոտները: — Սառում են, — շնչաց նա:

Երկար, շատ երկար, ինչպես թվում էր Լեինին, հիվանդը պառկած էր անշարժ: Բայց նա դեռ ողջ էր ու երբեմն հառաչում էր: Լեինն արդեն հոգնել էր մտքի լարվածությունից: Նա զգում էր, որ, չնայած, իր մտքի ամբողջ լարվածությանը, ինքը չի կարողանում հասկանալ այն, թե ինչն էր այդպես: Նա զգում էր, որ ինքը վաղուց արդեն ետ է մնացել մեռնողից: Նա արդեն անկարող էր մտածել մահվան հարցի մասին, բայց ակամա նրա մտքով անցնում էր, թե ի՛նչ պիտի անի ինքը հիմա, այժմ. աչքերը փակել, հաղցնել, դադաղ պատվիրել: Եվ տարօրինակ բան, նա զգում էր իրեն բոլորովին անտարբեր, սառը և շունչեր ո՛չ վշտի, ո՛չ կորստի, ո՛չ էլ խըղճահարությունների զգացում դեպի եղբայրը: Եթե նա այժմ դեպի եղբայրը տածում էր մի զղացում, ապա ավելի շուտ նախանձ այն իմացություն համար, որ ունի այժմ մեռնողը, բայց որը չի կարող ունենալ Քնքը:

Նա դեռ երկար նստած էր նրա մոտ, շարունակ սպասելով

վախճանին: Բայց վախճանը չէր գալիս: Դուռը բացվեց, ու երևաց Կիտին: Լեինը վեր կացավ, որ կանգնեցնի կնոջը: Բայց այն միջոցին, մինչ նա վեր էր կենում, լսեց մեռնողի շարժումը:

— Մի՛ գնա, — ասաց Նիկոլայը և մեկնեց ձեռքը: Լեինը տվեց նրան իր դաստակը ու բարկացած՝ ձեռքով արավ կնոջը, որ դուրս գնա:

Մեռածի ձեռքն իր ձեռքի մեջ նա նստել էր կես ժամ, մի ժամ, էլի մի ժամ: Նա այժմ արդեն բնավ չէր մտածում մահվան մասին: Նա մտածում էր այն մասին, թե ի՛նչ է անում Կիտին, ո՛վ է ապրում հարևան համարում, արդյոք բժշկի տունը սեփական է: Նա ուզում էր ուտել և քնել: Նա զգույշ ազատեց ձեռքը և շոշափեց ոտները: Ոտները սառն էին, բայց հիվանդը շնչում էր: Լեինն ուզում էր ոտների մատների ծայրով նորից դուրս գնալ, սակայն հիվանդը նուրբ շարժվեց և ասաց. «մի՛ գնա»:

Լուսացավ. հիվանդի դրուժունը նույնն էր: Լեինը կամացուկ ազատեց ձեռքը, առանց նայելու մեռնողին, գնաց իր համարը և քնեց: Երբ նա արթնացավ, փոխանակ եղբոր մահվան լուրի, որին սպասում էր նա, իմացավ, որ հիվանդը նորից առաջվա կացության մեջ է: Նա նորից սկսեց նստել, հագալ, նորից սկսեց ուտել, սկսեց խոսել ու նորից զազարեց մահվան մասին խոսելուց, նորից սկսեց հուսալ առողջանալու մասին և դարձավ ավելի դյուրագրգիռ ու մոռյլ, քան առաջ: Ոչ ոք, ո՛չ եղբայրը, ո՛չ Կիտին չէին կարողանում հանգստացնել նրան: Նա բարկանում էր ամենքի վրա և ամենքին ասում տհաճություններ, ամենքին հանդիմանում էր իր տառապանքների համար ու պահանջում էր, որ Մոսկվայից բերեն հոշակավոր բժշկին: Բոլոր այն հարցերին, որ տալիս էին նրան, թե ինչպե՛ս է զգում իրեն, նա պատասխանում էր միակերպ դայրույթի և կշտամբանքի արտահայտությամբ.

— Տանջվում եմ սոսկալի, անտանելի:

Հիվանդը տանջվում էր ավելի ու ավելի, մանավանդ պառկելավերքերից, որ այլևս չէր կարելի բժշկել, և ավելի ու ավելի էր բարկանում շոջապատողների վրա, կշտամբելով նրանց ամեն բանի, առանձնապես այն բանի համար, որ բժշկչկ չէին

բերում Մոսկվայից: Կէտին ամեն կերպ աշխատում էր օգնել, հանգստացնել նրան. բայց ամեն ինչ զուր էր, և Լեինը տեսնում էր, որ ինքը՝ Կիտին, ուժասպառ էր եղել թե՛ Ֆիզիկապես, թե՛ բարոյապես, թեև չէր խոստովանում դա: Խորտակվեց մահվան այն զգացումը, որն առաջացել էր ամենքի մեջ կյանքին հրաժեշտ տալիս՝ այն գիշեր, երբ նա կանչեց եղբորը: Ամենքը պիտեին, որ նա անխուսափելիորեն և շուտով կմեռնի, որ նա կիսով չափ արդեն մեռած է: Ամենքն էլ մի բան էին միայն ցանկանում, որպեսզի նա մեռնի, ըստ կարելույն շուտ, և ամենքը, ծածկելով այդ դեղ էին տալիս նրան սրվակներից, փնտրում էին դեղեր, բժիշկներ և խաբում էին թե՛ նրան, թե՛ իրենց, թե՛ իրար: Այդ բոլորը կեղծիք էր, վիրավորական, գարշելի ու սրբապիղծ սուտ: Եվ այդ սուտն առանձնապես տանջալից զգում էր Լեինը՝ թե՛ իր բնավորության հատկությամբ, թե՛ այն պատճառով, որ նա ամենքից ավելի էր սիրում մեռնողին:

Լեինը, որին վաղուց ի վեր զբաղեցնում էր այն միտքը, որ հաշտեցնի իր եղբայրներին գեթ մահից առաջ, նամակ էր գրել եղբորը՝ Սերգեյ Իվանովիչին և պատասխան ստանալով նրանից, կարդաց այդ նամակը հիվանդին: Սերգեյ Իվանովիչը գրում էր, որ ինքը չի կարող գալ, բայց սրտառուչ արտահայտություններով ներողություն էր խնդրում եղբորից:

Հիվանդը ոչինչ չասաց:

— Ի՞նչ գրեմ նրան, — հարցրեց Լեինը: — Հուսամ, դու չես բարկանում նրա վրա:

— Ո՛չ, բնավ, — պատասխանեց Նիկոլայը, սրտնեղված այդ հարցից: — Գրի՛ր նրան, որ բժիշկ ուղարկի ինձ:

Անցավ տանջալից էլի երեք օր. հիվանդը դարձյալ միևնույն վիճակում էր: Նրա մահը ցանկանալու զգացումն ունեին ամենքը, ովքեր տեսել էին նրան. և՛ հյուրանոցի սպասավորները, և՛ նրա տերը, և՛ բոլոր կենվորները, և՛ բժիշկը, և՛ Մարիա Նիկոլանան, և՛ Լեինը, և՛ Կիտին: Հիվանդն էր միայն, որ չէր արտահայտում այդ զգացումը, այլ, ընդհակառակը, բարկանում էր, որ չբերեցին բժշկին, և շարունակում էր դեղեր ընդունել ու խոսում էր կյանքի մասին: Հազվադեպ բուսաներին միայն, երբ ափիոնն ստիպում էր նրան մի վայրկյան մոռանալ իր անդադրուն տառապանքները, նա կիսաբուռն երբեմն

ասում էր այն, ինչ ավելի ուժեղ էր նրա հոգում, քան մյուս բոլորի. «ա՛խ, գեթ վերջը գար» կամ՝ «ե՛րբ այս ամենը կվերջանա»:

Տանջանքները համաշափորեն մեծանալով, անում էին իրենց գործը և պատրաստում էին նրան մահվան համար: Չկար մի դիրք, դրուժյուն, որի մեջ նա շտանջվեր, չկար մի բուսան, երբ նա ընդարմանար, չկար նրա մարմնի վրա ո՛չ մի տեղ, ո՛չ մի անդամ, որ չցավեր, շտանջեր նրան: Այդ մարմնի հիշողությունները, տպավորությունները, մտքերն անգամ՝ հարուցում էին արդեն նրա մեջ այնպիսի զզվանք, ինչպես և ինքը՝ մարմինը: Ուրիշ մարդկանց տեսքը, նրանց ասածը, իր սեփական հիշողությունները՝ այս բոլորը նրա համար տանջալից էին: Շրջապատողներն զգում էին այդ և անգիտակցաբար թույլ չէին տալիս իրենց՝ նրա ներկայությանը՝ ո՛չ որևէ ազատ շարժում, ո՛չ խոսակցություն, ո՛չ էլ քրեկց ցանկությունների արտահայտումն: Ամբողջ կյանքը միանում, կազմում էր տառապանքի և ցանկության մի զգացում՝ ազատվել նրանից:

Նրա մեջ հայտնապես կատարվում էր այն հեղաշրջումը, որ պետք է ստիպեր նրան նայել մահվան վրա, որպես իր ցանկությունների բավարարման, որպես երջանկության վրա: Առաջ ամեն առանձին ցանկություն, առաջուցած տանջանքից կամ զրկանքից, ինչպես քաղցը, հոգնածությունը, ծարավը՝ բավարարվում էին մարմնի գործունեությամբ, որ տալիս էր վայելք, բայց այժմ զրկանքն ու տառապանքը բավարարում չէր ստանում, իսկ բավարարման փորձը պատճառում էր նոր տանջանք: Այդ իսկ պատճառով, բոլոր ցանկությունները միանում, կազմում էին մի ցանկություն՝ ազատվել բոլոր տանջանքներից ու նրանց աղբյուրից՝ մարմնից: Բայց ազատման այդ ցանկությունն արտահայտելու համար նա բառեր չունի, ուստի չէր խոսում դրա մասին, այլ, ըստ սովորության, պահանջում էր այն ցանկությունների բավարարումը, որոնք այլևս չէին կարող բավարարվել: — Շուտ տվեք ինձ մյուս կողքիս, — ասում էր նա և հետո անմիջապես պահանջում էր, որ նրան պառկեցնեին առաջվա պես: — Տվեք մասշուր: Գուրս տարեք մասշուրը: Մի բան ասեք, ի՞նչ եք լուծել: Եվ հենց որ սկսում էին խոսել, նա փակում էր աչքերը և ար-

տահայտում էր հոգնածութիւն, անտարբերութիւն ու զըզ-
վանք:

Քաղաք գալու տասներորդ օրը Կիսֆն հիվանդացավ: Նրա
զուտը ցավեց, սիրտը խառնեց, և նա ամբողջ առավոտ չկա-
րողացավ վեր կենալ անկողնից:

Բժիշկը բացատրեց, որ հիվանդութիւնն առաջացել է հոգ-
նածութիւններից, հուզմունքից, և հանձնարարեց նրան հոգեկան
հանգիստ:

Սակայն, ճաշից հետո Կիտին վեր կացավ ու գնաց, ինչ-
պես միշտ, իր ձեռագործի հետ՝ հիվանդի մոտ: Վերջինս խիստ
հայացքով նայեց նրան, երբ նա ներս մտավ, և արհամար-
հալից ժպտաց, երբ նա ասաց, որ հիվանդ էր: Այդ օրը նա
շարունակ խնչում էր ու սրտաձմիկ հառաչում:

— Ինչպե՞ս եք զգում ձեզ, — հարցրեց Կիտին նրան:

— Ավելի վատ, — դժվարութեամբ պատասխանեց նա: —
Ցավում է:

— Ո՞ր տեղն է ցավում:

— Բոլոր տեղերը:

— Այսօր կվերջանա, կտեսնեք, — ասաց Մարիա Նիկո-
լանան թևայետև շշուկով. բայց այնպես, որ հիվանդը, շատ
ներագգաց, ինչպես նկատում էր Լեինը, պետք է լսած լիներ
Լեինը թշուշ Մարիա Նիկոլանայի վրա և նայեց հիվանդին:
Նիկոլայը լսեց. բայց այդ խոսքերը ո՛չ մի տպավորութիւն
չթողին նրա վրա: Նրա հայացքը նույնն էր՝ կշտամբալից ու
լարված:

— Ինչո՞ւ եք այդպես կարծում. — հարցրեց Լեինը Մարիա
Նիկոլանային, երբ նա Լեինի ետևից դուրս եկավ միջանցք:

— Սկսել է պոկկի իրեն, — ասաց Մարիա Նիկոլանան:

— Ինչպե՞ս թե պոկկել:

— Ա՛յ, այսպես, — ասաց նա, քաշքշելով իր բրդե զգես-
տի ծալքերը: Իրոք Լեինը նկատեց, որ այդ ամբողջ օրը հի-
վանդը բռնում և ուզում էր պոկկի իր վրայից ինչ-որ բան:

Մարիա Նիկոլանայի գուշակութիւնը ձիշտ էր: Գիշերվա
դեմ հիվանդն ալլևս անկարող էր բարձրացնելու ձեռքերը և
նայում էր միայն իր դիմացը, չփոխելով հայացքի ուշադիր
կենտրոնացած արտահայտութիւնը: Նույնիսկ երբ եղբայրը
կամ Կիսֆն կռանում էին դեպի նա այնպես, որպեսզի նա

կարողանար տեսնել նրանց, նա նայում էր նույն հայացքով
Կիտին ուղարկեց քահանայի ետևից, որպեսզի նա կարգա-
մահատար աղոթքը:

Մինչ քահանան կարդում էր մահատարը, մեռնողը ցույց
չէր տալիս կյանքի ո՛չ մի նշան. նրա աչքերը փակ էին
Լեինը, Կիտին ու Մարիա Նիկոլանան կանգնած էին մահճի
մոտ: Քահանան դեռ չէր վերջացրել աղոթքը, երբ մեռնողը
ձգվեց, հառաչեց ու բացեց աչքերը: Քահանան վերջացնելով
աղոթքը, դրեց նրա պաղ ճակատին խաչը, ապա դանդաղ
փաթաթեց փորուրարի մեջ այն և էլի մոտ երկու բոպե կանդ-
նելուց հետո, շոշափեց սառած, անարյուն հսկայական
ձեռքը:

— Վերջացավ, — ասաց քահանան և ուզում էր հեռանալ,
բայց մեռածի իրար կպած բեղերը հանկարծ շարժվեցին, և
լուսթյան մեջ պարզ լսվեցին կրծքի խորքից հատորոշ-խիստ
հնչյուններ:

— Ո՛չ բոլորովին... Շուտով:

Եվ մի բոպեից դեմքը պայծառացավ, բեղերի տակ երևաց
ծպիտ, ու հավաքված կանայք մտահոգութեամբ սկսեցին հար-
դարել հանդուցյալին:

Նըբոր տեսքը և մահվան մոտիկութիւնը նորոգեցին
Լեինի հոգում սոսկումի այն զգացումը մահվան անմեկնելիու-
թյան ու դրա հետ միասին մոտիկութեան և անխուսափելիու-
թյան հանդեպ, որը համակեց նրան աշնանային այն երեկո,
երբ նրա մոտ հյուր եկավ եղբայրը: Այդ զգացումն այժմ է՛լ
ավելի ուժեղ էր, քան առաջ. ավելի պակաս, քան առաջ, նա
էրեն ընդունակ էր համարում հասկանալու մահվան իմաստը,
և է՛լ առավել սարսափելի կերպով էր պատկերանում նրան
մահվան անխուսափելիութիւնը: Բայց այժմ, շնորհիվ կնոջ
մոտիկութեան, այդ զգացումը չէր հուսահատեցնում նրան.
չնայած մահվանը, նա զգում էր ապրելու և սիրվելու անհրա-
ժեշտութիւն: Նա զգում էր, որ սերը փրկեց իրեն հուսահա-
տութիւններից և որ այդ սերը հուսահատութեան սպառնալիքի
տակ դառնում էր ավելի ևս ուժեղ ու մաքուր:

Նրա աչքի առաջ նախքան կուծվեր մահվան մի գաղտնի-
քը, որ մնացել էր անմեկնելի, ծագեց մի ուրիշը, նույնքան
անմեկնելի, որը կանչում էր դեպի սեր և դեպի կյանք:

Բժիշկը հաստատեց իր ենթադրութիւնները Կիտիի վերաբերյալ: Նրա տկարութիւնը հղիութիւնն էր:

XXI

Այն բոլորից, երբ Ալեքսեյ Ալեքսանդրովիչը հասկացավ Բետսիի և Ստեպան Արկադևիչի հետ ունեցած բացատրութիւններից, թե իրենից պահանջվում էր միայն հանգիստ թողնել իր կնոջը, նեղութիւն չպատճառելով նրան իր ներկայութեամբ, և որ իր կիսնն էլ այդ էր ցանկանում, նա իրեն կորցրած զգաց այն աստիճան, որ ինքը չէր կարող ոչինչ վճռել, չգիտեր, թե ի՛նչ է ուզում ինքն այժմ և հանձնվելով այն մարդկանց, որոնք այդպիսի բավականութեամբ զբաղվում էին իր գործերով, բոլոր հարցերին պատասխանում էր համաձայնութեամբ: Միայն այն ժամանակ, երբ Աննան արդեն հեռացավ նրա տանից, և անգլուհին մարդ ուղարկեց հարցնելու նրան, արդյոք ինքը պետք է ճաշի նրա՞ հետ, թե՞ առանձին, նա առաջին անգամ պարզ հասկացավ իր վիճակը ու սարսափեց նրանից:

Այդ վիճակում ամենադժվարն այն էր, որ նա ո՛չ մի կերպ չէր կարողանում միացնել ու հաշտեցնել իր անցյալը ներկայի հետ: Նրան շփոթեցնում էր ո՛չ այն անցյալը, երբ ինքն երջանիկ ապրում էր կնոջ հետ: Նա տանջալից ապրել էր արդեն անցման մի շրջան, որն ընկնում էր այդ անցյալի և կնոջ անհավատարմութեան մասին իմանալու օրվա միջև, այդ կացութիւնը ծանր էր, բայց նրա համար հասկանալի: Եթե կիներ հենց այն ժամանակ, հայտարարելով իր անհավատարմութեան մասին, հեռանար նրանից, նա կվշտանար, իրեն դժբախտ կզգար, բայց չէր լինի իր համար անելանելի, անհասկանալի այն դրութեան մեջ, որպիսի վիճակում նա զգում էր իրեն այժմ: Այժմ նա ո՛չ մի կերպ չէր կարողանում հաշտեցնել իր մոտիկ անցյալը, իր գորովը, իր սերը դեպի հիվանդ կիներ և ուրիշի երեխան, հաշտեցնել այն բանի հետ, ինչ կար այժմ, այսինքն՝ կարծես ի վարձատրութիւն այս բոլորի նա այժմ մնաց մենակ, խայտառակված, ծանակված, ո՛չ ոքի համար չպետքական և ամենքից արհամարհված:

Կնոջ հեռանալուց հետո առաջին երկու օրը Ալեքսեյ Ալեքսանդրովիչն ընդունում էր խնդրարկուններին, գործերի կառա-

վարչին, գնում էր կոմիտե և դուրս էր գալիս ճաշելու սեզանատուն, ինչպես սովորաբար: Առանց հաշիվ տալու իրեն, թե ինչի՞ համար է անում այդ, նա այդ երկու օրը լարում էր հոգու բոլոր ուժերը, որպեսզի ունենա հանգիստ ու նույնիսկ անտարբեր տեսք: Պատասխանելով այն հարցերին, թե ինչպե՞ս տնօրինել Աննա Արկադևնայի իրերն ու սենյակները, նա մեծագույն ջանք էր գործ դնում իր վրա, որպեսզի ունենա այնպիսի մարդու տեսք, որի համար շնախատեսված չէր կատարված դեպքը և չի պարունակում իր մեջ սովորական դեպքերից տարբերվող ոչինչ, ու նա հասնում էր իր նպատակին: Ոչ ոք չէր կարող նկատել նրա մեջ հուսահատութեան հատկանիշներ: Բայց կնոջ հեռանալու երկրորդ օրը, երբ Կոռնեյը սովեց նրան մողայի խանութից մի հաշիվ, որն Աննան մոռացել էր վճարել, և զեկուցեց, թե ինքը՝ գործակատարն այստեղ է, Ալեքսեյ Ալեքսանդրովիչը հրամայեց կանչել նրան:

— Ներեցեք, ձեր գերազանցութիւն, որ համարձակվում եմ անհանգստացնել ձեզ: Բայց եթե կհրամայեք դիմել նորին գերազանցութեանը, արդյոք չէի՞ք բարեհաճի հաղորդել նրա հասցեն:

Ալեքսեյ Ալեքսանդրովիչը մտասուզվեց, ինչպես թվաց գործակատարին, և հանկարծ շուռ գալով, նստեց սեղանի մոտ: Գլուխը կախ գցած ձեռքերի վրա, նա երկար նստած էր այդ դրութեամբ, մի քանի անգամ փորձեց խոսել ու կանգ էր առնում:

Հասկանալով իր պարտի դրութիւնը, Կոռնեյը խնդրեց գործակատարին՝ գալ մի ուրիշ անգամ: Մնալով նորից մենակ, Ալեքսեյ Ալեքսանդրովիչը հասկացավ, որ ինքն այլևս անկարող է դիմանալու կայունութեան ու հանգիստ երևալու գերին: Նա հրամայեց արձակել իրեն սպասող կառնիթը, հրամայեց ոչ ոքի չընդունել և դուրս չելկալ ճաշելու:

Նա զգաց, որ ինքը չի կարող դիմանալ արհամարհանքի և կատաղութեան ընդհանուր այն ճնշումին, որ պարզ տեսնում էր թե՛ այդ գործակատարի դեմքին, թե՛ Կոռնեյի և, առանց բացառութեան, ամենքի դեմքին, ում նա պատահում էր այդ երկու օրվա ընթացքում: Նա զգում էր, որ չի կարող վանել իրենից մարդկանց ատելութիւնը, որովհետև այդ ատելութիւնն առաջանում է ո՛չ թե նրանից, որ ինքը վատն էր (այդ

դեպքում նա կաշխատեր լիներ ավելի լավ), այլ այն բանից, որ ինքն ամոթալի է զգվելի կերպով դժբախտ էր: Նա գիտեր, որ դրա համար, հենց այն բանի համար, որ իր սիրտը կեղեքված է, նրանք անողորմ կլինեն իր հանդեպ: Նա զգում էր, որ մարդիկ կոշնչացնեն իրեն, ինչպես շները խեղդում են տանջված, ցավից վնաստացող շանը: Նա գիտեր, որ մարդկանցից միակ փրկությունը՝ իր վերքերը նրանցից ծածկելն էր, և նա անգիտակցաբար փորձում էր այդ անել երկու օր. բայց այժմ արդեն իրեն անզոր էր զգում շարունակելու այդ անհավասար պայքարը:

Նրա հուսահատությունն է՛լ ավելի ուժեղանում էր այն գիտակցությամբ, որ ինքը բոլորովին մենակ է իր վշտի հետ: Ո՛չ միայն Պետերբուրգում նա շուներ ո՛չ մի մարդ, որին կարողանար ասել այն բոլորը, ինչ զգում էր ինքը, որպեսզի խղճար նրան ո՛չ որպես բարձրաստիճան շինովնիկի, ոչ որպես հասարակության անդամի, այլ ուղղակի որպես տանջվող մարդու, այլև ո՛չ մի տեղ նա շուներ այդպիսի մարդ:

Ալեքսեյ Ալեքսանդրովիչը որք էր մեծացել: Նրանք երկու եղբայր էին: Նրանք չէին հիշում իրենց հորը, նրանց մայրը մեռավ, երբ Ալեքսեյ Ալեքսանդրովիչը տասը տարեկան էր: Նրանց կարողությունը փոքր էր: Նրանց դաստիարակեց իրենց հորեղբայր Կարենինը, նշանավոր շինովնիկ և հանգուցյալ թագավորի երեքմնի սիրելին:

Գիմնազիայում ու համալսարանում դասընթացներն ավարտելով մեղալնեբով, Ալեքսեյ Ալեքսանդրովիչը հորեղբոր օգնությամբ անմիջապես կանգնեց ծառայական նշանավոր ուղու վրա, և այն օրից բացառապես անձնատուր եղավ պաշտոնեական փառասիրության: Ո՛չ գիմնազիայում, ո՛չ համալսարանում, ո՛չ էլ հետո՝ պաշտոնի մեջ, Ալեքսեյ Ալեքսանդրովիչը բարեկամական հարաբերություններ չէր հաստատում ոչ ոքի հետ: Եղբայրն իր սրտով նրա ամենամոտիկ մարդն էր, բայց նա ծառայում էր արտաքին գործերի մինիստրության գծով, միշտ ապրում էր արտասահմանում, որտեղ էլ մեռավ շուտով՝ Ալեքսեյ Ալեքսանդրովիչի ամուսնությունից հետո:

Նրա նահանգապետ եղած ժամանակ Աննայի հորաբույրը, նահանգական հարուստ մի տիկին, ծանոթացրեց իր եղբոր աղջկան թեպետ արդեն ո՛չ ցահեյ մարդու, բայց ջահել նա-

հանգապետի հետ և վերջինիս դրեց այնպիսի վիճակի մեջ, որ նա ստիպված էր կամ արտահայտվել, կամ հեռանալ քաղաքից: Ալեքսեյ Ալեքսանդրովիչը երկար տատանվում էր: Այն ժամանակ ինչքան փաստարկներ կային հօգուտ այդ քայլի, նույնքան էլ ընդդեմ, և չկար վճռական այն առիթը, որն ստիպեր նրան՝ դավաճանելու իր սովորույթ-կանոնին՝ ձեռնապահ մնալ կասկածի մեջ. բայց Աննայի հորաբույրը ներշնչեց նրան ծանոթի միջոցով, որ նա արդեն վարկաբեկել է աղջկան և որ պատվազգացությունը պարտավորեցնում է նրան առաջարկություն անել: Նա առաջարկություն արեց և տվեց իր հարսնացուին ու կնոջը ամբողջ այն զգացմունքը, որին ընդունակ էր ինքը:

Այն մտերմությունը, որ նա տածում էր դեպի Աննան, հանեց նրա հոգուց մարդկանց հետ սրտագին հարաբերությունների վերջին մնացորդները: Եվ այժմ իր բոլոր ծանոթներից նա շուներ ո՛չ մի մոտիկ մարդ: Շատ էր այն, որ կոշվում է կապեր. բայց ընկերական հարաբերություններ չկային: Ալեքսեյ Ալեքսանդրովիչն ուներ բազմաթիվ այնպիսի մարդիկ, որոնց նա կարող էր կանչել իր մոտ ճաշի, խնդրել նրանց՝ մասնակցել իրեն հետաքրքրող այս կամ այն գործին, պրոտեկցիա կազմել որևէ խնդրարկուի համար, որոնց հետ նա կարող էր անկեղծաբար քննարկել ուրիշ անձանց և բարձրադույն կառավարության գործողությունները: Բայց այդ մարդկանց հետ հարաբերությունները սովորույթով ու սովորությամբ մտցված էին հաստատապես որոշակի մի ոլորտի մեջ, որից անհնարին էր դուրս գալ: Կար համալսարանական մի ընկեր, որին նա մոտիկացավ հետո և որի հետ նա կարող էր խոսել անձնական վշտի մասին. սակայն այդ ընկերը ուսումնական մասի հոգաբարձու էր հեռավոր շրջանում: Իսկ Պետերբուրգում եղած մարդկանցից ամենից ավելի մոտ ու մատչելի էին գրասենյակի կառավարիչը և բժիշկը:

Միիայիլ Վասիլևիչ Սլյուդիկինը, գործերի կառավարիչը, պարզ, խելոք, բարի ու բարոյական մարդ էր, և նրա կողմից Ալեքսեյ Ալեքսանդրովիչն զգում էր անձնական լավ հակում իր հանդեպ. բայց նրանց հնգամյա պաշտոնական գործունեությունը նրանց միջև դրել էր արգելակ հոգեկան բացատրությունների համար:

Ալեքսեյ Ալեքսանդրովիչը գրութուններն ստորագրելուց, վերջացնելուց հետո երկար ժամանակ լուռ էր, նայելով Միխայիլ Վասիլևիչին. նա մի քանի անգամ փորձեց, բայց չկարողացավ խոսել: Նա արդեն պատրաստել էր ֆրագը՝ «դուք լսե՛լ եք իմ դժբախտության մասին», բայց վերջացրեց նրանով, որ ասաց, ինչպես ասում էր սովորաբար. — ուրեմն դա պատրաստեք ինձ համար, — և դրանով էլ բաց թողեց նրան:

Մյուս մարդը բժիշկն էր, որը նույնպես լավ էր տրամազրկված նրա հանդեպ. բայց նրանց միջև վաղուց ի վեր լուռ համաձայնությունը ընդունված էր, որ երկուսն էլ ծանրաբեռնեղված են գործերով և երկուսն էլ պետք է շտապեն:

Իր բարեկամուհիների և նրանցից ամենաառաջինի՝ կոմսուհի Լիդիա Իվանովնայի մասին Ալեքսեյ Ալեքսանդրովիչը չէր մտածում: Բոլոր կանայք, սոսկ որպես կանայք, օտարափելի ու զզվելի էին նրա համար:

XXII

Ալեքսեյ Ալեքսանդրովիչը մոռացել էր կոմսուհի Լիդիա Իվանովնայի մասին, բայց կոմսուհին չէր մոռացել նրան: Մենավոր հուսահատության այդ ամենածանր րոպեին Լիդիա Իվանովնան եկավ նրա մոտ և առանց զեկուցման մտավ նրա առանձնասենյակը: Կոմսուհին նրան գտավ այն դիրքով. ինչ դիրքով նստած էր նա, գլուխը հենած երկու ձեռքին:

— J'ai forcé la consigne¹, — ասաց Լիդիա Իվանովնան, ներս մտնելով արագ քայլերով ու ծանր շնչելով հուզմունքից և արագ շարժումից: — Ես ամեն բան լսել եմ: Ալեքսեյ Ալեքսանդրովիչ, բարեկամս, — շարունակեց կոմսուհին, իր երկու ձեռքով ամուր սեղմելով նրա ձեռքը և նայելով նրա աչքերին իր գեղեցիկ մտածկոտ աչքերով:

Ալեքսեյ Ալեքսանդրովիչը վեր կացավ մոայլված և ազատելով իր ձեռքը, աթոռը մտեցրեց նրան:

— Խնդրեմ, շնորհ արեք, կոմսուհի: Ես չեմ ընդունում, որովհետև հիվանդ եմ, — ասաց նա, և նրա շրթունքները դուրացին:

— Բարեկամս, — կրկնեց կոմսուհի Լիդիա Իվանովնան,

աչք չհեռացնելով նրանից, և հանկարծ կոմսուհու հոնքերը բարձրացան ներսի կողմից, կազմելով ճակատին եռանկյունի. նրա տզեղ դեղին դեմքը դարձավ է՛լ ավելի տզեղ: Բայց Ալեքսեյ Ալեքսանդրովիչն զգաց, որ կոմսուհին խղճում է իրեն ու պատրաստ է արտասվելու: Եվ նա համակվեց գորովանքով, նա բռնեց Լիդիա Իվանովնայի փամփուխի ձեռքը և սկսեց համբուրել այն:

— Բարեկամս, — ասաց կոմսուհին՝ հուզմունքից ընդհատվող ձայնով, — դուք շարժիտի անձնատուր լինեք վշտի: Ձեր վիշտը մեծ է, բայց դուք պետք է մխիթարություն գտնեք:

— Ես չախաբախված եմ, ես սպանված եմ, ես այլևս ճարգ չեմ, — ասաց Ալեքսեյ Ալեքսանդրովիչը, բաց թողնելով նրա ձեռքը և շարունակելով նայել արցունքներով լի նրա աչքերին: — Իմ վիճակը սարսափելի է նրանով, որ ես ոչ մի տեղ, իմ մեջ անգամ հենակետ չեմ գտնում:

— Դուք կգտնեք հենակետ, փնտրեցեք այն ո՛չ իմ մեջ, քե՛ն ևս խնդրում եմ ձեզ՝ հավատալ իմ բարեկամությանը, — ասաց կոմսուհին հառաչանքով: — Մեր հենակետը սերն է, այն սերը, որ ավանգել է մեզ նա: Յրա լուծը քե՛քն է, — ասաց Լիդիա Իվանովնան այն հիացական հայացքով, որն այնպես ծանոթ էր Ալեքսեյ Ալեքսանդրովիչին: — Նա գորավիզ կլինի ձեզ ու կօգնի ձեզ:

Չնայած որ այդ խոսքերի մեջ կար իր բարձր զգացումների հանդեպ այն գորովահույզ կացությունը, նաև վերջերս Պետերբուրգում տաքածված նոր, խանդավառ միստիկական տրամադրությունը, որ Ալեքսեյ Ալեքսանդրովիչին թվում էր ավելի չորրդ, բայց և այնպես նրա համար այժմ հաճելի էր լսել այդ բանը:

— Ես թույլ եմ: Ես ոչնչացված եմ: Ես ոչինչ չէի նախատեսում և այժմ ոչինչ չեմ հասկանում:

— Բարեկամս, — կրկնեց Լիդիա Իվանովնան:

— Ո՛չ թե կորուստն այն բանի, որ չկա այժմ, ո՛չ, — շարունակեց Ալեքսեյ Ալեքսանդրովիչը: — Ես չեմ ամոստում: Բայց ես չեմ կարող չամաչել մարդկանց առաջ այն վիճակից, որի մեջ գտնվում եմ: Պա՛վատ բան է, բայց ես չեմ կարող չեմ կարող:

— Ո՛չ թե դուք կատարեցիք ներման այն բարձր գործը,

¹ Ես շրջանցեցի արգելանքը:

սրով հիանում եմ ես և հիանում եմ ամենքը, այլ նա՛, բնակ-
վելով ձեր սրտում,— ասաց կոմսուհի Լիդիա Իվանովնան,
խանդավառված բարձրացնելով աչքերը,— այդ իսկ պատճա-
ռով, դուք չեք կարող ամաչել ձեր վարմունքից:

Ալեքսեյ Ալեքսանդրովիչը խոժոռովեց ու ձեռքերը ծալելով,
սկսեց ճոթնոթացնել մատները:

— Հարկավոր է իմանալ բոլոր մանրամասները,— ասաց
նա բարակ ձայնով:— Մարդու ուժերն ունեն սահման, կոմ-
սուհի, և ես հասել եմ իմ ուժերի սահմանին: Հիմա ամ-
բողջ օրը ես ստիպված էի անել կարգադրություններ, տա՛ն
վերաբերյալ կարգադրություններ, որոնք բխում էին (նա
չեշտեց քիսում էին բառը) իմ նոր, մենավոր դրությունից:
Սպասավորներ, դաստիարակչուհի, հաշիվներ... Այս փոքրիկ
կրակը վառեց, այրեց ինձ, ես անկարող էի դիմանալու: Ծա-
շի ժամանակ... երեկ քիչ մնաց հեռանալի ճաշից: Տանելու
բան չէր, թե ինչպե՛ս նայում էր ինձ որդիս: Նա ոչինչ չէր
հարցնում այս բոլորի մասին, բայց նա ուզում էր հարցնել,
և ես չկարողացա դիմանալ այդ հայացքին: Նա վախենում
էր ինձ նայելուց, բայց դա քիչ է...— Ալեքսեյ Ալեքսանդրո-
վիչն ուզում էր խոսել այն հաշիվի մասին, որ բերել էին նրան,
սակայն նրա ձայնը դողաց, և նա կանգ առավ: Գլխարկի, ժա-
պավենների համար՝ կապույտ թղթի վրա գրված այդ հաշի-
վը նա չէր կարողանում մտաբերել առանց ինքն իրեն խղճա-
լու զգացումի:

— Ես հասկանում եմ, բարեկա՛մս,— ասաց կոմսուհի Լիդիա
Իվանովնան:— Ես բոլորը հասկանում եմ: Օգնություն ու մխի-
թարանք դուք կգտնեք ոչ թե իմ մեջ, բայց և այնպես ես եկա
միայն նրա համար, որ օգնեմ ձեզ, եթե կարող եմ: Եթե միայն
ես կարողանալի ազատել ձեզ այդ բոլոր մանր նվաստացու-
ցիչ հոգսերից: Ես հասկանում եմ, որ պետք է կա՛նացի խոսք,
կանացի կարգադրություն: Դուք հանձնարարո՞ւմ եք ինձ:

Ալեքսեյ Ալեքսանդրովիչը լուռ ու երախտապարտորեն
սեղմեց նրա ձեռքը:

— Մենք միասին կգրադվենք Սերյոժայով: Ես ուժեղ չեմ
պրակտիկ գործերում: Բայց ես ձեռնամուխ կլինեմ, ես կդառ-
նամ ձեր տնտեսուհին: Ինձ շնորհակալություն մի հայտնեք:
Գա տե՛ղում եմ ո՛չ ես ինքս...

— Ես չեմ կարող շնորհակալություն չհայտնել:

— Բայց, բարեկամս, անձնատուր մի՛ լինեք այն զգացու-
մի, որի մասին խոսում էիք դուք,— չպիտի ամաչել այն
բանից, ինչը քրիստոնյայի բարձրագույն բարձունքն է. ով
նվաստացնում է իրեն, նա կրա՛ծառանա: Եվ դուք չեք կարող
շնորհակալություն հայտնել ինձ: Պետք է շնորհակալություն
հայտնել նրան ու նրանից խնդրել օգնություն: Նրա մեջ
միայն մենք կգտնենք հանգիստ, մխիթարություն, փրկություն
և սեր,— ասաց կոմսուհին և աչքերը բարձրացնելով դեպի
երկինք, սկսեց աղոթել, ինչպես հասկացավ Ալեքսեյ Ալեք-
սանդրովիչը նրա լուռությունից:

Ալեքսեյ Ալեքսանդրովիչը լսում էր նրան այժմ, և այն
արտահայտությունները, որոնք առաջ նրա համար ոչ թե
անախորժ էին, այլ թվում էին ավելորդ, այժմ թվացին բնա-
կան ու մխիթարական: Ալեքսեյ Ալեքսանդրովիչը չէր սիրում
այդ նոր խանդավառ ոգին: Նա հավատացյալ մարդ էր, որ հե-
տաքրքրվում էր կրոնով գերազանցապես քաղաքական իմաս-
տով, և նոր ուսմունքը, որ թույլ էր տալիս իրեն որոշ նոր
մեկնաբանություններ, այն պատճառով հենց, որ նա դուռ էր
բացում վեճի ու վերլուծության համար, սկզբունքով անհա-
ճո էր նրան: Նա առաջ սառը, նույնիսկ թշնամաբար էր վե-
րաբերվում նոր ուսմունքին և երբեք չէր վիճում կոմսուհի
Լիդիա Իվանովնայի հետ, որ հրապուրված էր այդ ուսմուն-
քով, այլ աշխատում էր լուռություն պահել նրա մարտահրա-
վերների հանդեպ: Իսկ հիմա առաջին անգամ նա բավակա-
նություն էր լսում կոմսուհու խոսքերը և ներքնապես չէր
առարկում նրան:

— Ես շատ, շատ շնորհակալ եմ ձեզանից թե՛ ձեր գոր-
ծերի, թե՛ ձեր խոսքերի համար,— ասաց նա, երբ կոմսուհին
վերջացրեց աղոթելը:

Կոմսուհի Լիդիա Իվանովնան մի անգամ էլ սեղմեց իր
բարեկամի երկու ձեռքը:

Այժմ ես անցնում եմ գործի,— ասաց կոմսուհին ժպիտով,
քիչ լռելուց և դեմքից արցունքի մնացորդները սրբելուց հե-
տո:— Ես գնում եմ Սերյոժայի մոտ: Մայրահեղ դեպքում
միայն ես կդիմեմ ձեզ:— Եվ նա վեր կացավ ու դուրս գնաց:

Կոմսուհի Լիդիա Իվանովնան գնաց Սերյոժայի սենյակը և այնտեղ Քրջելով վախեցած երեխայի այտերն արցունքներով, ասաց նրան, որ նրա հայրը սուրբ է և որ նրա մայրը մեռել է:

Կոմսուհի Լիդիա Իվանովնան կատարեց իր խոստումը: Իրոք, նա իր վրա վերցրեց Ալեքսեյ Ալեքսանդրովիչի տունը կարգավորելու և վարելու հետ կապված բոլոր հոգսերը: Բայց նա չէր շահազանցում, ասելով, որ ինքը ուժեղ չէ պրակտիկ գործերում: Նրա բոլոր կարգադրությունները պետք էր փոխել, որովհետև նրանք անիրագործելի էին, և փոխվում էին Կոռնեյի՝ Ալեքսեյ Ալեքսանդրովիչի կամերդիների միջոցով, որն ամենքից աննկատելի ձևով առաջ տարավ Կարենինի ամբողջ տունը և իր պարոնին հագցնելու ժամանակ զեկուցում էր նրան՝ ինչ պետք էր: Բայց Լիդիա Իվանովնայի օգնությունն այսուամենայնիվ վերին աստիճանի իրական էր. նա տվեց Ալեքսեյ Ալեքսանդրովիչին բարոյական նեցուկ՝ նրա հանդուգ տածած իր սիրո և հարգանքի գիտակցության մեջ, մանավանդ այն բանում, որ ինչպես մխիթարական էր կոմսուհու համար մտածելը, ինքը համարյա նրան դարձրեց ըրիստոնյա, այսինքն՝ ծուլորեն և անտարբերությամբ հավատացալից նրան՝ դարձրեց ըրիստոնեական ուսմունքի այն նոր բացատրության ջերմ ու հաստատուն կողմնակից, որ վերջերս տարածվել էր Պետերբուրգում: Ալեքսեյ Ալեքսանդրովիչի համար հեշտ էր համոզվել այդ բացատրության մեջ: Ալեքսեյ Ալեքսանդրովիչը, ինչպես նաև Լիդիա Իվանովնան և նրանց հայեցակետին համամիտ ուրիշ մարդիկ, բոլորովին գուրկ էր երևակայության խորությունից, հոգեկան այն ընդունակությունից, որի շնորհիվ երևակայության առաջացրած պառակեացումները դառնում են ախպես իրական, որ պահանջում են համապատասխանություն այլ պատկերացումներին և իրականությունը: Նա չէր տեսնում ոչինչ անհնարին ու անհամապատասխան բան այն զաղափարի մեջ, թե մահը, որ գոյություն ունի չհավատացողների համար, գոյություն չունի իր համար, թե, որովհետև ինքը տեր է ամենալիտվին հավատի, որի շահի դատավորն ինքն է, ուրեմն՝ իբ հոգում արդեն մեղք էլ չկա, և ինքն արդեն զգում է այստեղ՝ երկրի վրա կատարյալ փրկություն:

Ճիշտ է, որ Ալեքսեյ Ալեքսանդրովիչն ազոտ կերպով զգում էր իր հավատի մասին ունեցած այդ պատկերացման թեթևությունն ու սխալահանութունը և նա գիտեր, որ ինքը, բնավ չմտածելով այն մասին, թե իր ներում շնորհելը բարձրագույն ուժի գործողություն է, անձնատուր եղավ այդ անմիջական զգացումին, զգում էր ազելի մեծ երջանկություն, քան այն ժամանակ, երբ ինքը, ինչպես այժմ, ամեն ռուպե կարծում էր, որ իբ հոգում ապրում է Քրիստոս և որ, ստորագրելով գրությունները, ինքը կատարում է նրա կամքը, բայց Ալեքսեյ Ալեքսանդրովիչի համար անհրաժեշտ էր այդպես մտածելը, նրա համար այնպես անհրաժեշտ էր այդպես մտածելը, նրա համար այնպես անհրաժեշտ էր իր նվաստացման մեջ ունենալ այն բարձրությունը, թեպետև մտացածին, որտեղից նա ամենքից արհամարհված, կարող էր արհամարհել ուրիշներին, և կառչել իր կարծեցյալ փրկությանը, որպես իսկական փրկության:

XXXIII

Կոմսուհի Լիդիա Իվանովնան, դեռ շատ երիտասարդ և շուտ հրապուրվող մի աղջիկ, ամուսնացավ հարուստ տոհմիկ, բարեսիրտ ու շահազանց շվայտ մի խրախճասեր մարդու հետ: Երկրորդ ամսում ամուսինը թողեց նրան և քնքուշ զգացումների վերաբերյալ նրա բուռն հավաստիացումներին պատասխանում էր միայն ծաղրով, նույնիսկ թշնամանքով, որը ոչ մի կերպ չէին կարողանում բացատրել այն մարդիկ, որոնք գիտեին և կոմսի բարի սիրտը և չէին տեսնում զմայլուն Լիդիայի մեջ ո՛չ մի պակասություն: Այդ օրից սկսած նրանք ապրում էին իրարից զատ-զատ, թեև ապահարզանով բաժանված չէին, և երբ ամուսինը պատահում էր կնոջը, միշտ էլ անփոփոխ կերպով վերաբերվում էր նրան թունալից ծաղրով, որի պատճառը չէր կարելի հասկանալ:

Կոմսուհի Լիդիա Իվանովնան վաղուց արդեն դադարել էր ամուսնուն սիրահարված լինելուց, բայց այդ օրից սկսած նա չէր դադարում մեկնումեկին սիրահարվելուց: Նա սիրահարված էր լինում հանկարծ մի քանիսին միաժամանակ, և՛ տղամարդկանց, և՛ կանանց: Նա սիրահարված էր լինում համարյա այն

բոլոր մարդկանց, որոնք որևէ բանով առանձնապես աչքի էին ընկնում: Նա սիրահարված էր ցարական ընտանիքի հետ ազգակցական կապ հաստատած բոլոր արքայազններին, և արքայազնուհիներին, նա սիրահարված էր մի միտրոպոլիտի, մի վիճակային փոխանորդի և մի քահանայի: սիրահարված էր մի լրագրողի, երեք սլավոնների, Կոմիսարովին, մի մինիստրի, մի բժշկի, մի անգլիացի միսիոների և Կարենինին: Այս բոլոր սերերը, մերթ թուլանալով, մերթ ուժեղանալով, չէին խանգարում նրան ծավալելու ամենատարածված ու բարդ արքունական և աշխարհիկ հարաբերություններ: Բայց այն օրից, երբ Կարենինին հասած դժբախտությունից հետո նա վերցրեց նրան իր հատուկ հովանավորության տակ, այն օրից, երբ աշխատանք թափեց Կարենինի տանը, հոգ տանելով նրա բարեկեցության համար, նա զգաց, որ մնացած բոլոր սերերը իսկական շեն, և որ նա անկեղծաբար սիրահարված է այժմ միայն Կարենինին: Այն զգացմունքը, որ նա այժմ տածում էր դեպի Կարենինը, թվում էր նրան առաջվա բոլոր զգացմունքներից ավելի ուժեղ: Վերլուծելով իր զգացմունքը և այն համեմատելով առաջինների հետ, նա պարզ տեսնում էր, որ սիրահարված չէր լինի Կոմիսարովին, եթե վերջինս փրկած չլիներ կայսրի կյանքը, սիրահարված չէր լինի Ռիստիչ-Կուչիցկուն, եթե չլիներ սլավոնական հարցը, բայց Կարենինին նա սիրում էր իբրև Կարենին, սիրում էր նրա չհասկացված բարձր հոգու համար, իրեն սիրելի նրա ձայնի բարակ հնչյունի համար՝ իր ծորուն առողջանությունը, սիրում էր նրա հոգնած հայացքի համար, նրա բնավորության և ուռած երակներով փափուկ սպիտակ ձեռքերի համար: Նա ո՛չ միայն ուրախանում էր Կարենինի հետ հանդիպումների համար, այլև փնտրում էր նրա դեմքի վրա այն տպավորության հատկանիշները, որ ինքը թողնում էր նրա վրա: Նա ուզում էր դուր գալ Կարենինին ո՛չ միայն ասածներով, այլև իր ամբողջ անձնավորությամբ: Կոմսուհին նրա համար այժմ զբաղվում էր իր տուալետով ավելի, քան երբևիցե առաջ: Նա իրեն բռնում էր այն տենչանքների մեջ, թե ինչ կլինի, եթե ինքը ամուսին չունենար և Կարենինը լիներ ազատ: Կոմսուհին կարմրում էր հուզմունքից, երբ Կարենինը մտնում էր սենյակ,

նա չէր կարողանում զսպել իր հիացական ժպիտը, երբ Կարենինը հաճելի բան էր ասում նրան:

Արդեն մի քանի օր էր, ինչ կոմսուհի Լիդիա Իվանովնան սաստիկ հուզված էր. նա իմացավ, որ Աննան Վոռնսկու հետ Պետերբուրգում է: Պետք էր Ալեքսեյ Ալեքսանդրովիչին փրկել նրա հետ տեսակցելուց, պետք էր նրան փրկել տանջող այն բանից, որպեսզի նա նույնիսկ չիմանար, որ այդ սոսկալի կինը գտնվում է նրա հետ միևնույն քաղաքում և որ նա կարող է ամեն բուպե պատահել այդ կնոջը:

Լիդիա Իվանովնան իր ծանոթների միջոցով հետախուզում էր, թե ինչ են մտադիր անել այդ գաղտնի մարդիկ, ինչպես նա անվանում էր Աննային ու Վոռնսկուն, և աշխատում էր դեկավարել իր բարեկամի բոլոր շարժումներն այդ օրերին, որպեսզի նա չպատահի նրանց: Երիտասարդ համհարզը, Վոռնսկու բարեկամը, որի միջոցով կոմսուհին տեղեկություններ էր ստանում և որը հույս ուներ Լիդիա Իվանովնայի միջոցով ստանալ կոնցեսիա, ասաց, որ նրանք վերջացրել են իրենց գործերը և մյուս օրը մեկնում են: Լիդիա Իվանովնան արդեն սկսում էր հանգստանալ, երբ հենց հետևյալ առավոտ նրան բերին մի տոմս, որի ձեռագիրը նա ճանաչեց սոսկումով: Դա Աննա Կարենինայի ձեռագիրն էր: Ծրարը քրծենիկի պես հաստ թղթից էր. երկարավուն դեղին թղթի վրա կար հըսկայական մոնոգրամ, և նամակից բուրում էր անուշ հոտ:

— Ո՛վ բերեց:

— Հյուրանոցի կոմիսիոները:

Կոմսուհի Լիդիա Իվանովնան երկար ժամանակ չէր կարողանում նստել, որ կարդա նամակը: Հուզմունքից նա ունեցավ շնչարգելության նոպա, որին ենթակա էր նա: Երբ հանգրստացավ, կարդաց ֆրանսերեն հետևյալ նամակը.

«Madame la Comtesse¹, քրիստոնեական զգացումները, որոնցով լի է ձեր սիրտը, զգում եմ, տալիս են ինձ աններելի համարձակություն՝ գրելու ձեզ: Ես դժբախտ եմ որդուցս անջատվելու պատճառով: Ես աղաչում եմ թույլ տալ ինձ տեսնելու նրան մի անգամ իմ մեկնելուց առաջ: Ներեցեք, որ ես հիշեցնում եմ իմ մասին: Ես դիմում եմ ձեզ և ոչ թե Ալեք-

¹ Կոմսուհի:

սեյ Ալեքսանդրովիչին այն պատճառով միայն, որ շեմ ուզում
իմ մասին հիշեցնելով՝ ստիպել այդ մեծահոգի մարդուն տանջ-
վելու իմանալով ձեր բարեկամական զգացումը նրա հանդեպ,
դուք կհասկանաք ինձ: Արդյոք Սերյոժային կուզարկե՞ք ինձ
մոտ, թե՞ ես տուն գամ նշանակված որոշ ժամին, թե՞ դուք ինձ
իմաց կտաք՝ ե՞րբ և որտե՞ղ ես կարող եմ տեսնել նրան տանից
դուրս: Ես մերժում չեմ ենթադրում, իմանալով մեծահոգու-
թյունն այն անձի, ումից կախված է դա: Դուք չեք կարող երե-
վակայել Սերյոժային տեսնելու այն ծարավը, որ զգում եմ ես,
ուստի չեք կարող երևակայել այն շնորհակալությունը, որ կհա-
րուցի իմ մեջ ձեր օգնությունը:

ԱՆՆԱ

Այդ նամակի մեջ ամեն ինչ զրգոց կոմսուհի Լիդիա Իվա-
նովնային. և բովանդակությունը, և մեծահոգության ակնար-
կը, և մանավանդ սանձարձակ տոնը, ինչպես թվում էր նրան:

— Ասա, որ պատասխան չի՝ լինի, — ասաց կոմսուհի Լի-
դիա Իվանովնան և անմիջապես բանալով թղթապանակը,
զրեց Ալեքսեյ Ալեքսանդրովիչին, թե հույս ունի նրան տես-
նելու ժամը տասներկուսից հետո՝ պալատում շնորհավորանքի
միջոցին:

«Ես պետք է ձեզ հետ խոսեմ մի կարևոր ու տխուր գործի
մասին: Այնտեղ մենք կպայմանավորվենք, թե որտե՞ղ: Ամե-
նից լավն է ինձ մոտ, որտեղ ես կհրամայեմ պատրաստել ձեռ
թելը: Անհրաժեշտ է: Նա տալիս է խաչ, նա տալիս է և ուժ»,
ավելացրեց կոմսուհին, որ գեթ մի փոքր նախապատրաստի
նրան:

Կոմսուհի Լիդիա Իվանովնան օրական սովորաբար գրում
էր երկու կամ երեք տոմս Ալեքսեյ Ալեքսանդրովիչին: Նա սի-
րում էր նրա հետ հաղորդակցության այդ պրոցեսը, որն իր
մեջ ունեւր վայելչագեղություն ու խորհրդավորություն, ինչը
պակասում էր նրա անձնական հարաբերությունների մեջ:

XXIV

Շնորհավորանքը վերջացավ: Հեռացողները հանդիպելով
իրար, խոսում էին օրվա վերջին նորության մասին՝ նոր ստաց-
ված պարզենների և նշանավոր պաշտոնյաների տեղափոխու-
թյան մասին:

— Ինչ կլինեք, եթե կոմսուհի Մարիա Բորիսովնային տա-
լին ռազմական մինիստրությունը, իսկ շտաբի պետ նշանա-
կեին իշխանուհի Վատկովսկայային, — ասում էր ոսկով ասեղ-
նագործած համազգեստով սպիտակահեր ծերուկը, դիմելով
բարձրահասակ գեղեցկուհի Ֆրեյլինային, որը հարցնում էր,
նրան տեղափոխումներ ի մասին:

— Իսկ ինձ՝ համհարզ, — պատասխանեց Ֆրեյլինան ժլպ-
տալով:

— Դուք արդեն նշանակում ստացել եք: Չեզ նշանակել են
հոգևոր վարչության գծով: Եվ ձեզ օգնական՝ Կարենինին:

— Բարև ձեզ, իշխա՛ն, — ասաց ծերուկը, սեղմելով մո-
տեցողի ձեռքը:

— Ի՞նչ էիք ասում Կարենինի մասին, — հարցրեց իշխանը:

— Նա և Պուտյատովը Ալեքսանդր Նևսկի են ստացել:

— Ես կարծում էի, որ նա արդեն ունի:

— Ո՛չ: Նայեք նրան, — ասաց ծերուկը, ասեղնագործ գըլ-
խարկով նշելով պետական խորհրդի ազդեցիկ անդամներից
մեկի հետ դահլիճի գոտան մեջ կանգնած Կարենինին՝ արքունա-
կան համազգեստով, կարմիր նոր ժապավենն ուսընդանուր: —
Երջանիկ ու գոհ է, ինչպես պղնձե գրոշ, — ավելացրեց նա և
կանգ առավ, որ սեղմի ըմբիշի կազմ ունեցող գեղեցիկ կա-
մերզերի ձեռքը:

— Ո՛չ, նա ծերացել է, — ասաց կամերզերը:

— Հոգսերից: Նա այժմ ամբողջ ժամանակ նախագծեր է
գրում: Նա հիմա բաց չի թողնի այն դժբախտին, մինչև կետ
առ կետ բոլորը չպատմի:

— Ինչպե՞ս թե ծերացել է: Il fait des passions¹: Ես կար-
ծում եմ, կոմսուհի Լիդիա Իվանովնան այժմ նրան խանգում է
կնոջը:

— Ի՞նչ եք ասում: Խնդրեմ, կոմսուհի Լիդիա Իվանովնայի
մասին վատ բան չասեք:

— Մի՞թե վատ բան է, որ նա սիրահարված է Կարենինին:

— Ճի՞շտ է արդյոք, որ Կարենինան այստեղ է:

— Այսինքն՝ ո՛չ այստեղ, պալատում, այլ Պետերբուրգում:

¹ Նա կիրք է հարուցում:

ես երեկ պատահեցի նրանց, Ալեքսեյ Վոռնսկու հետ, bras
dessus, bras dessous¹, Մորսկայա փողոցում:

— C'est un homme qui n'a pas²... — սկսեց կամերգերը,
բայց կանգ առավ, ճանապարհ տալով ու ողջունելով իր մոտով
անցնող ցարական ընտանիքի անդամին:

Այսպես անդադրում խոսում էին Ալեքսեյ Ալեքսանդրովիչի
մասին, դատապարտելով նրան ու ծիծաղելով նրա վրա, մինչ-
դեռ նա, փակելով իր բռնած պետական խորհրդի անդամի
ճանապարհը և ո՛չ մի բոպե չընդհատելով իր պատմությունը,
որ բաց չթողնի նրան, կետ առ կետ նկարագրում էր նրան իր
ֆինանսական նախագիծը:

Համարյա միաժամանակ, երբ Ալեքսեյ Ալեքսանդրովիչից
հեռացավ իր կինը, նրա հետ պատահեց նաև ծառայող մարդու
համար ամենադառն դեպքը՝ վերընթաց պաշտոնեական շարժ-
ման ընդհատումը: Այդ ընդհատումը տեղի էր ունեցել, և
ամենքը պարզ տեսնում էին այդ, բայց ինքը՝ Ալեքսեյ Ալեք-
սանդրովիչը, դեռ չէր գիտակցում, որ վերջացել է իր կարիե-
րան: Արդյոք, Ստրեմովի հետ ընդհարումն էր, արդյոք, կնոջ
հետ դժբախտությունն էր պատճառը, թե՞ ուղղակի այն, որ
Ալեքսեյ Ալեքսանդրովիչը հասել էր իր համար նախանշված
սահմանին, բայց ամենքի համար այս տարի դարձավ բացա-
հայտ, որ նրա պաշտոնեական ասպարեզը վերջացած էր: Նա
դեռ ուներ կարևոր պաշտոն. նա անդամ էր բազմաթիվ հանձ-
նաժողովների և կոմիտեների. բայց նա մի մարդ էր, որ ամ-
բողջովին սպառվել էր և որից այլևս ոչինչ չէին սպասում:
Ինչ էլ ասեր նա, ինչ էլ առաջարկեր, նրան լսում էին այնպես,
կարծես նրա առաջարկը վաղուց արդեն հայտնի է և դա հենց
այն է, որը հարկավոր չէ: Սակայն Ալեքսեյ Ալեքսանդրովիչը
չէր զգում այդ բանը և, ընդհակառակը, հեռացված լինելով
կառավարչական գործունեությանն ուղղակի մասնակցություն-
ներից, այժմ ավելի պարզ, քան առաջ, տեսնում էր պակասու-
թյուններ ու սխալներ ուրիշների գործունեության մեջ և իր
պարտքն էր համարում նշել դրանք ուղղելու միջոցները: Կնոջ
հետ անջատումից քիչ հետո նա սկսեց գրել նոր դատարանի

մասին իր առաջին գրությունը, ոչ ոքի համար պիտանի ան-
թիվ-անհամար այն գրություններից մեկը, որ վիճակված էր
նրան գրել վարչության բոլոր ճյուղերի գծով:

Ալեքսեյ Ալեքսանդրովիչը ո՛չ միայն չէր նկատում իր ան-
հուսալի վիճակը պաշտոնեական աշխարհում և ո՛չ միայն չէր
վշտանում դրանից, այլ գոհ էր իր գործունեությունից ավելի,
քան երբևիցե:

«Ամուսնացածը հոգ է տանում աշխարհայինի մասին, թե
ինչպե՛ս բավարարի կնոջը, շամուսնացածը հոգ է տանում
աստվածայինի մասին, թե ինչպե՛ս հաճոյանա աստծուն»,
ասում է Պողոս առաքյալը, և Ալեքսեյ Ալեքսանդրովիչը, որը
բոլոր գործերում ղեկավարվում էր այժմ «սուրբ» գրքով, հա-
ճախ էր հիշում այդ տեքստը: Նրան թվում էր, թե սկսած այն
օրից, երբ ինքը մնաց առանց կնոջ, այդ նախագծերով ծա-
ռայում էր աստծուն ավելի, քան առաջ:

Բացահայտ անհամբերությունը խորհրդի անդամի, որ կա-
մենում էր հեռանալ Ալեքսեյ Ալեքսանդրովիչից, չէր ճնշում
նրան. նա դադարեց պատմելուց այն ժամանակ միայն, երբ
անդամը, օգտվելով ցարական ընտանիքի անդամի անցնելուց,
ծլկեց նրանից:

Մնալով մենակ, Ալեքսեյ Ալեքսանդրովիչը գլուխը կախ գցեց
հավաքելով իր մտքերը, ապա ցրված նայեց շուրջը և զնաց
դեպի դուռը, որի մոտ հույս ուներ պատահելու կոմսուհի Լի-
դիա Իվանովնային:

«Եվ ինչպես նրանք ամենքը ուժեղ ու աուղջ են Գիդիկա-
պես», մտածեց Ալեքսեյ Ալեքսանդրովիչը, նայելով անուշա-
բույր յուղով օծված բակենբարդներով հզոր կամերգերին և
համազգեստի մեջ ձղված իշխանի կարմիր պարանոցին, որոնց
մոտով նա պետք է անցներ: «Ը՛իշտ է ասած, որ աշխարհում
ամեն բան շարիք է», մտածեց նա, մի անգամ էլ խեթ-խեթ
նայելով կամերգերի սրունքներին:

Առանց շտապելու շարժելով ոտքերը, Ալեքսեյ Ալեքսանդրո-
վիչը հոգնածության և արժանապատվության սովորական
տեսքով բարևեց այդ պարոններին, որոնք խոսում էին նրա
մասին, ու նայելով դռանը, աչքերով փնտրում էր կոմսուհի
Լիդիա Իվանովնային:

— Ա՛: Ալեքսեյ Ալեքսանդրովիչ. — ասաց ծելուկը, շարա-

¹ Թևանցուկ:

² Դա այիլիսի մի մարդ է, որը շունի...

խինդ փայլուն աչքերով, այն ժամանակ, երբ Կարենինը հավասարվեց նրան ու սառը շարժումով խոնարհեց գլուխը:— Ծա դեռ չեմ շնորհավորել ձեզ,— ասաց ժերուկը, նշելով նրա նոր ստացած ժապավենը:

— Շնորհակալություն,— պատասխանեց Ալեքսեյ Ալեքսանդրովիչը:— Ի՞նչ հիանալի օր է այսօր,— ավելացրեց նա, իր սովորութեամբ առանձնապես շեշտելով «հիանալի» բառը:

Որ նրանք ծիծաղում էին իր վրա, նա գիտեր, բայց նա նրանցից ուրիշ բան չէր էլ սպասում, բացի թշնամանքից. նա արդեն վարժվել էր դրան:

Տեսնելով դռնից ելած կոմսուհի Լիդիա Իվանովնայի կորուստի միջից բարձրացող դեղին ուսերը և իր մոտ կանչող նրա գեղեցիկ մտածկոտ աչքերը, Ալեքսեյ Ալեքսանդրովիչը ժպտաց, բանալով իր անթառամ սպիտակ ատամները և մոտեցավ նրան:

Լիդիա Իվանովնայի տուալետը պահանջել էր նրանից մեծ ջանք, ինչպես այս վերջերս նրա բոլոր տուալետները: Նրա տուալետի նպատակն այժմ բոլորովին հակառակն էր այն նպատակի, որին նա հետամտում էր երեսուն տարի առաջ: Այն ժամանակ նա ուզում էր զարդարել իրեն որևէ բանով, և որքան ավելի, այնքան լավ: Այժմ, ընդհակառակը, նա պարտադրաբար զարդարված էր իր տարիքին ու ֆիզուրին այնպես անհամապատասխան կերպով, որ հոգ էր տանում միայն այն մասին, որպեսզի չափազանց սարսափելի չլինեն այդ զարդերի հակադրությունն իր արտաքինին: Ծվ Ալեքսեյ Ալեքսանդրովիչի նկատմամբ նա հասավ այդ բանին ու գրավիչ էր թվում նրան: Կարենինի համար, իրեն շրջապատող թշնամանքի ու ծաղրի ծովի մեջ կոմսուհին միակ կղզին էր ո՛չ միայն իր հանդեպ ունեցած բարի տրամադրության, այլև սիրո:

Անցնելով ծաղրական հայացքների շարքի միջից, Ալեքսեյ Ալեքսանդրովիչը բնականաբար ձգտում էր դեպի կոմսուհու սիրահարված հայացքը, ինչպես բույսը դեպի լույսը:

— Շնորհավորում եմ ձեզ,— ասաց Լիդիա Իվանովնան նրան, աչքերով նշելով ժապավենը:

Ջապելով բավականության ժպիտը, Ալեքսեյ Ալեքսանդրովիչը վեր քաշեց ուսերը, փակելով աչքերը, կարծես ասելով: Թե դա չի կարող ուրախացնել իրեն: Կոմսուհի Լիդիա Իվա-

նովնան շատ լավ գիտեր, որ դա նրա զլխավոր ուրախություններից մեկն է, թեև նա երբեք չի խոստովանում այդ:

— Ինչպե՞ս է մեր հրեշտակը,— ասաց կոմսուհի Լիդիա Իվանովնան, նկատի ունենալով Սերյոժային:

— Չեմ կարող ասել, որ ես լիովին գոհ եմ նրանից,— ասաց Ալեքսեյ Ալեքսանդրովիչը, բարձրացնելով հոնքերը և բանալով աչքերը:— Սիտնիկովն էլ դժգոհ է նրանից: (Սիտնիկովը մանկավարժ էր, որին հանձնարարված էր Սերյոժայի աշխարհիկ դաստիարակությունը): Ինչպես ասում էի ձեզ, նրա մեջ կա մի տեսակ սառնություն հենց դեպի այն զլխավոր հարցերը, որոնք պետք է շարժեն ամեն մարդու և ամեն երեխայի հոգին,— սկսեց արտահայտել իր մտքերն Ալեքսեյ Ալեքսանդրովիչը՝ ծառայությունից բացի իրեն հետաքրքրող միակ հարցի՝ որդու դաստիարակության վերաբերյալ:

Երբ Ալեքսեյ Ալեքսանդրովիչը Լիդիա Իվանովնայի օգնությամբ նորից վերադարձավ կյանքի և գործունեության, նա իր պարտքը համարեց զբաղվել իր մոտ մնացած որդու դաստիարակությամբ: Առաջ երբեք զբաղված չլինելով դաստիարակության հարցերով, Ալեքսեյ Ալեքսանդրովիչը որոշ ժամանակ հատկացրեց առարկայի տեսական ուսումնասիրությանը: Կարգալով մի քանի գիրք մարդաբանությունից, մանկավարժությունից ու դիդակտիկայից, Ալեքսեյ Ալեքսանդրովիչը իր համար դաստիարակության պլան կազմեց և, ղեկավարության համար հրավիրելով Պետերբուրգի լավագույն մանկավարժին, անցավ գործի: Ծվ այդ գործը մշտապես զբաղեցնում էր նրան:

— Այո՛, հապա սի՛րտը: Ծա տեսնում եմ նրա մեջ հոր սիրտը, և այդպիսի սրտով երեխան չի կարող վատ լինել,— ասաց Լիդիա Իվանովնան հիացքով:

— Այո՛, կարող է պատահել... Ինչ վերաբերում է ինձ, ես կատարում եմ իմ պարտքը: Այդքանը կարող եմ անել:

— Դուք կգաք ինձ մոտ,— ասաց կոմսուհի Լիդիա Իվանովնան, քիչ լուռությունից հետո,— մենք պետք է խոսենք ձեզ համար տխուր մի գործի մասին: Ծա ամեն բան կտայի, որպեսզի ձեզ ազատի որոշ հիշողություններից, բայց ուրիշներն այդպես չեն մտածում: Ծա նամակ ստացա Նրաճից: Նա այստեղ է, Պետերբուրգում:

Ալեքսեյ Ալեքսանդրովիչը ցնցվեց, երբ խոսք եղավ կնոջ

մասին, բայց անմիջապես նրա դեմքին հաստատվեց այն մե-
ռած անշարժությունը, որ արտահայտում էր կատարյալ անօգ-
նականություն այդ գործում:

— Ես սպասում էի այդ բանին,— ասաց նա:

Կոմսուհի Լիդիա Իվանովնան նայեց նրան գմայլված, և
աչքերում երևացին նրա հոգու վեհություն հանդեպ ունեցած
հիացքի արցունքներ:

XXV

Երբ Ալեքսեյ Ալեքսանդրովիչը մտավ կոմսուհի Լիդիա
Իվանովնայի փոքրիկ, հարմարավետ առանձնասենյակը՝ զար-
դարված վաղեմի ճենապակով ու պորտրեներով, ինքը՝ տան-
տիկինը դեռ չկար:

Տանտիկինը վերազգեստավորվում էր:

Կլոր սեղանի վրա փռած էր սփռոց և դրած էին շինական
պարագաներ ու արծաթյա սպիրտավառ թեյաման: Ալեքսեյ
Ալեքսանդրովիչը ցրված նայեց առանձնասենյակը զարդարող
անթիվ ծանոթ պորտրեները և նստելով սեղանի մոտ, բացեց
նրա վրա դրած ավետարանը: Կոմսուհու մետաքսե զգեստի
շրջունը գրավեց նրա ուշադրությունը:

— Ինչ հիմա մենք հանդիստ կնստենք,— ասաց կոմսուհի
Լիդիա Իվանովնան, հուզված ժպիտով շտապ մտնելով սեղա-
նի և բազմոցի միջև,— ու կխոսենք մեր թեյի միջոցին:

Նախապատրաստման մի քանի խոսքերից հետո, կոմսու-
հի Լիդիա Իվանովնան ծանր շնչելով ու կարմրելով, տվեց
Ալեքսեյ Ալեքսանդրովիչի ձեռքն իր ստացած նամակը:

Նամակը կարդալուց հետո նա երկար ժամանակ լուռ էր:

— Ես չեմ կարծում, որ իրավունք ունեմ մերժելու նրան,—
ասաց Կարենինը երկչուությամբ, բարձրացնելով աչքերը:

— Բարեկամս, դուք շարիք չեք տեսնում ոչ ոքի մեջ:

— Ես, ընդհակառակն, տեսնում եմ, որ ամեն ինչ շարիք
է, բայց մի՞թե իրավացի բան է այդ...

Նրա դեմքի վրա կար անվճռականություն և իր համար
անհասկանալի գործի մեջ խորհրդի, աջակցության ու ղեկա-
վարության որոնում:

— Ո՛չ,— ընդհատեց նրան կոմսուհի Լիդիա Իվանով-
նան.— Ամեն բան շափ ու սահման ունի: Ես հասկանում եմ

անբարոյականությունը,— նա ասաց ո՛չ բոլորովին անկեղ-
ծաբար, որովհետև նա երբեք չէր կարող հասկանալ այն, ինչը
կանանց հասցնում է անբարոյականության,— բայց ես չեմ
հասկանում դաժանությունը, այն էլ ո՛ւմ հանդեպ, ձե՛ր: Ինչ-
պե՛ս մնալ այն քաղաքում, որտեղ դուք եք: Ո՛չ, իրոք որ,
ինչքան սպրեւ, այնքան պետք է սովորես: Ըն ես սովորում
եմ հասկանալ ձեր բարձրությունը և նրա ստորությունը:

— Իսկ ո՞վ քար կղցի,— ասաց Ալեքսեյ Ալեքսանդրովիչը,
հայտնապես գոհ իր դերից:— Ես բոլորը ներեցի, ուստի չեմ
կարող մորը զրկել այն բանից, ինչը նրա համար սիրո պա-
հանջ է, դեպի որդին տածած սիրո պահանջ...

— Սակայն արդյո՞ք սեր է դա, բարեկամս: Արդյոք ան-
կե՞ղծ է դա: Ընդունենք, որ դուք ներել եք, դուք ներում եք...
բայց արդյոք մենք իրավունք ունե՞նք ազդելու այդ հրեշտակի
հոգու վրա: Նա մորը համարում է մեռած: Նա աղոթում է մոր
համար և խնդրում է աստծուն՝ ներել նրա մեղքերը... Եվ
այսպես ավելի լավ է: Իսկ այս դեպքում ի՞նչ պիտի մտածի
երեխան:

— Ես չէի մտածում դրա մասին,— ասաց Ալեքսեյ Ալեք-
սանդրովիչը, կարծես համաձայնելով:

Կոմսուհի Լիդիա Իվանովնան դեմքը ծածկեց ձեռքերով ու
լռեց: Նա աղոթում էր:

— Եթե դուք հարցնում եք իմ խորհուրդը,— ասաց կոմ-
սուհին աղոթելուց հետո և բացելով դեմքը,— ես խորհուրդ
չեմ տալիս ձեզ անելու այդ: Ո՛ր՞թե ես չեմ տեսնում, թե ինչ-
պե՛ս տանջվում եք դուք, թե ինչպե՛ս դա բացեց ձեր բոլոր
վերքերը: Բայց, ենթադրենք, որ դուք, ինչպես միշտ, մոռա-
նում եք ձեր մասին: Սակայն ի՞նչ բանի կարող է հասցնել
այդ: Ձեր կողմից նոր տառապանքների, երեխայի համար նոր
տանջանքների, այնպես չէ՞: Եթե այդ կնոջ մեջ մնացել է
մարդկային գեթ որևէ բան, նա ինքը չպիտի կամենա այդ
Ո՛չ, առանց տատանվելու խորհուրդ չեմ տալիս, և եթե դուք
թույլ կտաք ինձ, ես կգրեմ նրան:

Ու Ալեքսեյ Ալեքսանդրովիչը համաձայնեց, և կոմսուհի
Լիդիա Իվանովնան գրեց ֆրանսերեն հետևյալ նամակը.

«Ողորմած Տիկոն»

Ձեր մասին հիշեցումը ձեր որդու համար կարող է առաջ

բերել նրա կողմից այնպիսի հարցեր, որոնց չի կարելի պատասխանել, շմտցնելով երեխայի հոգու մեջ դատապարտության ոգի հանդեպ այն բանի, ինչը նրա համար պիտի լինի սրբություն, այս խսկ պատճառով խնդրում եմ ձեր ամուսնու մերժումն ընդունել քրիստոնեական սիրո ոգով: Խնդրում եմ բարձրալին՝ ողորմած թնել ձեր նկատմամբ:

Կոմսունի Լիդիա:

Այդ նամակը հասավ այն թաքուն նպատակին, որը կոմսունի Լիդիա Իվանովնան ծածկում էր ինքն իրենից: Նամակը խորապես խոցեց Աննայի հոգին:

Ալեքսեյ Ալեքսանդրովիչը Լիդիա Իվանովնայից վերադառնալով տուն, չկարողացավ այդ օրը անձնատուր լինել իր սովորական զբաղմունքներին և գտնել հավատացող ու փրկված մարդու հոգեկան այն անդորրը, որ նա զգում էր առաջ:

Հիշողությունը կնոջ մասին, որն այնպես շատ մեղավոր էր նրա առաջ և որի հանդեպ նա այնպես սուրբ էր, ինչպես իրավամբ ասում էր նրան կոմսունի Լիդիա Իվանովնան, չպետք է շփոթեցնեք նրան. բայց նա հանգիստ չէր. նա չէր կարողանում հասկանալ այն գիրքը, որ կարդում էր, չէր կարողանում վանել իրենից տանջալից հիշողությունները կնոջ հետ ունեցած իր հարաբերությունների մասին, այն սխալների մասին, որ նա արեց կնոջ հանդեպ, ինչպես թվում էր նրան այժմ: Հիշողությունն այն մասին, թե ինչպես ինքը ձեռքարկից վերադառնալիս ընդունեց կնոջ խոստովանությունն անհավատարմության մեջ (մանավանդ այն, որ Գնթըր կնոջից պահանջում էր միայն արտաքին վայելություն, և չկանչեց մենամարտի), տանջում էր նրան՝ որպես զոհուհի: Տանջում էր նրան նույնպես հիշողությունն այն նամակի մասին, որ գրեց կնոջը. մանավանդ իր ներումը, որ ոչ ոքի պետք չէր, և իր հոգացողությունն ուրիշի երեխայի մասին վառում էին նրա սիրտը զղջման ու ամոթի զգացումով:

Ամոթի և զղջման ճիշտ այդպիսի զգացում ունեւր նա այժմ, մտաբերելով իր ամբողջ անցյալը կնոջ հետ ու հիշելով անհարմար այն խոսքերը, որոնցով ինքը երկար տատանումներից հետո առաջարկություն արեց նրան:

«Բայց ի՞նչու եմ մեղավոր ես», ասում էր նա ինքն իրեն: Եվ այդ հարցը միշտ առաջ էր բերում նրա մեջ մի ուրիշ հարց — արդո՞ք այլ կերպ են զգում, ա՞յլ կերպ են սիրում, ա՞յլ կերպ են ամուսնանում այդ ուրիշ մարդիկ, այդ Վոռնակիները, Օբլոնսկիները... հաստատունք այդ կամեբգերները: Եվ նրան պատկերանում էին մի շարք այդպիսի հյուսիք, ուժեղ, չկասկածող մարդիկ, որոնք միշտ և ամենուր ակամա իրենց վրա Լին սևեռում նրա հետաքրքիր ուշադրությունը: Նա վանում էր իրենից այդ մտքերը, նա աշխատում էր համբուրել իրեն, որ ինքն ապրում է ո՛չ թե այստեղի ժամանակավոր կյանքի համար, այլ հավիտենական, որ իր հոգու մեջ գտնվում է խաղաղություն ու անբու: Բայց այն հանգամանքը, որ ինքն այդ ժամանակավոր, աննշան կյանքի մեջ արել էր, ինչպես թվում էր նրան որոշ շնչին սխալներ, տանջում էր նրան այնպես, կարծես բնավ գոյություն չունեւր այդ հավիտենական փրկությունը, որին հավատում էր: Սակայն այդ գայթակղեցումը շարունակվեց ո՛չ երկար, և շուտով Ալեքսեյ Ալեքսանդրովիչի հոգում վերահաստատվեց այն անզորությունն ու բարձրությունը, որոնց շնորհիվ նա կարող էր մոռանալ այն, ինչի մասին չէր ուզում հիշել:

XXVI

— Հը՛, ի՞նչ կա, Կապիտոնիչ,— ասաց Սերյոժան, կարմիր և ուրախ, իր ծննդյան օրվա նախօրյակին վերադառնալով զրոսանքից ու տալով Գր ծալքավոր վերնազգեստը բարձրահասակ ծերունի բարապանին, որն իր հասակի բարձրությունից ժպտում էր այդ փոքրիկ մարդուն: — Այսօր էլի եկե՛ք էր կալուն լինովնիկը: Հայրիկն ընդունե՞ց նրան:

— Ընդունեց: Ընեց որ կառավարիչը գուրս գնաց, ես զեկուցեցի,— ասաց բարասպանը, ուրախ աչքով անելով: — Համեցե՛ք, ես կհանեմ:

— Սերյոժա,— ասաց սլավոն գաստիարակը, կանգ առնելով այն դռան մեջ, որը տանում էր զեպի ներքին սենյակները: — Ինքնե՛րդ հանեք:

Բայց Սերյոժան ուշադրություն չգարձրեց գաստիարակի վրա, թեպետև լսեց նրա թույլ ձայնը: Նա կանգնել էր, ձեռ-

քով բռնած բարապանի լանջագեղ գոտուց և նայում էր նրա դեմքին:

— Հետո ի՞նչ, հայրիկն արեց նրա համար այն, ինչ պետք էր:

Բարապանը գլխով դրական նշան արեց:

Պնդերես շինովնիկը, որ արդեն յոթ անգամ եկել էր Ալեքսեյ Ալեքսանդրովի: ի մոտ՝ խնդրելու ինչ-որ բանի մասին, հետաքրքրում էր և՛ Սերյոժային, և՛ բարապանին: Սերյոժան մի անգամ նրան տեսավ նախասենյակում ու լսեց, թե ինչպե՞ս նա աղերսագին խնդրում էր բարապանին՝ զեկուցել իր մասին՝ ասելով, որ ինքը ստիպված է մեռնել իր երեխաների հետ: Այդ օրից սկսած Սերյոժան, մի անգամ էլ պատահելով այդ շինովնիկին նախասենյակում, հետաքրքրվեց նրանով:

— Իսկ ո՞նց էր, շա՞տ ուրախացավ,— հարցրեց նա:

— Բա չէ՛ր ուրախանա: Համարյա ցատկոտելով դուրս գնաց այստեղից:

— Իսկ որե՛ք բան բերե՞լ են,— հարցրեց Սերյոժան քիչ լռությունից հետո:

— Է՛հ, պարոն,— գլուխն օրորելով, շշուներով ասաց բարապանը,— կոմսուհուց կա:

Սերյոժան իսկույն հասկացավ, որ այն, ինչի մասին ասում էր բարապանը, նվեր էր կոմսուհու՝ Լիդիա Իվանովնայից իր ծննդյան տարեդարձի առթիվ:

— Ի՞նչ ես ասում: Որտե՞ղ է:

— Կոռնեյը տարավ հայրիկիդ մոտ: Պետք է որ լավ բան լինի:

— Մե՞ծ է: Այսքան կլինի՞:

— Քիչ փոքր, բայց լավն է:

— Գի՞րք:

— Ո՛չ, ուրիշ բան: Գնացե՛ք, գնացե՛ք, Վասիլիյ Լուկիչը կանչում է,— ասաց բարապանը, լսելով դաստիարակի մոտեցող քայլերը և զգուշությամբ ուղղելով ձեռնոցից կոսով շափ հանած նրա փոքրիկ ձեռքը, որ բռնել էր լանջագեղ գոտին, ու գլխով նշելով Լուկիչին:

— Վասիլիյ Լուկիչ, այս բոպեիս,— պատասխանեց Սերյոժան այն ուրախ և սիրող ժպիտով, որը միշտ հաղթահարում էր ճշտակետաբար Վասիլիյ Լուկիչին:

Սերյոժան չափազանց ուրախ էր, ամեն բան չափազանց երանելի էր, ուստի, նա չէր կարող իր բարեկամ բարապանին հաղորդակից չանել ընտանեկան այն ուրախությանը, որի մասին նա իմացավ զրոսանքի ժամանակ՝ Ամառային այգում՝ կոմսուհու Լիդիա Իվանովնայի մորաքրոջ աղջկանից: Այդ ուրախությունն առանձնապես կարևոր էր թվում նրան, որ զուգահեյտում էր շինովնիկի ուրախությանը և իր ուրախությանը, կապված խաղալիքներ բերելու հետ: Սերյոժային թվում էր, որ այսօր այնպիսի օր է, որ ամենքը պետք է լինեն ուրախ ու խնդուն:

— Գիտե՞ս, հայրիկն ստացել է Ալեքսանդր Նևսկու շքանշան:

— Ո՞նց շքիտեմ, և կել էին շնորհավորելու:

— Ինչպե՞ս է, ուրա՞խ է նա:

— Ո՞նց չուրախանա ցարական շնորհի համար: Ուրեմն արժանի է,— ասաց բարապանը խիստ և լուրջ:

Սերյոժան մտասուզվից, խորագնին նայելով բարապանի ամենայն մանրամասնությամբ ուսումնասիրած դեմքին, մանավանդ սպիտակ բակենբարդների միջև կախված կզակին, որը ոչ ոք չէր տեսել, բացի Սերյոժայից, որն այլ կերպ չէր նայում նրան, քան վարից վեր:

— Իսկ քո աղջիկը վաղո՞ւց է, ինչ եղել է քեզ մոտ:

Բարապանի աղջիկը բալետի պարուհի էր:

— Ո՞նց կարող է լի օրերին գալ: Նրանք էլ են սովորում. դուք էլ պիտի սովորեք, պարո՞ն, գնացե՛ք:

Գալով սենյակ, Սերյոժան փոխանակ նստելու դասի, պատմում էր ուսուցչին իր ենթադրությունն այն մասին, թե այն իրը, որ բերել են, պետք է լինի մեքենա:— Ի՞նչ եք կարծում դուք,— հարցրեց նա:

Բայց Վասիլիյ Լուկիչը մտածում էր միայն այն մասին, թե պետք է սովորել քերականության դասն ուսուցչի համար, որը գալու էր ժամը երկուսին:

— Ո՛չ, դուք միայն ասեք ինձ, Վասիլիյ Լուկիչ,— հարցրեց նա հանկարծ, արդեն նստելով աշխատասեղանի առջև ու գիրքը բռնած ձեռքին,— ի՞նչ շքանշան կա ավելի բարձր Ալեքսանդր Նևսկուց: Գիտե՞՞ր. հայրիկս ստացել է Ալեքսանդր Նևսկի:

Վասիլի Լուկին ասաց, որ Ալեքսանդր Նևսկուց բարձրը Վլադիմիրն է:

— Իսկ ավելի բարձր:

— Ամենից բարձրը Անդրեյ Պերվոզվանինն է:

— Իսկ Անդրեյից բարձրը:

— Չգիտեմ:

— Ինչպե՞ս, դուք էլ չգիտե՞ք, — և Սերյոժան հենվելով ձեռներին, մտասուզվեց:

Նրա մտածումներն ամենաբարդ ու բազմազան ժողովուրդներ էին: Նա կշռարկում էր, թե ինչպես իր հայրը հանկարծ կստանա և՛ Վլադիմիր, և՛ Անդրեյ, ու թե ինչպես այդ պատճառով ինքն այսօր դասֆի ժամանակ ավելի բարի կլինի, և թե ինչպես ինքը, երբ մեծանա, կստանա բոլոր շքանշանները, նաև այն, որ կհնարեն Անդրեյից ավելի բարձր: Հենց որ հնարեն, ինքը կվաստակի: Նրանք կստեղծեն ավելի բարձրը, իսկ ինքն անմիջապես այդ էլ կվաստակի:

Այգպիսի մտածումների մեջ անցավ ժամանակը, և երբ ուսուցիչը եկավ, դասը պատրաստ չէր՝ ժամանակի, տեղի ու գործողության եղանակի պարագաների մասին, և ուսուցիչը ո՛չ միայն դժգոհ էր, այլև վշտացած: Ուսուցչի այդ վշտացումը հուզեց Սերյոժային: Նա իրեն մեղավոր չէր զգում դասը շտկորելու համար, բայց ինչքան էլ ջանք էր թափում, ոչ մի կերպ չէր կարողանում յուրացնել այն: Քանի դեռ ուսուցիչը բացատրում էր, նա հավատում և կարծես թե հասկանում էր, բայց հենց որ մնում էր մենակ, ոչ մի կերպ չէր կարողանում հիշել ու հասկանալ, որ կարճ և այնպես հասկանալի «հանկարծ» բառը գործողության եղանակի պարագա է: — Բայց և այնպես, նա ափսոսում էր, որ վշտացրեց ուսուցչին և ուզում էր մխիթարել նրան:

Սերյոժան ընտրեց այն բոլորն, երբ ուսուցիչը լուռ նայում էր գրքին:

— Միխայիլ Իվանիչ, ե՞րբ է լինում ձեր անվանակոչության տոնը, — հարցրեց նա հանկարծ:

— Ավելի լավ է, դուք մտածելիք ձեր աշխատանքի մասին, իսկ անվանակոչությունը ո՛չ մի նշանակություն չունի բանական էակի համար: Դա նույնպիսի օր է, ինչպես և մյուս օրերը, երբ հարկավոր է աշխատել:

Սերյոժան ուշադրությամբ նայեց ուսուցչին, նայեց նրա նստ մորուքին, ակնոցին, որ ավելի ցած էր իջել քթին եղած հատունից, և այնպես մտասուզվեց, որ այլևս ոչինչ չէր լսում, թե ի՛նչ էր բացատրում ուսուցիչը: Նա հասկանում էր, որ ուսուցիչը չի ասում այն, ինչ մտածում է. նա այդ զգում էր ուսուցչի տոնից: «Բայց ինչո՞ւ նրանք ամենքը խոսքը մեկ են արել, որ ամեն բան ասեն միևնույն ձևով, ասեն ամենաձանձորալի և անպետք բաներ: Ինչո՞ւ է նա վանում ինձ իրենից, ինչո՞ւ նա չի սիրում ինձ», հարցնում էր նա ինքն իրեն թախիծով ու չէր կարողանում պատասխան գտնել:

XXVII

Ուսուցչից հետո հոր դասն էր: Քանի հայրը չէր եկել, Սերյոժան նստեց սեղանի մոտ և սկսեց մտածել, խաղալով դանակի հետ: Սերյոժայի սիրած զբաղմունքների թվում էր նաև զբոսանքի ժամանակ մորը գտնելու միտքը: Նա չէր հավատում մահին առհասարակ և մասնավորապես մոր մահվանը, շնայած որ կիդիա Իվանովնան ասաց այդ նրան, ու հայրը հաստատեց, ուստի, երբ նրան ասացին, իբր մայրը մեռել է, նա դրանից հետո ևս որոնում էր նրան զբոսանքի ժամանակ: Թուխ մազերով յուրաքանչյուր գեր, նազելի կին նրա համար իր մայրն էր: Տեսնելով այդպիսի կնոջ, նրա հոգում լեռնանում էր քնքշության այնպիսի զգացում, որ շունչը կտրվում էր, և աչքերում երևում էին արցունքներ: Եվ նա ամեն վայրկյան սպասում էր, որ այդ կինը կմոտենա իրեն, կբարձրացնի քողը: Կերևա նրա ամբողջ գեմքը, նա կծպտա, կգրկի Սերյոժային, Սերյոժան կզգա նրա բույրը, կզգա նրա ձեռքի քնքշությունը և լաց կլինի երջանիկ, ինչպես մի անգամ երեկոյան ինքը պառկեց ոտների մոտ ու նա խտուտ էր անում Սերյոժային, իսկ Սերյոժան քրքրում էր ու կծում նրա մատանեզարդ սպիտակ ձեռքը: Հետո, երբ նա պատահմամբ իմացավ դայակից, որ մայրը չի մեռել, և հայրն ու կիդիա Իվանովնան բացատրեցին նրան, թե նրա համար մայրը մեռած է, որովհետև լավ կին չէ (դրան նա արգեն ո՛չ մի կերպ չէր կարող հավատալ, որովհետև սիրում էր մորը), նա, այնուամենայնիվ, որոնում ու սպասում էր մորը: Այսօր, Ամառային այգում կար մի տիկին

մանիշակագույն քողով, որին Սերյոժան հետևում էր սրտի նվազումով, կարծելով, թե դա իր մայրն է, մինչ նա մոտենում էր նրանց ծառուղիով: Այդ տիկինը շհասավ նրանց ու գնաց, անհայտացավ ինչ-որ տեղ: Այսօր ավելի ուժեղ, քան երբևիցե, Սերյոժան զգաց բուռն սեր դեպի մայրը և այժմ, մտքերով տարված, սպասելով հորը, դանակով կտրատեց սեղանի ամբողջ անկյունը, փայլուն աչքերով նայելով իր դիմացը և մտածելով մոր մասին:

— Գալիս է հայրիկդ,— ցրեց նրա մտքերը Վասիլիյ Լուկիչը:

— Սերյոժան թուով տեղից, մոտեցավ հորը և ձեռքը համբուրելուց հետո ուշադիր նայեց նրան, փնտրելով ցնծության հատկանիշներ Ալեքսանդր Նևսկի ստանալու առթիվ:

— Լա՞վ զբոսնեցիր,— հարցրեց Ալեքսեյ Ալեքսանդրովիչը, նստելով իր բազկաթոռին, մոտ քաշելով իրեն Հին կտակարանը և բանալով այն: Չնայած որ Ալեքսեյ Ալեքսանդրովիչը բազմիցս ասում էր Սերյոժային, թե յուրաքանչյուր քրիստոնյա պետք է հաստատ իմանա սրբազան պատմությունը, բայց նա ինքը հաճախ դիմում էր Հին կտակարանին, և Սերյոժան նկատեց այդ:

— Այո՛, շատ ուրախ էր այնտեղ, հայրի՛կ,— ասաց Սերյոժան, կողքի նստելով աթոռին և ճոճելով այն, մի բան, որ արգելված էր:— Ես տեսա Նադենկային: (Նադենկան Լիդիա Իվանովնայի մորաքրոջ աղջիկն էր, որ դաստիարակվում էր նրա մոտ): Նա ինձ ասաց, որ ձեզ տվել են նոր աստղ: Գուք ուրախ եք, հայրի՛կ:

— Նախ՛ մի՛ ճոճվիր, խնդրեմ,— ասաց Ալեքսեյ Ալեքսանդրովիչը:— Իսկ երկրորդ, թանկ է ոչ թե պարզեք, այլ աշխատանքը: Եվ ես կկամենայի, որ դու հասկանայիր այդ: Եթե դու պիտի աշխատես, պիտի սովորես նրա համար, որ պարզև ստանաս, աշխատանքը քեզ կթվա ծանր, բայց երբ դու աշխատում ես (ասում էր Ալեքսեյ Ալեքսանդրովիչը, հիշելով, թե ինչպես ինքը պարտքի գիտակցությամբ սաղարում էր իրեն այսօր առավոտյան ձանձրալի աշխատանք կատարելիս, այսինքն՝ հարյուր տասնութ գրություն ստորագրելիս), սիրելով աշխատանքը, ապա նրա մեջ դու կգտնես քեզ համար պարգև:

Սերյոժայի քնքշանքով և ուրախությամբ փայլուն աչքերը մարեցին ու կախ ընկան հոր հայացքի ծանրության տակ:

Դա նույն այն, վաղուց ծանոթ տոնն էր, որով հայրը միշտ վերաբերվում էր նրան և որին համակերպվելու արդեն սովոր էր Սերյոժան: Հայրը նրա հետ միշտ խոսում էր այնպես,— այդպես էր զգում Սերյոժան,— կարծես նա դիմում է իր երևակայած ինչ-որ երեխայի, մեկն այն երեխաներից, որ լինում են գրքերում, բայց բոլորովին նման չեն Սերյոժային: Եվ Սերյոժան հոր հետ եղած ժամանակ միշտ աշխատում էր ձևանալ գրքի այդպիսի երեխա:

— Հուսամ, դու հասկանում ես այդ,— ասաց հայրը:

— Այո՛, հայրի՛կ,— պատասխանեց Սերյոժան, ձևանալով երևակայելի երեխան:

Դասը հետևյալն էր. անգիր անել ավետարանից մի քանի տուն և կրկնել Հին կտակարանի սկիզբը: Սերյոժան կարգին գլուխ ավետարանի տները, բայց այն բոպեին, երբ նա ասում էր դրանք, ուշքը տարվեց հոր ճակատի ոսկրով, որը խիստ կերպով կորանում էր քունքի մոտ, այնպես որ շփոթվեց ու միևնույն բառով ավարտվող մի տան վերջավորությունը տեղափոխեց մյուսի սկիզբը: Ալեքսեյ Ալեքսանդրովիչի համար ականհայտ էր, որ նա չէր հասկանում իր ասածը, և դա զրգուժում էր նրան:

Նա մոռալվեց ու սկսեց բացատրել այն, ինչ Սերյոժան արդեն շատ անգամ լսել էր և երբեք չէր կարողանում հիշել, որովհետև հետև հասկանում էր չափազանց պարզորեն, ինչպես, օրինակ, այն, որ «հանկարծ»-ը գործողություն եղանակի պարագա է: Սերյոժան վախեցած հայացքով նայում էր հորը և մտածում միայն մի բանի մասին. կստիպի՞, թե չի ստիպի հայրը կրկնելու այն, ինչ ինքն ասաց, ինչպես պատահում էր դա երբեմն: Եվ այդ միտքն այնպես էր վախեցնում Սերյոժային, որ նա այլևս ոչինչ չէր հասկանում: Բայց հայրը շատից կրկնել և անցավ նոր դասին՝ Հին կտակարանից: Սերյոժան լավ պատմեց դեպքերը, բայց երբ պետք էր պատասխանել այն հարցերին, թե ի՛նչն է կանխորոշել որոշ դեպքեր, նա ոչինչ չգիտեր, չնայած որ արդեն պատժվել էր այդ դասի համար: Իսկ այն տեղը, որտեղ նա արդեն չկարողացավ ոչինչ ասել ու ճմրթվում էր, և՛ կտրատում սեղանը, և՛ ճոճվում աթոռի վրա, այն տեղն էր, որտեղ նա պետք է պատմեր նախաջրհեղեղյան նահապետների մասին: Նրանցից նա ոչ ոքի չգիտեր, բացի Ննովքից, որ

ողջամբ վերցված էր երկինք: Առաջ նա հիշում էր անունները, բայց այժմ բոլորովին մոռացավ, մանավանդ որ Ծնովքը նրա սիրած դեմքն էր ամբողջ Հին կտակարանից և Ծնովքին ողջամբ երկինք վերցնելու հետ նրա գլխում կապվում էր մտքի մի ամբողջ երկար ընթացք, որին նա անձնատուր եղավ այժմ, սառած աչքերով նայելով հոր ժամացույցի շղթային ու ժիլետի կիսով չափ կոճկած կոճակին:

Սերյոժան բնավ չէր հավատում մահին, որի մասին այնպես հաճախ ասում էին նրան: Նա չէր հավատում, որ կարող են մեռնել իրեն սիրելի մարդիկ, չէր հավատում մանավանդ այն բանին, որ ինքը պիտի մեռնի: Այդ նրա համար միանգամայն անհնարին էր և անհասկանալի: Բայց նրան ասում էին, որ ամենքը պիտի մեռնեն. նա նույնիսկ հարցնում էր այն մարդկանց, որոնց հավատում էր, և նրանք հաստատում էին այդ. դայակն էլ ասում էր, թեև ո՛չ սիրով: Բայց Ծնովքը չէր մեռել, ուրեմն՝ մեռնում են ո՛չ ամենքը: Ե՛վ ինչո՛ւ յուրաքանչյուր մարդ չի կարող աստժո առաջ իր ժառանգությանը արժանավոր դառնալ ու ողջամբ երկինք վերցվել, մտածում էր Սերյոժան: Վատ մարդիկ, այսինքն՝ նրանք, որոնց Սերյոժան չի սիրում, կարող էին մեռնել, բայց բոլոր լավ մարդիկ կարող են լինել Ծնովքի պես:

— Ուրեմն ի՞նչ նահապետներ:

— Ծնովք, Ծնովք:

— Դա արդեն ասացիր: Վատ է, Սերյոժա, շատ վատ: Եթե դու չես աշխատում իմանալ այն, ինչն ամենից կարևոր է քրիստոնյայի համար, — ասաց հայրը վեր կենալով, — հապա էլ ի՞նչը կարող է գրավել քեզ: Ծս դժգոհ եմ քեզանից, Պյոտր Իգնատիչն էլ (դա գլխավոր մանկավարժն էր) դժգոհ է քեզանից... Ծս պետք է պատժեմ քեզ:

Հայրն ու մանկավարժը՝ երկուսն էլ դժգոհ էին Սերյոժայից, և իրոք, նա շատ վատ էր սովորում: Բայց ոչ մի կերպ չէր կարելի ասել, որ նա անընդունակ երեխա էր: Ընդհակառակն, նա շատ ավելի ընդունակ էր այն տղաներից, որոնց մանկավարժն օրինակ էր բերում Սերյոժայի համար: Հոր տեսակետով, նա չէր ուզում սովորել այն, ինչ սովորեցնում էին նրան: Իրողությունն այն էր, որ նա չէր կարողանում սովորել այդ: Չէր կարողանում, որովհետև նրա հոգում կային պահանջ-

ներ, նրա համար ավելի պարտադիր, քան այն, ինչ առաջադրում էին հայրն ու մանկավարժը: Այդ պահանջները հակասում էին իրար, և նա ուղղակի պայքարում էր իր դաստիարակներին դեմ:

Նա ինը տարեկան էր, նա երեխա էր. բայց գիտեր իր հոգին, որը թանկ էր իր համար. նա պաշտպանում էր այն, ինչպես կռուց պաշտպանում է աչքը, և առանց սիրո բանալու ոչ ոքի ներս չէր թողնում իր հոգու մեջ: Նրա դաստիարակները գանգատվում էին, որ նա չի ուզում սովորել, իսկ նրա հոգին լցված էր գիտություն ծարավով: Ե՛վ նա սովորում էր կապիտոնիչից, դայակից, Նադենկայից, Վասիլիյ Լուկիչից, բայց ո՛չ ուսուցիչներից: Այն ջուրը, որին հայրն ու մանկավարժն սպասում էին իրենց անիվների համար, վաղուց արդեն ծծվել, գնացել էր և աշխատում էր ուրիշ տեղ:

Հայրը պատժեց Սերյոժային, չթողնելով, որ նա գնա Լիդիա Իվանովնայի մորաքրոջ աղջկա՝ Նադենկայի մոտ, բայց այդ պատիժը երջանկություն հանդիսացավ Սերյոժայի համար: Վասիլիյ Լուկիչը լավ տրամադրություն էր և ցույց տվեց նրան, թե ինչպե՛ս պետք է շինել հողմաղացներ: Ամբողջ երեկոն անցավ աշխատանքի և տենչերի պրոցեսում, թե ինչպե՛ս կարելի է շինել այնպիսի աղաց, որ հնարավոր լինի պտույտ գալ նրա վրա. արդյոք ձեռքերով բռնել թևերի՞ց. թե՞ իրեն կապել նրանց ու պտտվել: Մոր մասին Սերյոժան չէր մտածում ամբողջ երեկո, բայց մտնելով անկողին, նա հանկարծ հիշեց նրան և իր խոսքերով աղոթեց, որպեսզի մայրը վաղը, իր ծննդյան օրը դադարեք թաքնվելուց և գար իր մոտ:

— Վասիլիյ Լուկիչ, գիտե՞ք, թե ինչի՞ մասին ես աղոթեցի հաշվից դուրս:

— Որ ավելի լավ սովորես:

— Ո՛չ:

— Խաղալիքներ:

— Ո՛չ: Չեք գուշակի: Հրաշալի բան է, բայց գաղտնիք: Երբ կատարվի, ես կասեմ ձեզ: Զգուշակեցի՞ք:

— Ո՛չ, ես չեմ գուշակի: Դո՛ւք ասեք, — ասաց Վասիլիյ Լուկիչը ժպտալով, որ հազվադեպ էր պատահում նրա հետ: — Դե՞, պառկեցեք, ես հանգցնում եմ մոմը:

— Իսկ ինձ համար առանց մոմի ավելի տեսանելի է այն,

ինչը տեսնում եմ ես և ինչի համար աղոթում էի: Ա՛յ, քիչ մնաց գաղտնիքը բանայի,— ասաց Սերյոժան, ուրախ ծիծաղելով:

Երբ մոմը դուրս տարան, Սերյոժան լսում ու զգում էր մորը: Մայրը կանգնած էր նրա գլխին և գուրգուրում էր նրան սիրով լի հայացքով: Բայց հանդես եկան հողմաղացները, դանակը, ամեն ինչ խառնվեց իրար, և նա քնեց:

XVIII

Գալով Պետերբուրգ, Վոռնսկին և Աննան իջան լավագույն հյուրանոցներից մեկում: Վոռնսկին առանձին, վարի հարկում, Աննան վերևում՝ երեխայի, ծածմոր և աղախնի հետ, շորս սենյակից բաղկացած մեծ բաժանմունքում:

Իրենց գալու հենց առաջին օրը Վոռնսկին գնաց եղբոր մոտ: Այնտեղ նա տեսավ Մոսկվայից գործերով եկած մորը: Մայրը և հարսը նրան դիմավորեցին սովորականի պես, նրանք հարցուփորձ էին անում նրան արտասահմանյան ճանապարհորդության մասին, խոսում էին ընդհանուր ծանոթների մասին, բայց ո՛չ մի խոսք չարին նրա և Աննայի կապի մասին: Իսկ եղբայրը հետևյալ օրն առավոտյան գալով Վոռնսկու մոտ, ինքը հարցրեց նրան Աննայի մասին, և Ալեքսեյ Վոռնսկին ուղղակի ասաց նրան, որ ինքը Կարենինայի հետ ունեցած իր կապի վրա նայում է որպես ամուսնության վրա, որ ինքը հույս ունի հաջողացնելու ապահարզանը և այն ժամանակ կամուսնանա նրա հետ, իսկ մինչ այդ՝ նրան համարում է իր կինը, ինչպես յուրաքանչյուր ամուսին իր կնոջը, և խնդրում է այդպես էլ հայտնել իր մորն ու հարսին:

— Եթե բարձր հասարակությունը հավանություն չի տալիս դրան, ինձ համար միևնույն է,— ասաց Վոռնսկին,— բայց եթե իմ հարազատներն ուզում են ազգակցական կապեր պահել ինձ հետ, նրանք պետք է այդպիսի հարաբերություններ ունենան նաև իմ կնոջ հետ:

Մեծ եղբայրը, որ միշտ հարգում էր փոքրի դատողությունները, լավ չգիտեր, արդյոք իրավացի՞ է նա, թե ոչ, քանի դեռ բարձր հասարակությունը չէր վճռել այդ հարցը. իսկ ինքն իր կողմից ոչինչ չուներ ընդդեմ, և Ալեքսեյի հետ գնաց Աննայի մոտ:

Վոռնսկին եղբոր մոտ, ինչպես և ամենքի ներկայությամբ, Աննայի հետ խոսում էր զուր-ով և վերաբերվում էր նրան ինչպես մոտիկ ծանոթի, բայց ենթադրվում էր, որ եղբայրը դիտե նրանց հարաբերությունները, և խոսվում էր այն մասին, որ Աննան գնում է Վոռնսկու կալվածքը:

Վոռնսկին, շնայած իր աշխարհիկ ամբողջ փորձառությանը, մի տեսակ տարօրինակ մոլորության մեջ էր, շնորհիվ այն նոր դրության, որի մեջ գտնվում էր նա: Թվում էր, թե նա պիտի հասկանար, որ բարձր հասարակությունը փակված է նրա և Աննայի համար. բայց այժմ նրա գլխում ծագեցին ինչ-որ անորոշ նկատառումներ, իբր այդպես էր միայն հնում, և որ այժմ արագընթաց առաջադիմության պայմաններում (նա իր համար աննկատելի կերպով դարձել էր ամեն առաջադիմության կողմնակից), փոխվել է հասարակության հայացքը և որ տակավին վճռված չէ այն հարցը, արդյոք հասարակությունը կընդունի՞ նրանց, թե ոչ: «Հասկանալի է,— մտածում էր նա,— որ պալատական շրջանը չի ընդունի Աննային, սակայն մոտիկ մարդիկ կարող են և պետք է հասկանան այդ այնպես, ինչպես պետք է»:

Կարելի է ոտները ծալած՝ մի քանի ժամ նստել միևնույն դիրքով, եթե մարդ գիտե, որ ոչինչ չի խանգարի՝ փոխելու այդ դիրքը, բայց եթե մարդ գիտե, որ ինքը պետք է այդպես էլ նստի ծալած ոտներով, կսկսվեն ցնցումներ, ոտները կդողան ու կմխրճվեն այն տեղի մեջ, ուր նա կուզենար ձիգ տալ, մեկնել ոտները: Այդ նույն բանն էր զգում Վոռնսկին բարձր հասարակության վերաբերյալ: Թեպետ նա իր հոգու խորքում գիտեր, որ բարձր հասարակությունը փակված է իրենց համար, այնուամենայնիվ նա փորձում էր՝ արդյոք չի՞ փոխվի այժմ բարձր հասարակությունը և արդյոք չի՞ ընդունի իրենց: Բայց նա շատ շուտ նկատեց, որ թեպետ բարձր հասարակությունը բաց էր անձնապես նրա համար, սակայն փակ էր Աննայի համար: Վոռնսկու համար բարձրացրած ձեռքերն անմիջապես իջնում էին Աննայի առաջ, ինչպես լինում է մուկ ու կատու խաղալիս:

Պետերբուրգի բարձր հասարակության առաջին տիկիններից մեկը, որին տեսավ Վոռնսկին, նրա հորեղբոր աղջիկ Բետսին էր:

— Վերջապե՛ս, — խնդազին դիմավորեց Բետսին նրան։
— Հապա Աննա՞ն: Որքան ուրախ եմ ես: Որտե՞ղ եք իջել: Պատկերացնում եմ, թե ինչ սարսափելի է թվում ձեզ մեր Պետերբուրգը ձեր սքանչելի ճանապարհորդությունից հետո, երեւակայում եմ ձեր մեղրամիսը Հռոմում: Ինչպե՞ս է ապահարզանի հարցը: Այդ բոլորն արե՞լ եք:

Վռոնսկին նկատեց, որ Բետսիի հիացմունքը նվազեց, երբ իմացավ, որ ապահարզան դեռ չկար:

— Գիտեմ, որ քար կնետեն ինձ վրա, — ասաց նա, — բայց ես կգամ Աննայի մոտ. այո՛, ես անպայման կգամ: Դուք երկա՞ր եք մնալու այստեղ:

Եվ իրոք, նա հենց նույն օրը եկավ Աննայի մոտ. բայց նրա տոնն արդեն բոլորովին այն չէր, ինչպես առաջ էր: Ըստ երեւոյթի, նա պարծենում էր իր համարձակությամբ ու կամենում էր, որ Աննան գնահատեր նրա բարեկամության հավատարմությունը: Նա մնաց տասը ժամացից ո՛չ ավելի, խոսելով աշխարհիկ նորությունների մասին և հեռանալիս ասաց.

— Դուք ինձ շատացիք, թե ե՞րբ է լինելու ապահարզանը: Ասենք, ես հաշվի չեմ առնում հասարակական կարծիքը, բայց վեր ցցած ուրիշ զլուխներ ձեզ կծեծեն իրենց սատնությամբ, մինչև դուք շամուսանաք: Եվ դա այնպես հասարակ բան է այժմ: Ça se fait¹: Ուրեմն, դուք ուրբաթ օրը մեկնում եք: Ափսո՛ս, որ մենք այլևս չենք տեսնվի:

Բետսիի տոնից Վռոնսկին կարող էր հասկանալ, թե ինքն ի՛նչ կարող է սպասել բարձր հասարակությունից, բայց նա էլի մի փորձ արեց իր ընտանիքում: Նա հույս չունեց իր մոր վրա: Նա գիտեր, որ մայրը, որն այնպես հիացած էր Աննայով իր առաջին ծանոթության ժամանակ, այժմ անողոր էր նրա նկատմամբ այն բանի համար, որ նա՛ պատճառ եղավ որդու կարիերայի քայքայման: Բայց Վռոնսկին մեծ հույս էր դրել Վարյայի՝ եղբոր կնոջ վրա: Նրան թվում էր, որ Վարյան քար չի գցի և պարզությամբ ու վճռականությամբ կզա Աննայի մոտ ու կընդունի նրան:

Իր գալու հենց հետևյալ օրը Վռոնսկին գնաց նրա մոտ և գտնելով նրան մենակ, ուղղակի հայտնեց իր ցանկությունը:

¹ Այդպես է արվում:

— Դու գիտես, Ալեքսեյ, — ասաց Վարյան նրան լսելուց հետո, — թե ինչպե՛ս սիրում եմ քեզ ու ինչպե՛ս պատրաստ եմ ամեն բան անելու քեզ համար, բայց ես լուռ էի, որովհետև գիտեի, որ չեմ կարող օգտակար լինել քեզ և Աննա Արկադևնային, — ասաց նա, առանձնապես խնամքով արտասանելով «Աննա Արկադևնա» անունը: — Խնդրեմ, չկարծես, որ ես դատապարտում եմ: Երբե՛ք. գուցե, նրա տեղ ե՛ս էլ նույն բանն անեի: Ես մանրամասների մեջ չեմ մտնում ու չեմ կարող մըտնել, — ասում էր նա, երկչոտությամբ նայելով Վռոնսկու մոայլ գեմքին: — Սակայն իրերը պետք է կոչել իրենց անունով: Դու ուզում ես, որ ես գնամ նրա մոտ, ընդունեմ նրան ու այդպիսով վերականգնեմ նրա անունը հասարակության մեջ. բայց դու հասկացիր, որ չեմ կարող այդ բանն անել: Իմ աղջիկները մեծանում են, և ես պետք է ապրեմ բարձր հասարակության մեջ՝ ամուսնուս համար: Է՛, ես կգամ Աննա Արկադևնայի մոտ. նա կհասկանա, որ ես չեմ կարող նրան հրավիրել ինձ մոտ կամ պետք է դա անեմ այնպես, որ նա չհանդիպի նրանց, ովքեր այլ կերպ են նայում, չէ՞ որ դա կվիրավորի նրան: Ես չեմ կարող բարձրացնել նրան:

— Ես չեմ կարծում ընավ, որ նա ընկել է ավելի, քան հարյուրավոր ուրիշ կանայք, որոնց ընդունում եք դուք, — ընդհատեց նրան Վռոնսկին է՛լ ավելի մոռյված և լուռ վեր կացավ, հասկանալով, որ հարսի որոշումը հնարավոր չէ փոխել:

— Ալեքսեյ, մի՛ բարկանա ինձ վրա: Խնդրում եմ, հասկացիր, որ ես մեղավոր չեմ, — խոսեց Վարյան, երկչոտ ժպիտով նայելով Վռոնսկուն:

— Ես չեմ բարկանում քեզ վրա, — ասաց Վռոնսկին դարձյալ մոռյլ, — բայց ես վշտանում եմ կրկնակի: Ինձ ցավ է պատճառում նաև այն, որ դա խզում է մեր բարեկամությունը: Ասենք, չի՞ խզում, բայց թուլացնում է: Դու հասկանո՞ւմ ես, որ ինձ համար էլ դա չի կարող լինել ուրիշ կերպ:

Եվ այդ խոսքերով Վռոնսկին դուրս գնաց հարսի մոտից: Վռոնսկին հասկացավ, որ հետագա փորձերն ապարդյուն են և որ այդ բանի օրը պետք է անցկացնել Պետերբուրգում, որպես օտար քաղաքում, խուսափելով ամեն հարաբերությունից առաջվա բարձր հասարակության հետ՝ անախորժությունների և վիրավորանքների չենթարկվելու համար, որոնք այն-

պէս տանջալից էին: Պետերբուրգում գրության գլխավոր անաս խորժություններից մեկն այն էր, որ թվում էր, թե ամենուր Ալեքսեյ Ալեքսանդրովիչն է և իր շանունը: Չէր կարելի ո՛չ մի բանի մասին խոսք անել, որ խոսակցությունը շուտ չգար Ալեքսեյ Ալեքսանդրովիչի վրա, չէր կարելի որևէ տեղ գնալ, որ չպատահեր նրան: Համենայն դեպս՝ այդպես էր թվում Վոռնսկուն, ինչպես թվում է հիվանդ մատ ունեցող մարդուն, որ նա, կարծես դիտմամբ, ամեն բանի դիպչում է հենց այդ հիվանդ մատով:

Պետերբուրգում մնալը Վոռնսկուն թվում էր է՛լ ավելի ծանր, որ այդ ամբողջ ժամանակ նա տեսնում էր Աննայի մեջ ինչ-որ նոր, իր համար անհասկանալի տրամադրություն: Աննան կարծես մերթ սիրահարված էր նրան, մերթ սառչում էր, դառնում դյուրարբորք և անթափանցելի: Նա մի բանից տանջվում էր և ինչ-որ բան թաքցնում էր Վոռնսկուց ու կարծես չէր նկատում այն վիրավորանքները, որ թունավորում էին նրա կյանքը և պետք է ավելի ևս տանջալից լինեին Աննայի համար՝ ամեն ինչ հասկանալու իր նրբամտությամբ:

XXIX

Աննայի համար Ռուսաստան գալու նպատակներից մեկը որդու հետ տեսակցելն էր: Այն օրից սկսած, երբ նա դուրս եկավ Իտալիայից, նրան անդադրում արեցին թվում էր այդ տեսակցության միտքը: Եվ որքան ավելի էր մոտենում նա Պետերբուրգին, այնքան ավելի ու ավելի էր պատկերաճում նրան այդ տեսակցության ցնծությունն ու կարևորությունը: Նա անգամ հարց չէր տալիս իրեն, թե ինչպե՛ս պետք է դասավորի այդ տեսակցությունը: Որդուն տեսնելը նրան թվում էր բնական ու հասարակ բան, երբ ինքը կլինի նրա հետ միևնույն քաղաքում. բայց Պետերբուրգ գալուց հետո նա հանկարծ պարզ պատկերացրեց իրեն իր այժմյան գրությունը հասարակության մեջ և հասկացավ, որ դժվար էր հաջողացնել տեսակցությունը:

Երկու օր էր, ինչ նա ապրում էր Պետերբուրգում: Որդու մասին միտքը ո՛չ մի բան չէր թողնում նրան, բայց դեռ չէր տեսել նրան: Գնալ ուղղակի տուն, որտեղ կարելի էր պատաս-

հել Ալեքսեյ Ալեքսանդրովիչին, նա զգում էր, որ իրավունք չուներ: Կարող էին նրան ներս չթողնել ու վիրավորել: Նրա համար տանջալից էր նույնիսկ մտածելը, որ գրի ամուսնուն և հարաբերության մեջ մտնի նրա հետ. նա կարող էր հանգիստ լինել միայն այն ժամանակ, երբ չէր մտածում ամուսնու մասին: Տեսնել որդուն զբոսանքի միջոցին, իմանալով, թե ո՛ր է և ե՛րբ է նա դուրս գնում, քիչ էր Աննայի համար. չէ՞ որ նա այնպես պատրաստվում էր այդ տեսակցությանը, այնքան շատ բան ուներ ասելու որդուն, այնպես ուզում էր գրկել, համբուրել նրան: Սերյոժայի ծեր դայակը կարող էր օգնել և սովորեցնել Աննային: Բայց դայակն այլևս Ալեքսեյ Ալեքսանդրովիչի տանը չէր: Այս տատանումների և դայակին որոնելու, գտնելու մեջ անցավ երկու օր:

Իմանալով կոմսուհի կիդիա Իվանովնայի հետ Ալեքսեյ Ալեքսանդրովիչի մոտիկ հարաբերությունների մասին, Աննան երրորդ օրը վճռեց գրել կոմսուհու՝ իրենից մեծ ջանք պահանջող նամակ, որի մեջ նա դիտմամբ ասում էր, թե որդուն տեսնելու թույլտվությունը պետք է կախված լինի ամուսնու մեծահոգությունից: Նա գիտեր, որ եթե նամակը ցույց տան ամուսնուն, վերջինս շարունակելով իր վրա վերցրած մեծահոգության դերը, չի մերժի:

Նամակը տանող կոմիսիոները հաղորդեց նրան ամենագաժան ու նրա շսպասած պատասխանը, այսինքն՝ պատասխան չի լինի: Նա երբեք իրեն չէր զգացել այնքան նվաստացած, ինչպես այն բուսին, երբ կանչելով կոմիսիոներին, լսեց նրա մանրամասն պատմությունն այն մասին, թե ինչպե՛ս ինքն սպասում էր և ինչպե՛ս հետո իրեն ասացին՝ ո՛չ մի պատասխան չի լինի: Աննան զգում էր իրեն նվաստացած, վիրավորված, բայց տեսնում էր, որ կոմսուհի կիդիա Իվանովնան իրավացի էր իր տեսակետից: Նրա վիշտն ուժեղ էր մանավանդ այն պատճառով, որ մենակ էր: Նա չէր կարող և չէր ուզում իր վշտին հաղորդակից անել Վոռնսկուն: Աննան գիտեր, որ որդու հետ տեսակցելու հարցը Վոռնսկու համար չափազանց անկարևոր բան էր, չնայած որ Աննայի դժբախտության գլխավոր պատճառը նա էր: Աննան գիտեր, որ Վոռնսկին երբեք ի վիճակի չի լինի հասկանալու իր տառապանքների ամբողջ խորությունը. Աննան գիտեր, որ դրա մասին խոսք բանալիս՝ նրա

սաոր տոնի համար ինքը կատի նրան, Եվ Աննան աշխարհում ամենից ավելի վախենում էր դրանից, ուստի, ծածկում էր Վոռնսկուց այն բոլորը, ինչ վերաբերում էր որդուն:

Ամբողջ օրը նստած տանը, նա միջոցներ էր մտածում որդու հետ տեսակցելու համար և կանգ առավ ամուսնուն գրելու որոշման վրա: Նա արդեն հորինում էր այդ նամակը, երբ բերին կիդիա Իվանովնայի նամակը: Կոմսուհու լուսթյունը հաշտեցրեց ու հնազանդեցրեց Աննային, բայց նամակը, այն ամենը, ինչ նա կարգաց նամակի տողերի արանքում, այնպես գրգռեց նրան, այնպես զայրացուցիչ թվաց նրան այդ շարու-թյունը՝ որդու հանդեպ ունեցած իր օրինական բուռն քնքշու-թյան համեմատությամբ, որ նա վրդովվեց ուրիշների դեմ և զաղարեց իրեն մեղադրելուց:

«Այդ սառնությունը զգացմունքի կեղծություն է,— ասում էր Աննան ինքն իրեն:— Նրանց հարկավոր է միայն վիրավորել ինձ ու տանջել երեխային, և ես պիտի հնազանդվե՛մ ներանց: Ո՛ր մի կերպ, Կոմսուհին ավելի վատ է ինձնից: Համենայն դեպս՝ ես չեմ ստում»: Եվ տեղնուտեղը վճռեց Աննան, որ հենց վաղը, Սերյոժայի ծննդյան օրը ուղղակի կզնա ամուսնու տուն, կկաշառի սպասավորներին, կխաբի, բայց ինչ էլ լինի՝ կտեսնի որդուն ու կխորտակի այդ այլանդակ խաբեությունը, որով նրանք շրջապատել են դժբախտ երեխային:

Աննան գնաց խաղալիքների խանութ, գնեց խաղալիքներ ու կազմեց գործողության ծրագիր: Նա կգա վաղ առավոտյան, ժամը 8-ին, երբ Ալեքսեյ Ալեքսանդրովիչը հավանորեն դեռ վերկացած չի լինի, ձեռքին կունենա դրամ, որը կտա բարապանին ու լակեյին, որպեսզի նրանք ներս թողնեն իրեն, և առանց դիմաքողը բարձրացնելու, կասի, որ ինքը եկել է Սերյոժայի կնքահոր կողմից շնորհավորելու և որ իրեն հանձնարարված է՝ խաղալիքները դնել նրա մահճակալի մոտ: Նա չէր պատրաստել միայն այն խոսքերը, որ կասի որդուն: Ինչքան մտածում էր դրա մասին, ոչինչ չէր կարողանում հորինել:

Մյուս օրն առավոտյան ժամը ութին Աննան դուրս եկավ կառապանական կառեթից և զանգահարեց իր նախկին տան զլխավոր մուտքի մեծ դռան զանգը:

— Գնա՛ տես, ի՛նչ են ուզում: Մի տիկին է,— ասաց Կապիտոնիչը, դեռ չհագնված, վերարկուով ու կրկնակոշիկներով:

պատուհանից դուրս նայելով այն տիկնոջը, որ կանգնել էր հենց դռան մոտ, դեմքին քող: Բարապանի օգնակա՛նը Աննային անծանոթ մի երիտասարդ, հենց որ դուռը բացեց, տիկինն անմիջապես ներս մտավ և մուֆտայից հանելով երեք ուր-լիանոց մի թղթադրամ, շտապ դրեց նրա ձեռքը:

— Սերյոժան... Սերգեյ Ալեքսեյիչը,— թոթովեց տիկինը և առաջ անցավ: Չննելով թղթադրամը, բարապանի օգնակա՛նը կանգնեցրեց տիկնոջը մյուս ապակե դռան մոտ:

— Ո՛ւմ եք ուզում,— հարցրեց նա:

Աննան շտեղծ նրա խոսքերը և ոչինչ չպատասխանեց:

Նկատելով անծանոթ կնոջ շփոթությունը, ինքը Կապիտոնիչը դուրս եկավ դեպի նա, թողեց, որ անցնի դռնից ու հարցրեց, թե ի՛նչ է կամենում:

— Իշխան Սկորոդուովի կողմից Սերգեյ Ալեքսեյիվիչին,— ասաց Աննան:

— Նա դեռ չի վեր կացել,— ուշադիր դիտելով ասաց բարապանը:

Աննան երբեք չէր սպասում, որ իր վրա այդպես ուժեղ տըպավորություն կթողնի այն տան նախասենյակի բնավ շփոթված կահավորանքը, որտեղ ինքն ապրել էր ինը տարի: Նրա հոգում բարձրացան հիշողություններ, իրար ետևից խնդադի՛ն ու տանջալից, և նա մի վայրկյան մոռացավ, թե ինչի՛ համար է ինքն այստեղ:

— Կբարեհաճեք սպասե՛լ,— հարցրեց Կապիտոնիչը, հանելով Աննայի մուշտակը:

Մուշտակը հանելուց հետո, Կապիտոնիչը նայեց նրա դեմքին, ճանաչեց և լուռ խոր գլուխ տվեց նրան:

— Համեցեք, ձեռք գերազանցություն,— ասաց Կապիտոնիչը նրան:

Աննան ուզում էր մի բան ասել, բայց ձայնը հրաժարվեց որևէ հնչյուն արտասանելուց. հանցավոր աղերսանքով նայելով ձեռունուն, նա արագ, թեթև քայլերով գնաց դեպի սանդուղքը: Ամբողջապես կոացած առաջ ու կրկնակոշիկներով կարթկելով աստիճանները, Կապիտոնիչը վազում էր նրա ետևից, աշխատելով առաջ անցնել:

— Ուսուցիչն այնտեղ է, կարող է հագնված լինել: Ես զեկուցեմ:

Աննան շարունակում էր բարձրանալ ծանոթ սանդուղքով, չհասկանալով այն, ինչ ասում էր ծերունին:

— Այս կողմը, համեցեք դեպի ձախ: Ներեցե՛ք, որ մաքուր չէ: Նրանք այժմ առաջվա բազմոցանոցումն են,— հեռավոր ասում էր բարապանը:— Կացե՛ք, մի քիչ սպասե՛ք, ձերդ գերազանցություն, ես նայեմ, տեսնեմ,— ասում էր Կապիտոնիչը և առաջ անցնելով Աննայից, բացեց բարձր դուռը ու շքացավ նրա հետևում: Աննան կանգ առավ, սպասելով:— Նոր զարթնեց,— ասաց բարապանը, նորից դուրս գալով դռնից:

Եվ այն ընդհանր, մինչ բարապանն ասում էր այդ, Աննան լսեց մանկական հորանջի ձայն: Այդ հորանջի ձայնից հենց՝ նա ճանաչեց որդուն և կենդանույն տեսավ նրան իր առաջ:

— Թո՛ղ, թո՛ղ, գնա,— խոսեց Աննան ու ներս մտավ բարձր դռնից: Գոռն աջ կողմում դրած էր մահճակալ և մահճակալի վրա, օձիքը բաց շապկով, նստել էր վեր կացած երեխան ու, մարմինը ծռած, ձիգ գալով, վերջացնում էր հորանջը: Այն բոպեին, երբ նրա շուրթերը միանում էին իրար, նրանք գծագրեցին երջանիկ-քնկոտ մի ժպիտ, և այդ ժպիտով նա նորից դանդաղորեն ու քաղցրությամբ ետ ընկավ:

— Սերյո՛ժա,— շշնջաց Աննան, անլսելի քայլերով մոտենալով նրան:

Որդու հետ անջատման ժամանակամիջոցին ու սիրո այն ուժգին բռնկումի ժամանակ, որն Աննան մշտապես զգում էր վերջերս, նա որդուն երևակայում էր շորս տարեկան տղա, երբ Աննան ամենից ավելի էր սիրում նրան: Այժմ Սերյոժան նույնիսկ այնպես չէր. ինչպես թողել էր նրան մայրը, նա ավելի հեռու էր գնացել շորս տարեկանից. ավելի աճել էր ու նիհարել: Ի՛նչ բան է դա: Ի՛նչ նիհար է նրա դեմքը, ի՛նչ կարճ են նրա մազերը: Ի՛նչ երկար են ձեռները: Ինչպե՛ս փոխվել է նա այն օրից, երբ ինքը թողեց նրան: Բայց դա նա՛ էր իր գլխի ձևով, իր շուրթերով, իր փափուկ վզիկով ու լայն ուսիկներով:

— Սերյո՛ժա,— կրկնեց մայրը երեխայի ականջի տակ:

Մանկիկը բարձրացավ արմունկի վրա, շարժեց խճճված մազերով գլուխն աջ ու ձախ, կարծես մի բան որոնելով, և բացեց աչքերը: Հանգիստ ու հարցական նա մի քանի վայրկյան նայեց իր դեմ անշարժ կանգնած մորը, ապա հանկարծ

երջանիկ ժպտաց ու նորից փակելով գոցվող աչքերը, ընկավ, բայց ո՛չ դեպի ետ, այլ դեպի մայրը, դեպի նրա ձեռքերը:

— Սերյո՛ժա, իմ սիրելի մանչո՛ւկ,— բացականչեց Աննան շնչակտուր ու ձեռքերով գրկելով նրա փամփրիկ մարմինը:

— Մայրի՛կ,— ասաց նա, շարժվելով մոր ձեռների տակ, որպեսզի իր մարմնի տարբեր մասերով դիպչի մոր ձեռներին:

Քնկոտ ժպտալով, տակավին աչքերը փակ, նա մահճակալի գլխից իր փամփրիկ ձեռներով բռնեց մոր ուսերը, ձգվեց դեպի նա, համակելով նրան այն հաճելի քնի հոտով ու ցերմությամբ, որ ունենում են երեխաները միայն, ու սկսեց նրեւտով քսվել նրա վզին և ուսերին:

— Ես գիտեի,— ասաց Սերյոժան, բանալով աչքերը:— Այսօր իմ ծննդյան տոնն է: Ես գիտեի, որ դու կգաս: Ես իսկույն վեր կկենամ:

Եվ ասելով այդ, նրա քունը տանում էր:

Աննան ազահարար դիտում էր որդուն: Աննան տեսնում էր, թե ինչպե՛ս նա աճել է և փոխվել իր բացակայության ընթացքում: Նա ճանաչում էր և չէր ճանաչում որդու մերկ, այժմ այնպես մեծ ոտները, որ դուրս էին եկել վերմակի տակից, ճանաչում էր այդ նիհարած այտերը՝ այդ կտրված մազերի կարճ խոպոպիկները ծոծրակին, որը նա այնպես հաճախ համբուրում էր: Նա շոշափում էր այդ բոլորը և չէր կարողանում ոչինչ ասել. արցունքները խեղդում էին նրան:

— Ինչո՞ւ ես լալիս, մայրիկ,— ասաց Սերյոժան, բոլորովին զարթնելով:— Մայրիկ, ինչո՞ւ ես լալիս,— բղավեց նա լացակումած ձայնով:

— Ե՛ս. ես լաց չեմ լինի... Ես լալիս եմ ուրախությունից: Ես այնքան վաղո՛ւց չեմ տեսել քեզ: Ես չե՛մ լա, չե՛մ լա,— ասաց Աննան արցունքները կուլ սալով և շուռ գալով:— Է՛հ, հիմա քո հագնվելու ժամանակն է,— ավելացրեց մայրը սթափվելով և լսեց ու բաց շթողնելով նրա ձեռքը, նստեց մահճակալի մոտ դրված աթոռին, որի վրա պատրաստել էին նրա շորերը:

— Ո՞նց ես հագնվում դու առանց ինձ: Ո՞նց...— ուզում էր ասել Աննան պարզ և ուրախ, բայց չկարողացավ ու նորից շուռ եկավ:

— Ես շեմ լվացվում սառը ջրով. հայրիկը թույլ չի տրո՞ւ լիս: Իսկ Վասիլիյ Լուկիչին դու շե՞ս պեսել: Նա կգա: Դու նստեցիր իմ շորերի վրա:

Եվ Սերյոժան քրքջաց: Մայրը նայեց նրան ու ժպտաց:

— Մայրի՛կ, հոգյա՛կս, աղավնյա՛կս,— բղավեց նա, նետվելով նորից դեպի մայրը և գրկելով նրան: Կարծես նա հիմա միայն, տեսնելով մոր ժպիտը, պարզ հասկացավ, թե ի՞նչ է պատահել:— Սա պետք չի.— ասում էր նա, հանելով մոր գլխարկը: Եվ կարծես թե նորից տեսնելով մորն առանց գլխարկի, նորից վրա ընկավ նրան ու սկսեց համբուրել:

— Ի՞նչ էիր մտածում իմ մասին: Դու չէի՞ր կարծում, որ ես մեռել եմ:

— Երբեք չէի հավատում:

— Չէի՞ր հավատում, իմ մանչուկ:

— Ես գիտեի, ես գիտեի,— կրկնում էր Սերյոժան իր սիրած ֆրազը և բռնելով մոր ձեռքը, որը շոյում էր նրա մազերը, սկսեց մոր ափը սեղմել իր բերանին ու համբուրել այն:

§ XXX

Մինչդեռ Վասիլիյ Լուկիչը,— որն սկզբում չէր հասկանում, թե ո՞վ էր այդ տիկինը, և խոսակցությունից իմանալով, որ դա ամուսնուն լքած այն մայրն է, որին ինքը չէր ճանաչում, որովհետև տուն էր մտել նրա գնալուց հետո,— տարակուսանքի մեջ էր, շիմանալով, արդյոք նե՞րս մտնի, թե ոչ, թե՞ հայտնի Ալեքսեյ Ալեքսանդրովիչին: Մտածելով վերջապես, որ իր պարտականությունն է՝ վերկացնել Սերյոժային որոշված ժամին, և որ այդ պատճառով ինքը կարիք չունի քննելու, թե ո՞վ է այնտեղ նստել, մա՞յրիկը, թե մեկ ուրիշը, այլ պետք է կատարի իր պարտականությունը, հագնվեց, մոտեցավ ու բացեց դուռը:

Բայց մոր ու որդու զուրգուրանքները, նրանց ձայների հնչյունները և այն, ինչ ասում էին նրանք, ստիպեցին նրան փոխելու իր դիտավորությունը: Նա գլուխն օրորեց և հառաչելով, ծածկեց դուռը: «Կսպասեմ էլի տասը րոպե», ասաց նա ինքն իրեն, հազալով ու սրբելով արցունքները:

Այդ նույն ժամանակ տան սպասավորները մեծ ալեկոծու-

թյան մեջ էին, Ամենքը դիտեին, որ հկել է տիկինը, որ Կապիտոնիչը ներս է թողել նրան, և որ նա այժմ մանկասանյակումն է, մինչդեռ պարոնը միշտ իններորդ ժամին ինքը մտնում է մանկասանյակ, և ամենքը հասկանում էին, որ անհնարին է ամուսինների հանդիպումը և որ պետք է խափանել այդ հանդիպումը: Կամերդիներ Կոռնեյը իջնելով բարապանի խուցը, հարցնում էր. թե տիկնոջն ո՞վ է ներս թողել ու ինչպե՞ս, և իմանալով, որ Կապիտոնիչն է ընդունել ու առաջնորդել նրան, հանդիմանում էր ծերունուն: Բարապանը համոզո՞րեն լուռ էր. բայց երբ Կոռնեյն ասաց նրան, թե դրա համար նրան վճռել է պետք, Կապիտոնիչը արագ մոտեցավ նրան և ձեռքերը թափահարելով Կոռնեյի երեսի առաջ, ասաց.

— Հա՛, դու ներս չէիր թողնի: Տասը տարի ծառայել եմ և բացի շնորհից ուրիշ բան չեմ տեսել, ու հիմիկ ես պիտի դնայի ու ասեի, թե համեցեք, դուրս գնացեք: Դու քաղաքականություն լավ ես հասկանում: Խո՞սք չկա: Լավ կլինեք, որ դու քոնք հիշեիր, թե ո՞նց ես թալանում պարոնին և հետոի մուշտակներ թոցնում:

— Սալդա՞թ,— արհամարհանքով ասաց Կոռնեյը և շուտ եկավ դեպի ներս մտած դայակը:— Ա՛յ, դո՛ւք դատ արեք, Մարիա Եֆիմովնա. ներս է թողել. ոչ ոքի բան չի ասել,— դիմեց նրան Կոռնեյը:— Հիմա դուրս կգա Ալեքսեյ Ալեքսանդրովիչը, կգնա մանկասանյակ:

— Ա՛յ քեզ բան, ա՛յ քեզ բան,— հառաչեց դայակը:— Կոռնեյ Վասիլիչ, գուցե դուք մի կերպ պահեիք, ուշացնեիք նրան՝ պարոնին, իսկ ես վազեմ, մի կերպ դուրս բերեմ տիկնոջը: Ա՛յ քեզ բան, ա՛յ քեզ բան:

Որք դայակը մտավ մանկասանյակ, Սերյոժան պատմում էր մորը, թե ինչպես ինքը՝ Նադեճկայի հետ ընկան, զլորվելով սարից ու երեք անգամ թավալվոր եղան: Մայրը լսում էր որդու ձայնի հնչյունները, տեսնում էր նրա դեմքը և դեմքի արտահայտության խաղերը, զգում էր նրա ձեռքը, բայց չէր հասկանում այն, ինչ ասում էր նա: Պետք էր դուրս գնալ, հեռանալ, պետք էր թողնել նրան,— ահա միակ բանը, որ մտածում ու զգում էր Աննան: Նա լսեց և՛ Վասիլիյ Լուկիչի քայլերը, որը մոտեցավ դռանն ու հազաց, լսեց և՛ մոտեցող

դայակի բայլերը, բայց նստել էր քարացածի պես, անկարող էր ո՛չ խոսել, ո՛չ վեր կենալ:

— Տիրի՛ն, աղունի՛կս,— խոսեց դայակը, մոտենալով Աննային և համբուրելով նրա ուսերն ու ձեռները:— Ա՛յ, աստված ուրախութուն ուղարկեց մեր նորածնին: Դուք իսկի չեք ֆոխվել:

— Ա՛խ, սիրելի դայակ, ես չգիտեի, որ դուք տանն եք,— ասաց Աննան, մի բոպե սթափվելով:

— Ես այստեղ չեմ ապրում, ես ապրում եմ աղջկաս հետս, ես եկա շնորհակտրելու: Աննա Արկադենա, աղունի՛կս:

Դայակը հանկարծ լաց եղավ ու նորից սկսեց համբուրել նրա ձեռքը:

Սերյոժան, աչքերը փայլուն, դեմքին վառ ժպիտ, մի ձևով բռնած մորը, մյուսով՝ դայակին, դոփում էր գորգը իր գիրուկ, մերկ ոտներով: Սիրելի դայակի քնքշությունը մոր նկատմամբ հիացք էր պատճառում նրան:

— Մայրի՛կ, նա հաճախ է գալիս ինձ մոտ և երբ գալիս է...— սկսեց Սերյոժան, բայց կանգ առավ, նկատելով, որ դայակը շշուկով ինչ-որ բան ասաց մորը, և որ մոր դեմքին արտահայտվեց վախ ու ամոթի պես մի բան, որն այնպես չէր սազում մորը:

Մայրը մոտեցավ նրան:

— Սիրելիդ իմ,— ասաց Աննան:

Նա չկարողացավ ասել՝ մնաս բարով, բայց նրա դեմքի արտահայտությունն ասաց այդ, և Սերյոժան հասկացավ:— Սիրելի, սիրելի Կուտիկ,— արտասանեց նա այն անունը, որով կանչում էր որդուն՝ փոքր ժամանակ,— դու չես մոռանա ինձ: Դու...— բայց նա այլևս չկարողացավ խոսել:

Հետո Աննան ինչքան բառեր էր մտահղանում, որ կարող էր ասել նրան: Իսկ հիմա նրա մտքին ոչինչ չէր գալիս ու չէր կարող ոչինչ ասել: Բայց Սերյոժան հասկացավ բոլորը, ինչ ուզում էր մայրն ասել նրան: Նա հասկացավ, որ մայրը դժբախտ էր և սիրում էր նրան: Նա հասկացավ նույնիսկ այն, ինչ ասում էր դայակը շշուկով: Նա լսեց՝ «միշտ իններորդ ժամին» խոսքերը և հասկացավ, որ դա ասվում էր հոր մասին և որ չի կարելի իր մոր ու հոր հանդիպումը: Դա հասկացավ նա, բայց մի բան չէր կարողանում հասկանալ. ինչո՞ւ

մոր երեսին արտահայտվեց վախ և ամոթ... Մայրը մեղավոր չէ, բայց վախենում է հորից և ամաչում է ինչ-որ բանից: Նա ուզում էր հարց տալ՝ որը կփարատեր իր կասկածը, սակայն չհամարձակվեց այդ անել. նա տեսնում էր, որ մայրը տանջվում է, և նա խղճում էր մորը: Նա լուռ կպավ մորը և շշուկով ասաց.

— Դեռ մի՛ գնա: Նա շուտ չի գա:

Մայրը հեռացրեց նրան իրենից, որպեսզի հասկանա, արդո՞ր նա մտածում է այն, ինչ ասում է, և նրա դեմքի վախեցած արտահայտության մեջ կարգաց, որ նա ո՛չ միայն ասում էր հոր մասին, այլև կարծես հարցնում էր մորը, թե ինչպե՞ս պետք է ինքը մտածի հոր մասին:

— Սերյոժա, սիրելիս,— ասաց մայրը,— սիրիր նրան, նա ավելի լավ և ավելի բարի է ինձնից, ու ես մեղավոր եմ նրա առաջ: Երբ մեծանաս, կկշռադատես:

— Քեզնից լավը չկա,— հուսահատությամբ բղավեց Սերյոժան, արցունքը աչքերին և բռնելով մոր ուսերից, սկսեց լարվածությունից դողողուն ձեռներով ամբողջ ուժով սեղմել մորն իր կրծքին:

— Հոգյա՛կս, իմ փոքրի՛կս.— թոթովեց Աննան և լաց եղավ նույնպես թլկուկ, մանկան նման, ինչպես լալիս էր Սերյոժան:

Այդ ժամանակ դուր բացվեց, մտավ Վասիլիյ Լուկիչը: Սյուա դուռն ամուսնացածի քայլեր, և դայակը վախեցած շշուկով ասաց. «գալիս է», ու գլխառկը տվեց Աննային:

Սերյոժան ընկավ անկողնին ու հեկեկաց՝ դեմքը ծածկած ձեռներով: Աննան վերցրեց այդ ձեռները, մի անգամ էլ համբուրեց նրա թաց երեսը և արագ քայլերով դուրս գնաց դռնից: Ալիքսեյ Ալիքսանդրովիչը գալիս էր նրան ընդառաջ: Տեսնելով կնոջը, նա կանգ առավ ու խոնարհեց գլուխը:

Չնայած որ Աննան հենց նոր ասում էր, թե նա ավելի լավ և ավելի բարի է իրենից, բայց արագ մի հայացք, որ նա զցեց ամուսնու վրա, ընդգրկելով նրա ամբողջ ֆիզիկոս իր բոլոր մանրամասներով, և նրան համակեց դեպի ամուսինը տածած զզվանքի ու զայրույթի և որդու համար նախանձի զգացում: Նա արագ շարժումով իջեցրեց դիմաքողը և քայլերն ավելացնելով, համարյա դուրս վազեց սենյակից:

Նա ժամանակ չունեցավ նույնիսկ հանելու խաղալիքները: որ այնպիսի սիրով ու թախիժով ընտրում էր երեկ խանութում և այդպես էլ տուն բերեց զրանք:

XXXI

Ինչքան էլ սաստիկ ցանկանում էր Աննան տեսակցել որգու հետ, ինչքան վաղուց մտածում էր զրա մասին ու պատրաստվում էր զրա համար, նա ո՛չ մի կերպ չէր սպասում, որ այդ տեսակցությունն այդքան ուժեղ կազդի իր վրա: Վերադառնալով իր մենավոր բաժանմունքը հյուրանոցում, նա երկար ժամանակ չէր կարողանում հասկանալ, թե ինչո՞ւ է ինքն այստեղ: «Այո՞, այս բոլորը վերջացավ, ու ես նորից մենակ եմ», ասաց նա ինքն իրեն և առանց զխարկը հանելու նստեց բուխարու մոտ զրած բազկաթոռին: Անշարժ աչքերը հառած բրոնզե ժամացույցին, որ զրված էր պատուհանների միջև եղած սեղանի վրա, նա սկսեց մտածել:

Փրանսուհի աղախինը, որին բերել էին արտասահմանից, ներս մտավ և առաջարկեց հագնվել: Աննան զարմանքով նայեց նրան ու ասաց.

— Հետո՞:

Սպասավորն առաջարկեց սուրճ:

— Հետո՞, — ասաց նա:

Մծմայր իտալուհին, հարդարելով աղջկան, մտավ նրա հետ և մոտեցրեց նրան Աննային: Թխիկ, լավ կերակրած աղջիկը, ինչպես միշտ, տեսնելով մորը, շուտ տվեց բալուկներին թել կապած ձեռները ափով դեպի ներքև ու ժպտալով իր անատամ փոքրիկ բերանով, սկսեց թիավարել թաթիկներով, ինչպես ձուկը լողաններով, խշշացնելով նրանցով ասեղնագործած շրջազգեստի օսլայած ծալքերը: Չէր կարելի չժպտալ, չհամբուրել աղջկան, չէր կարելի դեմ չանել նրան մատը, որը նա բռնեց, թպրտալով ամբողջ մարմնով ու ծղրրտալով. չէր կարելի դեմ չանել նրան շրթունքը, որը նա առավ իր փոքրիկ բերանը, համբույրի ձևով: Ու այս բոլորն արավ Աննան. և՛ վերցրեց նրան իր ձեռքերի վրա, և՛ ստիպեց նրան թռչկոտել, և՛ համբուրեց նրա թարմ թուշն ու մերկ արմուկները, բայց տեսնելով այդ երեխային, Աննայի համար է՛լ

ավելի պարզ դարձավ, թե այն զգացումը, որ ինքը տածում էր դեպի այս փոքրիկ արարածը, նույնիսկ սեր չէր այն զգացման համեմատությամբ, որ տածում էր նա դեպի Սերյոժան: Ամեն ինչ այդ աղջկա մեջ անուշ էր, բայց այս բոլորը, ինչ-որ պատճառով, սիրտ չէր գրավում: Առաջին երեխայի վրա, թեպետև շտրած տղամարդուց, զրվել էր չբավարարված սիրո ամբողջ ուժը. աղջիկը ծնվել էր ամենածանր պայմաններում, և նրա վրա զրված չէր այն խնամքի մեկ հարյուրերորդ մասն անգամ, որ զրված էր եղել առաջինի վրա: Բացի դրանից, աղջկա մեջ ամեն բան դեռ ակնկալություն էր, իսկ Սերյոժան արդեն համարյա մարդ էր և սիրելի մարդ. նրա մեջ արդեն պայքարում էին մտքերը, զգացմունքները. նա հասկանում էր, նա սիրում էր, նա դատում էր մորը, — մտածում էր Աննան, հիշելով որդու խոսքերն ու հայացքները: Եվ ինքը ո՛չ միայն ֆիզիկապես, այլև հոգիպես բաժանված էր նրանից, ու ոչ մի կերպ չէր կարելի ուղղել այդ:

Աննան աղջկան տվեց ծծմորը, արձակեց նրան ու բացեց մեզալյոնը, որի մեջ գտնվում էր Սերյոժայի դիմանկարը, եբր նա համարյա նույն հասակին էր, ինչպես և աղջիկը: Նա կանգնեց ու զխարկը հանելով, վերցրեց սեղանից ալրոմը, որի մեջ կային որդու լուսանկարներ՝ տարբեր տարիքի. նա ուզում էր համեմատել նկարները և սկսեց զրանք հանել ալրոմից: Հանեց բոլորը: Մնում էր մեկը, վերջին լավագույն լուսանկարը: Սերյոժան սպիտակ շապկով նստել էր աթոռին՝ հեծած, աչքերը խոժոռել էր և ժպտում էր բերանով: Դա նրա ամենաառանձնահատուկ, լավագույն արտահայտությունն էր: Փոքրիկ, նարպիկ ձեռներով, որոնք այժմ առանձնապես լարված շարժվում էին իրենց սպիտակ, բարակ մատներով, նա մի քանի անգամ բռնեց լուսանկարի անկյունից, բայց նկարը գայթում էր, և նա չէր կարողանում հանել այն: Թղթահատ դանակը սեղանի վրա չէր, և նա հանելով կողքի լուսանկարը (դա Վոռնսկու նկարն էր Հոռմում նկարված, կլոր գլխարկով ու երկար մազերով), նրանով հրեց, հանեց որդու նկարը: «Այո՞, ահա նա», — ասաց Աննան, նայելով Վոռնսկու լուսանկարին, և հանկարծ հիշեց, թե ո՞վ էր իր այժմյան վշտի պատճառը: Նա այս ամբողջ առավոտ ո՛չ մի անգամ

չէր մտաբերել Վոռնսկուն: Բայց այժմ հանկարծ, տեսնելով այդ առնական, ազնիվ, իրեն այնքան ծանոթ ու սիրելի շեմքը, Աննան անակնկալ կերպով զգաց սիրո բուռն բորբոքում զեպի նա:

«Հապա որտե՞ղ է նա: Հապա ինչպե՞ս է նա ինձ թողնում մենակ իմ տառապանքների հետ», հանկարծ մտածեց Աննան հանդիմանութեան զգացումով, մոռանալով, որ ինքն է ծածկել նրանից որդուն վերաբերող ամեն ինչ: Նա մարդ ուղարկեց Վոռնսկու մոտ ու խնդրեց՝ անմիջապես գալ: Աննան սպասում էր նրան սրտի նվաղումով, մտածելով այն նոսրերը, որոնցով կասի նրան ամեն բան, նաև նրա սիրո այն արտահայտութունները, որոնք կմխիթարեն իրեն: Ուղարկվածը վերադարձավ, պատասխան բերելով, որ նա հյուր ունի, բայց որ իսկույն կգա և հրամայեց հարցնել՝ արդյոք կարո՞ղ է Աննան ընդունել նրան՝ Պետերբուրգ եկած իշխան Յաշվինի հետ: «Մենակ չի գա, այնինչ՝ երեկվա ճաշից հետո դեռ չի տեսել ինձ,— մտածեց Աննան.— չի գա այնպես, որ ես կարողանամ ամեն բան ասել նրան, այլ կգա Յաշվինի հետ»: Եվ հանկարծ Աննայի գլուխն եկավ տարօրինակ միտք. իսկ եթե նա այլևս չի՞ սիրում ինձ:

Եվ քննելով վերջին օրերի զեպքերը, Աննային թվում էր, թե ամեն բանում ինքը տեսնում էր այդ սոսկալի մտքի հաստատումը. և՛ այն, որ նա երեկ շճաշեց տանը, և՛ այն, որ նա պնդեց, որպեսզի իրենք Պետերբուրգում ապրեն առանձին, և՛ այն, որ նա նույնիսկ այժմ գալիս էր իր մոտ ո՞չ մենակ, կարծես խուսափելով զեմառդեմ տեսակցութունից:

«Բայց նա պետք է այդ մասին ասի ինձ: Ես պիտի իմանամ այդ: Եթե ես իմանամ դա, ես գիտեմ, թե ի՞նչ կանեմ», ասում էր ինքն իրեն Աննան, անկարող պատկերացնելու այն դրությունը, որի մեջ կլինի ինքը, եթե համոզվի նրա անտարբերության մեջ: Աննան կարծում էր, որ Վոռնսկին այլևս չի սիրում իրեն, նա զգում էր, որ ինքը մոտ է հուսահատության, այդ իսկ պատճառով նա իրեն զգաց առանձնապես դրդված: Նա զանգահարեց, կանչեց աղախնին ու զնաց հարդարան: Հաղնվելով, նա զբաղվեց իր տուալետով ավելի, քան ույս ամբողջ օրերը, կարծես թե Վոռնսկին կարող էր, իրեն չսիրե-

լուց հետո, նորից սիրել, եթե ինքը լինի այն զգեստով և այն սանրվածքով, որոնք ավելի էին սսագում իրեն:

Երբ նա լսեց զանգի ձայնը, դեռ պատրաստ չէր:

Երբ նա մտավ ընդունարան, ո՞չ թե Վոռնսկին, այլ Յաշվինը պատահեց նրան իր հայացքով: Յաշվինը նայում էր նրա որդու լուսանկարները, որոնք նա մոռացել էր սեղանին, ու շտապեց նայել Աննային:

— Մենք ծանոթ ենք,— ասաց Աննան, զնելով իր փոքրիկ ձեռքը շփոթված Յաշվինի հսկայական ձեռքի մեջ (շփոթում, որ այնքան տարօրինակ էր, նկատի ունենալով նրա վիթխարի հասակը և կոպիտ դեմքը): — Ծանոթ ենք անցյալ տարվանից, ձիարշավի ժամանակից: Տվե՛ք,— ասաց նա, փայլուն աչքերով նշանակալից զննելով Վոռնսկուն և արագ շարժումով վերցնելով նրանից որդու լուսանկարները, որ նայում էր նա: — Այս տարի լա՞վ էին ձիարշավները: Դրանց փոխարեն ես ձիարշավներ տեսա Կորսոյում՝ Հոտմում: Սակայն դուք չեք սիրում արտասահմանյան կյանքը,— ասաց Աննան սիրալիք ժպիտով: — Ես գիտեմ ձեզ, գիտեմ և ձեր ճաշակն ամեն բանի վերաբերյալ, թեպետ մենք քիչ ենք պատահել իրար:

— Շատ ցավում եմ, որովհետև իմ ճաշակը մեծ մասամբ վատ է,— ասաց Յաշվինը, կծելով իր ձախ բեղը:

Խոսելով միառժամանակ և նկատելով, որ Վոռնսկին նայեց ժամացույցին, Յաշվինը հարցրեց Աննային, արդյոք դեռ երկա՞ր կմնա Պետերբուրգում և կորացնելով իր վիթխարի Ֆիգուրը, վերցրեց կեպին:

— Կարծեմ, ո՞չ երկար,— ասաց Աննան շփոթութեամբ, նայելով Վոռնսկուն:

— Ուրեմն այլևս չե՞նք տեսնվի,— ասաց Յաշվինը, վեր կենալով ու դիմելով Վոռնսկուն: — Որտե՞ղ ես ճաշում դու:

— Եկեք ճաշին ինձ մոտ,— վճռակաճապեա ասաց Աննան, կարծես բարկացած ինքն իր վրա իր շփոթութեան համար, բայց կարմրելով, ինչպես միշտ, երբ ցույց էր տալիս իր դրությունը նոր մարդու առաջ: — Այստեղի ճաշը լավ չի, բայց համենայն դեպս՝ դուք կտեսնվեք նրա հետ: Ալեքսեյը զնգի իր բուրբ ընկերներից ոչ ոքի այնպես չի սիրում, ինչպես ձեզ:

— Շատ ուրախ եմ, — ասաց Յաշվինը ժպիտով, որից Վոռնսկին տեսավ, որ Աննան շատ դուր եկավ նրան:

Յաշվինը զլուխ տվեց ու դուրս գնաց, Վոռնսկին մնաց հտեում:

— Դու է՞լ ես գնում, — հարցրեց Աննան նրան:

— Ես արդեն ուշացա, — պատասխանեց նա: — Գնա՛: Ես կհասնեմ քեզ, — բղավեց նա Յաշվինի ետևից:

Աննան վերցրեց նրա ձեռքը և աչքերը շփեցնելով նրանից, նայում էր նրան, միտք անելով, թե ի՞նչ ասի, որ սպառնա նրան:

— Կա՛ց, ես ասելու բան ունեմ քեզ, — ու վերցնելով նրա կարճ ձեռքը, Աննան սեղմեց այն իր վզին: — Հա՛, ոչի՞նչ, որ ես նրան կանչեցի ճաշի:

— Շատ լավ արիր, — ասաց նա հանգիստ ժպիտով, բանալով իր խիտ ատամները և համբուրելով Աննայի ձեռքը:

— Ալեքսեյ, դո՛ւ չե՞ս փոխվել իմ նկատմամբ, — հարցրեց Աննան. երկու ձեռքով սեղմելով նրա ձեռքը: — Ալեքսեյ, ես տանջվեցի այստեղ: Ե՞րբ ենք գնում:

— Շուտով, շուտով: Դու չես հավատա, թե ինչպե՛ս ինձ համար էլ ծանր է մեր կյանքն այստեղ, — ասաց նա և քաշեց իր ձեռքը:

— Դե՛, գնա, գնա՛, — վիրավորված ասաց Աննան և արագ դուրս գնաց:

XXXII

Երբ Վոռնսկին վերադարձավ տուն, Աննան դեռ տանը չէր: Վոռնսկու գնալուց հետո, ինչպես ասացին նրան, Աննայի մոտ եկավ ինչ-որ տիկին, որի հետ միասին դուրս գնացին: Այն, որ Աննան գնացել էր առանց ասելու, թե ո՞ր, այն, որ նա մինչև այժմ չկար, այն, որ նա առավոտյան էլ գնացել էր ինչ-որ տեղ, ոչինչ չասելով Վոռնսկուն, — այս բոլորը, միացած այսօր առավոտյան նրա դեմքի տարօրինակ զրգոված արտահայտության և այն թշնամական տոնին, որով Աննան Յաշվինի ներկայությամբ համարյա լսեց Վոռնսկու ձեռքից որդու լուսանկարները, — ստիպեցին նրան մտասուզվել: Նա վճռեց, որ անհրաժեշտ է բացատրվել Աննայի հետ: Եվ նա

սպասում էր Աննային նրա ընդունարանում: Բայց Աննան վերադարձավ ո՛չ մենակ, այլ բերեց իր հետ իր հորաբորոջը, պառաված օրիորդ՝ իշխանազնուհի Օբլոնսկայային: Դա հենց նա՛ էր, որ եկել էր առավոտյան և որի հետ Աննան գնացել էր գնումներ անելու: Աննան կարծես չէր նկատում Վոռնսկու գեմքի արտահայտությունը, մտահոգված ու հարցական, և ուրախ պատմում էր նրան, թե ի՞նչ է դնել ինքն այսօր առավոտյան: Վոռնսկին տեսնում էր, որ Աննայի մեջ կատարվում է առանձնահատուկ մի բան. նրա փայլուն աչքերում, երբ սրանք հարևանցիորեն կանգ առան Վոռնսկու վրա, կար լարված ուշադրություն, և նրա խոսելու ու շարժումների մեջ կար այն ջղային արագությունն ու նազելիությունը, որոնք այնպես զրավում էին Վոռնսկուն՝ իրենց ծանոթության առաջին շրջանում, իսկ հիմա անհանգստացնում ու վախեցնում էին:

Սեղանը զցած էր շորս մարդու համար: Ամենքն արդեն պատրաստվել էին գնալու փոքրիկ սեղանատուն, երբ իշխանուհի Բետսիի հանձնարարությամբ Տուշկեիչը եկավ Աննայի մոտ: Իշխանուհի Բետսին խնդրում էր ներել իրեն, որ ինքը չեկավ հրաժեշտ տալու. նա տկար էր և խնդրում էր Աննային՝ գալ իր մոտ ժամը վեցնեկեսի ու իննի միջև: Վոռնսկին նայեց Աննային այդ ժամորոշումը լսելիս, որը ցույց էր տալիս, թե միջոցներ են ձեռք առնված, որպեսզի նա ոչ ոքի չպատահի, բայց Աննան կարծես չնկատեց այդ:

— Շատ ափսո՞ս, որ ես հատկապես չեմ կարող վեցուկեսի և իննի միջև, — ասաց Աննան, աննկատելի ժպիտով:

— Իշխանուհին շատ կափոսաս:

— Ես նույնպես:

— Դուք երկի գնում եք Պատտիին, — ասաց Տուշկեիչը:

— Պատտիին: Դուք լավ միտք եք տալիս ինձ: Ես կգնալի, եթե կարելի լիներ օթյակ ճարել:

— Ես կարող եմ ճարել, — առաջարկեց Տուշկեիչը:

— Իս շատ ու շատ շնորհապարտ կլինեմ ձեզ, — ասաց Աննան: — Չէի՞ք կամենա ճաշել մեզ հետ:

Վոռնսկին հազիվ նկատելի կերպով վեր քաշեց ուսերը: Նա վճռականապես չէր հասկանում, թե ի՞նչ էր անում Աննան: Ինչո՞ւ նա բերեց այդ պառավ իշխանազնուհուն, ինչո՞ւ էր ճաշի պահում Տուշկեիչին և, որ ամենից զարմանալին էր,

ինչո՞ւ էր նրան ուղարկում օթյակի: Նրա վիճակում մի՞թե հնարավոր էր մտածել՝ Պատտիի արոնեմենտի օրը գնալ թատրոն, որտեղ կլինի նրան ծանոթ ամբողջ բարձր հասարակությունը: Վոտնսկին լուրջ հայացքով նայեց Աննային, բայց վերջինս պատասխանեց նրան միևնույն գրգռիչ՝ ոչ այն է ուրախ, ոչ այն է՝ հուսահատական հայացքով, որի նշանակությունը Վոտնսկին չէր կարողանում հասկանալ: Ծաշի ժամանակ Աննան հարձակողական ուրախ էր. նա կարծես կոկետություն էր անում և՛ Տուշկևիչի, և՛ Յաշվինի հետ: Երբ ճաշից վերկացան, ու Տուշկևիչը գնաց օթյակի, իսկ Յաշվինը գնաց ծխելու, Վոտնսկին նրա հետ իջավ ներքև՝ իր բաժանմունքը: Մի փոքր նստելուց հետո նա բարձրացավ վերև: Աննան արդեն հագել էր թավշխառն բաց մետաքսե զգեստ, որը նա կարել էր տվել Փարիզում, բաց կրծքով, գլխին սպիտակ թանկագին ժանյակ, որ երիզավորում էր նրա դեմքը և առանձնապես շահեկանորեն ցուցադրում նրա պայծառ գեղեցկությունը:

— Իսկապես դուք գնալո՞ւ եք թատրոն,— ասաց Վոտնսկին, աշխատելով շնայել նրան:

— Ինչո՞ւ եք այդպես վախեցած հարցնում, — ասաց Աննան, նորից վիրավորված այն բանից, որ նա չէր նայում իրեն: — Ինչո՞ւ չպիտի գնամ:

Աննան կարծես չէր հասկանում նրա խոսքերի նշանակությունը:

— Իհա՞րկե, ո՞չ մի պատճառ չկա,— խոժոռվելով ասաց Վոտնսկին:

— Հենց նույնն էլ ես եմ ասում,— ասաց Աննան, դիտմամբ չհասկանալով նրա հեզանական տոնը և հանգիստ փաթաթելով անուշաբույր երկար ձեռնոցը:

— Աննա՛, ի սեր աստծո. ի՞նչ է եղել ձեզ,— ասաց Վոտնսկին, զգաստացնելով նրան ճիշտ այնպես, ինչպես մի ժամանակ ասում էր նրան նրա ամուսինը:

— Չեմ հասկանում, թե ինչի՞ մասին եք հարցնում:

— Դուք գիտեք, որ չի՞ կարելի գնալ:

Ինչո՞ւ: Ես կգնամ ո՞չ մեկնակ: Իշխանազնուհի Վարվառան գնաց հագնվելու, նա կգա ինձ հետ:

Վոտնսկին ուսերը վեր քաշեց տարակուսանքով և հուսահատությամբ:

— Բայց մի՞թե դուք չգիտեք... — սկսեց նա:

— Եվ չեմ էլ ուզում իմանալ,— համարյա ճշաց Աննան.— Չեմ ուզում: Զղջո՞ւմ եմ իմ արածի համար: Ո՛չ, ո՛չ ու ո՛չ: Եվ: Եթե նույն բանը նորից սկսվեր, էլի կլիներ նույնը: Մեզ համար, այսինքն՝ ինձ ու ձեզ համար կարևոր է միայն մի բան. արդյոք սիրո՞ւմ ենք մենք իրար: Իսկ ուրիշ նկատառումներ չկան: Մենք ինչո՞ւ ենք այստեղ ապրում առանձին-առանձին և չենք տեսնվում: Ինչո՞ւ չեմ կարող գնալ: Ես սիրում եմ քեզ, և ինձ համար միևնույնն է, եթե դու չես փոխվել,— ասաց Աննան ուսերեն, նայելով նրան իր աչքերի առանձին՝ նրա համար անհասկանալի փայլով: — Ինչո՞ւ դու չես նայում ինձ:

Վոտնսկին նայեց նրան: Նա տեսավ Աննայի դեմքի և շքեղ հագուստի ամբողջ գեղեցկությունը, հագուստի, որ միշտ այնպես սազում էր նրան: Բայց այժմ նրա գեղեցկությունը և էլեգանտ տեսքը հենց այն բանն էր, որ գրգռում էր Վոտնսկուն:

— Իմ զգացումը չի՞ կարող փոխվել, դուք գիտեք այդ բայց ես խնդրում եմ չգնալ, աղաչում եմ ձեզ,— ասաց Վոտնսկին նորից ֆրանսերեն՝ ձայնի մեջ քնքուշ աղերս, հայացքի մեջ սառնություն:

Աննան բառերը չէր լսում, բայց տեսնում էր նրա հայացքի սառնությունը և զրգոված պատասխանում.

— Իսկ ես խնդրում եմ ձեզ հայտնել, թե ինչո՞ւ չպետք է գնամ:

— Որովհետև դա կարող է ձեզ պատճառել այն... — նա դեմ ընկավ:

— Ոչինչ չեմ հասկանում: Յաշվինը n'est compromettant¹, և իշխանազնուհի Վարվառան ոչնչով վատ չէ ուրիշներին: Ահա և նա:

XXXIII

Վոտնսկին առաջին անգամ զգաց Աննայի դեմ սրտենդություն, համարյա զայրույթի զգացում, նրա իր դրությունը դիտավորյալ կերպով չհասկանալու համար: Այդ զգացումն ավել-

¹ Չի վարկաբեկի:

լի ես ուժեղանում էր այն հանգամանքով, որ նա չէր կարող հայտնել նրան իր սրտնեղության պատճառը: Եթե նա ուղղակի ասեր նրան այն, ինչ մտածում էր ինքը, նա կասեր. այդպես զուգված-զարդարված, ամենքին հայտնի իշխանազնուհու հետ հայտնվել թատրոնում, նշանակում է՝ ո՛չ միայն բնորոնել կորած կնոջ իր դրուժյունը, այլև մարտահրավեր անել բարձր հասարակությանը, այսինքն՝ ընդմիշտ կտրվել նրանից:

Վոռնսկին չէր կարող ասել Աննային այդ բանը: «Բայց ինչպե՞ս ինքը՝ Աննան չի կարողանում հասկանալ այդ, և ի՞նչ է կատարվում նրա մեջ», ասում էր նա ինքն իրեն: Վոռնսկին զգում էր, թե ինչպես միաժամանակ պակասում է իր հարգանքը դեպի Աննան և մեծանում է նրա գեղեցկության գիտակցությունը:

Խոժոռված նա վերագարձավ իր համարը և նստելով Յաշվինի մոտ, որն իր երկար ոտները ձգել էր աթոռին ու կոնյակ էր խմում սելտերյան ջրի հետ, հրամայեց նույնը տալ և իրեն:

— Դու ասում ես լանկովսկու Մոգո՛ւչին: Դա լավ ձի է, և ես խորհուրդ եմ տալիս քեզ գնել, — ասաց Յաշվինը, նայելով ընկերոջ մոռյլ դեմքին: — Նրա ետևը կախ է, բայց ոտներն ու գլուխը՝ հիանալի. ավելի լավ ցանկալ չի կարելի:

— Ես կարծում եմ, որ կվերցնեմ, — պատասխանեց Վոռնսկին:

Ձիերի մասին խոսակցությունը հետաքրքրում էր նրան, բայց նա ո՛չ մի բան չէր մոռանում Աննային, ակամա ականջ էր դնում միջանցքում քայլերի ձայնին և նայում էր բուխարու վրա դրած ժամացույցին:

— Աննա Արկադևնան հրամայեց զիկուցել, որ գնաց թատրոն:

Յաշվինը դատարկելով էլի մի ըմպանակ կոնյակ թշշան ջրի մեջ, խմեց ու վեր կացավ, կոճկվելով:

— Է՛, գնա՞նք, — ասաց նա, հագիվ ժպտալով բեղերի տակ և այդ ժպիտով ցույց տալով, որ հասկանում է Վոռնսկու մոռյլության պատճառը, բայց նշանակություն չի տալիս դրան:

— Ես չեմ գնա, — պատասխանեց Վոռնսկին մոռյլ:

— Իսկ ես պետք է գնամ, խոստացել եմ: Դե՛, ցտեսություն: Թե չէ՝ ե՛կ պարտեր, վերցրու կրասինսկու բազկաթոռը, — ավելացրեց Յաշվինը, դուրս գնալով:

— Ո՛չ, ես գործ ունեմ:

Վկնոջ հետ զխացավանք է, ոչ կնոջ հետ՝ ավելի վատ», մտածեց Յաշվինը, դուրս գալով հյուրանոցից:

Վոռնսկին, մնալով մենակ, վեր կացավ աթոռից ու սկսեց քայլել սենյակում:

«Այսօր ի՞նչ է: Չորրորդ արտեմմենտը... Եզորը կնոջ հետ այնտեղ է, հավանորեն և մայրս: Դա նշանակում է, որ ամբողջ Պետերբուրգն այնտեղ է: Հիմա նա (Աննան) ներս մտավ, հանեց մուշտակը և դուրս եկավ լույսի մեջ: Տուշկիչ, Յաշվին, իշխանագնուհի Վարվառա, — պատկերացնում էր Վոռնսկին: — Իսկ ի՞նչ բանի եմ ես: Թե՛ վախենում եմ, կամ Աննայի հովանավորությունը հանձնել եմ Տուշկև՝ իշին: Մարդ ինչպես էլ նայի, տխմար, հիմար բան է... Եվ ինչո՞ւ է Աննան ինձ դնում այս հիմար դրուժյան մեջ», — ասաց նա, թափ տալով ձեռքը:

Այդ շարժումով նա կարթկեց սեղանը, որի վրա դրած էր սելտերյան ջուրն ու կոնյակի գրաֆինը, և քիչ մնաց վայր գլորեր այն: Նա ուզում էր բռնել, բայց բաց թողեց ձեռքից ու սրտնեղությունից ոտով բոթեց սեղանը և զանգահարեց:

— Եթե ուզում ես ծառայել ինձ, — ասաց նա ներս եկած կամերդիններին, — ապա գիտցիր քո գործը: Տե՛ս, որ այսպիսի բաներ չլինեն: Պետք է հավաքես:

Կամերդիններն ուզում էր արդարանալ, իրեն անմեղ զգալով, բայց նայելով իր պարոնին, հասկացավ նրա դեմքից, որ հարկավոր է միայն լռել և շտապ գալարվելով, չռթեց գորգին ու սկսեց հավաքել թե՛ ամբողջը և թե՛ ջարդված գավաթներն ու շշերը:

— Դա քո բանը չէ, ուղարկիր ծառային՝ թող հավաքի, իսկ դու պատրաստիր ֆրակա:

Վոռնսկին թատրոն մտավ ութնուհին: Ներկայացման ամենաթեժ պահն էր: Մերուկ-կապելդինները հանեց Վոռնսկու մուշտակը և ճանաչելով նրան, ասաց «ձերը պայծառ»:

փայլութիւնն» ու առաջարկեց համար շվերցնել, այլ ուղղակի կանչել Յոդորին: Լուսավոր միջանցքում ոչ ոք չկար, բացի կապելդիններից և երկու սպասավորից՝ ձեռքներին մուշտակներ, որ ականջ էին դնում դռան մոտ: Մածկած դռան ետևից լսվում էին նվաղախմբի ստակատոյի՝ զգուշ նվագակցութեան ու այն կանացի ձայնի հնչյունները, որը հատորոշ արտասանում էր երաժշտական ֆրագը: Դուռը բացվեց, ներս թողնելով արագ սլվվող կապելդիններին, և իր վախճանին մոտեցող ֆրագը պարզ հասավ Վոռնսկու լսողութեանը: Բայց դուռն անմիջապես ծածկվեց, ու Վոռնսկին չլսեց ֆրագ և կադանսի վերջը, սակայն հասկացավ դռան ետևից լսվող բուռն ծափահարութիւններից, որ կադանսը վերջացավ: Երբ նա մտավ ջահերով ու բրոնզե գազային եղջյուրներով պայծառ լուսավորված դահլիճը, դեռ շարունակվում էր աղմուկը: Բեմի վրա երգչուհին, փայլելով իր մերկ ուսերով և ադամանդներով, կուսնալով ու ժպտալով, հավաքում էր՝ իր ձեռքը բռնած տենորի օգնութեամբ՝ ուսմայսի վրայից անհարմարորեն բեմ նետած ծաղկեփնջերը և մոտենում էր գլխի մեջտեղին պոմագից փայլուն մազերով պարոնին, որը ուսմայսի վրայից մեկնել էր երկար ձեռները՝ բռնած ինչ-որ իր, — և ամբողջ հասարակութիւնը պարտերում, ինչպես նաև օթյակներում, իրաբանցման մեջ էր, ձգվում էր առաջ, բղավում ու ծափահարում: Իր բարձր տեղում կանգնած կապելմեյստերն օգնում էր հանձնումների գործում և ուղղում էր իր սպիտակ փողկապը: Վոռնսկին մտավ պարտեր, մեջտեղը և կանգ առնելով, սկսեց դիտել շուրջը: Այսօր ավելի պակաս, քան երբեք, ուշադրութիւն դարձրեց նա իրեն ծանոթ ու սովոր պարագայի վրա, բեմի, այդ աղմուկի վրա, հանդիսատեսների այդ ծանոթ, անհետաքրքիր, խայտաբղետ հոտի վրա, որ ծայրեծայր լցրել էր թատրոնը:

Օթյակներում, ինչպես միշտ, նույն ինչ-որ տիկիներն ինչ-որ սպաների հետ՝ օթյակների ետևի մասում. նույն, աստված գիտե, թե ի՞նչ բազմերանգ կանայք, և՛ համազգեստներ, և՛ սյուրտուկներ, նույն կեղտոտ ամբոխը վերնասրահում, և այս ամբողջ ամբոխի մեջ՝ օթյակներում ու առաջին շարքերում

¹ Բեկրեկուս երաժշտութիւն:

մոտ քառասուն հոգի իսկական մարդիկ՝ կին ու տղամարդ: Եվ այդ օադիսների վրա Վոռնսկին անմիջապես դարձրեց իր ուշադրութիւնը ու անմիջապես հարաբերութեան մեջ մտավ նրանց հետ:

Գործողութիւնը վերջացել էր, երբ նա ներս մտավ, ուստի գնալով դեպի եղբոր օթյակը, գնաց մինչև առաջին շարքը և կանգ առավ ուսմայսի մոտ Սերպուխովսկոյի կողքին, որը, ծունկը ծալած ու կրունկով թխթխկացնելով ուսմայսին և հեռվից տեսնելով նրան, ժպտով կանչեց իր մոտ:

Վոռնսկին դեռ չէր տեսել Աննային, նա դիտմամբ չէր նայում Աննայի կողմը: Բայց հայացքների ուղղութիւնից գիտեր, թե որտե՞ղ է նա: Վոռնսկին աննկատելի նայում էր շուրջը, սակայն չէր որոնում նրան. սպասելով ավելի վատին, Վոռնսկին աչքերով որոնում էր Ալեքսեյ Ալեքսանդրովիչին: Նրա բախտից՝ Ալեքսեյ Ալեքսանդրովիչն այս անգամ թատրոնում չէր:

— Քո մեջ ինչքան քիչ բան է մնացել զինվորական, — ասաց նրան Սերպուխովսկոյը: — Դիվանագետ, արտիստ. ա՛յ, սրա նման մի բան:

— Այո՛, հենց որ ես վերագարձա տուն, ֆրակ հագա, — պատասխանեց Վոռնսկին ժպտալով ու դանդաղորեն հանելով հեռադիտակը:

— Այս բանում անա, խոստովանում եմ, ես նախանձում եմ քեզ: Երբ ես վերագառնում եմ արտասահմանից ու հագնում եմ սրանք, — նա նշեց էքսելբանդները, — ափսոսում եմ իմ ազատութիւնը:

Սերպուխովսկոյը վաղուց արդեն ձեռք էր վերցրել Վոռնսկու պաշտոնեական գործունեութիւնից, բայց առաջվա պես սիրում էր նրան և այժմ առանձնապես սիրալիր էր նրա հետ: — Ափսո՛ս, դու ուշացար առաջին գործողութեանը:

Վոռնսկին լսելով մի ականջով, հեռադիտակը փոխանցում էր բենուարից բեկտած ու դիտում էր օթյակները: Տյուրբանով՝ տիկնոջ ու ճաղատ ծերուկի մոտ, որը բարկացած թարթում էր աչքերը շարժուն հեռադիտակի ապակու մեջ, Վոռնսկին հանկարծ տեսավ Աննայի գլուխը, հպարտ, զարմանալի

¹ Գլխի փաթեթ:

գեղեցիկ ու ժպտուն, ժանյակների շրջանակի մեջ: Աննան հինգերորդ բնուար օթյակում էր, Վոռնսկուց քսան քայլի վրա: Նա նստել էր առջևում և թեթև շուռ եկած, ինչ-որ բան էր ասում Յաշվինին: Նրա զխի դիրքը՝ գեղեցիկ ու լայն ուսերին և նրա աչքերի ու ամբողջ դեմքի զուսպ-բորբոքված փայլը հիշեցրին Վոռնսկուն՝ նրան ճիշտ այնպես, ինչպիսին նա տեսավ Աննային Մոսկվայի պարահանդեսում: Բայց նա այժմ բուրբուրակն այլ կերպ էր զգում այդ գեղեցկությունը: Աննայի նկատմամբ Վոռնսկու զգացմունքի մեջ այժմ չկար խորհրդավոր ոլինչ, այդ պատճառով Աննայի գեղեցկությունը, թեպետև ավելի ուժեղ, քան առաջ, գրավում էր նրան, բայց միաժամանակ և վիրավորում էր: Աննան չէր նայում նրա կողմը, բայց Վոռնսկին զգում էր, որ նա արգեն տեսել է իրեն:

Երբ Վոռնսկին հեռագրիտակը նորից ուղղեց այն կողմ, նկատեց, որ իշխանագնուհի Վարվառան առանձնապես կարմիր է, անբնական ծիծաղում է և անընդհատ նայում հարևան օթյակին. իսկ Աննան, հովհարը ծալած ու նրանով թխթխացնելով կարմիր թավշին, նայում է ինչ-որ տեղ, բայց չի տեսնում և հայտնապես չի ուզում տեսնել այն, ինչ տեղի ունի հարևան օթյակում: Յաշվինի դեմքն ունեւր այն արտահայտությունը, որ լինում էր թղթախաղում տանուլ տալիս: Հոնքերը կիսած, նա իր ձախ բեղն ավելի ու ավելի խոր էր խրում բերանը և խեթ-խեթ նայում նույն հարևան օթյակին:

Այդ օթյակում, ձախից, Կարտասովներն էին: Վոռնսկին ճանաչում էր նրանց և գիտեր, որ Աննան ծանոթ էր նրանց հետ: Կարտասովան, նիհար, փոքրիկ մի կին, կանգնած էր իր օթյակում ու մեջքով դարձած դեպի Աննան, հագնում էր թիկնոցը, որ բռնել էր ամուսինը: Նրա դեմքը գունատ էր ու բարկացկոտ, և նա հուզված ասում էր ինչ-որ բան: Կարտասովը, հաստ, ճաղատ մի պարոն, շարունակ նայում էր Աննային, աշխատելով հանգստացնել կնոջը: Երբ կինը դուրս գնաց, ամուսինը երկար ժամանակ մլուլ էր տալիս, աչքերով փնտրելով Աննայի հայացքը և, ըստ երևույթին, ցանկանալով ողջունել նրան: Բայց Աննան, հայտնապես դիտմամբ չնկատելով նրան, ետ դարձած, ինչ-որ բան էր ասում զուխը խուզած Յաշվինին, որ կուացել էր դեպի Աննան: Կարտասովը դուրս գնաց առանց հրաժեշտ տալու, և օթյակը մնաց դատարկ:

Վոռնսկին շհասկացավ, թե իսկապես ի՞նչ կատարվեց Կարտասովների ու Աննայի միջև, բայց հասկացավ, որ տեղի է ունեցել Աննայի համար նվաստացուցիչ մի բան: Նա հասկացավ այդ՝ և՛ այն բանից, ինչ տեսավ ինքը, և՛ մանավանդ Աննայի դեմքից, որը, նա գիտեր, հավաքել էր իր վերջին ուժերը, որպեսզի դիմանար իր վրա վերցրած դերին: Եվ արտաքնապես հանգիստ այդ դերը լիովին հաջողվում էր նրան: Իվ չէր ճանաչում նրան ու նրա շրջանը, ով չէր լսել կանանց ցավակցություն, վրդովմունքի և գառմանքի բուրբ արտահայտություններն այն առթիվ, որ նա յուր էր տվել իրեն երևալ բարձր հասարակության մեջ ու երևալ այնքան նկատելի կերպով՝ իր ժանեկավոր արդուզարդով և իր գեղեցկությամբ, — նա հիանում էր այդ կնոջ հանգստությունը ու գեղեցկությամբ և չէր ենթադրում, որ այդ կինը համակված է անարգանքի սյունին գամված մարդու զգացումով:

Իմանալով, որ մի բան է պատահել, բայց չիմանալով, հատկապես ի՞նչ, Վոռնսկին զգում էր տանջալից տագնապ և, որևէ բան իմանալու հույսով, գնաց դեպի եղբոր օթյակը: Դիտմամբ ընտրելով Աննայի օթյակին հակադիր պարտերի միջանցքը, նա դուրս գալիս պատահեց իր գնդի նախկին հրամանատարին, որ խոսում էր երկու ծանոթների հետ: Վոռնսկին լսեց, թե ինչպե՞ս արտասանվեց Կարենինների անունը, և՛ նկատեց, թե ինչպե՞ս շտապեց գնդի հրամանատարը բարձրաձայն կանչել Վոռնսկուն, նշանակալից նայելով խոսողներին:

— Ա՛, Վոռնսկի: Ի՞րբ ես գալու գունդ: Մենք չենք կարող քեզ բաց թողնել առանց խնջույքի: Դու մեր ամենահիմնական սպան ես, — ասաց գնդի հրամանատարը:

— Զեմ կարող, ժամանակ չունեմ, շատ ափսոս, մյուս անգամ, — ասաց Վոռնսկին և վազեց սանդուղքներով վեր՝ դեպի եղբոր օթյակը:

Պառավ կոմսուհին, Վոռնսկու մայրը, իր պողպատե խոպուպիկներով, եղբոր օթյակումն էր: Վարյան ու իշխանուհի Սորոկինան պատահեցին Վոռնսկուն բեւտաժի միջանցքում:

Առաջնորդելով իշխանուհի Սորոկինային մոր մոտ, վարյան ձեռքը տվեց տագրուրը և անմիջապես սկսեց լսոսել իրեն հետաքրքրող գործի մասին:

Վոռնսկին քիչ էր տեսել նրան այդքան հուզված:

— Իմ կարծիքով դա ստոր ու գարշելի բան է. և madame կարտասովան ոչ մի իրավունք չուներ: Madame կարենինան... — սկսեց նա:

— Ի՞նչ է եղել: Ես չգիտեմ:

— Ինչպե՞ս: Դու չսեցի՞ր:

— Հասկանո՞ւմ ես, չէ՞ որ դրա մասին ես կլսեմ ամենքից վերջը:

— Կա՞րդոք ավելի շար արարած, քան այդ կարտասովան:

— Իսկ ի՞նչ է արել նա:

— Ինձ ամուսինս պատմեց... նա վիրավորեց Կարենինային: Կարտասովը սկսեց Օթյակի վրայով խոսել Կարենինայի հետ, իսկ կինը թուրումրեց նրան: Ասում են, ինչ-որ վիրավորական բան ասաց բարձրաձայն և դուրս գնաց:

Կոմս, ձեր maman կանչում է ձեզ, — ասաց իշխանուհի Սորոկինան, դուրս նայելով օթյակի դռնից:

— Իսկ ես ամբողջ ժամանակ սպասում եմ քեզ, — ասաց Վոռնսկուն մայրը, հեզնական ժպիտով: — Դու բոլորովին չես երևում:

Որդին տեսավ, որ մայրը շկարողացավ զսպել իր ուրախության ժպիտը:

— Բարև ձեզ, maman: Ես գալիս էի ձեզ մոտ, — ասաց նա սառը:

— Ինչո՞ւ չես գնում faire la cour à madame Karenine! — ավելացրեց կոմսուհին, երբ իշխանուհի Սորոկինան քաշվեց մի կողմ: — Elle fait sensation. On oublie la Patti pour elle²:

— Maman, ես ձեզ խնդրել եմ՝ չխոսել ինձ հետ այդ մասին, — պատասխանեց նա մռայլվելով:

— Ես ասում եմ այն, ինչ ասում են ամենքը:

Վոռնսկին ոչինչ չպատասխանեց և մի բանի խոսք ասելով

¹ Խոնարհվելու կարենինային:

² Նա սենսացիա է առաջացնում: Նրա պատճառով մոռանում են Պատտիին:

իշխանուհի Սորոկինային, դուրս գնաց: Դուան մեջ նա պատահեց եղբորը:

— Ա՛, Ալեքսեյ, — ասաց եղբայրը: — Ի՞նչ գարշելի բան: Հիմար կին, ուրիշ ոչի՞նչ... Ես ուզում էի հիմա գնալ Աննա Արկադևնայի մոտ: Գնանք միասին:

Վոռնսկին շտեյց եղբոր ասածը: Նա արագ քայլերով գնաց ներքև. նա զգում էր, որ ինքը պետք է մի բան անի, բայց չգիտեր, թե ի՞նչ: Սրտնեղությունն Աննայի դեմ այն բանի համար, որ նա իրեն ու նրան դնում էր այդպիսի կեղծ դրուժյան մեջ և Աննայի տառապանքների համար նրան խղճալու: զգացումը վրդովում էին Վոռնսկուն: Նա իջավ ներքև՝ պարտեր և ուղղակի գնաց դեպի Աննայի բնուարը: Բնուարի մոտ կանգնած էր Ստրեմովը և զրուցում էր Աննայի հետ:

— Տնորներ այլևս չկան: Le moule en est brisé¹:

Վոռնսկին դիտով ողջունեց Աննային ու կանգ առավ, բարևելով Ստրեմովին:

— Կարծեմ դուք ուշացաք ու չսեցիք լավագույն արիան, — ասաց Աննան Վոռնսկուն, նայելով նրան ծաղրալից, ինչպես թվաց նրան:

— Ես վատ գնահատող եմ, — ասաց Վոռնսկին, խիստ հայացքով նայելով Աննային:

— Ինչպես իշխան Ցաշվինը, — ասաց Աննան ժպտալով, — նա այն կարծիքին է, որ Պատտին շափազանց բարձր է երգում: Շնորհակալություն, — ասաց նա, վերցնելով երկար ձեռնոցի մեջ եղած իր փոքրիկ ձեռքով Վոռնսկու բարձրացրած ծրագիրը: և հանկարծ այդ վայրկյանին ցնցվեց նրա գեղեցիկ դեմքը: Նա վեր կացավ ու գնաց օթյակի խորքը:

Նկատելով, որ հետևյալ գործողությունը Աննայի օթյակը մնաց դատարկ, Վոռնսկին, հարուցելով կավատինայի միջոցին հանդարտված թատրոնի բվվոցը, դուրս եկավ պարտերից ու գնաց տուն:

Աննան արդեն տանն էր, երբ Վոռնսկին մտավ նրա մոտ. նա մենակ էր, հենց այն զգեստով, որով թատրոնում էր: Նա նստած էր պատի մոտ դրած առաջին բազկաթոռին և նայում

¹ Նրանք այլասերվել են:

էր դիմացը: Նա նայեց Վոռնսկուն ու անմիջապէս ընդունեց իր առաջվա դիրքը:

— Աննա՛,— ասաց նա:

— Դո՛ւ, դո՛ւ ես մեղավոր ամեն բանում,— ճշաց Աննան վեր կենալով, ձայնի մեջ հուսահատութեան ու զայրույթի արօցունքներ:

— Ես խնդրում եմ աղաչում էի քեզ, որ չգնաս. ես գիտեի, որ անախորժ բան կլինի քեզ համար...

— Անախորժ բա՛ն,— ճշաց Աննան:— Սոսկալի՛ է: Ինչքան էլ ապրեմ ես, երբեք չեմ մոռանա այդ: Նա ասաց, որ խայտառակութիւն է ինձ հետ միասին նստելը:

— Տխմար կնոջ խոսքեր,— ասաց Վոռնսկին,— բայց ի՞նչ կարիք կա ոխակ անելու, զրգոելու...

— Ես ասում եմ քո անվրդովութիւնը: Դու չպետք է ինձ հասցնեիր դրան: Եթէ դու սիրեիր ինձ...

— Աննա. ի՞նչ գործ ունի այստեղ իմ սիրո հարցը:

— Այո՛, եթէ դու սիրեիր ինձ, ինչպէս ե՛ս եմ սիրում քեզ, եթէ դու տանջվեիր, ինչպէս ե՛ս եմ տանջվում... — ասաց Աննան, վախի արտահայտութեամբ նայելով նրան:

Վոռնսկին խղճում էր նրան, բայց և այնպէս՝ սրտնեղում: Վոռնսկին հավաստիացնում էր նրան իր սիրո մեջ, արովհետև տեսնում էր, որ դա՛ միայն կարող է այժմ հանգստացնել նրան, ու, թեև բառերով չէր հանդիմանում, բայց իր հոգում կշտամբում էր նրան:

Եվ սիրո այն հավաստիացումները, որոնք Վոռնսկուն թրվում էին այնքան գոհիկ, որ նա քաշվում, ամաչում էր դրանք արտասանել, Աննան ըմպում, կլանում էր ու կամաց-կամաց հանգստանում: Դրանից հետո հենց հետևյալ օրը նրանք գնացին գյուղ, լիովին հաշտված:

ՎԵՅԵՐՈՐԿ ՄԱՍ

I

Դարիս Ալեքսանդրովնան երեխաների հետ ամառն անց էր կացնում Պոկրովսկում, իր քույր Կիտի Լեինայի մոտ: Նրա կալվածքում տունը բոլորովին քանդվել էր, և Լեինն ու կիներ համոզեցին նրան՝ ամառն անցկացնել իրենց մոտ: Ստեպան Արկադևիչը լիովին հավանութիւն տվեց հարցի այդպիսի լուծմանը: Նա ասում էր, թե շատ ափսոսում է, որ ծառայութիւնը խանգարում է իրեն ամառն ընտանիքի հետ անցկացնելու գյուղում, ինչն իր համար կլինեիր մեծ երջանկութիւն և, մնալով Մոսկվայում, երբեմն գալիս էր գյուղ մեկ-երկու օրով: Բացի Որլոնսկիներից, իրենց երեխաներով ու զաստիարակչուհով այդ ամառ հյուր էր Լեինների մոտ նաև ծեր իշխանուհին, որն իր պարտքն էր համարում հետևելու իր անփորձ աղջկան, քանի որ սա գտնվում էր այդպիսի դժուրջան մեջ: Բացի դրանից Վարենկան, Կիտիի արտասահմանյան բարեկամուհին, կատարեց նրա մոտ գալու իր խոստումը, երբ Կիտին ամուսնացած կլինի, և հյուր էր իր բարեկամ-ընկերուհու մոտ: Դրանք ամենքը Լեինի կնոջ ազգականներն ու բարեկամներն էին: Եվ թեև նա սիրում էր նրանց ամենքին, բայց մի քիչ ափսոսում էր Լեինյան իր խաղաղութիւնն ու կարգը, որ խեղդվել էր «Շշերբացկյան տարրի» հորդումով, ինչպէս ասում էր նա ինքն իրեն: Նրա ազգականներից այդ ամառ հյուր էր նրա մոտ միայն Սերգեյ Իվանովիչը, բայց նա ևս ո՛չ թե Լեինյան, այլ Կոզնիշևսի՝ մտակազմի մարդ էր, այնպէս որ Լեինյան ողին բոլորովին ոչնչանում էր:

Լեինյան վաղուցվա դատարկ տանն այժմ այնքան շատ

մարդ կար, որ բռնված էին համարյա բոլոր սննդակները և համարյա ամեն օր ծեր իշխանուհին սեղան նստելիս ստիպված էր հաշվել ամենքին ու տասներեքերորդ թոռնիկին կամ թոռնուհուն գատել, նստեցնել առանձին սեղանի մոտ: Եվ Կիտիի համար, որը փութաջանորեն զբաղվում էր տնտեսությամբ, պակաս հոգս չէր հավեր, հնդկահավեր, բաղեր ձեռք բերելը, որոնք սպառվում էին շափազանց շատ, նկատի ունենալով հյուրերի և երեխաների ամառային ախորժակը:

Ամբողջ ընտանիքը նստել էր ճաշի: Գոլլիի ել խաները դաստիարակչուհու և Վարենկայի հետ ծրագիր էին կազմում այն մասին, թե ո՞ր գնան սունկի: Սերգեյ Իվանովիչը, որն իր խելքի և գիտականության պատճառով, բոլոր հյուրերի մեջ վայելում էր համարյա երկրպագության հասած հարգանք, զարմացրեց ամենքին, միջամտելով սունկերի մասին խոսակցությանը:

— Ինձ էլ վերցրեք ձեզ հետ: Ես շատ եմ սիրում սունկի գնալ, — ասաց նա, նայելով Վարենկային, — իմ կարծիքով, դա շատ լավ զբաղմունք է:

— Ի՞նչ կա որ, մենք շատ ուրախ ենք, — պատասխանեց Վարենկան կարմրելով: Կիտին ու Գոլլին նշանակալից նայեցին իրար: Գիտնական և խելոք Սերգեյ Իվանովիչի առաջարկը սունկի գնալու առթիվ հաստատում էր Կիտիի որոշ ենթադրությունը, որ վերջերս սաստիկ զբաղեցնում էր նրան: Նա շտապ խոսեց մոր հետ, որ նկատելի չլինեիր իր հայացքը: Ծաշից հետո Սերգեյ Իվանովիչն իր սուրճի գավաթի հետ նստեց ընդունարանում, շարունակելով եղբոր հետ սկսած խոսակցությունը և նայելով այն դռանը, որտեղից պետք է դուրս գային սունկի գնալու պատրաստված երեխաները: Լկինը նստեց պատուհանին՝ եղբոր մոտ:

Կիտին կանգնած էր ամուսնու կողքին, ակնհայտորեն սպասելով անհետաքրքիր խոսակցության վերջանալուն, որ մի բան ասի նրան:

— Դու շատ բանում փոխվել ես այն օրից հետո, երբ ամուսնացար, և փոխվել ես դեպի լավը, — ասաց Սերգեյ Իվանովիչը, ժպտալով Կիտիին ու, ըստ երևույթին, առանձնապես շահետաքրքրվելով սկսված խոսակցությամբ, — բայց հավատարիմ ես մնացել ամենապարագոքսալ թեմաները պաշտպանելու քո մոլությունը:

— Կատյա, քեզ համար լավ չէ կանգնելը, — ասաց Նրան ամուսինը, աթոռը մոտ քաշելով ու նշանակալից նայելով նրան:

— Ասենք, ժամանակ էլ չկա, — ավելացրեց Սերգեյ Իվանովիչը, տեսնելով դուրս վազող երեխաներին:

Ամենքի առջևից՝ կողքով, սրարշավ, իր ձեռք տված շուկիներով, թափահարելով զամբյուղը և Սերգեյ Իվանովիչի զրկարկը, վազում էր ուղիղ դեպի նա՝ Տանյան:

Համարձակ մոտ վազելով Սերգեյ Իվանովիչին ու փայլելով իր աչքերով, այնքան նման հոր գեղեցիկ աչքերին, նա տվեց Սերգեյ Իվանովիչին նրա գլխարկը և ձեռքերը, որ ուզում է գլխարկը դնել նրա գլխին, երկչոտ ու նուրբ ժպիտով մեղմացնելով իր ազատ վարվեցողությունը:

— Վարենկան սպասում է, — ասաց Տանյան, զգուշությամբ դնելով գլխարկը նրա գլխին, Սերգեյ Իվանովիչի ժպիտից տեսնելով, որ դա կարելի էր:

Վարենկան կանգնել էր դռան մոտ, հագած չժեղի ըզգեստ, գլխին կապած սպիտակ թաշկինակ:

— Գալի՛ս եմ, գալի՛ս, Վարվառա Անդրեևնա, — ասաց Սերգեյ Իվանովիչը, խմբելով սուրճի վերջին կումը և տեղավորելով դրպաններում թաշկինակն ու սիգարի տուփը:

— Ի՞նչ սքանչելի էակ է իմ Վարենկան: Այնպես չէ՞, — ասաց Կիտին ամուսնուն, հենց որ Սերգեյ Իվանովիչը վեր կացավ: Նա այդ ասաց այնպես, որ Սերգեյ Իվանովիչը կարող էր լսել, մի բան, ինչ հայտնապես ուզում էր Կիտին: — Եվ ի՞նչ գեղեցիկ է նա, ազնիվ, գեղեցիկ: Վարենկա, — ձայնեց Կիտին, — դուք կլինեք ջրաղացի անտառում: Մենք կգանք ձեզ մոտ:

— Դու բոլորովին մոռանում ես քո վիճակը, Կիտի, — խոսեց պառավ իշխանուհին, շտապ դուրս գնալով դռնից: — Քեզ չի՛ կարելի այդպես բղավել:

Վարենկան լսելով Կիտիի ձայնը և նրա մոր կշտամբանքը, թեթև քայլերով արագ մոտեցավ Կիտիին: Շարժումների արագությունը, կարմրությունը, որ պատեց նրա աշխույժ դեմքը, — այս բոլորը ցույց էր տալիս, որ նրա մեջ կատարվում է անսովոր մի բան: Կիտին գիտեր, թե ի՞նչ է այդ անսովոր բանը և ուշադրությամբ հետևում էր իր բարեկամուհուն: Նա այժմ

կանչեց Վարենկային միայն նրա համար, որպեսզի մտքով օրհնի նրան այն կարևոր դեպքի համար, որը, Կիտիի կարծիքով, պետք է կատարվեր այսօր ճաշից հետո՝ անտառում:

— Վարենկա, ես շատ երջանիկ կլինեմ, եթե պատահի մի բան,— շշուկով ասաց Կիտին, համբուրելով նրան:

— Իսկ դուք կգա՞ք մեզ հետ,— շփոթվելով ասաց Վարենկան Լևինին, ձևացնելով, իբր շլտեց այն, ինչ ասվեց իրեն:

— Ես կգամ, բայց մինչև կալը և կմնամ այնտեղ:

— Է՛հ, ի՛նչ կարիք կա,— ասաց Կիտին:

— Պետք է, հարկավոր է նայել ու հաշվել նոր սալերը,— ասաց Լևինը: — Իսկ որտե՞ղ կլինես դո՛ւ:

— Տեղատում:

II

Տեղատում հավաքվեց կանանց ամբողջ հասարակությունը: Նրանք առհասարակ սիրում էին նստել այնտեղ ճաշից հետո, բայց այսօր այնտեղ գործ էլ կար: Բացի շապիկներ կարելուց ու բարուրակապեր գործելուց, որոնցով զբաղված էին ամենքը, այսօր այնտեղ մուրաբա էին եփում՝ Ազաֆյա Միխայլովնայի համար նոր մեթոդով, առանց ջուր ավելացնելու: Կիտին մըտցրնում էր այդ նոր մեթոդը, որ գործադրվում էր իրենց տանը: Ազաֆյա Միխայլովնան, որին հանձնված էր եղել առաջ այդ գործը, լինելով այն կարծիքին, թե այն, ինչ արվում էր Լևինների տանը, չէր կարող վատ լինել, այսուամենայնիվ՝ ջուր լցրեց ելակի և մորիի վրա, պնդելով, թե այլ կերպ անհնարին է. նա բռնվեց այդ բանում, ու հիմա մորին եփվում էր ամենքի ներկայությունը, և Ազաֆյա Միխայլովնան պետք է գար այն համոզման, որ առանց ջրի էլ մուրաբան լավ դուրս կգա:

Ազաֆյա Միխայլովնան հուզված ու վշտացած դժբով, խճճված մազերով ու մինչև արմունկները մերկացրած նիհար ձեռքերով շրջանաձև պտտեցնում էր ամանը կրակարանի վրա և մոռալ նայում էր մորիին, ամբողջ սրտով կամենալով, որպեսզի նա թանձրանար ու շեփվեր: Իշխանուհին զգալով, որ իր՝ որպես մորին եփելու զխավոր խորհրդատուի, վրա պետք է թափվի Ազաֆյա Միխայլովնայի ցասումը, աշխատում էր ձևացնել, իբր զբաղված է այլ բանով ու չի հետաքրքրվում մո-

րիով, խոսում էր կողմնակի բաների մասին, բայց աչքի տակով նայում էր կրակարանին:

— Աղջիկների շորացուն միշտ ես ինքս եմ գնում էժան շուկայում,— ասաց իշխանուհին, շարունակելով սկսած խոսակցությունը: — Արդյոք պետք չէ՞ հիմա փրփուրը քաշել, աղավնյա՛կս,— ավելացրեց նա, դիմելով Ազաֆյա Միխայլովնային: — Բնավ հարկավոր չէ, որ դու ինքդ անես, հետո՞ շոգ է,— կանգնեցրեց նա Կիտիին:

— Ե՛ս կանեմ,— ասաց Դուլին և վեր կենալով, սկսեց զգուշությամբ տարուբերել գդալը փրփրացող շաքարի մեջ. երբեմն գդալի կպածը պոկելու համար թխկացնում էր գդալը այն ափսեին, որն արդեն պատած էր այլերանգ, դեղնավարդագույն քափով, որի տակից հոսում էր արնագույն շարապ: «Ի՛նչ կլիզեն դա թեյի հետ», մտածեց նա իր երեխաների մասին, հիշելով, թե ինչպե՛ս ինքը երեխա ժամանակ զարմանում էր, որ մեծերը չեն ուտում ամենալավը՝ մուրաբայի քափը:

● Ստիվան ասում է, թե շատ ավելի լավ է դրամ տալ,— շարունակեց Դուլին մինչև այդ սկսած ուշազրավ խոսակցությունն այն մասին, թե ինչպե՛ս ավելի լավ է պարզևտորել սպասավորներին,— բայց...

— Ինչպե՛ս կարելի է դրամ,— միաբերան բացականչեցին իշխանուհին ու Կիտին: — Նրանք գնահատում են հենց այդ:

— Ես, օրինակ՝ անցյալ տարի գնեցի մեր Մատրյոնա Սեմյոնովնայի համար ո՛չ թե «պոպլին»¹, այլ դրա նման մի բան,— ասաց իշխանուհին:

— Հիշում եմ, նա ձեր անվանակոչության օրը հագել էր այդ շորը:

— Շատ գեղեցիկ նախշանկար է. այնպես պարզ և ազնիվ: Ես ինքս ուզում էի կարել ինձ համար, եթե նա շունենար: Վարենկայի շորի պես է: Այնպե՛ս դուրեկան և էժան:

— Ա՛յ, կործեմ հիմա պատրաստ է,— ասաց Դուլին, ծորացնելով շարապը գդալից:

— Երբ կրենդելներ ստացվեն, այն ժամանակ պատրաստ է: Մի քիչ էլ եփեցեք, Ազաֆյա Միխայլովնա:

— Ա՛խ, էդ ճանճերը,— բարկացած ասաց Ազաֆյա Միխայլովնան: — Միևնույնն է լինելու: — ավելացրեց նա:

¹ Կերպաս կտոր:

— Ա՛խ, ինչ սիրուն է, մի՛ վախեցրեք նրան,— հանկարծ ասաց Կիտին, նայելով ճնճողուկին, որը նստեց ցանկապատի վրա և շուտ տալով մորենու միջուկը, սկսեց կտցահարել այն։

— Այո՛, բայց դու հեռացիր կրակարանից,— ասաց մայրը։

— A propos de՛ վարենկա,— ասաց Կիտին ֆրանսերեն, ինչպես և խոսում էին ամբողջ ժամանակ, որպեսզի Ադաֆյա Միխայլովնան չհասկանար նրանց։ — Գիտե՞ք, maman, այսօր չգիտեմ ինչո՛ւ, ես սպասում եմ վճռի։ Հասկանո՞ւմ եք, թե ի՛նչ վճռի։ Ինչ լավ կլիներ։

— Բայց ի՛նչ հմուտ հարսնախոս է,— ասաց Դուլին։ — Ինչպե՛ս զգուշ ու ճարպկորեն մոտեցնում է նրանց...

— Զէ՛, ասացեք, maman, դուք ի՛նչ եք կարծում։

— Է՛հ, ի՛նչ պիտի կարծեմ։ Նա (ճա-ն Սերգեյ Իվանովիչն էր) միշտ կարող էր առաջնակարգ ընտրություն անել Ռուսաստանում. Հիմա արդեն նա այնքան ջահել չէ, բայց համոզված եմ, որ այժմ էլ շատերը սիրով կգնային նրան... Վարենկան շատ բարի է, բայց Սերգեյ Իվանովիչը կարող էր...

— Ո՛չ, մայրի՛կ, հասկացեք, որ և՛ մեկի, և՛ մյուսի համար չի կարելի մտածել ավելի լավ բան։ Առաջին, Վարենկան հիանալի աղջիկ է,— ասաց Կիտին, ծալելով մի մատը։

— Վարենկային նա շատ է հավանում, դա ճիշտ է,— հաստատեց Դուլին։

— Հետո՛ նա այնպիսի դիրք ունի բարձր հասարակության մեջ, որ նրան բնավ պետք չեն ո՛չ իր կնոջ կարողությունը, ո՛չ էլ դիրքը հասարակության մեջ։ Նրան պետք է մի բան՝ լավ, հաճելի, հանգիստ կին։

— Այո՛, Վարենկայի հետ կարելի է հանգիստ լինել,— հաստատեց Դուլին։

— Երրորդ, որ Վարենկան սիրեր նրան։ Այդ էլ կա... Այսինքն՝ դա այնպես լավ կլիներ... Սպասում եմ, որ ահա նրանք կգան անտառից, և ամեն բան կվճռվի։ Ծա անմիջապես կտեսնեմ նրանց աչքերից։ Ծա այնպես ուրախ կլինեի։ Ի՛նչ ես կարծում դու, Դուլի։

— Դու մի՛ հուզվիր։ Բնավ պետք չէ, որ դու հուզվես,— ասաց մայրը։

1 Ի դեպ՝ Վարենկայի մասին։

— Ծա չեմ հուզվում, մայրի՛կ, Ինձ թվում է, որ նա այսօր առաջարկություն կանի։

— Ա՛խ, դա այնպես տարօրինակ է, թե ինչպե՛ս և ե՛րբ տղամարդն առաջարկություն է անում... Կա ինչ-որ արգելք, և հանկարծ փուլ է գալիս այն,— ասաց Դուլին, մտազբաղ ժրպտալով ու հիշելով իր անցյալը Ստեպան Արկադևիչի հետ։

— Մայրի՛կ, հայրիկն ինչպե՛ս առաջարկություն արեց ձեզ,— հարցրեց հանկարծ Կիտին։

— Անսովոր ոչինչ չկար, շատ պարզ,— պատասխանեց իշխանուհին, բայց նրա ամբողջ դեմքը պայծառացավ այդ հիշողությունից։

— Դե, ինչպե՞ս։ Դուք այսուամենայնիվ սիրո՞ւմ էիք նրան, նախքան թույլ տվին ձեզ խոսել։

Կիտին առանձին հաճույք էր զգում այն բանում, որ ինքը այժմ կարող է խոսել կնոջ կյանքում առաջնակարգ նշանակություն ունեցող հարցերի մասին իր մոր հետ, որպես հավասարի հետ։

— Իհարկե սիրում էի. նա գալիս էր մեզ մոտ՝ գյուղ։

— Բայց ինչպե՛ս վճռվեց խնդիրը, մայրի՛կ։

— Դու կարծում ես երևի, որ դուք որևէ նոր բան եք հնարել։ Բոլորը միևնույն ձևով. վճռվեց աչքերով, ժպիտներով...

— Ի՛նչ լավ ասացիք, մայրի՛կ։ Իսկապես որ աչքերով և ժպիտներով,— հաստատեց Դուլին։

— Բայց ի՛նչ խոսքեր էր ասում նա։

— Ի՛նչ խոսքեր էր ասում քեզ Կոստյան,

— Նա գրում էր կավճով։ Դա զարմանալի բան էր... Թվում է, թե շա՛տ վաղուց է կատարվել այդ,— ասաց Կիտին։

Եվ երեք կանայք էլ մտածեցին միևնույն բանի մասին։ Կիտին առաջինը խախտեց լուռությունը։ Նա հիշեց իր ամուսնությանը նախորդող այդ ամբողջ ձմեռը և իր հրապուրվելը Վոոնսկիով։

— Մի բան... Վարենկայի առաջին սիրո կիրքը,— ասաց նա, մտքի բնական կապակցությամբ հիշելով դրա մասին։ Իս ուզում էի մի կերպ ասել Սերգեյ Իվանովիչին, նախապատրաստել նրան։ — Նրանք, բոլոր տղամարդիկ,— ավելացրեց նա,— չափազանց խանդոտ են մեր անցյալի նկատմամբ։

— Ո՛չ բոլորը,— ասաց Դուլին։ — Դու այդպես դատում ես

քո ամուսնով: նա մինչև այսօր տանջվում է Վոռնսկու մասին հիշողությամբ: Այդպես չէ՞: Չէ՞ որ ճիշտ է այդ:

— Ճիշտ է,— պատասխանեց Կիտին, մտազբաղ ժպտալով աչքերով:

— Չգիտեմ, թե քո ո՞ր անցյալը կարող է անհանգստացնել նրան,— պաշտպան հանդիսանալով աղջկա վրա ունեցած իր մայրական հակողությանը՝ ասաց իշխանուհի-մայրը: — Այն, որ Վոռնսկին սիրաթովում էր քեզ, այնպիսի բան է, որ պատահում է ամեն աղջկա հետ:

— Է՛հ, խոսքը դրա մասին չէ,— կարմրելով ասաց Կիտին:

— Ո՛չ, թույլ տուր,— շարունակեց մայրը,— և հետո՞ դու ինքդ չէիր ուզում թույլ տալ ինձ, որ ես խոսեմ Վոռնսկու հետ: Հիշո՞ւմ ես:

— Ա՛խ, մայրիկ,— տանջանքի արտահայտությամբ ասաց Կիտին:

— Այժմ չի կարելի զսպել ձեզ... Քո հարաբերությունները չէին էլ կարող գնալ ավելի հեռուն, քան պետք էր. ես ինքս բացատրության կկանչեի նրան: Սակայն, հոգյա՛կս, քեզ չի՛ կարելի հուզվելու: Խնդրեմ, հիշիր այդ և հանգստացիր:

— Ես բոլորովին հանգիստ եմ, maman:

— Ի՛նչ բախտավոր բան եղավ այն ժամանակ Կիտիի համար, որ եկավ Աննան,— ասաց Դուլլին,— և ի՛նչ դժբախտություն նրա համար: Այսինքն՝ ճիշտ հակառակը,— ավելացրեց նա, զարմացած իր մտքի վրա: — Այն ժամանակ Աննան այնպես բախտավոր էր, իսկ Կիտին իրեն համարում էր դժբախտ: Ինչպես բոլորովին հակառակը եղավ: Ես հաճախ եմ մտածում Աննայի մասին:

— Մտածելու մա՛րդ գտար: Գարշելի, զգվելի կին՝ առանց սրտի,— ասաց մայրը, որը չէր կարողանում մոռանալ, որ Կիտին ամուսնացավ ո՛չ թե Վոռնսկու, այլ Լևինի հետ:

— Ի՛նչ բավականություն դրա մասին խոսելը,— ասաց Կիտին սրտնեղությամբ.— Ես դրա մասին չեմ մտածում և չեմ ուզում մտածել... Եվ չեմ ուզում մտածել,— կրկնեց նա, ականջ դնելով ամուսնու ծանոթ քայլերին՝ տեղասի սանդղաքների վրա:

— Այդ ի՛նչի մասին՝ «և չեմ ուզում մտածել»,— հարցրեց Լևինը, մտնելով տեղաս:

Քայց ոչ որ չպատասխանեց նրան, ու նա շկրկնեց իր հարցը:

— Ես ափսոսում եմ, որ խափանեցի ձեր կանացի Սազավորությունը,— ասաց նա, անբավակասնությամբ դիտելով ամենքին և հասկանալով, որ խոսում էին այնպիսի բանի մասին, ինչ չէին խոսի իր ներկայությամբ:

Մի վայրկյան նա զղաց, որ ինքը համակարծիք է Ազաֆյա Միխայլովնային, որ իրավացի է նրա դժգոհությունը մորին առանց ջրի եփելու և առհասարակ Շչերբացկյան խորթ ազդեցության համար: Սակայն նա ժպտաց ու մոտեցավ Կիտիին:

— Հը՛, ինչպե՛ս է,— հարցրեց նա կնոջը, նայելով նրան նույն այն հայացքով, որով այժմ ամենքը դիմում էին նրան:

— Ոչի՛նչ, հիանալի,— ասաց Կիտին ժպտալով,— իսկ քո գործերը ո՞նց են:

— Երեք անգամ ավելի են կրում, քան սովորական սայլը: Ուրեմն գնամ երեխաների ետևի՛ց: Ես հրամայեցի, որ լծեն:

— Ի՛նչ, դու ուզում ես Կիտիին լինել կայո՞վ տանել,— կըշտամբանքով ասաց մայրը:

— Կըշենք շատ կամաց, իշխանուհի:

Լևինը երբեք չէր կանչում իշխանուհուն maman, ինչպես անում են փեսաները, և այդ անախորժ էր իշխանուհուն: Քայց Լևինը չէր կարող նրան այդպես կանչել, չվիրավորելով դեպի իր մեռած մայրը տածած իր զգացումը, շնայած որ նա շատ սիրում ու հարգում էր իշխանուհուն:

— Գնանք միասին, maman,— ասաց Կիտին:

— Ես չեմ ուզում տեսնել այդ անխոհեմությունները:

— Ես ոտքով կգնամ: Չէ՞ որ դա լավ է ինձ համար: — Կիտին վեր կացավ, մոտեցավ ամուսնուն և բռնեց նրա ձեռքը:

— Լավ է, բայց ամեն բան պիտի շահավոր լինի,— ասաց իշխանուհին:

— Ո՞նց է, Ազաֆյա Միխայլովնա, պատրաստ է մուրաբան,— ասաց Լևինը, ժպտալով Ազաֆյա Միխայլովնային ու ցանկանալով ուրախացնել նրան: — Լա՛վ է նոր ձևով:

— Պետք է, որ լավ լինի: Մեր գիտենալով՝ եփե անցել է:

— Այդպես ավելի լավ է, Ազաֆյա Միխայլովնա. չի թթվի, թե չէ մեր սառույցն արդեն հալվել է, իսկ պահելու տեղ չկա,— ասաց Կիտին, անմիջապես հասկանալով ամուսնու դիտավորությունը և միևնույն զգացումով դիմելով պառավին: — Դրա

փոխարեն, ձեր աղ դրած բաներն այնպես լավն են, որ մայրիկըս ասում է, ո՛չ մի տեղ կերած չկա դրանց նմանը,— ավելացրեց նա, ժպտալով և ուղղելով նրա գլխաշորը:

Ազաֆյա Միխայլովնան բարկացած նայեց Կիտիին:

— Դուք ինձ մի՛ մխիթարեք, տիկին: Ա՛յ հրես, ես նայում եմ ձեզ՝ նրա հետ ու սիրտս ուրախանում է,— ասաց նա և այդ կոպիտ արտահայտությունը՝ նրա նետ, ոչ թե նրանց նետ՝ հուզեց Կիտիին:

— Գնանք մեզ հետ սունկի, դուք մեզ ցույց կտաք սունկերի տեղը:

Ազաֆյա Միխայլովնան ժպտաց, գլուխն օրորեց, կարծես ուզում էր ասել. «Կուզենայի բարկանալ ձեզ վրա, բայց չի կարելի»:

— Խնդրեմ անեք այնպես, ինչպես խորհուրդ տվի ես,— ասաց պառավ իշխանուհին. — մուրաբայի վրայից թուղթ դրեք ու թրջեք ոտով, և երբեք չի բորբոսնի առանց սառույցի:

III

Կիտին առանձնապես ուրախ էր ամուսնու հետ երես առ երես մնալու առթիվ, որովհետև նկատեց, թե ինչպե՛ս տըրտմություն մի սովեր անցավ ամեն բան պարզորեն արտահայտող նրա դեմքի վրայից այն ընդհանր, երբ նա մտավ տեղաս ու հարցրեց, թե ինչի՞ մասին էին խոսում, և նրան չպատասխանեցին:

Երբ նրանք ոտքով առաջ անցան մյուսներից ու տան տեսողությունից դուրս եկան հարթ, փոշոտ և հաճարի հասկերով ու հատիկներով շաղ տված ճանապարհը, Կիտին ավելի ուժգին հենվեց ամուսնու թևին և սեղմեց այն իրեն: Լեկին արգեն մոռացել էր ընդհանր անախորժ տպավորության մասին ու Կիտիի հետ առանձին զգում էր այժմ,— երբ կնոջ հղիության հետ կապված միտքը ոչ մի ընդհանր դուրս չէր գալիս նրա գրկից,— սիրած էակի մոտիկության այն հրճվանքը, որը միանգամայն ազատ էր կրքից և որը նրա համար տակավին նոր էր և ուրախալի: Խոսելու բան չկար, բայց նա ուզում էր լսել կնոջ ձայնի հնչյունը, ինչպես և տեսնել նրա հայացքը, որ փոխվել էր այժմ հղիության ժամանակ: Չայնի, ինչպես և հայացքի

մեջ կար քնքշություն ու լրջություն. նման այն լրջության, որ ունենում են միշտ միևնույն սիրած բանի վրա կենտրոնացած մարդիկ:

— Դու չե՞ս հոգնի այդպես, Հենվիր ավելի,— ասաց Լեկին:

— Ո՛չ, ես այնպես ուրախ եմ, որ քեզ հետ մենսկ մնացի և խոստովանում եմ, որքան էլ լավ է ինձ համար նրանց հետ լինելը, այնուամենայնիվ, ավստոս ձմեռվա մեր երկուսով անցկացրած ևրեկոները:

— Այն լավ էր, Դու սա ավելի լավ է: Երկուսն էլ լավ են,— ասաց Լեկինը, սեղմելով նրա ձեռքը:

— Գիտե՞ս, թե ինչի՞ մասին էինք մենք խոսում. երբ դու մտար:

— Մուրաբայի՞ մասին:

— Այո՛, և՛ մուրաբայի մասին. բայց հետո այն մասին, թե ինչպե՛ս են առաջարկություն անում:

— Ա՛,— ասաց Լեկինը, ավելի շուտ լսելով կնոջ ձայնի հնչյունները, քան նրա ասած բառերը, ամբողջ ժամանակ մտածելով ճանապարհի մասին, որն այժմ անցնում էր անտառով, և խուսափելով այն տեղերից, որտեղ Կիտին կարող էր անհաջող փոխել քայլը:

— Եվ Սերգեյ Իվանովիչի ու Վարենկայի մասին: Դու նկատեցի՞ր... Ես շատ եմ ուզում այդ բանը,— շարունակեց Կիտին:— Ի՞նչ է քո կարծիքը դրա մասին:— Եվ նա նայեց ամուսնու երեսին:

— Չգիտեմ, թե ի՞նչ մտածեմ,— ժպտալով պատասխանեց Լեկինը:— Այդ տեսակետից Սերգեյը շատ տարօրինակ է ինձ համար: Չէ՞ որ ես պատմել եմ...

— Այո՛, որ նա սիրահարված է եղել այն աղջկան, որը մեռել է...

— Դա այն ժամանակ էր, երբ ես երեխա էի, ես դրա մասին գիտեմ ավանդաբար: Ես հիշում եմ նրան այն ժամանակ: Նա զարմանալի սիրահաճո էր: Այն օրից սկսած ես դիտում եմ նրան կանանց շրջանում. նա սիրալիր է, ոմանք նրան դուր են գալիս, բայց զգում ես, որ նրանք նրա համար սոսկ մարդ են, ոչ թե կին:

— Այո՛, բայց այժմ Վարենկայի հետ... կարծես մի բան կա...

— Գուցե և կա... Սակայն պիտի ճանաչել նրան... Նա բռնանձնահատուկ, զարմանալի մարդ է: Նա ապրում է մի-միայն Տոգևոր կյանքով: Նա շափազանց մաքուր ու վեհ հոգու տեր է:

— Ինչպե՞ս: Մի՞թե այդ կատորացնի նրան:

— Ո՛չ, բայց նա այնպես վարժվել է ապրել միայն հոգևոր կյանքով, որ չի կարող հաշտվել իրականության հետ, իսկ վարենկան այսուամենայնիվ իրականությունն է:

Լևինն արդեն վարժվել էր այժմ համարձակորեն ասելու իր միտքը, նեղություն չտալով իրեն՝ ձևավորելու այն ճիշտ բառերով, նա գիտեր, որ կինն այդպիսի սիրային ըրույթներին, ինչպես այժմ, կհասկանա անգամ ակնարկից, թե ի՞նչ է ուզում ասել ինքը, և Կիտին հասկացավ նրան:

— Այո՛, բայց վարենկայի մեջ չկա այն իրականությունը, ինչպես իմ մեջ է. ես հասկանում եմ, որ Սերգեյ Իվանովիչը երբեք չէր սիրի ինձ, բայց վարենկան ամբողջովին հոգևոր էակ է:

— Է՛, ո՛չ, Սերգեյն այնպես սիրում է քեզ, և դա միշտ այնպես հաճելի է ինձ, որ սիրում եմ քեզ...

— Այո՛, նա բարի է իմ հանդեպ, բայց...

— Բայց ո՛չ այնպես, ինչպես հանգուցյալ Նիկոլենկան... Կուր սիրեցիք իրար, — վերջացրեց Լևինը: — Ինչո՞ւ չասել, — ավելացրեց նա: — Ծն երբեմն հանդիմանում եմ ինձ. կվերջանա նրանով, որ մարդ կմոռանա: Ա՛խ, ի՞նչ սոսկալի և հիանալի մարդ էր նա... Հա՛, ինչի՞ մասին էինք խոսում, — ասաց Լևինը քիչ լռությունից հետո:

— Դու կարծում ես, որ Սերգեյ Իվանովիչը չի՞ կարող սիրահարվել, — ասաց Կիտին, թարգմանելով իր լեզվով:

— Ոչ թե չի կարող սիրահարվել, — ժպտալով ասաց Լևինը, — այլ նա չունի այն թուլությունը, որը պետք է... Ծն միշտ նախանձում էի նրան և նույնիսկ այժմ, երբ ես այնպես երջանիկ եմ, դարձյալ նախանձում եմ նրան:

— Նախանձում ես, որ նա չի կարող սիրահարվե՞լ:

— Ծն նախանձում եմ այն բանին, որ նա ինձնից ավելի լավն է, — ժպտալով ասաց Լևինը: — Նա ապրում է ո՛չ իր համար: Նրա ամբողջ կյանքը ենթարկված է պարտքի գիտակ-

ցություն: Այդ իսկ պատճառով նա կարող է լինել հանգիստ և գոհ:

— Իսկ դո՞ւ, — ասաց Կիտին ծաղրական, գորովալից ժպտալով:

Կիտին ոչ մի կերպ չէր կարող արտահայտել իր մտքերի այն ընթացքը, որն ստիպում էր իրեն ժպտալ. բայց վերջին հետևությունն այն էր, թե իր ամուսինը, որ հիանում էր եղբորով և իրեն նվաստացնում էր նրա առաջ, անկեղծ չէր: Կիտին գիտեր, որ նրա այդ ո՛չ-անկեղծությունն առաջանում էր դեպի եղբայրը տածած սիրուց, խիղճն իրեն տանջելու զգացումից, որ ինքը շափազանց երջանիկ է, և մանավանդ ավելի լավ լինելու ցանկությունից. մի բան, որ երբեք չէր լքում նրան — նա սիրում էր այդ գիծն իր ամուսնու մեջ, ուստի ժպտում էր:

— Իսկ դո՞ւ: Ինչի՞ց ես դու դժգոհ, — հարցրեց Կիտին միևնույն ժպտով:

Լեինի ինքն իրենից դժգոհ լինելու խնդրում Կիտի անվրատահությունը ուրախացնում էր նրան, և նա անգիտակցաբար դրդում էր կնոջը, որ արտահայտի իր անվստահության պատճառները:

— Ծն բախտավոր եմ, բայց դժգոհ եմ ինքս ինձնից... — ասաց Լևինը:

— Հապա էլ ինչպե՞ս կարող ես դժգոհ լինել. եթե բախտավոր ես:

— Այսինքն՝ ինչպե՞ս ասեմ... Ծն սրտանց ոչինչ չեմ ցանկանում, բացի մի բանից, որ դու ահա չսայթաքես: Ա՛խ, չէ՞ որ չի կարելի այդպես ցատկել, — ընդհատեց նա իր խոսակցությունը կշտամբանքով, երբ Կիտին արեց շափազանց արագ շարժում, անցնելով շավիղին ընկած ճյուղի վրայից: — Բայց երբ ես դատում եմ իմ մասին ու համեմատում ինձ ուրիշների հետ, մանավանդ եղբորս հետ, զգում եմ, որ ես վատն եմ:

— Բայց ինչո՞վ ես վատ, — շարունակեց Կիտին նույն ժպտով: — մի՞թե դու նույնը չես անում ուրիշների համար: Ե՛վ քո ազարակները, և՛ քո տնտեսությունը: և՛ քո գիրքը...

— Ո՛չ, ես զգում եմ, մանավանդ, այժմ, դո՞ւ ես մեղավոր, — ասաց Լևինը, սեղմելով նրա ձեռքը, — որ այդ այն չէ: Ես այդ անում եմ հենց այնպես, թեթևակի: Եթե կարողանայի

սիրել այդ ամբողջ գործը, ինչպես սիրում եմ քեզ... թե չէ՝ վերջերս ես այդ անում եմ ինչպես ինձ տրված դաս:

— Հապա ի՞նչ կասես դու հայրիկիս մասին, — հարցրեց Կիտին: — Ուրեմն, ի՞նչ, նա՞ էլ վատ է, որովհետև ոչինչ չի արել ընդհանուր գործի համար:

— Նա՞, ո՞չ: Բայց պետք է ունենալ այն պարզությունը, պայծառությունը, բարությունը, որ ունի ջո հայրը, իսկ ես արդյոք ունե՞մ այդ: Ես չեմ անում և տանջվում եմ: Այս բուռը դո՞ւ արիր: Երբ դու չկայիր և դեռ չկար այդ, — ասաց նա, հայացքը գցելով կնոջ փորին (Կիտին հասկացավ նրա ակնարկը), — ես իմ ամբողջ ուժը դնում էի գործի մեջ, իսկ հիմա չեմ կարող, և ճնշվում եմ. ես անում եմ իսկապես այնպես, ինչպես պատրաստում են տված դասը, ես ձևանում եմ...

— Իսկ դու կուզենայի՞ր այժմ փոխանակվել Սերգեյ Իվանովիչի հետ, — հարցրեց Կիտին: — Կուզենայի՞ր անել այդ ընդհանուր գործը և սիրել այդ տված դասը, ինչպես նա. և ուրիշ ոչի՞նչ:

— Իհարկե, ո՞չ, — ասաց Լևինը: — Բայց ես այնպես երջանիկ եմ, որ ոչինչ չեմ հասկանում: Իսկ դու կարծում ես, որ այսօր նա առաջարկություն կանի, — ավելացրեց Լևինը քիչ լուռությամբ հետո:

— Ե՛վ կարծում եմ, և՛ չեմ կարծում: Միայն ես սաստիկ ուզում եմ այդ: Կա՛ց: — Կիտին կռացավ ու պոկեց ճանապարհի եզրին բուսած վայրի երիցուկը: — Հապա՛, համբիր — առաջարկություն կանի, չի՞ անի, — ասաց նա, ծաղիկը տալով ամուսնուն:

— Կանի, չի՞ անի — ասում էր Լևինը, պոկելով սպիտակ նեղ ակոսամեջ թերթիկները:

— Ո՛չ, ո՞չ, — բռնելով նրա ձեռքը, կանգնեցրեց նրան Կիտին, որ հուզմունքով հետևում էր նրա մատներին: — Դու երկուսը պոկեցիր:

— Բայց դրա փոխարեն այդ փոքրիկը հաշվի չէ, — ասաց Լևինը, պոկելով կարճ, թերաճ թերթիկը: — Ահա հասավ մեզ և լինելու:

- Դու չհոգնեցի՞ր, Կիտի, — ձայնեց իշխանուհին:
- Ամենևին:

— Թե չէ՛ նստիր, էթե ձիերը հանգիստ են, և դանդաղ կգնան:

Բայց շարժեր նստել, արդեն մոտ էո. և ամենձո անադին ոտքով:

IV

Վարենկան շատ գրավիչ էր սև մազերին կապած իր սպիտակ թաշկինակով, շրջապատված երեխաներով, բարեսրտորեն ու խնդադին զբաղված նրանցով և, ակնհայտորեն, հուզված իրեն դուր եկող տղամարդու հետ բացատրվելու հնարավորությամբ: Սերգեյ Իվանովիչը քայլում էր նրա կողքով և անդադար հիանում նրանով: Նայելով նրան, Սերգեյ Իվանովիչը հիշում էր այն բուռը հաճելի խոսքերը, որ լսել էր նրանից, այն ամբողջ լավը, որ գիտեր նրա մասին, և ավելի ու ավելի գիտակցում էր, թե այն զգացումը, որ ինքը տածում էր դեպի նա, առանձնահատուկ զգացում էր, որ վաղուց, շատ վաղուց և մի անգամ միայն ունեցել էր ինքը, իր առաջին երիտասարդության օրերին: Նրա մտտիկությունից առաջացած ուրախության զգացումը շարունակ ուժեղանալով, հասավ մինչ այն աստիճան, որ դնելով նրա զամբյուղի մեջ իր գտած կեչիի սունկը՝ բարակ արմատով ու ետ ծալված ափերով, նայեց նրա աչքերին և նկատելով նրա դեմքը պատած ուրախության ու վախի հուզման կարմրությունը, շփոթվեց և լուռ ժպտաց նրան այնպիսի ժպտով, որը շափազանց շատ բան էր ասում:

«Եթե այդպես է, — ասաց Սերգեյ Իվանովիչն ինքն իրեն, — ես պետք է կշռադատեմ ու վճռեմ, և ո՞չ թե երեխայի պես անձնատուր լինեմ ըրպեի հրապուրանքին»:

— Գնամ այժմ ամենքից անկախ սունկ հավաքելու, թե չէ՛ նկատելի չէ իմ ձեռք բերածը, — ասաց նա և մեծ-մեծակ գնաց անտառի եզրից, որտեղ նրանք քայլում էին թավշյա ցածր խոտերի վրայով՝ հին, ցանցառ կեչիների արանքում, գնաց դեպի անտառի մեջտեղը, որտեղ սպիտակ կեչիների միջին երևում էին կաղամախի գորշ բները և սևին տալիս կաղնուտի թփերը: Հեռանալով մոտ 40 քայլ ու մտնելով ամբողջովին ծաղկած իլենու թփի ետևը, վարդագույն-կարմիր գինդերով,

Սերգեյ Իվանովիչը կանգ առավ, համոզված, որ իրեն չեն տեսնում: Նրա շուրջը տիրում էր կատարյալ անդորրություն: Միայն կեչիների վերևում, որոնց տակ կանգնած էր նա, մեղունների պարսի նման անլուելի աղմկում էին ճանճերը, և երբեմն-երբեմն լսվում էին երեխաների ձայները: Հանկարծ, անտառի ծայրից ո՛չ հեռու, հնչեց վարենկայի կոնտրալտո ձայնը, որ կանչում էր Գրիշային, և Սերգեյ Իվանովիչի դեմքին փայլեց խնդազին ժպիտ: Գիտակցելով այդ ժպիտը, Սերգեյ Իվանովիչը բացասաբար ճոճեց գլուխն իր այս կացության առթիվ և հանելով մի սիգար, սկսեց վառել: Նա երկար ժամանակ չէր կարողանում վառել լուցկին՝ քսելով կեչիի բնին: Սպիտակ կեղևի վարի շերտը պոկում էր ֆոսֆորը, և կրակը հանգչում էր: Վերջապես լուցկիներից մեկը վառվեց, և սիգարի անուշաբույր ծուխը երերուն, լայն սփռոցի նման որոշակի ձգվեց առաջ ու վեր՝ թփի վրա, կեչիի կախ ընկած ոստերի տակ: Լեռքերով հետևելով ծխի շերտին, Սերգեյ Իվանովիչը գնաց հանգարտ քայլերով, կռադատելով իր կացությունը:

Ժխկ ինչո՞ւ ո՛չ,— մտածում էր նա:— Եթե դա լիներ միայն բռնկում կամ կիրք, թե ես զգայի միայն այդ սիրահակումը՝ այդ փոխադարձ սիրահակումը (ես կարող եմ ասել փոխադարձ), բայց զգայի, որ այդ դեմ է գնում իմ կյանքի ամբողջ հղանակին, եթե ես զգայի, որ անձնատուր լինելով իմ սիրահակումին, դավաճանում եմ իմ կոչումին ու պարտքին... բայց այս տեսակ բան չկա: Դեմ ասելիք միակ բանն այն է, որ կորցնելով Marie-ին, ես ասում էի ինքս ինձ, որ հավատարիմ կմնամ նրա հիշատակին: Միակ բանն այն է, որ կարող եմ ասել իմ զգացման դեմ... այդ կարևոր է,— ասում էր Սերգեյ Իվանովիչն ինքն իրեն, միաժամանակ զգալով, որ անձամբ իր համար այդ նկատառումը չէր կարող ունենալ ո՛չ մի կարևորություն, այլ գուցե թե միայն փչացներ իր պոետիկ դերը ուրիշների աչքում: Բայց, դրանից զատ, ինչքան էլ փնտրեմ, ուրիշ ոչինչ չեմ գտնի առարկելու զգացմանս դեմ: Եթե ես ընտրություն անեի միայն բանականությամբ, չէի կարող գտնել ոչինչ ավելի լավ:

Ինչքան նա հիշում էր իր ճանաչած կանանց և աղջիկներին, չէր կարողանում մտաբերել այնպիսի մի աղջկա, որն այդ աստիճան համախմբեր իր մեջ, բոլոր, այո՛, իսկապես բոլոր,

այն հատկությունները, որ նա, սառը դատելով, կկամենար տեսնել իր կնոջ մեջ: Վարենկան ուներ երիտասարդության ամբողջ հրապույրն ու թարմությունը, բայց երեխա չէր, և եթե սիրում էր նրան՝ Սերգեյ Իվանովիչին, սիրում էր գիտակցաբար, ինչպես պետք է սիրի կին էակը. դա հարցի մի կողմն էր: Մյուսը՝ Վարենկան ո՛չ միայն հեռու է նրբակիրթ աշխարհիկ կյանքի, այլև ակնհայտ կերպով զզվանք է տածում դեպի բարձր հասարակությունը, միաժամանակ ճանաչելով այդ հասարակությունը և ունենալով լավ հասարակության պատկանող կնոջ այն բոլոր վարվելաձևերը, առանց որոնց Սերգեյ Իվանովիչի համար աներևակայելի էր կյանքի ընկերուհին: Երրորդ՝ Վարենկան կրոնասեր էր, բայց ոչ երեխայի պես անգիտակից կրոնասեր, ու բարի, ինչպես էր, օրինակ՝ Կիտին, այլ նրա կյանքը հիմնված էր կրոնական համոզմունքների վրա: Նույնիսկ մանր բաներում Սերգեյ Իվանովիչը գտնում էր նրա մեջ այն բոլորը, ինչ պահանջում էր կնոջից, նա աղքատ ու միայնակ աղջիկ էր, այնպես որ նա իր հետ չէր բերի իր ամուսնու տունը բազմաթիվ ազգականներ ու նրանց ազդեցությունը. ինչպես այդ տեսնում էր Կիտիի օրինակով, այլ ամեն բանով պարտավոր կլիներ ամուսնուն, մի բան, որ ինքը միշտ էլ ուզում էր իր ապագա ընտանեկան կյանքի համար: Եվ այդ աղջիկը, որ համախմբել էր իր մեջ այս բոլոր հատկությունները, սիրում էր նրան: Սերգեյ Իվանովիչը համեստ էր, բայց չէր կարող շտեմնել այդ: Եվ նա սիրում էր Վարենկային: Դեմ էր միայն մի նկատառում՝ Սերգեյ Իվանովիչի տարիքը: Բայց նրա ցեղը երկարակյաց է, նա չունեի ո՛չ մի սպիտակ մազ, ոչ ոք նրա տարիքը քառասուն չէր համարում, և նա հիշում էր, որ Վարենկան ասում էր, թե հիսուն տարեկան մարդիկ իրենց ծեր են համարում միայն Ռուսաստանում, մինչդեռ Ֆրանսիայում հիսնամյա մարդը իրեն համարում է dans la force de l'age¹, իսկ քառասուն տարեկանը՝ un jeune homme², բայց ի՞նչ էր նշանակում տարիների թիվը, երբ իրեն զգում էր հոգով երիտասարդ, ինչպես էր դրանից քսան տարի առաջ: Մի՞թե երիտասարդություն չէր այն զգացումը,

¹ Մազկուն հասակում:

² Երիտասարդ:

որ նա ունեւր, այժմ, երբ մյուս կողմից դուրս գալով նորից անտառի ափը, նա տեսավ արևի շեղ ճառագայթների պայծառ լույսի մեջ Վարենկայի նազելի ֆիգուրը՝ դեղին զգեստով ու զամբյուղը ձեռքին, հին կեշիի բնի մոտով թեթև քայլերով անցնելիս, և երբ Վարենկայի տեսքի այդ տպավորությունը ձուլվեց իր գեղեցկությանը նրան զարմացնող՝ շեղ ճառագայթներով ողողված՝ դեղնող վարսակի արտի և արտից այն կողմ կապույտ հեղուկ մեջ հալվող, դեղնությունը երփնեբանգ, հեռավոր, հին անտառի տեսքի հետ։ Նրա սիրտը սեղմվեց խնդազին։ Գորովի զգացումը համակեց նրան։ Նա զգաց, որ ինքը վճռեց։ Վարենկան, որ հենց նոր շոքեց, որ վերցնի սունկը, ճկուն շարժումով բարձրացավ ու նայեց շուրջը։ Գցելով սիգարը, Սերգեյ Իվանովիչը վճռական քայլերով գնաց դեպի նա։

V

«Վարվառա Անդրեևնա, երբ ես դեռ շատ ջահել էի, ես կազմեցի ինձ համար կնոջ իդեալ, որին ես կսիրեմ ու որին երջանիկ կլինեմ անվանելու իմ կյանքում։ Ես ապրել եմ մի երկար կյանք և այժմ առաջին անգամ հանդիպեցի հանձին ձեզ այն կնոջը, որին փնտրում էի։ Ես սիրում եմ ձեզ և առաջարկում եմ ձեզ իմ ձեռքը»։

Սերգեյ Իվանովիչն ասում էր ինքն իրեն դա այն ժամանակ, երբ արդեն գտնվում էր Վարենկայից տասը քայլի վրա։ Մունկ չոքելով ու պաշտպանելով սունկը Գրիշայից, Վարենկան կանչում էր փոքրիկ Մաշային։

— Այստե՛ղ, այս կո՛ղմ, փոքրիկներ. շատ կա,— ասում էր նա իր կրծքային անուշ ձայնով։

Տեսնելով մոտեցող Սերգեյ Իվանովիչին, Վարենկան շարժարացավ ու չփոխեց իր դիրքը. բայց ամեն ինչ ասում էր նրան, որ Վարենկան զգում էր նրա մոտենալը և ուրախ է նրան տեսնելու համար։

— Ինչպե՞ս է, որևէ բան գտա՞ք,— հարցրեց Վարենկան, սպիտակ թաշկինակի միջից շուռ տալով դեպի նա իր գեղեցիկ, լուռ ժպտացող դեմքը։

— Ո՛չ մի հատ,— ասաց Սերգեյ Իվանովիչը։— Իսկ դու՞ք։

Վարենկան չպատասխանեց նրան, զրազված իրեն շրջապատող երեխաներով։

— Այս էլ, ա՛յ, ուստի մոտ,— նշեց Վարենկան փոքրիկ Մաշային փոքրիկ մի ազարիկոն, որն իր առածիզ վարդագույն գրակի լայնությունը կտրված էր շոր խոտով, որի տակից դուրս էր սրծել այն։ Վարենկան վեր կացավ, երբ Մաշան բարձրացրեց ազարիկոնը, կիսելով երկու սպիտակ մասի։— Այդ ինձ հիշեցնում է իմ մանկությունը,— ավելացրեց նա, Սերգեյ Իվանովիչի հետ հեռանալով երեխաներից։

Նրանք լուռ անցան մի քանի քայլ։ Վարենկան տեսնում էր, որ նա ուզում է խոսել, ու հասկանում էր, թե ինչի՛ մասին և նվազում էր ուրախության հուզումից ու վախից։ Նրանք գնացին այնքան հեռու, որ ոչ ոք այլևս չէր կարող լսել նրանց, բայց Սերգեյ Իվանովիչը դեռ չէր սկսում խոսել։ Վարենկայի համար ավելի լավ էր լսելը։ Լուսնային հետո կարելի էր ավելի հեշտությունը ասել այն, ինչ ուզում էին նրանք ասել, քան սունկերի մասին խոսելուց հետո. բայց իր կամքին հակառակ, կարծես պատահաբար, Վարենկան ասաց։

— Ուրեմն՝ դուք ոչինչ չգտա՞ք։ Ասենք, անտառի մեջտեղը միշտ քիչ է լինում։

Սերգեյ Իվանովիչը հառաչեց ու ոչինչ չպատասխանեց, նա սրտնեղեց, որ Վարենկան խոսք արեց սունկերի մասին. Սերգեյ Իվանովիչն ուզում էր վերադարձնել նրան դեպի առաջին խոսքերը, որ նա ասաց իր մանկության մասին. բայց կարծես թե իր կամքին հակառակ՝ մի պահ լուելուց հետո, իր դիտողությունն արեց նրա վերջին խոսքերի առթիվ։

— Ես լսել եմ, որ սպիտակ սունկերը լինում են գլխավորապես անտառի ծայրին, թեպետև չեմ կարողանում տարբերել սպիտակը։

Անցավ էլի մի քանի րոպե. նրանք ավելի հեռացան երեխաներից ու բոլորովին մենակ էին։ Վարենկայի սիրտը թպրտում էր, այնպես որ նա լսում էր իր սրտի զարկերի ձայնը և զգում, որ կարմրում է, գունատվում և նորից կարմրում։

Տիկին Շտալի մոտ ունեցած իր դրուժյունից հետո լինել այնպիսի մարդու կին, ինչպիսին էր Կոզնիշևը, Վարենկային թվում էր գերբըջանկություն։ Բացի դրանից, Վարենկան համարյա հավատացած էր, որ ինքը սիրահարված է նրան։ Եվ

այժմ պետք է վճռվեր այդ: Վարենկան սարսափում էր: Նրա համար սարսափելի էր թե՛ այն, ինչ կասի Սերգեյ Իվանովիչը, թե՛ այն, ինչ չի ասի նա:

Հարկավոր էր բացատրվել ա՛յժմ, կամ երբե՛ք. այդ զգում էր նաև Սերգեյ Իվանովիչը: Ամեն ինչ Վարենկայի հայացքի, կարմրության, կախ զցած աչքերի մեջ ցույց էր տալիս հիվանդագին սպասողականություն: Սերգեյ Իվանովիչը տեսնում էր այդ ու խղճում էր նրան: Նա զգում էր նույնիսկ, որ ոչինչ չասել ա՛յժմ, նշանակում է՝ վիրավորել նրան: Նա իր մտքում կրկնում էր բոլոր փաստարկները, հօգուտ իր որոշման: Նա կրկնում էր ինքն իր մեջ նաև այն խոսքերը, որոնցով ուզում էր արտահայտել իր առաջարկությունը. բայց այդ խոսքերի փոխարեն, իր գլուխն եկած ինչ-որ անսպասելի նկատառումով, նա հանկարծ հարցրեց.

— Ի՞նչ տարբերություն կա սպիտակ և կեչիի սունկերի միջև:

Վարենկայի շուրթերը դողում էին հուզմունքից, երբ նա պատասխանեց.

— Գղակի մեջ համարյա ո՛չ մի, տարբերությունն արմատի մեջ է:

Սվ հենց որ ասվեցին այս խոսքերը, թե՛ մեկը, թե՛ մյուսը հասկացան, որ բանը վերջացած է, որ չի ասվի այն, ինչ պետք է ասվեր, և սկսեց հանդարտել նրա հուզմունքը, որը դրանից առաջ հասել էր բարձրագույն աստիճանի:

— Կեչիի սունկն այն է, որի արմատը հիշեցնում է բրյունետի երկու օր չածխլած մորուք,— ասաց Սերգեյ Իվանովիչն արդեն հանդարտված:

— Այո՛, ճիշտ է այդ,— ժպտալով պատասխանեց Վարենկան, և ակամա փոխվեց նրանց զբոսանքի ուղղությունը: Նրանք սկսեցին մոտենալ երեխաներին: Վարենկան և՛ վշտանում էր, և՛ ամաչում, բայց դրա հետ միասին զգում էր նաև թեթևություն:

Վերադառնալով տուն ու մրտակելով բոլոր փաստարկները, Սերգեյ Իվանովիչը գտավ, որ ինքը սխալ էր դատում: Նա չէր կարող դավաճանել Marie-ի հիշատակին:

— Կամա՛ց, երեխայք, կամա՛ց,— բղավեց Լևինը երեխաների վրա նույնիսկ բարկացած. կանգնելով կնոջ առաջ, որ-

պեսզի պաշտպանի նրան, երբ երեխաների բազմությունը ճվճվոցով վազեց նրանց ընդատաչ:

Երեխաներից հետո անտառից դուրս եկան նաև Սերգեյ Իվանովիչն ու Վարենկան: Պետք չէր, որ Կիտին հարցնեք Վարենկայի: Նա երկուսի զեմքերի հանգիստ և մի փոքր ամոթահար արտահայտությունից հասկացավ, որ իր ծրագրերը չիրագործվեցին:

— Հը՛, ինչպե՞ս է,— հարցրեց նրան ամուսինը, երբ նրանք նորից վերադառնում էին տուն:

— Զի բանում,— ասաց Կիտին, իր ժպիտով ու խոսելու եղանակով հիշեցնելով հորը, մի բան, որ հաճախ բավականություն վայելում էր նրա մեջ Լևինը:

— Ինչպե՞ս թե չի բռնում:

— Ահա այսպես,— ասաց Կիտին, վերցնելով ամուսնու ձևաճր և մոտեցնելով բերանին ու դիպչելով նրան փակ շուրթերով:— Ճիշտ այնպես, ինչպես համբուրում են եպիսկոպոսի աչք:

— Իսկ որի՞նը չի բռնում,— ասաց Լևինը ծիծաղելով:

— Երկուսինն էլ: Մինչդեռ, պետք է ա՛յ այսպես...

— Մուժիկներ են գալիս...

— Ո՛չ, նրանք չտեսան:

VI

Երեխաների թեյի ժամանակ մեծերը նստել էին պատըշ-գամբում և զրույց էին անում այնպես, կարձեռ ոչինչ չէր պատահել. թեև ամենքը, մանավանդ Սերգեյ Իվանովիչն ու Վարենկան, շատ լավ էլ գիտեին, որ պատահել է թեպետև բացասական, բայց շատ կարևոր դեպք: Նրանք երկուսն էլ ունեին միակերպ զգացում, նման այն զգացման, որ ունենում է անհաջող քննությունից հետո դպրոցից ընդմիշտ հեռացված, կամ նույն դասարանում մնացած աշակերտը: Բոլոր ներկա եղողները նույնպես զգալով, որ մի բան է պատահել, աշխուժորեն խոսում էին կողմնակի նյութերի մասին. Լևինը և Կիտին այս երեկո զգում էին իրենց առանձնապես երջանիկ ու սիրազեղ, համերաշխ: Այն, որ նրանք երջանիկ էին իրենց սիրով, պարունակում էր իր մեջ անախորժ ակնարկ

նրա՛նց հասցեին, ու՛րբեր ուղում էին նույն բանը ու շէին կա-
րող, և նրանք ճնշվում էին:

— Հիշեցեք իմ խոսքը՝ Alexandre-ն չի գա,— ասաց պա-
ռավ իշխանուհին:

Այսօր երեկոյան գնացքով սպասում էին Ստեփան Արկա-
ղևիչին: Եվ ծերունի իշխանը գրում էր, թե կարող է պատա-
հել, որ ինքն էլ գա:

— Եվ ես պիտեմ, թե ինչու՛ չի գա,— շարունակեց իշ-
խանուհին.— նա ասում է, որ շահելներին միառժամանակ
պետք է մենակ թողնել սկզբում:

— Հայրիկն առանց այդ էլ թողել է մեզ: Մենք նրան շնք
տեսել,— ասաց Կիս.Քնի:— Եվ հետո ի՞նչ շահելներ ենք մենք:
Մենք արդեն այնպես ծերացել ենք:

— Եթե միայն նա չգա, ես էլ հրաժեշտ կտամ ձեզ, գա-
վակներս,— ասաց իշխանուհին տխուր հառաչելով:

— Է՛հ, մայրի՛կ, ի՞նչ պատահեց ձեզ,— հարձակվեցին
նրա վրա երկու աղջիկները:

— Սի մտածիր, թե ի՞նչ վիճակումն է նա: Չէ՞ որ այժմ...

Եվ հանկարծ բոլորովին անսպասելի կերպով դողաց պա-
ռավ իշխանուհու ձայնը: Աղջիկները լռեցին ու նայեցին
իրար: «Maman միշտ կգտնի իր համար որևէ տխուր բան»,
ասին նրանք այդ հայացքով: Նրանք չգիտեին, թե ինչքան էլ
լավ զգար իրեն իշխանուհին իր աղջկա մոտ, ինչքան էլ իրեն
պետքական համարեր այստեղ, նա տանջալից տխրում էր
թե՛ իր, թե՛ ամուսնու համար այն օրից, երբ նրանք
ամուսնացրին իրենց վերջին աղջկան, և ընտանեկան բույնը
դատարկվեց:

— Ի՞նչ եք ուզում, Ազաֆյա Միխայլովնա,— հարցրեց
հանկարծ Կիտին խորհրդավոր տեսքով ու նշանակալից դեմ-
քով կանգ առած Ազաֆյա Միխայլովնային:

— Ընթրիքի մասին:

— Հրաշալի բան,— ասաց Գոլլին,— դու գնա կարգադրիր,
բայց ես գնամ և Գրիշայի հետ կրկնեմ դասը: Թե չէ՛ նա
այսօր ոչինչ չի արել:

— Այդ ինձ խրատ: Ո՛չ, Գոլլի, ե՛ս կգնամ,— ասաց
Լեինը, տեղից վեր թռչելով:

Գրիշան, որ արդեն մտել էր գիմնազիա, ամուսնը պետք է

կրկներ դասերը: Դարյա Ալեքսանդրովնան, որ դեռ Մոսկվա-
յում որդու հետ միասին անցնում էր լատիներեն, գալով Լեին-
ների մոտ՝ օրենք սահմանեց իր համար՝ օրվա մեջ գեթ մի
անգամ նրա հետ կրկնելու ամենադժվար դասերը թվարա-
նությունից և լատիներենից: Լեինը ցանկություն հայտնեց
փոխարինել Գոլլիին. բայց մայրը մի անգամ լսելով Լեինի
դասը և նկատելով, որ դա այնպես չի արվում, ինչպես
կրկնում էր Մոսկվայում ուսուցիչը, բաշվելով ու աշխատելով
չվիրավորել Լեինին, վճռականապես ասաց նրան, թե պետք
է անցնել զրքով այնպես, ինչպես անցնում էր ուսուցիչը և
ավելի լավ է. եթե ինքն անֆ այդ բանը, Լեինը սրտնեղեց
Ստեփան Ար՝ աղևիչից այն բանի համար, որ իր անփութու-
թյան պատճառով ոչ թե նա ինքը, այլ մայրն էր զբաղվում դա-
սավանդան հսկողությամբ, որից մայրը ոչինչ չէր հասկա-
նում, ապա զայրանում էր ուսուցիչների վրա, որ այնպես վատ
են սովորեցնում երեխաներին. բայց բնուն խոստացավ ու-
սուցումը տանել այնպես, ինչպես նա էր ուզում: Եվ Լեինը
շարունակում էր պարապել Գրիշայի հետ ո՛չ թե իր մեթոդով,
այլ զրքով, այս պատճառով էլ պարապում էր ո՛չ սիրով և
հաճախ մոռանում էր դասի ժամանակը: Այդպես էր նաև
այսօր:

— Ո՛չ, ե՛ս կգնամ, Գոլլի, դու նստիր,— ասաց նա:—
Մենք բոլորը կանենք կարգով, զրքով: Միայն երբ Ստիվան
գա, գնանք որսի, այն ժամանակ արդեն բաց կթողնենք:

Եվ Լեինը գնաց Գրիշայի մոտ:

Նույն բանն ասաց Վարենկան Կիտիին: Վարենկան Լեին-
ների երջանիկ, բարեկարգ տանը ևս կարողացավ օգտա-
կար լինել:

— Ես ընթրիք կպատվիրեմ, իսկ դուք նստեք,— ասաց նա
ու վեր կացավ և մոտեցավ Ազաֆյա Միխայլովնային:

— Այո՛, այո՛, երևի ճտեր շեն գտել: Այդ դեպքում մե-
րոնցից...— ասաց Կիտին:

— Մենք կտնօրինենք Ազաֆյա Միխայլովնայի հետ,— և
Վարենկան գնաց, անհայտացավ նրա հետ:

— Ի՞նչ հաճելի աղջիկ է,— ասաց իշխանուհին:

— Ո՛չ թե հաճելի, այլ այնքան հրաշալի, որի նմանը չեմ
գտնի:

— Ուրեմն, դուք այսօր սպասում եք Ստեպան Արկադևիչին,— ասաց Սերգեյ Իվանովիչը, հայտնապես չկամենալով շարունակել խոսակցությունը Վարենկայի մասին:— Դժվար է գտնել երկու քենակալներ, որ այնպես քիչ նման լինեն իրար,— ասաց նա նուրբ ժպիտով. մեկը շարժուն է, որ ապրում է միայն հասարակության մեջ, ինչպես ձուկը՝ ջրում. մյուսը՝ մեր Կոստյան՝ կայտառ, աշխույժ, ամեն բանի հանդեպ նրբազգաց, բայց հենց որ ընկնում է հասարակության մեջ, կամ մարում է, կամ անմտաբար թպրտում, ինչպես ձուկը գետնի վրա:

— Այո՛, նա թեթևամիտ է շատ,— ասաց իշխանուհին, գիմելով Սերգեյ Իվանովիչին:— Ես իսկապես ուզում էի խընդրել ձեզ, որպեսզի դուք ասեիք նրան, որ սրա համար (նա նշեց Կիտին) անհնարին է մնալ այստեղ, որ անպայման պետք է գնալ Մոսկվա: Նա ասում է, որ բժիշկ կհրավիրի...

— Maman, նա ամեն բան կանի, նա ամեն բանի համար, որ մայրն այդ գործում դատավոր է կանչում Սերգեյ Իվանովիչին:

Նրանց խոսակցության կեսին, ծառուղում լսվեց ձիերի ֆոնշոց և խճաքարերի վրա անիվների ղղրղյուն:

Մինչ վեր կկենար Դուլին, որ ընդառաջ գնա ամուսնուն, երբ ցածրում, այն սենյակի պատուհանից, որտեղ սովորում էր Գրիշան, դուրս թռավ Լեինը և ցած իջեցրեց Գրիշային:

— Ստիվան է,— պատշգամբի տակից բղավեց Լեինը:— Մենք վերջացրինք, Դուլի, մի՛ վախենար,— ավելացրեց նա, և երեխայի պես վազեց կառքին ընդառույց:

— Is ea, id, ejus, ejus, ejus¹,— բղավում էր Գրիշան, թռչկոտելով ծառուղում:

— Եվ էլի մի մարդ: Հավանորեն հայրիկն է,— բղավեց Լեինը, կանգ առնելով ծառուղու մոտ:— Կիտի, մի՛ իջի՛ր զատիթափ սանդուղքով. գնա շուրջանակի:

Բայց Լեինը սխալվեց, ծերունի իշխանի տեղ ընդունելով այն մարդուն, որ նստած էր կառքում: Երբ նա մոտեցավ կառքին, տեսավ Ստեպան Արկադևիչի կողքին ո՛չ թե իշխանին,

այլ մի գեղեցիկ, հաստ երիտասարդի, գլխին շոտլանդական ֆասակ՝ երկարածայր ժապավեններով: Դա Վասենկա Վեսլովսկին էր, Շչերբացկիների ազգականը, պետերբուրգյան-մոսկովյան փայլուն երիտասարդներից, «հիանալի տղա և մոլի որսորդ», ինչպես ներկայացրեց նրան Ստեպան Արկադևիչը:

Բնավ շշտոթված այն հիասթափությունից, որ նա առաջացրեց, փոխարինելով իրենով ծերունի իշխանին, Վեսլովսկին ուրախ բարևեց Լեինին, հիշեցնելով իրենց նախկին ծանոթությունը և Գրիշային վերցնելով կառքի մեջ, անցկացրեց նրան պանտեր շան վրայով, որ բերել էր իր հետ Ստեպան Արկադևիչը:

Լեինը կառք չնստեց, այլ գնաց նրա ետևից: Նա մի քիչ սրտնեղեց այն բանի համար, որ չեկավ ծերունի իշխանը, որին որքան ավելի էր ճանաչում, այնքան ավելի էր սիրում. նա սրտնեղեց նաև այն բանի համար, որ հայտնվեց այդ Վասենկա Վեսլովսկին՝ բոլորովին օտար և ավելորդ մի մարդ: Նա թվաց նրան ավելի ևս օտար և ավելորդ այն պատճառով, որ Լեինը մոտեցավ սանդուղքներին, որի մոտ հավաքվել էր մեծերի և երեխաների աշխույժ բազմությունը, տեսավ, որ Վասենկա Վեսլովսկին համբուրում է Կիտիի ձեռքը առանձնապես սիրալիք և քաղաքավարի:

— Մենք cousins ենք ձեր կնոջ հետ և հին ծանոթներ,— ասաց Վասենկա Վեսլովսկին, նորից ամուր-ամուր սեղմելով Լեինի ձեռքը:

— Հը, ինչպե՞ս է, որսի թռչուններ կա՞ն,— դիմեց Լեինին Ստեպան Արկադևիչը, հաղիվ կարողանալով ողջույնի խոսք ասել յուրաքանչյուրին:— Մենք, ա՛յ, սրա հետ ունենք ամենադժան դիտավորությունները: Ինչպե՞ս թե, maman, այն օրվանից նրանք չեն եղել Մոսկվայում: Տանյա՛, ահա՛ քեզ: Հանիր, խնդրեմ, կառքի մեջ է, ետևում,— ամեն ուղղությամբ ասում էր նա:— Ի՞նչ թարմացել ես դու, Դուլիկա,— ասում էր նա կնոջը, մի անգամ էլ համբուրելով նրա ձեռքը, բռնած այն իր ձեռքի մեջ և մյուսով տպտպացնելով վրայից:

Լեինը, որ մի բոպե առաջ շատ ուրախ տրամադրության էր, այժմ մոայլ նայում էր ամենքին, և ոչ մի բան այլևս դուր չէր գալիս նրան:

«Ո՞ւմ էր նա երեկ համբուրում այդ շրթունքներով», մտա-

¹ Լատինական «այս», «այդ», «այն» դերանվան հոլովումը:

ծում էր նա, նայելով Ստեպան Արկադևիչի քնքուշ վերաբերմունքին կնոջը: Նա նայեց Դուլլին, սա՛ կս դուր չեկավ նրան:

«Զէ՞ որ Դուլլին չի հավատում նրա սիրույն: Հապա էլ ինձ չի՞ համար է այդպես ուրախ: Զգվելի է», մտածում էր Լեինը:

Նա նայեց իշխանուհուն, որը մի րոպե առաջ այնպես սիրելի էր նրան, և նրան դուր չեկավ այն վարվելաձևը, որով իշխանուհին, ինչպես իր տանը, ողջունում էր այդ Վասենկային՝ իր ժապավեններով:

Նույնիսկ Սերգեյ Իվանովիչը, որը նույնպես դուրս եկավ նախազավիթ, անախորժ թվաց նրան այն շինծու սիրալիրությամբ, որով դիմավորում էր Ստեպան Արկադևիչին, մինչդեռ Լեինը գիտեր, որ իր եղբայրը չէր սիրում ու չէր հարգում Օբլոնսկուն:

Վարենկան էլ, անգամ նա էլ զգվելի էր Լեինի համար նրանով, որ այդ պարոնի հետ ծանոթանում էր իր *sainte nitouche*¹ տեսքով, մինչդեռ նա մտածում է միայն այն բանի մասին, թե ինչպես ամուսնանա:

Ամենքից ավելի զգվելի էր Կիտին, որը ենթարկվում էր ուրախության այն տոնին, որով այդ պարոնը նայում էր իր գյուղ գալուն, կարծես թե դա տոն էր իր և ամենքի համար: Կիտին անախորժ էր մանավանդ այն առանձնահատուկ ժպիտով, որով պատասխանում էր Վեսլովսկու ժպիտին:

Աղմկալից խոսակցելով, ամենքը գնացին տուն, բայց հենց որ ամենքը նստեցին, Լեինը շուտ եկավ ու դուրս գնաց:

Կիտին տեսավ, որ ամուսնուն մի բան պատահեց: Նա ուզում էր հարմար րոպե գտնել և խոսել նրա հետ առանձին, բայց Լեինը շտապեց հեռանալ նրանից, ասելով, թե ինքը պետք է գնա գրասենյակ: Վաղուց ի վեր տնտեսական գործերը նրան այնպես կարևոր չէին թվացել, ինչպես այսօր: «Նրանց ամենքի համար տոն է այնտեղ,—մտածում էր նա,—այնինչ այստեղ գործերը տոնական չեն, դրանք չեն սպասում և առանց դրանց չի կարելի ապրել»:

Լեինը վերադարձավ տուն միայն այն ժամանակ, երբ մարդ ուղարկեցին ու կանչեցին ընթրիքի: Սանդուղքի վրա կանգնած էին Կիտին և Ազաֆյա Միխայլովնան ու խորհրդակցում էին ընթրիքի համար գինիների մասին:

— Է՞հ, ի՞նչ եք այդպիսի *խսս*¹ բարձրացրել: Տվե՛ք այն, ինչ տրվում է սովորաբար:

— Ո՛չ, Ստիվան չի խմում... Կոստյա՛, սպասիր, ի՞նչ է եղել քեզ,—խոսեց Կիտին, հասնելով նրա ետևից, բայց նա անխղճորեն, առանց սպասելու կնոջը, մեծ քայլերով մտավ սեղանատուն և անմիջապես մասնակցեց ընդհանուր աշխույժ խոսակցությանը, որ տեղի ուներ այնտեղ Վասենկա Վեսլովսկու և Ստեպան Արկադևիչի միջև:

— Հը՛, ինչպե՞ս է, վաղը գնո՞ւմ ենք որսի,—ասաց Ստեպան Արկադևիչը:

— Խնդրեմ, գնանք,—ասաց Վեսլովսկին, տեղափոխվելով ու կողքով նստելով մյուս աթոռին և իր շաղ ոտը դնելով տակը:

— Ես շատ ուրախ եմ, գնանք: Իսկ դուք այս տարի արդեն որսի եղե՞լ եք,—ասաց Լեինը Վեսլովսկուն, դիտելով նրա ոտը ուշադրությանմբ, բայց շինծու հաճելիությամբ, որն այնպես լավ գիտեր նրա մեջ Կիտին և որն այնպես չէր սաղում նրան:— Զգիտեմ, մեծ կտցարներ կգտնե՞նք. իսկ հասարակ կտցարներ շատ կան: Միայն պետք է վաղ գնալ: Դուք չե՞ք հոգնի: Դու չե՞ս հոգնել, Ստիվա:

— Հոգնե՞լ եմ: Ես դեռ երբեք հոգնած չեմ եղել: Եկեք ամբողջ գիշեր շքենք: Գնանք դրոսներու:

— Իսկապես, եկեք շքենք: Հիանալի՛ բան,—հաստատեց Վեսլովսկին:

— Օ՛, դրանում մենք հավատացած ենք. դու կարող ես շքնել և ուրիշներին էլ քնելու շնորհել,—ասաց Դուլլին ամուսնուն հազիվ նկատելի այն հեղինակությամբ, որով այժմ համարյա միշտ նա վերաբերվում էր իր ամուսնուն:— Իսկ իմ կարծիքով, հիմա արդեն ժամանակն է... Ես գնամ, ես չե՛մ ընթրում:

— Ո՛չ, նստիր դու, Դուլլինկա,—ասաց Ստեպան Արկա-

¹ Կրթական, գերզայուն մարդ:

¹ Իրարանցում:

դեհիւր, անցնելով կնոջ կողմը՝ մեծ սեղանի առաջ, որի վրա ընթրում էին:—Ես դեռ այնքան պատմելու բան ունեմ բեզ:

— Հավանորեն ոչինչ:

— Գիտե՞ս, Վեսլովսկին եղել է Աննայի մոտ: Եվ նա նորից գնում է նրանց մոտ: Չէ՞ որ նրանք գտնվում են ձեռք-նից ընդամենը յոթանասուն վերստի վրա: Ես էլ անպատճառ կգնամ: Վեսլովսկի՛, ե՛կ այստեղ:

Վասենկան անցավ կանանց մոտ և նստեց Կիտիի կողքին:

— Ա՛խ, պատմեցեք, խնդրեմ, դուք եղե՞լ եք նրա մոտ: Ինչպե՞ս է նա,— դիմեց Վեսլովսկուն Դարյա Ալեքսանդրով-նան:

Լեինը մնաց սեղանի մյուս ծայրին և անդադար խոսելով Վարենկայի ու իշխանուհու հետ, տեսնում էր, որ աշխույժ և խորհրդավոր խոսակցություն տեղի ունեւր Ստեպան Արկադեիչի, Դուլլիի, Կիտիի ու Վեսլովսկու միջև: Այդ դեռ ոչինչ, որ տեղի ունեւր խորհրդավոր խոսակցություն. նա տեսնում էր իր կնոջ դեմքին լուրջ զգացման արտահայտություն, երբ Կիտին, աչք շհեռացնելով Վասենկայի գեղեցիկ դեմքից, նայում էր նրան, որն աշխուժորեն պատմում էր ինչ-որ բան:

— Շատ լավ է նրանց մոտ,— պատմում էր Վասենկան Վոռնսկու և Աննայի մասին:— Իհարկե, ես ինձ վրա չեմ վերցնում դատավորի դեր, բայց նրանց տանը մարդ իրեն զգում է որպես իր ընտանիքի մեջ:

— Իսկ նրանք ի՞նչ են մտադիր անելու:

— Կարծեմ, ձմռանն ուղում են գնալ Մոսկվա:

— Ի՞նչ լավ կլինի, եթե մենք հավաքվենք նրանց մոտ: Դու ե՞րբ կգնաս,— հարցրեց Ստեպան Արկադեիչը Վասենկային:

— Հուլիսը ես կանցկացնեմ նրանց մոտ:

— Իսկ դու կգնա՞ս,— դիմեց Ստեպան Արկադեիչը կնոջը:

— Ես վաղուց էի ուզում, անպայման կգնամ,— ասաց Դուլլին:— Ես խղճում եմ Աննային, որովհետև գիտեմ նրան: Նա հիանալի կին է: Ես կգնամ մենա՛կ, երբ դու այստեղից գնաս, և ոչ ոքի չեմ ճնշի: Նույնիսկ ավելի լավ է առանց քեզ:

— Հիանալի՛,— ասաց Ստեպան Արկադեիչը:— Իսկ դո՞ւ, Կիտի:

— Ե՛ս: Ես ինչո՞ւ պիտի գնամ,— ասաց Կիտին, ամբողջովին բռնկվելով: Եվ նայեց ամուսնուն:

— Դուք ծանոթ եք Աննա Արկադեևայի հետ,— հարցրեց Կիտիին Վեսլովսկին:— Նա շատ հրապուրիչ կին է:

— Այո՛,— պատասխանեց Կիտին Վեսլովսկուն, ավելի ևս կարմրելով, վեր կացավ ու մոտեցավ ամուսնուն:

— Ուրեմն, դու վաղը գնում ես որսի՞,— ասաց Կիտին:

Լեինի խանդն արդեն շատ հեռու գնաց այդ մի քանի րոպեին, մանավանդ նկատի ունենալով այն կարմրությունը, որ պատեց Կիտիի այտերը, երբ սա խոսում էր Վեսլովսկու հետ: Այժմ լսելով կնոջ խոսքերը, նա դրանք հասկանում էր արդեն յուրովի: Որքան էլ տարօրինակ էր նրա համար հետո հիշել դրա մասին, այժմ նրան պարզ թվում էր, որ եթե կինը հարցնում է, արդյոք որսի դնո՞ւմ է ինքը, դա կնոջը հետաքրքրում է միայն այն պատճառով, որ իմանա, արդյոք այդ բավականությունը կպատճառի՞ Վասենկա Վեսլովսկուն, որին արդեն սիրահարված էր Կիտին՝ նրա հասկացողությունը:

— Այո, կգնամ,— պատասխանեց նա կնոջը անբնական, իր համար իսկ զզվելի ձայնով:

— Ո՛չ, ավելի լավ է՝ վաղը մնացեք, թե չէ՝ Դուլլին բուրովին շի տեսել Ստիվային. իսկ վաղը չէ՛ մյուս օրը գնացեք,— ասաց Կիտին:

Կիտիի խոսքերի իմաստն այժմ արդեն Լեինը թարգմանում էր այսպես. «Ի՛հ՝ անջատիր ինձ նրանից. քո գնալը ինձ համար նշանակություն չունի, միայն թող որ ես հրճվեմ այդ հիանալի երիտասարդի ներկայությունը»:

— Ա՛խ, եթե դու ուզում ես, մենք վաղը կմնանք,— առանձին հաճույքով պատասխանեց Լեինը:

Այնինչ, Վասենկան, բնավ իսկ կասկած չտանելով այն տառապանքի մասին, որ պատճառում էր իր ներկայությունը, անմիջապես վեր կացավ սեղանից և ժպտուն, փաղաքշալից հայացքը շհեռացնելով Կիտիից, գնաց նրա ետևից:

Լեինը տեսավ այդ հայացքը: Նա գունատվեց ու մի րոպե շունչը կտրվեց: «Ինչպե՞ս է թույլ տալիս իրեն՝ այդպես նայելու իմ կնոջը», եփ էր գալիս նա:

— Ուրեմն վա՞ղը: Խնդրեմ, գնանք,— ասաց Վասենկան,

նստելով աթոռին և, ըստ իր սովորութեան, ոտը նորից ծալելով տակը:

Լևինի խանդը գնաց է՛լ ավելի հեռու նա արդեն տեսնում էր իրեն որպես խաբված ամուսին, որի կարիքը զգում են կինն ու սիրեկանը նրա համար միայն, որպեսզի նա տրամադրի նրանց կյանքի հարմարություններ ու բավականություն... բայց, չնայած դրան, նա սիրալիր և հյուրասիրաբար հարցուփորձ էր անում Վասենկային նրա որսորդության, հրացանի, կոշիկների մասին ու համաձայնեց գնալ որսի հենց վաղը:

Լևինի բախտից, պառավ իշխանուհին վերջ դրեց նրա տառապանքներին նրանով, որ ինքը վեր կացավ ու խորհուրդ տվեց Կիտին՝ գնալ քնելու Բայց այստեղ էլ բանը չվերջացավ Լևինի համար առանց տանջանքի: Հրածեղտ տալով տանտիկնոջը, Վասենկան նորից ուզեց համբուրել նրա ձեռքը, սակայն Կիտին, կարմրելով, միամիտ կոպտությամբ, որի համար մայրը հետո հանդիմանեց նրան, ասաց, մեկդի վանելով ձեռքը:

— Մեզանում ընդունված չէ այդ:

Լևինի աչքում Կիտին հանցավոր էր այն բանում, որ թույլ տվեց այդպիսի հարաբերություններ, և ավելի ևս հանցավոր էր այն բանում, որ այնպես անհարմար ձևով ցույց տվեց, թե այդ հարաբերությունները դուր չեն գալիս իրեն:

— Է՛հ, ի՛նչ քնելու ժամանակ է,— ասաց Ստեպան Արկադևիչը, ընթրիքին խմած մի քանի բաժակ գինուց հետո համակված իր ամենաքաղցր ու պոետիկ տրամադրությամբ:

— Նայի՛ր, Կիտի՛— ասում էր նա, նշելով լորենինների ետևից բարձրացած լուսինը.— ինչ հրաշալի է: Վեսլովսկի, ահա՛ թե ե՛րբ է պետք սերենադա: Գիտե՞ս, նա լավ ձայն ունի, ճանապարհին մենք միասին երգեցինք: Նա իր հետ բերել է սթանչելի ռոմանսներ, երկու նորը: Վատ չէր լինի՝ գեղ Վարվառա Անդրեևնայի հետ:

Երբ ամենքը ցրվեցին, Ստեպան Արկադևիչը դեռ երկար քայլում էր Վեսլովսկու հետ ծառուղում, և լսվում էին նոր ռոմանսի ելեէջների մեջ հնչող նրանց ձայները:

Լսելով այդ ձայները, Լևինը, հոնքերը կիտած, նստել էր

բազկաթոռի մեջ՝ կնոջ ննջարանում և համառորեն չէր պատասխանում նրա հարցերին, թե ի՛նչ է պատահել. բայց երբ վերջապես ինքը՝ Կիտին, երկչոտությամբ ժպտալով, հարցրեց «Զլինի՞ թե որևէ բան դուր չեկավ քեզ Վեսլովսկու կապակցությամբ», Լևինի լեզուն բացվեց, և նա ասաց ամեն ինչ, այն, ինչ ասում էր նա, վիրավորում էր իրեն, այդ իսկ պատճառով՝ ավելի ևս գրգռում էր իրեն:

Նա կանգնել էր կնոջ դիմաց խոժոռված հոնքերի տակից սոսկալիորեն փայլող աչքերով և սեղմում էր կրծքին ուժեղ ձեռքերը, կարծես լարելով իր բոլոր ուժերը, որպեսզի զսպի իրեն: Նրա դեմքի արտահայտությունը կլինե՛ր խիստ, նույնիսկ դաժան, եթե միաժամանակ շարտահայտեր տանջանք, որ հուզում էր Կիտին: Նրա այտուկները ցնցվում էին, և ձայնն ընդհատվում էր:

— Հասկացի՛ր, որ ես չեմ խանդում. դա գարշելի բան է: Ես չեմ կարող խանդել և հավատալ, որ... Ես չեմ կարող ասել, թե ի՛նչ եմ զգում, բայց դա սոսկալի բան է... Իս չեմ խանդում, բայց ես վիրավորված եմ, նվաստացած նրանով, որ մեկը համարձակվում է մտածել, համարձակվում է նայել քեզ վրա այդպիսի աչքերով...:

— Ինչպիսի՞ աչքերով,— ասում էր Կիտին, աշխատելով, որքան հնարավոր է, ավելի բարեխղճորեն մտաբե՛լու այսօրվա երեկոյան բոլոր խոսակցություններն ու շարժումները և դրանց բոլոր նրբերանգները:

Իր հոգու խորքում Կիտին ընդունում էր, թե ինչ-որ բան կար իսկապես այն բուպին, երբ Վեսլովսկին իր ետևից անցավ սեղանի մյուս ծայրը, բայց չէր համարձակվում խոստովանվել այդ բանում նույնիսկ ինքն իրեն, ավելի ևս սիրտ չէր անում ասել այդ մասին ամուսնուն և դրանով ավելի ուժեղացնել նրա տառապանքը:

— Եվ ի՛նչ հրապուրիչ բան կարող է լինել իմ մեջ, տե՛ս, ես ինչպիսի...:

— Ա՛խ,— ճշաց Լևինը, գլուխն առնելով ձեռքերի մեջ:— Գոնե շխտե՛իր... Ուրեմն, եթե դու հրապուրիչ լինեիր...:

— Դե՛, ո՛չ, Կոստյա, դե՛, կա՛ց, դե՛, լսի՛ր,— ասում էր Կիտին, տառապալից-ցավակցական արտահայտությամբ նայելով ամուսնուն:— Ի՛նչ կարող ես մտածել դու, երբ ինձ հա-

մար մարդ չկա՛, չկա՛, չկա՛... Մի՞թե ուզում ես, որ ես ոչ որի շտեմանեմ:

Առաջին րոպեին Կիտիի համար վիրավորական էր ամուսնու խանդը. Կիտին վշտացած էր, որ իրեն արգելված էր ամենափոքրիկ և ամենաանմեղ զվարճությունը. բայց հիմա ինքը սիրով կղոհաբերեր ո՛չ թե այսպիսի դատարկ բաներ, այլ ամեն ինչ նրա հանգստի համար, որպեսզի ազատի նրան այն տանջանքից, որ զգում էր նա:

— Հասկացի՛ր դու իմ վիճակի սոսկալիությունը և կոմիզմը,— շարունակեց Լեինը հուսահատական շշուկով,— որ նա իմ տանն է, որ նա իսկապես ոչ մի անվայելուչ բան չի արել, բացի այդ շարժուձևի ազատությունից և ոտները տակը դնելուց: Նա այդ համարում է ամենալավ տոնը, այդ իսկ պատճառով, ես պետք է նրան վերաբերվեմ սիրալիր:

— Բայց, Կոստյա՛, դու չափազանցում ես,— ասում էր Կիտին, հոգու խորքում ուրախանալով իր հանդեպ տածած սիրո այն ուժի համար, որն այժմ արտահայտվում էր ամուսնու խանդի մեջ:

— Ամենից սոսկալին այն է, որ դու, ինչպես կաս միշտ, և հիմա, երբ դու այնպիսի սրբություն ես ինձ համար, մենք այնպես երջանիկ ենք, հատկապես երջանիկ, և հանկարծ այդպիսի անպետք մի մարդ... Ո՛չ թե անպետք, ինչո՞ւ եմ վատաբանում նրան: Ես գործ չունեմ նրա հետ: Բայց ինչի՞ համար իմ, քո երջանկությունը...

— Գիտե՞ս, ես հասկանում եմ, թե ինչի՞ց առաջացավ այդ,— սկսեց Կիտին:

— Ինչի՞ց, ինչի՞ց:

— Ես տեսա, թե ինչպե՞ս էիր նայում դու, երբ մենք խոսում էինք ընթրիքի ժամանակ:

— Դե՞, իհարկե, դե՞, իհարկե,— ասաց Լեինը վախեցած:

Կիտին պատմեց նրան, թե ինչի՞ մասին էին խոսում իրենք: Եվ պատմելով այդ, Կիտին խեղդվում էր հուզմունքից: Լեինը լռեց, ապա ուշադրությամբ նայեց կնոջ դունատ, վախեցած դեմքին ու հանկարծ գլուխն առավ ափերի մեջ:

— Կատյա՛, ես տանջեցի քեզ, աղավնյա՛կս, ների՛ր ինձ: Դա խելագարություն է: Կատյա, ես ոտով-գլխով հանցավոր

եմ: Եվ մի՞թե կարելի էր այդ հիմար բանի պատճառով այդպես տանջվել:

— Ո՛չ, ես մեղքանում եմ քեզ:

— Ի՞նձ: Ի՞նձ, Ի՞նչ եմ ես: Խելագար մարդ... Իսկ քե՞զ ինչի համար տանջեցի: Սոսկալի բան է, երբ մարդ մտածում է, որ յուրաքանչյուր օտար անձնավորություն կարող է խափանել մեր երջանկությունը:

— Իհարկե՞, վիրավորականը հենց այդ է...

— Ո՛չ, ընդհակառակը, ես նրան ամբողջ ամառ դիտմամբ կպահեմ մեզ մոտ և չափազանց սիրալիր կլինեմ նրա հետ,— ասում էր Լեինը, համբուրելով կնոջ ձեռները.— Ա՛յ, կտեսնես: Վաղը... Հա՛, ճիշտ, վաղը մենք դնում ենք:

VIII

Մյուս օրը տիկինները դեռ չէին վեր կացել, երբ որսորդական կառքերը, սայլն ու սայլակը կանգնել էին գլխավոր դռան մոտ, ու կասկան, դեռ առավոտվանից հասկացած լինելով, որ գնում են որսի, կուշտ վնգստալուց ու ցատկոտելուց հետո նստեց սայլին՝ սայլապանի կողքին, հուզված և դանդաղելու առթիվ դժգոհ տեսքով նայում էր դռանը, որտեղից տակավին դուրս չէին գալիս որսորդները: Առաջինը դուրս եկավ Վասենկա Վեսլովսկին, նոր, մեծ կոշիկներով, որոնց ձտքերը հասնում էին մինչև նրա հաստ գիստերը, կանաչ բլուզով, մեջքին կապած նոր, կաշու հոտ արձակող փամփուշտակալ, և իր ժապավենավոր թասակով ու անգլիական նոր հրացանով, առանց փոկօղբրի և լանջագոտու: Կասկան թռավ դեպի նա, ողջունեց նրան, թռչկոտելով հարցրեց նրան իր արտահայտության ձևով, արդյոք շո՞ւտ դուրս կգան նրանք, և պատասխան չստանալով, վերադարձավ սպասումի իր դիրքին ու նորից մարեց, գլուխը շուռ տալով մի կողքի և սրելով մի ափանջը: Վերջապես դուռը դրդողով բացվեց, դուրս թռավ Կրաքը, Ստեպան Արկաղեկիչի ղեղնաբղետ պոնտերը, պտույտ գալով ազատ օդի մեջ. ապա դուրս եկավ ինքը Ստեպան Արկաղեկիչը, հրացանը ձեռքին, սիգարը բերանին: «Տուրո-տուրո, Կրաք», փաղաքշալից կանչեց նա շանը, որը թաթերը ձգում էր դեպի նրա փորն ու կուրծքը, կարթկելով

որսապայուսակը: Ստեպան Արկադևիչը հագել էր թեթև ոտնամաններ՝ փաթաթաններով, տրորված շալվար և կարճ վերարկու: Գլխին կար ինչ-որ քրքրված գդակ, սակայն նոր սիստեմի հրացանը խաղալիքի պես գեղեցիկ էր, ու որսապայուսակը և փամփուշտակալը թեպետև մաշված էին, բայց վերին աստիճանի լավ տեսակի:

Վասենկա Վեսլովսկին առաջ շէր հասկանում այդ իսկական, որսորդական պաճուճանքը՝ լինել ցնցոտիների մեջ, բայց ունենալ լավագույն տեսակի որսորդական պիտույքներ: Նա հասկացավ այդ հիմա, նայելով Ստեպան Արկադևիչին, որն այդ ցնցոտիների մեջ փայլում էր իր վայելչագեղ, գեր և ուրախ, տոհմիկ ֆիզուրով, ու վճռեց, որ ինքը հետևյալ որսորդութան համար անսպասման այդպես կսարքավորվի:

— Իսկ ի՞նչ եղավ մեր տնատերը, — հարցրեց նա:

— Ջահել կնոջ տեր է, — ասաց Ստեպան Արկադևիչը, ժպտալով:

— Այո՞, և ի՞նչ զմայլելի կին:

— Նա արդեն հագնված էր: Երևի նորից վազեց կնոջ մոտ:

Ստեպան Արկադևիչը ճիշտ գուշակեց: Լեինը նորից վազեց կնոջ մոտ՝ հարցնելու նրան էլի մի անգամ, արդյոք ներե՞լ է կինը նրան երեկվա հիմարութան համար, և բացի դրանից՝ խնդրելու նրան, որ Կիտին, ի սեր Քրիստոսի, զգուշ լինի: Որ գլխավորն է, երեխաներից հետո մնա, — նրանք միշտ կարող են բռթել: Հետո պետք էր մի անգամ հավաստիանալ, որ Կիտին չի բարկանում ամուսնու վրա, որը գնում է երկու օրով, և ապա խնդրել Կիտին՝ վաղն առավոտյան անսպասման տոմս ուղարկել մի ձիավորի հետ, գրել թեկուզ միայն երկու խոսք, որպեսզի ինքն իմանա, որ Կիտին լավ է:

Կիտին, ինչպես միշտ, ցավում էր, որ երկու օրով բաժանվելու է ամուսնուց: Բայց տեսնելով նրա աշխուժացած ֆիզուրը, որ առանձնապես մեծ և ուժեղ էր երևում որսորդական կոշիկներով ու սպիտակ բլուզով, և իրեն անհասկանալի որսորդական խանդավառության ինչ-որ փայլ, — նրա ուրախության պատճառով մոռացավ իր վշտացումը և խնդուն հրաժեշտ տվեց նրան:

— Ներողություն, պարոններ, — ասաց Լեինը, դուրս վազելով նախադուռ: — Նախաճաշը դրի՞ք: Ինչո՞ւ եք շեկին լծել

աչ կողմում: Ասենք, միևնույն է: Լասկա, թո՞ղ, գնա-նըստի՛ր:

— Թող արջառների նախրի մեջ, — դիմեց նա անասնապահին, որն սպասում էր նրան սանդուղքի մոտ՝ հարցնելու ամբածների մասին: Ներողություն, ահա գալիս է էլի մի շարագործ:

Լեինը ցած թռավ սայլից, որի վրա ուզում էր արդեն նըստել, դեպի բանվորակալ-ատաղձագործը, որ մոտենում էր նախագավթին՝ սաժենը ձեռքին:

— Երեկ շեկար գրասենյակ, հիմա ուշացնում եք ինձ: Հը՞, ի՞նչ կա:

— Հրամայեք շինել էլի մի շրջան: Ավելացնել ընդամենը երեք աստիճան: Ու իսկ և իսկ կհարմարեցնենք: Շատ ավելի հանգիստ կլինի:

— Պիտի լսելի ինձ, — պատասխանեց Լեինը վրդովմունքով: — Ես ասում էի, դի՛ր շորսուները և հետո կտրի՛ր ու մտցրու նրանց մեջ աստիճանները: Այժմ էլ շես ուղղի: Արա՞, ինչպես հրամայեցի ես, վերցրու նորը:

Բանն այն էր, որ նորաշեն ֆլիգելում բանվորակալը փշացրել էր սանդուղքը, կտրելով այն առանձին ու հաշվի շառնելով վերելքը. այնպես որ երբ սանդուղքը դրին իր տեղը, բուլոր աստիճանները դուրս եկան զտոկվայր: Այժմ բանվորակալն ուզում էր ավելացնել երեք աստիճան, թողնելով միևնույն սանդուղքը:

— Շատ ավելի լավ կլինի:

— Է՞հ, ի՞նչ դուրս կգա քո երեք աստիճաններով:

— Ներողություն կանեք, — արհամարհական ժպիտով ասաց ատաղձագործը: — Դուրս կգա իսկը մինչի տախտը: Ասել կուզի, էսպես ցածրից կսկսվի, — համոզիչ շարժումով ասաց նա, — կերթա, կերթա ու կգա:

— Չէ՛ որ երեք աստիճան էլ պիտի ավելացնել երկարության վրա... էլ ո՞ւր կգա քո սանդուղքը:

— Ոնց որ ցածրից կերթա, էնպես էլ կգա, — համառորեն և համոզված ասում էր բանվորակալը:

— Նա կերթա առաստաղի տակ և պատի մեջ:

— Ներողություն կանեք: Չէ՞ որ ցածրից կերթա: Կերթա, կերթա ու կգա:

Լեինը հանեց հրացանի շամփուրը և սկսեց փոշու վրա նկարել նրա համար սանդուղքը:

— Ա՛յ, տեսնո՞ւմ ես:

— Ոնց որ կհրամայեք,— ասաց ատաղձագործը, և հանկարծ նրա աչքերը բացվեցին, ու հայտնապես նա հասկացավ բանի էությունը:— Երևում է, պետք է նորը կտրել:

— Ա՛յ, հենց այնպես էլ արա՛, ինչպես հրամայված է,— բղավեց Լեինը, նստելով սայլին:— Քշի՛ր:— Ծնե՛րը բռնիր, Ֆիլի՛պ:

Քողնելով իր ետևում ընտանեկան ու տնտեսական հոգսերը, Լեինն այժմ լցված էր կյանքի ուրախության և սպասումի այնպիսի ուժեղ զգացումով, որ չէր ուզում խոսել: Բացի դրանից, նա ուներ կենտրոնացած հուզմունքի այն զգացումը, ինչ զգացում ունենում է ամեն որսորդ, մոտենալով գործողության վայրին: Եթե մի բան զբաղեցնում էր նրան այժմ, ապա այն հարցն էր՝ արդյոք բան կգտնե՞ն Կոլպենի ճահճում, արդյոք ինչպե՞ս դուրս կգա Լասկան Կրաքի համեմատությանը, և ինչպե՞ս կհաջողվի իրեն հրազարկել այսօր: Չլինի՞ թե ինքը խայտառակվի նոր մարդու առաջ: Չլինի՞ թե Օբլոնսկին գերազանցի իրեն հրաձգության մեջ,— այդ միտքը ևս գալիս էր նրա գլուխը:

Օբլոնսկին էլ ուներ նման զգացում և նույնպես շխոսկան էր: Միայն Վասենկա Վեսլովսկին էր, որ անընդհատ խոսում էր ուրախ: Այժմ, լսելով նրան, Լեինը ճնշվում էր, մտաբերելով, թե ինչպես ինքն անարդար էր երեկ նրա հանդեպ: Վասենկան իսկապես լավ տղա էր, պարզ, հասարակ և շատ ուրախ: Եթե Լեինը հանդիպեր նրան իր ամուրի ժամանակ, նա կմտերմանար հետը: Լեինի համար մի փոքր անախորժ էր նրա տոնական վերաբերմունքը կյանքին և վայելչագեղության մի տեսակ ազատ շարժումը: Կարծես՝ նա իրեն վերագրում էր աներկբա բարձր արժեք, որ ինքն ուներ, երկար եղունգներ ու թասակ և դրան համապատասխան մնացած բաները. բայց դա կարելի էր ներել նրա բարեսրտության ու բարեբարքության համար: Նա դուր էր գալիս Լեինին իր լավ դաստիարակությանը, ֆրանսերեն և անգլերեն լեզուների հրաշալի առողանությունը և նրանով, որ նա Լեինի աշխարհի մարդ էր:

Վասենկային շափազանց դուր եկավ Դոնի տափաստանը:

յան ձին, լծված ձախ կողքից: Նա շարունակ հիանում էր նրանով:

— Ի՛նչ լավ է արշավելը տափաստանում, նստած տափաստանի ձի: շը՞: Այնպես չէ՞,— ասում էր նա:

Տափաստանի ձիով արշավելու մեջ նա պատկերացնում էր ինչ-որ վայրենի, պոետիկ բան, որից ոչինչ դուրս չէր գալիս, բայց նրա միամտությունը, մանավանդ միացած նրա փեղեկություն, անուշ ժպտի և շարժումների նազելիություն հետ, շափազանց հրապուրիչ էր: Պատճառն ա՛յն էր արդյոք, որ նրա բնավորությունը համակրելի էր Լեինին, թե՞ այն, որ Լեինն աշխատում էր, իր երեկվա մեղքը քաված լինելու համար, գտնել նրա մեջ ամեն ինչ լավ,— Լեինին հաճելի էր նրա հետ լինելը:

Անցնելով երեք վերստ, Վեսլովսկին հանկարծ նկատեց, որ սիգարները և դրամապանակը չկան, ու շգիտեր, կորցրել էր, թե՞ թողել էր սեղանի վրա: Դրամապանակի մեջ կար երեք հարյուր յոթանասուն ռուբլի, ուստի չէր կարելի շանհանգստանալ:

— Գիտե՞ք ի՛նչ, Լեին, ես կողքից լծած այս Դոնի ձիով կսլանամ տուն: Հրաշալի բան կլինի: Հա՞,— ասում էր նա, արդեն պատրաստ հեծնելու:

— Ո՛չ, ինչի՞ համար,— պատասխանեց Լեինը, հաշվելով, որ Վասենկան կկշռի վեց փթից ո՛չ պակաս:— Ես կուղարկեմ կառապանին:

Կառապանը գնաց կողքից լծած ձիով, իսկ Լեինը ինքն սկսեց ձիավարել զույգը:

IX

— Բացատրի՛ր, ինչպե՞ս է մեր մարշրուտը: Հապա մի կարգին պատմիր,— ասաց Ստեպան Արկադևիչը:

— Մրագիրը հետևյալն է. հիմա գնում ենք մինչև Գվոզդյով: Գվոզդյովում՝ այս կողմ ընկած ճահճը հայտնի է մեծ կտցարներով, իսկ Գվոզդյովից այն կողմ ընկնում են սքանչելի ճահճներ, որտեղ կան սովորական կտցարներ, թեև պատահում են և մեծ կտցարներ: Այժմ շոգ է, և երկոյան դեմ (քսան վերստ) մենք կհասնենք ու կկատարենք երեկոյան որ-

ար: Կգիշերենք, իսկ առա՛վոտյան կգնանք դեպի մեծ ճա՛հիճ- ները:

— Իսկ ճանապարհին մի՞թե ոչինչ չկա:

— Կա. բայց կուշանանք, բացի դրանից, շոգ է: Կա երկու հիանալի տեղ, սակայն դժվար թե այնտեղ բան գտնվի:

Լեինն ինքն էլ էր ուզում մտնել այդ տեղերը, բայց դրանք տանից մոտիկ էին, նա միշտ կարող էր լինել այդ տեղերում, և դրանք փոքր էին,— երեքի համար հրազարկելու տեղ չկար: Այդ պատճառով նա կեղծում էր, ասելով, դժվար թե բան գտնվի: Հավասարվելով փոքրիկ ճահճին, Լեինն ուզում էր անցնել նրա մոտով, բայց Ստեպան Արկադևիչի փորձված որսորդական աչքն անմիջապես նկատեց ճանապարհից երևացող ճլկուտը:

— Արդյոք, չմտնե՞նք այնտեղ,— ասաց նա, նշելով ճըլկուտը:

— Լեին, խնդրում եմ. ի՞նչ հիանալի է,— սկսեց խնդրել Վասենկա Վեսլովսկին, և Լեինը չէր կարող չհամաձայնել:

Դեռ նրանք կանգ չէին առել, երբ շները, իրար առաջ կըտարելով, արդեն վազում էին դեպի ճահճը:

— Կրա՛ք, կա՛սկա...

Շները ետ դարձան:

— Երեքիս համար նեղվածք կլինի, Ծս կսպասեմ այստեղ,— ասաց Լեինը, հույս ունենալով, որ նրանք ոչինչ չեն գտնի, բացի եղտյուրիկներից, որոնք թռան-բարձրացան, տեսնելով շներին և թռչելիս թեքվելով մի կողքի, աղիողորմ լալիս էին ճահճի վրա:

— Ո՛չ, Գնա՛նք, Լեին, գնա՛նք միասին,— կան ում էր Վեսլովսկին:

— Իրոք, նեղվածք է: Լասկա, ե՛տ դարձիր: Լա՛սկա. Ձեզ ուրիշ շուն պետք չէ, այնպես չէ՞:

Լեինը մնաց լինելիպյի մոտ ու նախանձի զգացումով նայում էր որսորդներին: Որսորդներն անցան ամբողջ ճլկուտը: Ծահճուտում ոչինչ չկար, բացի շամբահավերից ու եղտյուրիկներից, որոնցից մի հատ սպանեց Վասենկան:

— Ա՛յ, տեսնո՞ւմ եք, որ չէի ափսոսում ճահճը,— ասաց Լեինը,— զուր ժամավաճառություն է միայն:

— Ո՛չ, այսուամենայնիվ ուրախ է: Դուք տեսա՞ք,— ասում

էր Վասենկա Վեսլովսկին, անշնորհաբար բարձրանալով սայլի վրա, ձեռքին բռնած եղտյուրիկը:— Ի՛նչ լավ սպանեցի: Այնպես չէ՞: Ասացեք, արդյոք շո՞ւտ կհասնենք իսկական ճահճին:

Հանկարծ ձիերը պոկվեցին, Լեինը գլխով դիպավ մեկի հրացանի փողին, և լավեց կրակոց: Այսինքն, կրակոցը լավեց առաջ, բայց այդպես թվաց Լեինին: Բանն այն է, որ Վասենկա Վեսլովսկին իջեցնելով հրահանը, սեղմեց հրացանի մի ոտը, իսկ մյուս հրահանը բռնել էր ձեռքին: Լիցը մտավ գետնի մեջ, ոչ ոքի վնաս չպատճառելով: Ստեպան Արկադևիչը օրորեց գլուխը և կշտամբալից ժպտաց Վեսլովսկուն: Բայց Լեինը սիրտ չարավ հանդիմանելու նրան. նախ՝ ամեն կշտամբանք կթվար որպես հետևանք անցած վտանգի և այն ելունդի, որ դուրս պրծավ Լեինի ճակատին. երկրորդ՝ Վեսլովսկին այնպես միամտաբար վշտացած էր սկզբում և այնպես բարեսրտորեն ու հրապուրիչ ծիծաղում էր հետո իրենց ընդհանուր իրարանցման համար, որ Լեինը չէր կարող ինքն էլ չծիծաղել:

Երբ նրանք մոտեցան երկրորդ ճահճին, որը բավական մեծ էր և պետք է որ շատ ժամանակ խլեր, Լեինը համոզում էր չիջնել: Բայց Վեսլովսկին նորից համոզեց նրան: Որովհետև ճահճը նեղ էր, Լեինը, կրկին, որպես հյուրասեր տնատեր, մնաց կառքերի մոտ:

Տեղ հասնելուց անմիջապես հետո Կրաքն ուղղակի դիմեց դեպի գուղձերը, Վասենկա Վեսլովսկին առաջինը վազեց շան հետևից: Եվ մինչ կմոտենար Ստեպան Արկադևիչը, թռավ արդեն մի մեծ կտցար: Վեսլովսկին վրիպեց, և կտցարը նստեց չհնձած մարգագետնի մեջ: Այդ կտցարը տրամադրված էր Վեսլովսկուն: Կրաքը նորից գտավ նրան, կանգնեց, ու Վեսլովսկին սպանեց կտցարը և վերադարձավ կառքերի մոտ:

— Այժմ դո՛ւք գնացեք, իսկ ես կմնամ ձիերի մոտ,— ասաց նա:

Լեինին սկսում էր համակել որսորդական նախանձը: Նա երասանները տվեց Վեսլովսկուն ու գնաց ճահճը:

Լասկան, որ վաղուց արդեն աղիողորմ վնգստում էր ու գանգատվում անարդարությունից, վազեց առաջ ուղղակի դեպի հուսալի, Լեինին ծանոթ մամուկալած գուղձերը, ուր դեռ չէր մտել Կրաքը:

— Ինչո՞ւ չես կանգնեցնում նրան,— բղավեց Ստեպան Արկաղեկչը:

— Նա չի վախեցնի,— պատասխանեց Լեինը, ուրախանալով շան վրա և շտապելով նրա ետևից:

Կասկայի որոնումների մեջ, որքան նա ավելի ու ավելի էր մոտենում ծանոթ գուղձերին, նկատվում էր ավելի ու ավելի լրջություն: Ճահճային մի փոքրիկ թռչուն մի վայրկյան միայն գրավեց շանը: Նա արավ մի շրջան գուղձերի առաջ, սկսեց երկրորդը և հանկարծ ցնցվեց ու մարեց:

— Ե՛կ, ե՛կ, Ստիվա,— բղավեց Լեինը, զգալով, թե ինչպե՛ս է սիրտն սկսում խփել ավելի ու ավելի ուժեղ և ինչպես հանկարծ, կարծես, ինչ-որ սողնակ ետ քաշվեց իր լարված լսողությունից մեջ և բոլոր հնչյունները, կորցնելով տարածության շափր, խառնիխուռն, բայց պարզորոշ կերպով սկսեցին զարմացնել իրեն: Նա լսում էր Ստեպան Արկաղեկչի քայլերը, ընդունելով դրանք որպես ձիերի հեռավոր դոփուլուն, լսում էր արմատներով պոկ եկած այն կոճղի անկյունի փխրուն հնչյունը, որի վրա ոտ դրեց ինքը, ընդունելով այդ հնչյունը որպես մեծ կտցարի թոփչը: Լսում էր նույնպես իր ետևից ո՛չ հեռու ինչ-որ շրմփոց ջրի մեջ, որի մասին նա չէր կարողանում հաշիվ տալ իրեն:

Ոտի համար տեղ ընտրելով, նա մոտենում էր շանը:

— Քը՛սկ:

Շան քթի տակից դուրս թռավ ո՛չ թե մեծ կտցար, այլ սովորական: Լեինը հրացանն ուղղեց, բայց հենց այն ժամանակ, մինչ նա նշան էր բռնում, ջրի մեջ ուժեղացավ շրմփոցի հնչյունը, մոտեցավ ու դրան միացավ վեսլովսկու ձայնը, որ տարօրինակ ձևով մի բան էր բղավում բարձրագույն: Լեինը տեսավ, որ ինքը ետևի կողմից է հրացանը բռնում կտցարին, բայց և այնպես կրակեց:

Համոզվելով, որ վրիպեց, Լեինը ետ նայեց ու տեսավ, որ ձիերն ու սայլը ոչ թե ճանապարհի վրա են, այլ ճահճի մեջ:

Վեսլովսկին կամենալով տեսնել հրաձգությունը, սայլը քշեց ճահճի մեջ, որտեղ և խրվեցին ձիերը:

— Եվ ո՛ր սատանան նրան բերեց,— ասաց ինքն իրեն Լեինը, վերադառնալով խրված կառքի մոտ:— Ինչո՞ւ քշեցիք

այժմ կողմ,— շոր ասաց նա նրան և կանչելով կառնապանին, սկսեց դուրս հանել ձիերը:

Լեինին վշտացրեց և՛ այն, որ խանգարեցին իրեն կրակել, և՛ այն, որ ճահճի մեջ խրեցին իր ձիերը, և՛ գլխավորապես այն, որ ձիերն արձակելու, բեռը թափելու համար ո՛չ Ստեպան Արկաղեկչը, ո՛չ Վեսլովսկին չէին օգնում նրան ու կառապանին, որովհետև թե՛ մեկը, թե՛ մյուսը, ո՛չ մի գաղափար չունեին, թե ինչ բան է լծվածքը: Ո՛չ մի խոսք չպատասխանելով Վասենկայի հավաստիացումներին, իբր այստեղ բուրդովին շոր էր, Լեինը լուռ աշխատում էր կառապանի հետ, որպեսզի գուրս հանի ձիերը: Բայց հետո, տաքանալով աշխատանքի մեջ ու տեսնելով, թե ինչպիսի եռանդով, ջանասիրությամբ Վեսլովսկին քաշում էր լինելիկայի թևից, այնպես որ նույնիսկ կտորեց այն, Լեինը հանդիմանեց իրեն այն բանի համար, որ ինքը՝ երեկվա զգացումի ազդեցության տակ՝ չափազանց սառն է Վեսլովսկու հետ, և աշխատեց առանձին սիրալիրությամբ մեղմել, հարթել իր շորությունը: Երբ ամեն բան կարգի բերվեց, ու կառքը հանեցին ճանապարհի վրա, Լեինը հրամայեց հանել նախաճաշը:

— Bon appétit — bonne conscience! Ce poulet va tomber, jusqu'au fond de mes bottes¹, — ասում էր ֆրանսիական առածը նորից ուրախացած Վասենկան, վերջացնելով երկրորդ ճուտը:— Այժմ վերջացան մեր ձախորդությունները. այժմ ամեն ինչ բարեհաջող կրնաքանա: Միայն ես իմ մեղքի համար պարտավոր եմ նստել նստիքին: Այնպես չէ՞, Հա՞: Ո՛չ, ո՛չ, ես Ավտոմեդոն² եմ: Տեսեք, թե ինչպե՛ս տեղ կհասցնեմ ձեզ,— պատասխանեց նա, ձեռքից բաց ընդունելով երասանները, երբ Լեինը խնդրում էր նրան՝ տեղ տալ կառապանին:— Ո՛չ, ես պետք է մեղքս քավեմ, բացի դրանից, ինձ համար հրաշալի է նստիքին:— Եվ նա քշեց:

Լեինը մի քիչ վախենում էր, որ նա կտանջի ձիերին, մանավանդ ձախին՝ շեկին, որին չէր կարողանում պահել. բայց ակամամ ենթարկվում էր նրա ուրախությանը, լսում էր այն

¹ Լավ ախորժակը հանդիստ խիղճ է: Այդ ճուտը մինչև կրունկս կհասնի:
² Աքիլլեսի ընկերն ու կառավարը: Առհասարակ հմուտ կառավար, հաճախ կատակով գործածված:

որմանսները, որ երգում էր Վեսլովսկին ամբողջ ճանապարհին, նստած նստիքի վրա, կամ նրա պատմածներն ու պատկերացումներն անձերով, թե ինչպե՛ս պետք է ձիավարել անգլիացու պես, four in hand¹, և նախաճաշից հետո նրանք ամենաուրախ տրամադրությամբ հասան Գվոզդյովի ճահիճը:

X

Վասենկան ձիերը քշում էր այնպես արագ, որ նրանք շափազանց վաղ հասան ճահճին, այնպես որ դեռ շոգ էր:

Մոտենալով մեծ ճահճին՝ ճանապարհորդության գլխավոր նպատակին, Լեինն ակամա մտածում էր, թե ինչպես ինքն ազատվի Վասենկայից և շրջի անարգել: Ստեպան Արկադեիչը հայտնապես նույն բանն էր ցանկանում և նրա դեմքին Լեինը տեսավ մտահոգության այն արտահայտությունը, որ միշտ ունենում է իսկական որսորդը որսի սկզբին, ու նկատեց նույնպես նրան հատուկ որոշ բարեսիրտ խորամանկություն:

— Ինչպե՛ս ենք գնալու: Ծահիճը հիանալի է, ես տեսնում եմ, կան նաև բազեններ, — ասաց Ստեպան Արկադեիչը, նշելով որսավայրի վրա ճախրող երկու մեծ թռչուններ: — Որտեղ բազեններ կան, այնտեղ հաստատապես կան և որսի թռչուններ:

— Ա՛յ, տեսնո՞ւմ եք, պարոններ, — ասաց Լեինը մի փոքր մոռյլ արտահայտությամբ, գցելով կոշիկները և նայելով հրացանի վրա եղած պատիճները: — Տեսնո՞ւմ եք այդ հասկենին, — նա նշեց գետի աջ կողմում տարածված մութ կանաչով սևին տվող փոքրիկ կղզին, ընկած կիսով շափ հնձված հրակայական, թաց մարգագետնի մեջ: — Ծահիճն սկսվում է ահա այստեղից, ուղիմեր դիմացից, տեսնո՞ւմ եք՝ որտեղ ավելի կանաչ է: Այստեղից նա գնում է դեպի աջ, որտեղ ձիերն են շրջում, այնտեղ կան գուղձեր, պատահում են մեծ կտցարներ և այդ հասկենու շուրջը՝ ահա մինչև այն լատեննու անտառը և մինչև ջրաղացը: Ահա այնտեղ, տեսնո՞ւմ ես, որտեղ խորշն է: Դա լավագույն տեղն է: Ես այնտեղ մի անգամ խփեցի տասնյոթ սովորական կտցար: Մենք կբաժանվենք ու կգնանք տարբեր կողմեր՝ երկու շների հետ և իրար կհանդիպենք այնտե՛ղ՝ ջրաղացի մոտ:

¹ Քառածի կտք մի ձեռքում:

— Իսկ ո՞վ դեպի աջ, ո՞վ դեպի ձախ, — հարցրեց Ստեպան Արկադեիչը: — Դեպի աջ ավելի լայն է, գնացեք դուք երկուսով, իսկ ես՝ դեպի ձախ, — ասաց նա, կարծես, անփութորեն:

— Հիանալի՛ է. մենք նրան կգերազանցենք մեր որսածով: Դե՛, գնանք, գնանք, — ձայնեց Վասենկան:

Լեինը շէր կարող շճամաճայնել, և նրանք բաժանվեցին:

Չենց որ նրանք մտան ճահճը, երկու շները միասին փնտրեցին ու վազեցին դեպի ժանգապատ տեղը: Լեինը գիտե՛ր լասկայի այդ որոնումը՝ զգույշ և անորոշ. նա գիտե՛ր նաև տեղը և սպասում էր կտցարների երամին:

— Վեսլովսկի, կողքիցս, կողքի՛ցս եկեք, — մարող ձայնով ասում էր նա ետևից ջրի մեջ ճիճփացնող ընկերոջը, որի հրացանի ուղղությունն ակամա հետաքրքրում էր Լեինին՝ Կոլպենի ճահճում տեղի ունեցած անակնկալ կրակոցից հետո:

— Ո՛չ, ես չեմ ճնշի ձեզ. դուք իմ մասին մի՛ մտածեք:

Բայց Լեինն ակամա մտածում էր և հիշում էր Կիտիի խոսքերը, երբ նա ճանապարհում էր ամուսնուն. «Տեսեք, իրար հրացանադարկ շանք»: Շները մոտենում էին ավելի և ավելի, առաջ ընկնելով իրարից, յուրաքանչյուրը տանելով իր գիծը: Կտցար տեսնելու զգացումն այնքան զորեղ էր, որ ժանգի միջից դուրս քաշած սեփական կրունկի ծլպծլպոցը Լեինին թվում էր կտցարի ճիշ, և նա բռնում ու սեղմում էր հրացանի կոթը:

Թրը՛խկ, Թրը՛խկ, լավեց նրա ականջի տակ. Դա Վասենկան էր, որ կրակեց բազերի երամի վրա, որոնք պտտվում էին ճահճի գլխին և այդ պահին շափից ավելի մոտեցան որսորդներին: Մինչև Լեինը կկարողանար ետ նայել, ճթճթաց մի կտցար, ապա երկրորդը, երրորդը և էլի ութ հատ բարձրացան իրար ետևից:

Ստեպան Արկադեիչը խփեց մի հատ հենց այն պահին, երբ նա պատրաստվում էր սկսել իր կեռմանները, և կտցարը գնդի պես ընկավ մորուտի մեջ: Օբլոնսկին առանց շտապելու հրացանն ուղղեց մյուսին, որն ավելի ցածրից թռչում էր դեպի հասկենին, և հրազարկի ձայնի հետ ընկավ նաև ա՛յդ կտցարը, ու երևում էր, թե ինչպե՛ս վեր-վեր էր թռչկոտում հնձած խոտի մեջ, թպրտացնելով ողջ մնացած՝ տակի կողմից սպիտակ թևը:

Լեինն այդպես երջանիկ չէր. նա կրակեց առաջին կտցարի վրա շատ մոտիկից ու վրիպեց. հրացանն ուղղեց նրա վրա, երբ նա արդեն սկսեց բարձրանալ, բայց այդ ժամանակ մեկն էլ թռավ Լեինի ոտների տակից ու գրավեց նրա ուշադրութունը, և նա վրիպեց երկրորդ անգամ:

Մինչ լցնում էին հրացանները, բարձրացավ էլի մի կտցար, և Վեսլովսկին, որ արդեն լցրել էր երկրորդ անգամ, արձակեց ջրի մեջ մանր կոտորակի երկու լից: Ստեպան Արկադևիչը վերցրեց իր կտցարները և փայլուն աչքերով նայեց Լեինին:

— Իսկ հիմա բաժանվում ենք,— ասաց Ստեպան Արկադևիչը և քիչ կաղալով ձախ ոտով ու հրացանը բռնած պատաստ և սուլելով շանը, գնաց դեպի մի կողմ, Լեինն ու Վեսլովսկին գնացին դեպի մյուս կողմը:

Լեինի հետ միշտ պատահում էր այնպես, որ երբ առաջին հրազարկերն անհաջող էին անցնում, նա տաքանում, սըրտնեղում էր և ամբողջ օրը վատ էր կրակում: Այդպես էր նաև այսօր: Կտցարները չափազանց շատ էին: Շնորհի քթի տակից, որսորդների ոտների տակից անընդհատ դուրս էին թռչում նրանք, Լեինը կարող էր գործը շտկել, բայց որքան ավելի էր կրակում նա, այնքան ավելի էր խայտառակվում Վեսլովսկու առաջ, որն ուրախ կրակում, և՛ չափով, և՛ առանց չափի, ոչինչ չէր սպանում ու բնավ չէր վրդովվում դրանից: Լեինն շտապում էր, չէր համբերում, տաքանում էր ավելի ու ավելի և հասավ արդեն այն դրության, որ կրակելով, համարյա հույս չուներ սպանելու թվում էր, որ լասկան էլ հասկանում էր այդ: Նա սկսեց փնտրել ծուլորեն և կարծես թե տարակուսանքով կամ կշտամբանքով նայելով որսորդներին: Հրազարկ հրազարկի ետևից լսվում էին իրար վրա: Վառողի ծուխը կանգնած էր որսորդների շուրջը, իսկ մեծ, ընդարձակ որսապալուսակի մեջ կար միայն երեք թեթև, փոքրիկ կտցար: Այն էլ, նրանցից մեկն սպանել էր Վեսլովսկին, իսկ մեկն ընդհանուր էր: Մինչդեռ ճահճի մյուս կողմում լսվում էին Ստեպան Արկադևիչի ո՛չ հաճախակի, բայց, ինչպես թվում էր Լեինին, նշանակալից հրազարկերը, և համարյա յուրաքանչյուրից հետո լսվում էր. «Կրա՛ք, Կրա՛ք, բե՛ր»:

Այդ ավելի ևս հուզում էր Լեինին: Կտցարներն անդադար պատվում էին օդի մեջ՝ հասկենու վրա: Մպծպոցը գետնի վրա

և կոնչոցը բարձրում անլուելի լսվում էին ամեն կողմից. առաջ թոցրած և օդի մեջ ճախրող կտցարները նստում էին որսորդների դիմաց: Երկու բազեի փոխարեն այժմ տասնյակներն էին ճչոցով պատվում ճահճի վրա:

Անցնելով ճահճուտի մեծ մասը, Լեինն ու Վեսլովսկին հասան այն կետին, որի ուղղությամբ, հասկենու մեջ միավող երկար շերտերով, բաժանված էր մուծիկների խոտհարքը, տեղ-տեղ նշանած կոխկրտած զոլերով, տեղ-տեղ հնձած լասով: Այդ զոլերի կեսն արդեն հնձած էր:

Թեպետև շհնձած տեղերում քիչ հույս կար գտնելու այնքան, որքան հնձածում, բայց Լեինը խոստացել էր Ստեպան Արկադևիչին՝ հանդիպել նրան, ուստի իր ուղեկցի հետ շարունակեց գնալ հնձած ու չհնձած շերտերով:

— Է՛յ, որսորդներ,— ձայնեց նրանց մեկն այն մուծիկներից. որոնք նստել էին արձակած սայլի մոտ,— եկ մեզ հետ ճաշ անենք. արազ խմենք:

Լեինը ետ նայեց:

— Ե՛կ, բան չկա՛,— բղավեց կարմիր դեմքով մորուքավոր ուրախ մուծիկը, բանալով սպիտակ ատամները և բարձրացնելով արևի տակ փայլող, կանաչավուն շտոֆը:

— Q'uest ce qu'ils disent? — հարցրեց Վեսլովսկին:

— Կանչում են օդի խմելու: Երևի մարգագետիններն էին բաժանում: Ես կխմեի,— ասաց Լեինը ո՛չ առանց խորամանկության, հույս ունենալով, որ Վեսլովսկին կհրապուրվի օդիով ու կգնա նրանց մոտ:

— Իսկ ինչո՞ւ են հյուրասիրում:

— Հենց այնպես, քեֆ են անում, Իսկապես, մոտեցեք նրանց: Ձեզ համար հետաքրքրական է:

— Allons; Cest curieux²:

— Գնացեք, գնացեք, դուք կգտնեք ճանապարհը դեպի ջրաղացը,— բղավեց Լեինը և ետ նայելով, գոհունակությամբ տեսավ, որ Վեսլովսկին սայլթաքելով հոգնած ոտներով, կոացած և հրացանը բռնած ձիգ տված ձեռքին, ճահճից դուրս էր գալիս դեպի մուծիկները:

¹ Ի՛նչ են ասում նրանք:

² Գնանք, դա հետաքրքիր է:

— Դո՛ւն էլ եկ,— ձայնեց մուծիկը Լեհինին։— Մի՛ վախի՛ Կարկանդակ կուտես։

Լեհինը սաստիկ ուզում էր օղի խմել և մի կտոր հաց ուտել։ Նա թուլացել էր ու զգում էր, որ դժվարությամբ է հանում իրար փաթաթվող ոտները մորուտից, և մի րոպե տատանման մեջ էր, բայց շունը կանգնեց։ Եվ անմիջապես ամբողջ հոգ-նածուծյունը շքացավ, ու նա հեշտությամբ գնաց մորուտով դեպի շունը։ Նրա ոտների տակից դուրս թռավ մի կտցար։ Նա կրակեց ու սպանեց,— շունը շարունակում էր կանգնած մնալ։ «Քը՛սկ»։ Շան քթի տակից բարձրացավ մեկ ուրիշը։ Լեհինը կրակեց։ Բայց անհաջող էր օրը. նա վրիպեց, և երբ գնաց որոնելու սպանվածին, նրան էլ չգտավ։ Նա պրպտեց ամբողջ հասկենին, բայց լասկան չէր հավատում, որ նա սպանել է, և երբ շանն ուղարկում էր որոնելու, շունը ձևացնում էր, իբր որոնում է, սակայն չէր որոնում։

Առանց վասենկայի էլ, որին Լեհինը հանդիմանում էր իբր անհաջողության համար, գործը շտկվեց։ Կտցարներ շատ կային նաև այստեղ, բայց Լեհինը վրիպում էր իրար ետևից։

Արևի շեղ ճառագայթները դեռ կիզիչ էին. քրտինքից ամբողջովին թրջված հագուստը կպել էր մարմնին, ջրով լեցուն ձախ կոշիկը ծանր էր և ճպճպում էր. վառողի ծխից մրոտված դեմքի վրայով կաթիլ-կաթիլ զլորվում էր քրտինքը. բերանում դառնություն կար, քթի մեջ՝ վառողի և ժանգի հոտ, ականջներում՝ կտցարների անլուելի կշկշոց. հրացանի փողե-րին ձեռք տալ չէր լինում, այնպես տաքացել էին. սիրտը խփում էր արագ ու կարճ. ձեռները դողում էին հուզմունքից, և հոգնած ոտները սայթաքում ու փաթաթվում էին իրար՝ գուղ-ձերի և մորուտի մեջ. բայց նա դարձյալ շրջում ու կրակում էր։ Վերջապես, ամոթալի մի վրիպում ևս, ու նա հրացանը և զլխարկը գցեց գետին։

«Ո՛ւ, պետք է ուշքի գալ»,— ասաց նա ինքն իրեն։ Բարձրացնելով հրացանն ու զլխարկը, կանչեց իր մոտ լասկային և դուրս եկավ ճահճից։ Դուրս գալով շոր տեղ, նա նստեց մի գուղձի վրա, կոշիկները հանեց, թափեց նրանց միջի ջուրը, հետո մոտեցավ ճահճին, կուշտ խմեց ժանգահամ ջրից, թըր-չեց հրացանի տաքացած փողերը և վրաց երեսն ու ձեռները։

Թարմանալով, շտաքանալու հաստատ դիտավորությամբ նա նորից գնաց դեպի այն տեղը, ուր թռավ-նստեց կտցարը։

Նա ուզում էր հանգիստ լինել, բայց՝ էլի նույնը։ Նրա մատն ավելի շուտ էր սեղմում հրահանի ոտը, քան նա նշանի կառնեթ թռչունը։ Քանի գնում, այնքան ավելի ու ավելի վատ։

Նրա որսապայուսակում կար ընդամենը հինգ հատ, երբ նա ճահճից դուրս եկավ դեպի լաստենու պուրակը, որտեղ պետք է հանդիպեր Ստեպան Արկադեևիչին։

Նախքան Ստեպան Արկադեևիչին տեսնելը, Լեհինը տեսավ նրա շանը։ Լաստենու շուռ տված արմատի տակից դուրս թռավ Կրաքը, ամբողջովին սևացած ճահճային գարշահոտ տիղմից, և հաղթողի տեսքով հոտոտեց լասկային։ Կրաքի ետևից լաստենիների շվաքում երևաց նաև Ստեպան Արկադեևիչի հոյակազմ ֆիզուրը։ Ընդառաջ էր գալիս նա՝ կարմիր, քրտնած, օձիքը բաց, դարձյալ մի քիչ կաղալով։

— Հը՛, ինչպե՛ս է։ Դուք շատ էիք կրակում,— ասաց նա, ուրախ ժպտալով։

— Իսկ դո՛ւ,— հարցրեց Լեհինը, Բայց հարցնելու կարիք չկար, որովհետև նա արդեն տեսավ լիքը որսապայուսակը։

— Ոչի՛նչ։

Նա սպանել էր տասնչորս հատ։

— Հիանալի ճահճ է։ Քեզ երևի Վեսլովսկին խանգարում էր։ Մի շան հետ երկուսի համար անհարմար է,— ասաց Ստեպան Արկադեևիչը, մեղմացնելով իր հաղթանակը։

XI

Երբ Լեհինն ու Ստեպան Արկադեևիչը եկան այն գյուղացու խրճիթը, որի մոտ միշտ իջնում էր Լեհինը, Վեսլովսկին արդեն այնտեղ էր։ Նա նստել էր խրճիթի մեջտեղում և երկու ձեռքով բռնած երկար նստարանից, որի վրայից նրան ցած էր քաշում զինվորը՝ տանտիկնոջ եղբայրը, ձգելով տիղմով լեցուն կոշիկներից, ծիծաղում էր իր վարակիչ-ուրախ ծիծաղով։

— Ես այս րոպեիս եկա։ Ils ont été charmants¹. Երևակա-

¹ Նրանք հմայիչ էին։

յիցեր, խմեցրին ինձ, կերակրեցին: Ի՞նչ հաց, հրաշալի՞ք: **Dellecieux** 1 Չղին նույնպես՝ նրանից համեղը երբեք չեմ խմել: Եվ ո՛չ մի կերպ չէին ուզում դրամ վերցնել: Եվ շարունակ ասում էին. «Ներող եղիր»:

— Ինչի՞ համար փող վերցնել: Ասել կուզի, նրանք պատվում էին ձեզ: Նրանց արաղը հո ծախու չէ,— ասաց զինվորը, հանելով վերջապես թրջված կոշիկը՝ սևացած գուլպայի հետ:

Չնայած որսորդների կոշիկներից և կեղտոտ, լմզված շներից աղտոտված խրճիթի անմաքրությունը, ճահճային ու վառողի հոտին, որով լցվեց խրճիթը, և, դանակ-պատառաքաղի բացակայությանը, որսորդները կուշտ թեյ խմեցին ու ընթրեցին այնպես համով, ինչպես ուտում են միայն որսի ժամանակ: Լվացված ու մաքրված, նրանք գնացին խոտի սարայը, որտեղ կառապանները նրանց համար անկողին էին պատրաստել:

Թեև արդեն մութն ընկել էր, բայց որսորդներից ոչ ոք չէր ուզում քնել:

Խոսակցությունը տատանվելով հիշողությունների և հրաձգության, շների, առաջվա որսորդությունների մասին պատմածների միջև, եկավ, կանգ առավ ամենքին հետաքրքրող թեմայի վրա: Վասնկայի հիացմունքի արտահայտությունների առթիվ,— արդեն կրկնված մի քանի անգամ՝ այդ գիշերօթի և խոտի հոտի գրավչության մասին, կոտրված սայլի գրավչության մասին (Վեսլովսկուն սայլը թվում էր կոտրված, որովհետև այն հանել էին իր առաջի վրայից), նրան օդի խմեցրած մուժիկների բարեսրտության ու շների մասին, որ պառկել էին իրենց տերերի ոտների տակ,— Օբլոնսկին պատմեց Մայլտուսի մոտ եղած հիանալի որսորդության մասին, որին անցյալ ամառ մասնակցել էր ինքը: Մայլտուսը երկաթուղային ձեռնարկատեր՝ հայտնի հարուստ էր: Ստեպան Արկադևիչը պատմում էր, թե ինչպիսի ճահճներ էր վարձակալել այդ Մայլտուսը Տվերի նահանգում ու ի՞նչ խնամքով պահված էին նրանք, թե ինչպիսի կառքերով տեղ հասցրին որսորդներին և ինչպիսի վրան էին խփել ճահճի մոտ՝ նախաճաշի համար:

— Չեմ հասկանում քեզ,— ասաց Լևինը, բարձրանալով

1 Սթանչիլթ:

իր խոտե անկողնի մեջ,— թե ինչպես զզվելի չեն քեզ համար այդ մարդիկ: Ես հասկանում եմ, որ լաֆիտով՝ նախաճաշը շատ հաճելի է, բայց մի՞թե քեզ համար զզվելի չէ հենց այդ ճոխությունը: Բոլոր այդ մարդիկ, ինչպես առաջ մեր կապալառուները, դրամ են վաստակում այնպես, որ արժանանում են մարդկանց արհամարհանքին, անուշադրության են մատնում այդ արհամարհանքը, իսկ հետո անազնվաբար վաստակածով փրկանք տալիս, ազատվում են առաջվա արհամարհանքից:

— Միանգամ՝ յն իրավացի,— արձագանքեց Վասնկա Վեսլովսկին:— Միանգամ՝ յն, Հասկանալի է, որ Օբլոնսկին այդ անում է bonhomie-ից՝ զրդված, իսկ ուրիշներն ասում են, Օբլոնսկին հո գնո՞ւմ է...

— Բնավ հրբեք,— Լևինը լսեց, որ Օբլոնսկին ժպտում էր, ասելով այդ,— նրան ես ուղղակի չեմ համարում ավելի անազնիվ. քան որևէ մեկին մեր հարուստ վաճառականներից և ազնվականներից: Թե՛ նրանք, թե՛ սրանք միակերպ հարուստացել են աշխատանքով ու խելքով:

— Այո՛, բայց ինչպիսի՞ աշխատանքով: Մի՞թե կոնցեսիա ձեռք բերելն ու վերավաճառելը կարելի է աշխատանք համարել:

— Իհարկե, աշխատանք է: Աշխատանք է այն իմաստով, որ եթե շիններ նա կամ շինեին նրա նմանները, չէին լինի նաև ճանապարհներ:

— Բայց այդ այնպիսի աշխատանք չէ, ինչպես մուժիկի կամ գիտնականի աշխատանքը:

— Ինձադրենք. սակայն, աշխատանք է այն առումով, որ նրա գործունեությունը արդյունք է տալիս, այսինքն՝ ճանապարհներ: Բայց չէ՞ որ դու այն կարծիքին ես, որ ճանապարհներն անօգուտ բան են:

— Ո՛չ, դա այլ հարց է. ես պատրաստ եմ ընդունելու, որ նրանք օգտակար են: Բայց ամեն ձեռքբերում անազնիվ է, երբ չի համապատասխանում իր վրա գործ զրված աշխատանքին:

— Իսկ ո՞վ է որոշելու համապատասխանությունը:

1 Ֆրանսիական (Բորդոյի) կարմիր գինի:

2 Պարզամտությունից:

— Անազնիվ ճանապարհով, խորամանկությամբ ձեռքբերումը,— ասաց Լևինը, զգալով որ ինքը չի կարողանում պարզ որոշել ազնիվի և անազնիվի միջև եղած գիծը,— այնպես է, ինչպես բանկիրային գրասենյակների ձեռքբերումը,— շարունակեց նա: — Առանց աշխատանքի հսկայական կարողություն ձեռք բերելը չարիք է, ինչպես կապալների ժամանակ էր. փոխվել է միայն ձևը: Le roi est mort. vive le roi! Ըննց որ ոչնչացրին կապալները, անմիջապես հայտնվեցին երկաթուղիները, բանկերը. նույնպես շահ՝ առանց աշխատանքի:

— Այո՛, այս բոլորը կարող է լինել ճիշտ ու սրամիտ... Պառկիր, Կրաք,— բղավեց Ստեպան Արկադևիչը, իրեն քորոզ և ամբողջ խոտը շուռումուռ տվող շան վրա: Ապա հանդիստ և առանց շտապելու ասաց նա, երևի հավատացած իր թեմայի արդարացի լինելուն: — Բայց դու չորոշեցի՞ր գիծը ազնիվ և անազնիվ աշխատանքի միջև: Անազնի՞վ է արդյոք այն, որ ես ստանում եմ ավելի ոռճիկ, քան իմ գործերի կառավարչը, թեև նա ինձնից ավելի լավ գիտե գործը:

— Չգիտեմ:

— Է՛, այդ դեպքում ես կասեմ քեզ. այն, որ տնտեսության մեջ բո աշխատանքի համար դու ստանում ես ավելորդ, ենթադրենք, հինգ հազար, իսկ մեր տնտեսը մուծիկը հիսուն ուրբուց ավելի չի ստանում, ինչքան էլ աշխատի, անազնիվ է ճիշտ այնպես, ինչպես այն, որ ես ավելի եմ ստանում գործերի կառավարչից, և որ Մայլտուն ավելի է ստանում երկաթուղու վարպետից: Ընդհակառակն, ես տեսնում եմ հասարակության կողմից ինչ-որ թշնամական, ո՛չ մի բանի վրա չհիմնված վերաբերմունք դեպի այդ մարդիկ, և ինձ թվում է որ այստեղ կա նախանձ...

— Ո՛չ, դա իրավացի չէ,— ասաց Վեսլովսկին.— նախանձ չի կարող լինել, այլ կա ինչ-որ անմաքուր բան այդ գործի մեջ:

— Ո՛չ, թույլ տուր,— շարունակեց Լևինը:— Դու ասում ես, թե անիրավացի է, որ ես ստանում եմ հինգ հազար, իսկ մուծիկը՝ հիսուն ուրբի. դա ճիշտ է: Դա անիրավացի է, և ես զզում եմ այդ, բայց...

— Իսկապես որ: Ինչի՞ համար ենք մենք ուտում, խմում,

որսորդություններ վերադրում, ոչինչ չենք անում, իսկ նա միշտ միշտ աշխատանքի մեջ է,— ասաց Վասենկա Վեսլովսկին, ըստ երևույթին, իր կյանքում առաջին անգամ պարզորեն մտածելով դրա մասին և այդ պատճառով՝ լիովին անկեղծորեն:

— Այո՛, դու զգո՞ւմ ես, բայց դու չե՞ս տալիս նրան քե կալվածքը: — ասաց Ստեպան Արկադևիչը, կարծես դիտմամբ դիպչելով Լևինին:

Վերջերս երկու քենակալների միջև ստեղծվել էր մի տեսակ գաղտնի թշնամական հարաբերություն. կարծես այն օրից ետ, երբ նրանք ամուսնացել էին քույրերի հետ, նրանց մեջ ծագեց մրցակցություն այն առթիվ, թե ո՞վ ավելի լավ էր կարգավորել իր կյանքը, և հիմա այդ թշնամանքն արտահայտվում էր խոսակցության մեջ, որն սկսում էր ընդունել անձնական բնույթ:

— Ես չեմ տալիս այն պատճառով, որ ոչ ոք ինձնից չի պահանջում այդ, և եթե ես ուզենայի, չէի կարող տալ. մարդ էլ չկա, ում տայի,— ասաց Լևինը:

— Տո՛ւր այս մուծիկին. նա չի հրաժարվի:

— Այո՛, բայց ինչպե՞ս տամ նրան: Գնամ ու կայքագիր՞ կնքեմ նրա հետ:

— Չգիտեմ. բայց եթե դու համոզված ես, որ իրավունք չունես...

— Ես բնավ համոզված չեմ: Ընդհակառակն, ես զգում եմ, որ իրավունք չունեմ տալու, որ ես պարտավորություններ ունեմ թե՛ հողի, թե՛ ընտանիքիս հանդեպ:

— Ո՛չ, թույլ տուր. բայց եթե դու կարծում ես որ այդ անհավասարությունն անիրավացի է, հապա ինչո՞ւ չես գործում այնպես...

— Ես գործում եմ, բայց բացասաբար. այն իմաստով, որ չեմ աշխատի մեծացնելու դրույթյան այն տարբերությունը, ինչ գոյություն ունի իմ և նրա միջև:

— Ո՛չ, ների՛ր ինձ, դա արդեն պարագոքս է:

— Այո, դա մի տեսակ սոփեստական բացատրություն է,— հաստատեց Վեսլովսկին:— Ա՛, տնտեսը,— ասաց նա մուծիկին, որը ճունչացնելով դարբասը, մտնում էր սարայ:— Ի՞նչ կա, չե՞ս քնել դեռ:

— Չէ՛, ի՞նչ բուն: Ես կարծում էի, մեր պարոնները քնած

¹ Մեծավ թագավորը, կեցցե՛ թագավորը:

են, համա լսում եմ՝ զրույցում են: Եկա կեռը վերցնեմ: Զի՞ կծի,— ավելացրեց նա, զգուշությամբ փոխելով բորիկ ոտները:

— Իսկ դու որտե՞ղ պիտի քնես:

— Մենք ձիերը տանում ենք գիշերվա արոտի:

— Ա՛խ, ի՞նչ գիշեր է,— ասաց Վեսլովսկին, նայելով այժմ բացված դարբասի մեծ շրջանակի մեջ վերջալույսի թույլ լույսի տակ երևացող խրճիթի և լուծն արձակած սայլի ասիին: — Այո՞, լսեք. կանացի ձայներ են երգում և, իսկապես, վատ չեն երգում: Այդ ո՞վ է երգում, տնատեր:

— Պարոնի աղջկերքն են, էստեղ, մեր կողքին:

— Գնանք, զբոսենք, միևնույն է, չենք քնելու: Օբլոնսկի, գնանք:

— Մարդ ինչպե՞ս անի, որ և՛ պառկի, և՛ դնա,— ձիգ գալով պատասխանեց Օբլոնսկին: — Հիանալի բան է պառկելը:

— Է՛հ, ես մենակ կգնամ,— աշխույժ վեր կենալով ու կոշիկները հագնելով, ասաց Վեսլովսկին: — Ցտեսություն, պարոննե՛ր: Եթե ուրախ լինի, կկանչե՛մ ձեզ: Գուք ինձ հյուրասիրեցիք հավթեղենով, ես էլ ձեզ չեմ մոռանա:

— Իրոք որ լավ տղա է, չէ՞,— ասաց Օբլոնսկին, երբ Վեսլովսկին դուրս գնաց, և մութիկը ծածկեց դարբասը նրա ետևից:

— Այո՞, լավն է,— պատասխանեց Լևինը, շարունակելով մտածել քիչ առաջ տեղի ունեցած խոսակցության նյութի մասին: Նրան թվում էր, թե ինքը, ինչքան կարող էր, սլարզ արտահայտեց իր մտքերն ու զգացումները, այնինչ՝ նրանք երկուսն էլ՝ ո՛չ տխմար և անկեղծ մարդիկ, միաբերան ասացին, որ ինքը մխիթարվում է սոփեստություններով: Դա շփոթեցնում էր նրան:

— Այսպես ահա, բարեկա՛մս: Հարկավոր է երկուսից մեկը. կամ ընդունել, որ հասարակության ներկա կազմը իրավացի է, և այս դեպքում պաշտպանել իր իրավունքները, կամ խոստովանել, որ օգտվում ես անարդար առավելություններից, ինչպես հենց անում եմ ես, և օգտվել զրանցից բավականությունով:

— Ո՛չ, եթե դա լինի անարդար բան, դու չէիր կարող բավականություն բերել այդ բարիքներից, համենայն

դեպս՝ ես չէի կարող: Ինձ համար գլխավորն այն է, որպեսզի ես զգամ, որ մեղավոր չեմ:

— Ի՞նչ կասես, իսկապես, չգնա՞նք արդյոք,— ասաց Ստեպան Արկադևիչը, հավանաբար հոգնելով մտքի լարվածությունից: — Հո չենք քնելու: Իսկապես, գնանք:

Լևինը չէր պատասխանում: Խոսակցության մեջ իր ասած խոսքն այն մասին, թե ինքը գործում է իրավացի միայն բացասական իմաստով, զբաղեցնում էր նրան: «Մի՞թե միայն բացասաբար կարելի է իրավացի լինել», հարցնում էր ինքն իրեն:

— Սակայն, ի՞նչ ուժեղ հոտ ունի թարմ խոտը,— ասաց Ստեպան Արկադևիչը, քիչ բարձրանալով: — Քունս ո՛չ մի կերպ չի տանի: Վասենկան ինչ-որ բան է սարքել այնտեղ: Լսո՞ւմ ես քրքիչ և նրա ձայնը: Զգնա՞նք արդյոք: Գնա՞նք:

— Ո՛չ, ես չեմ գնա,— պատասխանեց Լևինը:

— Մի՞թե այդ ևս սկզբունքից զրոգված,— ժպտալով ասաց Ստեպան Արկադևիչը, մթության մեջ որոնելով իր գդակը:

— Ո՛չ սկզբունքից զրոգված, սակայն ինչի՞ համար գնամ:

— Գիտե՛ս ինչ. դու քո գլխին փորձանք կբերես,— ասաց Օբլոնսկին, գտնելով գդակը և վեր կենալով:

— Ինչո՞ւ:

— Մի՞թե ես չեմ տեսնում, թե դու ի՞նչ դիրք ես ստեղծել քեզ համար՝ կնոջդ մոտ: Ես լսեցի, ձեր մեջ առաջնակարգ կարևոր հարց է՝ արդյոք մի երկու օրով որսի գնա՞ս, թե՞ չգնաս: Այս բոլորը լավ է, որպես իդիլիա, բայց դա հերիք չի անի ամբողջ կյանքի համար: Տղամարդը պետք է անկախ լինի,— նա ունի իր տղամարդկային հետաքրքրությունները: Տղամարդը պետք է լինի առնական,— ասաց Օբլոնսկին, բանալով դարբասը:

— Այսինքն՝ ի՞նչ. գնալ սիրաթովել կալվածատիրոջ աղջիկներին,— հարցրեց Լևինը:

— Իսկ ինչո՞ւ չգնալ, եթե դա ուրախություն է պատճառում: Ça ne tire pas à conséquence¹, Դրանից իմ կնոջ համար վատ չի լինի, իսկ ինձ համար ուրախ կլինի: Գլխավորն

¹ Դրանում դատապարտելի ոչինչ չկա:

այն է, որ մարդս պահպանի տան սրբութիւնը: Որպեսզի տան մեջ ոչինչ չպատահի: Իսկ ձեռներդ մի՛ կապկպիր:

— Կարող է պատահել,— չոր ասաց Լեինը և շուտ եկավ Կոզիին:— Առավոտյան վաղ պետք է գնալ, և ես ոչ ոքի չեմ արթնացնի. այլ կգնամ լուսածեղին:

— Messieurs venez vite!¹— Լավեց վերադարձող Վեսլովսկու ձայնը:— Charmante², ե՛ս հայտնաբերեցի: Charmante, Իսկական Գրեխեն, և ես արդեն ծանոթացա նրա հետ: Իրոք, սերճագեղ աղջիկ է,— պատմում էր նա հավանութեան այնպիսի տեսքով, կարծես այդ աղջիկը սիրունիկ էր ստեղծված հատկապես իր համար, և նա գո՛հ էր նրանից, ով պատրաստել էր դա իր համար:

Լեինը քնած ձևացավ, իսկ Օբլոնսկին հագնելով կոշիկները և վառելով սիգարը, դուրս գնաց սարայից, ու շուտով լսեցին նրանց ձայները:

Լեինը երկար ժամանակ չէր կարողանում քնել: Նա լսում էր, թե ինչպե՛ս իր ձիերը ծամում էին խոտը, հետո, թե ինչպես տնատերն իր ավագ տղայի հետ պատրաստվում էր ու ձիերը տարավ գիշերային արոտի. հետո լսեց. թե ինչպե՛ս զինվորը սարայի մյուս կողմում պառկեցնում էր քնելու իր քրոջ որդուն՝ տանտիրոջ փոքրիկ տղային. լսեց, թե ինչպե՛ս երեխան իր բարակ ձայնով հայտնում էր քեռուն իր տպավորութիւնը շների մասին, որոնք նրան թվում էին սարսափելի և վիթխարի. հետո լսեց, թե ինչպե՛ս տղան հարցուփորձ էր անում, ո՛ւմ են բռնելու այդ շները, և ինչպե՛ս զինվորը խրոպոտ ու քնկոտ ձայնով ասում էր նրան, որ վաղը որսորդները կգնան ճահճուտը և կսկսեն կրակել հրացաններից, և ինչպե՛ս հետո նա, որպեսզի ազատվի երեխայի հարցերից, ասաց. «Քնի՛ր, Վասկա, քնի՛ր, թե չէ՝ տե՛ս», և շուտով ինքը խորմփաց, ու ամեն ինչ լսեց: Լսվում էր միայն ձիերի վրնջուներ և կոտորի կրկնոցը: «Մի՛թե միայն բացասաբար», կրկնեց նա: «է՛հ, ի՛նչ արած: Ես մեղավոր չեմ»: Ու նա սկսեց մտածել վաղվա մասին:

«է՛զուց վաղ առավոտյան կգնամ և կաշխատեմ շտաբա-

² Պարոններ, շուտ եկեք:

³ Նազելի, գեղանի:

նալ: Կոտորներ՝ անթիվ-անհամար: Կան և մեծ կոտորներ: Երբ վերադառնամ այստեղ, տո՛մս կլինի Կիտից: Այո՛, Մտիվան կարծես իրավացի է. ես տղամարդավարի չեմ կնորհ հետ, ես թուլամորթ եմ դառել... Բայց ի՛նչ արած: Դարձյալ բացասաբար»:

Քնի միջից նա լսեց Վեսլովսկու և Ստեպան Արկադելիչի ուրախ զրույցն ու ծիծաղը: Մի վայրկյան նա բացեց աչքերը. լուսինը ծագել էր, և բաց դարբասում կանգնել էին նրանք ու զրուցում էին լուսնի լույսով պայծառ լուսավորված: Ստեպան Արկադելիչն ինչ-որ բան էր ասում աղջկա թարմութեան մասին, համեմատելով նրան պատյանը նոր պատուած թարմ կաղինի հետ, և Վեսլովսկին ծիծաղելով իր վարակիչ ծիծաղով, կրկնում էր ինչ-որ բան, հավանորեն այն խոսքերը, որ ասել էր նրան մուծիկը. «Դու աշխատիր հասնել քոնին»: Լեինը քնի միջից ասաց.

— Պարոններ, վաղը ծեղի հետ,— և քնեց:

XII

Զարթնելով վաղ այգաբացին, Լեինը փորձեց արթնացնել ընկերներին: Վասենկան, պառկած փորի վրա և մեկնած գուլպայով մի ոտքը, քնել էր այնպես ամուր, որ չէր կարելի ստասխան ստանալ նրանից: Օբլոնսկին քնի միջից հրաժարվեց քնել այդքան վաղ: Մինչև իսկ Լասկան, որ կծիկ դարձած քնել էր խոտի եզրին, վեր կացավ դժկամութեամբ ու ծուլորեն, մեկը մյուսի հետևից, ձգում, ուղղում էր իր ետևի ոտները: Կոշիկները հագնելուց հետո հրացանը վերցնելով ու սարայի ճանշող դուռն զգուշութեամբ բանալով, Լեինը դուրս եկավ փողոց: Կառապանները քնել էին կառքերի մոտ, ձիերը նիրճում էին: Նրանցից մեկը միայն ծուլորեն ուտում էր վարսակ, դնելով ցրիվ տալով այն փորած կոճղի մեջ: Դրսում դեռ խոնավ էր:

— Ինչի՞ ես էդպես վաղ վեր կացել, աչքիս լույս,— բարեկամաբար դիմեց նրան, որպես հին լավ ծանոթի, խրճիթից դուրս եկող պառավ-տանտիկինը:

— Որսի եմ գնում, մորաքույր: Այս տեղերով կարո՞ղ եմ անցնել դեպի ձահիճը:

— Տների ուղիղ ետևից: Մեր կալերով ու կանեփներով,
սիրելիս. կածան կա էնտեղ:
Զգուշ քայլերով, իր բոբիկ արևակեզ ոտներով, պառափն
առաջնորդեց Լևինին ու ետ գցեց նրա համար կալի մոտի ցան-
կապատը:

— Էսպես ուղիղ կերթաս ճահճուտը: Մեր տղերքը ելե՛կ
երեկոյան ձիերը քշեցին էնտեղ:

Լասկան ուրախ վազում էր առջևից՝ կածանով. Լևինը
գնում էր նրա ետևից. արագ, թեթև քայլերով, շարունակ Նա-
յելով երկնքին: Նա ուզում էր, որ արևը դուրս չգար, մինչև
ինքը կհասնե՛ր ճահճի՛ն: Բայց արևը չէր հապաղում: Լուսինը,
որ դեռ լուսավորում էր, երբ Լևինը դուրս եկավ, այժմ միայն
փայլում էր, ինչպես մի կտոր սնդիկ. առավոտյան լուսափել-
փք, որն առաջ չէր կարելի շտեմանել, այժմ պետք էր փնտրել.
հեռավոր դաշտում առաջ անորոշ բծերը հիմա արդեն երևում
էին պարզորոշ: Դրանք հաճարի բարդոցներ էին: Առանց արևի
լույսի տակավին անտեսանելի ցողը անուշաբույր բարձր կա-
նեփի մեջ, որից բռնահան անելով արդեն հանել էին հասած
հատիկները, թրջում էր Լևինի ոտները և բլուզը՝ գոտուց վեր:
Առավոտյան վճիտ անդորրության մեջ լսելի էին ամենափոք-
րիկ հնչյունները: Մեղուն գնդակի սուլոցով անցավ Լևինի
ականջի մոտով: Նա նայեց ու տեսավ մի երկրորդը. երրոր-
դը՝ նրանք բոլորը դուրս էին թռչում մեղվանոցի ցանկապա-
տի ետևից և կանեփի վրայից անցնում, անհայտանում էին
ճահճուտի ուղղությամբ: Կածանը բերեց հասցրեց ուղիղ
ճահճուտը: Ծահիճը կարելի էր ճանաչել այն գոլորշիներից.
որոնք բարձրանում էին նրանից՝ տեղ-տեղ թանձր, տեղ-տեղ
նոսր, այնպես որ հասկենին և ալպյան ոլոռի թփերը. որպես
փոքրիկ կղզիներ. օրորվում էին այդ շոգիի մեջ: Ծահճի և
ճանապարհի ափին երեխաներն ու մուծիկները, որ հսկում
էին գիշերային արոտի բերած ձիերին, պառկել էին և արշա-
լույսը բացվելուց առաջ բոլորը քնել էին բաճկոնների տակ:
Նրանցից ո՛չ հեռու քայլում էին ոտները կապած երեք ձիեր:
Զրնգում էր նրանցից մեկի ոտների շղթան: Լասկան գնում էր
տիրոջ կողքից, նայելով շուրջը և խնդրելով, որ առաջ անցնի:
Անցնելով քնած մուծիկներից ու հավասարվելով առաջին
ճլվուտին, Լևինը նայեց պատիճները և թողեց շանը: Զիբերից

մեկը, մուգ շագանակագույն եռամյա հովատակը, տեսնելով
շանը, թափով ետ ընկավ և պոչը բարձրացնելով, ֆոնչաց:
Մնացած ձիերը նույնպես վախեցան ու կապած ոտները
շփափացնելով ջրին և թանձր կավի միջից հանվող սմբակեն-
րով առաջացնելով ուժգին ծափի նման հնչյուն, դուրս թռան
ճահճից: Լասկան կանգ առավ, ծաղրական նայելով ձիերին
և հարցական՝ Լևինին: Լևինը շոյեց Լասկային ու շվացրեց ի
նշան այն բանի, որ կարելի է սկսել:

Լասկան ուրախ և մտահոգ վազեց իր ոտների տակ օրոր-
վող մորուտի միջով:

— Վազեվազ մտնելով ճահճի՛ն, Լասկան իրեն ծանոթ ար-
մըտիքների, ճահճախոտների, ժանգի բուրմունքի և ձիու թրիքի
խորթ հոտի մեջ անմիջապես զգաց այդ ամբողջ տեղի վրա
տարածված թռչնի հոտը, բուրավետ հենց այն թռչնի հոտը,
որն ամենից ավելի էր հուզում նրան: Մամուռի և ճահճային
կռատուկների մեջ տեղ-տեղ այդ հոտը շատ ուժեղ էր, բայց
չէր կարելի որոշել, թե որ ուղղությամբ էր ուժեղանում և՛
թուլանում: Ուղղությունը գտնելու համար պետք էր ջրվել մի
կողմ՝ քամու տակ: Զգալով իր ոտների շարժումը, Լասկան
լարված արշավակով, — բայց այնպես, որ յուրաքանչյուր
թռիչքի միջոցին կարող էր կանգ առնել, եթե անհրաժեշտու-
թյուն ծագեր, — սլացավ դեպի աջ՝ մեկդի արևելքից փչող նա-
խալուսաբացի հովիկից և շուտ եկավ դեպի քամին: Լայնաց-
րած քթածակերով օդ ներշնչելով, նա անմիջապես զգաց, որ
ոչ միայն հետքերը, այլ ճրագ էր իրենք այստեղ էին, իր դիմաց.
այն էլ ո՛չ թե մի հատ, այլ՝ շատ: Լասկան պակասեցրեց իր
վազքի արագությունը: Նրանք այստեղ էին, բայց ո՛րտեղ
հատկապես, նա դեռ չէր կարողանում որոշել: Հենց այդ տեղը
գտնելու համար նա արդեն սկսեց շրջան անել, երբ հանկարծ
իր տիրոջ ձայնը գրավեց ուշադրությունը: «Լասկա՛, այս-
տե՛ղ».— ասաց Լևինը, նշելով նրան ուրիշ կողմ: Շունը
կանգնեց, հարցնելով նրան, թե արդյոք ավելի լավ չէ՞
անել այնպես, ինչպես սկսեց ինքը: Բայց նա բարկացած
ձայնով կրկնեց իր հրամանը, ցույց տալով ջրով հեղեղված
կոճղանոցը, որտեղ ոչինչ չէր կարող լինել: Լասկան լսեց
նրան, ձևացնելով, իբր որոնում է, որպեսզի բավականութուն
պատճառի նրան, պրպտեց կոճղանոցը ու վերադարձավ

առաջվա տեղը և անմիջապէս նորից զգաց նրանց: Այժմ, երբ տերն այլևս չէր խանգարում նրան, նա գիտեր. թե ի՛նչ պիտի անի, և շնայելով իր ոտների տակ ու վրդովալից սայթաքելով բարձր կոճղերի միջին և ընկնելով ջուրը, բայց դեկավարելով իր ճկուն, ուժեղ ոտները, սկսեց շրջանը, որ պետք է ամեն ինչ պարզեր նրա համար, նրանց հոտը հետզհետե ավելի և ավելի ուժեղ, ավելի ու ավելի որոշակի համակում էր նրան, և հանկարծ նրա համար լիովին պարզ դարձավ, որ նրանցից մեկն այստեղ է, այդ կոճղի ետևում, իրենից հինգ քայլի վրա, և նա կանգնեց ու մարեց ամբողջ մարմնով: Իր կարճ ոտների վրա նա ոչինչ չէր կարող տեսնել զիմացը, սակայն հոտից գիտեր, որ նա նստած էր հինգ քայլից ո՛չ հեռու, և սկսեց կանգնել էր, ավելի ու ավելի զգալով նրան և հմայվելով սպասողականութամբ: Շան լարված պոչը ձգված էր ու ցնցվում էր միայն իր ծայրով: Նրա բերանը թեթև բացված էր, ականջները բարձրացրած: Մի ականջը ետ էր ծալվել դեռ վազքի միջոցին, և նա ծանր, բայց զգույշ շնչում էր ու ավելի ևս զգույշ նայեց իր տիրոջը՝ ավելի շուտ աչքերով, բան գլխով: Լեհներ, շան համար սովոր դեմքով, բայց միշտ սարսափելի աչքերով, գնում էր, սայթաքելով կոճղերի, գուղձերի միջին, և անսովոր կամաց, ինչպես թվում էր ևսակային: Լուսկային թվում էր, որ տերը գնում է կամաց. բայց նա վազում էր:

Նկատելով ևսակայի այն առանձնահատուկ որոնումը, երբ նա ամբողջովին սեղմվում էր գետնին, կարծես՝ փոցխում էր ետևի թաթերով ու մի փոքր բացում բերանը, — Լեհներ հասկացավ, որ շունը հետամուտ է մեծ կտցարների, և մտքում աղոթելով աստծուն, որպեսզի հաջողութուն ունենա, մանավանդ առաջին թռչնի նկատմամբ, մոտ վազեց ևսակային: Ընդհուպ մոտենալով շանը, նա սկսեց բարձրից նայել իր զիմացը և աչքերով տեսավ այն, ինչ ևսական տեսնում էր թթով: Կոճղերի միջև, մեկ ոտի վրա կանգնած, երևում էր մի մեծ կտցար: Գլուխը շուռ տված, կտցարն ականջ էր դնում: Հետո մասնակի բանալով ու նորից ծալելով թևերը, նա անճոռնի կերպով ցնցեց սրբանը, չքվեց անկյունի ետևում:

— Քը՛սկ, քը՛սկ, — բղավեց Լեհներ, բռնելով ևսակայի հետևին:

«Բայց ես չեմ կարող գնալ, — մտածում էր ևսական: — Ու՛ր գնամ ես: Այստեղից զգում եմ նրանց, իսկ եթե առաջ շարժվեմ, բան չեմ հասկանա, թե որտե՛ղ են նրանք և ովքե՛ր են»: Բայց ահա Լեհներ հրեց շանը ծնկով ու հուզված շշուկով ասաց. «Քը՛սկ, ևսուշկա, քը՛սկ»:

«Է՛հ, եթե նա ուզում է այդ, ես կանեմ, բայց այժմ արդեն ես պատասխանատու չեմ ինձ համար», — մտածեց ևսական և ամբողջ թափով նետվեց առաջ՝ կոճղերի մեջ: Այժմ նա այլևս ոչինչ չէր զգում և միայն տեսնում ու լսում էր, ոչինչ չհասկանալով:

Առաջվա տեղից տասը քայլի վրա, թավ խորդոցով ու թևերի կտցարային առանձնահատուկ ցայտուն հնչյունով բարձրացավ մի մեծ կտցար: Եվ կրակոցից անմիջապես հետո ծանրութամբ շրմփաց թաց մորուտի մեջ սպիտակ կրծքով: Մյուսը շապասեց ու բարձրացավ Լեհնի ետևից՝ առանց շան:

Երբ Լեհներ շուռ եկավ դեպի նա, վերջինս արդեն բավական հեռու էր: Բայց կրակոցը հասավ նրան: Թռչելով մոտ քսան քայլ, երկրորդ կտցարը շեշտակի բարձրացավ վեր և գլխիվայր, ինչպես նետած խաղաֆնդակ, ծանրութամբ ընկավ շոր գետնին:

«Ա՛յ, սրանից բան կստացվի», մտածում էր Լեհներ, դնելով որսապայուսակի մեջ տաք ու չաղ կտցարները: «Հը՛ր, ևսուշկա, բան կստացվի՞»:

Հրացանը լցնելուց հետո, երբ առաջ շարժվեց Լեհներ, արևն արդեն դուրս էր եկել, թեև դեռ չէր երևում ամպերի ետևից: Լուսինը, կորցրած իր ամբողջ փայլը, ինչպես փոքրիկ թուխպ, սպիտակին էր տալիս երկնքում. այլևս ոչ մի աստղ չէր երևում: Ծլկուտները, որ առաջ արծաթագծոված էին ցողով, այժմ ոսկեզօծվում էին: Ժանգն ամբողջովին սաթի գույն ուներ: Խոտերի կապտութունը փոխվեց դեղնավուն կանաչի: Ծահճահավերը վխտում էին ցողով փայլվուն և երկար ստվերներ գցած թփերի մեջ՝ անվակի մոտ: Բազեն զարթնել ու նստել է բարդու վրա, գլուխը շուռ տալով մի կողքից դեպի մյուսը, անբավական նայելով ճահճին: Ծայիկները թռչում էին դեպի դաշտ, և բոկոտն երեխան արդեն քշում էր ձիերը դեպի ծերունին, որ բաճկոնակի տակից

բարձրացել ու քորում էր իրեն: Կրակոցներէ ծուխը կաթի նման սպիտակին էր տալիս խոտերի կանաչի միջին:

Երեխաներից մեկը մոտ վազեց Լեինին:

— Քեռի ջան, երեկ էստեղ բազեր կային,— ձայնեց նա ու հեռվից գնաց նրա ետևից:

Ու Լեինի համար, այս երեխայի ներկայութեամբ, որն արտահայտեց իր հավանութունը, կրկնակի հաճելի էր՝ խփել հենց այստեղ իրար ետևից երեք սովորական կտցար:

XIII

Իրավացի դուրս եկավ որսորդական այն հայտանիշը, որ եթե ձեռքից բաց չի թողնվում առաջին գազանը և առաջին թռչունը, ուրեմն՝ որսը հաջողակ կլինի:

Հոգնած, սոված, առավոտյան ժամը տասին, Լեինն անցնելով մոտ երեսուն վերստ տարածութուն, տասնինը կարմիր թռչնեղենով և մի հատ բազով, որը նա կապեց գոտուց, որովհետև այլևս չէր մտնում որսապայուսակի մեջ, վերադարձավ իրենց իջած բնակարանը: Նրա ընկերները վաղուց արթնացել էին և հասցրել սովածանալ ու նախաճաշել:

— Կացե՛ք, կացե՛ք, ես գիտեմ, որ տասնինը հատ է,— ասում էր Լեինը, երկրորդ անգամ հաշվելով կծկված ու շորացած, արյունով լմզված, զլուխները կողքի վրա շուռ տված միծ ու սովորական կտցարները, որոնք այլևս շունեին այն ազդու տեսքը, ինչ ունեին, երբ թռչում էին իրենց նստած տեղերից:

Հաշիվը ճիշտ էր, և Ստեպան Արկադևիչի նախանձը հաճելի էր Լեինի համար: Նրա համար հաճելի էր նաև այն, որ վերադառնալով, նա գտավ այնտեղ Կիտիի ուղարկած մարդուն՝ տոմսի հետ:

«Ես միանգամայն առողջ եմ և ուրախ: Եթե դու վախենում ես ինձ համար, ապա կարող ես է՛լ ավելի հանգիստ լինել, քան առաջ: Ես ունեմ նոր անձնապահ, Մարիա Վլասենա (դա մանկաբարձուհին էր, նոր, նշանավոր դեմք Լեինի ընտանեկան կյանքում): Նա եկել է ինձ այցելելու: Նրա կարծիքով ես բոլորովին առողջ եմ, և մենք նրան պահեցինք միջև քո գալը: Բոլորն ուրախ են, առողջ, և դու, խնդրեմ, չշտապես, ու եթե որսը հաջող է, էլի մնա մի օր»:

Այդ երկու ուրախութունը՝ հաջող որսը և կնոջ տոմսը, այնպես մեծ էր, որ Լեինի համար թեթև անցան որսորդութունից հետո տեղի ունեցած երկու փոքրիկ անախորժութունները: Մեկ անախորժութունն այն էր, որ կողքից լծած շեկ ձին, հավանորեն, երեկ շափից ավելի վաստակած, կեր չէր ուտում և տխուր էր: Կառապանն ասում էր, որ զոռ է դիպել նրան:

— Երեկ ուժասպառ արինք, Կոնստանտին Դմիտրիչ,— ասում էր նա:— Ո՛նց կարելի է, տասը վերստ քշում էինք առանց ճանապարհի:

Մյուս անախորժութունը, որ առաջին բուպին փշացրեց նրա լավ տրամադրութունը, բայց որի վրա նա հետո ծիծաղում էր շատ, այն էր, որ ոչինչ չէր մնացել Կիտիի այնքան առատորեն իրենց հետ դրած ամբողջ մթերքներից, որոնք, թվում էր, թե չէր կարելի ուտել, վերջացնել մի շաբաթում: Հոգնած ու սոված վերադառնալով որսից, Լեինն այնպես որոշակի տենչում էր կարկանդակների մասին, որ մոտենալով բնակարանին, արդեն զգում էր նրանց հոտն ու համը բերանում, ինչպես զգում էր Լասկան, որսի թռչուններին, ուստի անմիջապես հրամայեց Ֆիլիպին՝ նախաճաշ տալ իրեն: Բանից դուրս եկավ, որ արդեն շկային ո՛չ միայն կարկանդակները, այլև ճտերը:

— Ախորժակ եմ ասում, հա՛,— ասաց Ստեպան Արկադևիչը ծիծաղելով, նշելով վասենկա Վեսլովսկուն:— Ես չեմ տառապում ախորժակի պակասութունից, բայց այդ զարմանք բան է...

— Է՛հ, էլ ի՞նչ արած,— ասաց Լեինը, մոռալ նայելով Վեսլովսկուն:— Ֆիլիպ, տուր ուրեմն տավարի միսը:

— Տավարի միսը կերան, իսկ ոսկորը պցեցին շներին,— պատասխանեց Ֆիլիպը:

Լեինն այնպես սրտնեղեց, որ վրդովմունքով ասաց.— մի բան էլ ի՛նձ թողնեիք,— ու քիչ էր մնում լաց լինել:

— Դե թափի՛ր, մաքրի՛ր թռչնեղենի փորոտիքը,— ասաց նա Ֆիլիպին դողդոջուն ձայնով, աշխատելով շնայել վասենկային,— և փորերի մեջ եղինջ դիր: Իսկ ինձ համար գոնե կաթ խնդրիր:

Հետո արդեն, երբ նա կաթով կշտացավ, խիղճը տան-

ջեց իրեն, որ իր սրտնեղութիւնը հայտնեց օտար մարդուն,¹ և նա սկսեց ծիծաղել իր սոված գաղազանքի վրա:

Երեկոյան էլի գնացին որսի, որի ժամանակ Վեսլովսկին էլ սպանեց մի քանի հատ, և գիշերվա դեմ վերադարձան տուն:

Վերադարձին ճանապարհն անցավ նույնպես ուրախ, ինչպես և այնտեղ գնալիս: Վեսլովսկին մերթ երգում էր, մերթ պատմում իր արկածները մուժիկների մոտ, որոնք հյուրասիրել էին նրան օղիով և ասել՝ «ներող եղիր», մերթ իր գիշերային արկածները կաղիների, կալվածատիրոջ աղախնի և այն մուժիկի հետ, որը հարցնում էր նրան, արդո՞ք ամուսնացած է, և իմանալով, որ ամուսնացած չէ, ասաց նրան. «Ծակ աչքով մի՞ նայիր ուրիշի կնոջը, լավն էն է, որ աշխատես ունենալ քոնը»: Այդ խոսքերն առանձնապես ծիծաղեցնում էին Վեսլովսկուն:

— Առհասարակ, ես չափազանց գոհ եմ մեր ճանապարհորդութիւնից: Իսկ դո՞ւք, Լեին:

— Ես շատ գոհ եմ, — անկեղծորեն ասաց Լեինը, որի համար առանձնապես ուրախալի էր, որ ոչ միայն չէր զգում այն թշնամանքը, ինչ տածում էր տանը դեպի Վասենկա Վեսլովսկին, այլ, ընդհակառակը, վերին աստիճանի բարեկամաբար էր տրամադրված:

XIV

Մյուս օրը ժամը 10-ին Լեինը, տնտեսութիւնը շրջագայելուց հետո, ծեծեց այն սենյակի դուռը, որտեղ գիշերում էր Վասենկան:

— Entrez!¹ — բղավեց Վեսլովսկին: — Դուք ինձ ներեցե՞ք, ես հենց նոր վերջացրի իմ ablutions²-ը, — ասաց նա ժրպտալով, կանգնած Լեինի առաջ միայն սպիտակեղենով:

— Խնդրեմ, չճնշվե՞ք: — Լեինը նստեց լուսամուտի մոտ: — Լա՞վ քնեցի՞ք:

— Մեռածի պես: Իսկ այսօր ինչպե՞ս է օրը որսի համար:

¹ Մտեք:

² Լվացում:

— Դուք ի՞նչ եք խմում. թե՞ յ, թե սուրճ:

— Ո՛չ այս, ո՛չ այն, ես նախաճաշում եմ: Ծիշտն ասած, ես քաշվում եմ: Կարծեմ տիկիներն արդեն վեր են կացել: Հիանալի է հիմա զբոսնելը: Դուք ցույց տվե՞ք ինձ ձիերը:

Մի քիչ զբոսնելով պարտեզում, լինելով ձիանոցում և նույնիսկ միասին մարմնամարզութիւն անելով, Լեինը վերադարձավ տուն իր հյուրի հետ, և միասին մտան ընդունարան:

— Հրաշալի որս արինք, և ինչքա՞ն տպավորութիւններ, — ասաց Վեսլովսկին, մոտենալով Կիտիին, որը նստել էր ինքնահեռի մոտ: — Որքան ափսո՞ս, որ կանայք զրկված են այդ բավականութիւններից:

«է՛հ, ի՞նչ կա, պետք է որ նա մի կերպ խոսի տանտիկնոջ հետ», ասաց ինքն իրեն Լեինը: Նրան էլի ինչ-որ բան թվաց այն ժպիտի մեջ, հաղթական այն արտահայտութեան մեջ, որով հյուրը դիմեց Կիտիին...

Իշխանուհին, որ նստել էր սեղանի մյուս կողմից՝ Մարիա Վլասենայի և Ստեպան Արկադեիչի հետ, իր մոտ կանչեց Լեինին ու սկսեց խոսել նրա հետ՝ Կիտիին ծննդաբերութեան համար Մոսկվա տեղափոխելու և քնակարան պատրաստելու մասին: Լեինի համար, ինչպես հարսանիքի ժամանակ, անխորժ էին բոլոր պատրաստութիւնները, որոնք իրենց ոչընչութեամբ վիրավորում էին կատարվող երևույթի վեհութիւնը, այնպես և դեռ է՛լ ավելի վիրավորական էին թվում նրան պատրաստութիւնները ապաղա ծենդաբերութեան համար, որի օրը մի տեսակ հաշվում էին մասների վրա: Ամբողջ ժամանակ նա աշխատում էր շլսել այդ խոսակցութիւնները ապաղա գա երեսխան բարուրելու եղանակի մասին, աշխատում էր երեսը շուռ տալ և շտեմնել ինչ-որ խորհրդավոր անթիվ-անշափ գործված զուլեր, ինչ-որ քաթանի փոքրիկ եռանկյունիներ, որոնց առանձին կարեորութիւն էր վերագրում Դուլին, և այլն: Տղայի ծննդյան երևույթը (նա համոզված էր, որ տղա կլինի), որը խոստանում էին նրան, բայց որին նա այսուամենայնիվ չէր կարող հավատալ, — այնպես արտասովոր էր թվում, — պատկերանում էր նրան մի կողմից՝ այնքան վիթխարի, այս իսկ պատճառով՝ անկարելի երջանկութիւն, մյուս կողմից այնքան խորհրդավոր, որ այդ երևակայական իմացումն այն բանի, ինչը կլինի: և զրա հետևանքով՝ պատրաս-

տությունն ինչ-որ անսովոր, մարդկանց միջոցով հենց անտաշացող երևույթի համար, թվում էր նրան վրդովեցուցիչ ու նվաստացուցիչ:

Բայց իշխանուհին չէր հասկանում նրա զգացումները և զրա մասին մտածելու խոսելու նրա զժկամութունը բացատրում էր թեթևամտությամբ ու անտարբերությամբ, ուստի հանգիստ չէր տալիս նրան: Նա հանձնարարեց Ստեպան Արկադևիչին՝ բնակարան նայել և այժմ իր մոտ կանչեց Լևինին:

— Ես ոչինչ չգիտեմ, իշխանուհի: Արեք այնպես, ինչպես ուզում եք, — ասում էր նա:

— Պետք է վճռել, թե ե՞րբ կտեղափոխվեք դուք:

— Իրոք, ես չգիտեմ: Ես գիտեմ, որ միլիոնավոր երեխաներ ծնվում են առանց Մոսկվայի և բժիշկների... ինչո՞ւ ուրեմն...

— Այո՛, եթե այդպես է...

— Ո՛ր, ինչպես Կի՛տին է ուզում:

— Չի կարելի զրա մասին խոսել Կիտիի հետ: Ի՞նչ է, զու ուզում ես, որ ես վախեցնեմ՞ նրան: Ա՛յ, ահա այս զարնան Նատալի Գուլիցինան մեռավ վատ մանկաբարձուհու երեսից:

— Ինչպես դուք կասեք, տյնպես էլ ես կանեմ, — ասաց Լևինը մռայլ:

Իշխանուհին սկսեց ասել նրան, բայց նա չէր լսում: Թեպետև իշխանուհու խոսակցությունը վրդովում էր նրան, սակայն նա մռայլվեց ո՛չ այդ խոսակցությունից, այլ այն բանից. ինչ տեսավ ինքնաեղի մոտ:

«Ո՛ր, դա անհնարին է», — մտածում էր նա, երբեմն-երբեմն նայելով դեպի Կիտին կուսցած Վասենկային, որն իր գեղեցիկ ժպիտով ինչ-որ բան էր ասում նրան. նայում էր նաև Կիտին, որը կարմրել էր և հուզվել:

Ինչ-որ անմաքուր բան կար Վասենկայի դիրքի, նրա հայացքի, նրա ժողիտի մեջ: Լևինը տեսավ նույնիսկ ինչ-որ անմաքուր բան նաև Կիտիի թե՛ դիրքի, թե՛ հայացքի մեջ: Եվ նորից լույսը մարեց նրա աչքերում: Նորից, ինչպես երեկ, հանկարծ առանց ամենափոքրիկ անցումի, նա իրեն նետված զգաց հուսադատության, զայրույթի և նվաստացման անդունդը՝ երջանկության, հանգստի, արժանապատվության բարձ-

րությունից: Նորից ամենքը և ամեն ինչ զզվելի գարձան նրա համար:

— Այդպես էլ արեք, իշխանուհի, ինչպես ուզում եք. — ասաց նա, նորից ետ նայելով:

— Ծանր է Մոնոմախի գրակը, — կատակով ասաց նրան Ստեպան Արկադևիչը, ակնարկելով հայտնապես ո՛չ միայն խոսակցությունն իշխանուհու հետ, այլև Լևինի հուզմունքի պատճառը, որը նկատեց նա: — Դու այսօր ինչ ուշ ես գալիս, Դուլլի:

Ամենքը վեր կացան՝ դիմավորելու Գարյա Ալեքսանդրովնային: Վասենկան կանգնեց մի րոպե միայն և տիկինների հանգիստ քաղաքավարության բացակայությամբ, որ հատուկ էր նոր երիտասարդներին, բարևեց ու նորից շարունակեց խոսակցությունը, ծիծաղելով ինչ-որ բանի համար:

— Ինձ տանջեց Մաշան: Նա լավ չի քնել և այսօր սոսկալի կամակոր է, — ասաց Դուլլին:

Կիտիի հետ Վասենկայի սկսած խոսակցությունը նորից երեկվա նյութի մասին էր, Աննայի և այն բանի մասին, թե կարո՞ղ է արդյոք սերը բարձր լինել հասարակության պայմանականություններից: Կիտիի համար անախորժ էր այդ խոսակցությունը և հուզում էր նրան՝ թե՛ իր բովանդակությամբ, թե՛ այն տոնով, որով տարվում էր այն, և մանավանդ նրանով, որ Կիտին գիտեր արդեն, թե ինչպես կազդի այդ իր ամուսնու վրա: Բայց Կիտին չափազանց պարզ էր ու անմեղ, ուստի անկարող էր դադարեցնելու այդ խոսակցությունը. նա պարզ էր և անմեղ ու անկարող էր ծածկելու արտաքին այն բավականությունը, որ պատճառում էր նրան այդ երիտասարդի բացահայտ ուշադրությունը: Նա ուզում էր վերջ տալ այդ խոսակցությանը, բայց չգիտեր, թե ի՞նչ անի: Նա գիտեր, որ այն բռնորդ, ինչ էլ աներ ինքը, ամուսինը կնկատեր ու կմեկնաբաներ վատ մտքով: Եվ իրոք, երբ Կիտին հարցրեց Դուլլիին, ի՞նչ է պատահել Մաշային, ու Վասենկան սկսեց անտարբեր նայել Դուլլիին, սպասելով, թե ե՞րբ կվերջանա իր համար ձանձրալի այդ խոսակցությունը, Լևինին իր կնոջ հարցը թվաց որպես անբնական, զզվելի խորամանկություն:

— Ի՞նչ կասեք, այսօր գնա՞նք սունկի, — հարցրեց Դուլլին:

— Գնանք, խնդրեմ, ես էլ կգամ, — ասաց Կիտին ու կար-

մըրեց: Քաղաքավարութիւնից դրդված, նա ուզում էր հարցանել Վասենկային, արդո՞ր կգնա՞ նա, և շհարցրեց: — Ո՛ւր, Կոստյա,— հանցավոր դեմքով հարցրեց Կիտին ամուսնուն, երբ Լեինը վճռական քայլերով անցնում էր նրա մոտով: Այդ հանցավոր արտահայտութիւնը հաստատեց Լեինի բոլոր կասկածները:

— Առանց ինձ եկել է մերենավարը, ես դեռ չեմ տեսել նրան,— ասաց Լեինը, շնայելով կնոջը:

Նա իջավ ներքև, բայց կարիներտից դեռ դուրս չէր եկել, երբ լսեց կնոջ ծանոթ քայլերը, որն անզգույշ և արագ զալիս էր դեպի ինքը:

— Ի՞նչ ես ուզում,— ասաց նրան Լեինը շոր տոնով: — Մենք դրադված ենք:

— Ներեցեք ինձ,— դիմեց նա մերենավար-գերմանացուն— ես պիտի մի քանի խոսք ասեմ ամուսնուս:

Գերմանացին ուզում էր դուրս գնալ, բայց Լեինն ասաց նրան.

— Մի՛ անհանգստանաք:

— Գնացքը ժամը երեքի՞ն է,— հարցրեց գերմանացին,— չլինի թե ուշանամ:

Լեինը չպատասխանեց նրան և ի՛նքը դուրս եկաւ կնոջ հետ:

— Հապա՛, ի՛նչ ունեք ինձ ասելու,— խոսեց նա ֆրանսերեն:

Նա չէր նայում կնոջ երեսին և չէր ուզում տեսնել, որ կինը, իր վիճակում, դողում էր ամբողջ դեմքով և ունեք ողորմելի, ճնշված տեսք:

— Շու... ես ուզում եմ ասել, որ չի կարելի այդպես ապշել, որ դա տանջանք է... թոթովեց Կիտին:

— Այստեղ բուՖետում մարդիկ կան,— ասաց Լեինը բարկացած.— տեսարան մի՛ սարքեք:

— Որ այդպես է, գնանք այստեղ:

Նրանք կանգնել էին միջանցիկ սենյակում: Կիտին ուզում էր մտնել հարևան սենյակը: Բայց այնտեղ անզուհին դաս էր սովորեցնում Տանյային:

— Դե՛, գնանք պարտեղ:

Պարտեղում նրանք հանդիպեցին ծառուղին մաքրող մու-

ծիկին: Եվ այլևս չմտածելով այն մասին, որ մուծիկը տեսնում է Կիտիի լացակումած, իսկ Լեինի հուզված դեմքը, չմտածելով այն մասին, որ իրենք ունեն այնպիսի մարդկանց տեսք, որոնք փախչում են ինչ-որ դժբախտութիւնից, նրանք արագ քայլերով գնում էին առաջ, զգալով, որ իրենք պիտք է արտահայտվեն ու համոզեն իրար, լինեն միասին և դրանով ազատվեն այն տանջանքից. որ զգում էին երկուսն էլ:

— Այդպես ապրել չի կարելի: Դա տանջանք է: Մ՛ս տառապում եմ, դո՛ւ տառապում ես: Ինչի՞ համար,— ասաց Կիտին, երբ նրանք վերջապես հասան մենավոր նստարանին՝ լորենու ծառուղու անկյունում:

— Բայց դու ասա ինձ մի բան. կա՞ր նրա տոնի մեջ անպարկեշտ, անմաքուր, նվաստացուցիչ-սոսկալի բան,— ասում էր Լեինը, կանգնելով կնոջ դիմաց նորից այն դիրքով, բռունցքները բռնած կրծքի առաջ, ինչպես կանգնել էր նա Կիտիի դիմաց այն ժամանակ՝ գիշերը:

— Կա՛ր,— ասաց Կիտին դողողուն ձայնով: — Բայց, Կոստյա, մի՞թե դու չես տեսնում, որ ես մեղավոր չեմ: Ծառապումս այնպիսի ուզում էի այնպիսի տոն վերցնել, բայց այդ մարդիկ... Ինչո՞ւ եկավ նա: Ի՛նչ երջանիկ էինք մենք,— ասում էր նա, խեղդվելով հեծեծանքներից, որոնք ցնցում էին նրա հաստացած ամբողջ մարմինը:

Այգեպանը զարմանքով տեսավ, որ թեպետ ոչինչ չէր հետապնդում նրանց, թեպետ փախչելու բան չկար, թեպետ նրանք չէին կարող առանձին ուրախալի բան գտնել նստարանի վրա,— այգեպանը տեսավ սակայն, որ նրանք իր մոտով վերադարձան տուն՝ հանդիստ, պայծառ դեմքով:

XV

Առաջնորդելով կնոջը վերև, Լեինը գնաց Դուլլիի բաժանմունքը: Դարյա Ալիքսանդրովնան իր հերթին այսօր սաստիկ վշտացած էր: Նա քայլում էր սենյակում և բարկացած ասում էր անկյունում կանգնած ու հեկեկող աղջկան.

— Եվ ամբողջ օրը կկանգնես անկյունում ու մենակ կճաշես և ո՛չ մի տիկնիկ չես տեսնի, և քեզ համար նոր շոր չեմ կարի,— ասում էր նա, չիմանալով այլևս, թե ինչո՞վ պատժի նրան:

— Ո՛չ, սա անպիտան աղջիկ է,— դիմեց նա Լեինին: — Որտեղի՞ց է վերցնում նա այդ զզվելի հակումները:

— Բայց ի՞նչ է արել նա,— բավականին անտարբեր հարցրեց Լեինը, որն ապուս էր խորհրդակցել իր գործի մասին, ուստի սրտնեղեց, որ եկավ անպատեհ ժամի:

— Նրանք Գրիշայի հետ գնացել էին մորենու ածուն և այնտեղ... Ես նույնիսկ չեմ կարող ասել, թե ի՞նչ է արել նա: Հազար փոստու miss Elliot. Դա ո՛չ մի բանի չի նայում, մեքենա է... Figurez vous, que la petite...¹

Եվ Դարյա Ալեքսանդրովնան պատմեց Մաշայի հանցանքը:

— Այդ ոչինչ չի ապացուցում, բնավ զզվելի հակում չէ, դա ուղղակի շարաձճիութուն է,— հանգստացնում էր Դոլլին Լեինը:

— Բայց դու մի տեսակ վշտացած ես: Դու ինչո՞ւ եկար,— հարցրեց Դոլլին.— Ի՞նչ է կատարվում այնտեղ:

Եվ այդ հարցի տոնի մեջ Լեինը լսեց, որ ինքը հեշտու-թյամբ կարող է ասել այն, ինչ մտադիր էր:

— Ես այնտեղ չէի, ես Կիտիի հետ այգում էի, մենք զժովեցինք երկրորդ անգամ այն օրից, երբ... եկավ Ստիվան: Դոլլին նայում էր նրան խելացի, հասկացող աչքերով:

— Դե՛, ասա, ձեռքդ սրտիդ դրած, կա՞ր արդյոք... ո՛չ թե Կիտիի, այլ այդ պարոնի մեջ այնպիսի տոն, որը կարող է լինել մարդու համար անախորժ, ո՛չ թե անախորժ, այլ սարսափելի՝ վիրավորական:

— Այսինքն, ինչպե՞ս ասած... կանգնիր, կանգնի՛ր անկունում,— դիմեց նա Մաշային, որը տեսնելով հազիվ նկատելի ժպիտ մոր դեմքին, շուտ եկավ: — Աշխարհիկ կարծիքը կյինե՛ր այն, որ նա պահում է իրեն այնպես, ինչպես պահում են իրենց բոլոր երիտասարդները: Il fait la cour à une jeune et jolie femme², իսկ աշխարհիկ ամուսինը պետք է շոյված զգա իրեն դրանով:

— Այո՛, այո՛,— ասաց Լեինը մռայլ.— բայց դու նկատեցի՞ր:

— Ո՛չ միայն ես, այլև Ստիվան նկատեց: Թեյից հետո նա ուղղակի ասաց ինձ: Je crois que Vassilovskiy fait un petit brin de cour à Kitty:

— Շատ գեղեցիկ, այժմ ես հանգիստ եմ: Ես կվոնդեմ նրան,— ասաց Լեինը:

— Ինչե՛ր ես խոսում, խելագարվե՛լ ես, ի՞նչ է,— սարսափով բացականչեց Դոլլին: — Ի՞նչ եղավ բեզ, Կոստյա, ուշքի եկ,— ասաց նա ծիծաղելով: — Այժմ կարող ես գնալ Ֆաննիի մոտ,— ասաց նա Մաշային: — Ո՛չ, եթե ուզում ես, ես կասեմ Ստիվային: Նա կտանի նրան իր հետ: Կարելի է ասել, որ դու սպասում ես հյուրերի: Առհասարակ, նա հարմար մարդ չէ մեր տան համար:

— Ո՛չ, ո՛չ, ես ինքս:

— Բայց դու կկո՞վես...

— Բնավ ոչ: Ինձ համար այնպես ուրախ բան կլինի այդ, իսկապես ուրախ,— ասաց Լեինը, փայլեցնելով աչքերը: — Ների՛ր Մաշային, Դոլլի, նա այլևս չի անի,— ասաց Լեինը փոքրիկ հանցադործի մասին, որը չէր գնում Ֆաննիի մոտ և անվճռական կանգնել էր մոր դիմաց, սպասելով ու աչքի տակով փնտրելով նրա հայացքը:

Մայրը նայեց աղջկան: Աղջիկը հեկեկաց, զլուխը թաքցրեց մոր ծնկների մեջ, և Դոլլին դրեց նրա գլխին իր նիհար, ջրն-ջուռ ձեռքը:

«Եվ ի՞նչ կա ընդհանուր մեր ու նրա միջև», մտածեց Լեինը և գնաց գտնելու Վեսլովսկուն:

Անցնելով նախասենյակից, նա հրամայեց՝ լծել կառքը կայարան գնալու համար:

— Երեկ «ոռոսորը» կոտրվեց,— պատասխանեց ծառան:

— Այդ դեպքում՝ տարանտասը, բայց շուտ: Որտե՞ղ է հյուրը:

— Նա գնաց իր սենյակ:

Լեինը գտավ Վեսլովսկուն այն պահին, երբ նա իրերը հանելով ճամպրուկից ու դասավորելով նոր ռոմանտները, շափում էր կաշվե սոնապանները, որ ձիով զբոսանքի գնա:

Արդյոք Լեինի դեմքին կա՞ր ինչ-որ առանձնահատուկ ար-

¹ Երևակայեցեք, որ աղջիկը...

² Նա սիրաթովում է շահել ու գեղեցիկ կնոջը:

տահայտութիւն, թե՞ վասնական զգաց, որ այդ ընտանիքում անտեղի էր ce petit brin de cour¹, ինչ սկսեց ինքը, բայց Լեիին ներս գալով նա մի փոքր շփոթվեց (որքան ընդունակ է շփոթվելու աշխարհիկ մարդը):

— Դուք սոնապաններո՞ւմ եք ձիավարում:

— Այո՛, այդ շատ ավելի մաքուր է, — ասաց վասնական, ճարպակալած ոտը դնելով աթոռին, կոճկելով ներքևի ճարմանդը և ուրախ, բարեսրտորեն ժպտալով:

Անկասկած, նա լավ տղա էր, և Լեիին խղճաց նրան ու ճնշվեց որպես տանտեր, երբ նկատեց երկչոտութիւն վասնականի հայացքի մեջ:

Սեղանի վրա դրած էր այն ձեռնափայտի կտորը, որը նրանք այսօր առավոտյան միասին կտորեցին մարմնամարզութիւն ժամանակ, փորձելով բարձրացնել մարզանքի ուռած ծանրոցը: Լեիին վերցրեց փայտի այդ կտորը և սկսեց կոտրատել նրա ճեղքոտված ծայրը, շիմանալով, թե ինչպե՛ս սկսի:

— Ես ուզում էի... — նա լռեց, բայց հանկարծ մտաբերելով Կիտիին և այն բոլորը, որ տեղի էր ունեցել, ասաց, վճռականորեն նայելով նրա աչքերին. — Ես հրամայեցի, որ ձեզ համար ձիեր լծեն:

— Այսինքն՝ ինչպե՛ս, — սկսեց վասնական զարմանքով: — Իսկ ո՞ւր պիտի գնալ:

— Երկաթուղու կայարան, — ասաց Լեիինը մռայլ, քշփորելով փայտի ծայրը:

— Դուք ուրիշ տե՞ղ եք գնում, թե՞ մի բան է պատահել:

— Պատահել է այն, որ ես սպասում եմ հյուրերի, — ասաց Լեիինը, ավելի ու ավելի արագ կոտրատելով ճեղքոտված փայտի ծայրը՝ ուժեղ մատներով: — Հյուրերի էլ չեմ սպասում, ոչինչ էլ չի պատահել, բայց ես խնդրում եմ ձեզ հեռանալ: Դուք կարող եք, իմ անբաղաբավարութիւնը բացատրել ինչպէս ուզենաք:

Վասնական ուղղվեց:

— Ես խնդրում եմ ձեզ՝ բացատրել ինձ... — ասաց նա արժանապատուությամբ, վերջապես հասկանալով:

— Ես չեմ կարող բացատրել ձեզ, — կամաց ու դանդաղ խոսեց Լեիինը, աշխատելով թաքցնել իր այտուկերի դողոցը: — Եվ ձեզ համար ավելի լավ է՝ շհարցնել:

Ու որովհետև Լեիինն արդեն կոտրատել, վերջացրել էր փայտի ճեղքոտված մասը, մատներով բռնեց նրա հաստ ծայրը, ճեղքեց փայտը ու խնամքով բռնեց վայր ընկնող կտորը:

Հավանորեն, այդ լարված ձեռների, այսօր առավոտյան մարմնամարզութիւն ժամանակ իր շոշափած մկանների և փայլուն աչքերի, խաղաղ ձայնի ու դողողացող այտուկերի տեսքը համոզեց վասնականին ավելի, քան կհամոզեին խոսքերը: Ուսերը վեր քաշելով ու արհամարհալից ժպտալով, նա գլուխ տվեց:

— Արդյոք չե՞մ կարող տեսնել Օբլոնսկուն:

Ուսերի վեր քաշելը և ժպիտը չզրգոցեցին Լեիինին: «Այլևս ի՞նչ է մնում նրան անելու», մտածեց Լեիինը:

— Ես նրան այս րոպեիս կուղարկեմ ձեզ մոտ:

— Ի՞նչ անմտութիւն է այդ, — ասում էր Ստեպան Արկադևիչը, իմանալով իր բարեկամից, որ նրան վռնդում են տանից, և գտնելով Լեիինին այգում, որտեղ զբոսնում էր նա, սպասելով հյուրի մեկնելուն: — Mais c'est ridicule¹. Ի՞նչ ճանճ կծեց քեզ: Mais c'est du dernier ridicule²: Քեզ ի՞նչ թվաց, եթե երիտասարդը...

Ըստ երևույթին, դեռ ցավում էր այն տեղը, որ ճանճը խայթել էր, ուստի Լեիինը նորից գունատվեց, երբ Ստեպան Արկադևիչն ուզեց բացատրել պատճառը, և շտապ ընդհատեց նրան.

— Խնդրում եմ, մի՛ բացատրիր պատճառը: Ես այլ կերպ չեմ կարող: Ես ինձ ամոթով եմ զգում քո և նրա առաջ: Բայց նրա համար, ես կարծում եմ, վիշտ չէ այստեղից հեռանալը իսկ ինձ և իմ կնոջ համար նրա ներկայութիւնն անախորժ է:

— Բայց նրա համար վիրավորական է: Et puis c'est ridicule³.

— Իսկ ինձ համար և՛ վիրավորական է, և՛ տանջալից: Ես ոչ մի բանում մեղավոր չեմ և անտեղի ինչո՞ւ պիտի տանջվեմ:

¹ Բայց դա ծիծաղելի է:

² Բայց դա ծայրաստիճան ծիծաղելի է:

³ Եվ հետո դա նիծաղելի է:

¹ Թրև գալը:

— է՛, դա արդեն ես չէի սպասում քեզանից: On peut être jaloux, mais à se point du dernier ridicule¹:

Լևինն արագ շուռ եկավ ու հեռացավ նրանից դեպի ծառուղու խորքը և շարունակեց մենակ քայլել ետ ու առաջ: Շուտով նա լսեց տարանտասի գղրղոցը և տեսավ ծառերի միջից, թե ինչպես Վասենկան, նստած խոտի վրա (հակառակի պես՝ նստիք չկար տարանտասի մեջ), իր շոտլանդական թասակը գլխին, ոստոստելով կառքի ցնցումներից, անցավ-զնաց ծառուղով:

«Ա՛յդ ինչ բան է», մտածեց Լևինը, երբ ծառան, դուրս վազելով տանից, կանգնեցրեց տարանտասը: Դա մեքենավարն էր, որի մասին բոլորովին մոռացել էր Լևինը: Մեքենավարը գլուխ տալով, ինչ-որ բան էր ասում Վեսլովսկուն. հետո մտավ տարանտասը, և նրանք միասին գնացին:

Ստեպան Արկադևիչը և իշխանուհին վրդովված էին Լևինի վարմունքից: Նա ինքն էլ իրեն զգում էր ո՛չ միայն վերին աստիճանի ridicule, այլև գլխովին մեղավոր ու խայտառակված: Բայց մտաբերելով, թե ինչպե՛ս տանջվեցին ինքն ու իր կինը, նա հարց տալով իրեն, արդյոք ինչպե՛ս կվարվեր ինքը մյուս անգամ, պատասխանում էր իրեն, թե՛ ճիշտ այսպես:

Զնայած այս բոլորին, այդ օրվա վերջում ամենքը, բացառությամբ իշխանուհու, որն այդ վարմունքը շնորհեց Լևինին, գարձան արտասովոր աշխույժ և ուրախ, ինչպես երեխաները՝ պատժից կամ մեծերը՝ պաշտոնական ծանր ընդունելությունից հետո: Այնպես որ, երեկոյան, իշխանուհու բացակայությամբ, Վասենկայի վճռման մասին արդեն խոսում էին որպես վաղուցվա զեպթի մասին: Եվ Դուլլին, որը հորից ժառանգել էր ծիծաղելի պատմելու ընդունակություն, ստիպում էր Վարենկային ծիծաղից թուլանալ, երբ երրորդ ու չորրորդ անգամ միշտ նոր գավեշտական հավելումներով պատմում էր, թե ինչպե՛ս ինքը պատրաստվում էր նոր ժապավեններ կապել հյուրի համար և արդեն գալիս էր ընդունարան, երբ հանկարծ լսեց ծանր կառքի գղրղոցներ: Եվ ո՞վ է այդ կառքի մեջ,— ինքը Վասենկան՝ շոտլանդական թասակով, ոտմանսներով, սունապաներով նստած խոտի վրա:

¹ Կարելի է լինել խանդոտ, բայց այդ աստիճան՝ արդեն չափազանց ծիծաղելի է:

— Գոնե հրամայիր, որ կառեթը լծեին: Ո՛չ, և հետո լսում եմ. «կացե՛ք»: Ես էլ կարծում եմ, թե մեղքացան: Նստում եմ, նրա կողքին նստեցրին հաստ գերմանացուն ու տարան... Եվ իմ ժապավենները զուր կորան...

XVI

Դարյա Ալեքսանդրովնան կատարեց իր մտադրությունը և գնաց Աննայի մոտ: Նա շատ ցավում էր, որ պիտի վշտացնի թրոջը և տհաճ բան անի նրա ամուսնու համար. նա հասկանում էր, թե ինչպե՛ս իրավացի էին Լևինները, որ չէին ցանկանում ո՛չ մի հարաբերություն ունենալ Վոռնսկու հետ. բայց նա իր պարտքն էր համարում լինել Աննայի մոտ և ցույց տալ նրան, որ իր զգացումները չեն կարող փոխվել, շնայած նրա դրուժյան փոփոխվելուն:

Որպեսզի այս ուղեգնացության մեջ կախում չունենա Լևիններից, Դարյա Ալեքսանդրովնան մարդ ուղարկեց գյուղ՝ ձիեր վարձելու. բայց Լևինը, իմանալով այդ, եկավ նրա մոտ հանդիմանությունով:

— Ինչո՞ւ ես կարծում, որ ինձ համար անախորժ է թո ուղեգնացությունը: Եթե դա նույնիսկ տհաճ լիներ ինձ, ավելի ևս հաճելի չէ, որ դու չես վերցնում ի՛մ ձիերը,— ասում էր նա:— Դու ո՛չ մի անգամ չասացիր ինձ, որ վճռականապես զնում ես: Իսկ վարձել գյուղում, նախ՝ անախորժ է ինձ, իսկ, որ գլխավորն է՝ նրանք խոսք կտան, բայց չեն հասցնի: Ես ձիեր ունեմ: Եվ եթե դու չես ուզում վշտացնել ինձ, ուրեմն վերցրու իմոնքը:

Դարյա Ալեքսանդրովնան պետք է համաձայներ, և նշանակված օրը Լևինը քենու համար պատրաստեց չորս ձի ու փոխձիերի մի կաճառ, կազմած բանոզ և հեծկան ձիերից, շատ տգեղ, բայց մի օրում Դարյա Ալեքսանդրովնային տանելու կարող: Այժմ, երբ ձիերը պետք էին՝ և՛ տուն վերադարձող իշխանուհու, և՛ մանկաբարձուհու համար, այդ դժվար էր Լևինի համար, բայց հյուրասիրության պարտքի գիտակցությամբ նա չէր կարող թույլ տալ Դարյա Ալեքսանդրովնային՝ ձիեր վարձել իր տանից և, բացի դրանից, գիտեր, որ Դարյա Ալեքսանդրովնայի համար շատ կարևոր էր քսան ուրբին, որը

ուզում էին նրանից ուղեգնացության համար. իսկ նյութական շատ վատ դրության մեջ գտնվող Դարյա Ալեքսանդրովնայի դրամական գործերը Լեինն զգում էր այնպես, ինչպես իր սեփական գործերը:

Դարյա Ալեքսանդրովնան, Լեինի խորհրդով, դուրս եկավ լուսաբացից առաջ, ծանապարհը լավ էր, կառքը հանգիստ, ձիերը վազում էին ուրախ, և նստիքին, բացի կառապանից, նստել էր զրասենյակի ծառայողը. սպասավորի փոխարեն, որին Լեինն ուղարկեց ապահովության համար: Դարյա Ալեքսանդրովնան նիրհեց ու արթնացավ միայն այն պահին, երբ արդեն մոտենում էին իջևանին, որտեղ հարկավոր էր փոխել ձիերը:

Քեյ խմելով այն հարուստ մուժիկ-պանդոկապետի մոտ, որի տանը կանգ առավ Լեինը Սվիլյաժսկու կայվածքը գնալիս, և զրուցելով կնիկների հետ՝ երեխաների մասին ու ծերունու հետ՝ Վոռնսկու մասին, որին ծերուկը շատ զովում էր, Դարյա Ալեքսանդրովնան ժամը տասին շարունակեց ճանապարհը: Տանը, տարված երեխաների հոգսով, նա ժամանակ չէր ունենում մտածելու: Դրա փոխարեն այժմ արդեն, այս շորսժամյա ուղեմասում, հանկարծ խոնվեցին նրա զխում առաջներում կասեցված բոլոր մտքերը, և նա վերակշռադատեց իր ամբողջ կյանքն այնպես, ինչպես առաջնկրում երբեք, ու՛ր ամենատարբեր կողմերից: Նրա համար տարօրինակ էին իր մտքերը: Սկզբում նա մտածում էր երեխաների մասին, որոնց համար նա այնուամենայնիվ անհանգիստ էր, թեև իշխանուհին, իսկ, որ զխավորն է՝ Կիտին (նա նրա վրա ավելի հույս ունեւր) խոստացել էր հսկել նրանց: Բայց նա, այնուամենայնիվ, անհանգստանում էր: «Զլինի թե Մաշան նորից սկսի շարություն անել, շլինի թե ձին խփի Գրիշային, և հետո շլինի՞ թե Լիլի ստամոքսն ավելի ևս խանգարվի»: Բայց հետո ներկայիս հարցերին սկսեցին փոխարինել մոտիկ ապագայի հարցերը: Նա սկսեց մտածել այն մասին, որ հարկավոր է Մոսկվայում այս ձմեռ վերցնել նոր բնակարան, փոխել ընդունարանի կահը և նոր մուշտակ կարել մեծ աղջկա համար: Հետո սկսեցին պատկերանալ նրան ավելի հեռավոր ապագայի հարցերը. ինչպե՞ս պետք է ինքը մարդ դարձնի երեխաներին: «Աղջիկներին դեռ ոչի՛նչ, — մտածում էր նա, — բայց տղանե՛րը»:

«Լա՛վ, ես պարապում եմ Գրիշայի հետ այժմ, բայց չէ՞ որ դա միայն շնորհիվ այն բանի. որ ես ինքս այժմ ազատ եմ, դեռ երեխա չեմ բերում: Հասկանալի է, որ Ստիվայի վրա հույս դնել չի կարելի: Եվ ես բարի մարդկանց օգնութամբ մարդ կդարձնեմ նրանց, բայց հի՞ չեմ նորից ծննդաբերություն... Եվ նա հիշեց այն միտքը. թե ինչպես անիրավացի է ասված, որ անեծք է դրված կնոջ վրա, որպեսզի նա երկունքի ցավով զավակ ծնի: «Մենելը ոչինչ, բայց, կրելը՝ ահա թե ի՛նչն է տանջալից», մտածեց նա, պատկերացնելով իր վերջին հղիությունը և այդ վերջին երեխայի մահը: Ու նա մտաբերեց պանդոկում դեռատի կնոջ հետ ունեցած իր խոսակցությունը: Այն հարցին, արդյոք երեխաներ ունի՞ր նա. գեղեցիկ, ջահել կինն ուրախ պատասխանեց.

— Կար մի աղջիկ, բայց աստված տարավ. պահքին թաղեցի:

— Շա՞տ ես ցավում նրա համար, — հարցրեց Դարյա Ալեքսանդրովնան:

— Ի՞նչ կա ցավելու: Առանց էդ էլ ծերունին թոռներ շատ ունի: Ավելորդ զխացավանք: Ո՛չ կարող ես ինքդ աշխատել, ո՛չ էլ ուրիշ բան: Կապ ու կապանք է միայն:

Դարյա Ալեքսանդրովնային զվելի թվաց այդ պատասխանը, շնայած մանկահաս կնոջ բարեսիրտ սիրունատեսությանը, բայց այժմ նա ակամա հիշեց այդ վերջին խոսքերը: Այդ ցինիկ խոսքերի մեջ նաև որոշ չափով ճշմարտություն կար:

«Եվ առհասարակ, — մտածում էր Դարյա Ալեքսանդրովնան, ետ նայելով իր ամբողջ կյանքի վրա՝ ամուսնության այս տասնհինգ տարվա ընթացքում, — հղիություն, սիրտ խառնել, ուղեղի բթություն, անտարբերություն ամեն բանի հանդեպ և, որ զխավորն է՝ այլանդակություն: Կիտին, ջահել, լավիկ Կիտին, նա ևս ինչպե՞ս տգեղացել է, իսկ ես հղի ժամանակս դառնում եմ այլանդակ, գիտեմ ես: Մենդաբերություն, տառապանքներ, այլանդակ տառապանքներ, այդ վերջին բոպեն... հետո կերակրելը, այդ անքուն գիշերները, այդ սոսկալի ցավերը»...

Դարյա Ալեքսանդրովնան ցնցվեց ճաքճքված պտուկների ցավի մասին հիշողությունից միայն, ցավ, որ նա զգում էր համարյա յուրաքանչյուր երեխայի հետ: «Հետո երեխաների

հիվանդութիւնները, այդ վախը մշտական. հետո դաստիարակութիւնը, անպիտան հակումները (նա հիշեց փոքրիկ Մաշայի հանցագործութիւնը մորենու թփուտում), ուսումը, լատիներենը՝ այս բոլորն այնպես անհասկանալի ու դժվար է: Եվ այս բոլորից բացի, նույն այդ երեխաների մահը: Ու նորից նրա երևակայութիւն մեջ ծագեց նրա մայրական սիրտը միշտ ճնշող՝ դաժան հիշողութիւնը վերջին, ծծկեր տղայի՝ կրուպից մեռած մանչուկի մահվան մասին, նրա թաղումը. առհասարակ անտարբերութիւնն այդ վարդազույն փոքրիկ դագաղի հանդեպ և իր, սիրտ քրքրող մենավոր ցավը՝ գունատ ճակատի հանդեպ՝ խուճուճ քունքերով, բաց ու զարմացած բերանի հանդեպ, որ երևում էր դագաղի միջից այն ընկալին, երբ նրան ծածկում էին վարդազույն կափարիչով, վրան տրեզնի խաչ:

«Եվ ինչի՞ համար այս բոլորը: Ի՞նչ դուրս կգա այս բոլորից: Այն, որ ես, շունենալով ո՛չ մի ընկալի հանգիստ, մերթ հղի, մերթ կերակրող, միշտ բարկացած, քրթմնջացող, ինքս տանջված և ուրիշներին տանջող, ամուսնուս համար զգվելի, կապրեմ իմ կյանքը, և կմեծանան դժբախտ, վատ դաստիարակված ու աղքատ երեխաներ: Եվ այժմ, եթե մենք ամառս չլինենք Լեհիների մոտ, չգիտեմ, թե ինչպե՞ս կապրեինք: Իհարկե, Կոստյան ու Կիտին այնքան փափկանկատ են, որ մեզ համար աննկատելի է. բայց դա չի կարող այդպես շարունակվել: Երեխաներ կունենան նրանք, չեն կարող այլևս օգնել մեզ. նրանք ա՛յժմ էլ նեղված են: Մի՞թե պիտի օգնի հայրիկը, որը համարյա ոչինչ չի թողել իրեն: Այնպես որ, ես ինքս չեմ կարող մարդ դարձնել երեխաներին. դա հնարավոր է ուրիշների օգնութեամբ, նվաստացումով: Եթե ենթադրենք ամենաբախտավոր ելքը. երեխաներն այլևս չեն մեռնի, և ես մի կերպ կդաստիարակեմ նրանց: Ամենալավագույն դեպքում միայն սրիկաներ չեն լինի: Ահա այն բոլորը, ինչ կարող եմ ես ցանկանալ: Եվ այս բոլորի համար այդքան տանջանք, աշխատանք... Կործանված է ամբողջ կյանքս»: Նա նորից հիշեց, թե ի՞նչ ասաց մանկահաս կինը, և նորից դրա հիշողութիւնը զարշանք պատճառեց նրան. բայց նա չէր կարող չհամաձայնել, որ այդ խոսքերի մեջ կար որոշ չափով կոպիտ ճշմարտութիւն:

— Հեռո՞ւ է դեռ, Միխայլա,— հարցւեց Դարյա Ալեքսանդրովնան գրասենյակի ծառայողին, որպէսզի ցրի իրեն վախեցնող մտքերը:

— Ասում են, այս գյուղից յոթ վերստ:

Կառքը գյուղի փողոցով դուրս էր գալիս դեպի կամուրջը: Կամուրջով անցնում էին, իրար հետ զնգուն և ուրախ խոսակցելով. մի խումբ ուրախ կնիկներ, ուսերին ոլորած խրձակապեր: Կնիկները կանգնեցին կամուրջի վրա, հետաքրքրութեամբ դիտելով կառքը: Դարյա Ալեքսանդրովնային դարձած բոլոր դեմքերը թվում էին նրան առողջ, ուրախ, կյանքի խնդութեամբ նրան զրգող: «Ամենքն ապրում են, ամենքը հրճվում են կյանքով,— շարունակում էր մտածել Դարյա Ալեքսանդրովնան, անցնելով կնիկներից, դուրս գալով սարը և վարգի միջոցին նորից հաճելիորեն օրորվելով հին կառքի փափուկ զբսպանակների վրա,— իսկ ես, բաց թողնված, ինչպես բանտից, մի աշխարհից, որն սպանում է ինձ հոգսերով, ա՛յժմ միայն ուշքի եկա մի վայրկյան: Ամենքն ապրում են. և՛ այս կնիկները, և՛ քույր Նատալին, և՛ վարենկան, և՛ Աննան, որի մոտ եմ գնում, չեմ ապրում միայն ես»:

«Իսկ նրանք հարձակվում են Աննայի վրա: Ինչի համար: Է՛հ, ի՞նչ, մի՞թե ես ավելի լավ եմ: Ես, համենայն դեպս, ունեմ ամուսին, որին սիրում եմ, սիրում եմ ո՛չ այնպես, ինչպես կուզենայի, բայց սիրում եմ նրան, իսկ Աննան չէր սիրում իր ամուսնուն: Ուրեմն, ի՞նչ բանում է նա մեղավոր: Նա ուզում է ապրել: Աստված է դրել այդ ձգտումը մեռ հոգու մեջ: Շատ կարող է պատահել, որ ե՛ս էլ անեի նույնը: Եվ մինչև այսօր ես չգիտեմ, արդյոք լա՞վ արի, որ լսեցի նրան այն սոսկալի ժամանակ, երբ նա եկավ ինձ մոտ Մոսկվա: Ես այն ժամանակ պետք է թողնեի ամուսնուս և սկսեի նոր կյանք: Ես կարող էի սիրել և սիրվել՝ ինչպես պետք է: Իսկ հիմա մի՞թե ավելի լավ է: Ես չեմ հարգում նրան: Նա հարկավո՛ր է ինձ,— մտածում էր նա ամուսնու մասին,— և ես հանդուրժում եմ նրան: Մի՞թե այդ ավելի լավ է: Այն ժամանակ ես դեռ կարող էի դուր գալ. ինձ մնում էր իմ գեղեցկութիւնը»,— շարունակում էր մտածել Դարյա Ալեքսանդրովնան, և նա ուզեց նայել հայելուն: Պայուսակի մեջ նա ուներ ճանապարհային փոքրիկ հայելի և ուզում էր հանել

այն. Բայց նայելով կառապանի և գրասենյակի օրորվող ծառայողի մեջքին, զգաց, որ կամաչի, եթե նրանցից մեկը ետ նայի, ու չհաննեց հայելին:

Սակայն առանց հայելու մեջ նայելու ևս, նա կարծում էր, որ այժմ էլ դեռ ուշ է, և հիշեց Սերգեյ Իվանովիչին, որն առանձնապես սիրալիր էր դեպի ինքը, Ստիվայի բարեկամին՝ բարի Տուրովցիներին, որն իր հետ միասին խնամում էր իր երեխաներին քուժելի ժամանակ և սիրահարվել էր իրեն: Կար նաև բոլորովին ջահել մի երիտասարդ, որն այն կարծիքին էր, ինչպես կատակով ասում էր իրեն ամուսինը, թե Գուլին բոլոր քույրերից ավելի գեղեցիկ է: Ու Դարյա Ալեքսանդրովնային պատկերացան ամենաբուռն և անհնարին սիրավեպիս: «Աննան շատ լավ արավ, և ես ո՛չ մի կերպ չեմ հանդիմանի նրան: Նա բախտավոր է, բախտավոր է դարձնում մի ուրիշ մարդու և ճնշված չէ ինձ նման, այլ, հավանորեն, ինչպես միշտ, թարմ է, խելոք, ամեն ինչի հանդեպ բաց», մտածում էր Դարյա Ալեքսանդրովնան, ու խորամանկ մի ժպիտ կնճռոտում էր նրա շուրթերը, մանավանդ այն պատճառով, որ մտածելով Աննայի սիրավեպի մասին, դրա հետ զուգահեռաբար Դարյա Ալեքսանդրովնան պատկերացնում էր իր համարյա այդպիսի սիրավեպը երևակայական հավաքական այն տղամարդու հետ, որը սիրահարված էր իրեն: Նա նույնպես, ինչպես Աննան, ամեն բան խոստովանում էր ամուսնուն: Ստեպան Արկադևիչի և՛ զարմանքը, և՛ շփոթությունն այդ լուրը լսելիս՝ ստիպեց նրան ժպտալ:

Այսպիսի տենչերով տարված, նա մոտեցավ մեծ ճանապարհի շրջադարձին, որը տանում էր դեպի Վոզգրիժենսկոյե

XVII

Կառապանը կանգնեցրեց քառածին ու նայեց դեպի աջ՝ հաճարի արտին, որտեղ սայլի մոտ նստել էին մուծիկները: Գրասենյակի ծառայողն ուզում էր ցած թռչել, բայց հետո միտքը փոխեց և հրամայական տոնով բղավեց մուծիկի վրա, կանչելով նրան իր մոտ: Հովիկը, որ փչում էր գնալու միջոցին, դադարեց, երբ կանգ առան: Բոռեխները պատուտեցին քրտնած ձիերին, որոնք բարկացած՝ պոչով թշուր էին նրանց: Դադարեց գերանդին ծեծելով սրելու մետաղային զնգոցը, որ

լավում էր սայլի մոտից: Մուծիկներից մեկը վեր կացավ և մոտեցավ կառքին:

— Տես է՛, շորացավ,— բարկացած բղավեց գրասենյակի ծառայողը բոկոտն մուծիկի վրա, որը դանդաղ քայլում էր շրանով. շոր ճանապարհի գուղձերի միջով:— Դե՛հ, արի՛, է՛:

Գանգրահեր ծերունին, մագերին կապած կեղևի բերձեն, քրտինքից սևացած կուզիկ մեջքով, արագացնելով քայլերը, մոտեցավ կառքին և արևառ ձեռքով բռնեց կառքի թևից:

— Վոզգրիժենսկոյե, պարոնի տո՛ւնը, կոմսի մո՛տ,— կրկնեց նա.— ա՛յ. հենց որ դարիվերը կանցնես: Կծովես ձախ թևի վրա: Ուղիղ շոսեյով, ու դեմդ է: Էնտեղ ո՛ւմ եք ուզում: Իրե՛ն, կոմսի՛ն:

— Գիտե՛ս, տա՛նն են նրանք, սիրելիս,— անորոշ ասաց Դարյա Ալեքսանդրովնան, շիմանալով նույնիսկ, թե ինչպե՛ս հարցնի մուծիկից Աննայի մասին:

— Պետք է որ տանը լինեն,— ասաց մուծիկը, բոբիկ ոտները բարձրացնելով ու դնելով, թողնելով փոշու վրա ոտի թաթի պարզ հետքը՝ հինգ մատներով:— Պետք է որ տանը լինեն,— կրկնեց նա, ըստ երևույթին, կամենալով խոսքի բռնվել:— Երեկ էլի ղոնաղներ եկան: Ղոնաղներ՝ ինչքա՛ն ասես... Խ՛նչ ես ուզում,— շուտ եկավ նա դեպի այն տղան, որն ինչ-որ բան էր բղավում սայլի մոտից:— Հա՛: Քիչ առաջ ամենքը, ձի հեծած, եկան անցան՝ մտիկ տալու հնձելու մաշինը: Հիմիկ պետք է որ տանը լինեն: Իսկ դուք ումոնցի՞ց եք:— Հեռու տեղից,— ասաց կառապանը, բարձրանալով նստիքին:— Ասել կուզի. հեռու չէ՛:

— Ասում եմ քեզ, հենց էստեղ է: Հենց որ դուրս գաս...— ասում էր նա, ձեռքով տնտղելով կառքի թևը:

Մոտեցավ նույնպես ջահել, հաղթանդամ, ջլապինդ տղան:

— Քաղի համար հո աշխատանք չկա՞,— հարցրեց նա:

— Զգիտեմ, սիրելիս:

— Էսպես, ուրեմն, կծովես ձախ թևի վրա ու կգնաս, դեմ կանես տանը,— ասաց մուծիկը, ըստ երևույթին, դժկամությամբ բաց թողնելով ուղորդներին ու կամենալով գրոցել:

Կառապանը շարժեց ձիերը, բայց հենց որ նրանք շուտ տվին, մուծիկը բղավեց.— կա՛ց, է՛յ, բարեկամ, կա՛ց,— բղավում էին երկու ձայներ: Կառապանը կանգ առավ:

— Գալիս են իրենք: Հրե՛ն նրանք,— բղավեց մուծիկը:— Տե՛ս, թափով գալիս են,— ասաց նա, նշելով շորս հեծյալնե-
րին և շարաքանի մեջ նստած երկուսին, որոնք գալիս էին
ճանապարհով:

Ձիավորներից մեկը Վոռնսկին էր ժոկեի հետ, իսկ մյուս
երկուսը՝ Վեսլովսկին և Աննան. շարաքանի մեջ իշխանազնու-
հի Վարվառան էր Սվիյաժսկու հետ: Ծրանք դուրս էին եկել
գրոսնեկու և նայելու նոր բերած հնձի մեքենաների գործողու-
թյունը:

Երբ կառքը կանգնեց, ձիավորները գնացին քայլով: Առ-
ջևից գնում էր Աննան՝ Վեսլովսկու կողքին: Աննան գնում էր
հանգիստ քայլով, նստած անգլիական բարձրահասակ ամ-
բակազմ կոբ ձին, խուզած բաշով ու կարճ պոշով: Նրա գեղե-
ցիկ գլուխը, բարձր գլխարկի տակից դուրս պրծած սև մա-
զերով, նրա լիքը ուսերը, բարակ իրանը՝ սև ամազոնկայի
մեջ և ամբողջ նստվածքը՝ հանգիստ, նազելի, զարմացրին
Դոլլիին:

Առաջին թուրքին նրան թվաց անպարկեշտ բան, որ Աննան
ձիավարում է հեծած: Դարյա Ալեքսանդրովնայի կարծիքով,
ձիավարության մասին ունեցած պատկերացումին միանում
էր երիտասարդական թեթև կոկետության պատկերացումը,
կոկետության, որը, նրա կարծիքով, չէր սազում Աննայի դիր-
քին. բայց, երբ նա դիտեց նրան մոտիկից, անմիջապես
հաշտվեց նրա ձի նստելու հետ: Չնայած վայելչագեղությանը,
ամեն ինչ այնպես պարզ էր, հանգիստ ու արժանապատվու-
թյամբ լի՝ Աննայի թե՛ կեցվածքի, թե՛ զգեստի, թե՛ շարժում-
ների մեջ, որ ոչինչ չէր կարող լինել դրանից ավելի բնական:

Աննայի կողքից, հեծելազորային տաքացած գորշ ձիու
վրա, հաստ ոտները ձգելով դեպի առաջ և ակնհայտորեն
հրճվելով ինքն իրենով, գալիս էր Վասենկա Վեսլովսկին՝
շոտլանդական թասակով, փողփողուն ժապավեններով, և
Դարյա Ալեքսանդրովնան չկարողացավ զսպել իր ուրախ ժպի-
տը, ճանաչելով նրան: Նրանց ետևից գալիս էր Վոռնսկին:
Նրա տակ կար ազնվացեղ մուգ-շագանակագույն նժույգ,
հայտնապես տաքացած քառատրոփ արշավի ժամանակ, Պա-
հելով ձին, նա աշխատում էր երասանով:

Նրա ետևից գալիս էր փոքրիկ մի մարդ՝ ժոկեի զգեստով:

Սվիյաժսկին իշխանազնուհու հետ նստած նոր շարաքանի
մեջ, որին լծած էր մի խոշոր վարզուն ձի, հետևում էր ձիա-
վորներին:

Աննայի դեմքը հանկարծ փայլեց խնդազին ժպիտով ա՛յն
թուրքին, երբ նա հանձին փոքրիկ ֆիգուրի, որ կուշ էր եկել
հին կառքի անկյունում, ճանաչեց Դոլլիին: Նա ճշաց, ցնցվեց
թամբի մեջ ու շարժեց ձին սրարշավ: Մոտ գալով կառքին,
նա առանց ուրիշի օգնության ցած թռավ և ամազոնկայի փեշը
բռնած, վազեց Դոլլիին ընդառաջ:

— Ես այդպես էլ կարծում էի և չէի համարձակվում կար-
ծել: Ա՛յ ուրախություն: Դու շես կարող երևակայել իմ ուրա-
խությունը,— ասում էր նա, մերթ երեսը սեղմելով Դոլլիին ու
համբուրելով նրան, մերթ ետ քաշվելով և ժպտուն դիտելով
նրան:— Ա՛յ խնդություն, Ալեքսեյ,— ասաց նա, ետ նայելով
Վոռնսկուն, որը ձիուց իջել ու մոտենում էր նրան:

Վոռնսկին, հանելով գորշ բարձր գլխարկը, մոտեցավ
Դոլլիին:

— Դուք չեք հավատա, թե մենք որքա՛ն ուրախ ենք ձեր
գալու համար,— ասաց Վոռնսկին, առանձին նշանակութուն
տալով իր արտասանած խոսքերին ու ժպիտով բացելով իր
ամուր, սպիտակ առամենները:

Վասենկա Վեսլովսկին, առանց իջնելու ձիուց, հանեց իր
թասակը և ողջունեց հյուրին, ցնծագին թափահարելով ժա-
պավենները գլխի վրա:

— Դա իշխանազնուհի Վարվառան է,— պատասխանեց
Աննան Դոլլիի հարցական հայացքին, երբ մոտեցավ շարա-
քանը:

— Ա՛,— ասաց Դարյա Ալեքսանդրովնան, և նրա դեմքն
ակամա արտահայտեց տհաճություն:

Իշխանազնուհի Վարվառան Դոլլիի ամուսնու մորաքույրն
էր, որին նա ճանաչում էր վաղուց ու չէր հարգում: Նա դիտեր,
որ իշխանազնուհի Վարվառան իր ամբողջ կյանքն անց էր
կացրել հարուստ ազգականների մոտ, տպրելով նրանց հաշ-
վին, բայց այն հանգամանքը, որ այժմ նա ապրում էր
Վոռնսկու՝ օտար մարդու մոտ, վիրավորում էր Դոլլիին, որպես
իր ամուսնու հարազատի: Աննան նկատեց Դոլլիի դեմքի առ-

տահայտութիւնը և շփոթվեց, կարմրեց, ձեռքից բաց թողեց
ամազոնկան ու սայթաքեց նրա փեշերի մեջ:

Դարյա Ալեքսանդրովնան մոտեցավ կանգ առած շարարա-
նին և սառը բարևեց իշխանազնուհի Վարվառային: Սվիյաժս-
կին նույնպէս ծանոթ էր: Նա հարցրեց, թե ինչպիսիք է ապրում
իր տարօրինակ բարեկամը՝ իր շահել կնոջ հետ, և թոռցիկ
հայացքով դիտելով ոչ համազույգ ձիերը ու կարկատած թե-
վերով կառքը, առաջարկեց տիկիններին՝ գնալ շարաբանով:

— Իսկ ես կգնամ այս վեզիկովով,— ասաց նա:— Ձին
հանգիստ ձի է, և իշխանազնուհին հիանալի ձիավարում է:

— Ո՛չ, մնացեք այնպես, ինչպէս կայիք,— ասաց մոտ
եկած Աննան,— իսկ մենք կգնանք կառքով,— և թեանցով
բռնած Դոլլին, տարավ նրան:

Դարյա Ալեքսանդրովնայի աչքերը շլացան, տեսնելով այդ
շքեղ, մինչ այդ իրեն անհայտ կառքը, այդ հիանալի ձիերը,
իրեն շրջապատող այդ շքեղ պայծառ դեմքերը: Բայց ամենից
ավելի նրան զարմացրեց այն փոփոխութիւնը, որ տեղի էր
ունեցել իրեն ծանոթ ու սիրելի Աննայի մեջ: Մի այլ կին
ավելի պակաս ուշադիր, որ չէր ճանաչում Աննային առաջ և
մանավանդ չէր ունեցել այն մտքերը, որոնցով համակված էր
Դարյա Ալեքսանդրովնան ճանապարհին, առանձնապէս ոչինչ
չէր նկատի Աննայի մեջ: Բայց այժմ Դոլլին ապշած էր այն ժա-
մանակավոր գեղեցկութիւնից, որ կանանց մեջ նկատվում
է միայն սիրո ըրակներին և որը նա տեսավ այժմ Աննայի
դեմքին: Ամեն ինչ նրա դեմքին՝ կզակի և այտերի փոսիկնե-
րի որոշակիութիւնը, շուրթերի կազմը, ժպիտը, որը կարծես
թռչում էր երեսի շուրջը, աչքերի փայլը, շարժումների արա-
գութիւնն ու նազելիութիւնը, ձայնի լիահնչունութիւնը, նույ-
նիսկ այն վարվելաձևը, որով նա բարկացած-շոյանքով պա-
տասխանեց Վեսլովսկուն, որը թույլտվություն խնդրեց նրա-
նից՝ նստելու նրա կողքը, որպեսզի սովորեցնի նրան՝ քա-
ռատրոփ արշավել աջ ոտից,— բոլորը, բոլորն առանձնապէս
զրավիչ էր. ու թվում էր, ինքն՝ Աննան էլ գիտեր այդ և ուրա-
խանում էր դրա համար:

Երբ երկու տիկինները նստեցին կառքի մեջ, երկուսին էլ
հանկարծ համակեց մի տեսակ շփոթութիւն: Աննան շփոթ-
վեց այն ուշադիր-հարցական հայացքից, որով Դոլլին նայում

էր նրան. Դոլլին՝ այն բանից, որ վեզիկովի մասին Սվիյաժս-
սկու ասած խոսքերից հետո նա ակամա ճնշվեց, ամառեց այդ
հին, կեղտոտ կառքի համար, որի մեջ նստեց Աննան նրա
հետ: Կառապան Ֆիլիպը և գրասենյակի ծառայողն ունեին
նույն զրացումը: Գրասենյակի ծառայողն իր շփոթութիւնը
ծածկելու համար դեսուդեն էր ընկնում՝ նստեցնելով տիկին-
ներին, իսկ կառապան Ֆիլիպը մոռալվեց և պատրաստվում
էր այսուհետև շենթարկվել այդ արտաքին գերազանցութեանը:
Նա հեզմանքով ժպտաց, նայելով սևաթույր, վարդուն ձիուն և
իր մտքում արդեն վճռեց, որ շարաբանի այդ սևաթույր ձին
լավ է միայն թեթև զբոսանքի համար ու շոգին քառասուն
վերստ չի գնա մի շնչում:

Սայլի մոտի բոլոր մուծիկները բարձրացան իրենց տեղե-
րից և ուրախ նայում էին հյուրի ընդունելութեանը, անելով
իրենց դիտողութիւնները:

— Ուրախ եմ, վաղուց իրար չեն տեսել,— ասաց գանգրա-
հեր ծերունին, մազերը քերծենով կապած:

— Ի՛նչ բան կլինեք, է՛, քեռի Գերասիմ, թե որ սև ձիով
խրձեր կրեինք, ձեռա՛ց կարծենեինք:

— Մտիկ տուր: էդ փոխանովը կի՛ն է,— ասաց նրանցից
մեկը, նշելով Վասենկա Վեսլովսկուն, որ նստում էր կանացի
թամբին:

— Ձէ՛, տղամարդ է: Տե՛ս, թե ո՛նց զոռբա ցած թռավ:

— Հը՛, տղերք, ոնց տեսնում եմ, չենք քնելու:

— էլ ի՛նչ ջուռ հիմիկ,— ասաց ծերունին, աչքի տակից
նայելով արևին:— Տե՛ս, կեսօրն անցավ: Վերցրեք գերանդու
փոցխերը, սկսեցեք:

XVIII

Աննան նայում էր Դոլլիի նիհար, տանջված, կնճիռների
մեջ փոշի նստած դեմքին և ուզում էր ասել այն, ինչ մտա-
ծում էր, այսինքն՝ որ Դոլլին նիհարել է, բայց հիշելով, որ
ինքը լավացել է և որ Դոլլիի հայացքն ասաց նրան այդ բանը,
հառաչեց ու խոսեց ի՛ր մասին:

— Դու նայում ես ինձ,— ասաց նա,— և մտածում ես կա-
րո՞ղ եմ արդյո՞չ ես բախտավոր լինել իմ այս դրութեամբ: է՛հ,

ի՞նչ արած: Ամոթ է խոստովանելը, բայց ես... ես աններելի բախտավոր եմ: Ինձ հետ պատահեց ինչ-որ կախարդական բան, ինչպես երազ, երբ կատարվում է ինչ-որ սարսափելի, ահաբեկիչ բան, և հանկարծ մարդ զարթնում ու զգում է, որ չկա այդ ամբողջ վախն ու երկյուղը: Ես արթնացա: Ես ապրեցի տանջալիցքը, սոսկալին և այժմ արդեն վաղուց, մանավանդ սկսած այն օրից, երբ մենք այստեղ ենք, այնպես երջանիկ եմ,—ասաց նա, հարցական երկշոտ ժպիտով նայելով Դոլլին:

— Որքա՞ն ուրախ եմ ես,—ժպտալով ասաց Դոլլին, ակամա ավելի սառը, քան ուզում էր:—Ես շատ ուրախ եմ քեզ համար: Ինչո՞ւ դու չէիր գրում ինձ:

— Ինչո՞ւ... որովհետեւ չէի համարձակվում... դու մոռանում ես իմ վիճակը...

— Ի՞նձ. չէիր համարձակվո՞ւմ: Եթե դու իմանայիր, թե ինչպես ես... Ես կարծում եմ...

Դարյա Ալեքսանդրովնան ուզում էր ասել այսօրվա առավոտյան իր մտքերը, բայց չգիտեր, թե ինչո՞ւ, դա այժմ նրան թվաց անտեղի:

— Սակայն, դրա մասին հետո: Սա ի՞նչ է, այս բոլոր շենքերը,— հարցրեց նա, կամենալով փոխել խոսակցությանը և նշելով կարծիք ու կանաչ կտուրները, որոնք երևում էին ակացիայի և յասամանի կենդանի ցանկապատի միջից:— Ասես՝ փոքրիկ քաղաք լինի:

Բայց Աննան չպատասխանեց նրան:

— Ո՛չ, ո՛չ: Ի՞նչ է քո կարծիքն իմ դրուժյան մասին, ի՞նչ ես մտածում դու, ի՞նչ,— հարցրեց նա:

— Ես կարծում եմ... — սկսեց Դարյա Ալեքսանդրովնան, սակայն այդ ժամանակ վասենկա վեալովսկին, վարժեցնելով կորին քառատրոփ արշավի՝ աչ ոտից, ծանր շրմփալով իր կարճլիկ ժակետով կանացի թամբի զամշին, սրարշավ անցավ նրանց մատից: Վերջում է, Աննա Արկադևնա՞, բղավեց նա: Աննան նույնիսկ չնայեց նրան. բայց նորից Դարյա Ալեքսանդրովնային թվաց. որ կառքի մեջ անհարմար է սկսել այդ երկար խոսակցությունը, այդ պատճառով կրճատեց իր միտքը:

— Ես ոչինչ չեմ կարծում,— ասաց նա,— ես միշտ սիրում

էի քեզ, իսկ եթե սիրում ես, սիրում ես մարդուն ամբողջովին, ինչպես նա կա, և ո՛չ թե ինչպես ուզում ես, որ նա լինի:

Աննան աչքերը հեռացնելով իր բարեկամի գեմքից և կկոցելով (դա նոր սովորություն էր, որը չգիտեր Դոլլին նրա շարժումների մեջ), մտասուզվեց, կամենալով լիովին հասկանալ այդ խոսքերի իմաստը: Եվ, հավանաբար, հասկանալով դրանք այնպես, ինչպես ուզում էր, նա նայեց Դոլլին:

— Եթե դու մեղքեր ունես,— ասաց նա,— դրանք բոլորը կներվեին քո՝ ինձ մոտ գալու և այդ խոսքերի համար:

Ու Դոլլին տեսավ, որ նրա աչքերը լցվեցին արցունքներով: Նա լուռ սեղմեց Աննայի ձեռքը:

— Ուրեմն ի՞նչ բան են այդ շենքերը: Որքան շա՛տ են,— բուրբակաբան լուսթյունից հետո կրկնեց նա իր հարցը:

— Դրանք ծառայողների տներն են, գործարանը, ձիանոցները,— պատասխանեց Աննան:— Իսկ դա զբոսայգին է, սկսվում է այստեղից: Այս բոլորը գցված էր երեսի վրա, լքված, բայց Ալեքսեյը բոլորը վերանորոգեց: Նա շատ սիրում է այս կալվածքը և, ինչ ես բնավ չէի սպասում, սաստիկ հրապուրվում, տարվում է տնտեսությունս: Բայց նա այնպիսի՝ հարուստ խառնվածք է: Ինչի ձեռք է զարկում, ամեն բան անում է հիանալի: Նա ո՛չ միայն չի ձանձրանում, այլև եռանդով զբաղվում է: Նա,— ինչպես գիտեմ նրան,— դարձել է հաշվով, շատ լավ տնտեսատեր, նա նույնիսկ ժլատ է տնտեսության մեջ: Բայց միայն տնտեսության մեջ: Այնտեղ, ուր հարցը վերաբերում է տասնյակ հազարների, նա հաշիվ չի անում,— ասում էր Աննան այն խնդուն-խորամանկ ժպիտով, որով կանայք հաճախ խոսում են գաղտնիքի կամ սիրած տղամարդու մեջ իրենց հայտնաբերած հատկությունների մասին:— Ահա՛, տեսնո՞ւմ ես այս մեծ շենքը, դա նոր հիվանդանոցն է: Ես կարծում եմ, նա կարծենա հարյուր հազարից ավելի: Դու նրա ճաճա-ն՝ է այժմ: Եվ գիտե՞ս, թե ինչի՞ց դա սկսվեց: Մուժիկները խնդրեցին նրանից՝ մարզագետիները զիջել իրենց ավելի էժան գնով, կարծեմ, իսկ նա մերժեց, և ես կշտամբեցի նրան ժլատության համար: Իհարկե, ո՛չ այդ պատճառով, այլ բոլորը միասին վերցրած՝ նա սկսեց այդ հիվանդանոցը,

¹ Մրցածեի, մուսթյամբ սիրած բան:

որպեսզի ապացուցի, հասկանո՞ւմ ես, որ ինքը ժլատ չէ: Ծթն կուզես c'est une petitesse¹, բայց դրա համար ես նրան ազելի եմ սիրում: Իսկ հիմա դու կտեսնես տունը: Դա պապե- նական տունն է և դրսից բնավ փոփոխված չէ:

— Ի՞նչ լավն է,— ասաց Դուլլին, ակամա զարմանքով նայելով սյունազարդ գեղեցիկ տանը, որ երևում էր այդու հին ծառերի բազմերանգ կանաչի միջից:

— Իրոք լավն է, չէ՞: Եվ տանից, վերևից զարմանալի տեսարան է բացվում:

Նրանք մտան խնայատու ու ծաղկանոցով զարդարուն բա- կը, որտեղ հրկու բանվորներ փխրուն ծաղկաթմբի շուրջը շարում էին անտաշ ծակոտկեն քարեր, և կանգ առան ծած- կոցով զլխավոր մուտքի մոտ:

— Իսկ նրանք եկել են արդեն,— ասաց Աննան, նայելով հեծկան ձիերին, որոնց հենց այդ ընկերին հեռացնում էին մուտքի նախասանդուղքից: — Իրոք, որ լավն է այդ ձին, չէ՞: Դա կոչվում է Կոր: Իմ սիրած ձին է: Մո՛տ բեր այստեղ և շաքար տվեք: Որտե՞ղ է կոմսը,— հարցրեց նա դուրս թռած երկու շքեղ սպասավորներին: — Ա՛, ահա և նա,— ասաց Ան- նան, տեսնելով իրեն ընդառաջ եկող Վոռնսկուն՝ Վեսլով- սկու հետ:

— Որտե՞ղ եք տեղավորելու իշխանուհուն,— հարցրեց Վոռնսկին ֆրանսերեն, դիմելով Աննային և առանց սպասե- լու պատասխանի, մի անգամ էլ ողջունեց Դարյա Ալեքսան- դրովնային ու այժմ համբուրեց նրա ձեռքը: — Ես կարծում եմ, պատշգամբով մեծ սենյակում:

— Օ՛, ո՛չ, դա հեռու է: Ավելի լավ է, անկյունի սենյակում, մենք ավելի շուտ-շուտ կտեսնվենք: Դե՛, գնանք,— ասաց Աննան, ծառայի բերած շաքարը տալով սիրած ձիուն:

— Et vous oubliez votre devoir²,— ասաց նա Վեսա- լովսկուն, որը նույնպես դուրս էր եկել նախասանդուղք:

— Pardon, j'en ai tout plein les poches³,— ժպտալով պատասխանեց Վասնկան, մատները մտցնելով ժիլետի զբո- պանը:

¹ Դա մանր բան է:

² Իսկ դուք մոռանում եք ձեր պարտականությունը:

³ Ներկեցեք, երա լիքը գրպաններն ինձ մոտ են:

— Mais vous venez trop tard¹,— ասաց Աննան, թաշկի- նակով սրբելով ձեռքը: որը թրջեց ձին, շաքարը վերցնելիս: Աննան դիմեց Դուլլին. — Արդյոք երկա՞ր ժամանակով ես եկել: Մի օրո՞վ: Անկարելի է այդ:

— Ես խոստացել եմ այդպես, և հետո երեխաները...— ասաց Դուլլին, ճնշված զգալով իրեն թե՛ այն բանից, որ ինքը պիտի պայուսակը վերցնի կառքի միջից, և թե՛ իմանալով, որ իր դեմքը պետք է սաստիկ փոշոտված լինի:

— Ո՛չ, Դուլլի՛, հոգյա՛կս... Լա՛վ, կտեսնենք: Գնա՛նք, գնա՛նք,— և Աննան տարավ Դուլլին նրա սենյակը:

Այդ սենյակն այն փառահեղ սենյակը չէր, որ առաջարկում էր Վոռնսկին, այլ այնպիսի մի սենյակ էր, որի համար Աննան ասաց, որ Դուլլին ների իրեն: Եվ այդ սենյակը, որի համար պետք էր ներող լինել, լեփ-լեցուն էր շքեղութամբ, որի մեջ երբեք չէր ապրել Դուլլին և որը հիշեցնում էր նրան լավագույն հյուրանոցներն արտասահմանում:

— Է՛, հոգյա՛կս, որքան երջանիկ եմ ես,— ասաց Աննան, մի ընկեր նստելով Դուլլի կողքին՝ իր մամազոնկայով:— Դե՛, պատմիր ինձ ձերոնց մասին: Ստիվային ես տեսա հարևանցի: Բայց նա չի կարող պատմել երեխաների մասին: Ինչպե՛ս է քո սիրելի Տանյան: Կարծեմ, արդեն մեծ աղջիկ է:

— Այո՛, շատ մեծ,— կարճ պատասխանեց Դարյա Ալեք- սանդրովնան, ինքն էլ զարմանալով, որ այդպես սառն է պա- տասխանում իր երեխաների մասին: — Մենք շատ լավ ենք ապրում Լեինների մոտ,— ավելացրեց նա:

— Ա՛յ, ահա, եթե ես իմանայի,— ասաց Աննան,— որ դու չես արհամարհում ինձ... Դուք ամենքդ կարող էիք գալ մեզ մոտ: Չէ՞ որ Ստիվան Ալեքսեյի հին և շատ մոտիկ բարեկամն է,— ավելացրեց նա ու հանկարծ կարմրեց:

— Այո՛, բայց մենք այնպես լավ... — պատասխանեց Դու- լին, շփոթվելով:

— Սակայն ուրախությունիցս ես ասում եմ հիմար բաներ: Մի բան, հոգյա՛կս, ինչքան ուրախ եմ ես քեզ տեսնելուս հա- մար,— ասաց Աննան, նորից համբուրելով նրան:— Դու դեռ չա- սացիր ինձ, թե ինչպե՛ս և ի՞նչ ես մտածում իմ մասին, մինչդեռ ես ուզում եմ բոլորն իմանալ: Բայց ես ուրախ եմ, որ դու ինձ

¹ Բայց դուք չափազանց ուշ եկաք:

կտեսնես այնպես, ինչպես ես կամ: Ես չէի ուզենա, և դա զըլ-
խավորն է, որպեսզի մարդիկ կարծեին, թե ես ուզում եմ ապա-
ցուցել որևէ բան: Ես ոչինչ ապացուցել չեմ ուզում, ես ուղղակի
ուզում եմ ապրել. ոչ ոքի, բացի ինձանից, չար բան չանել: Այդ
անելու իրավունք ունեմ ես, այնպես չէ՞: Սակայն դա երկար
խոսակցություն է, և մենք ամեն ինչի մասին կարգին կխոսենք:
Այժմ գնամ-հագնվեմ, իսկ քեզ մոտ կուղարկեմ աղախներ:

XIX

Մնալով մենակ, Դարյա Ալեքսանդրովնան տեսնուհու աշ-
քով նայեց իր սենյակը: Այն բոլորը, ինչ տեսավ նա, մոտենա-
լով տանը և անցնելով տան միջով ու հիմա իր սենյակում,
թողնում էր նրա վրա պճնամոլություն և առատության և եվրո-
պական այն նոր շքեղության տպավորությունը, որոնց մասին
նա կարդացել էր միայն անգլիական վեպերում, բայց դեռ
երբեք չէր տեսել Ռուսաստանում և այն էլ՝ գյուղում: Ամեն
ինչ նոր էր, սկսած Ֆրանսիական նոր պատառներին մինչև
այն գորգը, որով պատած էր ամբողջ սենյակը: Մահճակալը
զսպանակներով էր և առանձնահատուկ զխատակով ու կանա-
ուսե երեսով փոքրիկ բարձերով: Մարմարե լվացարանը, տուա-
լետը, թախտը, սեղանները, բուխարու վրա դրած բրոնզե ժա-
մացույցը, դուռն և լուսամուտների վարագույրները՝ այդ ամե-
նը նոր էր ու թանկարժեք:

Պճնազարդ այն աղախներ, որ եկավ առաջարկելու իր ծառա-
յությունը, Դուլիից ավելի նորաձև սանրվածքով ու զգեստով,
նույնպես նոր ու թանկարժեք էր, ինչպես և ամբողջ սենյակը:
Դարյա Ալեքսանդրովնայի համար հաճելի էին աղախնի քա-
ղաքավարությունը, կոկիկությունն ու պատրաստակամույնու-
նը. բայց նա իրեն անհարմար էր զգում նրա հետ. Դուլին ճընշ-
վում էր նրանից, հակառակի պես, սխալմամբ վերցրած, իր
կարկատած կոֆտայի համար: Նա ամաշուկ էր հենց այն կար-
կատանների ու թելաքաղած տեղերի համար, որոնցով այնպես
պարծենում էր տանը: Տանը պարզ էր, որ վեց կոֆտայի համար
պետք էր քսանչորս արշին նանսուք՝ արշինը 65 կոպեկով, որ
անում էր ավելի քան 15 ռուբլի, բացի զարդակտորներից ու կա-
րելուց, և այդ 15 ռուբլին շահված էր: Բայց աղախնի առաջ նա
աչ թե ամաշուկ էր, այլ անհարմար էր զգում իրեն:

Դարյա Ալեքսանդրովնան մեծ թեթևություն զգաց, երբ սեն-
յակ մտավ իր վաղուցվա ծանոթ Աննուշկան: Պճնազարդ աղա-
խներ կանչվեց տանտիկնոջ մոտ, և Աննուշկան մնաց Դարյա
Ալեքսանդրովնայի հետ:

Աննուշկան բացահայտորեն շատ ուրախ էր Դուլիի գալու
առթիվ և խոսում էր անլռելի: Դուլին նկատեց, որ նա ուզում է
իր կարծիքը հայտնել իր տիկնոջ դրուսյան և կոմսի կողմից
դնպի Աննա Արկադևնան տաժած սիրո ու անձնվիրության մա-
սին, բայց Դուլին եռանդով կանգնեցնում էր նրան, հենց որ
նա սկսում էր խոսել զրա մասին:

— Ես մեծացել եմ Աննա Արկադևնայի հետ, նա ինձ համար
թանկ է ամեն բանից: Ի՞նչ արած, մենք չենք, որ պիտի դա-
տենք: Հիմա էդպես սիրել, երկի...

— Ուրեմն, խնդրեմ, տո՛ւր թող լվանան, եթե կարելի է,—
ընդհատեց նրան Դարյա Ալեքսանդրովնան:

— Հրաման է: Մեզ մոտ փոքր լվացքի համար հատկա-
պես նշանակված են երկու կանայք, իսկ ամբողջ սպիտակեղե-
նը մեքենայով է: Ամեն բանի հասնում է ինքը՝ կոմսը: Էնպիտե՞
ամուսին է, որ...

Դուլին ուրախ էր, որ Աննան ներս եկավ և իր գալով վերջ
դրեց Աննուշկայի շատախոսությունը:

Աննան հագել էր շատ հասարակ բաժնետեղ զգեստ: Դուլին
ուշադրությամբ դիտեց այդ պարզ զգեստը: Նա գիտեր, թե ի՞նչ
է նշանակում և որքա՞ն դրամով է ձեռք բերվում այդ պարզու-
թյունը:

— Հին ծանոթ է,— ասաց Աննան Աննուշկայի մասին:

Աննան այժմ արդեն չէր քաշվում: Նա բոլորովին ազատ էր
ու հանգիստ: Դուլին տեսնում էր, որ նա այժմ արդեն լիովին
զգաստացել է այն տպավորությունից, որ թողեց նրա վրա իբր
գալուստը, և վերցրեց այն մակերեսային, անտարբեր տոնը.
որի առկայությամբ կարծես փակ էր դնպի այն բաժանմունքը
տանող դուռը, որտեղ գտնվում էին Աննայի զգացմունքները
և սրտագին մտքերը:

— Իսկ ինչպե՞ս է քո աղջիկը, Աննա,— հարցրեց Դուլին:

— Անի՛ն (այդպես էր կանչում Աննան իր աղջկան): Առողջ
է: Շատ լավացել է: Ուզո՞ւմ ես տեսնել նրան: Գնանք, ցույց
տամ քեզ: Չափազանց շատ գլխացավանք պատճառեց դայակ-

ների հարցը, — սկսեց պատմել նա: — Մենք ունեինք իտալուհի ծծմայր: Շատ լավ կին էր, բայց այնպե՛ս տխմար: Մենք ուզում էինք նրան ետ ուղարկել, բայց փոքրիկն այնպես վարժվել է նրան, որ էլի դեռ պահում ենք:

— Իսկ ինչպե՞ս եք տնօրինել դուք... — ուզեց հարցնել Դոլլին այն մասին, թե ի՞նչ ազգանուն է կրելու աղջիկը. բայց հանկարծ նկատելով Աննայի խոժոռված դեմքը, նա փոխեց իր հարցի իմաստը: — Իսկ ինչպե՞ս եք արել. արդեն կտրե՞լ եք ծծից:

Սակայն Աննան հասկացավ:

— Դու այդ չէիր ուզում հարցնել, չէ՞: Դու ուզում էիր հարցնել նրա ազգանվան մասին: Ծի՞շտ է: Դա տանջում է Ալեքսանդրին: Փոքրիկս ազգանուն չունի: Այսինքն՝ նա Կարենինն է, — ասաց Աննան, աչքերը կկոցելով այնպես, որ երևում էին միայն իրար միացած արտևանունքները: — Սակայն, — հանկարծ դեմքը պայծառացնելով, — դրա մասին մենք կխոսենք հետո: Գնանք, ես նրան ցույց տամ քեզ: Elle est très gentille¹, նա արդեն չորեքթաթիկ է անում:

Սանկասենյակում Դարյա Ալեքսանդրովնային ավելի ևս զարմացրեց այն շեղուկները, որ զարմացրեց նրան մտող տան մեջ: Այստեղ կային և՛ սայլակներ, բերված Անգլիայից, և՛ գործիքներ՝ քայլել սովորեցնելու համար, և՛ հատուկ շինված բազմոց՝ բիլյարդի նման՝ չորեքթաթիկ անելու համար, և՛ ճոճաթոռներ, և՛ վաննաներ՝ առանձնահատուկ, նոր: Այս բոլորն անգլիական էր, դիմացկուն ու լավորակ և պարզապես շատ թանկարժեք: Սենյակը մեծ էր, շատ բարձր և լուսավոր:

Երբ նրանք ներս մտան, աղջիկը շապիկով նստել էր բազկաթոռի մեջ՝ սեղանի մոտ և ուտում էր բուլլոն, որով նա թրջել էր իր ամբողջ կրծքիկը: Աղջկան կերակրում և, ըստ երևույթին, նրա հետ միասին ուտում էր ինքը՝ ուս աղախինը, որն սպասարկում էր մանկասենյակում: Չկային ո՛չ ծծմայրը, ո՛չ էլ դայակը. նրանք հարևան սենյակում էին, և այնտեղ լսվում էր նրանց խոսակցությունը տարօրինակ ֆրանսերեն լեզվով, որով միայն կարող էին նրանք բացատրվել իրար հետ:

Լսելով Աննայի ձայնը, պճնազգեստ, բարձրահասակ, ան-

դուր դեմքով և պղտոր արտահայտությամբ անգլուհին, շտապ թափահարելով իր խարտյաշ խոպուպիկները, մտավ դռնից և անմիջապես սկսեց արդարանալ, թեև Աննան ո՛չ մի բանում չէր մեղադրում նրան: Աննայի յուրաքանչյուր խոսքին անգլուհին շտապ մի քանի անգամ իրար վրա ասում էր. „yes, my lady“¹:

Սեահոն, սեահեր, կարմրաթուշ աղջիկը, փշաքաղ մաշկով պատած ամուր, կարմիր մարմնով, չնայած այն խիստ հայացքին, որով նա նայեց նոր անձնավորությանը, շատ դուր եկավ Դարյա Ալեքսանդրովնային. նա նույնիսկ նախանձեց նրա առողջ տեսքին: Նրան շատ դուր եկավ նաև այն, որ նա սողում էր չորեքթաթիկ: Նրա երեխաներից ոչ մեկը չէր սողում: Այդ աղջիկը զարմանալի սիրունիկ էր, երբ նրան նստեցրին գորգի վրա և ետևի կողմից զգեստը ծալեցին տակը: Նա փոքրիկ գավառի նման, նայելով մեծերին իր փայլուն սև աչքերով, երևի ուրախանալով այն բանի համար, որ հիանում են իրենով, ժպտալով և մի կողքի պահելով ոտքերը, եռանդագին հենվում էր ձեռքերին ու արագ ձգում ամբողջ գավակը և նորից թաթիկները մեկնում առաջ:

Բայց մանկասենյակում տիրող ընդհանուր ոգին և մանավանդ անգլուհին սաստիկ դուր չեկան Դարյա Ալեքսանդրովնային: Այն փաստը, որ Աննան մարդ ճանաչելու իր նրբազգացություններ, իր աղջկա համար վերցրել էր այդպես անհամակերպի և շարժանահարգ անգլուհու, Դարյա Ալեքսանդրովնան բացատրում էր ինքն իր մեջ միայն այն բանով, որ լավը չէր գնա այնպիսի մի անկանոն ընտանիք, ինչպիսին էր Աննայի ընտանիքը: Բացի դրանից, Դարյա Ալեքսանդրովնան մի քանի խոսքից անմիջապես հասկացավ, որ Աննան, ծծմայրը, դայակը և երեխան չէին ընտելացել իրար՝ միասին ապրելու, և, որ մոր այցելությունը սովորական բան չէր: Աննան ուզում էր աղջկա համար հանել նրա խաղալիքը և շարողացավ գտնել այն:

Ամենից զարմանալին այն էր, որ երբ Դոլլին հարցրեց, թե քանի ատամ ունի փոքրիկը, Աննան սխալվեց ու բուրբուլին մոռացավ վերջին երկու ատամի մասին:

— Երբեմն ինձ համար ծանր է, որ ես այստեղ կարծես ավե-

¹ Նա-շտապ լավ էր:

¹ Այո՛, իմ լեզի:

լորդ եմ,— ասաց Աննան, դուրս գալով մանկասենյակից ու բարձրացրեց իր քղանցքը, որպեսզի չդիպչի դուան մոտի խաղալիքին: — Այդպես չէր առաջինի՝ հետ:

— Ես կարծում էի, ընդհակառակն,— քաշվելով ասաց Գարյա Ալեքսանդրովնան:

— Օ՛, ո՛չ: Գիտե՞ս, ես տեսա նրան, Սերյոժային,— ասաց Աննան, կկոցելով աչքերը, կարծես խորազնին նայելով ինչ-որ հեռավոր բանի: Սակայն դրա մասին հետո կխոսենք: Դու չես հավատա, ես նման եմ սոված մարդու, որի առաջ հանկարծ դնում են լիառատ ճաշ, և նա չի իմանում, թե ինչի՞ց սկսի լիառատ ճաշը՝ գո՛ւ ես և քեզ հետ ունենալիք իմ խոսակցությունները, որ ոչ ոքի հետ չէի կարող ունենալ. և ես չգիտեմ, թե նախ ո՞ր խոսակցությունն սկսեմ: Mais je ne vous ferai grâce de rien¹: Ես պետք է բոլորը պատմեմ: Հա՛, նախ պետք է նկարագրել քեզ այն հասարակությունը, որը դու կտեսնես մեզ մոտ,— սկսեց նա: — Սկսեմ կանանցից. իշխանազնուհի Վարվառա: Դու ճանաչում ես նրան, ու ես գիտեմ քո և Ստիվայի կարծիքը նրա մասին: Ստիվան ասում է, թե նրա ամբողջ կյանքի նպատակն է՝ ապացուցել իր գերազանցությունը մորաքույր Կատերինա Պավլովնայից: Այս բոլորը ճիշտ է, բայց նա բարի է, և ես այնպե՛ս շնորհապարտ եմ նրան: Պետերբուրգում կար պահ, երբ ինձ համար անհրաժեշտ էր un chaperon²: Դե, հանդիպեց նա: Բայց, իրոք որ, նա բարի կին է: Նա շատ բանով թեթևացրեց իմ վիճակը: Ես տեսնում եմ, որ դու չես հասկանում իմ գրության ամբողջ ժանրությունը... այնտեղ՝ Պետերբուրգում,— ավելացրեց նա: — Այստեղ ես միանգամայն հանգիստ եմ ու երջանիկ: Բայց այդ մասին հետո: Պետք է մեկ-մեկ թվել: Հետո Սվիյաժսկին,— նա պարագլուխ է և շատ կարգին մարդ, բայց նա ինչ-որ ակնկալություն ունի Ալեքսեյից: Հասկանո՞ւմ ես, Ալեքսեյն իր կարողությունը այժմ, երբ մենք հաստատվեցինք գյուղում, կարող է մեծ ազդեցություն ունենալ: Հետո Տուչկևիչը,— դու տեսել ես նրան, նա լինում էր Բետսիի մոտ: Այժմ ճամփու են դրել նրան, և նա եկել է մեզ մոտ: Նա, ինչպես Ալեքսեյն է ասում, մեկն է այն մարդկանցից, որոնք

շատ հաճելի են, եթե նրանց ընդունում, համարում են այն, ինչ ուզում են նրանք երևալ, et puis, il est comme il faut¹, ինչպես ասում է իշխանազնուհի Վարվառան: Հետո Վեսլովսկին... դրան դու ճանաչում ես: Շատ համակրելի տղա է,— ասաց նա, և խորամանկ ժպիտը կնճռոտեց նրա շուրթերը: — Այդ ի՞նչ վայրենի պատմություն է եղել Լևինի հետ: Վեսլովսկին պատմել էր Ալեքսեյին, և մենք շքեք հավատում: Il est très gentil et naïf²,— ասաց նա էլի նույն ժպիտով: — Տղամարդկանց պետք է զվարճություն, և Ալեքսեյին հարկավոր է հասարակություն, ուստի ես թանկ եմ գնահատում այդ հասարակությունը: Հարկավոր է, որ մեզ մոտ կյանքը լինի աշխույժ և ուրախ, ու որպեսզի Ալեքսեյը նոր ոչինչ չցանկանա: Հետո կտեսնես կառավարչին: Գերմանացի է, շատ լավ մարդ և գիտեմ իր գործը: Ալեքսեյը շատ է գնահատում նրան: Հետո բժիշկը, երիտասարդ մարդ, ոչ թե բոլորովին նիհիլիստ է, բայց, գիտե՛ս, ուսում է գանկով... սակայն շատ լավ բժիշկ է: Հետո ճարտարապետը... Uue petite cour³:

XX

— Ա՛յ, ահա ձեզ և Դոլլին, իշխանազնուհի, դուք այնպես ուզում էիք տեսնել նրան,— ասաց Աննան, Գարյա Ալեքսանդրովնայի հետ գուրս գալով քարե մեծ տեռասը, որտեղ ստվերի մեջ, քարգահի առաջ, նստել էր իշխանազնուհի Վարվառան, ասեղնագործելով կոմս Ալեքսեյ Կիրիլովիչի համար բազկաթոռ: Դոլլին ասում է, որ ոչինչ չի ուզում մինչև ճաշ, բայց գուք հրամայեցեք, թող նախաճաշ տան, իսկ ես գտնեմ Ալեքսեյին ու բերեմ նրանց բոլորին:

Իշխանազնուհի Վարվառան սիրալիր ու փոքր-ինչ հովանավորական տոնով ընդունեց Դոլլիին և անմիջապես սկսեց բացատրել նրան, թե ինքը մնում է Աննայի մոտ այն պատճառով, որ միշտ սիրել է նրան ավելի, քան իր քույր Կատերինա Պավլովնան՝ հենց նա, որ դաստիարակել է Աննային, թե այժմ, երբ ամենքը լքել են Աննային, ինքն իր պարտքն է

¹ Բայց ես քեզ չեմ ազատի ո՛չ մի բանից:

² Կոմպանյունուհի, ընկերուհի:

¹ Եվ հետո՝ նա օրինավոր մարդ է:

² Նա շատ համակրելի և միամիտ է:

³ Փոքրիկ արբունիք:

համարել օգնել նրան այդ անցողիկ, ամենածանր ժամանակաշրջանում:

— Ամուսինը նրան ապահարզան կտա, և այն ժամանակ ես նորից կերթամ իմ մենությունը, իսկ հիմա ես կարող եմ օգտակար լինել ու կկատարեմ իմ պարտքը, ինչքան էլ ծանր լինի այդ, ուրիշների պես չեմ վարվի: Եվ ի՞նչ լավն ես դու, ինչ լավ արիք, որ եկար: Նրանք ապրում են ճիշտ այնպես, ինչպես ամենալավ ամուսինները. նրանց կղատի աստված, և ո՛չ թե մենք: Իսկ մի՞թե Բիրյուզովսկին և Ավենևան... իսկ ինքը նիկա՞նդրովը, հապա Վասի՞լը Մամոնովայի հետ, հապա Լիզա նեպոտ՞նովան... Զէ՛ որ ոչ ոք ոչինչ չէր ասում: Եվ վերջացավ նրանով, որ ամենքը նրանց ընդունում էին: Եվ հետո c'est un Intérieur si joli, si comme il faut. Tout-à fait à l'anglaise. On se réunit le matin au breakfast et puis on se sépare¹: Ով ի՞նչ ուզում, անում է մինչև ճաշ: Ծառը ժամը 7-ին է: Ստիվան շատ լավ է արել, որ ուղարկել է քեզ: Նա իրեն հեռու չպիտի պահի նրանցից: Գիտե՞ս, նա իր մոր և եղբոր միջոցով կարող է ամեն ինչ անել: Հետո նրանք շատ բարի գործեր են անում: Նա քեզ ոչինչ չի՞ ասել իր հիվանդանոցի մասին: Ce sera admirable², — բոլորը Փարիզից է:

Նրանց խոսակցությունն ընդհատեց Աննան, որը գտել էր տղամարդկանց հասարակությունը բիլիարդանոցում և նրանց հետ միասին վերադարձավ տեռաս: Մինչև ճաշ դեռ ժամանակ շատ կար, եղանակը հիանալի էր, այս իսկ պատճառով մնացած այդ երկու ժամն անցկացնելու համար առաջարկվեցին մի քանի տարբեր միջոցներ: Ժամանակ անցկացնելու համար միջոցներ շատ կային Վոզդվիժենսկոյում և նման չէին այն միջոցներին, որ գործադրվում էին Պոկրովսկոյում:

— Une partie de lawn tennis³, — առաջարկեց Վեսլովսկին, ժպտալով իր գեղեցիկ ժպիտով:— Մենք էլ միասին կլինենք, Աննա Արկադևնա:

— Ո՛չ, շոգ է. ավելի լավ է ման գալ այգում ու մակույկով

¹ Դա այնպես գեղեցիկ, օրինավոր մթնոլորտ է: Բոլորովին նման անգլիականի: Հավարվում են առավոտյան նախաճաշին ու հետո ցրվում:

² Դա կլինի հիանալի բան:

³ Մի պարտիա լաուն-տենիս:

զրոսնել և ցույց տալ Դարյա Ալեքսանդրովնային ափերը, — առաջարկեց Վոռնսկին:

— Ես ամեն բանի համաձայն եմ, — ասաց Սվիյաժսկին:

— Ես կարծում եմ, որ Դոլլիի համար ամենից ավելի հաճելի է ոտքով զրոսանքը, այնպես չէ՞: Իսկ հետո արդեն՝ մակույկով, — ասաց Աննան:

Այդպես էլ վճռեցին: Վեսլովսկին և Տուշկևիչը գնացին լողարան ու խոստացան պատրաստել այնտեղ մակույկը և սպասել:

Երկու զույգ կազմած, գնացին ծառուղով: Աննան՝ Սվիյաժսկու հետ և Դոլլին՝ Վոռնսկու հետ: Դոլլին մի փոքր շփոթված ու մտահոգված էր իր համար բոլորովին նոր այն միջավայրով, որի մեջ հայտնվեց ինքը: Վերացականորեն, տեսականապես, նա ո՛չ միայն արդարացնում, այլ նույնիսկ հավանություն էր տալիս Աննայի վարմունքին: Ինչպես առհասարակ ո՛չ հազվադեպ անբասիր բարոյական կանայք, հոգնած բարոյական կյանքի միօրինակությունից, նա հեռվից ո՛չ միայն ներում էր հանցավոր սերը, այլ նույնիսկ նախանձում նրան: Բացի դրանից, նա սրտով սիրում էր Աննային: Բայց իրականում, տեսնելով նրան իր համար խորթ այս մարդկանց շրջանում, նրանց՝ Դարյա Ալեքսանդրովնայի համար նոր, լավ տոնով, նա իրեն անհարմար էր զգում: Նրա համար առանձնապես անախորժ էր տեսնել իշխանազնուհի Վարվառային, որն ամեն ինչ ներում էր նրանց՝ հանուն այն հարմարությունների, որոնցից օգտվում էր:

Առհասարակ վերացականորեն Դոլլին հավանություն էր տալիս Աննայի վարմունքին, բայց նրան անախորժ էր տեսնել այն մարդուն, որի համար կատարվել էր այդ վարմունքը: Բացի դրանից, Վոռնսկին երբեք դուր չէր գալիս նրան: Դոլլին նրան համարում էր շատ հպարտ մարդ և նրա մեջ չէր տեսնում ո՛չ մի այնպիսի բան, որով նա կարող էր պարծենալ, բացի հարստությունից: Բայց, իր կամքին հակառակ, Վոռնսկին այստեղ, իր տանը, ավելի համակրանք էր ներշնչում, քան առաջ, և Դոլլին չէր կարողանում իրեն ազատ զգալ նրա հետ: Նրա հետ Դարյա Ալեքսանդրովնան ուներ նույն զգացումը, ինչ որ այն ժամանակ ազախնի հետ կոֆտայի պատճառով: Ինչպես ազախնի առաջ՝ նա ոչ թե ամաչում, այլ իրեն անհարմար էր

զգում կարկատանների համար, այնպես էլ Վոռնսկու հետ նա մշտապես ոչ թե քաշվում, այլ անհարմար էր զգում իրեն:

Դուլին իրեն զգում էր շփոթված ու խոսակցութեան նյութ էր փնտրում: Թեպետ նա կարծում էր, որ նկատի ունենալով Վոռնսկու հպարտութունը, նրա համար անախորժ կլինի նրա տան և այգու զովասանքը, բայց Դուլին, չգտնելով խոսակցութեան ուրիշ նյութ, այսուամենայնիվ ասաց նրան, թե ինքը շատ հավանեց նրա տունը:

— Այո՞, շատ գեղեցիկ շենք է և լավ, հին ոճով շինված, — ասաց Վոռնսկին:

— Ինձ շատ դուր եկավ նախասանդուղքի դիմացի բակը: Դա այսպես էլ եղե՞լ է:

— Օ՞, ոչ, — ասաց նա, և նրա դեմքը փայլեց բավականութունից: — Եթե դուք տեսնեիք այդ բակը այս գարնանը:

Եվ նա սկսեց սկզբում զգույշ, իսկ հետո ավելի ու ավելի հրապուրվելով, Դուլին ուշադրութունը հրավիրել տան և այգու զարդարանքների զանազան մանրամասների վրա: Երևում էր, որ շատ աշխատանք թափելով իր կալվածքը բարելավելու և գեղեցկացնելու վրա, Վոռնսկին անհրաժեշտութուն էր զգում պարծենալու դրանցով նոր անձնավորութեան առաջ ու սրբությանը ուրախանում էր Դարյա Ալեքսանդրովնայի զովասանքների համար:

— Եթե դուք չեք հոգնել և ուզում եք նայել հիվանդանոցը, հեռու չէ այն: Գնանք, — ասաց Վոռնսկին, նայելով նրա դեմքին, որպեսզի համոզվի, թե իրո՞ք ձանձրալի չէ նրա համար:

— Դու կգա՞ս, Աննա, — դիմեց Վոռնսկին նրան:

— Մենք կգնանք, այնպես չէ՞, — դիմեց Սվիյաժսկուն Աննան: — Mais il ne faut pas laisser le pauvre վեսլովսկին et Տուշկեիչը se morfondre là dans le bateau¹: Պետք է մարդ ուղարկել և ասել նրանց: — Հա՞, դա հուշարձան է, որ նա ուզում է դնել այստեղ, — ասաց Աննան, դիմելով Դուլին նույն խորամանկ, բանիմաց ժպիտով, որով առաջ նա խոսում էր հիվանդանոցի մասին:

— Օ՞, հիմնական գործ է, — ասաց Սվիյաժսկին: Բայց որ-

¹ Բայց չպիտի թողնել, որ խեղճ Վեսլովսկին և Տուշկեիչը զուր սպասեն նավակի մեջ:

պեսզի չերևա, թե ինքը համաձայն է Վոռնսկուն, նա անմիջապես ավելացրեց թեթև դատապարտելի մի դիտողություն: — Սակայն ես զարմանում եմ, կոմս, — ասաց նա, — այդ ինչպե՞ս է, որ դուք այդքան շատ բան անելով ժողովրդի համար՝ սանիտարական տեսակետից, այդքան անտարբեր եք դպրոցների նկատմամբ:

— C'est devenu tellement commun les écoles¹, — ասաց Վոռնսկին: — Հասկանո՞ւմ եք, դրանից չէ, այլ հենց այնպես, ես հրապուրվեցի: Դեպի հիվանդանոց՝ ա՛յս կողմ, — դարձավ նա Դարյա Ալեքսանդրովնային, նշելով ծառուղուց դուրս տանող կողքի ելքը:

Կանայք բացին հովանոցները և դուրս եկան կողքի ճանապարհը: Անցնելով մի քանի ոլորան ու դուրս գալով զըռնակից, Դարյա Ալեքսանդրովնան տեսավ իր դիմաց. բարձունքի վրա, զարդարուն, բարդ ձևի, համարյա արդեն վերջացած մի կարմիր շենք: Դեռ չներկած թիթեղյա կտուրը շլացուցիչ փայլում էր պայծառ արևի տակ: Վերջացած շենքի մոտ կառուցվում էր մեկ ուրիշը, շրջապատված վերելակներով, և զոգնոցավոր բանվորները լաստակների վրա դարսում էին ազյուսներ, կիսադուլբրից լցնում էին որմածքը ու հավասարեցնում էին ուղղիչ գործիքներով:

— Ի՞նչ արագ է գնում աշխատանքը ձեզ մոտ, — ասաց Սվիյաժսկին: — Երբ վերջին անգամ ես այստեղ էի, դեռ տանիքը չկար:

— Աշնան դեմ բոլորը պատրաստ կլինի: Ներսից համարյա ամեն բան արդեն ավարտված է, — ասաց Աննան:

— Իսկ այդ ի՞նչ նոր բան է:

— Այդ շենքը բժշկի և դեղատան համար է, — պատասխանեց Վոռնսկին, տեսնելով իրեն մոտեցող կարճ վերարկուով ճարտարապետին և ներողութուն խնդրելով կանանցից, գնաց նրան ընդառաջ:

Անցնելով գաջ ու կիր շաղախելու փոսի մոտից, որտեղից բանվորները կիր էին վերցնում, նա կանգնեց ճարտարապետի հետ ու սկսեց առաջ-տաք ինչ-որ բան ասել:

¹ Դպրոցները դարձել են շատ սովորական բան:

— Յրոնտոնն էլի դուրս է գալիս ավելի ցածր,— պատասխանեց նա Աննային, որը հարցրեց, թե բանն ի՞նչ է:

— Ես ասում էի, որ պետք է հիմքը բարձրաճանել,— ասաց Աննան:

— Այո՛, իհարկե, այդպես ավելի լավ կլիներ, Աննա Արկադենա,— ասաց ճարտարապետը,— բայց արդեն ուշ է:

— Այո՛, ես շատ եմ հետաքրքրվում դրանով,— պատասխանեց Աննան Սվիյաթսկուն, որն իր զարմանքը հայտնեց նրա ճարտարապետական գիտության համար:— Հարկավոր է, որպեսզի նոր շինությունը համապատասխանի հիվանդանոցին: Այնինչ, դա ծրագրված է հետո և սկսված է առանց պլանի:

Վերջացնելով խոսակցությունը ճարտարապետի հետ, Վոոնսկին միացավ կանանց ու տարավ նրանց հիվանդանոցի ներսը:

Չնայած որ դրսից դեռ շինում էին քիվերը և վարի հարկում ներկում էին, վերևում ամեն ինչ համարյա արդեն ավարտվել էր: Անցնելով շուգունե լայն սանդուղքով դեպի հարթակը, նրանք մտան առաջին մեծ սենյակը: Պատերը սվաղել էին մարմարի գույնով, վիթխարի ամբողջական լուսամուտները դրված էին արդեն, միայն պարկետե հատակը դեռ չէր վերջացած, և ատաղձագործները, որոնք ունդում էին բարձրացած քառակուսին, թողեցին աշխատանքը, որպեսզի ողջունեն պարոնին, հանելով իրենց մազերը պահող երիզը:

— Սա ընդունարանն է,— ասաց Վոոնսկին:— Այստեղ կլինի պուլիտը, սեղան, պահարան և ուրիշ ոչինչ:

— Ա՛յս կողմ, անցնենք այս տեղով: Մի՛ մոտենա պատուհանին,— ասաց Աննան, փորձելով, չորացե՛լ է արդյոք ներկը:— Ալեքսեյ, ներկը չորացել է արդեն,— ավելացրեց նա:

Ընդունարանից նրանք անցան միջանցք: Այստեղ Վոոնսկին ցույց տվեց նրանց արդեն պատրաստ նոր սիստեմի օդանցքը: Հետո նա ցույց տվեց մարմարե վաննաները, արտասովոր զսպանակներով մահճակալները: Ապա իրար ետևից նա ցույց տվեց հիվանդասենյակները, մառանը, սպիտակեզենի սենյակը, հետո նոր կազմության վառարանները, ապա առանձնահատուկ ձեռնասայլակները, որոնք ազմուկ չեն հանի. մոտեցնելով հարկավոր իրերը միջանցքով, և ուրիշ շատ բաներ: Սվիյաթսկին զնահատում էր բոլորը, որպես մի մարդ:

որ գիտե բոլոր նոր կատարելագործությունները: Դուլլին ուղղակի զարմանում էր մինչև այսօր իր շտեսած այս բաների վրա և կամենալով բոլորը հասկանալ, ամեն ինչի մասին մանրամասնորեն հարցուփորձ էր անում, բացահայտ բավակա-նություն պատճառելով Վոոնսկուն:

— Այո՛, ես կարծում եմ, որ սա Ռուսաստանում կլինի միակ լիովին ճիշտ կազմակերպած հիվանդանոցը,— ասաց Սվիյաթսկին:

— Իսկ ծննդաբերության բաժին չի՞ լինելու ձեզանում,— հարցրեց Դուլլին,— այդ այնպես հարկավոր է գյուղում: Ես հաճախ...

Չնայած իր քաղաքավարությունը, Վոոնսկին ընդհատեց նրան:

— Սա ծննդաբերության տուն չէ, այլ հիվանդանոց է, և հատկացվում է բոլոր հիվանդությունների համար, բացի վարակիչ հիվանդություններից,— ասաց նա:— Իսկ այս ահա, տեսե՛ք...— և նա զորեց դեպի Դարյա Ալեքսանդրովնան մի բազկաթոռ, որ նոր էր ստացվել արտասահմանից՝ առողջացողների համար:— Նայեցե՛ք:— Նա նստեց բազկաթոռի մեջ ու սկսեց շարժել այն:— Հիվանդը չի կարողանում քայլել, դեռ թույլ է կամ ոտքերի հիվանդություն ունի, բայց նրան օդ է պետք, և նա սրանով գնում է, զրոսնում է...

Դարյա Ալեքսանդրովնան ամեն բանով հետաքրքրվում էր, բոլորը նրան շատ էր դուր գալիս, բայց ամենից ավելի նրան դուր էր գալիս ինքը՝ Վոոնսկին, այդ բնական նախկին հափշտակությամբ: Այո՛, նա շատ համակրելի, լավ մարդ է՞, մտածում էր Դուլլին երբեմն, չլսելով նրան, այլ նայելով նրան, հասու լինելով նրա արտահայտությանը և մտքով տեղափոխվելով Աննայի մեջ: Վոոնսկին այժմ այնպես դուր էր գալիս Դուլլին իր աշխուժությամբ, որ նա հասկանում էր, թե ինչն է Աննան կարող էր սիրահարվել նրան:

XXI

— Ո՛չ, ես կարծում եմ, որ իշխանուհին հոգնեց, և ձիերը չեն հետաքրքրում նրան,— ասաց Վոոնսկին Աննային, որն առաջարկեց զնալ ձիարուծարան, որտեղ Սվիյաթսկին ուզում

էր տեսնել նոր հովատակը:— Դուք զնացեք, իսկ ես իշխած
նուհուն կառաջնորդեմ տուն, և մենք կզրուցենք,— ասաց նա,—
եթե այդ հաճելի է ձեզ,— դիմեց նա Դոլլիին:

— Զիբրից ես բան չեմ հասկանում և շատ ուրախ եմ,—
ասաց Դարյա Ալեքսանդրովնան, բնավ չզարմացած:

Դոլլին տեսնում էր Վոռնսկու դեմքից, որ ինքը մի բանով
պետք է նրան: Եվ Դոլլին շտապով ասաց: Հենց որ նրանք դուրս
եկան դռնակից ու մտան այգի, Վոռնսկին նայեց այն կողմը,
ուր զնաց Աննան, և համոզվելով, որ նա չի կարող ո՛չ լսել,
ո՛չ տեսնել իրենց, սկսեց.

— Դուք գուշակեցիք, որ ես կամենում էի խոսել ձեզ
հետ,— ասաց Վոռնսկին, ծիծղուն աչքերով նայելով նրան:—
Ես չեմ սխալվում, որ դուք Աննայի բարեկամն եք:— Վոռնսկին
հանեց գլխարկը և թաշկինակով սրբեց իր ճաղատացող գլուխը:

Դարյա Ալեքսանդրովնան ոչինչ չպատասխանեց ու միայն
վախեցած նայեց նրան: Երբ Դոլլին մնաց նրա հետ մե-
նակ, հանկարծ սարսափեց. ծիծղուն աչքերը և դեմքի խիստ
արտահայտությունը վախեցնում էին Դոլլիին:

Դարյա Ալեքսանդրովնայի մտքից անցան ամենաբազմա-
պիսի ենթադրություններ, թե ինչի՞ մասին է պատրաստվում
խոսելու իր հետ Վոռնսկին. «նա կսկսի խնդրել ինձ՝ տեղա-
փոխվել իրենց մոտ երեխաների հետ և ապրել որպես հյուր,
ու ես ստիպված կլինեմ մերժել նրան. կամ գուցե այն մա-
սին, որ ես Մոսկվայում շրջան ստեղծեմ Աննայի համար...
կամ արդյոք Վասենկա Վեսլովսկու և նրա ու Աննայի հարա-
բերությունների՞ մասին: Կամ գուցե Կիտիի մասին, այն մա-
սին, որ նա իրեն հանցավոր է համարում»: Դոլլին նախա-
տեսում էր միայն անախորժ բաներ, բայց չգուշակեց այն,
ինչ ուզում էր ասել նրան Վոռնսկին:

— Դուք այնպիսի ազդեցություն ունեք Աննայի վրա, նա
այնպես սիրում է ձեզ,— ասաց Վոռնսկին,— օգնեցե՛ք ինձ:

Դարյա Ալեքսանդրովնան հարցական երկշտություն մե-
յեց նրա եռանդուն դեմքին, որը մերթ ամբողջովին, մերթ
տեղ-տեղ ընկնում էր արևի լույսի տակ՝ լորենիների շվա-
քում, մերթ նորից մոայլվում էր ստվերից, և սպասում էր,
թե ինչ կասի նա հետո. բայց նա տրոստը քրթքրեցնելով
խճերին, լուռ գնում էր Դոլլիի կողքով:

— Քանի որ դուք եկաք մեզ մոտ, դուք, Աննայի առաջվա
բարեկամներից միակ կինը,— իշխանազնուհի Վարվառային
չեմ հաշվում:— ասպա ես հասկանում եմ, որ դուք այդ բանն
արիք ո՛չ այն պատճառով, որ մեր վիճակը համարում եք
նորմալ, այլ, որ հասկանալով այս դրությունն ամբողջ ծան-
րությունը, դուք էլի սիրում եք նրան առաջվա պես և ուզում
եք օգնել նրան: Արդյոք ճիշտ եմ հասկացել ձեզ,— հարց-
րեց նա, նայելով Դոլլիին:

— Օ՛, իհարկե,— պատասխանեց Դարյա Ալեքսանդրով-
նան, ծալելով հովանոցը,— բայց...

— Ո՛չ,— ընդհատեց նա և ակամա, մոռանալով, որ դրա-
նով անհարմար դրություն մեջ է դնում իր զրուցակցուհուն,
կանգ առավ. այնպես որ Դոլլին էլ ստիպված էր կանգ առ-
նել:— Ոչոք ինձնից ավելի և խորը չի զգում Աննայի վիճակի
ամբողջ ծանրությունը: Ու դա հասկանալի է, եթե դուք շնորհ
եք անում ինձ համարելու մարդ, որը սիրտ ունի: Ե՛ս եմ այդ
դրության պատճառը: Այդ պատճառով էլ ես զգում եմ այդ:

— Հասկանում եմ,— ասաց Դարյա Ալեքսանդրովնան,
ակամա հիանալով նրանով, որ այդպես անկեղծաբար ու
հաստատամտորեն ասաց այդ:— Բայց հենց նրա համար, որ
դուք ձեզ համարում եք պատճառ, վախենում եմ, չափազան-
ցում եք,— ասաց նա:— Նրա դրությունը ծանր է բա՛րձր հա-
սարակության մեջ, ես հասկանում եմ:

— Բարձր հասարակության մեջ դա դժոխք է,— արագ
ասաց Վոռնսկին. մոայլորեն խոժոռվելով:— Զի կարելի երե-
վակայել բարոյական ավելի վատթար տանջանքներ, քան այն,
որ ունեցավ նա Պետերբուրգում երկու շաբաթվա ընթացքում...
և ես խնդրում եմ ձեզ՝ հավատալ դրան:

— Այո՛, բայց այստեղ, առայժմ, քանի դեռ ո՛չ Աննան...
ո՛չ, դուք կարիք չեք զգում բարձր հասարակության...

— Բարձր հասարակություն,— արհամարհանքով ասաց
Վոռնսկին,— ի՞նչ կարիք կարող եմ ունենալ ես բարձր հա-
սարակության:

— Առայժմ,— իսկ դա կարող է լինել ընդմիշտ,— դուք
երջանիկ եք ու հանգիստ: Նայելով Աննային, ես տեսնում եմ,
որ նա երջանիկ է, միանգամայն երջանիկ, նա արդեն հայտնել
է ինձ,— ասաց Դարյա Ալեքսանդրովնան ժպտալով, և ակա-

մա, ասելով այդ, Դոլլին կասկածեց, թե իրո՞ք երջանիկ է Աննան:

Բայց թվում էր, թե Վոռնսկին չի կասկածում դրանում:

— Այո՞, այո՞,— ասաց նա:— Ես գիտեմ, որ Աննան նոր կյանք առավ իր բոլոր տառապանքներից հետո. նա երջանիկ է: Նա երջանիկ է ներկայով, բայց ե՞ս... ես վախենում եմ այն բանից, ինչ սպասում է մեզ... Ներողություն, դուք ուզում եք գնա՞լ:

— Ո՛չ, միևնույն է:

— Որ այդպես է, նստե՛ք այստեղ:

Դարչա Ալեքսանդրովնան նստեց այգու նստարանին, ծառուղու անկյունում: Վոռնսկին կանգնեց նրա դիմաց:

— Ես տեսնում եմ, որ Աննան երջանիկ է,— ասաց նա, և կասկածն այն բանում, արդյոք երջանիկ է Աննան, ավելի ուժեղ կերպով համակեց Դարչա Ալեքսանդրովնային:— Բայց կարո՞ղ է արդյոք դա շարունակվել այդպես: Լա՞վ, թե՞ վատ վարվեցինք մենք, այդ ա՛յլ հարց է, սակայն վիճակը գցված է,— ասաց նա, ուռեերեն լեզվից անցնելով ֆրանսերենի,— և մենք կապված ենք իրար հետ մինչև մեր կյանքի վերջը: Մենք միացած ենք մեզ համար ամենանվիրական սիրո կապերով: Մենք երեխա ունենք, մենք դեռ կարող ենք երեխաներ ունենալ: Բայց օրենքը և մեր դրության բոլոր պայմաններն այնպես են, որ երևան են գալիս հազարավոր կնճռոտ բարդություններ, որոնք նա չի տեսնում և չի ուզում տեսնել այժմ, երբ հոգով հանգստանում է իր կրած բոլոր տառապանքներից ու տանջանքներից հետո: Եվ այդ հասկանալի է: Բայց ես չեմ կարող շտեմանել: Իմ աղջիկը՝ օրենքով իմ աղջիկը չէ, այլ Կարենինինն է: Ես չեմ ուզում այդ խաբեությունը,— ասաց նա բացասման եռանդուն շարժումով և մոայլ-հարցական նայեց Դարչա Ալեքսանդրովնային:

Դոլլին ոչինչ չէր պատասխանում ու միայն նայում էր նրան: Նա շարունակեց.

— Վաղը կարող է ծնվել տղա, ի՛մ տղան, և նա օրենքով Կարենինն է, նա ժառանգ չէ ո՛չ իմ անվան, ո՛չ իմ կարողության, և ինչքան էլ երջանիկ լինենք մենք ընտանիքում, և ինչքան էլ երեխաներ ունենանք մենք, իմ ու նրանց միջև կապ չկա: Նրանք Կարենիններ են: Հասկացե՛ք այդ վիճակի ծանրու-

թյունն ու սոսկանքը: Ես փորձեցի խոսել այդ մասին Աննայի հետ: Դա գրգռում է նրան: Նա չի հասկանում, և ես չեմ կարող բոլորն ասել նրան: Այժմ նայեցե՛ք մյուս կողմից: Իս երջանիկ եմ նրա սիրով, բայց ես պետք է զբաղմունք ունենամ: Ես գտա այդ զբաղմունքը և պարծենում եմ դրանով ու համարում եմ ավելի ազնիվ գործ, քան իմ նախկին ընկերների գրադմունքը պալատում ու ծառայության գծով: Եվ անկասկած չեմ փոխի այդ գործը նրանց գործի հետ: Ես աշխատում եմ այստեղ, նստած իմ տեղում և երջանիկ եմ, գոհ, ու մեզ ոչինչ ավելի պետք չէ երջանկության համար: Ես սիրում եմ այդ գործունեությունը: Cela n'est pas un pis aller¹, ընդհակառակն...

Դարչա Ալեքսանդրովնան նկատեց, որ Վոռնսկին իր բացատրության այդ տեղում խառնում էր, և Դոլլին լավ չէր հասկանում այդ շեղումը, բայց զգում էր, թե քանի որ նա սկսեց խոսել իր սրտագին հարաբերությունների մասին, որոնց մասին չէր կարողանում խոսել Աննայի հետ, ուրեմն, այժմ արտահայտում, ասում էր բոլորը, և, որ նրա գործունեության հարցը գյուղում գտնվում է սրտագին մտքերի նույն բաժնում, ինչպես և Աննայի հետ նրա հարաբերությունների հարցը:

— Այսպես ուրեմն, ես շարունակում եմ,— ասաց Վոռնսկին, ուշքի գալով:— Իսկ գլխավորն այն է, որ աշխատելով, ես պետք է համոզված լինեմ, որ իմ արածը չի մեղնի ինձ հետ, որ ես կունենամ ժառանգներ, մինչդեռ ես չունեմ այդպիսի համոզում: Երեակայեցե՛ք այն մարդու վիճակը, որը նախապես գիտե, որ իր և իր սիրելի կնոջ երեխաները իրենք չեն լինի, այլ ինչ-որ մեկինը, մի մարդու, որը նրանց ատում է և չի ուզում ճանաչել: Չէ՞ որ դա սարսափելի բան է:

Նա լռեց, հայտնապես սաստիկ հուզված:

— Այո՞, իհարկե, ես հասկանում եմ դա: Բայց ի՞նչ կարող է անել Աննան,— հարցրեց Դարչա Ալեքսանդրովնան:

— Այո՞, դա ինձ մոտեցնում է իմ խոսակցության նպատակին,— ասաց Վոռնսկին, դժվարությամբ հանգստանալով:— Աննան կարո՞ղ է, դա կախված է նրանից... նույնիսկ նրա համար, որպեսզի կարելի լինի խնդրել թագավորին որդեգրության մասին, անհրաժեշտ է ապահարզան: Իսկ դա

¹ Եվ այդ ո՛չ թե վատ գեպրում:

կախված է Աննայի՛ց: Նրա ամուսինը համաձայն էր աւրա-
հարդանի, ւրն ժամանակ ձեր ամուսինը գրեթե կարգավորեց
այդ գործը: Այժմ էլ, ես գիտեմ, նա չէր մերժի: Պետք էր միայն
գլխի նրան: Այն ժամանակ նա ուղղակի պատասխանեց. որ եթե
Աննան ցանկություն հայտնի, նա չի մերժի: Հասկանալի է,—
ասաց Վոռնսկին մոռյլ,— դա մեկն է փարիսեցիական այն
խստություններից, որոնց ընդունակ են սիրտ շունեցող այդ
մարդիկ միայն: Նա գիտե. թե որքան տանջանք է պատճառ-
ւու Աննային ամեն հիշողություն նրա մասին, և իմանալով
այդ, պահանջում է Աննայից նամակ: Ես հասկանում եմ, որ
Աննայի համար տանջալից բան է այդ: Բայց պատճառներն
այնքան կարևոր են, որ հարկավոր է passer pardessus toute
cesfinesses de santiment. Il y va du bonheur et de l'exis-
tense d'Anne et de ses enfants: Ես իմ մասին չեմ ասում,
թե ես ինձ համար ծանր է, շատ ծանր,— ասաց նա մեկի հասցեին
սպառնալիքի արտահայտությամբ, որ իր համար ծանր էր—
Այսպես ահա, իշխանուհի, ևս անխղճորեն կառչում եմ ձեզա-
նից, որպես փրկության խարսխից: Օգնեցե՞ք ինձ հա-
մոզելու Աննային, որ նամակ գրի նրան և ապահարզան պա-
հանջի:

— Այո՞, հասկանալի է,— մտածկոտ ասաց Գարյա Ալեք-
սանդրովնան, վառ կերպով մտաբերելով իր վերջին տեսակ-
ցությունը Ալեքսեյ Ալեքսանդրովիչի հետ:— Այո՞, հասկանալի
է,— կրկնեց նա վճռականորեն, հիշելով Աննային:

— Գործ դրե՞ք ձեր ազդեցությունը նրա վրա, այնպես
արե՞ք, որ նա գրի: Ես չեմ ուզում և համարյա չեմ կարող այդ
մասին խոսել նրա հետ:

— Կա՞մ, ես կխոսեմ: Բայց ինչպե՞ս է, որ նա ինքը չի
մտածում,— ասաց Գարյա Ալեքսանդրովնան, հայտնի չէ թե
ինչու, այստեղ հանկարծ հիշելով Աննայի աչքեր կկոցելու
տարօրինակ նոր սովորությունը: Եվ նա մտաբերեց, որ Աննան
աչքերը կկոցում էր հատկապես այն ժամանակ, երբ հարցը
վերաբերում էր կյանքի սրտագին կողմերին: «Կարծես նա
աչքերը կկոցում է իր կյանքի վրա, որ շտեմնի ամեն բան»,—
մտածեց Գոլլին:— Անպայման ես ի՛նձ համար և նրա համար

1) Պետք է անցնել զգացմունքի այս բոլոր նրբությունների վրա: Դա
Աննայի և նրա երեխաների երջանկության ու գոյության հարցն է:

կիոսեմ նրա հետ,— սպառնալիքանեց Գարյա Ալեքսանդրովնան
Վոռնսկու շնորհակալության արտահայտությանը:
Նրանք վեր կացան ու գնացին դեպի տուն:

XXII

Գտնելով Գոլլին արդեն վերադարձած, Աննան ուշադիր
նայեց նրա աչքերին՝ կարծես հարցնելով այն խոսակցության
մասին, որը նա ունեցել էր Վոռնսկու հետ, բայց չհարցրեց
խոսքերով:

— Կարծեմ, արդեն ժամանակ է ճաշի,— ասաց Աննան:—
Մենք դեռ բոլորովին չենք տեսնվել: Ես հույս եմ դրել երեկո-
յան վրա: Այժմ պետք է գնալ և հաղնվել: Ես կարծում եմ, դու
նույնպես: Բոլորս ազոտովեցինք շինության տեղում:

Գոլլին գնաց իր սենյակը, և նրան ծիծաղելի թվաց: Ես
հագնելու բան չունեմ, որովհետև արդեն հագել էր իր լավա-
գույն զգեստը. բայց որպեսզի որևէ բանով նշանավոր դարձնի
իր պատրաստությունը ճաշի համար, նա խնդրեց աղախնի՛ն՝
մաքրել իր զգեստը, փոխեց թեզանիքներն ու ժապավենը և
զլխին կասեց ժանյակ:

— Ահա այն բոլորը, որ կարող էի ես անել,— ասաց նա,
ժպտալով Աննային. որը դուրս եկավ դեպի նա իր երրորդ,
նորից չափազանց պարզ հագուստով:

— Այո՞, մենք այստեղ շատ պճնամուլ ենք,— ասաց նա,
կարծես ներողություն խնդրելով իր զուգվածության համար:—
Ալեքսեյը գոհ է թո գալուց, ինչպես հաղվաղեպ անգամ գոհ է
լինում նա որևէ բանից: Նա վճռականապես սիրահարված է
քեզ,— ավելացրեց Աննան:— Հո չհոգնեցի՞ր դու:

Մինչև ճաշ ժամանակ չկառ խոսելու որևէ բանի մասին:
Գտնելով ընդունարան, նրանք գտան այնտեղ իշխանաղնուհի
Վարվառային և տղամարդկանց՝ սև սյուրտուկներով: Ծարտա-
րապետը ֆրակով էր: Վոռնսկին Գարյա Ալեքսանդրովնային
ներկայացրեց բժշկին ու կառավարչին: Ծարտարապետի հետ
ծանոթացրել էր նրան դեռ հիվանդանոցում:

Հաստ ծառայապետը, փայլելով ածիլված, կլոր դեմքով ու
սպիտակ փողկապի օսլայած բանտով, զեկուցեց, որ ճաշը
պատրաստ է, և կանայք վեր կացան: Վոռնսկին խնդրեց

Սվիյաժսկուն՝ ձեռքը տալ Աննա Արկադևնային, իսկ ինքը մոտեցավ Դոլլիին: Վեսլովսկին Տուշկևիչից առաջ ձեռքը տվեց իշխանանդնուհի Վարվառային, այնպես որ Տուշկևիչը բժշկի և կառավարչի հետ գնացին մենակ:

Ճաշը, սեղանատունը, ամանեղենը, սպասավորները, գինին ու կերակուրը ո՛չ միայն համապատասխանում էին տան նոր շքեղության ընդհանուր տոնին, այլ, թվում է, թե ամեն բանից ավելի ևս շքեղ ու նոր էին: Դարյա Ալեքսանդրովնան դիտում էր իր համար նոր այդ փարթամությունը և որպես տանտիրակին, որ կառավարում է տունը, թեպետև հույս չունենալով կիրառելու իր տանն այստեղ տեսածից ո՛չ մի բան,— այնպես այս բոլորը իր շքեղությամբ վեր էր նրա կյանքի եղանակից,— ակամա խորասուզվում էր բոլոր մանրամասների մեջ և հարց էր տալիս իրեն, ո՛վ և ե՛րբ է այս բոլորն արել: Վասենկա Վեսլովսկին, Օբլոնսկին, նույնիսկ Սվիյաժսկին և ուրիշ շատ մարդիկ, որոնց ճանաչում էր Դոլլին, երբեք չէին մտածում այդ մասին ու լուկ խոսքով էին հավատում, թե ամեն կարգին տնատեր ցանկանում է զգալ տալ իր հյուրերին, որ այն բոլորը, ինչն այնպես լավ կարգավորված է իր մոտ, ո՛չ մի աշխատանք չի նստել իր վրա՝ տանտիրոջ վրա, այլ արվել է ինքն իրեն: Իսկ Դարյա Ալեքսանդրովնան գիտեր, որ ինքն իրեն նույնիսկ շիլա չի պատրաստվում երեխաների համար նախաճաշին, և, որ այդ պատճառով, նկատի ունենալով այս բարդ ու հիանալի կարգուսարքավորումը, պետք է որ մեկը խիստ մեծ ուշադրություն դարձրած լինի: Եվ Ալեքսեյ Կիրիլովիչի հայացքից, ինչպես նա դիտեց սեղանը ու գլխով նշան տվեց ծառայակետին, և ինչպես առաջարկեց Դարյա Ալեքսանդրովնային՝ ընտրություն անել բանջարապուրի ու սուպի միջև,— Դոլլին հասկացավ, որ ամեն ինչ արվում և պահպանվում է տանտիրոջ հոգացողությամբ: Աննայից այս բոլորը, հայտնապես, նույնքան կախում ուներ, որքան Վեսլովսկուց: Աննան, Սվիյաժսկին, իշխանանդնուհին և Վեսլովսկին միատեսակ հյուրեր էին, որոնք օգտվում էին նրանից, ինչ պատրաստված էր իրենց համար:

Աննան տանտիրակին էր խոսակցությունը վարելու գործում միայն: Եվ այդ խոսակցությունը, տանտիրակնոջ համար շափազանց դժվար՝ փոքրիկ սեղանի շուրջը, այնպիսի մարդկանց

ներկայությամբ, ինչպես կառավարիչն ու ճարտարապետը, բոլորովին այլ աշխարհի մարդիկ, որոնք աշխատում էին շքաշվել իրենց համար անսովոր փարթամությունից և որոնք անկարող էին երկար ժամանակ մասնակցել ընդհանուր խոսակցությանը,— այդ դժվար խոսակցությունն Աննան վարում էր իրեն հատուկ տակտով, բնականությամբ և նույնիսկ բավականությամբ, ինչպես նկատում էր Դարյա Ալեքսանդրովնան:

Խոսք բացվեց այն մասին, թե ինչպես Տուշկևիչն ու Վեսլովսկին գնում էին մակույկով, և Տուշկևիչն սկսեց պատմել վերջին վազբամրցումների մասին՝ Պետերբուրգի նավագահումբում: Բայց Աննան, սպասելով ընդմիջմանը, անմիջապես դիմեց ճարտարապետին, որպեսզի նրան հանի լուծությունից:

— Նիկոլայ Իվանովիչը զարմացել էր,— ասաց նա Սվիյաժսկու մասին,— թե ինչպե՛ս աճել է նոր շինարարությունն այն օրից հետ, երբ նա եղել էր այստեղ վերջին անգամ, բայց ես ինքս ամեն օր լինում եմ և յուրաքանչյուր օր զարմանում, թե ինչպես արագ առաջ է գնում:

— Նորին պայծառափայլության հետ լավ է աշխատելը,— ասաց ճարտարապետը ժպտալով (նա գտնվում էր իր արժանապատվության գիտակցության մեջ, հարգալից ու հանգիստ մարդ):— Նահանգական իշխանավորների հետ գործ ունենալու նման չէ: Այնտեղ, ուր մի ամբողջ օդմա թուղթ կգրոտեին, էս զեկուցում եմ կոմսին, խորհրդակցում ենք, և երկու-երեք խոսքով վերջացնում:

— Ամերիկյան պրիոմներ,— ասաց Սվիյաժսկին ժպտալով: — Այո՛, այնտեղ շինքերը բարձրացնում են ուցիտնալ կերպով...

Խոսակցությունն անցավ իշխանավորների շտաբկություններին Միացյալ Նահանգներում, բայց Աննան անմիջապես այն շուտ տվեց ուրիշ թեմայի շուրջը, որպեսզի կառավարչին հանի լուծությունից:

— Դու երբևիցե տեսե՛լ ես հնձի մեքենաներ,— դարձավ նա Դարյա Ալեքսանդրովնային:— Մենք գնացել էինք նայելու, երբ հանդիպեցինք քեզ: Ծա ինքս առաջին անգամ էի տեսնում:

— Ինչպե՞ս են գործում նրանք,— հարցրեց Դոլլին:

— Միանգամայն այնպես, ինչպես մկրատու: Մի տախճաթով և բազմաթիվ մանր մկրատներ: Ա՛յ, այսպես:

Աննան իր գեղեցիկ, սպիտակ, մատանիներով պատած ձեռքերով վերցրեց դանակ-պատառաբազր և սկսեց ցույց տալ: Նա հայտնապես տեսնում էր, որ իր բացատրությունից ոչինչ չի հասկացվի, բայց, իմանալով, որ ինքը խոսում է հաճելի և որ իր ձեռքերը գեղեցիկ են, շարունակում էր բացատրությունը:

— Ավելի շուտ՝ գրչահատներ են,— ասաց նրանից աչք չհեռացնող Վեսլովսկին, կատակելով:

Աննան հազիվ նկատելի ժպտաց, բայց շպտաստանեց նրան:— Մկրատի նման, անյպե՞ս չէ՞, Կարլ Ֆլոդորիչ,— դիմեց նա կառավարչին:

— O ja,— պատասխանեց գերմանացին:— Es ist ein ganz einfaches Ding¹:— Եվ նա սկսեց բացատրել Աննային մեքենայի կազմությունը:

— Ափսո՞ս, որ այդ մեքենան չի կապում: Ես տեսա Վիեննայի ցուցահանդեսում, կապում է երկաթալարով,— ասաց Սվիյաժսկին:— Դրանք ավելի շահեկան կլինեին:

— Es kommt drauf an... Der Preis vom Draht muss ausgerechnet werden.— Եվ լուծությունից հանված գերմանացին դիմեց Վոռնսկուն:— Das lässt sich ausrechnen, Erlaucht².— Պերմանացին ձեռքը տարավ դեպի գրպանը, ուր գտնվում էր նրա մատիտը գրքույկի մեջ, որտեղ նա բոլորը հաշված ուներ, բայց հիշելով, որ նստած է ճաշի և նկատելով Վոռնսկու սառը հայացքը, հրաժարվեց:— Zu complicirt, macht zu viel Klopots³,— եղբայրակեց նա:

— Wünscht man Dochots, so hat man auch Klopots.— ասաց Վասնկա Վեսլովսկին, ծիծաղելով գերմանացու վրա:— J'adore l'allemand⁴,— դիմեց նա միևնույն ժպիտով Աննային:

¹ 0՞, այո՞: Դա շատ պարզ իր է:

² Բանն այն է... Պետք է հաշվել երկաթալարի արժեքը:— Այդ կարելի է հաշվել, ձեռք պայծառափայլություն:

³ Դա շփազանց բարդ բան է, մեծ գլխացավանք է պատճառում:

⁴ Ով ուզում է եկամտոտ ունենալ, պետք է ունենա և մեծ գլխացավանք: Միտում եմ գերմանական լեզուն:

— Cessez!,— ասաց Աննան նրան կատակեն-խիստ:

— Իսկ մենք կարծում էինք, որ ձեզ կգտնենք դաշտում, Վասիլի Սեմյոնիչ,— դիմեց Աննան բժշկին, որ հիվանդոտ մարդ էր,— դուք այնտե՞ղ էիք:

— Ես այնտեղ էի, բայց չբ՛լեցի,— մտալ կատակով պատասխանեց բժիշկը:

— Ուրեմն դուք լավ մացիոն եք կատարել:

— Հիանալի՞:

— Իսկ ինչպե՞ս է պառավի առողջությունը, հուսամ, որ տիՖ չէ:

— ՏիՖը՝ տիՖ չէ, բայց դրանից էլ լավ բան չէ:

— Ափսո՞ս,— ասաց Աննան և այդպիսով քաղաքավարության տուրք տալով տեսցիններին, դիմեց յուրայիններին:

— Բայց և այնպես դժվար կլինեի մեքենա շինել ըստ ձեր պատմածի, Աննա Արկադևնա,— ասաց Սվիյաժսկին կատակով:

— Ո՛չ, ինչո՞ւ,— ասաց Աննան ժպիտով. այդ ժպիտն ասում էր, թե նա գիտեր, որ մեքենայի կազմության մասին տված իր բացատրությունն ուներ իր մեջ համակրելի մի բան, որը նկատել էր նաև Սվիյաժսկին: Զահել կոկետության այդ նոր գիծն անհաճա կերպով դարմացրեց Դոլլին:

— Դրա փոխարեն, զարմանալի է Աննա Արկադևնայի իմացությունը ճարտարապետության մեջ,— ասաց Տուշկևիչը:

— Ինչպե՞ս չէ, ես լսեցի, երեկ Աննա Արկադևնան ասում էր. առասան ու պլինթներ,— ասաց Վեսլովսկին:— Ծիշտ չե՞մ ասում:

— Զարմանալի ոչինչ չկա, երբ մարդ այնքան տեսնում ու լսում է,— ասաց Աննան:— Իսկ դուք, հավանորեն, չգիտեք, թե ինչի՞ց են տուն շինում:

Դարյա Ալեքսանդրովնան տեսնում էր, որ Աննան դժգոհ էր աղատաշույշ՝ այն տոնից, որը կար նրա և Վեսլովսկու միջև, բայց ինքն ակամա ընկնում էր այդ տոնի մեջ:

Վոռնսկին այս դեպքում վարվում էր բնավ ո՛չ այնպես, ինչպես կեինք: Նա, հայտնապես, ո՛չ մի կարևորություն չէր

¹ Դադարեցեք:

տալիս Վեսլովսկու շաղակրատանքին, ընդհակառակն՝ քաջալերում էր այդ կատակները:

— Այո՛, հապա ասեք, Վեսլովսկի, թե ինչո՞ւ են միացնում քարերը:

— Իհարկե, ցեմենտով:

— Բռա՛վո. իսկ ի՞նչ բան է ցեմենտը:

— Ջրցեխի պես մի բան... ո՛չ, ծեփանի պես,— ասաց Վեսլովսկին, հարուցելով ընդհանուր քրքիչ:

Խոսակցությունը, երբեմն սայթաքելով, երբեմն կարթկելով ու դիպչելով մեկն ու մեկի սրտի նուրբ թելին, չէր դադարում ճաշողների միջև, բացառությամբ մոայլ լռության մեջ խորասուզված բժշկի, ճարտարագետի և կառավարչի: Մի անգամ Դարյա Ալեքսանդրովնան խորապես առնվեց ու այնպես տաքացավ, որ նույնիսկ կարմրեց և հետո արդեն միտք էր անում, հո ավելորդ և անախորժ բան չասաց: Սվիյաժսկին խոսեց Լեինի մասին, պատմելով նրա տարօրինակ դատողությունն այն առթիվ, որ մեքենաները ուսական տնտեսության մեջ վնասակար են միայն:

— Ես պատիվ չունեմ ճանաչելու այդ պարոն Լեինին,— ժպտալով ասաց Վոռնսկին,— բայց երևի նա երբեք չի տեսել այդ մեքենաները, որոնք դատապարտում է: Իսկ եթե տեսել ու փորձել է, ապա՝ հենց այնպես, մի կերպ, այն էլ ո՛չ արտասահմանյան մեքենաներ, այլ ինչ-որ ուսական: Իսկ ի՞նչ հայացքների մասին կարող է խոսք լինել այստեղ:

— Առհասարակ տաճկական հայացքներ,— ժպտով ասաց Վեսլովսկին, դիմելով Աննային:

— Ես չեմ կարող պաշտպանել նրա դատողությունները,— բռնկվելով ասաց Դարյա Ալեքսանդրովնան,— բայց կարող եմ ասել, որ նա շատ կրթված մարդ է, և եթե նա լիներ այստեղ, նա կիմանար, թե ի՞նչ պատասխանի ձեզ, իսկ ես չեմ կարողանում:

— Ես նրան շատ սիրում եմ, և մենք մոտ բարեկամներ ենք,— ասաց Սվիյաժսկին բարեսրտորեն ժպտալով:— Mais pardon, il est un petit peu tuqué¹, օրինակ, նա պնդում է, որ թե՛ զեմստվոն, թե՛ հաշտարար դատարանները՝ բոլորն էլ հարկավոր չեն, և ո՛չ մի բանի չի ուզում մասնակցել:

¹ Բայց ներեցեք, նա մի քիչ տարօրինակ է:

— Այդ մեր ուսական տնտարբերությունն է,— ասաց Վոռնսկին, սառը գրաֆինիյ ջուրը լցնելով ոտնակավոր բարակ բաժակի մեջ,— չզգալ այն պարտավորությունը, որ դնում են մեզ վրա մեր իրավունքները, այս իսկ պատճառով բացասել այդ պարտավորությունները:

— Ես չեմ ճանաչում ուրիշ ավելի խիստ մարդ՝ իր պարտավորությունները կատարելու գործում,— ասաց Դարյա Ալեքսանդրովնան, զրգոված Վոռնսկու գերազանցության այդ տոնից:

— Ես, ընդհակառակն,— շարունակեց Վոռնսկին, մի տեսակ, կարծես առնված այդ խոսակցությունից,— ես, ընդհակառակն, այնպես, ինչպես տեսնում եք ինձ, շատ շնորհասպարտ եմ այն պատվի համար, որ ցույց տվին ինձ, շնորհիվ Նիկոլայ Իվանիչի (նա նշեց Սվիյաժսկուն), ընտրելով ինձ պատվավոր հաշտարար դատավոր: Ես կարծում եմ, համագումար գնալու, մոտիկի ձիուն վերաբերող գործը քննարկելու պարտավորությունն ինձ համար նույնքան կարևոր է, ինչպես և այն բոլորը, որ կարող եմ անել: Ու ես սլատիվ կհամարեմ, եթե ինձ ընտրեն ձայնավոր: Ես դրանով միայն կարող եմ հատուցել այն օգուտների փոխարեն, որոնցից օգտվում եմ, որպես կալվածատեր: Դժբախտաբար, չեն հասկանում այն նշանակությունը, որ պիտի ունենան խոշոր կալվածատերերը պետության մեջ:

Դարյա Ալեքսանդրովնայի համար տարօրինակ էր լսել, թե ինչպես Վոռնսկին հանգիստ էր իր իրավացի լինելու մեջ՝ իր տանը՝ իր սեղանի շուրջը: Դուլին հիշեց, թե ինչպես Լեինը, որ հակառակն էր մտածում, նույնպես վճռական էր իր դատողություններում՝ իր տանը՝ իր սեղանի շուրջը: Բայց նա սիրում էր Լեինին, այդ պատճառով նրա կողմն էր:

— Ուրեմն, մենք կարող ենք հույս դնել ձեզ վրա, կոմս, հետևյալ համագումարին,— ասաց Սվիյաժսկին:— Սակայն հարկավոր է գնալ ավելի շուտ, որպեսզի ութին արդեն լինեք այնտեղ: Եթե դուք պատիվ անհիք ինձ և գայիք ինձ մոտ:

— Իսկ ես մի փոքր համաձայն եմ քո beau-frère-ին¹,— ասաց Աննան:— Միայն ո՛չ այնպես, ինչպես նա,— ավելաց-

¹ Աներձագին:

րեց Աննան ժպիտով:— Ծս վախենում եմ, արդյոք վերջերս շափազանց շատ չե՞ն մեզանում այդ հասարակական պարտավորությունները: Ինչպես առաջ, երբ այնքան շատ չինով: Ինչպես կային, որ ամեն տեսակ գործի համար հարկավոր էր մի չինովնիկ, հիմա էլ՝ անվերջ հասարակական գործիչներ Ալեքսանդր Կոլոմեյցի, հիմա էլ՝ անվերջ հասարակական գործիչներ Ալեքսանդր Կոլոմեյցի, հիմա էլ՝ անվերջ հասարակական հիմնարկների անդամ է՝ հոգաբարձություն, դատավոր, ձայնավոր, երգվյալ ատենակալ, ինչ-որ ձևերով: Du train que cela va¹, ամբողջ ժամանակը կկորչի դրա վրա: Եվ ես վախենում եմ, որ այդքան բազմաթիվ գործերի դեպքում՝ այդ լուրի ձև է, ձևականություն: Դուրս քանի՞ տեղում եք անդամ, Նիկոլայ Իվանիչ,— դիմեց նա Սվիյաժսկուն,— կարծեմ, քսանից ավելի:

Աննան խոսում էր կատակով, բայց նրա տոնի մեջ ղգացվում էր գրգռվածություն: Այդ անմիջապես նկատեց Գարյա Ալեքսանդրովնան, որ ուշադրությամբ դիտում էր Աննային ու Վոռնսկուն. նա նկատեց նույնպես, որ այս խոսակցության միջոցին Վոռնսկու դեմքն անմիջապես ընդունեց լուրջ ու համար արտահայտություն: Նկատելով այդ և այն, որ իշխանազնուհի Վարվառան անմիջապես, որպեսզի փոխի խոսակցությունը, շտապ խոսեց Պետերբուրգի ժանոթների մասին, և մտաբերելով այն, ինչ Վոռնսկին ո՛չ ի դեպ ասում էր այդպես իր գործունեության մասին, Դոլլին հասկացավ, որ հասարակական գործունեության այդ հարցի հետ կապվում էր ինչ-որ ինտիմ վեճ Աննայի և Վոռնսկու միջև:

Ճաշը, գինին, սեղանի պարագաները՝ այս բոլորը շատ լավ էր, բայց այս բոլորն այնպես էր, ինչպես Գարյա Ալեքսանդրովնան տեսել էր հրավիրաճաշերի և պարահանդեսների ժամանակ և որոնց նա այժմ սովոր չէր, և որոնց հատուկ էր դիմադրելիության ու լարվածության միևնույն բնույթը. ուստի սովորական օրում և փոքրիկ շրջանում այս բոլորը նրա վրա թողեց անախորժ տպավորություն:

Ճաշից հետո նստեցին տեռասում: Հետո սկսեցին խաղալ lawn tennis², խաղացողները, բաժանվելով երկու խմբի, կանգ-

նեցին խնամքով հավասարեցրած ու տոփած կրոկետ-հրապարակում, ոսկեզօծ սյունների վրա քաշած ցանցի երկու կողմում: Գարյա Ալեքսանդրովնան փորձեց խաղալ, բայց երկար ժամանակ չէր կարողանում հասկանալ խաղը, իսկ երբ հասկացավ, այնպես հոգնեց, որ նստեց իշխանազնուհի Վարվառայի հետ և միայն նայում էր խաղացողներին: Նրա խաղընկիր Տուշկևիչը նույնպես մի կողմ քաշվեց. բայց մնացածները՝ երկար ժամանակ շարունակում էին խաղը: Սվիյաժսկին ու Վոռնսկին խաղում էին շատ լավ և լուրջ: Նրանք աշալուրջ հետևում էին դեպի իրենց ձգած խաղագնդակին, առանց շտապելու և առանց հապաղելու, ճարակորեն մոտ էին վազում նրան, սպասում էին խաղագնդակի վեր ցատկումին և ռակետով դիպուկ ու ճիշտ տալով, այն պետք էին ցանցի ետևը: Վեսլովսկին մյուսներից ավելի վատ էր խաղում: Նա շափազանց տաքանում էր. բայց դրա փոխարեն՝ իր ուրախությամբ ողևորում էր խաղացողներին: Նրա ծիծաղն ու բացականչությունները անլուրի էին: Նա հանեց, ինչպես և մյուս տղամարդիկ, կանանց թույլություններ, սյուրտուկը, և նրա խոշոր գեղեցիկ ֆիզիկայի շափուկ սպիտակ թևերով, կարմիր, քրտնած դեմքով ու նրա թափով շարժումներն ինքնին մեխվում էին դիտողի հիշողության մեջ:

Երբ Գարյա Ալեքսանդրովնան այդ գիշեր պառկեց քնելու, հենց որ փակում էր աչքերը, տեսնում էր կրոկետ-հրապարակում այս ու այն կողմ վազվզող Վասենկա Վեսլովսկուն:

Խաղի ժամանակ Գարյա Ալեքսանդրովնայի համար ուրախ չէր: Նրան դուր չէր գալիս խաղի ընթացքում շարունակվող ազատ-աշխույժ հարաբերությունն Աննայի և Վասենկա Վեսլովսկու միջև. դուր չէր գալիս նաև մեծերի այն ընդհանուր անբնականությունը, երբ նրանք մենակ, առանց երեխաների, խաղում էին մանկական խաղ: Բայց, որպեսզի մյուսների տրամադրությունը չփչացնի և մի կերպ ժամանակն անցկացնի, հանգստանալուց հետո նա միացավ խաղին ու ձևանում էր, իբր ուրախ է իր համար: Այդ ամբողջ օրը նրան թվում էր, որ ինքը խաղում է թատրոնում իրենից լավ դերասանների հետ և, որ իր վատ խաղը փչացնում է ամբողջ գործը:

Նա եկավ երկու օր մնալու՝ մտադրությամբ, եթե սրտին գար մնալու: Բայց հենց երեկոյան, խաղի ժամանակ, նա

¹ Ենորհիվ կյանքի այդ եղանակի:

² Լաուն-թենիս:

վճուեց, որ վաղը ետ կդառնա: Մայրական տանջալից այն հոգսերը, որ նա այնպես ատում էր ճանապարհին, այժմ, առանց դրանց անցկացրած օրից հետո, պատկերանում էին նրան արդեն ուրիշ լույսի տակ և ձգում, քաշում էին նրան գեպի իրենց:

Երեկոյան թեյից ու նավակով գիշերային զրոսանքից հետո, երբ Դարյա Ալեքսանդրովնան մենակ մտավ իր սենյակը, հանեց զգեստը և նստեց սանրելու իր նոսր մազերը՝ գիշերվա համար, նա մեծ թեթևութուն զգաց:

Դուլիի համար նույնիսկ անախորժ էր մտածելը, որ Աննան հիմա կգա իր մոտ: Նա ուզում էր մենակ մնալ իր մըտքերի հետ:

XXIII

Դուլին արդեն ուզում էր պառկել, երբ Աննան գիշերային հագուստով մտավ նրա մոտ:

Օրվա ընթացքում Աննան մի քանի անգամ սկսեց խոսել սրտագին գործերի մասին և ամեն անգամ, ասելով մի քանի խոսք, կանգ էր առնում: «Հետո՛, առանձին կխոսենք ամեն ինչի մասին: Ես այնքա՛ն բան ունեմ ասելու քեզ», — ասում էր նա:

Այժմ նրանք առանձին էին, և Աննան չգիտեր, թե ինչի՞ մասին խոսի: Նա նստել էր պատուհանի մոտ, նայելով Դուլիին ու պրպտելով իր հիշողության մեջ իրեն անսպառ թվացող խոսակցությունների պաշարը, ոչինչ չէր գտնում: Նրան թվում էր այդ րոպեին, որ ամեն բան արդեն ասված է:

— Ինչպե՞ս է Կիտին, — ասաց նա, ծանր հառաչելով ու հանցավորի պես նայելով Դուլիին: — Ճիշտն ասա ինձ, Դուլի, նա չի՞ բարկանում ինձ վրա:

— Բարկանո՞ւմ: Ո՛չ, — ասաց Դարյա Ալեքսանդրովնան, ժպտալով:

— Բայց ատո՞ւմ է, արհամարհո՞ւմ է:

— Օ՛, ո՛չ: Սակայն դու գիտես, որ այդպիսի բանը չի ներվում:

— Այո՛, այո՛, — շուռ գալով ու նայելով բաց պատուհանից դուրս, ասաց Աննան: — Բայց ես մեղավոր չէի: Եվ ո՞վ

է մեղավոր: Ի՞նչ բան է մեղավոր ասածդ: Սի՛թե կարող էր ալ կերպ լինել: Ասա՛, ի՞նչ ես կարծում դու: Կարո՞ղ էր արդյո՞ք պատահել, որ դու չլինեիր Ստիվալի կինը:

— Ճիշտն ասած, չգիտեմ: Բայց ահա թե ի՞նչ ասա դու ինձ...

— Այո՛, այո՛, սակայն մենք չվերջացրինք Կիտիի մասին: Նա բախտավո՞ր է: Ասում են Լեինը հիանալի մարդ է:

— Քիչ է ասել, թե հիանալի մարդ է: Ես չգիտեմ նրանից ավելի լավ մարդ:

— Ա՛խ, որքա՛ն ուրախ եմ: Ես շատ ուրախ եմ: Քիչ է ասել, թե հիանալի մարդ է, — կրկնեց նա:

Դուլին ժպտաց:

— Բայց դու պատմիր ինձ քո՛ մասին: Ես երկար խոսակցութուն ունեմ քեզ հետ: Մենք խոսեցինք... — Դուլին չգիտեր, թե ինչպե՞ս անվանի Վոսնսկուն: Նա անհարմար էր զգում իրեն՝ նրան անվանել կոմս, նույնպես՝ Ալեքսեյ Կիրիլի:

— Ալեքսեյի հետ, — ասաց Աննան, — ես գիտեմ, որ դուք խոսում էիք: Բայց ես ուզում էի ուղղակի հարցնել քեզ, թե ի՞նչ ես մտածում դու ի՛մ մասին, իմ կյանքի մասին:

— Ինչպե՞ս ասեմ այդպես հանկարծ: Իսկապես, չգիտեմ:

— Այսուամենայնիվ, ասա՛ ինձ... դու տեսնում ես իմ կյանքը: Բայց դու մի՛ մոռանա, որ մեզ տեսնում ես ամառը, երբ դու եկար, և մենք մենակ չենք... Սակայն մենք եկանք այստեղ վաղ գարնանը, ապրում էինք բոլորովին մենակ ու կապրենք մենակ, և դրանից ավելի լավ բան ես չեմ ցանկանում ոչինչ: Բայց երևակայիր, որ ես ասլրում եմ մենակ՝ առանց նրա, մենակ. և այդ կլինի... Ես տեսնում եմ ամեն ինչից, որ այդ հաճախ պիտի կրկնվի, որ նա իր ժամանակի կեսը կանցկացնի տանից դուրս, — ասաց Աննան, վեր կենալով ու նստելով Դուլիին ավելի մոտ: — Հասկանալի բան է, — ընդհատեց նա Դուլիին, որն ուզում էր առարկել, — հասկանալի բան է, որ ես ուժով չեմ կարող պահել նրան: Ես չեմ էլ պահում: Այսօր ձիարշավ է, արշավում են նրա ձիերը, նա գնում է: Շատ ուրախ եմ: Բայց դու մտածիր ի՛մ մասին, երևակայիր քեզ ի՛մ վիճակում... է՛հ, ի՞նչ կարիք կա խոսելու այդ մասին: — Աննան ժպտաց: — Ուրեմն, ինչի՞ մասին էր խոսում քեզ հետ Ալեքսեյը:

— Նա խոսում էր այն բանի մասին, ինչի մասին ես ի՛նքս եմ ուզում խոսել, և ինձ համար հեշտ է լինել նրա փաստաբանը: Խոսում էր այն մասին, թե չկա՞ արդյոք հնարավորություն և չի՞ կարելի արդյոք... — Դարյա Ալեքսանդրովնան դեմ ընկավ, — ուղղել, բարելավել քո դրուժյունը... Դու գիտես, թե ինչպե՛ս եմ ես նայում... Բայց և այնպես, եթե հնարավոր է, պետք է ամուսնանալ...

— Այսինքն՝ ապահարգա՞ն, — ասաց Աննան: — Դու գիտե՞ս, միակ կինը, որ եկավ ինձ մոտ Պետերբուրգում, Տվերսկայա Բետսին էր: Դու նրան ճանաչում ես: Au fond c'est la femme la plus dépravée qui existe¹: Նա սիրային կապ ուներ Տուշկևիչի հետ, ամենագարշելիորեն խաբելով իր ամուսնուն: Եվ նա ինձ ասաց, որ չի ուզում ճանաչել ինձ, քանի դեռ իմ դրուժյունը կլինի անկանոն: Մի՞ կարծիր, որ ես համեմատեցի... Ես ճանաչում եմ քեզ, հոգյակս: Բայց ես ակամա հիշեցի... Դե՛, ուրեմն ի՞նչ ասաց քեզ Ալեքսեյը, — կրկնեց նա:

— Նա ասաց, որ տանջվում է քե՛զ համար և իր համար: Գուցե դու ասես, որ դա էգոիզմ է, բայց դա այնպե՛ս օրինական և ազնիվ էգոիզմ է: Նա ուզում է, նախ՝ օրինականացնել իր աղջկան ու լինել քո ամուսինը, իրավունք ունենալ քեզ վրա:

— Ի՛նչ կին, ի՛նչ ստրկուհի կարող է լինել այդ աստիճանի ստրկուհի, ինչպես ե՛ս եմ իմ վիճակում, — ընդհատեց Աննան մտալլ:

— Իսկ գլխավորը, որ նա ուզում է... նա ուզում է, որ դու չտանջվես:

— Այդ անհնարին է: Հետո՞:

— Հետո՞, և ամենաօրինական բանը. նա ուզում է, որ ձեռք բերես նրան ունենան ազգանուն:

— Ի՛նչ երեխաներ, — ասաց Աննան, առանց նայելու Դուլիին և կկոցելով աչքերը:

— Անին և ապագա երեխաները...

— Այս առթիվ նա կարող է հանգիստ լինել, ես այլևս երեխաներ չեմ ունենա:

— Ինչպե՞ս կարող ես դու ասել, որ չես ունենա...

— Չեմ ունենա, որովհետև չեմ ուզում:

Եվ, շնայած իր ամբողջ հուզմունքին, Աննան ժպտաց, նկատելով Դուլիի դեմքին հետաքրքրության, զարմանքի և սարսափի արտահայտություն:

— Բժիշկն ասաց ինձ, իմ հիվանդությունից հետո:

— Չի կարող պատահել, — ասաց Դուլին, աչքերը լայն բանալով: Նրա համար դա մեկն էր այն հայտնություններից, որոնց հետևանքներն ու եզրակացություններն այնքան հրեշտակապես են, որ առաջին րոպեին զգացվում է միայն, թե չի կարելի այս բոլորը հասկանալ, բայց այդ մասին պետք է շատ ու շատ մտածել:

Այդ հայտնությունը, որ հասկանալի դարձրեց Դուլիի համար մինչ այդ անհասկանալի բոլոր այն ընտանիքները, որտեղ կային միայն մեկ կամ երկու երեխաներ, սուաչ բերեց նրա մեջ այնքան մտքեր, խոհեր ու իրար հակադիր զգացումներ, որ նա չկարողացավ ոչինչ ասել ու միայն լայն բացված աչքերով զարմացած նայում էր Աննային: Այդ հենց այն էր, որի մասին նա տեսնում էր, բայց հիմա իմանալով, որ դա հնարավոր է, սարսափեց: Նա զգում էր, որ այդ շափազանց պարզ լուծումն էր շափազանց բարդ հարցի:

— N'est ce pas immoral?², — ասաց նա միայն, քիչ լռությունից հետո:

— Ինչո՞ւ Մտածի՛ր, տե՛ս, ես պիտի ընտրեմ երկուսից մեկը. կամ լինել հղի, այսինքն՝ հիվանդ, կամ լինել ամուսնուս բարեկամը, ընկերը, միևնույն է՝ ամուսնուս, — ասաց Աննան՝ դիտմամբ մակերեսային ու թեթևամիտ տոնով:

— Դե՛ իհարկե, դե՛ իհարկե, — ասում էր Դարյա Ալեքսանդրովնան, լսելով նույն այն փաստարկները, որ ինքը բերում էր իր համար և նրանց մեջ այլևս չգտնելով առաջվա համոզելիությունը:

— Քեզ համար, ուրիշների համար, — ասում էր Աննան, կարծես զուշակելով նրա մտքերը, — դեռ կարող է կասկածելի լինել. բայց ինձ համար... Հասկացիր, որ ես կինը չեմ, Ալեք-

¹ Հետ էություն, դա շափազանց անբարոյական կին է:

² Մի՞թե դա անբարոյականություն չէ:

«եյը սիրում է ինձ այնքան ժամանակ, քանի դեռ սիրում է: Եվ ի՞նչ, ինչո՞ւ վ կարող եմ ես պահպանել նրա սերը: Ահա որանո՞ւմ:»

Աննան սպիտակ ձեռքերը բոլորած և մեկնեց փորի առաջ:

Անսովոր արագութեամբ, ինչպես այդ լինում է հուզմունքի բուռններին, մտքերն ու հիշողութիւնները խռնվեցին Դարյա Ալեքսանդրովնայի գլխում: «Ծս,— մտածում էր նա,— չհրապուրեցի, չկապեցի ինձ հետ Ստիվային. նա ինձնից գնաց ուրիշների մոտ, և առաջին այն կինը, որի համար նա դավաճանեց ինձ, չպահեց նրան իր մոտ նրանով, որ միշտ գեղեցիկ էր և ուրախ: Ստիվան գցեց նրան ու վերցրեց ուրիշին: Եվ մի՞թե Աննան դրանով կհրապուրի ու կպահի կոմս Վոռնսկուն: Եթե Վոռնսկին կփնտրի այդ, ապա կգտնի ավելի հրապուրիչ տուալետներ և ուրախ վարվելաձևեր: Եվ ինչքան էլ սպիտակ, ինչքան էլ հիանալի են Աննայի մերկ թևերը, ինչքան էլ գեղեցիկ է նրա ամբողջ գեր իրանը, սև մազերի շրջանակի միջից նայող նրա կարմրած դեմքը, Վոռնսկին կգտնի ավելի լավը, ինչպես փնտրում ու գտնում է իմ զգվելի, ողորմելի և սիրելի ամուսինը»:

Դուլլին ոչինչ չպատասխանեց ու միայն հառաչեց: Աննան նկատեց այդ հառաչը, որ անհամաձայնութեան արտահայտիչ էր, և շարունակեց: Նա իր պահեստում ուներ էլի փաստարկներ, անչքան ուժեղ, որ ոչինչ չէր կարելի պատասխանել նրանց:

— Դու ասում ես, որ այդ լավ չէ՞: Բայց պետք է դատել,— շարունակեց նա: — Դու մոռանում ես իմ դրութիւնը: Ինչպե՞ս կարող եմ ես ցանկանալ երեխաներ: Ծս չեմ ասում տառապանքների մասին, ես դրանցից չեմ վախենում: Մտածիր, թե ո՞ւր եմ լինելու իմ երեխաները: Դժբախտ երեխաներ, որոնք պիտի կրեն ուրիշի ազգանունը: Իրենց ծնունդամբ հենց նրանք դրված կլինեն մորից, հորից, իրենց ծնունդից ամաչելու անհրաժեշտութեան մեջ:

— Զէ՞ որ հենց դրա համար է հարկավոր ապահարգանք: Բայց Աննան չէր լսում նրան: Նա ուզում էր ասել, վերջացնել այն փաստարկները, որոնցով այնքան անզամ համոզել էր ինքն իրեն:

— Էլ ինչի՞ համար է ինձ բանականութիւն տուած. որ ես

այն չգործադրեմ, որպեսզի լույս աշխարհ չբերեմ դժբախտ արարածներ:

Նա նայեց Դուլլին, սակայն, առանց սպասելու պատասխանի, շարունակեց:

— Ծս ինձ միշտ հանցավոր կզգայի այդ դժբախտ երեխաների առաջ,— ասաց նա: — Եթե նրանք չկան, համենայն դեպս՝ դժբախտ չեն, իսկ եթե նրանք դժբախտ են, ապա ե՞ս եմ միայն հանցավոր դրանում:

Դրանք նույն այն փաստարկներն էին, որ Դարյա Ալեքսանդրովնան բերում էր ինքն իր համար, բայց նա հիմա լսում էր դրանք ու չէր հասկանում: «Մարդ ինչպե՞ս կարող է հանցավոր լինել գոյութիւն չունեցող արարածների առաջ»: Եվ հանկարծ նրա գլուխը եկավ մի միտք. կարո՞ղ էր արդէք որևէ դեպքում ավելի լավ լինել իր սիրելի Գրիշայի համար, եթե նա երբեք գոյութիւն չունենար: Եվ այդ Դուլլին թվաց այնպես վայրենի, այնպես տարօրինակ, որ նա գլուխը ցնցեց, որպեսզի ցրի պտույտ եկող խելագար մտքերի այդ խառնափնթորութիւնը:

— Ո՛չ, ես չգիտեմ, դա լավ չէ,— ասաց նա միայն՝ դեմքին գարշանքի արտահայտութիւն:

— Այո՛, բայց դու մի մոռանա, թե ո՞ւր ես դու և ո՞ւր եմ ես... Ու բացի դրանից,— ավելացրեց Աննան, կարծես, այսուամենայնիվ կասկածելով, որ դա լավ չէ, չնայած իր փաստարկների հարստութեանը և Դուլլի փաստարկների աղքատութեանը,— դու մի՛ մոռանա գլխավորը. ես այժմ գտնվում եմ ո՛չ այն դրութեան մեջ, ինչպես դու: Քեզ համար հարց է՝ արդէք ուզո՞ւմ ես դու այլևս չունենալ երեխաներ, իսկ ինձ համար հարց է՝ արդէք ուզո՞ւմ եմ ես ունենալ երեխաներ: Եվ տարբերութիւնը մեծ է: Հասկանո՞ւմ ես, որ իմ վիճակում ես չեմ կարող այդ բանը ցանկանալ:

Դարյա Ալեքսանդրովնան չէր առարկում: Նա հանկարծ զգաց, որ ինքն արդեն այնքան հեռացավ Աննայից, որ իրենց միջև գոյութիւն ունեն հարցեր, որոնց խնդրում իրենք երբեք համաձայնութեան չեն գա և որոնց մասին ավելի լավ է չխոսել:

— Ուրեմն առավել ևս հարկավոր է, որ դու կարգավորես ջո դրությունը, եթե հնարավոր է,— ասաց Դոլլին:

— Այո՛, եթե հնարավոր է,— ասաց Աննան հանկարծ բռնորովին ուրիշ, հանդարտ ու տխուր ձայնով:

— Մի՞թե հնարավոր չէ ապահարզանը: Ինձ ասում էին, որ ջո ամուսինը համաձայն է:

— Դոլլի: Ես չեմ ուզում խոսել այդ մասին:

— Կա՛մ, շխոսենք,— շտապ ասաց Դարյա Ալեքսանդրովնան, նկատելով Աննայի դեմքին տանջանքի արտահայտություն: — Ես տեսնում եմ միայն, որ դու մտալլ ես տրամագրված:

— Բնավ երբեք, Ես շատ ուրախ եմ ու գոհ: Դու տեսար: Je fait des passions¹. Վեսլովսկին...

— Այո՛, եթե թույլ կտաս ճիշտն ասել, ինձ դուր չեկավ Վեսլովսկու տոնը,— ասաց Դարյա Ալեքսանդրովնան, կամենալով փոխել խոսակցությունը:

— Ա՛խ, ամենևին: Դա խտուտ է անում Ալեքսեյին, ուրիշ ոչինչ. բայց Վեսլովսկին երեխա է ու ամբողջապես իմ ձեռքին, հասկանո՞ւմ ես դու, ես խաղաղեմ եմ նրան, ինչպես ազում եմ: Նա նույնն է, ինչ որ ջո Գրիշան... Դոլլի,— հանկարծ խոսքը փոխեց Աննան,— դու ասում ես, որ ես մտալլ եմ: Դու չես կարող հասկանալ. Դա սոսկալի է: Ես աշխատում եմ բնավ չմտածել:

— Բայց ինձ թվում է, պետք է: Պետք է անել բոլորը, ինչ կարելի է:

— Սակայն ինչ, ինչ կարելի է անել: Ոչի՛նչ: Դու ասում ես, որ պիտի ամուսնանալ Ալեքսեյի հետ, և որ ես չեմ մտածում դրա մասին: Ես չե՛մ մտածում դրա մասին,— կրկնեց նա ու կարմրություն դուրս տվեց նրա դեմքին: Նա վեր կացավ, ուղղեց կուրծքը, ծանր հառաչեց և սկսեց իր թեթև քայլերով գնալ-գալ սենյակում, երբեմն կանգ առնելով: Ես չե՛մ մտածում: Չկա մի օր, մի ժամ, երբ ես չմտածեի և չհանդիմանեի ինքս ինձ այն բանի համար, ինչ մտածում եմ... որովհետև

¹ Ես հաջողութուն ունեմ:

այդ մասին մտքերը կարող են խելագարեցնել: Խելագարեցնե՛լ,— կրկնեց նա: — Երբ ես մտածում եմ այդ մասին, արդեն քնել չեմ կարողանում առանց մորֆիի: Է՛, լավ: Խոսենք հանգիստ: Ինձ ասում են՝ ապահարզան: Նախ՝ նա ապահարզան չի տա ինձ: Նա այժմ գտնվում է կոմսուհի Լիդյա Իվանովնայի ազդեցության տակ:

Դարյա Ալեքսանդրովնան, ուղիղ ձգված աթոռին, տանջալից կարեկցական դեմքով հետևում էր քայլող Աննային, պլուխը շուռ տալով նրա ուղղությամբ:

— Հարկավոր է փորձել,— ասաց նա կամաց:

— Ենթադրենք, թե պետք է փորձել: Ի՞նչ է նշանակում այդ,— ասաց Աննան հավանաբար այն միտքը, որ հազար անգամ մտածել էր, կշռադատել ու սերտել անգիր: — Այդ նշանակում է, ես, որ ատում եմ նրան, բայց և այնպես հանցավոր եմ զգում ինձ նրա առաջ, ես նրան համարում եմ մեծահոգի, պետք է նվաստանամ ու գրեմ նրան... Է՛հ, ենթադրենք, ես ուժ գործ դրի վրաս և արի այդ բանը: Ես կստանամ կամ վիրավորական պատասխան, կամ համաձայնություն: Կամ, ես ստացա համաձայնություն... — Աննան այդ ժամանակ սենյակի հեռավոր անկյունում էր և կանգ առավ այնտեղ, ինչ-որ բան անելով լուսամուտի վարագույրի հետ: — Ես կստանամ համաձայնություն, իսկ որ... որդո՞ւս: Չէ՞ որ նրանք որդու չե՛ն տա ինձ: Չէ՞ որ որդիս կմեծանա, արհամարհելով ինձ, հոր մոտ, որին թողեցի ես: Հասկացիր, որ ես սիրում եմ, կարծես՝ հավասար կերպով, բայց ավելի, քան ինքս ինձ, երկու էակի՝ Սերյոժային և Ալեքսեյին:

Նա եկավ-հասավ սենյակի մեջտեղը ու կանգնեց Դոլլիի դիմաց, ձեռքերով սեղմելով կուրծքը: Սպիտակ պենյուարի մեջ նրա ֆիգուրը ավելի մեծ ու լայն էր թվում: Նա գլուխը կախեց ու աննկատելի, թաց փայլուն աչքերով նայում էր փոքրիկ, նիհար և իր կարկատած կոֆտայով ու գիշերային չեպչիկով խղճուկ՝ հուզմունքից ամբողջ մարմնով դողացող Դոլլին:

— Ես սիրում եմ միայն այս երկու էակներին, և սրտնցից մեկը բացասում է մյուսին: Ես չեմ կարող նրանց միացնել, իսկ ինձ միայն այդ է պետք: Եվ եթե այդ չկա, ապա բոլորը միևնույնն է: Բոլորը, բոլորը միևնույնն է: Ու մի կերպ կվերջա-

նա, այդ իսկ պատճառով չեմ կարողանում, ես չեմ սիրում խոսել այդ մասին: Այնպես որ դու ինձ մի՛ հանդիմանի, մի՛ դատապարտի ո՛չ մի բանի համար: Դու քո մաքրությամբ չես կարող հասկանալ այն բոլորը, ինչից տանջվում եմ ես:

Նա մոտեցավ, նստեց Դուլլիի կողքին և հանցավոր հայացքով խորագնին նայելով նրա դեմքին, բռնեց նրա ձեռքը:

— Ի՞նչ ես մտածում: Ի՞նչ ես մտածում դու իմ մասին: Դու մի՛ արհամարհիր ինձ: Ծս արժանի չեմ արհամարհանքի: Ծս դժբախտ եմ: Եթե կա դժբախտ մեկը, դա ե՛ս եմ, — ասաց նա և երեսը շուտ տալով նրանից, լաց եղավ:

Մնալով մենակ, Դուլլին աղոթեց ու մտավ անկողին: Նա ամբողջ հոգով խղճում էր Աննային այն միջոցին, երբ խոսում էր նրա հետ. բայց այժմ նա չէր կարողանում ստիպել իրեն մտածելու նրա մասին: Հիշողությունները տան ու երեխաների մասին մի առանձին, նրա համար նոր հմայքով, ինչ-որ նոր փայլով ծագեցին նրա երևակայության մեջ: Այդ նոր աշխարհը նրան այժմ թվում էր այնքան թանկ ու սիրելի, որ նա ո՛չ մի կերպ չէր ուզում ավելորդ մի օր անցկացնել այդ՝ աշխարհից դուրս և վճռեց, որ վաղն անպայման ետ կդառնա:

Մինչդեռ Աննան, վերադառնալով իր առանձնասենյակը, վերցրեց գավաթը ու կաթեցրեց նրա մեջ մի քանի կաթիլ ղեղ, որի կարևոր մասը կազմում էր մորֆինը, և խմելով ու առժամ նստելով անշարժ, հանգստացած և ուրախ ոգով գնաց ննջարան:

Երբ նա մտավ ննջարան, Վոռնսկին ուշադրությամբ նայեց նրան: Վոռնսկին փնտրում էր այն խոսակցության հետքերը, որը, նա գիտեր, Աննան պետք է ունենար Դուլլիի հետ, այդքան երկար մնալով նրա սենյակում: Բայց Աննայի հայացքի մեջ, գրգռված-զուսպ և ինչ-որ բան թաքցնող, նա ոչինչ չգտավ. բացի՝ թեպետև իր համար սովորական, բայց տակավին իրեն թովող գեղեցկությունից, Աննայի գիտակցությունից ու ցանկությունից, որպեսզի այդ գեղեցկությունը ներազդի նրա վրա: Նա չէր ուզում հարցնել Աննային, թե ի՞նչ էին խոսել նրանք, բայց հույս ուներ, որ նա ինքը կասի որևէ բան: Սակայն Աննան ասաց միայն.

— Ծս ուրախ եմ, որ Դուլլին դուր եկավ քեզ: Ճիշտ չէ՞:

— Չէ՞ որ ես նրան վաղուց եմ ճանաչում: Նա շատ բարի

կին է, կարծեմ, mais excessivement terre-à-terre¹, բայց և այնպես ես շատ ուրախ եմ նրա գալու համար:

Նա վերցրեց Աննայի ձեռքը և հարցական հայացքով նայեց նրա աչքերին:

Աննան ա՛յլ կերպ հասկանալով այդ հայացքը, ժպտաց նրան:

Հետևյալ առավոտ, չնայած տանտերերի թախանձանքներին, Դարյա Ալեքսանդրովնան պատրաստվեց վերադառնալու: Կեիսի կառապանն իր ո՛չ նոր կաֆտանով և կիսակառապանային գոակով, տարբեր գույնի ձիերով, կարկատած թևերով կառքի մեջ կանգնած, մոայլ ու վճռական մտավ ավազ շաղ տված ծածկոցավոր գլխավոր մուտքը:

Հրաժեշտը իշխանազնուհի Վարվառայի և տղամարդկանց հետ տանջալից էր Դարյա Ալեքսանդրովնայի համար: Մնալով մի օր, թե՛ նա, թե՛ տանտերերը պարզապես զգում էին, որ իրար չեն սազում և որ ավելի լավ է, եթե իրար չհանդիպեն: Աննան էր միայն թախծոտ: Նա գիտեր, որ այժմ, Դուլլիի գնալուց հետո, ոչ ոք այլևս չի խոովի իր հոգում այն ղգացումները. որոնք բարձրացան իր ներսում այդ տեսակցությունից միջոցին: Ծանր էր նրա համար խոովել այդ ղգացումները. բայց նա, այսուամենայնիվ, գիտեր, որ այդ ամենալավ մասն էր իր հոգու և որ իր հոգու այդ մասն արագ մամռապատվում էր այն կյանքի պրոցեսում, որ վարում էր ինքը:

Դուրս գալով լողատ, Դարյա Ալեքսանդրովնան զգաց հաճելի թեթևություն և ուզեց հարցնել իր մարդկանց, թե լա՞վ էր արդյոք Վոռնսկու մոտ, երբ հանկարծ կառապան Ֆիլիսյն ինքը խոսեց.

— Հարուստը՝ հարուստ են, համա երեք շափ գարի տվին, ո՛չ ավելի: Մինչև քարավականչ սաղ կերան, պրծան: Ի՞նչ բան է երեք շափը, մի նախաճաշ: Հիմիկս գարին պանդոկապանների մոտ արժե քառասունհինգ կոպեկ: Իսկ մեզ մոտ եկողների ձիերին տալիս են էնքան, ինչքան ուտեն:

— Ժլատ պարոն է, — հաստատեց գրասենյակի ծառայողը:

— Իսկ նրանց ձիերը հավանեցի՞ք, — հարցրեց Դուլլին:

— Ձիանը՝ ղուսուր շունեն: Կերն էլ լավ է: Համա, ինձ հա-

¹ Բայց ծայր աստիճան զուրկ է ամեն վեհ բանից:

մար մի տեսակ տխուր էր թվում, Դարյա Ալեքսանդրովնա, չգիտեմ, թե ձեզ համար ո՞նց,— ասաց նա, շուտ տալով դեպի Դուլին իր գեղեցիկ ու բարի երեսը:

— Ինձ համար էլ: Ի՞նչ ես կարծում, երեկոյան դեմ կհասնե՞նք:

— Պետք է որ հասնենք:

Վերադառնալով տուն ու գտնելով ամենքին լիովին բարեւ հաջող և առանձնապես սիրելի, Դարյա Ալեքսանդրովնան մեծ աշխուժով պատմում էր իր ուղևորության մասին, այն մասին, թե ինչպե՞ս լավ ընդունեցին իրեն, Վոռնսկիների կենցաղի, լավ ճաշակի և շքեղության մասին, նրանց զվարճությունների մասին, ու ոչ ոքի թույլ չտվեց հակառակ մի խոսք ասելու:

— Պետք է ճանաչել Աննային ու Վոռնսկուն (ես վերջինիս ավելի լավ ճանաչեցի այժմ), հասկանալու համար, թե ինչպե՞ս սիրելի ու հուզիչ են նրանք,— հիմա արդեն բոլորովին անկեղծորեն ասում էր նա, մոռանալով անբավականության ու անհարմար դրության այն զգացումը, որ ինքն ուներ այնտեղ:

XXV

Վոռնսկին և Աննան նույն պայմաններում, նորից ո՛չ մի միջոց ձեռք չառնելով ապահարզանի համար, ապրեցին ամբողջ ամառը և աշնան մի մասը գյուղում: Նրանք վճռել էին իրենց մեջ, որ ո՛չ մի տեղ չեն գնա. բայց երկուսն էլ զգում էին, որքան ավելի երկար էին ապրում մենակ, մանավանդ աշնանը և առանց հյուրերի, որ չեն դիմանա՞ այդ կյանքին և հարկավոր կլինի փոխել այն:

Թվում էր, թե կյանքն այնպես է, որ ավելի լավը ցանկանալ չէր կարելի. ամեն ինչ առատ էր, կար առողջություն, կար երեսխա և երկուսն էլ ունեին իրենց զբաղմունքը: Աննան առանց հյուրերի էլի նույնպես զբաղվում էր ինքն իրենով և չափազանց շատ կարդում՝ թե՛ վեպեր, թե՛ լուրջ գրքեր, որոնք մողա էին: Նա պատվիրում էր այն բոլոր գրքերը, որոնց մասին գովասանքով էին հիշատակում իր ստացած արտոսահմանյան թերթերում ու հանդեսներում, և կարդում էր դրանք այնպիսի ուշադրությամբ, ինչպիսի ուշադրությամբ մարդ վերաբերվում է իր կարդացածին միայն առանձնության մեջ: Բացի դրանից, այն բոլոր առարկաները, որոնցով զբաղվում էր Վոռնսկին,

Աննան ուսումնասիրում էր գրքերով ու մասնագիտական ժողովներով, այնպես որ Վոռնսկին հաճախ ուղղակի դիմում էր նրան հողագիտական, ճարտարապետական, նույնիսկ երբեմն ձիաբուծական ու սպորտային հարցերով: Վոռնսկին զարմանում էր նրա գիտելիքների, նրա հիշողության վրա և սկզբում կասկածելով, ցանկանում էր հավաստիացում, ու Աննան գրքերի մեջ գտնում էր այն, ինչի մասին հարցնում էր նա. և ցույց էր տալիս նրան:

Հիվանդանոցի սարքավորումը նույնպես զբաղեցնում էր Աննային: Նա ո՛չ միայն օգնում էր, այլև շատ բան մտածում ու կարգավորում էր ինքը: Բայց Աննայի գլխավոր հոգսը, այսուամենայնիվ, ինքն էր՝ նա ինքը, որչափով ինքը թանկ էր Վոռնսկու համար, որչափով ինքը կարող էր նրա համար փոխարինել այն ամենին, ինչից հրաժարվել էր Վոռնսկին: Վոռնսկին գնահատում էր այդ, որ դարձել էր Աննայի կյանքի միակ նպատակը, նրա ցանկությունը՝ ո՛չ միայն դուր գալու, այլև ծառայելու Վոռնսկուն, բայց դրա հետ միասին Վոռնսկին նեղվում էր սիրային այն ցանցներից, որոնցով Աննան աշխատում էր պատել նրան: Որքան ավելի ժամանակ էր անցնում, որքան ավելի հաճախ էր տեսնում Վոռնսկին իրեն այդ ցանցերով կաշկանդված, այնքան ավելի էր ուզում ոչ թե դուրս պրծնել դրանց միջից, այլ փորձել՝ արդյոք չե՞ն խանգարում դրանք իր ազատությանը: Եթե շլիներ իրեն ազատ զգալու շարունակ ուժեղացող այդ ցանկությունը, եթե շլիներին դժգոհության այն տեսարանները, երբ Վոռնսկին պետք է գնար քաղաք՝ համագումարի, ձիարշավների, նա լիովին գոհ կլիներ իր կյանքից: Այն դերը, որ ընտրեց Վոռնսկին, հարուստ կավածատիրոջ դերը, որոնցից պիտի կազմվեր ուսական արիստոկրատիայի միջուկը, ո՛չ միայն լիովին համապատասխանում էր նրա ճաշակին, այլև այժմ, կես տարի այդպես ապրելուց հետո, պատճառում էր նրան հետզհետե ավելի զորեղացող բավականություն: Եվ նրա գործը, որ ավելի ու ավելի էր զբաղեցնում ու ներգրավում նրան, առաջ էր գնում հրաշալի: Չնայած այն խոշոր գումարներին, որ նստում էին իր վրա հիվանդանոցը, մեքենաները, Շվեյցարիայից բերել տված կովերը և ուրիշ շատ բաներ, Վոռնսկին համոզված էր, որ ինքը ո՛չ թե քայքայում, այլ մեծացնում էր իր կարողությունը: Այնտեղ,

որտեղ հարցը վերաբերում էր եկամուտներին և անտառանյութեր, հացահատիկներ, բուրդ վաճառելուն, հողը գյուղացիներին տալուն, Վոտնսկին ամուր էր կայծքարի պես ու կարողանում էր կայուն պահել զինքը: Խոշոր տնտեսութեան գործերում՝ թե՛ այս և թե՛ ուրիշ կալվածքներում նա հետևում էր ամենահասարակ, ո՛չ ռիսկոտ եղանակների և վերին աստիճանի խնայող ու հաշվով մարդ էր տնտեսական մանր բաներում: Չնայած գերմանացու ամբողջ խորամանկութեանն ու ճարպկութեանը, որը նրան դրդում էր գնումների և ամեն հաշիվ ցուցադրում էր այնպես, թե սկզբում հարկավոր էր շատ ավելի գումար, բայց կշռագատելով, որ միևնույն բանը կարելի է անել և՛ ավելի էժան, և՛ անմիջապես շահ ստանալ, Վոտնսկին չէր ենթարկվում գերմանացուն: Նա լսում էր կառավարչի ասածը, հարցուփորձ էր անում նրան և համաձայնում էր նրան միայն այն դեպքում, երբ դրսից բերվելիք կամ տեղում շինվելիք բանը ամենաթարմ նորություն էր՝ Ռուսաստանում դեռ անհայտ և կարող էր զարմանք պատճառել: Բացի դրանից, նա վճռում էր մեծ ծախսեր անել միայն այն ժամանակ, երբ կար ավելորդ դրամ և կատարելով այդ ծախսը, մտնում էր բոլոր մանրամասների մեջ ու պնդում էր, որ ունենա ամենալավը: Դատելով նրա գործի ընթացքից, պարզ էր, որ նա ո՛չ թե քայքայեց, այլ ավելացրեց իր կարողությունը:

Հոկտեմբեր ամսին նշանակված էին ազնվականության ընտրությունները Կաշինի նահանգում, որտեղ գտնվում էին Վոտնսկու, Սվիյաժսկու, Կոզնիշևի, Օբլոնսկու կալվածքները և Լևինի կալվածքի փոքրիկ մասը:

Այդ ընտրությունները շատ հանգամանքների և ընտրությունների մասնակցող անձնավորությունների շնորհիվ, գրավում էին հասարակական ուշադրությունը: Շատ էին խոսում ընտրությունների մասին ու պատրաստվում էին նրանց: Մոսկվայում, Պետերբուրգում և արտասահմանում ապրողները, որոնք առաջ երբեք չէին մասնակցել ընտրություններին, եկելահավաքվել էին այդ ընտրություններին:

Վոտնսկին վաղուց արգեն խոստացել էր Սվիյաժսկուն, որ կգնա ընտրություններին:

Ընտրություններից առաջ Սվիյաժսկին, որ հաճախ այցելում էր Վոզդվիժենսկոյեն, եկավ Վոտնսկու ետևից:

Դեռ այդ օրվա նախօրյակին Վոտնսկու և Աննայի միջև համարյա վեճ ծագեց առաջիկա այդ ուղևորության առթիվ: Գյուղում աշնանային ամենաձանձրալի, ծանր ժամանակն էր, այդ պատճառով Վոտնսկին, պատրաստվելով պայքարի, խիստ ու սառն արտահայտություններ, ինչպես առաջ երբեք չէր խոսել Աննայի հետ, հայտնեց նրան իր գնալու մասին: Բայց, ի զարմանս նրա, Աննան այդ լուրն ընդունեց շատ հանգիստ ու հարցրեց միայն, թե ե՞րբ կվերադառնա: Նա ուշադրությամբ նայեց Աննային, չհասկանալով նրա հանգստությունը: Աննան ժպտաց նրա հայացքին: Վոտնսկին գիտեր ինքն իր մեջ խորասուզվելու Աննայի այդ ընդունակությունը և գիտեր, որ այդ լինում է միայն այն ժամանակ, երբ Աննան ինքն իր համար մի բան է վճռել, չհայտնելով նրան իր ծրագրերը: Վոտնսկին վախենում էր դրանից, բայց նա այնպես ուզում էր խուսափել անախորժ տեսարանից, որ ձևացավ և մասամբ անկեղծորեն հավատաց այն բանին, ինչին ուզում էր հավատալ, այսինքն՝ Աննայի խոհեմությունը:

— Հուսամ, որ չես ձանձրանա:

— Հուսով եմ, — ասաց Աննան: — Երեկ ես Գոտյեից մի արկղ գրքեր ստացա: Ո՛չ, ես չեմ ձանձրանա:

«Նա ուզում է վերցնել այդ տոներ, և ավելի լավ, — մտածեց Վոտնսկին, — թե չէ՝ շարունակ միևնույն բանն է»:

Եվ այդպես էլ, առանց գրգելու նրան անկեղծ բացատրության, Վոտնսկին գնաց ընտրությունների: Նրանց կապի սկզբից մինչև այդ օրը առաջին անգամ էր, որ Վոտնսկին բաժանվեց նրանից, շբացատրվելով մինչև վերջ: Մի կողմից՝ այդ անհանդստացնում էր Վոտնսկուն, մյուս կողմից՝ նա այն կարծիքին էր, որ այդպես ավելի լավ է: «Սկզբում կլինի այնպես, ինչպես հիմա, ինչ-որ անորոշ, քողարկված բան, իսկ հետո նա կվարժվի: Համենայն դեպս՝ ես ամեն ինչ կարող եմ տալ նրան, բայց ո՛չ տղամարդու իմ անկախությունը», մտածում էր Վոտնսկին:

Սեպտեմբերին Լևինը տեղափոխվեց Մոսկվա՝ Կիտի ծննդաբերության համար: Արգեն մի ամբողջ ամիս էր, ինչ նա ապրում էր Մոսկվայում առանց գործի, երբ Սերգեյ Իվանո-

վիշը, որ կալվածք ուներ Կաշինի նահանգում և մեծ մասնակցութիւն էր ցույց տալիս առաջիկա ընտրութիւններին, պատրաստվեց գնալու ընտրութիւններին: Նա առաջարկում էր իր հետ գնալ նաև եղբորը, որ քվե ուներ Սելեզնյովսկու գավառի գծով: Բացի դրանից, Լեինը շփազանց կարևոր գործ ուներ Կաշինում իր քրոջ համար, որն ապրում էր արտասահմանում. գործը կապված էր խնամակալութեան և ետ գնման դրամն ստանալու հետ:

Լեինը տակավին տատանվում էր, բայց Կիտին տեսնելով, որ նա ձանձրանում է Մոսկվայում, և խորհուրդ տալով նրան գնալ, առանց ամուսնու գիտութեան՝ ութսուն ուրբով պատվիրեց նրա համար ազնվականի համազգեստ: Եվ համազգեստի համար վճարված այդ ութսուն ուրբին եղավ զլխավոր պատճառը, որ ստիպեց Լեինին գնալ: Նա գնաց Կաշին:

Արդեն վեց օր էր, ինչ Լեինը Կաշինում էր. նա ամեն օր հաճախում էր ժողով ու աշխատում էր քրոջ գործի համար, որը տակավին զուլիս չէր գալիս: Բոլոր պարագլուխներն զբաղված էին ընտրութիւններով, և հնարավոր չէր կատարել խնամակալութեան հետ կապված այդ ամենահասարակ գործը: Մյուս գործը ևս՝ դրամ ստանալը, նույնպես հանդիպում էր արգելքների: Արգելքը վերացնելու կապակցութեամբ գործ դրած երկար աշխատանքից հետո դրամը պատրաստ կանձնման համար. բայց նոտարը, ծառայելու պատրաստակամ մի մարդ, չէր կարողանում տալու տալ, որովհետև հարկավոր էր նախագահի ստորագրութիւնը, իսկ նախագահը, առանց հանձնելու իր պաշտօնը, գտնվում էր նստաշրջանում: Այս բոլոր հոգսերը, մի տեղից մյուս տեղ երթևեկելը, խոսակցութիւնները շատ բարի, լավ մարդկանց հետ, որոնք լիովին հասկանում էին խնդրարկուի դրութեան անախորժութիւնը, բայց չէին կարող օգնել նրան, ո՛չ մի արդյունք չտվող այս լարվածութիւնն առաջ էր բերում տանջալից զգացում Լեինի մեջ, նման սիրտ նեղացնող այն անզորութեան, որ մարդ զգում է երագում, երբ ուզում է գործադրել ֆիզիկական ուժ: Նա այդ բանն զգում էր հաճախ, խոսակցելով իր բարեսիրտ հավատարմատարի հետ, թվում էր, թե այդ հավատարմատարն անում էր հնարավոր ամեն ինչ ու լարում էր իր մտավոր բոլոր ուժերը, որ Լեինին դուրս բերի դժվար

կացութեանից: «Ահա՛ թե ինչ փորձեցեք,— բաղձիցս ասում էր նա,— գնացեք այսինչ ու այսինչ տեղը»— և հավատարմատարը կազմում էր մի ամբողջ ծրագիր, թե ինչպես խուսափել ճակատագրական այն սկզբունքից, որ խանգարում էր ամեն բանի: Բայց անմիջապէս էլ ավելացնում էր. «Այնուամենայնիվ՝ կուշացնեն, սակայն փորձեցեք»: Եվ Լեինը փորձում էր, գնում էր ոտքով, գնում էր կառքով: Ամենքն էլ բարի ու սիրալիր էին, բայց բանից դուրս էր գալիս, որ շրջանցված սկզբունքը նորից հանդես էր գալիս վերջում ու նորից փակում էր ուղին: Առանձնապէս ցավալին այն էր, որ Լեինը ո՛չ մի կերպ չէր կարողանում հասկանալ, թե ում դեմ է պայքարում ինքը, ում է ձեռնտու, որ նրա գործը չվերջանա: Թվում էր, թե այդ բանը ոչ ոք չգիտեր. չգիտեր նաև հավատարմատարը: Եթե Լեինը կարողանար հասկանալ, ինչպէս նա հասկանում էր, թե ինչու՞ չի կարելի մոտենալ երկաթուղու դրամարկղին այլ կերպ, քան եթե հերթի կանգնելով, նա չէր ստանդի և զայրանա. բայց ոչ ոք չէր կարողանում բացատրել այն խոչընդոտները, որոնց նա հանդիպում էր իր գործի ընթացքում:

Սակայն Լեինը շատ էր փոխվել իր ամուսնութեանից հետո. նա շատ համբերատար էր և եթե չէր հասկանում, թե ինչի՞ համար է այդ ամենն այդպէս ստեղծված, ապա ասում էր ինքն իրեն, որ չի կարող գատել, չիմանալով բոլորը, որ ըստ երեւոյթին այդպէս է հարկավոր, և աշխատում էր չվրդովվել:

Այժմ, ներկա լինելով ընտրութիւններին ու մասնակցելով նրանց, նա աշխատում էր նույնպէս շատապարտել, չվիճել, այլ որքան հնարավոր է՝ հասկանալ այն գործը, որով այնպէս լրջորեն ու հափշտակութեամբ զբաղվում էին իր հարգած ազնիվ և լավ մարդիկ: Սկսած այն օրից, երբ նա ամուսնացավ, նրա համար բացվեցին կյանքի այնքան նոր ու լուրջ կողմեր, որոնք առաջ թեթևամիտ վերաբերմունքի պատճառով թվում էին շնչին բան, որ հիմա ընտրութիւնների գործում ևս նա ենթադրում ու որոնում էր լուրջ նշանակութիւն:

Սերգեյ Իվանովիչը բացատրեց նրան ընտրութիւնների ժամանակ ենթադրվելիք հեղաշրջման իմաստն ու նշանակութիւնը: Նահանգական պարագլուխը, որի ձեռքին օրհնքով գտնվում էին այնքան կարևոր հառաքակական գործեր՝ և՛

խհամակալութիւնները (Յենց նրանք, որոնցից այժմ տուժում էր Լեինը), և՛ ազնվականութեան հակայական գումարները, և՛ ժողովրդական կրթութիւնը՝ համաձայն նոր կանոնադրութեան, և՛ գիմնադրանքները՝ աղջիկների, տղաների ու զինվորական, և, վերջապես, զեմստովն, նահանգական այս պարագայիսը՝ Սնետկովը, հին ազնվական մտակազմի մարդ էր, արդեն հակայական կարողութիւն դիպած, բարի անձնավորութիւն, յուրատեսակ ազնիվ անհատ, բայց մի մարդ, որ բոլորովին չէր հասկանում նոր ժամանակի պահանջները: Նա ամեն բանում միշտ էլ պահում էր ազնվականութեան կողմը, նա բացահայտ կերպով դիմադրում էր ժողովրդական կրթութեան ծավալմանը և դասային բնույթ էր տալիս զեմստովին, որը պետք է ունենար այնպիսի վիթխարի նշանակութիւն: Պետք էր նրա փոխարեն դնել ժամանակակից թարմ, գործունյա մարդ, բոլորովին նոր մարդ և գործը տանել այնպես, որ կարելի լինէր քաղել հնարավոր բոլոր օգուտները ինքնավարութեան ամբողջ օրենքներից, որոնք շնորհիվ էին ազնվականութեանը, ո՛չ որպէս ազնվականութեան, այլ որպէս զեմստովնական տարրի: Կաշինի հարուստ նահանգում, որը միշտ ամեն բանում ընթանում էր մյուսներից առաջ, այժմ հավաքվել էին այնպիսի ուժեր, որ նա կարող էր օրինակ ծառայել մյուս նահանգներին, ամբողջ Ռուսաստանին, եթէ այստեղ գործը տարվեր այնպես, ինչպէս հարկն էր: Այդ պատճառով խոշոր նշանակութիւն ուներ ամբողջ գործը: Սնետկովի փոխարեն ենթադրվում էր պարագլուխ ընտրել կամ Սվիյաժսկուն, կամ է՛լ ավելի լավ՝ Նեկոլսկուն, նախկին պրոֆեսոր, զարմանալի խելոք մարդ և Սերգեյ Իվանովիչի մտտիկ բարեկամը:

Ժողովը բացեց նահանգապետը, որը ճառ ասաց ազնվականներին, որպէսզի նրանք պաշտոնատար անձեր ընտրեն ո՛չ ըստ մարդահաճութեան, այլ ըստ արժանավորութեան ու հայրենիքի բարիքի համար, և որ ինքը հույս ունի, որ Կաշինի ազնիվ ազնվականութիւնը սրբութեամբ կհատարի իր պարտքը և կարդարացնի միապետի բարձր վստահութիւնը, ինչպէս եղել է նախորդ ընտրութիւններին:

Վերջացնելով ճառը, նահանգապետը դուրս գնաց դահլիճից, և ազնվականներն ազմկալին ու աշխուժով, ոմանք նույն-

նիսկ հիացմունքով, հետևեցին նրան ու շրջապատեցին այն պահին, երբ նա հագնում էր մուշտակը և բարեկամաբար խոսում նահանգական պարագլուխ հետ: Լեինը, ցանկանալով ամեն բանի վերահասու լինել ու ունիչ բաց չթողնել, կանգնած էր այդտեղ՝ ամբոխի մեջ և լսեց, ինչպէս նահանգապետն ասաց. «Խնդրեմ, հայտնեք Մարիա Իվանովնային, կինս շատ է ափսոսում, որ գնում է վանք»: Ու նրանից հետո ազնվականներն ուրախ վերցրին իրենց մուշտակները և գնացին տաճարը:

Տաճարում Լեինը, մյուսների հետ միասին, բարձրացնելով ձեռքը և կրկնելով ավագ հրեցի խոսքերը, երգվում էր ամենասարսափելի երգումով՝ կատարել այն բոլորը, ինչի վրա հույս ուներ նահանգապետը, Եկեղեցական ժամասացութիւնը միշտ ազդում էր Լեինի վրա. երբ նա արտասանում էր «համբուրում եմ խաչը» խոսքերը, և նայեց այդ երիտասարդ ու ծեր մարդկանց ամբոխին, որոնք կրկնում էին նույն բանը, նա իրեն հուզված զգաց:

Ձ-րդ ու Յ-րդ օրը քննվում էին ազնվականութեան գումարների և աղջիկների գիմնադրանքի վերաբերող գործերը, որոնք ո՛չ մի կարևորութիւն չունեին, ինչպէս բացատրեց Սերգեյ Իվանովիչը, և Լեինը, որ զբաղված էր իր գործերի համար վազվրզելով, չէր հետևում զրանց: Զորրորդ օրը նահանգական սեղանի շուրջը կատարվում էր նահանգական գումարների ստուգումը: Եվ այստեղ առաջին անգամ նոր կուսակցութիւնն ընդհարվեց հնի հետ: Հանձնաժողովը, որին հանձնարարված էր ստուգել գումարները, զեկուցեց ժողովին, որ բոլոր գումարներն անվթար են: Նահանգական պարագլուխը տեղից վեր կացավ, շնորհակալութիւն հայտնեց վստահութեան համար, և նրա աչքերը լցվեցին արցունքներով: Ազնվականները բարձրաձայն ողջունում էին նրան ու սեղմում նրա ձեռքը: Բայց այդ միջոցին մի ազնվական՝ Սերգեյ Իվանովիչի խմբից՝ ասաց, թե ինքը լսել է, որ հանձնաժողովը չի ստուգել գումարները, ստուգումը համարելով վիրավորական նահանգական պարագլուխի համար: Հանձնաժողովի անդամներից մեկն անզգուշաբար հաստատեց այդ բանը: Այն ժամանակ մի փոքրիկ պարոն, տնքով շատ երիտասարդ, բայց շատ թունոտ, սկսեց խոսել, որ նահանգական պարագլուխի հա-

մար հավանորեն հաճելի կլինի հաշիվ տալ գումարների մասին և որ հանձնաժողովի անդամների ավելորդ նրբավարութունը զրկում է նրան այդ բարոյական բավարարութունից: Այդ ելույթից հետո հանձնաժողովի անդամները հրաժարվեցին իրենց հայտարարութունից, և Սերգեյ Իվանովիչն սկսեց տրամաբանորեն ապացուցել, թե պետք է՝ կամ ընդունել, որ նրանք գումարներն ստուգել են, կամ, որ չեն ըստուգել. և նա մանրամասնորեն դարգացրեց այդ գիշտման Սերգեյ Իվանովիչին առարկում էր հակառակ կուսակցության շաղակրատը: Հետո խոսեց Սվիյաժսկին և նորից թունոտ պարոնը: Վիճաբանութունները շարունակվեցին երկար և անհետևանք: Լեինը վարմացած էր, որ դրա մասին այդքան երկար վիճում էին, զարմացած էր մանավանդ այն պատճառով, որ երբ հարցրեց Սերգեյ Իվանովիչից, արդյոք ենթադրում է նա, որ գումարները վատնված են, Սերգեյ Իվանովիչը պատասխանեց.

— Օ՛հ, ո՛չ, նա ազնիվ մարդ է: — Բայց հարկավոր էր խախտել ազնվականական գործերը հայրաբար-ընտանեբար կառավարելու այդ հնագույն եղանակը:

Հիմնադրող օրը տեղի ունեցան գավառական պարագլուխների ընտրութունները: Այդ օրը բավական փոթորկալից էր որոշ գավառներում: Սելեզնյովի գավառում Սվիյաժսկին ընտրվեց միաձայն՝ առանց քվեարկության, և այդ օրը ճաշկերույթ կար նրա մոտ:

XXVII

Վեցերորդ օրը նշանակված էին նահանգական ընտրութունները: Մեծ ու փոքր դահլիճները լեփ-լեցուն էին տարբեր համազգեստներ հագած ազնվականներով: Շատերը եկել էին միայն ա՛յդ օրվա համար: Վաղուց իրար շտեմած ծառայողները, ով Ղրիմից, ով Պետերբուրգից, ով արտասահմանից, պատահում էին միմյանց դահլիճներում: Նահանգական տեղանի շուրջը, թագավորի դիմանկարի տակ, ընթանում էին վիճաբանութունները:

Թե՛ մեծ, թե՛ փոքր դահլիճում ազնվականները խմբավորվում էին բանակ առ բանակ, և հայացքների թշնամականու-

թյունից ու անվստահութունից, օտար անձանց մոտենալու դեպքում խոսակցութունը լռելուց և այն բանից, որ ոմանք փսփոսալով, գնում-քաշվում էին հեռավոր միջանցքը, երևում էր, որ յուրաքանչյուր կողմը գաղտնիք ուներ մյուսից: Իրենց արտաքին տեսքով ազնվականները խիստ կերպով բաժանվում էին երկու տեսակի՝ հին և նոր: Հնեբը մեծ մասամբ հագած ունեին ազնվականական հին կոճկած համազգեստներ, սուսերներով ու գլխարկներով, կամ ծառայությամբ վաստակած իրենց առանձին՝ նավատորմային, հեծելազորային, հետևակազորային համազգեստներ: Մեր ազնվականների համազգեստները կարված էին հին ոճով. ուսերին փոթեր. համազգեստները հայտնապես կարճ էին. մեջքատեղում ու նեղ, կարծես նրանց տերերը աճել, ղուրս էին եկել դրանց շափսից: Իսկ երիտասարդները հագել էին ազնվականական չկոճկած համազգեստներ՝ ցած մեջքատեղերով ու լայն ուսերով, սպիտակ ժիլետներով, կամ հագել էին սև օձիքներով ու դարբիններով համազգեստներ՝ արդարադատության մինիստրության կարվածքով: Երիտասարդներին էին պատկանում նաև պալատական համազգեստները, որ տեղ-տեղ զարդարում էին ամբոխը:

Բայց բաժանումն ըստ երիտասարդության ու ծերության չէր զուգահեռվում կուսակցութունների բաժանմանը: Երիտասարդներից ոմանք, Լեինի դիտողությամբ, պատկանում էին հին կուսակցությանը: Ընդհակառակն, ամենածեր ազնվականներից ոմանք փսփոսում էին Սվիյաժսկու հետ ու հայտնապես ջերմ կողմնակից էին նոր կուսակցությանը:

Լեինը կանգնած էր յուրայինների խմբակի մոտ՝ փոքրիկ գահլիճում, որտեղ ծխում ու նախաճաշում էին, ականջ դնելով այն բանին, ինչ խոսում էին և իզուր լարելով իր մտավոր ուժերը՝ հասկանալու եղած խոսակցութունները: Սերգեյ Իվանովիչն այն կենտրոնն էր, որի շուրջը խմբավորվում էին մյուսները: Նա այժմ լսում էր Սվիյաժսկուն և իլյուստովին, ուրիշ գավառի պարագլուխին, որ պատկանում էր իրենց կուսակցությանը: Խլյուստովը չէր համաձայնում իր գավառի հետ գնալ ու խնդրել Սենեկովին, որ քվեարկվի, իսկ Սվիյաժսկին համոզում էր նրան անել այդ բանը, և Սերգեյ Իվանովիչը հավանութուն էր տալիս այդ ծրագրին: Լեինը չէր հաս-

կանում, թե ի՞նչ կարիք ուներ թշնամի կուսակցութունը՝ խնդրել քվեարկվելու այն պարագլխին, որին նրանք ուզում էին սևացնել:

Ստեպան Արկադևիչը, հենց նոր նախաճաշած ու քիչ խմած, բերանը սրբելով երիզավոր բատիստե անուշաբույր թաշկի-նակով, մոտեցավ նրանց՝ սենեկապետի համազգեստով:

— Դի՛րք ենք բռնում, Սերգեյ Իվանիչ,— ասաց նա, ուղղելով իր բակենբարդները:

Եվ ունկնդրելով խոսակցությանը, նա հաստատեց Սվի-յաժսկու կարծիքը:

— Բավական է մի գավառ միայն, իսկ Սվիյաժսկին ար-դեն ակնահայտորեն օպոզիցիա է,— ասաց նա, Լևինից բացի, ամենքի համար հասկանալի խոսքերը:

— Հը՛, Կոստյա, կարծես դու՛ էլ ես համի ընկել,— ավե-լացրեց նա, դիմելով Լևինին և թևանցուկ բռնեց նրա ձեռքը: Լևինը ուրախ կլինե՞ր նույն տրամադրությամբ համակվելու, բայց նա չէր կարողանում հասկանալ, թե բանն ի՞նչ է. և մի քանի քայլ հեռանալով խոսողներից, հայտնեց Ստեպան Ար-կադևիչին իր տարակուսանքը, թե ինչու՞ պետք էր խնդրել նա-հանգական պարագլխին:

— O sancta simplicitas! — ասաց Ստեպան Արկադևիչը և կարճ ու պարզ բացատրեց Լևինին գործի էությունը:

Եթե բոլոր գավառները խնդրեին նահանգական պարագլու-խին, ինչպես անցյալ ընտրութուններին, այդ դեպքում նրան կրնտրեին բոլոր սպիտակ քվեներով: Հարկավոր չէր այդպես անել: Հիմա ութ գավառներ համաձայն են խնդրելու, իսկ եթե Էդուարդ Գրաժարովեն ու շխնդրեն, Սենտկովը կարող է հրաժար-վել քվեարկվելուց: Եվ այն ժամանակ հին կուսակցութունը կարող է ընտրել իրենցից մեկ ուրիշին, որովհետև կկորչի ամբողջ հաշիվը: Բայց եթե շխնդրի միայն Սվիյաժսկու գա-վառը, Սենտկովը կքվեարկվի: Նրան նույնիսկ կրնտրեն ու դիտմամբ ավելի քվե կտան, այնպես որ, հակառակ կուսակ-ցությունը հաշիվը կկորցնի, և երբ թեկնածու կդնեն մերոն-ցից, նրանք էլ նրան ավելի քվե կտան: Լևինը հասկացավ, բայց ո՛չ բոլորովին և ուզում էր էլի մի քանի հարցեր տալ:

¹ Ով սուրբ անմեղություն:

երբ հանկարծ սկսեցին խոսել, աղմկեցին ու շարժվեցին դեպի մեծ դահլիճ:

— Ի՞նչ բան է, ո՞ւմ: — Հավատարմագիր՞ը, ու՞մ, ի՞նչ: — Հերքո՞ւմ են: — Անվատահույ՞թյուն: — Ֆլերովիչն շեն թողնում քվեարկության: — Ինչ արած, որ դատի տակ է: — Այդպես ոչ ոքի շեն թողնի: Դա ստորություն է: — Օրե՛նք,— լսեց Լևինը զանազան կողմերից և ամենքի հետ միասին, որոնք շտապում էին ինչ որ տեղ ու վախենում էին, չլինի թե մի բան բաց թող-նեն, դիմեց դեպի մեծ դահլիճ և սեղվելով ազնվականների կողմից, մոտեցավ նահանգական սեղանին, որի մոտ վիճա-բանում էին նահանգական պարագլուխը, Սվիյաժսկին և ուրիշ պարագլուխներ:

XXVIII

Լևինը կանգնած էր բավական հեռու: Նրա կողքին ծանր խոխոտցով շնչող մի ազնվական և մեկ ուրիշը, որ ճոճաքնում էր կոշիկի հաստ ներբանները, խանգարում էին նրան, ու նա պարզ չէր լսում: Նա հեռվից լսեց միայն պարագլխի փափուկ ձայնը, հետո՝ թունտ ազնվականի ճշացող և ապա Սվիյաժ-սկու ձայնը: Նրանք վիճում էին, որքան նա կարողացավ հաս-կանալ, օրենքի հարվածի նշանակության և Բենուրյան տակ գտնվող խոսքերի նշանակության մասին:

Ամբոխը ետ քաշվեց, ճանապարհ տալու սեղանին մոտե-ցող Սերգեյ Իվանովիչին: Սերգեյ Իվանովիչն սպասեց, մինչև թունտ ազնվականը վերջացրեց իր ճառը, ապա ասաց, թե իրեն թվում է, որ ամենից ճիշտը կլինի դիմել օրենքի հողվա-ծին, և խնդրեց քարտուղարին՝ գտնել հողվածը: Հողվածում ասված էր, որ տարածայնության դեպքում պետք է քվեարկել:

Սերգեյ Իվանովիչը կարողաց հողվածը և սկսեց բացատրել նրա նշանակութունը. բայց այստեղ բարձրահասակ, հաստ, կուզլիկ, ներկած բեղերով, նեղ համազգեստով մի կավաժա-տեր, որի օձիքը ետևի կողմից սեղմում էր ծոծրակը, ընդհա-տեց նրան: Նա մոտեցավ սեղանին և մատանիով խփելով նրան, բարձրաձայն բղավեց.

— Քվեարկե՛լ: Քվե՛ի դնել: Խոսելու կարիք չկա՛: Քվե՛ի դնել:

Այստեղ հանկարծ սկսեցին խոսել մի քանի ձայներ, և

մատանիով բարձրահասակ ազնվականն ավելի ու ավելի գազազելով, բղավում էր ավելի և ավելի բարձր: Բայց հնարակոր չէր հասկանալ, թե ի՞նչ էր ասում նա:

Նա ասում էր նույն բանը, ինչ առաջարկում էր Սերգեյ Իվանովիչը. բայց հայտնապես նա ասում էր նրան ու նրա ամբողջ կուսակցությունը և ատելությունն այդ զգացումը հաղորդվում էր ամբողջ կուսակցությանն ու առաջ էր բերում հենց այդպիսի դիմադարձ, թեպետև ավելի վայելուչ գազազանք՝ մյուս կողմից: Լավեցին բղավոցներ, ու մի բուսի ամեն ինչ խանութից իրար, այնպես որ նահանգական պարագլուխն ստիպված էր կարգի հրավիրել:

— Քվեարկե՛լ, քվեարկե՛լ: Ով ազնվական է, նա հասկանում է:— Մենք արյուն ենք թափում... Միապետի վստահությունը... Պարագլխին չհաշվե՛լ, նա գործակատար չէ... Ե՛հ, բանն այդ չէ... բարեհաճեցեք քվեի դնել: Գարշելի բան...— Լավեցին ամեն կողմից գազազած, մոլեգին բացականչություններ: Հայացքներն ու դեմքերն ավելի գաղաղած ու կատաղի էին, քան խոսքերը: Նրանք արտահայտում էին անհաշտ ատելություն: Լեինը բոլորովին չէր հասկանում, թե բանն ի՞նչ է, և զարմանում էր այն կրթություն վրա, որով քննվում էր այն հարցը՝ քվեարկե՛լ արդյոք, թե՞ չքվեարկել Չլերովի մասին եղած կարծիքը: Նա մոռանում էր այն սիլլոգիզմը. որ հետո բացատրեց նրան Սերգեյ Իվանովիչը, թե ընդհանուր բարիքի համար հարկավոր է տալու և նահանգական պարագլխին. իսկ պարագլխին տալու և նամաբ պետք է շահել քվեների մեծամասնությունը. իսկ ձայների մեծամասնության համար հարկավոր էր քվեի իրավունք տալ Չլերովին. իսկ Չլերովին ընդունակ համարելու համար պետք էր բացատրել, թե ինչպե՞ս պիտի հասկանալ օրենքի հոդվածը:

— Իսկ մի ձայնը կարող է վճռել ամբողջ գործը, և պետք է լինել լուրջ ու հետևողական, եթե մարդ ուզում է ծառայել հասարակական գործին,— եզրափակեց Սերգեյ Իվանովիչը: Բայց Լեինը մոռացել էր այդ և նրա համար ծանր էր տեսնել իր հարգած այդ լավ մարդկանց այդպես գազազած, շար ու վրդովված: Այդ ծանր զգացումից ազատվելու համար, առանց սպասելու վիճաբանությունների վախճանին, նա դուրս եկավ այն դահլիճը, որտեղ ոչ ոք չկար, բացի բուֆետի մոտ եղած

սպասավորներից: Տեսնելով աշխատող ծառաներին, որոնք սրբում էին ամանեղենը և դասավորում ափսոսանքն ու գավաթները, տեսնելով նրանց հանգիստ և աշխույժ դեմքերը, Լեինն զգաց անակնկալ թեթևություն, կարծես՝ գարշահոտ սենյակից դուրս եկավ մաքուր օդի: Նա սկսեց քայլել ետ ու առաջ, գոհունակությամբ նայելով սպասավորներին: Նրան շատ դուր եկավ, թե ինչպես սպասավորներից մեկը, սպիտակ բակենբարդներով, ցույց տալով իր արհամարհական վերաբերմունքը մյուսներին՝ երիտասարդներին, որոնք ձիծաղում էին նրա վրա, սովորեցնում էր նրանց, թե ինչպե՞ս պետք է ծալել անձնոցիկները: Լեինը պատրաստվում էր խոսակցության բռնվել ծերունի սպասավորի հետ, երբ ազնվականության խնամակալության ըրտուղարը՝ ծերուկ մի մարդ, որի մասնագիտությունն էր նահանգի բոլոր ազնվականներին կանչել անունով ու հայրանունով, գրավեց նրա ուշադրությունը:

— Համեցեք, Կոնստանտին Դմիտրիչ,— ասաց նա,— ձեզ փնտրում է ձեր եղբայրը: Քվեարկվում է կարծիքը:

Լեինը մտավ դահլիճ, ստացավ սպիտակ քվեագնդակ և եղբոր՝ Սերգեյ Իվանովիչի ետևից մոտեցավ այն սեղանին, որի մոտ կանգնած էր Սվիխաժսկին՝ նշանակալից ու հեզանական դեմքով, մորուքը հավաքելով բռան մեջ ու հոտոտելով այն: Սերգեյ Իվանովիչը ձեռքը մտցրեց արկղի մեջ, դրեց իր քվեագնդակն ինչ-որ տեղ և քաշվելով մի կողմ, տեղ տվեց Լեինին: Լեինը մոտեցավ, բայց բոլորովին մոռանալով, թե բանն ի՞նչ է, շփոթվեց ու դիմելով Սերգեյ Իվանովիչին, հարցրեց. «Ո՞ր դնել»: Նա հարցրեց կամաց և հարցրեց այն ժամանակ, երբ մոտիկ եղողները խոսում էին, հույս ունենալով, որ իր հարցը չեն լսի: Սակայն խոսողները լռեցին, և նրա անվայելուչ հարցը լավեց: Սերգեյ Իվանովիչը խոժոռվեց:

— Այդ յուրաքանչյուրի համոզմունքի գործն է,— ասաց նա խիստ:

— Ոմանք ժպտացին: Լեինը կարմրեց, շտապ խրեց ձեռքը մահուդի տակ և քվեագնդակը դրեց աջ կողմում, որովհետև այն բռնած ուներ աջ ձեռքում: Դնելուց հետո նա հիշեց, որ պետք էր ներս խրել նաև ձախ ձեռքը, և խրեց այն, բայց արգեն ուշ էր, ու ավելի ևս անհարմար զղալով իրեն, շտապ դնաց գեպի ամենավերջին շարքերը:

— Հարյուր քսանվեց ընտրական ձայն: Իննսուներթ ո՛չ ընտրական,— հնչեց ք տառը շարտասանող բարտուղարի ձայնը: Հետո լավեց ծիծաղ. արկղի մեջ գտան մի կոճակ և երկու ընկույզ: Ազնվականին թողին քվեարկության, ու նոր կուսակցությունը հաղթեց:

Բայց հին կուսակցությունն իրեն հաղթված չէր համարում: Լեհներ լսեց, որ Սնետկովին խնդրում են քվեարկվել, և տեսավ, որ ազնվականների ամբոխը շոջապատեց ինչ-որ բան ասող նահանգական պարագլխին: Լեհնն ավելի մոտ գնաց: Պատասխանելով ազնվականներին, Սնետկովը խոսում էր ազնվականության վստահության մասին, իր հանդեպ տածած սիրո մասին, որին արժանի չէ ինքը, որովհետև իր ամբողջ արժանիքը իր անձնվեր վերաբերմունքն է ազնվականությանը, որին ծառայել է տասներկու տարի: Մի քանի անգամ նա կրկնեց այս խոսքերը. «Մտռայել եմ, որքան ուժ ունեի, ծառայել եմ հավատարմությամբ ու ճշմարտությամբ, գնահատում եմ և շնորհակալ եմ», ու հանկարծ կանգ առավ իրեն խեղդող արցունքներից և դուրս գնաց դահլիճից: Այդ արցունքների պատճառը արդյոք նրա նկատմամբ եղած անարդարության գիտակցությունն էր, դեպի ազնվականությունը տածած սե՞րն էր, թե՞ լարվածությունն էր այն դրության, որի մեջ գտնվում էր նա, զգալով իրեն շոջապատված թշնամիներով,— բայց նրա հուզմունքը վարակում էր ուրիշներին էլ. ազնվականության մեծ մասը հուզված էր, և Լեհնը քնքշություն զգաց իր մեջ դեպի Սնետկովը:

Դուռն մեջ նահանգական պարագլուխը դեմ սու դեմ հանդիպեց Լեհինին:

— Ներողություն, ներեցեք խնդրեմ,— ասաց նա, որպես անծանոթի. բայց ճանաչելով Լեհինին, երկչտությունամբ ժպտաց: Լեհինին թվաց, որ նա ուզում էր մի բան ասել, բայց հուզմունքից չկարողացավ: Նրա դեմքի և ամբողջ ֆիզիոնոմիայի տարածությունը՝ համազգեստով, խաչերով ու տրիգած սպիտակ շավարով, և նրա շտապ քայլվածքը հիշեցրեց Լեհինին հալածական գաղանի, որը տեսնում է, որ իր գործը վատ է: Պարագլխի դեմքի այդ արտահայտությունն առանձնապես հուզեց Լեհինին, որովհետև դեռ երեկ նա խնամակալության գործով եղավ նրա տանը և տեսավ նրան բարի ու ընտանիքավոր մար-

դու ամբողջ վեհություններ: Մեծ տունը՝ տոհմական հին կահույքով, ո՛չ պճնազարդ, մասամբ կեղտոտ, բայց հարգալից ծերուկ ծառաները, ըստ երևույթին նախկին ճորտերից, որ չէին թողել իրենց տիրոջը. հաստ, բարեսիրտ կինը, ժանեկավոր շեպչիկով ու տաճկական շալով, որ գուրգուրում էր իր լավիկ թոռնիկին՝ աղջկա աղջկանը, վեցերորդ դասարանի գիմնազիստ՝ վայելչակազմ որդին, որը եկել էր գիմնազիայից ու ողջունելով հորը, համբուրեց նրա մեծ ձեռքը. տանտիրոջ ազգու, գորովալից խոսքերն ու շարժումները,— այս բոլորը երեկ բերեց Լեհինի մեջ ակամա հարգանքի և համակրանքի զգացում: Լեհինի համար այժմ հուզիչ ու խղճալի էր այդ ծերուկը, և նա ուզեց հաճելի մի բան ասել նրան:

— Ուրեմն դուք էլի մեր պարագլուխն եք,— ասաց նա:

— Հաղվ թե,— ասաց պարագլուխը, վախեցած ետ նայելով:— Ես հոգնել եմ, արդեն պառավել եմ: Կան ինձնից ավելի արժանավորներ ու երիտասարդներ, թող նրանք ծառայեն:

Եվ պարագլուխը չքվեց կողքի դուռն միջով:

Հասավ ամենահանդիսավոր ընկեր: Պետք էր անմիջապես սկսել ընտրությունները: Այս և այն կուսակցության պարագլուխները մատների վրա հաշվում էին սև ու սպիտակ քվեները:

Ֆլերովի մասին վիճաբանությունները նոր կուսակցությանը տվին ոչ միայն Ֆլերովի մի ձայնը, այլև ժամանակ շահեցին, որի ընթացքում կարող էին բերվել էլի երեք ազնվականներ, որոնք հին կուսակցության խարդավանքների շնորհիվ զրկվել էին ընտրությունների մասնակցելու հնարավորությունից: Երկու ազնվականների, որոնք խիստ հակում ունեին դեպի խմիչքները, հարբեցրել էին Սնետկովի համախոհները, իսկ երրորդի՝ համազգեստն էին տարել:

Իմանալով այդ, նոր կուսակցությունը կարողացավ Ֆլերովի մասին վիճաբանությունների ժամանակ կառքով մարդ ուղարկել՝ զգեստավորելու ազնվականին և ժողովի բերելու երկու հարբածներից մեկին:

— Մեկին բերի հետս, սառը ջրով ուշքի բերի,— ասաց նրա Խուկից գնացած կալվածատերը, մոտենալով Սվիյաժսկուն:— Ոչինչ, յուր կտանի:

— Հո շատ հարթած չէ՞, հո չի՞ ընկնի, — հարցրեց Սվիլածսկին, գլուխն օրորեկով:

— Ո՛չ, պինդ է: Միայն քիչ աշտեղ շխմացնեն... Ես բուժֆեստապանին ասի, որ ո՛չ մի կերպ խմիչք ըտա նրան:

XXIX

Նեղ դահլիճը, որտեղ ուտում ու ծխում էին, լցված էր ազնվականներով: Հուզմունքը հետզհետե ավելանում էր, և ամենքի գեմքերին նկատվում էր անհանգստություն: Առանձնապես հուզվում էին պարագլուխները, որոնք գիտեին բալոր մանրամասները և բոլոր ձայների թիվը: Դրանք առաջիկա ճակատամարտի կարգադրիչներն էին: Իսկ մնացածները, ինչպես շարքայիները ճակատամարտից առաջ, թեպետև պատրաստվում էին կռվի, բայց առայժմ իրենց համար զանազան զվարճություններ էին փնտրում: Ոմանք կանգնած կամ նստած սեղանի շուրջը, նախաճաշում էին, ոմանք ետ ու առաջ քայլում էին երկար սենյակում՝ ծխելով և զրուցում էին վազուց շտեսած իրենց բարեկամների հետ:

Լեհին ուտել չէր ուզում, նա չէր ծխում. պատահել յուրայիններին, այսինքն՝ Սերգեյ Իվանովիչին, Ստեպան Արկադևիչին, Սվիլածսկուն և մյուսներին՝ չէր ցանկանում, որովհետև նրանց հետ կանգնած, աշխույժ զրուցում էր Վոտնսկին, շտալմենտերական զգեստով: Դեռ երեկ Լեհին տեսավ նրան ընտրություններին և ամենայն խնամքով խուսափեց նրանից, չկամենալով հանդիպել: Նա մոտեցավ պատուհանին ու նստեց, գիտելով խմբակները և ականջ դնելով իր շուրջը տեղի ունեցող զրույցներին: Նա առանձնապես տխուր էր այն պատճառով, որ ինչպես տեսնում էր, ամենքն աշխույժ էին, մտահոգ ու զբաղված. հետաքրքրությունից զուրկ և անգործ էր միայն ինքը և նազատորմային համազգեստով իր մոտ նստած պառավ, շատ պառավ, անատամ այն ծերուկը, որ բլբլտացնում էր պողոտաներով:

— Դա այնպիսի՞ սատանա է: Ես ասում էի նրան, բայց ի՞նչ օգուտ: Ո՞նց կարելի է: Նա երեք տարում չէր կարողանում պատրաստվել, — ռանդով ասում էր կորամեջք, ո՛չ բարձրահասակ մի կալվածատեր, օժած մազերով, որոնք ծածկում էին

նրա համազգեստի ասեղնագործած օձիքը, ամուք դափնելով նոր, ըստ երևույթին, ընտրությունների համար հագած կոշիկների կրունկները: Եվ կալվածատերը նետելով Լեհինի վրա դըժգոհ հայացք, շեշտակի շուռ եկավ:

— Այո՛, խոսք չկա, գործը մաքուր չէ, — ասաց բարակ ձայնով փոքրիկ կալվածատերը:

Դրանց ետևից մի խումբ կալվածատերեր, շրջապատած մի հաստ գեներալի, շտապ մոտեցան Լեհինին: Ըստ երևույթին, կալվածատերերը որոնում էին խոսելու այնպիսի տեղ, որ իրենց լսող չլինի:

— Ինչպե՞ս է համարձակվում նա ասել, որ ես հրամայեցի գողանալ նրա շալվարը: Ես կարծում եմ, որ նա իր շալվարը ծախել, խմել է: Թքած նրա վրա, նրա իշխանական տիտղոսի վրա: Նա չպիտի համարձակվի այդպիսի բան ասել, դա խոզություն է:

— Բայց թույլ տվեք, խնդրեմ: Ձե՞ որ նրանք հիմնվում են հողվածք վրա, — ասում էին մյուս խմբակում, — կինը պետք է գրվի ազնվականուհի:

— Իմ ինչի՞ս է պետք հողվածք: Ես սրտով եմ ասում: Էլ ի՞նչ ազնիվ ազնվականներ: Վատահություն ունեցիր:

— Ձեր գերազանցություն, գնանք fine champagne խմելու: Մի այլ խումբ գնում էր բարձր ձայնով ինչ-որ բան բղավող ազնվականի ետևից. դա հարբեցրած երեք ազնվականներից մեկն էր:

— Ես միշտ խորհուրդ էի տալիս Մարիա Սեմյոնովնային՝ վարձակալության տալ, որովհետև նա չի շահում, — ասում էր հաճելի ձայնով, սպիտակ բեղերով կալվածատերը, հագած հին գլխավոր շտաբի գնդապետային համազգեստ: Դա այն կալվածատերն էր, որին Լեհինը պատահեց Սվիլածսկու մոտ: Անմիջապես ճանաչեց նրան: Կալվածատերը նույնպես ուշադրությամբ նայեց Լեհինին, և նրանք բարևեցին իրար:

— Շատ հաճելի է: Ինչպե՞ս չէ: Շատ լավ հիշում եմ, անցյալ տարի Նիկոլայ Իվանովիչի՞ պարագլխի մոտ:

— Ինչպե՞ս է գնում ձեր տնտեսությունը, — հարցրեց Լեվինը:

— Է՛հ, առաջվա պես, վնաս է բերում, — պատասխանեց կալվածատերը խոնարհ ժպիտով, բայց հանդիստ ու համոզ-

մունքի այնպիսի արտահայտություններ, թե այդպես էլ պետք է կանգ առնելով Լեհիի մոտ:— Իսկ դուք ինչպե՞ս եք ընկել մեր նահանգը,— հարցրեց նա:— Եկել եք մասնակցելու՞ մեր coup d'état-ին՝,— ասաց նա, ֆրանսերեն խոսքերն արտասանելով հաստատ, բայց վատ:— Հավաքվել է ամբողջ Ռուսաստանը. սենեկապետներ, քիչ է մնում նույնիսկ մինիստրներ:— Նա նշեց գեներալի հետ քայլող Ստեպան Արկադևիչի վայելատես ֆիգուրը՝ սպիտակ շավարով ու սենեկապետի համազգեստով:

— Ես պետք է խոստովանեմ, որ շատ վատ եմ հասկանում ազնվականության ընտրությունների նշանակությունը, — ասաց Լեհինը:

Կալվածատերը նայեց նրան:

— Ի՞նչ հասկանալու բան կա այստեղ: Ո՛չ մի նշանակություն չունի: Ընկած հիմնարկ, որը շարունակում է իր շարժումը իններցիայի ուժով միայն: Տեսեք, այդ համազգեստներն էլ ասում են ձեզ, որ դա հաշտարար դատավորների, մշտական անդամների և այլոց ժողով է, ո՛չ թե ազնվականների:

— Ուրեմն էլ ինչո՞ւ եք գալիս,— հարցրեց Լեհինը:

— Նախ՝ սովորություն է դարձել: Հետո՝ պետք է կապեր պահպանել: Որոշ չափով՝ բարոյական պարտականություն: Իսկ հետո, ճիշտն ասած, ես ունեմ իմ շահը: Փեսաս ուզում է քվեարկվել մշտական անդամության համար. նրանք հարուստ չեն, և պետք է անցկացնել նրան: Ահա այս պարոնները ինչո՞ւ են գալիս,— ասաց նա, նշելով թունոտ այն պարոնին, որը խոսում էր նահանգական սեղանի առաջ:

— Դա ազնվականության նոր սերունդն է:

— Նորը՝ նոր է: Բայց ազնվականություն չէ: Դրանք հողատերեր են, իսկ մենք՝ կալվածատերեր: Նրանք, որպես ազնվականներ, ինքնասպանություն են գործում:

— Սակայն չէ՞ որ դուք ասում եք, որ դա վերջացած հիմնարկ է:

— Վերջացածը՝ վերջացած է, բայց և այնպես նրա հետ պետք է հարգանքով վարվել: Թեկուզ հենց Սենտկովը... Լավ

ենք մենք, թե վատ, բայց հաջար տարի աճել ենք: Գիտե՞ք, եթե, օրինակ՝ դուք ձեր տան առաջ այգի տնկեք, պլան քաշեք, և այդտեղ աճելիս լինի հարյուրամյա մի ծառ... Այդ ծառը թեպետև ծուռ է, հին է, այսուամենայնիվ ծաղկեթումբերի համար դուք չեք կտրի ձերուկին, այլ ծաղկեթմբերն այնպիսի պլանով կշինեք, որ օգտվեք ծառից: Ծառը մարդ մի տարում չի հասցնի,— ասաց նա զգույշ և անմիջապես փոխեց խոսակցությունը:— Իսկ ինչպե՞ս է ձեր տնտեսությունը:

— Է՛հ, լավ չէ: Հինգ տոկոս:

— Այո՞, բայց դուք ձեզ հաշվում: Զէ՞ որ դուք էլ մի բան արժեք: Ա՛յ, ես ասեմ իմ մասին: Մինչև տնտեսությունը զբաղվելու, պաշտոնիս համար ստանում էի երեք հազար: Այժմ ես աշխատում եմ ավելի, քան ծառայության մեջ և, ինչպես դուք, ստանում եմ հինգ տոկոս, այն էլ՝ տա՛ աստված: Իսկ իմ սեփական աշխատանքը չի վարձատրվում:

— Հապա էլ ինչո՞ւ եք անում, եթե ուղղակի վնաս է:

— Այդպես է, բայց անում եմ: Ի՞նչ արած: Սովորություն է, և գիտես, որ այդպես է պետք: Ավելին կասեմ ձեզ,— հենվելով լուսամուտին ու զրույցով տարվելով, շարունակեց կալվածատերը,— որդիս սեր չունի տնտեսության նկատմամբ: Հավանորեն, գիտնական կդառնա: Այնպես որ տնտեսությունը շարունակող չի լինի: Բայց էլի անում եմ: Ահա այս տարի այգի տնկեցի:

— Այո՞, այո՞,— ասաց Լեհինը,— դա միանգամայն իրավացի է: Ես միշտ զգում եմ, որ հաշիվ չկա իմ տնտեսության մեջ, բայց անում եմ... Մի տեսակ պարտականություն եմ զգում հողի նկատմամբ:

— Ա՛յ, ասեմ ձեզ,— շարունակեց կալվածատերը:— Ինձ մոտ էր իմ հարևան վաճառականը: Մենք շրջեցինք, նայեցինք տնտեսությունը, այգին: «Ո՛չ, ասում է, Ստեպան Վասիլևիչ, ամեն բան ձեզ մոտ լավ է գնում, բայց այգին անուշադրության է մատնված»: Մինչդեռ իմ այգին կարգին վիճակում է: «Իմ խելքով, ես այս լորենին կկտրեի: Հարկավոր է միայն հյութեղ միջոցին: Զէ՞ որ լորենիները հազար հատ էն, յուրաքանչյուրից երկու լավ քրծեն դուրս կդա: Իսկ հիմա քրծենի գինը բարձր է, ես լորենու կեղանք էլ կպատրաստեի:

¹ Պետական հեղաշրջում:

— Իսկ այդ դրամով նա կգնծր մեծ քանակութիւն մը անասուն կամ շնչին գնով հող և վարձով կտար մուծիկներին,— վերջացրեց Լեինը ժպիտով, հայտնապես բազմիցս արգեն պատահած լինելով նման հաշիվներին:— Եվ նա կարողութիւն կդիզի: Իսկ դուք և ես՝ աստված տա միայն, որ մեր ունեցածը պահենք ու թողնենք մեր երեսխաններին:

— Լսեցի, ամուսնացե՛լ եք,— հարցրեց կալվածատերը:

— Այո՛, — հպարտ բավականութիւնով պատասխանեց Լեինը:— Այո՛, ինչ-որ տարօրինակ բան է,— շարունակեց նա:— Այսպես մենք ապրում ենք առանց հաշիվի, կարծես նշանակված ենք, ինչպես հին դարի վեստալուհիներ¹, պահպանելու ինչ-որ կրակ:

Կալվածատերը քմծիծաղեց սպիտակ բեղերի տակ:

— Մեր մեջ էլ կան այնպիսիները, թեկուզ հենց մեր բարեկամ Նիկոլայ Իվանիչը, կամ կոմս Վոռնսկին, որ գլուզ է տեղափոխվել հիմա. նրանք ուզում են գյուղատնտեսական արդյունաբերութիւն մտցնել: Բայց այդ մինչև այսօր, դրամազուլս սպանելուց զատ, ուրիշ բանի չի հանգել:

— Հասա ինչո՞ւ մենք էլ այնպես չենք անում, ինչպես անում են վաճառականները: Ինչո՞ւ այգին չենք կտրում ջրածենի համար,— ասաց Լեինը, վերադառնալով իրեն զարմացնող մտքին:

— Ա՛յ, ինչպես դուք ասիք, պետք է կրակը պահպանել: Թե չէ՝ ազնվականի գործ չէ դա: Եվ ազնվականական գործն արվում է ո՛չ թե այստեղ՝ ընտրութիւններին, այլ այնտեղ՝ մեր անկյունում: Կա նույնպես մեր դասային բնազդը. այսօրինքն՝ ի՞նչ պետք է, և ի՞նչ պետք չէ: Ա՛յ, մուծիկները նույնպես. պատահում է երբեմն, տեսնում եմ, եթե լավ մուծիկ է, սկսում է հող վարձել, ինչքան կարող է: Թեկուզ անպետք է հողը, բայց վարում է շարունակ: Նույնպես առանց հաշիվի: Ուղղակի վնաս:

— Ծիշտ և ճիշտ ինչպես մենք,— ասաց Լեինը:— Շատ, շատ հաճելի է, որ հանդիպեցինք,— ազելացրեց նա, տեսնելով իրենց մոտեցող Սվիյաժսկուն:

¹ Հռոմեական Վեստա դիցուհու քրմուհիները, որոնք պարտավոր էին անմար պահելու մեհաքնի կրակը:

— Զեզ մոտ լինելուց հետո առաջին անգամ հանդիպեցինք,— ասաց կալվածատերը:— Բայց լավ էլ զրուցեցինք:

— Եվ ի՞նչ, հայհոյեցիք նոր կարգե՞րը,— ասաց Սվիյաժսկին ժպիտով:

— Առանց այդ չի լինում:

— Սրտներս թեթևացրինք:

XXX

Սվիյաժսկին թեկնցուկ արեց Լեինին ու նրա հետ գնաց յուրայինների մոտ:

Այժմ արդեն չէր կարելի խուսափել Վոռնսկուց: Նա կանգնել էր Ստեպան Արկադևիչի ու Սերգեյ Իվանովիչի հետ և նայում էր մոտեցող Լեինին:

— Շատ ուրախ եմ: Կարծեմ ես հաճույք եմ ունեցել հանդիպելու... իշխանուհի Շչերբացկայայի մոտ,— ասաց նա, ձեռքը տալով Լեինին:

— Այո՛, ես լավ հիշում եմ մեր հանդիպումը,— ասաց Լեինը և, կարմրելով անմիջապես շատ եկավ ու խոսեց եղբոր հետ:

Թեթև ժպտալով, Վոռնսկին շարունակեց խոսել Սվիյաժսկու հետ, ըստ երևութիւն ո՛չ մի ցանկութիւն շունհնալով խոսակցութեան ընկելու Լեինի հետ: Բայց Լեինը, խոսելով եղբոր հետ, անընդհատ նայում էր Վոռնսկուն, մտածելով, թե ի՞նչ ասի նրան, որ կոծկի իր կոպտութիւնը:

— Հիմա գործն ի՞նչ վիճակում է,— հարցրեց Լեինը, նայելով Սվիյաժսկուն ու Վոռնսկուն:

— Սնետկովից է կախված: Հարկավոր է, որ նա հրաժարվի կամ համաձայնի,— ասաց Սվիյաժսկին:

— Իսկ նա ի՞նչ է ասում, համաձայն է, թե ոչ:

— Բանն էլ հենց այն է, որ ո՛չ այս, ո՛չ այն,— ասաց Վոռնսկին:

— Իսկ եթե հրաժարվի, ո՞վ է քվեարկվելու,— հարցրեց Լեինը, նայելով Վոռնսկուն:

— Ով ուզում է,— ասաց Սվիյաժսկին:

— Արդյոք դո՞ւք,— հարցրեց Լեինը:

— Միայն թե ո՛չ ես,— պատասխանեց Սվիյաժսկին:

շփոթվելով ու վախեցած հայացք գցելով Սերգեյ Իվանովիչի կողքին կանգնած թունոտ պարոնի վրա:

— Հապա էլ ո՞վ: Նեկո՞վսկին,— ասաց Լևինը, զգալով, որ խճճվեց:

Բայց ալելի վատ բան ստացվեց: Նեկո՞վսկին ու Սվիյաժսկին երկուսն էլ թեկնածուներ էին:

— Համենայն դեպս՝ ես ո՛չ մի շեպում,— պատասխանեց թունոտ պարոնը:

Դա ինքը Նեկո՞վսկին էր: Սվիյաժսկին ծանոթացրեց Լևինին նրա հետ:

— Հը՛, ո՞նց է, քե՛զ էլ գրավեց,— ասաց Ստեպան Արկադևիչը, աչքով անելով Վոռնսկուն:— Դա ձիարշավի պես բան է: Կարելի է գրագ գալ:

— Սյո՛, դա իրոք որ գրավում է,— ասաց Վոռնսկին:— Եվ, երբ մարդ մի անգամ ձեռք է զարկում գործին, ուզում է մինչև վերջ տանել այն: Պայքա՛ր,— ասաց նա, մոռյվելով ու սեղմելով իր ուժեղ այտուկները:

— Ի՛նչ գործարար մարդ է Սվիյաժսկին: Ամեն բան այնպես պարզ է նրա համար:

— Օ՛, այո՛,— ասաց Վոռնսկին ցրված:

Տիրեց լուռություն, որի միջոցին Վոռնսկին,— որովհետև պետք էր մի բանի նայել,— նայեց Լևինին, նրա ոտքերին, նրա համազգեստին, հետո դեմքին ու, նկատելով նրա մոռյլ, իր վրա ուղղած աչքերը, ասաց, մի բան ասած լինելու համար.

— Այդ ինչպե՛ս է պատահել, որ դուք, գյուղի մշտական բնակիչ, և հաշտարար դատավոր չեք: Դուք հաշտարար դատավորի համազգեստով չեք:

— Որովհետև ես կարծում եմ, որ հաշտարար դատարանը հիմար հիմնարկ է,— պատասխանեց Լևինը մոռյլ, ամբողջ ժամանակ սպասելով Վոռնսկու հետ խոսելու առիթի, որպեսզի հարթեր առաջին հանդիպմանը ցույց տված իր կոպտությունը:

— Ես այդ կարծիքին չեմ, ընդհակառակն,— հանգիստ զարմանքով ասաց Վոռնսկին:

— Դա խաղալիք է,— ընդհատեց նրան Լևինը:— Հաշտարար դատավորները պետք չեն մեզ: Ու՞թ տարվա ընթացքում

ես ո՛չ մի գործ չեմ ունեցել, Իսկ ի՛նչ էլ ունեցել եմ, վճռվել է թարս: Հաշտարար դատավորը գտնվում է ինձնից քառասուն վերստի վրա: Ես պետք է երկու ռուբլի արժեցող գործի համար ուղարկեմ մի հավատարմատար, որն արժե տասնհինգ ռուբլի:

Եվ նա պատմեց, թե ինչպես մուծիկը ջրաղացպանից ալյուր էր գողացել, և երբ ջրաղացպանն ասաց նրան այդ բանը, մուծիկը հայց հարուցեց ամբաստանության մասին: Այս բոլորը տխմար ու անտեղի էր. և Լևինն զգում էր այդ բանը հենց խոսելիս:

— Օ՛, նա այնպիսի օրիգինալ մարդ է,— ասաց Ստեպան Արկադևիչն իր ամենաանուշ ժպիտով:— Սակայն դնանք, կարծեմ, քվեարկում են...

Ու նրանք ցրվեցին:

— Ես չեմ հասկանում,— ասաց Սերգեյ Իվանովիչը, նկատելով եղբոր անհարմար արարքը, ես չեմ հասկանում, թե ինչպե՛ս կարելի է այդ աստիճան զուրկ լինել քաղաքական ամեն տեսակի տակախց: Ա՛յ թե ինչ շունենք մենք՝ ռուսներս: Նահանգական պարագլուխը մեր հակառակորդն է, դու նրա հետ ami cochon¹ ես և խնդրում ես նրան, որ քվեարկվի, իսկ կոմս Վոռնսկին... ես նրանից չեմ ուզում բարեկամ սարքել ինձ համար. նա ինձ հրավիրեց ճաշի, ես չեմ գնա, բայց նա մերն է, ի՛նչ կարիք կա հանձին նրա թշնամի վաստակելու: Հետո, դու հարցնում ես Նեկո՞վսկուն, արդյոք կքվեարկվի՞ նա: Այդպիսի բան չեն անում:

— Ա՛խ, ես ոչինչ չեմ հասկանում: Եվ այս բոլորը դատարկ բան է,— պատասխանեց Լևինը մոռյլ:

— Դու ասում ես, որ այս բոլորը դատարկ բան է, բայց երբ ձեռնամուխ ես լինում, ամեն ինչ խճճում ես:

Լևինը լռեց, և նրանք միասին մտան մեծ դահլիճ:

Նահանգական պարագլուխը, չնայած որ օդի մեջ զգում էր իր համար պատրաստվող խարդավանք, և չնայած որ նրան խնդրեցին ո՛չ բոլորը, այնուամենայնիվ վճռեց քվեարկվել:

Ամեն ինչ լռեց դահլիճում, քարտուղարը բարձրաձայն հայտարարեց, որ նահանգական պարագլուխի համար քվեարկ-

¹ Մտերիմ բարեկամ:

վում է գվարդիայի ռոտմիտր Միխայիլ Ստեպանովիչ Սնեա-
կովը:

Գավառական պարագլուխները ասիններով, որոնց մեջ
քվեագնդակներն էին, իրենց սեղաններից մոտենում էին դեպի
նահանգականը, և սկսվեցին ընտրությունները:

— Դիր ա՛ջ կողմը, — փսփսաց Ստեպան Արկադևիչը Լի-
նին, երբ նա եղբոր հետ միասին պարագլխի ետևից մոտե-
ցավ սեղանին: Բայց Լինն այժմ մոռացավ այն հաշիվը, որ
բացատրել էին իրեն, և վախենում էր՝ արդյոք չսխալվե՞ց
Ստեպան Արկադևիչը, ասելով «աջ կողմը»: Չէ՞ որ Սնետկովը
թշնամի էր: Մոտենալով արկդին, նա քվեագնդակը բռնել էր
աջ ձեռքին, բայց միտք անելով, որ սխալվեց, արկդի առաջ
գնդակն աջ ձեռքից դրեց ձախը և, ըստ երևույթին, հետո գցեց
ձախ կողմը: Գործին գիտակ այն մարդը, որ կանգնած էր
արկդի մոտ և արմուկի շարժումից հենց իմանում էր, թե
ո՞վ ո՞ւր է դնում, դժգոհ խոժոռվեց: Նա ուրիշ բան չունե՞ր իր
մտքի թափանցողությունը մարգելու համար:

Ամեն ինչ լռեց, և լավեց քվեագնդակների հաշիվը: Հեռու
մեկը հայտարարեց ընտրական և ո՛չ ընտրական քվեների
թիվը:

Պարագլուխն ընտրվեց ձայների զգալի մեծամասնու-
թյամբ: Ամենքն աղմկեցին ու շեշտակի ձգվեցին դեպի դուռը:
Ներս մտավ Սնետկովը, և ազնվականությունը շրջապատեց
նրան, շնորհավորելով:

— Հիմա վերջացավ, — հարցրեց Լինը Սերգեյ Իվանո-
վիչին:

— Նո՛ր միայն սկսվում է, — ժպտալով ասաց Սվիյաժսկին
Սերգեյ Իվանովիչի չիտարեն: Պարագլխի թեկնածուն կա-
րող է ավելի շատ ձայն ստանալ:

Լինը դարձյալ բոլորովին մոռացել էր այդ մասին: Այժմ
միայն հիշեց նա, որ այդտեղ կար ինչ-որ նրբություն, բայց
նրա համար ձանձրալի էր հիշելը, թե բանն ինչ էր: Նրան հա-
մակեց վհատության զգացումը, և նա ուզում էր դուրս գալ այդ
ամբոխի միջից:

Որովհետև ոչ ոք ուշադրություն չէր դարձնում նրա վրա,
և թվում էր, թե նա ոչ ոքի պետք չէր, ուստի կամացուկ դիմեց
դեպի փոքրիկ դահլիճ, որտեղ ուտում-խմում էին, և մեծ

թեթևություն զգաց, նորից տեսնելով սպասավորներին: Մե-
րուների սպասավորը առաջարկեց նրան մի բան ուտել, և նա
համաձայնեց: Ուտելով մի կոտլետ և լորի ու խոսելով սպա-
սավորի հետ առաջվա պարոնների մասին, Լինը շկամենա-
լով այլևս մտնել դահլիճ, որտեղ այնպես անախորժ էր նրա
համար, գնաց նայելու վերնահարկը:

Վերնահարկը լիքն էր պճնազարդ կանանցով, որոնք կու-
ցել էին ճաշերի վրայից դեպի ներքև ու աշխատում էին լսո-
ղությունից չփախցնել ներքևում արտասանվող ոչ մի խոսք:
Կանանց մոտ նստել ու կանգնել էին վայելչատես փաստաբան-
ներ, գիմնագիտական ուսուցիչներ ու սպաներ: Ամե-
նուր խոսում էին ընտրությունների և այն մասին, թե ինչպե՞ս
տանջվեց պարագլուխը և ինչ լա՛վ էին վիճաբանությունները:
Մի խմբում Լինը գովասանք լսեց իր եղբոր մասին: Մի տի-
կին ասում էր փաստաբանին:

— Ի՛նչ ուրախ եմ, որ լսեցի Կոզնիշևին: Դրա համար ար-
ժեք սոված մնալ: Հիանալի է: Ի՛նչ պարզ է բոլորը և լսե-
լի: Ձեզ մոտ դատարանում ոչ ոք այդպես չի խոսում: Գուցե
մենակ Մայդելը, բայց նա էլ բնավ այդպես պերճախոս չէ:

Ազատ տեղ գտնելով ճաշերի մոտ, Լինը կուցացավ ու
սկսեց նայել և ակնջ դնել:

Բոլոր ազնվականները նստել էին ցածր միջնորմերի
ետևում՝ ըստ գավառների: Դահլիճի մեջտեղում կանգնած էր
համազգեստով մի մարդ և բարակ, բարձր ձայնով հայտա-
րարում էր:

— Ազնվականության նահանգական պարագլխի թեկնա-
ծության համար քվեարկվում է շտաբ-ռոտմիտր Նվզենից
Իվանովիչ Ապոխտինը: — Տիրեց մեռելային լուծություն և լըս-
վեց ծերունական մի թույլ ձայն:

— Հրաժարվեց:

— Քվեարկվում է արքունի խորհրդատու Պյոտր Պետրո-
վիչ Բուլը, — սկսեց նորից նախկին ձայնը:

— Հրաժարվեց, — լսվեց մի երիտասարդ ճղճղան ձայն:

Նորից սկսվում էր նույն բանը, և նորից՝ «հրաժարվեց»:
Այդպես շարունակվեց մոտ մեկ ժամ: Լինը կուցած ճաշե-
րի վրա, նայում էր ու լսում: Սկզբում նա զարմանում էր և
ուզում էր հասկանալ, թե ի՛նչ էր նշանակում այդ, հետո հա-

մոզվելով, որ ինքը դա չի կարող հասկանալ, սկսեց ձանձրանալ: Ապա մտաբերելով այն բոլոր հուզումն ու գաղազանքը, որ ինքը տեսավ ամենքի դեմքին, տխրեց. նա վճռեց վերադառնալ տուն և իջավ ներքև: Անցնելով վերնահարկի նախասենյակով, նա տեսավ ետ ու առաջ քայլող վհատ մի գիմնագիստի՝ ուռած աչքերով: Իսկ սանդուղքի վրա նրան հանդիպեց մի զույգ՝ մի տիկին, որ արագ վազում էր կրունկների վրա և դատախազի թեթևաքայլ օգնականը:

— Ես ասում էի ձեզ, որ չեք ուշանա, — ասաց դատախազն այն ժամանակ, երբ Լեինը ետ քաշվեց, ճանապարհ տալով տիկնոջը:

Լեինն արդեն ելքի սանդուղքի վրա էր և ժիլետի գրպանից հանում էր իր մուշտակի համարը, երբ քարտուղարը բռնեց նրան: — Համեցե՛ք, կոնստանտին Դմիտրիչ, քվեարկում են: Թեկնածուի համար քվեարկվում էր սկզբում այնպես եռանդով հրաժարվող նևեղովսկին:

Լեինը մոտեցավ դահլիճի դռանը. դուռը փակ էր: Քարտուղարը բախեց, դուռը բացվեց, և Լեինի առաջով ծլկվեցին կարմրած երկու կալվածատերեր:

— Հոգիս դուրս եկավ, — ասաց կարմրկտած կալվածատերերից մեկը:

Կալվածատիրոջ ետևից դուրս ցցվեց նահանգական պարագլխի՝ դեմքը: Այդ դեմքը սարսափելի էր ուժասպառումից ու վախից:

— Ես շասացի՞ քեզ՝ դուրս չթողնել, — բղավեց նա պահապանի վրա:

— Ես նե՛րս թողի, ձերդ գերազանցություն:

— Աստված իմ, — և ծանր հառաչելով, նահանգական պարագլուխը հոգնած, գլլալով իր սպիտակ շալվարով, գլուխը կախ գցած, գնաց դահլիճի մեջտեղով դեպի մեծ սեղանը:

Նևեղովսկուն տվին ավելի շատ քվե, ինչպես և հույս ունեին, ու նա ընտրվեց նահանգական պարագլուխ: Շատերն ուրախ էին, շատերը՝ գոհ, երջանիկ, շատերը հիացած էին, շատերը՝ դժգոհ ու դժբախտ էին, նահանգական պարագլուխը հուսահատված էր և չէր կարողանում ծածկել այդ: Երբ նևեղովսկին գնաց դահլիճից, ամբոխը շրջապատեց նրան ու խանդավառու-

թյամբ հետևում էր նրան. ինչպես առաջին օրը հետևում էր ընտրությունները բացող նահանգապետին, ինչպես հետևում էր Սնետկովին, երբ ընտրվեց սա:

XXXI

Նորընտիր նահանգական պարագլուխը և նորերի հաղթանակող պարտիայից շատերն այդ օրը ճաշում էին Վոռնսկու մոտ:

Վոռնսկին եկավ ընտրություններին և՛ այն պատճառով, որ նրա համար ձանձրալի էր գյուղում ու պետք էր իր ազատության իրավունքների մասին հայտարարել Աննային, և՛ այն նկատառումով, որպեսզի աջակցելով Սվիյաժսկուն ընտրությունների ժամանակ, երախտահատույց լինի նրան այն աշխատանքի համար, որ նա գործ էր դրել Վոռնսկու համար գեմստվոյի ընտրություններին, և ամենից ավելի այն պատճառով, որ խստորեն կատարի ազնվականի ու հողատիրոջ իր ընտրած նոր դրուժյան բոլոր պարտավորությունները: Բայց նա բնավ չէր սպասում, որ ընտրությունների այդ գործն այնպես գրավեր իրեն, այնպես կլաներ իր հետաքրքրությունը, որ ինքը կարողանար այդքան լավ կատարել այդ գործը: Նա բոլորովին նոր մարդ էր ազնվականների շրջանում, բայց հայտնապես հաջողություն ուներ և չէր սխալվում, կարծելով, որ արդեն ազդեցություն է ձեռք բերել ազնվականների մեջ: Նրա ազդեցությանը նպաստեցին նրա հարստությունն ու տոհմիկությունը, քաղաքում հիանալի այն շենքը, որ դիջեց նրան իր հին ծանոթը՝ Շիրկովը, որն զբաղվում էր ֆինանսական գործերով ու հիմնել էր Կաշինում բարգավաճող բանկ. Վոռնսկու ընտիր խոհարարը, որին նա բերել էր իր հետ գյուղից, բարեկամությունը նահանգապետի հետ, որը Վոռնսկու ընկերն էր, այն էլ հովանավորվող ընկերը. իսկ ամենից ավելի՝ նրա պարզ, հավասար վերաբերմունքն ամենքին, որը շուտով ստիպեց ազնվականության մեծամասնությանը՝ փոխելու իր դատողությունը նրա կարծեցյալ հպարտության մասին: Նա ինքն զգում էր, որ բացի այդ խև պարոնից, որն ամուսնացած էր Կիտի Շչեբբացկայայի հետ, որն à propos de bottes մոլի գայրույթով

¹ Ոչ տարավ, ոչ բերեց, հանկարծ:

ասաց իրեն մի շարք անտեղի հիմարություններ, յուրաքանչյուր ազնվական, որի հետ ծանոթանում էր ինքը, դառնում էր իր կողմնակիցը: Նա պարզ տեսնում էր, և ուրիշներն էլ խոստովանում էին այդ, որ Նեեղովսկու հաջողությանը շատ խոշոր շափով նպաստեց ինքը: Եվ այժմ, իր սեղանի շուրջը, տոնելով Նեեղովսկու ընտրությունը, նա համակված էր հաղթանակի հաճելի վզացումով իր ընտրյալի նկատմամբ: Ընտրություններն այնպես գրավեցին նրան, որ եթե ինքն ամուսնանա մինչև հետագա եռամսյակը, մտածում էր քվեարկվել,— ինչպես ժոկեի միջոցով մրցանակ տանելուց հետո մարդ ինքն է ուզում ձիարշավել:

Իսկ այժմ տոնվում էր ժոկեի մրցանակաշահումը: Վոռնակին նստել էր սեղանի գլխին, նրա աջ կողմում նստած էր Երիտասարդ նահանգապետ՝ արքայական շքախմբի գեներալը: Ամենքի համար սա նահանգի տերն էր, որը հանդիսավորությամբ բացեց ընտրությունները, ճառ ասաց և շատերի մեջ հարուցեց հարգանքի ու ստրկամտության զգացում, ինչպես նկատեց Վոռնակին. իսկ Վոռնակու համար սա Մասլով կատկան էր,— այդպես էր նրա մականունը պաժերի դպրոցում,— որը քաշվում էր Վոռնակու ներկայությամբ և որին Վոռնակին *mettre à son aise*: Ձախ կողմում նստած էր Նեեղովսկին իր պատանեկան, անհոգողոզ և թունոտ դեմքով: Նրա հետ Վոռնակին պարզ էր ու հարգալից:

Սվիյաժսկին իր անհաջողությունը տանում էր ուրախ: Դա նույնիսկ անհաջողություն չէր նրա համար, ինչպես ասաց ինքը, բաժակը ձեռքին դիմելով Նեեղովսկուն. «ավելի լավ պարագույն չէր կարելի գտնել այն նոր ուղղության համար, որին պետք է հետևի ազնվականությունը: Այդ պատճառով ազնիվ ամեն ինչ և ամեն ոք. ինչպես ասաց նա, կանգնած էր այսօրվա հաջողության ու նրա հաղթանակի կողմը:

Ստեպան Արկադևիչը նույնպես ուրախ էր, որ ուրախ ժամանց ունեցավ և որ ամենքը գոհ են: Հիանալի ճաշի ընթացքում վերհիշվում էին ընտրությունների միջադեպերը: Սվիյաժսկին կոմիկորեն վերարտադրեց պարագլխի արտասովոր ճառը և նշեց, դիմելով Նեեղովսկուն, թե նորին գերազանցու-

թյունն ստիպված կլինի ընտրելու գումարների ստուգման ուրիշ, ավելի բարդ եղանակ, քան արցունքները: Մի ուրիշ կատակասեր ազնվական պատմեց, թե ինչպե՛ս նահանգական պարագլխի պարահանդեսի համար բերել էին տվել գուլպաներով սպասավորներ և, թե ինչպե՛ս հիմա պետք է նրանց ետ օւղարկել, եթե նահանգական նոր պարագլուխը պարահանդես չկազմակերպի գուլպաներ հագած սպասավորներով:

Ճաշի ժամանակ անընդհատ դիմելով Նեեղովսկուն, ասում էին «մեր նահանգական պարագլուխ» և «ձերդ գերազանցություն»:

Այդ ասում էին նույնպիսի բավականությունամբ, ինչպես երիտասարդ կնոջը կանչում են «madame» և ամուսնու անունով: Նեեղովսկին ձևացնում էր, որ ինքը ո՛չ միայն անտարբեր է, այլև արհամարհում է այդ կոչումը, բայց ակնհայտ էր, որ նա երջանիկ է և իրեն պահում է սանձահարված՝ շարտահայտելու համար այնպիսի բերկրանք, որը սազական չէր այն նոր, ազատամիտ միջավայրին, ուր գտնվում էին ամենքը:

Ճաշի ժամանակ մի քանի հեռագիր ուղարկեցին այն մարդկանց, որոնք հետաքրքրվում էին ընտրությունների ընթացքով: Ստեպան Արկադևիչն էլ, որը շատ ուրախ էր, ուղարկեց Դարյա Ալեքսանդրովնային հետևյալ բովանդակությամբ հեռագիր. «Նեեղովսկին ընտրվեց տասներկու ձայնով: Շնորհավորում եմ: Հայտնիր»: Նա հեռագիրը թելադրեց բարձրաձայն, ասելով. «Պետք է ուրախացնել նրանց»: Իսկ Դարյա Ալեքսանդրովնան ստանալով հեռագիրը, հառաչեց միայն նրա վրա ծախսված ուրբու առթիվ ու հասկացավ, որ բանը եղել է ճաշի վերջում: Նա գիտեր, որ Ստիվան ճաշերի վերջում թուլություն ուներ «faire jouer le télégraphe»¹:

Ամեն ինչ, հիանալի ճաշի և գինիների հետ, որոնք վերջված էին ո՛չ թե ռուս գինեվաճառներից, այլ ուղղակի արտասահմանյան ֆիրմաներից, շատ ազնիվ էր, պարզ և ուրախ: Մոտ քսան հոգուց բաղկացած այդ մարդկանց ընտրել էր Սվիյաժսկին իրենց համախոհ, ազատամիտ, միաժամանակ սրամիտ ու կարգին նոր գործիչներից: Բաժակաճառեր լին առաջարկում, նույնպես կես-կատակ, կես-շիտակ, թե՛ նա-

¹ Քաշակերում էր:

¹ Խաղ անելու հեռագրատանը:

հանդիսական նոր պարագլխի կենացը, թե՛ նահանգապետի, թե՛ բանկի դիրեկտորի, թե՛ «մեր սիրալիր հյուրընկալի» կենացը: Վոռնսկին գոհ էր: Նա բնավ չէր սպասում գավառում այդպիսի դուրահաճո տոնի:

Ճաշի վերջում ավելի զվարճալի դարձավ: Նահանգապետը խնդրեց Վոռնսկուն՝ ղնալ կրոնական եղբայրության օգտին տրվող համերգին, որը կազմակերպում էր նրա կինը և ցանկանում էր ծանոթանալ Վոռնսկու հետ:

— Այնտեղ պարահանդես է լինելու, ու դու կտեսնես մեր գեղեցկուհուն: Իսկապես, հիանալի է:

— Not in my line¹, — պատասխանեց Վոռնսկին, որը սիրում էր այդ արտահայտությունը, բայց ժպտաց ու խոստացավ գնալ:

Սեղանից վեր կենալուց առաջ, երբ ամենքը վառեցին ծխախոտները, Վոռնսկու կամերգիները մոտեցավ նրան՝ մատուցարանի վրա դրված նամակով:

— Վոդզվիժենսկոյեից՝ հատուկ սուրհանդակի ձեռքով, — ասաց նա: Նշանակալից արտահայտություն:

— Զարմանալի բան, ինչքան նման է նա դատախազի օգնական Սվենտիցկուն, — ասաց կամերգիների մասին հյուրերից մեկը Ֆրանսերեն, մինչ Վոռնսկին խոժոռոված կարդում էր նամակը:

Նամակն Աննայից էր: Նախքան նամակը կարդալը, Վոռնսկին արդեն գիտեր նրա բովանդակությունը: Ենթադրելով, որ ընտրությունները կվերջանան հինգ օրում, նա խոստացավ վերադառնալ ուրբաթ: Այսօր շաբաթ էր, և նա գիտեր, որ նամակի բովանդակությունը կշտամբանք էր այն առթիվ, որ ինքը չվերադարձավ ժամանակին: Հավանորեն դեռ տեղ չէր հասել այն նամակը, որ նա ուղարկել էր երեկ երեկոյան:

Բովանդակությունը հենց այն էր, ինչ սպասում էր նա, բայց ձեն անսպասելի էր և առանձնապես անսխորժ: «Անին շատ հիվանդ է, բժիշկն ասում է, որ կարող է թոքաբորբ լինել: Ես մենակ գլուխս կորցնում եմ: Իշխանազնուհի Վարվառան օգնական չէ, այլ խոչընդոտ: Ես սպասում էի քեզ երեք օր առաջ, երեկ, և այժմ մարդ եմ ուղարկում իմանալու, թե որտե՞ղ ես դու և ի՞նչ ես անում: Ես ինքս էի ուզում գալ, բայց մտա-

¹ Իմ մտապահ չէ:

դրությունս փոխեցի, իմանալով, որ դա տհաճ կլինի քեզ համար: Որե՛ք պատասխան տուր, որ ես իմանամ, թե ի՞նչ անեմ»:

Երեխան հիվանդ է, իսկ նա ինքն ուզում էր գալ: Աղջիկը հիվանդ է, և այս թշնամական տոնը:

Ընտրությունների այդ անմեղ ուրախությունը և այն մոռյլ, ծանր սերը, դեպի որը նա պետք է վերադառնար, ցնցեցին Վոռնսկուն իրենց հակադրությամբ: Բայց հարկավոր էր գնալ, և նա առաջին զնացքով նույն գիշեր մեկնեց տուն:

XXXII

Վոռնսկու՝ ընտրություններին գնալուց առաջ, Աննան կշտադատելով, թե այն անսխորժ տեսարանները, որոնք կրկնվում էին իրենց միջև ամեն անգամ, երբ մեկնում էր նա, կարող են միայն սառեցնել և ո՛չ թե կապել նրան, վճռեց ամեն ջանք գործ դնել, որպեսզի կարողանա հանգիստ տանել անջատումը: Բայց այն սառը, խիստ հայացքը, որով Վոռնսկին նայեց նրան, երբ եկավ հայտնելու իր մեկնումի մասին, վերավորեց Աննային, և Վոռնսկին դեռ չէր ճանապարհվել, երբ արդեն խախտվեց Աննայի հանգիստը:

Միայնություն մեջ հետո վերլուծելով այդ հայացքը, որն արտահայտում էր ազատության իրավունք, Աննան հանգեց, ինչպես միշտ, մի եզրակացության՝ իր նվաստացման գիտելացությունը: «Նա իրավունք ունի գնալու երբ և ուր կամենա: Ո՛չ միայն գնալու, այլև ինձ թողնելու: Նա ունի ամեն իրավունք, իսկ ես ո՛չ մի իրավունք: Բայց իմանալով այդ, նա չպետք է աներ այդ: Սակայն ի՞նչ է արել նա... Նա նայեց ինձ սառը, խիստ հայացքով: Հարկավ այդ անորոշելի է, անշոշափելի է, բայց այդպիսի բա՛ն չկար առաջ, և այդ հայացքը շատ բան է նշանակում, — մտածում էր Աննան: — Այդ հայացքը ցույց է տալիս, որ սկսվում է սառնությունը»:

Եվ թեպետ Աննան համոզվեց, որ սկսվում է սառնությունը, այսուամենայնիվ ինքն անելու բան չունեց, չէր կարող ոչ մի բանում փոխել իր վերաբերմունքը դեպի Վոռնսկին: Ծիշտ այնպես, ինչպես առաջ՝ միայն սիրով ու հրապույրով կարող էր պահել նրան: Ծիշտ այդպես էլ, ինչպես առաջ՝ ցերեկն զբաղմունքներով ու գիշերը մորֆիով Աննան կարող էր խլացնել այն սարսափելի մտքերը, թե ի՞նչ կլինի, եթե Վոռն-

սկին այլևս չսիրի իրեն: Ճիշտ է, կար էլի մի միջոց՝ չպահել նրան,— դրա համար Աննան ոչինչ չէր ուզում, բացի նրա սիրուց,— այլ մոտիկ լինել նրա հետ, լինել այնպիսի դրուժյան մեջ, որ նա չլքեր իրին: Այդ միջոցը ապահարգանքն էր և ամուսնությունը: Ու Աննան սկսեց ցանկանալ այդ ու վճռեց համաձայնել հենց առաջին դեպքում, երբ Վոռնսկին կամ Ստիվան խոսք բանան այդ մասին:

Այսպիսի մտքերի մեջ Աննան անցկացրեց առանց Վոռնսկու հինգ օր, այն օրերը հենց, երբ Վոռնսկին պետք է բացակա լիներ:

Արոսանքները, գրույցներն իշխանազնուհի Վարվառայի հետ, այցելությունները հիվանդանոցին, իսկ, որ գլխավորն է՝ ընթերցանությունը, իրար ետևից այս կամ այն գրքի ընթերցանությունը, սպառում էին Աննայի ժամանակը: Բայց մեցերորդ օրը, երբ կառապանը վերադարձավ առանց Վոռնսկու, Աննան զգաց, որ այլևս անկարող է որևէ բանով խլացնելու իր միտքը նրա և այն մասին, թե ի՞նչ է անում նա այնտեղ: Հենց այդ ժամանակ հիվանդացավ նրա աղջիկը: Աննան սկսեց խնամել փոքրիկին, բայց այդ շքրեց նրա մտածմունքները, մանավանդ որ հիվանդությունը վտանգավոր չէր: Որքան աշխատում էր, չէր կարողանում սիրել այդ աղջկան, իսկ ձևանալ չէր հաջողվում: Այդ օրը իրիկնադեմին մնալով մենակ, Աննան զգաց իր մեջ Վոռնսկու համար այնպիսի երկյուղ, որ վճռեց գնալ քաղաք, բայց լավ մտածելուց հետո գրեց Վոռնսկու ստացած հակասական նամակը և առանց կարդալու այն, ուղարկեց հատուկ սուրհանդակի ձեռքով: Հետևյալ առավոտ Աննան ստացավ նրա գրությունը և զղջաց իր նամակի համար: Աննան սարսափով սպասում էր, թե կկրկնվի այն խիստ հայացքը, որ Վոռնսկին գցեց նրա վրա մեկնելուց առաջ, մանավանդ երբ իմանա, որ աղջկա հիվանդությունը վտանգավոր չի եղել: Բայց և այնպես Աննան ուրախ էր, որ գրեց նրան: Այժմ արդեն Աննան խոստովանում էր ինքն իրեն, որ Վոռնսկին նեղվում է իրենից, որ Վոռնսկին ամսոսանքով է թողնում իր ազատությունը՝ Աննայի մոտ վերադառնալու համար, բայց չնայած դրան, նա ուրախ էր, որ Վոռնսկին կգա: Թող Վոռնսկին նեղվի, բայց կլինի այստեղ, իր հետ, որպեսզի ինքը տեսնի նրան: Իմանա նրա յուրաքանչյուր շարժումը:

Աննան նստել էր ընդունարանում, լամպի լույսի տակ, ձեռքին թենի նոր գիրքը և կարդում էր, ահանջ գնելով դրսից լավող քամու ձայնին ու սպասելով ամեն րոպե կառքի գալուն: Մի քանի անգամ նրան թվաց, որ անիվների ձայն լսեց, բայց սխալվեց. վերջապես լավեց ո՛չ միայն անիվների ձայնը, այլև կառապանի կանչը և մի խուլ հնչյուն՝ ծածկոցավոր գլխավոր մուտքի մեջ: Նույնիսկ իշխանազնուհի Վարվառան, որ պասիանս էր բաց անում, հաստատեց այդ բանը, և Աննան բռնկվելով վեր կացավ, բայց փոխանակ գնալու ներքև, ինչպես առաջ գնացել էր երկու անգամ, կանգ առավ: Նա հանկարծ ամաչեց իր խաբեություն համար, բայց ամեն բանից ավելի սարսափելի թվաց այն, թե ինչպե՞ս կընդունի Վոռնսկին իրեն: Վերադարձրի զգացումն անցավ. նա վախենում էր միայն Վոռնսկու դժգոհության արտահայտությունից: Նա հիշեց, որ արդեն երկրորդ օրն է, ինչ բոլորովին առողջ էր աղջիկը: Նա նույնիսկ սրտնեղեց, որ փոքրիկն առողջացավ հենց այն ժամանակ, երբ ուղարկվեց նամակը: Հետո Աննան հիշեց նրան, որ նա այստեղ է, ամբողջովին այստեղ է՝ իր ձեռքերով, աչքերով: Աննան լսեց նրա ձայնը: Եվ մոռացած ամեն ինչ, խնդազին վազեց նրան ընդառաջ:

— Ինչպե՞ս է Անին,— երկուտություն հարցրեց Վոռնսկին ներքևում, նայելով վազելով եկած Աննային:

Վոռնսկին նստել էր աթոռին, իսկ ծառան հանում էր նրա թաք կոշիկները:

— Ոչինչ, լավ է:

— Իսկ դո՞ւ,— ասաց Վոռնսկին, թափ տալով զգեստը:

Աննան երկու ձեռքով բռնեց նրա ձեռքը և քաշեց նրան դեպի իր իրանը, աչք շահագնեցնելով նրանից:

— Ես շատ ուրախ եմ,— ասաց Վոռնսկին սառը զննելով նրան, նրա սանրվածքը, նրա հագուստը, որը, Վոռնսկին դիտեմ, նա հագել էր իր համար:

Այս բոլորը դուր էր գալիս Վոռնսկուն, բայց արդեն քանիքանի՞ անգամ դուր էր եկել: Եվ Վոռնսկու դեմքի վրա երևաց այն քարե-խիստ արտահայտությունը, որից այնպես վախենում էր Աննան:

— Ես շատ ուրախ եմ: Իսկ դու առողջ ես,— ասաց Վոռն-

սկին, թաշկինակով սրբելով թաց մորուքը և համարելով Աննայի ձեռքը:

«Միևնույն է,— մտածում էր Աննան,— միայն թե նա լինի այստեղ, իսկ երբ նա այստեղ է, չի կարող, չի համարձակվի շտրել ինձ»:

Երեկոն անցավ երջանիկ և ուրախ՝ իշխանազնուհի վարվառայի ներկայութեամբ, որը գանգատվում էր Վոռնսկուն, թե Աննան մորֆին էր ընդունում առանց նրան:

— Ի՞նչ պիտի անեի: Չէի կարողանում քնել... Մտքերը խանգարում էին: Իր ներկայութեամբ ես երբեք չեմ ընդունում: Համարյա երբեք:

Վոռնսկին պատմեց ընտրութունների մասին, և Աննան կարողանում էր իր հարցերով հարուցել նրա մեջ հենց այն բանը, ինչն ուրախացնում էր նրան, այսինքն՝ նրա հաջողությունը: Աննան պատմեց նրան այն բոլորը, ինչ հետաքրքրում էր նրան տան մեջ: Եվ Աննայի բոլոր տեղեկությունները վերին աստիճանի ուրախալի էին:

Բայց ուշ երեկոյան, երբ նրանք մնացին մենակ, Աննան, անանելով, որ ինքը նորից լիովին տիրեց նրան, կամեցավ ջնջել նամակի համար իր վրա գցած Վոռնսկու հայացքի ծանր տպավորությունը:

— Խոստովանիր, որ դու բարկացար, ստանալով իմ նամակը և չհավատացիր ինձ:

Հենց որ Աննան ասաց այդ խոսքը, իսկույն հասկացավ, որ ինչքան էլ Վոռնսկին սիրահույզ էր տրամադրված այժմ իր հանդեպ, միևնույն է, չի ներել այդ:

— Այո՛, — ասաց նա: — Նամակն այնպես տարօրինակ էր. մի կողմից հիվանդ է Անին, իսկ մյուս կողմից դու ուզում էիր գալ:

— Այդ բոլորը ճիշտ էր:

— Ես չեմ էլ կասկածում:

— Ո՛չ, դու կասկածում ես. դժգոհ ես, ես տեսնում եմ այդ:

— Ո՛չ մի բան: Ես միայն դժգոհ եմ նրանից, դա ճիշտ է, որ դու կարծես չես ուզում ընդունել, թե կան պարտականություններ...

— Համերգ գնալու պարտականություններ...

— Լավ է, չխոսեմք,— ասաց Վոռնսկին:

— Իսկ ինչո՞ւ չխոսեմք,— վրա բերեց Աննան:

— Ես միայն ուզում եմ ասել, թե կարող եմ պատահել անհրաժեշտ գործեր: Ա՛յ, ահա հիմա ես պետք է գնամ Մոսկվա, տան գործով... Ա՛խ, Աննա, ինչո՞ւ ես դու այդպես զրուգրոված: Մի՛թե դու չգիտես, որ չեմ կարող ապրել առանց քեզ:

— Իսկ եթե այդպես է,— ասաց Աննան հանկարծ փոխված ձայնով,— ուրեմն դու նեղվում ես այս կյանքից... Այո՛, դու գալիս ես մի օրով և մեկնում ես, ինչպես վարվում եմ...

— Աննա, դա անգթություն է: Ես պատրաստ եմ տալու սմբողջ կյանքս...

Բայց Աննան չէր լսում նրան:

— Եթե դու գնաս Մոսկվա, ես էլ կգամ: Ես չեմ մնա այստեղ: Կամ մենք պիտի բաժանվենք, կամ ապրենք միասին:

— Դու հո գիտես, որ դա իմ միակ ցանկությունն է: Բայց դրա համար...

— Հարկավոր է ապահարզան: Ես կգրեմ նրան: Ես տեսնում եմ, որ չեմ կարող այսպես ապրել... բայց ես կգնամ քեզ հետ Մոսկվա:

— Կարծես՝ դու սպառնում ես ինձ: Ես ո՛չ մի բան այնպես չեմ ցանկանում, ինչպես շանջատվել քեզանից,— ասաց Վոռնսկին ժպտալով:

Սակայն նրա աչքերում փայլեց հետապնդվող ու կատաղած մարդու ո՛չ սոսկ սառը, այլև շար հայացք, երբ նա ասում էր այս քնքուշ խոսքերը:

Աննան տեսավ այդ հայացքը և ճիշտ գուշակեց նրա նշանակությունը:

«Եթե այդպես է, ուրեմն դա դժբախտություն է», ասում էր Վոռնսկու հայացքը: Բուպեական տպավորություն էր, բայց Աննան երբեք այլևս չմոռացավ այն:

Աննան նամակ գրեց ամուսնուն, խնդրելով նրան ապահարզանի մասին և նույնպես վերջերին բաժանվելով իշխանազնուհի վարվառայից, որը պետք է գնար Պետերբուրգ, Վոռնսկու հետ միասին տեղափոխվեց Մոսկվա: Յուրաքանչյուր օր սպասելով Ալեքսեյ Ալեքսանդրովիչի պատասխանին և այնուհետև ապահարզանին, նրանք այժմ ամուսինների պես անակություն հաստատեցին միասին:

ՅՈՒՆԻՐՈՐԳ ՄԱՍ

I

Արդեն երրորդ ամիսն էր, որ Լեիններն ապրում էին Մոսկվայում: Վաղուց արդեն անցել էր այն ժամկետը, երբ պետք է ծննդաբերեր Կիտին, համաձայն այդ գործերն իմացող մարդկանց ամենաստույգ հաշիվների: Իսկ նա դեռ չէր բազմացել և ո՛չ մի բանից նկատելի չէր, որ ծննդաբերության ժամանակն այժմ ավելի մոտ էր, քան երկու ամիս առաջ: Ե՛վ բժիշկը, և՛ մանկաբարձուհին, և՛ Դոլլին, և՛ մայրը, և՛ մանավանդ Լեինը, որն առանց սարսափի չէր կարողանում մտածել մոտալուտ դեպքի մասին, սկսում էին համբերությունից դուրս գալ և անհանգստանալ: Կիտին էր միայն, որ իրեն զգում էր միանգամայն հանգիստ ու երջանիկ:

Կիտին այժմ պարզ գիտակցում էր իր մեջ սիրո նոր զգացման սաղմնավորում, դեպի ապագա, իր համար մասամբ արդեն ներկա երեխան և հրացմունքով ընտելանում էր այդ զգացումին: Երեխան այժմ արդեն լիովին Կիտիի մասնիկը չէր, այլ երբեմն ապրում էր իր՝ նրանից անկախ կյանքով: Հաճախ Կիտին ցավ էր զգում այդ բանից, բայց դրա հետ միասին ուզում էր ծիծաղել այդ տարօրինակ նոր ուրախությունից:

Ամենքը, ում սիրում էր Կիտին, նրա հետ էին, և բոլորն այնպես բարի էին նրա հանդեպ, այնպես փայփայում էին նրան, այնպես ամեն բանում նրան պատկերանում էր միայն հաճելին, որ եթե նա չիմանար ու չզգար, թե այս բոլորը պիտի շուտով վերջանա, նա չէր ցանկանա ուրիշ ավելի լավ և ավելի հաճելի կյանք: Նրա համար այդ կյանքի հրապուրյալ փշաքնոզ միակ բանն այն էր, որ նրա ամուսինն այն չէր, որին սիրում էր Կիտին և որպիսին էր նա գյուղում:

Կիտին սիրում էր ամուսնու հանգիստ, գուրգուրալից և հյուրասեր տոնը գյուղում: Իսկ քաղաքում նա շարունակ թվում էր անհանգիստ ու զգույշ, կարծես վախենալով, չլինի թե՛ մեկը վիրավորի իրեն, և, որ գլխավորն է՝ Կիտիին: Այնտեղ՝ գյուղում, հայտնապես իրեն զգալով իր տեղում, չէր շտապում գնալ որևէ տեղ ու երբեք առանց զբաղմունքի չէր լինում: Այնտեղ՝ քաղաքում, նա մշտապես շտապում էր, չլինի՞ թե որևէ բան բաց թողնի, բայց իրապես անելիք չունեք: Եվ Կիտին խղճում էր նրան: Ուրիշներին, Կիտին այդ գիտեք, նա չէր պատկերանում խղճուկ: Ընդհակառակն, երբ հասարակության մեջ Կիտին նայում էր նրան, ինչպես երբեմն նայում են սիրած մարդուն, աշխատելով տեսնել նրան որպես օտարի, որպեսզի կարելի լինի որոշել այն տպավորությունը, որ նա թողնում է ուրիշների վրա,— Կիտին տեսնում էր՝ նույնիսկ իր խանդի համար երկյուղի զգացումով, որ իր ամուսինը ո՛չ միայն խղճուկ չէ, այլ շատ հրապուրիչ է իր մարդավարությանը, իր փոքր-ինչ հնացած, քաշվող քաղաքավարությանը կանանց հետ: Իր ումեղ ֆիզուրով և մանավանդ, ինչպես թվում էր Կիտիին, արտահայտիչ դեմքով: Բայց նա ամուսնուն տեսնում էր ո՛չ թե զրսից, այլ ներսից: Նա տեսնում էր, որ իր ամուսինը այստեղ իսկականը չէ. այլ կերպ Կիտին չէր կարողանում որոշել նրա կացությունը: Երբեմն Կիտին իր հոգում հանդիմանում էր ամուսնուն այն բանի համար, որ նա չի կարողանում ապրել քաղաքում: Իսկ երբեմն էլ գիտակցում էր, որ նրա համար իրոք դժվար էր դասավորել այստեղ իր կյանքն այնպես, որ գոհ լինի այդ կյանքից:

Իսկապես, ի՞նչ պիտի աներ նա: Թղթախաղ չէր սիրում: Ակումբ չէր հաճախում: Կապ պահպանել, շփվել ուրախ աղամարդկանց հետ, ինչպես, օրինակ՝ Օբլոնսկին էր, Կիտին այժմ արդեն գիտեք, թե ի՞նչ է նշանակում... այդ նշանակում էր խմել և խմելուց հետո գնալ ինչ-որ տեղ: Նա առանց սոսկումի չէր կարողանում մտածել, թե ո՛ւր են գնում աղամարդիկ այդպիսի դեպքերում: Լինել բարձր հասարակության մեջ, Բայց Կիտին գիտեք, որ դրա համար պետք է բավականություն գրանել երիտասարդ կանանց հետ մոտիկանալու մեջ, իսկ ինքը չէր կարող ցանկանալ այդ բանը: Նստել տա՞նք կնոջ, մոր և քույրերի հետ: Բայց որքան էլ հաճելի և ուրախ էին Կիտիի համար

միևնույն խոսակցությունները «Ալիսայի-Նադինայի»,— ինչպես անվանում էր ձերունի իշխանը քույրերի միջև տեղի ունեցող այդ խոսակցությունները,— նա գիտեր, որ Լեինի համար դա պիտի ձանձրալի լիներ: Ուրեմն ի՞նչ էր մնում նրան անել: Շարունակել գրել իր դի՞րքը: Նա փորձեց զբաղվել գրանով և սկզբում գնում էր գրադարան՝ քաղվածքներ անելու և տեղեկանքներ հավաքելու իր գրքի համար: Բայց, ինչպես ասում էր նա կնոջը, որքան ավելի երկար ժամանակ ոչինչ չէր անում, այնքան ավելի քիչ ժամանակ էր մնում նրան: Բացի դրանից, նա զանգատվում էր Կիտին, որ ինքն այստեղ չափազանց շատ է խոսել իր գրքի մասին, ուստի դրա հետ կապված բոլոր մտքերը խճճվել են իր գլխում ու կորցրել իրենց հետաքրքրությունը:

Քաղաքային կյանքի միակ օգուտն այն էր, որ այստեղ, քաղաքում, ո՛չ մի վեճ երբեք տեղի չէր ունեցել նրանց միջև: Պատճառն ա՛յն էր արդյոք, որ քաղաքային պայմաններն այլ էին, թե՛ այն, ողջ նրանք երկուսն էլ այդ տեսակետից դարձել էին ավելի զգույշ ու խոհամիտ, բայց Մոսկվայում նրանց մեջ գոտություն չէր ծագել խանդի պատճառով, որից նրանք այնպես վախենում էին, տեղափոխվելով քաղաք:

Այդ տեսակետից պատահեց նույնիսկ մի, նրանց երկուսի համար շատ կարևոր դեպք, այն է՝ Կիտիի հանդիպումը Վոռնսկու հետ:

Մեր իշխանուհի Մարիա Բորիսովնան, Կիտիի սանամայրը, որը շատ էր սիրում նրան, ցանկացավ անպայման տեսնել նրան: Կիտին, որն իր այդ գրությամբ ոչ մի տեղ չէր գնում, հոր հետ զնաց հարգելի պառավի մոտ և այնտեղ պատահեց Վոռնսկուն:

Այդ հանդիպումից Կիտին կարող էր իրեն կշտամբել այն բանում միայն, որ մի վայրկյան, երբ աշխարհիկ զգեստի մեջ ճանաչեց երբեմնի իրեն այնքան ծանոթ դիմագծերը, շունչը կտրվեց, արյունը հորդեց դեպի սիրտը, և վառ կարմրությունը, նա զգաց այդ պատեց իր դեմքը: Բայց շարունակվեց այդ միայն մի քանի վայրկյան: Հայրը, որ դիտմամբ բարձր խոսում էր Վոռնսկու հետ, դեռ չէր վերջացրել իր խոսակցությունը, երբ Կիտին արդեն լիովին պատրաստ էր նայելու Վոռնսկուն, խոսելու նրա հետ, եթե պետք է, ճիշտ այնպես,

ինչպես նա խոսում էր իշխանուհի Մարիա Բորիսովնայի հետ, և որ գլխավորն է, այնպես, որպեսզի ամեն ինչ՝ մինչև վերջին առոգանությունն ու ժպիտը՝ հավանության արժանատի ամուսնու կողմից, որի անտեսանելի ներկայությունը նա կարծես զգում էր իր մոտ այդ րոպեին:

Կիտին ասաց Վոռնսկուն մի քանի խոսք, նույնիսկ հանգիստ ժպտաց նրա կատակի առթիվ՝ ընտրությունների մասին, որոնք Վոռնսկին անվանեց «մեր պառլամենտը»: (Կիտին պետք է ժպտար, որպեսզի ցույց տար, որ հասկացավ կատակը): Բայց նա անմիջապես շուռ եկավ դեպի իշխանուհի Մարիա Բորիսովնան և ոչ մի անգամ չնայեց Վոռնսկուն, մինչև վերջինս վեր կացավ՝ հրածեշտ տալու. այստեղ Կիտին նայեց նրան, բայց հայտնապես այն պատճառով միայն. որ անբաղաքավարություն կլիներ շնայել մի մարդու այն րոպեին, երբ հրածեշտ է տալիս:

Կիտին շնորհակարտ էր հորն այն բանի համար, որ նա իրեն ոչինչ չասաց Վոռնսկուն հանդիպելու մասին. բայց այցից հետո կատարած սովորական զրոսանքի ժամանակ հոր առանձին քնքրությունից Կիտին տեսնում էր, որ հայրը գոհ էր իրենից: Նա ինքն էլ էր գոհ իրենից: Կիտին ո՛չ մի կերպ չէր սպասում, որ ուժ կունենա զսպելու հոգու խորքում դեպի Վոռնսկին տածած նախկին զգացումի բոլոր հիշողությունները և ո՛չ թե միայն թվալ, այլև լիովին լինել անտարբեր ու հանգիստ նրա հանդեպ:

Լեինը կարմրեց Կիտիից շատ ավելի, երբ սա ասաց նրան, որ պատահեց Վոռնսկուն իշխանուհի Մարիա Բորիսովնայի մոտ: Կիտիի համար շատ դժվար էր այդ բանն ասել ամուսնուն, բայց ավելի դժվար էր շարունակել պատմել հանդիպումի մանրամասների մասին, որովհետև Լեինը ոչինչ չէր հարցնում կնոջը, այլ միայն խոժոռված նայում էր նրան:

— Ես շատ ափսոսում եմ, որ դու չկայիր,— ասաց Կիտին:— Ոչ թե, որ դու սննյակում չէիր... ես այնպես բնական չէի լինի քո ներկայությամբ... Ես այժմ կարմրում եմ շատ ավելի, շատ, շա՛տ ավելի,— ասում էր Կիտին, կարմրելով՝ արտասովելու աստիճան:— Ցավում եմ, որ դու չէիր կարող նայել մի ճեղքից:

Ճշմարտափայլ աչքերն ասում էին Լեինին, որ Կիտին գոհ

էր իրենից, և Լեինը, շնայած որ կինը կարմրում էր, անմիջապէս հանգստացավ ու սկսեց հարցուփորձ անել նրան. այն, որ ուզում էր Կիտին: Երբ Լեինն իմացավ բոլորը, մինչև անգամ այն մանրամասնութիւնը, որ կինը միայն առաջին վայրկյանին չկարողացավ չկարմրել, բայց որ հետո նա իրեն նույնպէս պարզ ու թեթև էր զգում, ինչպէս յուրաքանչյուր պատահական մարդու հետ, Լեինն ուրախացավ և ասաց, որ ինքը շատ ուրախ է դրա համար ու այսուհետև այնպէս տրխմաբաբար չի վարվի, ինչպէս ընտրութիւններին, այլ կաշխատի առաջին հանդիպման դեպքում լինել Վոռնսկու հետ, որքան հնարավոր է, ավելի սիրալիր:

— Այնպէս տանջալից է մտածելը, թե կա մի մարդ, համարյա թշնամի, որին պատահելը ծանր է,— ասաց Լեինը:— Ես շատ, շատ ուրախ եմ:

II

— Ուրեմն խնդրեմ անցնես Բուերի մոտ,— ասաց Կիտին ամուսնուն, երբ նա ժամը տասնմեկին, տանից դուրս գնալուց առաջ, մտավ կնոջ մոտ:— Ես գիտեմ, որ դու ճաշում ես ակումբում, հայրիկը գրել է քեզ: Իսկ առավոտյան ի՞նչ ես անում:

— Պիտի գնամ Կատավասովի մոտ միայն,— պատասխանեց Լեինը:

— Իսկ ինչո՞ւ այդքան վաղ:

— Նա խոստացավ ինձ ծանոթացնել Մետրովի հետ: Ես կուզենայի խոսել նրա հետ իմ աշխատութեան մասին, նա Պետերբուրգի հայտնի գիտնական է,— ասաց Լեինը:

— Հա՛, այդ նրա հոգվածն էիր այնպէս գովում դու: Իսկ հետո՞,— հարցրեց Կիտին:

— Գուցե մտնեմ նաև դատարան՝ քրոջս գործով:

— Իսկ համերգ չե՞ս գնում,— հարցրեց Կիտին:

— Է՛հ, մենակ ի՞նչ գնամ:

— Ո՛չ, գնա՛, այնտեղ կատարում են այդ նոր բաները... Դա քեզ այնպէս հետաքրքրում էր: Ես անպատճառ կգնայի:

— Համենայն դեպս՝ ճաշից առաջ ես կգամ տուն,— ասաց Լեինը, նայելով ժամացույցին:

— Հազիր սյուրտուկդ, որպեսզի ուղղակի գնաս կոմսուհի Բուլի մոտ:

— Մի՞թե դա հարկավոր է անպայման:

— Ա՛խ, անպայման: Կոմսը եղավ մեզ մոտ: Է՛, մի՞թե դժվար է այդ քեզ համար: Կգնաս, կնստես, մի հինգ րոպե կիսոսես եղանակի մասին, վեր կկենաս ու կգաս:

— Կհավատա՞ս, ես այնպէս խորթացել եմ դրանից, և հենց այդ բանը ճնշում է ինձ: Ի՞նչ բան է այդ: Գալիս է օտար մի մարդ ու նստում, նստեց առանց որևէ գործի, խանգարեց նրանց, փշացրեց իր տրամադրութիւնը և դուրս գնաց:

Կիտին ծիծաղեց:

— Բայց չէ՞ որ դու այցելութիւններ անում էիր ամուրի ժամանակդ,— ասաց նա:

— Անում էի, սակայն միշտ ճնշվում էի, իսկ հիմա այնպէս եմ ետ վարժվել, որ աստված վկա՝ ավելի լավ է երկու օր չճաշել այդ այցի փոխարեն: Այնպէս ճնշվում, քաշվում եմ: Ինձ շարունակ թվում է, թե նրանք կվիրավորվին, կասեն՝ ինչո՞ւ ես եկել առանց գործի:

— Ո՛չ, չեն վիրավորվի: Դրա համար ես պատասխանատու եմ,— ասաց Կիտին, նայելով նրա դեմքին ծիծաղով: Նա վերցրեց ամուսնու ձեռքը:— Դե՛հ, գնաս բարով... Գնա՛, խնդրեմ:

Լեինն արդեն ուզում էր դուրս գնալ՝ կնոջ ձեռքը համբուրելուց հետո, երբ Կիտին կանգնեցրեց նրան:

— Կոստյա, գիտե՞ս արդյոք, որ ինձ մոտ մնում է միայն հիսուն ուրբի:

— Է՛, ի՞նչ կա որ, կգնամ բանկից կվերցնեմ, ինչքա՞ն է պետք,— հարցրեց Լեինը՝ կնոջը ծանոթ դժգոհութեան արտահայտութեամբ:

— Ո՛չ, սպասիր:— Կիտին բռնեց նրա ձեռքից:— Խոսենք, դա ինձ անհանգստացնում է: Կարծես, ես ավելորդ ոչինչ չեմ ծախսում, մինչդեռ դրամը հավվում է ու հավվում: Երևի, կա մի բան, որ մենք այնպէս չենք անում, ինչպէս պետք է:

— Ամենևին,— ասաց Լեինը հազալով ու նայելով նրան աչքի տակով:

Այդ հազը ծանոթ էր Կիտինին: Այդ ամուսնու խիստ դժգոհութեան արտահայտութիւնն էր, դժգոհութիւնն ո՛չ թե կնոջից,

այլ ինքն իրենից: Լևինը իրոք դժգոհ էր, բայց ո՛չ այն բանից, որ դրամ շատ էր ծախսվում, այլ որ նրան հիշեցնում էին այն, ինչի մասին ինքը կամենում է մոռանալ, իմանալով, որ այստեղ ինչ-որ վատ բան կա:

— Ես հրամայեցի Սոկոլովին վաճառել ցորենը և ջրաղացի համար վերցնել կանխապես: Համենայն դեպս՝ դրամ կլինի:

— Ո՛չ, բայց ես վախենում եմ, որ առհասարակ շատ...

— Ամենևին, ամենևին, — կրկնեց Լևինը: — Դե՛հ, մնաս բարով, հոգյա՛կա:

— Չէ՛, իրոք, ես երբեմն ափսոսում եմ, որ լսեցի մայրիկին: Ինչ լա՛վ կլինեք գյուղում: Թե չէ՛՝ ես բոլորիդ տանջեցի, և մենք ծախսում ենք դրամը...

— Ամենևին, ամենևին: Դեռ երբեք չի պատահել, այն օրից սկսած, երբ ես ամուսնացել եմ, որ ասեի, թե այլ կերպ ավելի լավ կլինեք, քան ինչպես է՛:

— Ճշմարի՛տ, — ասաց Կիտին, նայելով ամուսնու աչքերին:

Լևինը այդ ասաց առանց մտածելու, միայն թե մխիթարիկ կնոջը: Բայց երբ նայելով Կիտին, տեսավ, որ այդ ճշմարտաշող, սիրելի աչքերը հարցական հատած են իրեն, նույնը կրկնեց ի սրտե: «Ես վճռականապես մոռանում եմ նրան», մտածեց Լևինը: Ու հիշեց այն, ինչն այնպես մոտ ապագայում սպասում էր իրենց:

— Իսկ շո՛ւտ կլինի: Ի՞նչ է ասում քո զգացողությունը, — շշնջաց Լևինը, բռնելով կնոջ երկու ձեռքը:

— Ես այնքան շատ եմ մտածել, որ հիմա ոչինչ չեմ մտածում ու չգիտեմ:

— Եվ սարսափելի չէ՞:

Կիտին արհամարհալից քմծիծաղեց:

— Ամենևին, — ասաց նա:

— Ուրեմն, եթե որևէ բան պատահի, ես Կատավասովի մոտ եմ:

— Ո՛չ, ոչինչ չի լինի, այդ մասին մի՛ մտածիր: Ես հայրիկի հետ կերթամ այգի զրոսնելու: Մենք կմտնենք Գոլլիի մոտ: Ճաշից առաջ սպասում եմ քեզ: Ա՛խ, հա: Գիտե՞ս, որ Գոլլիի դրությունը դառնում է բոլորովին անտանելի: Նա բո-

լորին պարտք է և դրամ չունի: Երեկ մինք խոսում էինք մայրիկի և Արսենիի հետ (այդպես էր կանչում նա իր քույր Լվովայի ամուսնուն) և վճռեցինք քեզ ու նրան զցել Ստիվայի վրա: Այդ միանգամայն անտանելի բան է: Հայրիկի հետ չի կարելի խոսել դրա մասին... Բայց եթե դու և նա...

— Իսկ ի՞նչ կարող ենք անել մենք, — ասաց Լևինը:

— Համենայն դեպս դու կլինես Արսենիի մոտ, խոսի՛ր նրա հետ. նա քեզ կասի, թե ի՞նչ ենք վճռել մենք:

— Արսենիի հետ ես նախապես ամեն բանի համաձայն եմ: Ուրեմն ես կերթամ նրա մոտ: Ի դեպ, եթե ուզենամ զնալ համերգ, կերթամ Նատալիի հետ: Դե՛հ, մնաս բարով:

Իրսի սանդուղքների վրա, տակավին ամուրի կյանք վարող ծերունի սպասավոր Կուզման, որ վարում էր քաղաքային տնտեսությունը, կանգնեցրեց Լևինին:

— Սիրունիկը (դա առեղի ձախակողմի ձին էր, որ բերել էին գյուղից) նորից պայտեցին, բայց էլի կաղում է, — ասաց նա: — Ի՞նչ կհրամայեք:

Սկզբում Մոսկվայում Լևինին զբաղեցնում էին գյուղից բերած ձիերը: Նա ուզում էր տնտեսության այդ մասը սարքել, որքան հնարավոր է, ավելի լավ և ածան. բայց բանից դուրս եկավ, որ սեփական ձիերն ավելի թանկ էին նստում, քան կառապանականները, և այսուամենայնիվ, կառապան վարձում էին:

— Հրամայիր, թող մարդ ուղարկեն ձիաբույժի ետևից, գուցե սմբակի վրա շարդվածք կա:

— Իսկ Կատերինա Ալեքսանդրովնայի համար, — հարցրեց Կուզման:

Լևինին այժմ այլևս չէր զարմացնում, ինչպես Մոսկվայում նրա կյանքի սկզբնական շրջանում, որ Վոզդվիժենկայից Սիվցև-Վրոսեկ զնալու համար պետք էր ծանր կառեթին լծել մի գույզ ուժեղ ձիեր, տանել այդ կառեթը ձյան միջով քառորդ վերստ ու կանգնել այնտեղ շորս ժամ, վճարելով դրա համար հինգ ռուբլի: Այժմ արդեն այդ նրան թվում էր բնական:

— Կառապանին հրամայիր, որ մի գույզ ձի լծի մեր կառեթին, — ասաց նա:

— Լսում եմ:

Եվ այսպես պարզ ու թեթև վճռելով, շնորհիվ քաղաքային պայմանների, այն դժվարությունը, որը գյուղում կպահանջեր այնքան անձնական աշխատանք և ուշադրություն, Լեինը դուրս եկավ սանդղամուտք ու կառք կանչելով, նստեց գնաց նիկիտսկայա: Ճանապարհին նա այլևս չէր մտածում դրամի մասին, այլ խորհում էր, թե ինչպե՛ս ինքը կծանոթանա Պետերբուրգի գիտնականի հետ, որը զբաղվում էր սոցիոլոգիայով, և կխոսի նրա հետ իր գրքի մասին:

Լեինին զարմացնում էին Մոսկվայում, ամենաառաջին օրերին միայն՝ գյուղական բնակչի համար տարօրինակ, ապարդյուն, բայց անխուսափելի այն ծախսերը, որ պահանջվում էին ամեն կողմից: Բայց այժմ նա արդեն ընտելացել էր դրանց: Նրա հետ այդ տեսակետից պատահեց այն, ինչ պատահում է, ասում են, հարբեցողների հետ. առաջին գավաթը՝ քրքոթալով, երկրորդը՝ տրճիկ տալով, իսկ երրորդից հետո՝ խայտալով: Երբ Լեինը մանրում էր առաջին հարյուր ռուբլիանոցը՝ լիվրեններ գնելու լակեյի և բարապանի համար, նա ակամա հասկացավ, որ այդ լիվրենները ոչ ոքի պետք չեն, բայց անխուսափելիորեն անհրաժեշտ են, նկատի ունենալով այն, թե ինչպես զարմացան իշխանուհին ու Կիտին, երբ ինքն ականարկեց, որ կարելի է յո՛ւա գնալ առանց լիվրեի, որ այդ լիվրենները կարժենան ամառվա երկու բանվոր, այսինքն՝ մոտ երեք հարյուր աշխատանքային օր, զատկից մինչև պաս, այն էլ առավոտից մինչև ուշ երեկո տևող ծանր աշխատանքի օր, և այդ հարյուր ռուբլիանոցը գնում էր դեռ քրքոթալով: Բայց հետևյալ հարյուրանոցը, որ մանրվեց ազգականներին տրվելիք ճաշի մթերք գնելու համար (այդ նստեց քսանութ ռուբլի), թեպետև Լեինին հիշել տվեց, թե քսանութ ռուբլին անում է ինը սոմար վարսակ, որ հնձել, կպպել, կալսել, էրնել, մաղել ու հավաքել էին քրտնելով և տնքալով,— այսուամենայնիվ գնաց ավելի թեթև: Իսկ այժմ մանրվող թղթադրամները վաղուց արդեն այլևս չէին հարուցում այդպիսի մտքեր և թռչում էին խայտալով: Վաղուց արդեն կորել էր այն նկատառումը, թե համապատասխանում է արդյոք դրամ ձեռք բերելու համար գործ դրված աշխատանքն այն բավականությունը, որ պատճառում է դրամով գնածը: Մոռացված էր նույնպես այն տրեստեսական հաշիվը, թե կա որոշ գին, որից պակաս չի կարելի

վաճառել որոշ հացահատիկ: Հաճարը, որի գինը նա այնքան երկար ժամանակ հաստատ պահում էր, ծախվեց սոմարը հիսուն կոպեկով ավելի էժան, քան այն գինը, որ տալիս էին մի ամիս փոաջ: Ոչ մի նշանակություն չունեի այլևս նույնիսկ այն հաշիվը, թե այդպիսի ծախսերի դեպքում հնարավոր չի լինի տարին անցկացնել առանց պարտքի: Պահանջվում էր միայն մի բան. բանկում ունենալ դրամ, առանց հարցնելու, թե որտեղի՛ց է այն, որպեսզի մարդ միշտ իմանար, թե վաղը ինչո՞վ կարելի է գնել տավարի միս: Եվ այդ հաշիվը մինչև այսօր նա պահպանում էր. նա միշտ դրամ ուներ բանկում: Բայց հիմա բանկում եղած դրամը ծախսվեց, և նա լավ չգիտեր, թե որտեղի՛ց դրամ վերցնի: Եվ այդ մի ըրպե փշացրեց նրա տրամադրությունը, երբ Կիտին հիշեցրեց դրամի մասին. սակայն նա ժամանակ չունեի դրա մասին մտածելու: Նա գնում էր, միտք անելով Մետրովի հետ ծանոթանալու և Կատավասովի մասին:

III

Լեինն այս անգամ Մոսկվա գալուն նորից մոտիկ շփման մեջ մտավ իր համալսարանական նախկին ընկերոջ՝ պրոֆեսոր Կատավասովի հետ, որին չէր տեսել իր ամուսնությունից հետո: Կատավասովը նրան հաճելի էր իր աշխարհայեցողության պայծառությամբ ու պարզությամբ: Լեինը կարծում էր, որ Կատավասովի աշխարհայեցողության պայծառությունը բխում էր նրա բնության աղքատությունից, իսկ Կատավասովը կարծում էր, որ Լեինի մտքի անհետևողականությունը բխում էր նրա խելքի դիսցիպլինայի պակասից. բայց Կատավասովի պայծառությունը հաճելի էր Լեինին, և Լեինի դիսցիպլինայի շենթարկված մտքերի առատությունը հաճելի էր Կատավասովին, ու նրանք սիրում էին հանդիպել իրար և վիճել:

Լեինը կարդաց իր աշխատության մի քանի տեղերը Կատավասովին, և դրանք դուր եկան նրան: Երեկ հանդիպելով Լեինին հրապարակական դասախոսության ժամանակ, Կատավասովն ասաց նրան, թե հայտնի Մետրովը, որի հողվածն այնպես դուր եկավ Լեինին, գտնվում է Մոսկվայում և շատ

հետաքրքրվեց այն բանով, ինչ ասաց նրան Կատավաստվր
Լեինի աշխատութեան մասին, և որ Մետրովը վաղը լինելու է
իր մոտ, ժամը տասնմեկին, ու շատ ուրախ կլինի նրա հետ
ծանոթանալու համար:

— Հայտնապես ուղղվում եք, բարեկամ, հաճելի է տեսնել
այդ,— ասաց Կատավաստվր, դիմավորելով Լեինին փոքրիկ
ընդունարանում:— Ես լսում եմ զանգի ձայն և մտածում, չի
կարող պատահել, որ ժամանակին գա... Հը՞, Ի՞նչ կասեք, ինչ-
պե՞ս են չերնագործները: Ի բն ռազմիկներ են:

— Ի՞նչ կա որ,— հարցրեց Լեինը:

Կատավաստվր մի քանի խոսքով հայտնեց նրան վերջին տե-
ղեկությունները և մտնելով առանձնասենյակ, ծանոթացրեց
Լեինին ոչ-բարձրահասակ, ամրակազմ, շատ հաճելի արտա-
քինով մի մարդու հետ: Դա Մետրովն էր: Կարճ ժամանակով
խոսակցությունը կանգ առավ քաղաքականության և այն բա-
նի վրա, թե ինչպե՞ս են նայում Պետերբուրգի բարձր շրջան-
ներում վերջին դեպքերին: Մետրովը հաղորդեց հավաստի
աղբյուրից իրեն հայտնի այն խոսքերը, որ իբր ասել էր այդ
առթիվ թագավորը և մինիստրներից մեկը: Իսկ Կատավաստ-
վր նույնպես լսել էր հավաստիորեն, որ թագավորը բոլորո-
վին այլ բան էր ասել: Լեինն աշխատեց մտածել այնպիսի մի
իրազեկ, որտեղ կարող էին ասված լինել թե՛ մեկ, թե՛
մյուս խոսքերը, և ընդհատվեց այս թեմայի շուրջն սկսված
խոսակցությունը:

— Ա՛յ, ահա գրել է համարյա մի ամբողջ գիրք հողի
հանդեպ բանվորի բնական պայմանների մասին,— ասաց
Կատավաստվր,— ես մասնագետ չեմ, բայց ինձ, որպես բը-
նագետի, դուր եկավ այն, որ նա մարդկությունը վերցնում է
ոչ իբրև կենդանաբանական օրենքներից դուրս մի բան, այլ
ընդհակառակն, տեսնում է նրա կախումը միջավայրից ու
այդ կախման մեջ փնտրում է զարգացման օրենքները:

— Դա շատ հետաքրքիր է,— ասաց Մետրովը:

— Իսկպպես ես սկսեցի գրել գյուղատնտեսական գիրք
բայց սկամա զբաղվելով գյուղատնտեսության գլխավոր գոր-
ծիքով՝ բանվորով,— ասաց Լեինը կարմրելով,— հասա բոլո-
րովին անսպասելի հետևանքների:

Նվ Լեինը սկսեց զգույշ, կարծես՝ հող շոշափելով, նկա-

րագրել իր հայեցակետը: Նա գիտեր, որ Մետրովը մի հող-
ված էր գրել ընդհանուրի կողմից ընդունված քաղաքատըն-
տեսության ուսմունքի դեմ, բայց թե ո՞ր աստիճան կարող էր
հուսալ ինքը, որ Մետրովը համակրանքով կվերաբերվի իր
նոր տեսակետներին, չգիտեր և չէր կարող գուշակել գիտնա-
կանի խելոք ու հանգիստ դեմքից:

— Բայց դուք ինչի՞ մեջ եք տեսնում ռուս բանվորի
առանձնորոշ հատկությունները,— հարցրեց Մետրովը. այս-
պես ասած՝ նրա կենդանաբանական հատկությունների մեջ,
թե՞ այն պայմանների, սրոնց մեջ գտնվում է նա:

Լեինը տեսնում էր, որ այդ հարցի մեջ արդեն արտա-
հայտվում էր այն միտքը, որին համաձայն չէր ինքը. բայց
նա շարունակեց իր միտքը, որի էությունն այն էր, թե ռուս
բանվորը հողի վերաբերյալ բոլորովին առանձնահատուկ
հայեցակետ ունի, քան մյուս ժողովուրդները: Եվ այդ սկզբ-
րունքն ապացուցելու համար նա շտապեց ավելացնել, թե իր
կարծիքով ռուս ժողովրդի այդ հայեցակետը բխում է այն
գիտակցությունից, որ ինքը կոչված է բնակության մար
գրավելու արևելքում եղած հսկայական ազատ տարածությունները:

— Հեշտությամբ կարելի է մոլորության մեջ ընկնել, եզ-
րակացություն անելով ժողովրդի ընդհանուր կոշումի մա-
սին,— ասաց Մետրովը, ընդհատելով Լեինին:— Բանվոր
գասակարգի կացությունը միշտ կախված կլինի նրա վերա-
բերմունքից դեպի հողը և կապիտալը:

Ու այլևս թույլ չտալով Լեինին վերջացնելու իր միտքը,
Մետրովն սկսեց պատմել նրան իր ուսմունքի առանձնա-
հատկությունը:

Թե ի՞նչն էր կազմում նրա ուսմունքի առանձնահատկու-
թյունը, Լեինը չհասկացավ, որովհետև չէր էլ աշխատում
հասկանալ. նա տեսնում էր, որ Մետրովը, ինչպես և ուրիշ-
ները, չնայած իր հողվածին, որտեղ նա հերքում էր տնտե-
սագետների ուսմունքը, այսուհանդերձ՝ ռուս բանվորի վրա
նայում էր միայն կապիտալի, աշխատավարձի և ռենտայի
տեսակետից: Թեպետև նա ստիպված էր խոստովանել, որ
Արևելյան Ռուսաստանի ամենամեծ մասում ռենտան դեռ
կազմում էր զրո, որ ութսուն միլիոն ռուս ժողովրդի ինք
տասներորդի համար աշխատավարձն արտահայտվում է մի-

այն ինքն իրեն կերակրելու մեջ, և որ կապիտալը տակավին այլ կերպ գոյութուն չունի, քան ամենանախնական գործիքների ձևով, բայց նա միայն այդ տեսակետով էր քննարկում յուրաքանչյուր բանվորի, թեպետև շատ բանում հաժախ ձայն չէր տնտեսագետների հետ ու աշխատավարձի մասին ունեւր իր նոր տեսութունը, որը և նկարագրեց Լեինին:

Լեինը լսում էր զժկամորեն և սկզբում առարկում էր: Նա ուզում էր ընդհատել Մետրովին, որպեսզի ասի իր միտքը, որը, նրա կարծիքով, պետք է ավելորդ դարձներ հետագա շարադրանքը: Բայց հետո համոզվելով, որ իրենք այն աստիճան տարբեր հայեցակետով են նայում գործին, որ երբեք իրար չեն հասկանա, այլևս չէր հակաճառում ու միայն լսում էր: Չնայած որ նրա համար այժմ արդեն բոլորովին հետաքրքիր չէր այն, ինչ ասում էր Մետրովը, բայց և այնպես որոշ բավականություն էր զգում, լսելով նրան: Լեինի ինքնասիրությունը շոյված էր այն հանգամանքով, որ այդպիսի գիտնական մի մարդ այդքան սիրով, այդքան ուշադրությամբ և առարկան իմանալու տեսակետից Լեինի նկատմամբ այդպիսի վստահությամբ էր արտահայտում նրան իր մտքերը, երբեմն մի ակնարկով նշելով գործի ամբողջ կողմը: Լեինն այդ վերագրում էր իր արժանիքին, չիմանալով, որ Մետրովը խոսելով իր մոտիկների հետ, առանձնապես հաճույքով խոսում էր այդ առարկայի մասին, մանավանդ նոր մարդու հետ, և առհասարակ սիրով խոսում էր ամենքի հետ՝ իրեն զբաղեցնող, իր համար տակավին ո՛չ պարզ նյութի մասին:

— Սակայն մենք կուշանանք,— ասաց Կատավասովը, նայելով ժամացույցին, հենց որ Մետրովը վերջացրեց իր միտքը:

— Այո՛, այսօր սիրողների ընկերությունում նիստ կա Սվինտիչի հիսնամյա հոբելյանի հիշատակի առթիվ,— ասաց Կատավասովը, պատասխանելով Լեինի հարցին:— Մենք պատրաստվում էինք գնալ այնտեղ Պյոտր Իվանիչի հետ: Ես խոստացել եմ զեկուցել կենդանաբանության վերաբերյալ նրա աշխատությունների մասին: Գնանք մեզ հետ, շատ հետաքրքրական է:

— Իսկապես որ ժամանակն է,— ասաց Մետրովը:— Գը-

նանք մեզ հետ, իսկ այնտեղից, եթե կամենաք, ինձ մոտ: Ես շատ կուզենայի լսել ձեր աշխատությունը:

— Ո՛չ, ի՛նչ կարիք կա: Դա գեո այնպես... վերջացած չէ: Բայց նիստի ուրախությամբ կգամ:

— Էլ ի՛նչ եք ուզում, բարեկա՛մ, լսեցի՞՞ք: Առանձին կարծիք հայտնեց,— ասաց Կատավասովը մյուս սենյակում, հագնելով ֆրակը:

Եվ սկսեց խոսակցությունը համալսարանի հարցի մասին:

Համալսարանի հարցը շատ կարևոր դեպք էր այդ ձմեռ Մոսկվայում: Երեք ժերունի պրոֆեսորներ խորհրդում շքնդունեցին երիտասարդների կարծիքը. երիտասարդները ներկայացրին իրենց առանձին կարծիքը: Ոմանց դատողությամբ՝ այդ կարծիքը սոսկալի բան էր, ուրիշների դատողությամբ՝ ամենահասարակ ու իրավացի կարծիք էր, և պրոֆեսորները բաժանվեցին երկու խմբի:

Ոմանք, որոնց թվին պատկանում էր Կատավասովը, տեսնում էին հակառակ կողմի մեջ ստոր մատնություն ու խաբեություն. մյուսները՝ մանկամտություն և անհարգալից վերաբերմունք դեպի հեղինակությունները: Լեինը թեպետ չէր պատկանում համալսարանին, բայց մի քանի անգամ իր Մոսկվա եղած ժամանակ արդեն լսել ու խոսել էր այդ գործի մասին և այդ առթիվ կազմել էր իր կարծիքը. նա մասնակցեց խոսակցությանը, որը շարունակվեց նաև փողոցում, մինչև երեքն էլ հասան հին համալսարանի շենքին:

Նիստն արդեն սկսվել էր: Մահուղով ծածկած սեղանի մոտ, որի առաջ նստեցին Կատավասովը և Մետրովը, նըստել էին վեց հոգի, որոնցից մեկը, խիստ կուացած դեպի ձեռագիրը, կարդում էր ինչ-որ բան: Լեինը նստեց սեղանի շուրջը զրած գատարկ աթոռներից մեկին և շշուկով հարցրեց այդտեղ նստած ուսանողին, թե ի՛նչ են կարդում: Ուսանողը զժկամությամբ դիտելով Լեինին, ասաց.

— Կենսագրությունը:

Թեև Լեինը չէր հետաքրքրվում գիտնականի կենսագրությամբ, բայց ակամա լսում էր և որոշ հետաքրքրական ու նոր բան իմացավ հուշակավոր գիտնականի կյանքի մասին: Երբ ընթերցողը վերջացրեց, նախագահը շնորհակալու-

թյուն հայտնեց նրան ու կարդաց այդ հոբելյանի առթիվ բանաստեղծ Մենտի իրեն ուղարկած ոտանավորը և շնորհակալության մի քանի խոսք ասաց հեղինակի հասցեին: Լետո Կատավասովն իր բարձր, ճշուն ձայնով կարդաց իր դրածը հոբելյարի գիտական աշխատությունների մասին:

Երբ Կատավասովը վերջացրեց, Լեինը նայեց ժամացույցին, տեսավ, որ արդեն երկրորդ ժամն է, և մտածեց, որ մինչև համերգն ինքը չի կարող կարդալ իր երկը Մետրովին, բացի դրանից, այժմ այլևս չէր էլ ուղում անել այդ: Ընթերցման միջոցին էլ նա մտածում էր եղած խոսակցության մասին: Նրա համար այժմ պարզ էր, որ թեև Մետրովի մտքերը գուցե և նշանակություն ունեն, բայց իր մտքերն էլ նշանակություն ունեն. այդ մտքերը կարող են պարզվել ու որոշ բանի հանգել այն ժամանակ միայն, եթե իրենցից յուրաքանչյուրը աշխատի առանձին՝ իր ընտրած ճանապարհին, իսկ այդ մտքերի հաղորդումից չի կարող ոչինչ ստացվել: Ու վճռելով հրաժարվել Մետրովի հրավերից, Լեինը նիստի վերջում մոտեցավ նրան: Մետրովը Լեինին ծանոթացրեց նախագահի հետ, որի հետ խոսում էր քաղաքական նորությունների մասին: Ըստ այսմ, Մետրովը պատմեց նախագահին միևնույն բանը, ինչ պատմել էր Լեինին, իսկ Լեինն արեց նույն դիտողությունները, ինչ արդեն արել էր այսօր առավոտյան, բայց զանազանակերպության համար արտահայտեց նաև իր նոր կարծիքը, որ եկավ նրա գլուխը հենց այդտեղ: Դրանից հետո նորից խոսակցությունն սկսվեց համալսարանի հարցի մասին, որովհետև Լեինն այս բոլորն արդեն լսել էր, ուստի շտապեց ասելու Մետրովին, թե ավստոսում է, որ չի կարող օգտվել նրա հրավերից, հրաժեշտ տվեց ու գնաց Լվովի մոտ:

IV.

Լվովը, Նատալիի՝ Կիտիի քրոջ ամուսինը, ամբողջ կյանքը անց էր կացրել մայրաքաղաքներում. ու արտասահմանում, որտեղ և դաստիարակվել ու պաշտոնավարել էր որպես դիվանագետ:

Անցյալ տարի նա թողեց դիվանագիտական ծառայու-

թյունը, ոչ թե անախորժության հետևանքով (նա երբեք ոչ ոքի հետ անախորժություններ չէր ունենում), և պաշտոնի անցավ պալատական գերատեսչության մեջ Մոսկվայում, որպեսզի կարողանա լավագույն կերպով դաստիարակել իր երկու մանչուկներին:

Մնայած իրենց սովորությունների ու հայացքների ամենախիստ հակադրությանը և այն բանին, որ Լվովը մեծ էր Լեյից, նրանք այդ ձմեռը շատ մտերմացան ու սիրեցին իրար:

Լվովը տանն էր, և Լեինն առանց զեկուցման մտավ նրա մոտ:

Լվովը սնային գոտկավոր սյուրտուկով, զամշե կոշիկներով, նստել էր բազկաթոռին և աչքերին կապույտ ապակիներով pince-nez, կարդում էր գրակալի վրա դրած գիրքը, գեղեցիկ ձեռքին բավական հեռու բռնած՝ կիսով չափ մոխրակալած սիգարր:

Նրա գեղեցիկ, նուրբ ու տակավին ջահել դեմքը, որին ավելի ևս տոհմիկ արտահայտություն էին տալիս գանդուր, արծաթափայլ, ալեխառն մազերը, պայծառացավ ժպտից, երբ նա տեսավ Լեինին:

— Հրաշալի է, Իսկ ես ուղում էի մարդ ուղարկել ձեզ մոտ: Հը՛, ինչպես է Կիտին: Նստեք այստեղ. ավելի հանգիստ է...— նա վեր կացավ ու մոտեցրեց ճոճաթոռը.— Կարդացե՛լ եք Journal de St.-Petersbourg՝-ի մեջ վերջին շրջաբերականը: Իմ կարծիքով, հիանալի է,— ասաց նա մի փոքր ֆրանսիական առոգանությամբ:

Լեինը պատմեց Կատավասովից իր լսածն այն մասին, թե ինչ են խոսում Պետերբուրգում, և խոսելով քաղաքականությունից, պատմեց Մետրովի հետ իր ծանոթանալու և նիստին գնալու մասին: Դա շատ հետաքրքրեց Լվովին:

— Այ, ես նախանձում եմ ձեզ, որ դուք մուտք ունեք այդ հետաքրքրական գիտական աշխարհը,— ասաց նա: Եվ տարվելով խոսակցությամբ, սովորականի պես, անմիջապես, անցավ իր համար հարմար ֆրանսերեն լեզվին:— Ծիշտոն ասած, ես ժամանակ էլ չունեմ: Իմ թե՛ ծառայությունը, թե՛

1) Սանկտ Պետերբուրգի ամսագրում:

երեխաների հետ զբաղվելը զրկում են ինձ դրանից. բացի դրանից, ես առանց ամաչելու կասեմ, որ իմ կրթութիւնը չափազանց անբավարար է:

— Ես այդ կարծիքին չեմ,— ասաց Լեինը ժպտալով և, ինչպես միշտ, հուզվելով կվովի ինքն իր մասին ունեցած ցածր կարծիքից, որ բնավ շինծու չէր՝ համեստ թվալու կամ նույնիսկ համեստ լինելու ցանկութեամբ, այլ միանգամայն անկեղծ էր:

— Ա՛խ, ինչպե՛ս չէ: Ես այժմ զգում եմ, թե որքան թերի է իմ կրթութիւնը: Երեխաների դաստիարակութեան համար ես ստիպված եմ նույնիսկ շատ բան թարմացնել հիշողութեանս մեջ և ուղղակի սովորել: Որովհետև քիչ է այն, որ լինեն ուսուցիչներ, հարկավոր է, որ լինի հսկող, ինչպես ձեր տնտեսութեան մեջ հարկավոր են աշխատողներ և վերակացու: Ահա ես կարդում եմ,— նա նշեց Բուսլանի քերականութիւնը, որ դրված էր գրակալի վրա,— պահանջում են Միշտայից, և դա այնպես դժվար է... Ա՛յ, հապա բացատրեք ինձ: Այստեղ նա ասում է...

Լեինն ուզում էր բացատրել նրան, որ չի կարելի հասկանալ այդ, այլ պետք է սովորել. բայց կվովը համաձայն չէր նրա հետ:

— Ա՛յ, դուք ծիծաղում եք դրա վրա:

— Ընդհակառակն, դուք շեք կարող երեւակայել, թե ինչպե՛ս ես, նայելով ձեզ, միշտ սովորում եմ այն, ինչ սպասում է ինձ,— այսինքն՝ երեխաների դաստիարակութիւնը:

— Է՛, սովորելու բան չկա.— ասաց կվովը:

— Ես գիտեմ միայն,— ասաց Լեինը,— որ չեմ տեսել ավելի դաստիարակված երեխաներ, քան ձերն են, և չէի կամենա ունենալ ձեր երեխաներից ավելի լավ երեխաներ:

Կվովը հավանորեն ուզում էր զսպել իրեն, որ շարտահայտի իր ուրախութիւնը. բայց նրա դեմքին ալակամ փայլեց մի ժպիտ:

— Միայն թե ինձնից ավելի լավ լինեն: Ահա այն բոլորը, ինչ ցանկանում եմ ես,— ասաց նա:— Դուք դեռ չգիտեք այն ամբողջ դժվարութիւնը տղաների հետ, որոնք, ինչպես մեր երեխաները, անուշադրութեան էին մատնվել արտասահմանյան կյանքի պայմաններում:

Այդ բոլորը տեղը կբերվի նրանք այնպե՛ս ընդունակ երեխաներ են: Գլխավորը բարոյական դաստիարակութիւնն է: Ահա՛ թե ի՛նչ եմ սովորում ես, նայելով ձեր երեխաներին:

— Դուք ասում եք՝ բարոյական դաստիարակութիւն: Անկարելի է պատկերացնել, թե որքան դժվար է այդ: Հենց որ հաղթահարում ես դրա մի կողմը, ծառանում են մյուսները, և՛ նորից պայքար: Եթե մարդ հենակետ չունենա կրոնը,— հիշո՛ւմ եք, մենք խոսում էինք դրա մասին,— ո՛չ մի հայր, առանց այդ օգնութեան, չէր կարող դաստիարակել իր ուժերով:

Լեինին միշտ հետաքրքրող այդ խոսակցութիւնն ընդհատվեց գեղեցկուհի նատալիա Ալեքսանդրովնայի ներս գալով, որն արդեն հագնված էր գուրս գնալու համար:

— Ես չգիտեի, որ դուք այստեղ եք,— ասաց նա, հայտնապես ոչ միայն չափսոսալով, այլ նույնիսկ ուրախանալով, որ ընդհատեց իրեն վաղուց ծանոթ և արդեն ձանձրացրած այս խոսակցութիւնը:— Ինչպե՛ս է Կիտին: Ես այսօր ճաշում եմ ձեզ մոտ: Ահա թե ի՛նչ, Արսենի՛,— դիմեց նա ամուսնուն,— դու կվերցնես կառնթը...

Եվ ամուսինները սկսեցին քննարկել, թե ինչպե՛ս անցկացնեն օրը: Որովհետև կվովը պետք է գնար դիմավորելու մեկին՝ ծառայութեան գծով, իսկ կինը՝ համերգի և Հարավ-Արեւելյան կոմիտեի հրապարակական նիստին, ուստի հարկավոր էր շատ բան կշռադատել ու վճռել: Լեինը, որպես յուրային, ստիպված էր մասնակցել այդ ծրագրերին: Վճռվեց, որ Լեինը նատալիի հետ կգնա համերգ և հրապարակական նիստի, իսկ այնտեղից կառնթը կուղարկի գրասենյակ՝ Արսենիի ետևից, ապա նա կգնա կնոջ ետևից ու կտանի նրան Կիտիի մոտ. կամ, եթե Արսենին չի վերջացնի իր գործերը, կուղարկի կառնթը, և Լեինը կգնա նատալիի հետ:

— Ա՛յ, սա փշացնում է ինձ,— ասաց կվովը կնոջը,— հավատացնում է ինձ, որ մեր երեխաները հիանալի են, մինչդեռ ես գիտեմ, որ նրանց մեջ այնքա՛ն վատ գծեր կան:

— Արսենին հասնում է ծայրահեղութեան, միշտ ասել եմ և ասում եմ,— ասաց կինը:— Եթե մարդ փնտրում է կատարելութիւն, երբեք զո՛հ չի լինի: Եվ ճիշտ է ասում հայրիկը, թե երբ մե՛զ էին դաստիարակում, կար մի ծայրահեղութիւն՝

մեզ պահում էին անտրեստում, իսկ ծնողներն ապրում էին բելէտաժում. այժմ հակառակն է: Մնողներին՝ նկուղ, երեխաներին՝ բելէտաժ: Մնողներն այժմ չպիտի ապրեն, այլ ամեն ինչ պիտի լինի երեխաների համար:

— Ի՛նչ արած, եթե այդպես ավելի հաճելի է,— ասաց Վովլը, ժպտալով իր գեղեցիկ ժպիտով ու շոշափելով կնոջ ձեռքը: — Ով չի ճանաչում քեզ, կկարծի, որ դու ոչ թե հարազատ, այլ խորթ մայր ես:

— Ո՛չ, ծայրահեղությունը ո՛չ մի բանում լավ չէ,— հանգիստ ասաց Նատալին, ամուսնու թղթահատ դանակը դնելով սեղանի վրա իր հատուկ տեղը:

— Ահա՛, եկեք այստեղ, կատարյալ երեխաներ,— ասաց Վովլը ներս եկած գեղեցիկ տղաներին, որոնք ողջունելով Լեինին, մոտեցան իրենց հորը, հավանորեն կամենալով ինչ-որ բանի մասին հարցնել նրան:

Լեինն ուզում էր խոսել նրանց հետ, լսել, թե ի՛նչ կասեն նրանք իրենց հորը, բայց Նատալին սկսեց խոսել իր հետ, և այդ րոպեին սենյակ մտավ Վովլի ծառայության ընկերը՝ Մախոտինը, պալատական համազգեստով, որպեսզի միասին գնան դիմավորելու ինչ-որ մարդու, և սկսվեց արդեն անլուծի մի խոսակցություն Հերցեգովիկնայի մասին, իշխանազուհի Կորզինսկայայի, դուստրի և Ապրակսինայի հանկարծամահ լինելու մասին:

Լեինը մոռացավ իսկ իրեն արված հանձնարարությունը: Նա հիշեց այն՝ նախասենյակ դուրս գալիս միայն:

— Ա՛խ, Կիտին հանձնարարեց ինձ՝ խոսել ձեզ հետ Օբլոնսկու մասին,— ասաց նա, երբ Վովլը կանգնեց սանդուղքի վրա, ճանապարհելով կնոջն ու նրան:

— Այո՛, այո՛, maman ուզում է, որպեսզի մենք, les beaux-frères¹, հարձակվենք նրա վրա,— ասաց նա կարմրելով:— Սակայն, ինչո՞ւ ես:

— Ես հո հարձակվելու եմ նրա վրա,— ժպտալով ասաց Վովլան, որն սպասում էր խոսակցության վերջանալուն, շան սպիտակ մորթուց ոտտոնդան հագին: — Դե՛, գնանք:

¹ Քենակալներու:

Առավոտյան համերգին տրվում էր երկու շատ հետաքրքրական բան:

Մեկը կիւ արքան տափաստանում ֆանտազիան էր, մյուսը՝ Բախի հիշատակին նվիրված կվարտետը: Այդ երկուսն էլ նոր բան էին ու նոր ոգով, և Լեինն ուզում էր իր կարծիքն ունենալ դրանց մասին: Առաջնորդելով քենուն մինչև նրա բազկաթոռը, նա կանգնեց սյունի մոտ ու վճռեց, որքան կարելի է, ուշադրությունը և բարեխղճորեն լսել: Նա աշխատում էր ուշադրությունը շքրել ու շփշացնել իր տպավորությունը, նայելով ձեռքերը թափահարող սպիտակ փողկապավոր կապելմեյստերին, որը միշտ այնպես անախորժ կերպով զրավում է հանդիսատեսի երաժշտական ուշադրությունը. նա աշխատում էր շնայել գլխարկներով կանանց, որոնք համերգի համար խնամքով կապել էին իրենց ականջները ժապավեններով, ոչ էլ այն դեմքերին, որոնք կամ ոչնչով զբաղված չէին, կամ զբաղված էին ամենաբազմապիսի խնդիրներով, միայն ո՛չ երաժշտությամբ: Նա աշխատում էր խուսափել երաժշտագետներին ու շահակրատներին հանդիպելուց և կանգնել ու լսում էր, նայելով ցած՝ իր դիմացը:

Բայց որքան ավելի էր լսում կիր արքայի ֆանտազիան, այնքան ավելի հեռու էր զգում իրեն որոշակի որևէ կարծիք կազմելու հնարավորությունից: Անընդհատ սկսվում էր, կարծես հավաքվում էր զգացմունքի երաժշտական արտահայտությունը, բայց անմիջապես բաժանվում էր երաժշտական արտահայտությունների նոր սկզբնավորման կտորների, երբեմն էլ ո՛չ մի բանով, բացի կոմպոզիտորի քմահաճույքից, իրար հետ չկապակցված, սակայն չափազանց բարդ հնչյունների: Բայց երաժշտական արտահայտությունների այդ կտորներն ինքնին, երբեմն լավ, թվում էին անախորժ, որովհետև բոլորովին անսպասելի էին ու ոչ մի բանով չնախապատրաստված: Խնդությունն ու թախիծը, և՛ հուսահատությունը, և՛ քնքշությունը, և՛ հաղթանակը երևան էին գալիս առանց որևէ հիմունքի, որպես խելագարի զգացումներ: Եվ խելագարի զգացումների պես էլ գնում, անսպասելիորեն անցնում էին:

Կատարման ամբողջ ընթացքում Լեինն ունեցր Կարողեն-

րին դիտող խուլ մարդու զգացում: Նա բացարձակ տարած կուսանքի մեջ էր, երբ վերջացավ պիեսը, և զգում էր մեծ հոգնածություն՝ իր լարված ու ոչնչով չվարձատրված ուշադրությունից: Ամեն կողմից լավեցին աղմկալի ծափահարություններ: Բոլորը վեր կացան, գնում-գալիս էին, խոսում էին: Կամենալով ուրիշների տպավորությամբ պարզել իր տարակուսանքը, Լեինը գնաց շրջելու, որոնելով բանիմաց մարդկանց և ուրախացավ, տեսնելով հայտնի բանիմաց մեկին, որը խոսում էր նրա ծանոթ Պեսցովի հետ:

— Զարմանալի բան է,— ասում էր Պեսցովը իր թավ, բաս ձայնով: — Բարև ձեզ, Կոնստանտին Դմիտրիչ: Առանձնապես պատկերավոր և, այսպես ասած, քանդակած ու գույներով հարուստ է այն տեղը, որտեղ դուք զգում եք Կորգելիայի մոտենալը, որտեղ կինը, *das ewig Weibliche*¹, պայքարի է մտնում ճակատագրի հետ: Ծիշտ չէ՞ միթե:

— Այսինքն՝ ի՞նչ կապ ունի այստեղ Կորգելիան,— քաշվելով հարցրեց Լեինը, բոլորովին մոռանալով, որ ֆանտազիան պատկերում էր Լիր արքային տափաստանում:

— Երևան է գալիս Կորգելիան... ահա՛,— ասաց Պեսցովը, մատներով խփելով թավշյա ծրագրին, որ բռնած ունեք ձեռքին, և այն հանձնելով Լեինին:

Այստեղ միայն Լեինը հիշեց ֆանտազիայի վերնագիրը և շտապեց կարդալ Շեքսպիրի ոտանավորի ուսերեն թարգմանությունը, որ տպված էր ծրագրի մյուս երեսին:

— Առանց դրան չի կարելի հետևել,— ասաց Պեսցովը, դիմելով Լեինին,— քանի որ նրա զրուցակիցը հեռացավ, և չկար մեկը, որի հետ նա խոսեր:

Ընդմիջման ժամանակ վիճարանություն ծագեց Պեսցովի և Լեինի միջև երաժշտության վազներյան ուղղության արժանիքների ու թերությունների մասին: Լեինն ապացուցում էր, թե վազների և նրա բոլոր հեռերգների սխալն այն է, որ երաժշտությունն ուզում է մտնել այլ արվեստի բնագավառը, թե նույնպես սխալվում է պոեզիան, երբ նկարագրում է դիմագծեր, որ պիտի անի նկարչությունը, որպես օրինակ այդպիսի սխալի, նա նշեց այն քանդակագործին, որը հանկարծ

¹ Հավերժ կանացիականը:

ուղեցել է քանդակել մարմարից պոետիկ պատկերների սավերներ, որոնք բարձրանում են բանաստեղծի ֆիզուրի շուրջը՝ պատվանդանի վրա: «Այդ սավերներն ինքնին այնքան թիչ սավեր են քանդակագործի մոտ, որ կառչած են սանդուղքից»,— ասաց Լեինը: Այդ ֆրազը դուր եկավ իրեն, բայց նա չէր հիշում, արդյո՞ք նախկինում չէր ասել այդ նույնը հենց նույն Պեսցովին, և հիմա, ասելով, շփոթվեց:

Իսկ Պեսցովն ապացուցում էր, որ արվեստը մեկն է, և որ այն կարող է հասնել իր բարձրագույն արտահայտություններին արվեստի բոլոր տեսակների միավորման մեջ միայն:

Համերգի երկրորդ համարը Լեինն արդեն չէր կարողանում լսել: Պեսցովը, որ կանգնել էր նրա կողքին, համարյա ամբողջ ժամանակ խոսում էր նրա հետ, դատապարտելով այդ պիեսը՝ նրա ավելորդ, քաղցրումեզցր, շինծու պարզության համար և համեմատելով այն պրեռաֆայելիստների պարզության հետ նկարչության մեջ: Գուրս գալիս Լեինը պատահեց էլի շատ ծանոթների, որոնց հետ խոսեց թե՛ քաղաքականության, թե՛ երաժշտության, թե՛ ընդհանուր ծանոթների մասին: Ի միջի այլոց՝ պատահեց կոմս Բոլին, որին այցելելու մասին բոլորովին մոռացել էր:

— Ուրեմն գնացեք հիմա,— ասաց նրան Լվովան, որին Լեինը հայտնեց այդ,— կարող է պատահել, որ ձեզ չեն ընդունի, իսկ հետո եկեք իմ ետևից՝ նիստի տեղը: Կարող եք ինձ գտնել դեռ այնտեղ:

VI

— Գուցե չե՞ն ընդունում,— ասաց Լեինը, մտնելով կոմսուհի Բոլի տան նախասենյակը:

— Ընդունում են, համեցե՛ք,— ասաց բարապանը, վճռականապես հանելով նրա վրայից մուշտակը:

«Ա՛խ, ափսո՛ս,— մտածում էր Լեինը, հառաչանքով հանելով մի ձեռնոցը և ուղղվելով զլխարկը: — Թե ինչու՞ եմ գնում, ի՞նչ պիտի խոսեմ նրանց հետ»:

Անցնելով առաջին ընդունարանից, Լեինը դուռն մեջ պատահեց կոմսուհի Բոլին, որը մտահոգված ու խիստ դժբով ինչ-որ բան էր հրամայում ծառային: Տեսնելով Լեինին, նա ժպտաց ու հրավիրեց նրան մյուս փոքրիկ ընդունարանը, որ:

տեղից ձայններ կին լսվում: Այդ ընդունարանում բազկաթուռ
նեռի մեջ նստել էին կոմսուհու երկու աղջիկը և Լեինին ծանոթ
մոտակացի մի գնդապետ: Լեինը մոտեցավ նրանց, բարևեց ու
նստեց բազմոցի մոտ: զլխարկը բռնած ծնկին:

— Ինչպե՞ս է ձեր կնոջ առողջութունը: Դուք գնացե՞լ էիք
համերգի: Մենք չկարողացանք: Մայրիկը պետք է լիներ հո-
ղեհանդատին:

— Այո՛, լսեցի... Ի՞նչ հանկարծահաս մահ,— ասաց Լեինը
Նկավ կոմսուհին, նստեց բազմոցին և նույնպես հարցրեց
նրա կնոջ ու համերգի մասին:

Լեինը պատասխանեց ու կրկնեց իր ասածը Ապրակսինայի
հանկարծամահ լինելու մասին:

— Սակայն նա միշտ վատառողջ էր:

— Երեկ դուք կայի՞ք օպերայում:

— Այո՛, կայի:

— Շատ լավն էր Լուկկան:

— Այո՛, շատ լավ,— ասաց Լեինը և, որովհետև նրա հա-
մար բոլորովին միևնույն էր, թե ի՞նչ կմտածեն իր մասին,
սկսեց կրկնել այն, ինչը հարյուր անգամ լսել էր երգչուհու տա-
ղանդի առանձնահատկության վերաբերյալ: Կոմսուհի Բոլը
ձևանում էր, իբր լսում է: Հետո, երբ Լեինը բավական խոսեց
ու լռեց, խոսել սկսեց գնդապետը, որ մինչ այդ լուռ էր: Գնդա-
պետը խոսեց նույնպես օպերայի և լուսավորության մասին:
Վերջապես, ասելով Տյուրինի մոտ ենթադրվելիք folle joür-
née-ի՝ մասին, գնդապետը ծիծաղեց, աղմկեց, վեր կացավ ու
գնաց: Լեինը նույնպես վեր կացավ, բայց կոմսուհու դեմքից
նկատեց, որ դեռ իր գնալու ժամանակը չէ: Պետք է էլի մի եր-
կու րոպե: Նա նստեց:

Բայց որովհետև նա շարունակ մտածում էր այն մասին,
թե ի՞նչ տխմար բան է այդ, ուստի խոսակցության նյութ չէր
գտնում և լուռ էր:

— Դուք չե՞ք գնում հրապարակական նիստի: Ասում են,
շատ հետաքրքրական է,— սկսեց կոմսուհին:

— Ո՛չ, ես խոստացա իմ belle-soeur-ին՝ գնալ նրա ետե-
վից,— ասաց Լեինը:

¹ Խենթ օր:

² Քննի:

Տիրեց լուռություն: Մայր ու աղջիկ մի անգամ էլ նայեցին
իրար:

— «Է՛, կարծեմ հիմա ժամանակ է», մտածեց Լեինը ու
վեր կաշավ: Կանայք սեղմեցին նրա ձեռքը և խնդրեցին կնառջ
հաղորդել mille choses¹:

Բարապանը հարցրեց նրան, տալով մուշտակը,— որտե՞ղ
եք բարեհաճում ապրել,— և անմիջապես գրեց լավ կաղմոք
մեծ գրքի մեջ:

«Իհարկե, ինձ համար միևնույն է, բայց և այնպես այդ
ամոթալի և հիմար բան է», մտածեց Լեինը, մխիթարելով իրեն
այն հանգամանքով, որ բոլորն էլ անում են նույնը, և գնաց
կոմիտեի հրապարակական նիստին, որտեղից պիտի վերցնեք
քենուն և միասին գնային տուն:

Կոմիտեի հրապարակական նիստին շատ մարդ կար, հա-
մարյա ամբողջ հասարակությունը: Լեինը հասավ համառու
տեսությունը, որը շատ հետաքրքրական էր, ինչպես ասում էին
ամենքը: Երբ վերջացավ տեսությունը ընթերցումը, հասարա-
կությունն իրար խառնվեց, և Լեինը տեսավ Սվիյաթսկուն, որը
կանչեց նրան այսօր երեկոյան անպայման գալ գյուղատնտե-
սության ընկերություն, որտեղ կարգացվելու է հռչակավոր
զեկուցում. տեսավ նաև Ստեպան Արկադևիչին, որը հենց նոր
եկավ վազարշավից, և ուրիշ շատ ծանոթների, և Լեինը խոսեց
ու լսեց զանազան դատողություններ նիստի մասին, նոր պիե-
սի և դատավարության մասին: Բայց, խոսելով դատավարու-
թյան մասին, նա սխալվեց, հավանորեն միտքը հոգնած լի-
նելու պատճառով, ինչն սկսում էր զգալ, և այդ սխալը հետո
մի քանի անգամ հիշեց սրտանեղությանը: Խոսելով Ռու-
սաստանում դատվող օտարերկրացու առաջիկա պատժի մա-
սին և ասելով, թե ինչպե՞ս սխալ կլինեն՝ նրան պատժելու
համար վտարել արտասահման, Լեինը կրկնեց այն, ինչ լսել
էր երեկ խոսակցության ժամանակ մի ծանոթից:

— Ես կարծում եմ, վտարել նրան արտասահման միև-
նույն է, թե պատժել գայլաձկանը, նետելով նրան ջուրը,—
ասաց Լեինը: Հետո արդեն նա հիշեց, որ ծանոթից լսած այդ
միտքը, որն ինքը հայտնում էր որպես իր սեփականը, Կռիլովի

¹ Հազար ողջուններ:

առակից էր և, որ ծանոթը կրկնել էր այդ միտքը, վերցնելով թերթի ֆելիետոնից:

Քենու հետ գալով տուն և գտնելով Կիտիին ուրախ ու բարեհաջող, Լեինը գնաց ակումբ:

VII

Լեինը եկավ ակումբ ճիշտ ժամանակին: Նրա հետ միաժամանակ գալիս էին հյուրերը և ակումբի անդամները: Լեինը ակումբում չէր եղել շատ վաղուց, սկսած այն օրից, երբ համալսարանից դուրս գալուց հետո ապրում էր Մոսկվայում և լինում էր բարձր հասարակության մեջ: Նա հիշում էր ակումբը, նրա շենքի արտաքին մանրամասները, սակայն բոլորովին մոռացել էր այն տպավորությունը, որ առաջներում զգում էր այնտեղ: Բայց հենց որ նա մտավ լայն, կիսաշրջանաձև բակը և իջնելով կառքից, ոտք դրեց արտաքին սանդուղքի վրա և լանջագեղ գոտիով բարապանն ընդառաջ գալով, անշուշտ բացեց դուռը ու ողջունեց. հենց որ տեսավ բարապանոցում կրկնակոշիկներն ու մուշտակներն այն անդամների, որոնք հասկացել էին, թե ավելի դյուրին է՝ կրկնակոշիկները հանել ներքևում, քան տանել վերև. հենց որ լսեց իրեն նախորդող զանգի խորհրդավոր ձայնը և տեսավ, ներս մտնելով թեթև գառիվայր սանդուղքով, հարթակի վրա դրված արձանը ու վերևի դռան մեջ իրեն ծանոթ, ծերացած երրորդ բարապանին՝ ակումբային շքազգեստով, որն առանց շտապելու և առանց դանդաղելու բացեց դուռը և նայեց հյուրին, — Լեինին համակեց ակումբի վաղեմի տպավորությունը՝ հանգստի, բավականությունից ու վայելչության տպավորությունը:

— Հրամմեք ձեր գլխարկը, — ասաց բարապանը Լեինին, որը մոռացել էր ակումբի կանոնը, այսինքն՝ գլխարկները թողնել բարապանոցում: — Վաղուց է, որ չեք եղել: Իշխանը դեռ երեկ գրեց ձեզ: Իշխան Ստեպան Արկադևիչը դեռ չկա:

Բարապանը ճանաչում էր ո՛չ միայն Լեինին, այլև գիտեր նրա բոլոր կապերն ու ազգակցությունը, և անմիջապես հիշեցրեց նրան մոտիկ մարդկանց մասին:

Անցնելով շիրմաներ դրած առաջին միջանցիկ դահլիճը և աջ կողմում միջնորմած սենյակը, որտեղ նստում է մրգավա-

ճառը, Լեինն առաջ ընկնելով դանդաղ գնացող ծերուկից, մտաժ հավաքվածների աղմուկով լի սեղանատունը:

Նա անցավ համարյա արդեն զբաղեցրած սեղանների երկայնությամբ, դիտելով հյուրերին: Մերթ այստեղ, մերթ այնտեղ նրա աչքին էին ընկնում ամենաբազմապիսի՝ և՛ ծեր ու երիտասարդ, և՛ հազիվ ծանոթ ու մոտիկ մարդիկ: Չկար ո՛չ մի բարկացած և մտահոգ դեմք: Թվում էր, թե բոլորը թողել էին բարապանոցում իրենց գլխարկների հետ նաև իրենց հուզմունքներն ու հոգսերը և հավաքվել էին՝ անշտապ օգտվելու կյանքի նյութեղեն բարիքներից: Այդտեղ էին և՛ Սվիյաժսկին, և՛ Շչերբացկին, և՛ Նեկոլովսկին, և՛ ծերունի իշխանը, և՛ Վոնսակին, և՛ Սերգեյ Իվանիչը:

— Ա՛: Ինչո՞ւ ուշացար, — ժպտալով ասաց իշխանը, ձեռքը մեկնելով նրան ուսի վրայից: — Ինչպե՞ս է Կիտին, — ավելացրեց նա, ուղղելով անձեռոցիկը, որ մտցրել էր ժիլետի կոճակի տակ:

— Ոչի՞նչ, առողջ է, նրանք երեքով ճաշում են տանը:

— Ա՛, Ալիսաներ-Նագինաներ: Մեզ մոտ տեղ չկա: Գնա այն սեղանի մոտ, և շուտ տեղ բռնիր, — ասաց իշխանն ու շուտ գալով, զգուշ վերցրեց ձկնապուրով լեցուն ափսեն:

— Լեի՛ն, այստե՛ղ, — բղավեց մի փոքր ավելի հեռու բարեսիրտ մի ձայն: Դա Տուրովցինն էր: Նա նստել էր մի երիտասարդ զորականի հետ, և նրանց մոտ երկու աթոռ շրջված էր: Լեինը հաճույքով մոտեցավ նրանց: Նա միշտ էլ սիրում էր բարեսիրտ, խրախճասեր Տուրովցինին, — նրա հետ էր կապված Կիտիի հետ բացատրվելու հիշողությունը, բայց հիմա, լարված բոլոր խելոք խոսակցություններից հետո, առանձնապես հաճելի էր նրան Տուրովցինի բարեսիրտ տեսքը:

— Դա ձեր և Օբլոնսկու տեղն է: Նա հիմա կգա:

— Իրեն շատ ուղիղ պահող զորականը, ուրախ և միշտ ժպտուն աչքերով, Պետրբուրգցի Գագինն էր: Տուրովցինը ծանոթացրեց նրանց:

— Օբլոնսկին միշտ ուշանում է:

— Ա՛, ահա և նա:

— Նո՞ր եկար, — ասաց Օբլոնսկին, արագ մոտենալով նրանց:

— Բարև: Օղի խմե՛լ ես: Գե՛, գնանք:

Լեինը վեր կացավ ու նրա հետ գնաց դեպի մեծ սեղանը, որի վրա դրված էին զանազան տեսակի օղիներ և ամենաբազմապիսի ուտեստներ: Թվում էր, թե երկու տասնյակ ուտեստներից կարելի էր ընտրել իր ճաշակին մի բան, բայց Ստեպան Արկադևիչը պահանջեց ինչ-որ առանձնահատուկ ուտեստ, և շքագրեստով կանգնած սպասավորներից մեկին անմիջապես բերեց պահանջածը: Նրանք խմեցին մի-մի գավաթ և վերադարձան սեղանի մոտ:

Իսկույն, դեռ ձկնապուրի ժամանակ, Գագինին մատուցեցին շամպայն, և նա հրամայեց լցնել շորս բաժակ: Լեինը շհրաժարվեց առաջարկված գինուց ու խնդրեց էլի մի շիշ: Նա քաղցած էր և ուտում ու խմում էր մեծ բավականություններով, իսկ ավելի մեծ բավականություններով մասնակցում էր զրուցակիցների ուրախ ու պարզ խոսակցություններին: Գագինը ձայնը ցածրացնելով պատմում էր Պետերբուրգյան նոր անեկոտ, որը թեև անպատշաճ ու տխմար, այնպես ծիծաղելի էր, և Լեինը քրքրեց այնպես բարձր, որ հարևանները նայեցին նրան:

— Այդ հենց այն կարգի բան է, ինչպես՝ «այդ ես տանել չեմ կարող»-ը: Գիտե՞ս, — հարցրեց Ստեպան Արկադևիչը: — Ա՛խ, սքանչելիք է: Տո՛ւր էլի մի շիշ, — ասաց նա սպասավորին ու սկսեց պատմել:

— Պյոտր Իլիչ Վինովսկին է խնդրում, — ընդհատեց ծերունի սպասավորը Ստեպան Արկադևիչին, մատուցելով երկու բարակ բաժակ խայտուն շամպայն և դիմելով Ստեպան Արկադևիչին ու Լեինին: Ստեպան Արկադևիչը վերցրեց բաժակը և նայելով սեղանի մյուս ծայրին նստած ճաղատ, բեղավոր շեկ տղամարդուն, գլխով ողջունեց նրան, ժպտալով:

— Ո՞վ է, — հարցրեց Լեինը:

— Դու մի անգամ պատահել ես նրան ինձ մոտ, հիշո՞ւմ ես: Լավ տղա է:

Լեինն արեց նույնը, ինչ և Ստեպան Արկադևիչը, ու վերցրեց բաժակը:

Ստեպան Արկադևիչի անեկոտն էլ շատ ծիծաղելի էր: Լեինը պատմեց իր անեկոտը, որը նույնպես դուր եկավ: Հետո խոսք բացվեց ձիերի, այդօրվա վազարշավների և այն մասին, թե ինչպես Վոռնսկու Ատյասնի կոշված ձին խիզախաբար

շահել է առաջին մրցանակը: Լեինը շեկատեց, թե ինչպես անցավ ճաշը:

— Ա՛, Ա՛հա և նրանք, — արդեն ճաշի վերջում ասաց Ստեպան Արկադևիչը, կռանալով աթոռի թիկնատեղի վրայով և մեկնելով ձեռքը Վոռնսկուն, որ գալիս էր դեպի նա՝ գվարդիայի բարձրահասակ մի գնդապետի հետ: Վոռնսկու դեմքին ևս շողշողում էր ակումբային ընդհանուր ուրախ բարեսրտություն: Նա ուրախ հենվեց Ստեպան Արկադևիչի ուսին, ինչ-որ բան փսփոսալով նրան, և նույն ուրախ ժպտով ձեռքը պարզեց Լեինին:

— Շատ ուրախ եմ ձեզ հանդիպելու, — ասաց նա: — Ես այն ժամանակ՝ ընտրություններին, փնտրեցի ձեզ, բայց ինձ ասացին, որ դուք արդեն գնացել եք, — ասաց նա Լեինին:

— Այո՛, ես հենց նույն օրը մեկնեցի: Մենք այս բոպեիս խոսում էինք ձեր ձիու մասին: Շնորհավորում եմ ձեզ, — ասաց Լեինը: — Դա շատ արագ ձիավարություն է:

— Հա՛, չէ՛ որ դուք էլ ձիեր ունեք:

— Ո՛չ, հայրս ունեք. բայց ես հիշում եմ և գիտեմ:

— Դու որտե՞ղ էիր ճաշում, — հարցրեց Ստեպան Արկադևիչը:

— Մենք երկրորդ սեղանի շուրջն էինք, սյունների ետևում:

— Նրան շնորհավորում էին, — ասաց բարձրահասակ գրեղնապետը: — Կայսերական երկրորդ մրցանակը. եթե ես այդպիսի բախտ ունենայի թղթախաղի մեջ, ինչպես նա ունի ձիերի մեջ:

— Դե՛, ինչո՞ւ իզուր կորցնել ոսկի ժամանակը: Ես գնում եմ ինֆերնալ՝ սենյակը, — ասաց գնդապետը և հեռացավ սեղանից:

— Յաշվինն է, — ասաց Վոռնսկին Տուրովցինին ու նստեց նրանց մոտ ազատված տեղը: Խմելով իրեն առաջարկված բաժակը, նա խնդրեց մի շիշ: Արդյոք ակումբի տպավորություն, թե՛ խմած գինու ազդեցության տակ՝ Լեինը խոսքի բռնվեց Վոռնսկու հետ անասունների լավագույն ցեղի մասին և շատ ուրախ էր, որ ոչ մի թշնամանք չէր տածում դեպի այդ մարդը: Նա նույնիսկ ասաց նրան, ի միջի այլոց, թե կնո-

¹ Դիվային, դժոխային:

չից լսել է, որ նա պատահել է նրան իշխանուհի Մարիա Բորիսովնայի մոտ:

— Ա՛խ, իշխանուհի Մարիա Բորիսովնա, հրաշալիք է նա,—ասաց Ստեպան Արկադևիչը և պատմեց նրա մասին մի անեկզոտ, որն ամենքին ծիծաղեցրեց: Մանավանդ Վոնսկին այնպես բարեսրտորեն քրքրաց, որ Լեինն իրեն բոլորովին հաշտված զգաց նրա հետ:

— Է՛հ, վերջացրի՞նք,— ասաց Ստեպան Արկադևիչը, վեր կենալով ու ժպտալով:— Գնանք:

VIII

Վեր կենալով սեղանից, Լեինը, զգալով, որ քսյելիս առանձնապես կանոնավոր ու թեթև են շարժվում ձեռքերը, գնաց Գագինի հետ՝ բարձր սենյակների միջով դեպի բիլիարդանոցը: Անցնելով մեծ դահլիճից, նա հանդիպեց աներոջը:

— Է՛, ինչպե՞ս է: Հավանո՞ւմ ես մեր պարապուժյան տաճարը,— հարցրեց իշխանը, թևանցուկ անելով նրան:— Գնա՛նք, մի քիչ անցնենք:

— Ես ինքս ուզում էի շրջել, նայել, Շատ հետաքրքիր է:

— Այո՛, քեզ համար հետաքրքրական է: Բայց ինձ համար հետաքրքրությունն արդեն ուրիշ է, քան քեզ համար: Դու ահա նայում ես այս ծերուկներին,— ասաց նա, նշելով շոքթը կախ ընկած կորամեջք անդամին, որը հագիվ շարժելով ոտքերը փափուկ կոշիկների մեջ, գալիս էր նրանց ընդառաջ,— և մտածում, որ սրանք հենց այդպես էլ ծնվել են ճխլոված:

— Ինչպե՞ս թե ճխլոված:

— Դու նույնիսկ չգիտես այդ անունը: Դա մեր ակումբային տերմինն է: Գիտե՞ս ոնց են ձու գլորում. երբ շատ անգամ են գլորում, ձուն ճխլովում է: Այդպես էլ մեզ պես մարդիկ. գալիս, գալիս ես ակումբ և դառնում ես ճխլոված: Այո՛, դու ահա ծիծաղում ես, իսկ ես և իմ նմաններն արդեն նայում ենք, թե ե՛րբ ենք ճխլովածների դասն ընկնելու: Դու ճանաչո՞ւմ ես իշխան Չեչենսկուն,— հարցրեց իշխանը, և Լեինը

տեսավ նրա դեմքից, որ նա պատրաստվում է պատմել ծիծաղելի բան:

— Ո՛չ, չեմ ճանաչում:

— Ինչպե՞ս թե, Օ՛, իշխան Չեչենսկին հայտնի է: Ասենք, միևնույն է: Նա միշտ բիլիարդ է խաղում: Դեռ երեք տարի առաջ նա ճխլովածների դասում չէր և առույգ էր ձևանում: Ինքն էլ ուրիշներին անվանում էր ճխլոված: Մի անգամ նա հենց որ ներս է մտնում, մեր բարապանը... դու ճանաչո՞ւմ ես Վասիլիին: Դե, այն հաստը: Նա մեծ բոնմոտիստ՝ է: Եվ ահա հարցնում է իշխան Չեչենսկին նրան. «Հը՞, ի՞նչ կա, Վասիլի, ովքե՞ր են եկել, Իսկ ճխլովածներ կա՞ն»: Վասիլին էլ պատասխանում է նրան. «Դուք երրորդն եք»: Այո՛, սիրելիս, այդպիսի բաներ:

Ջրուցելով ու ողջունելով պատահող ծանոթներին, Լեինն իշխանի հետ անցավ բոլոր սենյակները. նախ՝ մեծ սենյակը, որտեղ արդեն սեղանները դրել և սովորական խաղընկերները խաղում էին փոքրիկ խաղ. հետո բազմոցասենյակը, որտեղ խաղում էին շախմատ, ու նստած էր Սեբեզյ Իվանովիչը և խոսում էր մեկի հետ. ապա բիլիարդանոցը, որտեղ սենյակի ոլորտում՝ բազմոցի մոտ կազմվել էր շամպայն խմողների մի ուրախ խմբակ, որին մասնակցում էր Գագինը. մտան և ինֆերնալ-սենյակը, որտեղ մի սեղանի մոտ, որի առաջ արդեն նստել էր Յաշվինը, խոնվել էին բազմաթիվ վրադիրներ՝: Աշխատելով աղմուկ չհանել, նրանք մտան և մուժ ընթերցարանը, որտեղ լուսամտի փոփոխությունով լամպերի լույսի տակ նստել էր բարկացկոտ դեմքով մի երիտասարդ, որ մեկը մյուսի ետևից վերցնում էր ամսագրերը, և ճաղատ մի գեներալ, խորասուզված ընթերցանության մեջ: Մտան նաև այն սենյակը, որն իշխանն անվանում էր խելոք: Այդ սենյակում երեք պարոններ տաք-տաք խոսում էին վերջին քաղաքական նորություն մասին:

— Իշխան, համեցեք, պատրաստ է,— ասաց նրա խաղընկերներից մեկը, գտնելով նրան այդտեղ, և իշխանը գնաց:

¹ Սրամիտ, սրախոս մարդ:

² Վրադիր են անվանում այն մարդկանց, որոնք թղթախաղի ժամանակ պաշտոնապես խաղացողների դրած գումարի վրա ավելացնում են իրենց գումարը:

Լեհեր նստեց, ականջ դրեց, սակայն հիշելով այսօրվա առու-
վորտան բուր խոսակցությունները, հանկարծ սաստիկ ձանձ-
րույթ զգաց: Նա շտապ վեր կացավ ու զնաց որոնելու Օրլոն-
սկուն և Տուրովցիին, որոնց հետ ուրախ էր:

Տուրովցիներ նստել էր բիլիարդանոցում, բարձր բազմոցի
վրա, ձեռքին մի բաժակ խմիչք, իսկ Ստեպան Արկադևիչը և
Վոռնսկին խոսում էին ինչ-որ բանի մասին դռան մոտ՝ սեն-
յակի հեռավոր անկյունում:

— Նա ոչ թե ձանձրանում է, ո՛չ, այլ դրուձյան այդ անու-
րոշությունը, անհաստատությունը, — լսեց Լեհին և ուզում էր
շտապ անցնել, բայց Ստեպան Արկադևիչը մոտ կանչեց նրան:

— Լեհին, — ասաց Ստեպան Արկադևիչը, և Լեհինը նկատեց,
որ նրա աչքերում կար ո՛չ թե արցունք, այլ թացություն, որը
պատահում էր նրա հետ, երբ նա կամ խմած էր, կամ զգաց-
ված: Այսօր կար թե՛ մեկը, թե՛ մյուսը: — Լեհին, մի՛ գնա, —
ասաց նա և ամուր սեղմեց նրա արմունկը, ըստ երևույթին,
ո՛չ մի կերպ չկամենալով բաց թողնել նրան:

— Սա իմ անկեղծ, գրեթե իմ լավագույն բարեկամն է, —
ասաց նա Վոռնսկուն: — Դու ինձ համար նույնպես մոտիկ ու
թանկ մարդ ես: Եվ ես ուզում եմ ու գիտեմ, որ դուք պետք է
լինեք բարեկամներ ու իրար մոտիկ, որովհետև երկուսդ էլ
լավ մարդ եք:

— Որ այդպես է, մեղ մնում է միայն համբուրվել, — բա-
րեսրտորեն կատակելով ասաց Վոռնսկին, ձեռք տալով:

Լեհին արագ բռնեց իրեն մեկնած ձեռքը և ամուր սեղ-
մեց այն:

— Ես շատ, շատ ուրախ եմ, — ասաց Լեհինը, սեղմելով
նրա ձեռքը:

— Սպասավո՛ր, մի շիշ շամպայն, — ասաց Ստեպան Ար-
կադևիչը:

— Ես էլ շատ ուրախ եմ, — ասաց Վոռնսկին:

Բայց շնայած Ստեպան Արկադևիչի և նրանց փոխադարձ
ցանկությունը, նրանք խոսելու բան չունեին, և երկուսն էլ
զգում էին այդ:

— Դու գիտե՞ս, որ նա ծանոթ չէ Աննայի հետ, — ասաց
Ստեպան Արկադևիչը Վոռնսկուն: — Եվ ես անպայման ուզում
եմ նրան տանել Աննայի մոտ: Գնանք, Լեհին:

— Մի՞թե, — ասաց Վոռնսկին: — Աննան շատ կուրախա-
նա: Ես այս րոպեիս կերթայի տուն, — ավելացրեց նա, —
բայց Յավճինն անհանգստացնում է ինձ, և ես ուզում եմ լի-
նել այստեղ, մինչև նա կվերջացնի:

— Իսկ ի՞նչ կա որ, վա՛տ է վիճակը:

— Շարունակ տարվում է, և միայն ե՛ս կարող եմ զսպել
նրան:

— Է՛հ, բուրգիկ շխաղա՞նք: Լեհ՛ն, կխաղա՞ս: Շատ լավ, —
ասաց Ստեպան Արկադևիչը: — Դարսիր բուրգիկ, — դարձավ
նա մարկերին:

— Վաղուց պատրաստ է, — պատասխանեց մարկերը, որ
խաղագնդակներն արդեն դարսել էր եռանկյունաձև ու ինքն
իրեն զբաղվելու համար գլորում էր կարմիր խաղագնդակը:

— Դե՛, սկսենք:

Մի խաղից հետո Վոռնսկին ու Լեհինը նստեցին Գաբլինի
սեղանի մոտ, և Լեհինը Ստեպան Արկադևիչի առաջարկությամբ
սկսեց որոշ գումար դնել տուգերի վրա: Վոռնսկին մերթ
նստում էր սեղանի մոտ, շրջապատված անրնդհատ իրեն
մոտեցող ծանոթներով, մերթ գնում էր ինֆերնալ-սենյակը՝
սեղեկանալու Յաշվինի խաղի մասին: Լեհինն զգում էր հաճելի
հանգիստ առավոտվա մտավոր հոգնածությունից: Նրան ուրա-
խացնում էր Վոռնսկու հետ եղած թշնամանքի վերջանալը, և
հանգստի, վայելչության ու բավականության տպավորու-
թյունը չէր հեռանում նրանից:

Երբ խաղը վերջացավ, Ստեպան Արկադևիչը թևանցուկ
արեց Լեհինին:

— Ուրեմն, գնանք Աննայի մոտ: Հենց այժմ, հա՛, նա
տանն է: Ես վաղուց եմ խոստացել՝ տանել քեզ նրա մոտ: Ո՞ւր
ես մտադիր գնալու երեկոյան:

— Առանձնապես ո՛չ մի տեղ: Ես խոստացա Սվիյաժսկուն՝
գնալ գյուղատնտեսական ընկերություն: Սակայն գնանք, —
ասաց Լեհինը:

— Հիանալի, գնանք: Իմացիր, արդյոք եկե՞լ է իմ կառե-
թը, — դիմեց Ստեպան Արկադևիչը սպասավորին:

Լեհինը մոտեցավ սեղանին, վճարեց տուգերի վրա իր դրած
ու տարված քառասուն ուրլին, վճարեց դռան մոտ կանգնած
ծերունի սպասավորին՝ ակումբի հետ կապված ու նրան միայն

ինչ-որ խորհրդավոր կերպով հայտնի ծախսերը և առանձնապես թափ տալով թևերը, բոլոր դահլիճներով գնաց դեպի ելքի դուռը:

IX

— Օբլոնսկու կառնի՞թը, — բարկացած բասով բղավեց բարապանը: Կառնի՞թը մոտեցավ, և երկուսն էլ նստեցին: Առաջին րոպեներին միայն, երբ կառնի՞թը դուրս էր գալիս ակումբի դարպասից, Լևինը շարունակում էր զգալ ակումբային հանգստի, բավականության ու շրջապատի անպայման վայելությունների տպավորությունը. բայց հենց կառնի՞թը դուրս եկավ փողոց, և նա զգաց կառնի՞թի օրորումն անհարթ ճանապարհին, լսեց հանդիպական կառնապանի ճիչը, տեսավ աղոտ լույսի մեջ գինետան ու կրպակի կարմիր ցուցանակը, այդ տպավորությունը ոչնչացավ, և նա սկսեց վերլուծել իր վարմունքները ու հարց տվեց իրեն, արդյոք լա՞վ է անում, որ գնում է Աննայի մոտ: Ի՞նչ կասի Կիտին: Բայց Ստեպան Արկադևիչը շփոթեց նրան մտասուզվելու և կարծես թե գուշակելով նրա կասկածները, ցրեց դրանք:

— Ի՞նչ ուրախ եմ ես, որ դու կճանաչես Աննային, — ասաց նա: — Գիտե՞ս, Դոլլին վաղուց էր ցանկանում այդ բանը: Լվովն էլ արդեն եղել է Աննայի մոտ և լինում է: Թեպետև նա իմ քույրն է, — շարունակեց Ստեպան Արկադևիչը, — բայց ես համարձակ կարող եմ ասել, որ դա զարմանալի կին է... Ա՛յ, կտեսնես՝ նրա դրուժյունը շատ ծանր է, մանավանդ այժմ:

— Իսկ ինչո՞ւ մանավանդ այժմ:

— Մենք բանակցություններ ենք վարում նրա ամուսնու հետ ապահարզանի մասին: Եվ նա համաձայն է. բայց այստեղ դժվարություններ կան որդու վերաբերյալ, և այդ գործը, որ պետք է վաղուց արդեն վերջացած լիներ, ձգձգվում է ահա երեք ամիս: Հենց որ ապահարզան ստացվի, նա կամուսնանա Վոռոնսկու հետ: Ի՞նչ տխմար բան է այդ, պատեցնելու այդ հին սովորությունը, «ցնծա Ծսայի»-ն, որին ոչ ոք չի հավատում և որը խանգարում է մարդկանց երջանկությանը, — ավելացրեց Ստեպան Արկադևիչը: — Եվ այն ժա-

մանակ նրանց դրուժյունը կդառնա որոշ, ինչպես իմը, ինչպես քոնը:

— Իսկ ինչո՞ւմն է դժվարությունը, — հարցրեց Լևինը:

— Ա՛յ, դա երկար ու ձանձրալի պատմություն է: Այս բոլորն այնպես անորոշ է մեզանում: Բայց բանն այն է, որ Աննան, սպասելով այդ ապահարզանին Մոսկվայում, որտեղ ամենքը ճանաչում են նրան ու Վոռոնսկուն, ապրում է արդեն երեք ամիս, ո՛չ մի տեղ չի գնում, ո՛չ ոքի չի տեսնում կանանցից, բացի Դոլլիից, որովհետև, հասկանո՞ւմ ես, նա չի ուզում, որ իր մոտ գան շնորհ անելով. Մոսկվայից հեռացավ նույնիսկ այդ հիմար իշխանագնուհի Վարվառան. համարելով այդ անպարկեշտ բան: Այ, ահա, այդ դրուժյան մեջ ուրիշ մի կին չէր կարող գտնել իր մեջ միջոցներ: Իսկ Աննան, ա՛յ, կտեսնես, թե նա ինչպե՞ս է դասավորել իր կյանքը, ինչպես հանգիստ է և արժանապատվությամբ լի: Ձախ, դեպի նրբափողոցը, եկեղեցու դիմաց, — ձայնեց Ստեպան Արկադևիչը, կռանալով դեպի կառնի՞թի լուսամուտը: — Տո՛ւ, ինչ շող է, — ասաց նա, չնայած 12 աստիճան ցրտին, է՛լ ավելի բանալով իր մուշտակի կուրծքը, որ առանց այն էլ բաց էր:

— Բայց չէ՞ որ նա աղջիկ ունի, երևի զբաղված է նրանով, — ասաց Լևինը:

— Դու, երևում է, ամեն կնոջ պատկերացնում ես քեզ միմիայն որպես էգ, une couveuse¹, — ասաց Ստեպան Արկադևիչը: — Եթե զբաղված է, ուրեմն անպայման երեխաներով: Ո՛չ, Աննան, կարծեմ հիանալի կերպով դաստիարակում է աղջկան, բայց նրա մասին բան չի լսվում: Նա զբաղված է նախ նրանով, որ գրում է: Ես արդեն տեսնում եմ, որ դու հեզնորեն ժպտում ես, սակայն իզուր: Նա գրում է մանկական գիրք և ոչ ոքի ոչինչ չի ասում այդ մասին, բայց ինձ կարդացել է, և ձեռագիրը ես տվել եմ Վորկուեին... գիտես, այն հրատարակիչը... ինքն էլ, կարծեմ, գրող է: Վորկուեը բանիմաց է և ասում է, որ հիանալի գործ է այդ: Բայց դու կարծում ես, թե նա կին-հեղինակ է: Ամենևին: Նա ամենից առաջ՝ կին է, սրտով կին, ա՛յ կտեսնես ինքդ: Այժմ նա ունի

¹ Թուխ:

անգլուհի մի աղջիկ և ամբողջ մի ընտանիք, որով զբաղված է:

— Ասել կուզի, ինչ-որ մարդասիրական բան է այդ:

— Ահա՛. դու ուզում ես այժմ ամեն ինչ տեսնել վատ գույներով: Ո՛չ թե մարդասիրական, այլ սրտաբուխ բան նրանց մոտ, այսինքն՝ Վոտնսկու մոտ, կար անգլիացի մի ձխամարդիչ, իր գործին հմուտ վարպետ, բայց հարբեցող: Նա իրեն գլխովին տվեց հարբեցողության delirium tremens¹ և լքեց ընտանիքը: Աննան տեպքով ընտանիքի անդամներին, օղենց, տարվեց այդ գործով, և այժմ այդ ամբողջ ընտանիքը նրա խնամքին է, բայց ո՛չ այնպես, բարձրից նայելով, դրամով, այլ նա ինքը տղաների հետ պարապում է ուսերին՝ գիմնագիտյի համար, իսկ աղջկան վերցրել է իր մոտ: Ա՛ն հրես ինքդ կտեսնես նրան:

Կառեթը մտավ բակ, և Ստեպան Արկադևիչը բարձր գանգահարեց գլխավոր մուտքից, որի մոտ կանգնած էր մի սահնակ:

Ու առանց հարցնելու դուռը բացող ծախսարարին, թե տա՛նն է, Ստեպան Արկադևիչը մտավ նախասենյակ: Լեինը գնում էր նրա ետևից, ավելի և ավելի կասկածելով, արդյո՞ք լա՛վ է անում ինքը, թե՞ վատ:

Նայելով իրեն հայելու մեջ, Լեինը նկատեց, որ ինքը կարմրած է, բայց հավատացած էր, որ հարբած չէ, և գորգապատ սանդուղքներով գնաց վերև՝ Ստեպան Արկադևիչի ետևից: Վերևում իրեն, որպես մոտիկ մարդու, ողջունող ծառային Ստեպան Արկադևիչը հարցրեց, թե ո՞վ կա Աննա Արկադևնայի մոտ և պատասխան ստացավ, որ պարոն Վորկուկն է:

— Որտե՞ղ են նրանք:

— Առանձնասենյակում:

Անցնելով փայտյա պատերով մեծ սեղանատեղից, Ստեպան Արկադևիչն ու Լեինը փափուկ գորգի վրայով գնացին, մտան կիսախավար առանձնասենյակը, որ լուսավորված էր մուգ գույնի լուսամտի ունեցող մի լամպով: Ճառագայթարեկ մյուս լամպը վառվում էր պատին և լուսավորում էր ամբողջ հասակով նկարված մի կնոջ պորտե, որի վրա Լեինն սկսեց ուշադրություն դարձրեց: Այդ Աննայի պորտեն էր,

¹ Հարբեցողության խելագարություն:

որ Իտալիայում նկարել էր Միխայլովը: Այն միջոցին, մինչ Ստեպան Արկադևիչը մտնում էր տրելյաժի ետևը, և լուսեղ տղամարդու խոսող ձայնը, Լեինը նայում էր պորտեն, որը այսօրու լուսավորության մեջ կարկառում էր շրջանակի միջից, և չէր կարողանում աչք կտրել նրանից: Լեինը նույնիսկ մոռացավ, թե որտե՞ղ է ինքը, և չլսելով այն, ինչ խոսում էին, աչք չէր հեռացնում այդ զարմանալի պորտերից: Դա ո՛չ թե նկար էր, այլ կենդանի, սքանչելի կին. սև, գանգուր մազերով, մերկ ուսերով ու թևերով և մտածկոտ կիսաժպիտով՝ նուրբ աղվամազով պատած շուրթերին, որ հաղթական ու քնքշորեն նայում էր նրան՝ նրան շփոթեցնող իր աչքերով: Այդ կինն այն պատճառով միայն կենդանի չէր, որ ավելի գեղեցիկ էր, քան կարող է լինել կենդանի կինը:

— Ես շատ ուրախ եմ, — լսեց հանկարծ Լեինն իր մոտ մի ձայն, որը հայտնապես ուղղված էր իրեն, — հենց այն կնոջ ձայնը, որի պորտերով հիանում էր նա: Աննան դուրս եկավ Լեինին ընդառաջ տրելյաժի ետևից, և Լեինն առանձնասենյակի կիսախավարի մեջ տեսավ պորտերն պատկերող կնոջը՝ մուգ, երփներանգ-կապույտ զգեստով, ո՛չ այն դիրքով, ո՛չ այն արտահայտությամբ, բայց գեղեցկության այն բարձրության վրա, որտեղ նկարիչը վրձինել էր նրա նուրբ էությունը պորտերի վրա: Իրականում Աննան ավելի պակաս շքեղաշուք էր, սակայն դրա փոխարեն, այդ կենդանի կնոջ մեջ կար մի այնպիսի նոր հրապուրիչ բան, որը չկար պորտերի մեջ:

X

Աննան կանգնեց Լեինի դիմաց, չթաքցնելով իր ուրախությունը՝ նրան տեսնելու համար: Յուրահատուկ հանգրստությամբ մեկնեց նրան իր փոքրիկ ու եռանդուն ձեռքը, ծանոթացրեց նրան Վորկուկի հետ և նշեց շիկավուն լավիկ աղջրկան, որը հենց այդտեղ նստել էր աշխատանքի, անվանելով նրան իր սանուհի. — այդ հանգստության մեջ երևում էին բարձր հասարակության կնոջ, միշտ հանգիստ ու բնական, Լեինին ծանոթ հաճելի վարվելաձևերը:

— Շատ, շատ ուրախ եմ, — կրկնեց Աննան, և նրա շուր-

թերին Լեինի համար այդ հասարակ խոսքերը, հայտնի չէ թե ինչո՞ւ, ստացան առանձին նշանակություն: — Ես ձեզ վաղուց եմ ճանաչում ու սիրում՝ և՛ Ստիվայի հետ բարեկամության համար, և՛ հանուն ձեր կնոջ... Ես նրան ճանաչեցի շատ կարճ ժամանակով, բայց նա ինձ վրա թողեց սքանչելի ծաղկի, այո՛, ծաղկի տպավորություն: Եվ նա շուտով արդեն կլինի մա՛յր: Աննան խոսում էր ապատ և առանց շտապելու, երբեմն հայացքը Լեինի վրայից գցելով եղբոր վրա, ու Լեինն զգում էր, որ իր թողած տպավորությունը լավ է, և նա Աննայի հետ իրեն զգաց թեթև, պարզ ու հաճելի, կարծես մանկությունից ճանաչում էր նրան:

— Մենք Իվան Պետրովիչի հետ տեղավորվեցինք Ալեքսեյի առանձնասենյակում, — ասաց Աննան, պատասխանելով Ստեպան Արկադևիչի հարցին, թե կարելի՞ է արդյոք ծխել, — հենց նրա համար, որ ծխենք, — և նայելով Լեինին, փոխանակ հարցնելու, արդյոք ծխո՞ւմ է նա, մոտ քաշեց իրեն կրիսայի ոսկրից ծխախոտատուփը և հանեց մի պախտոտ:

— Ինչպե՞ս է առողջությունդ հիմա՞, — հարցրեց Աննային եղբայրը:

— Ոչինչ: Ջղերս՝ ինչպես միշտ:

— Արտակարգ լավն է, չէ՞, — ասաց Ստեպան Արկադևիչը, նկատելով, որ Լեինը դիտում էր պորտրեն:

— Ես չեմ տեսել ավելի լավ պորտրե:

— Եվ զարմանալի նման է, այնպես չէ՞, — ասաց Իվան Վորկուկը:

Լեինը պորտրեից նայեց օրիգինալին: Առանձնահատուկ մի փայլ լուսաշողեց Աննայի դեմքն այն պահին, երբ նա զգաց իր վրա Լեինի հայացքը: Լեինը կարմրեց և իր շփոթությունը թաքցնելու համար ուղեց հարցնել, թե վաղո՞ւց է արդյոք, ինչ Աննան տեսել է Դարյա Ալեքսանդրովնային, բայց այդ նույն ժամանակ խոսեց Աննան:

— Մենք այս բոլորս Իվան Պետրովիչի հետ խոսում էինք վաշտենկովի վերջին նկարների մասին: Դուք տեսե՞լ եք դրանք:

— Այո՛, տեսել եմ, — պատասխանեց Լեինը:

— Բայց ներողություն, ես ընդհատեցի ձեզ, դուք ուզում էիք ասել...

Լեինը հարցրեց, թե վաղո՞ւց է, ինչ նա տեսել է Դուլլիին:

— Երեկ նա ինձ մոտ էր. նա շատ բարկացած է գիմնազիայի վրա՝ Գրիշայի պատճառով: Լատիներենի ուսուցիչը կարծեմ անարդար է Գրիշայի նկատմամբ:

— Այո՛, ես տեսել եմ այդ նկարները: Նրանք այնքան էլ դուր չեկան ինձ, — վերադարձավ Լեինը Աննայի սկսած խոսակցությանը:

Այժմ արդեն Լեինը խոսում էր գործի նկատմամբ բոլորովին ո՛չ այն արհեստական վերաբերմունքով, ինչպես այս առավոտ: Աննայի հետ խոսակցության մեջ ասված ամեն խոսք ստանում էր առանձին նշանակություն: Եվ նրա հետ խոսելը հաճելի էր, իսկ ավելի ևս հաճելի էր նրան լսելը:

Աննան խոսում էր ո՛չ միայն բնականորեն, խելացի, այլև խելոք ու անփութորեն, ո՛չ մի արժեք չվերագրելով իր մըտքերին, այլ խոշոր արժեք վերագրելով խոսակցի մտքերին:

Խոսք բացվեց արվեստի նոր ուղղության մասին, Ֆրանսիացի նկարչի՝ Աստվածաշնչի նոր նկարազարդման մասին: Վորկուկը մեղադրում էր նկարչին ռեալիզմի մեջ, որ հասցրած էր կոպտության: Լեինն ասաց, որ Ֆրանսիացիները պայմանականություն են մտցրել արվեստի մեջ այնպես, ինչպես ո՛չ ոք և որ այդ պատճառով նրանք առանձին արժանիք են տեսնում դեպի ռեալիզմը վերադարձի մեջ: Այնտեղ, ուր նրանք արդեն չեն ստում, տեսնում են պոեզիա:

Լեինի ասած ո՛չ մի խելոք բան երբեք դեռ այնպիսի բավականություն չէր պատճառել իրեն, ինչպես այդ: Աննայի դեմքը մեկեն ամբողջովին պայծառացավ, երբ նա հանկարծ դնահատեց այդ միտքը: Նա ծիծաղեց:

— Ըս ծիծաղում եմ, — ասաց նա, — ինչպես մարդ ծիծաղում է, երբ տեսնում է շատ նման պորտրե: Այն, ինչ ասացիք դուք, լիովին բնորոշում է Ֆրանսիական արվեստն այժմ՝ թե՛ նկարչությունը, թե՛ նույնիսկ գրականությունը: Zola, Daudet, Բայց, կարող է միշտ այդպես է լինում, որ կառուցում են իրենց conceptions¹ մտացածին, պայմանական ֆիգուրներից, իսկ հետո՝ երբ բոլոր combinaisons² արված են, մտացածին ֆիգուրները ձանձրացրել են, սկսում են մտածել, հնարել ալիւրի բնական, ավելի ճշմարիտ ֆիգուրներ:

¹ Կոնցեպցիաները:

² Կոմբինացիաներ:

— Այ դա միանգամայն ճիշտ է,—ասաց Վորկուերը:

— Ուրեմն դուք ակումբո՞ւմ էիք,—դիմեց Աննան եղբորը: «Այո՛, այո՛, ահա՛ կին»,—մտածում էր Լեինը, ինքնամոռաց և համառորեն նայելով Աննայի գեղեցիկ, շարժուն դեմքին, որն այժմ հանկարծ բոլորովին փոխվեց: Լեինը չէր լսում, թե ինչի՞ մասին էր խոսում Աննան, թեքված դեպի եղբայրը, բայց նա ապշեց Աննայի արտահայտության փոփոխությունից: Նրա դեմքը, առաջ այնքա՛ն գեղեցիկ իր հանդստությունը, հանկարծ արտահայտեց տարօրինակ հետաքրքրություն, ցասում ու հպարտություն: Բայց դա տեղեց միայն մի րոպե: Նա աչքերը կկոցեց, ասես թե մտաբերելով ինչ-որ բան:

— Է՛, հա, սակայն ո՛չ ոքի համար դա հետաքրքիր չէ,—ասաց նա և դիմեց անգլուհուն.

— Please, order the tea in the drawing room¹.

Աղջիկը վեր կացավ ու դուրս գնաց:

— Ինչպե՞ս է, նա քննություն բռնե՞ց,—հարցրեց Ստեպան Արկադևիչը:

— Հիանալի: Շատ ընդունակ աղջիկ է և անուշ բնավորությամբ:

— Վերջը այնպես կլինի, որ դու նրան քոնից ավելի կսիրես:

— Այ, տղամարդն է խոսում: Սիրո մեջ չկա շատ և քիչ: Աղջկաս սիրում եմ մի սիրով, նրան՝ այլ սիրով:

— Ես ահա ասում եմ Աննա Արկադևնային,—ասաց Վորկուերը,—որ եթե նա իր եռանդի մեկ հարյուրերորդը ներդներ ոտս երեսխաների դաստիարակության ընդհանուր գործին, ինչ սպառում է այդ աղջկա վրա, Աննա Արկադևնան կաներ մեծ օգտակար գործ:

— Այո՛, բայց ի՞նչ արած, ես չկարողացա: Կոմս Ալեքսեյ Կիրիլիչը շատ էր խրախուսում ինձ (արտասանելով կոմս Ալեքսեյ Կիրիլիչ խոսքերը, Աննան աղաչական ու վեհերոտ նայեց Լեինին, և սա ակամա պատասխանեց նրան հարգալից ու զբրական հայացքով), խրախուսում էր ինձ՝ գյուղում զբաղվել դպրոցով: Ես գնացի մի քանի անգամ: Նրանք շատ հաճելի են, բայց ես չկարողացա կապվել այդ գործին: Դուք ասում եք՝

եռանդ: Եռանդը հիմնված է սիրո վրա: Իսկ եթե սիրո զրդապատճառ չկա, հրամայել չի կարելի: Ահա ես սիրեցի այդ աղջկան, ինքս էլ չդիտեմ՝ ինչի՞ համար:

Եվ Աննան նորից նայեց Լեինին: Նրա թե՛ ժպիտը, թե՛ հայացքը ասում էին Լեինին, որ ինքն իր խոսքը ուղղում է միայն նրան, թանկ գնահատելով նրա կարծիքը և դրա հետ միասին նախապես իմանալով, որ իրենք հասկանում են իրար:

— Ես դա լիովին հասկանում եմ,—պատասխանեց Լեինը,—դպրոցի և առհասարակ նման հիմնարկների վրա չի կարելի սրտանց աշխատել, ու ես կարծում եմ, այդ է պատճառը, որ այդ մարդասիրական հիմնարկները միշտ քիչ արդյունք են տալիս:

Աննան լռեց, ապա ժպտաց:—Այո՛, այո՛,—հաստատեց նա:—Ես երբեք չէի կարող: Je n'ai pas le coeur sasez large¹, որ կարողանայի սիրել մի ամբողջ ապաստարան՝ իր անպիտան աղջիկներով: Cela ne m'a jamais réussi². Ինչքա՛ն կանայք կան, որոնք դրանից կարող էին իրենց համար position sociale³ ստեղծել: Ու հիմա առավել և՛ս,—ասաց նա, տխուր, վատահալից արտահայտությամբ դիմելով արտաքուստ եղբորը, բայց հայտնապես միայն Լեինին:—Եվ այժմ, երբ ինձ այնպես պետք է որևէ զբաղմունք, ես չեմ կարող:—Ու հանկարծ մթադնելով (Լեինը հասկացավ, որ նա մթագնեց ինքն իրենից՝ այն բանի համար, որ խոսում է իր մասին), նա փոխեց խոսակցությունը:—Ես գիտեմ ձեր մասին,—ասաց նա Լեինին,—որ դուք վատ քաղաքացի եք, և ես պաշտպանում էի ձեզ, ինչպես կարող էի:

— Իսկ ինչպե՞ս էիք դուք պաշտպանում ինձ:

— Նայած հարձակումներին: Սակայն չէի՞ք կամենա թեյ: Նա վեր կացավ ու վերցրեց սաֆյանի կազմով գիրքը:

— Տվե՛ք ինձ, Աննա Արկադևնա,—ասաց Վորկուերը, նշելով գիրքը:—Դա շատ ուշագրավ է:

— Օ՛, ո՛չ, այս բոլորը տակավին մշակված չէ:

— Ես ասացի նրան,—դիմեց Ստեպան Արկադևիչը բրորը, նշելով Լեինին:

¹ Իմ սիրտն այնքան լայն չէ:

² Այդ բանն ինձ երբեք չէր հաջողվում:

³ Հասարակական դիրք:

¹ Ենդրեմ, թեյ պատրաստեք ընդունարանում:

— Իզո՞ւր: Իմ գրելը նման է այն զամբյուղներին ու քանդակներին, որ մի ժամանակ վաճառում էր ինձ Լիզա Մերցալովան, բերելով բանտերից: Եւ բանտերի վարիչ էր այդ ընկերության մեջ, — դիմեց Աննան Լեինին: — Եվ այդ դժբախտներն անում էին համբերության հրաշքներ:

Ու Լեինը տեսավ էլի մի նոր գիծ իրեն այդպես արտակարգորեն դուր եկած կնոջ մեջ: Բացի խելքից, նազանքից, գեղեցկությունից, նրա մեջ կար նաև ճշմարիտի, խսկականի գեղեցկությունը: Աննան չէր ուզում թաքցնել նրանից իր դրուժյան ամբողջ ծանրությունը: Ասելով այդ, Աննան հառաչեց, և նրա գեմքը, հանկարծ ստանալով խիստ արտահայտություն, կարծես թե քարանցավ: Դեմքի այդպիսի արտահայտությամբ նա էլ ավելի գեղեցիկ էր, քան առաջ, բայց այդ արտահայտությունը նոր էր. գա գուրս էր երջանկությամբ շողշողացող և երջանկություն առաջացնող այն արտահայտությունների շրջանից, որ վրձինել էր նկարիչը պորտրեի վրա: Լեինը մի անգամ էլ նայեց պորտրեին և Աննայի ֆիգուրին, թե ինչպես նա, բռնած եղբոր ձեռքից, անցնում էր նրա հետ բարձր դռնից, և զգաց նրա հանդեպ քնքշանք ու խղճահարուժյուն, որոնք զարմացրին իրեն:

Աննան խնդրեց Լեինին ու Վորկուեին անցնել ընդունաբան, իսկ ինքը մնաց եղբոր հետ՝ խոսելու ինչ-որ բանի մասին: «Այ՛՛հարզանի, Վոռնսկու մասին, այն մասին, թե ի՛նչ է անում նա ակումբում, իմ մասին», մտածում էր Լեինը: Եվ նրան այնպես հուզում էր այն հարցը, թե ի՛նչ էր ասում Աննան Ստեպան Արկադևիչին, որ նա համարյա չէր լսում այն, ինչ պատմում էր Վորկուեյը երեխաների համար Աննա Արկադևնայի գրած վեպի արժանիքների մասին:

Թեյի ժամանակ շարունակվեց նույն հաճելի, բովանդակալից խոսակցությունը: Ո՛չ միայն չկար ո՛չ մի րոպե, երբ հարկավոր էր խոսակցության նյութ փնտրել, այլ, ընդհակառակն, զգացվում էր, թե մարդ չի հասցնում ասելու այն, ինչ ուզում է, և սիրով զսպում է իրեն, լսելով ուրիշի ասածը: Եվ ամեն բան, ինչ ասում էին, ո՛չ միայն ինքն Աննան, այլ և Վորկուեյը, Ստեպան Արկադևիչը, — ստանում էր, ինչպես թվում էր Լեինին, առանձին նշանակություն, շնորհիվ Աննայի ուշադրության ու դիտողությունների:

Չետեկով հետաքրքրական խոսակցությանը, Լեինն ամբողջ ժամանակ հիանում էր Աննայով՝ և՛ նրա գեղեցկությամբ, և՛ խելքով ու կրթվածությամբ, և՛ դրա հետ միասին՝ նրա պարզությամբ ու սրտակցությամբ: Լեինը լսում էր, խոսում և ամբողջ ժամանակ մտածում էր նրա մասին, նրա ներքին կյանքի մասին, աշխատելով հասկանալ նրա զգացումները: Եվ Լեինը, որ առաջ այնպես դատապարտում էր նրան, այժմ, մաքեբրի ինչ-որ տարօրինակ ընթացքով, արդարացնում էր նրան և ընդամին խղճում ու վախենում էր, որ Վոռնսկին նրան ո՛չ լիովին է հասկանում: Տասնմեկերորդ ժամին, երբ Ստեպան Արկադևիչը վեր կացավ, որ գնա (Վորկուեյը գնացել էր ավելի վաղ), Լեինին թվաց, կարծես ինքը հենց նոր եկավ: Լեինը նույնպես վեր կացավ ափսոսանքով:

— Գնաք բարով, — ասաց Աննան, բռնած պահելով նրա ձեռքը և նայելով նրա աչքերի մեջ գրավիչ հայացքով: — Ես շատ ուրախ եմ, que la glace est rompue¹.

Աննան բաց թողեց նրա ձեռքը ու աչքերը կկոցեց:

— Ասացեք ձեր կնոջը, որ ես սիրում եմ նրան առաջվա պես և եթե նա չի կարող ներել ինձ իմ դրուժյունը, ապա՝ ետ ցանկանում եմ, որ նա երբեք չների ինձ: Ներելու համար պետք է ապրել, կրել այն, ինչ կրեցի ես, իսկ դրանից թող տերը փրկի նրան:

— Անպայման, այո՛, ես կասեմ... — ասաց Լեինը կարմրելով:

XI

«Ի՛նչ զարմանալի, հաճելի և խղճալի կին», մտածում էր նա, Ստեպան Արկադևիչի հետ դուրս գալով ցուրտ օդին:

— Հը՛, ո՞նց է: Հո ասում էի քեզ, — ասաց նրան Ստեպան Արկադևիչը, տեսնելով, որ Լեինը բոլորովին հաղթահարված է:

— Այո՛, — մտազբաղ պատասխանեց Լեինը, — արտասովոր կին: Բանը խելքը չէ, զարմանալի սրտառուչ կին է: Սաստիկ խղճում եմ նրան:

— Այժմ, աստված տա, շուտով ամեն բան կկարգավորվի:

¹ Որ ստույգը կտրվեց:

Տե՛ս, այդպէս է, ա՛յ, մի՛ դատիր առաջուց, — ասաց Ստեպան Արկադեիչը, բանալով կառնթի դռնակը: — Մնաս բարով, մեր ճանապարհները տարբեր են:

Անդադար մտածելով Աննայի մասին, ամենապարզ այն խոսակցութիւններն էր մասին, որ եղան նրա հետ, և մտաբերելով նրա դեմքի արտահայտութեան բոլոր մանրամասները, ավելի ու ավելի մտնելով նրա դրութեան մեջ և զգալով նրա հանդեպ խղճահարութիւն, Լեինը հասավ տուն:

Տանը Կուզման հայտնեց Լեինին, որ Կատերինա Ալեքսանդրովնան առողջ է, որ քիչ առաջ միայն գնացին քույրերը, և հանձնեց երկու նամակ: Լեինը հենց այդտեղ՝ նախասենյակում կարողաց նամակները, որպեսզի հետո չզբաղվի գրանցով: Մեկը Սոկոլովից էր՝ գործակատարից: Սոկոլովը գրում էր, որ ցորենը ծախել չի կարելի, տալիս են միայն հինգուկես ուրբի, իսկ որևէ տեղից դրամ վերցնել այլևս հնարավոր չէ: Մյուս նամակը քրոջից էր: Նա հանդիմանում էր եղբորն այն բանի համար, որ իր գործը տակավին չէր կատարված:

«Է՛հ, կծախենք հինգուկես ուրբով, եթե ավելի չեն տալիս», անմիջապէս անսովոր թեթևութամբ վճռեց Լեինն առաջին հարցը, որն առաջ թվում էր նրան այնքան դժվար: «Զարմանալի է, թե ինչպէս զբաղված է այստեղ իմ ամբողջ ժամանակը», մտածեց նա երկրորդ նամակի կապակցութեամբ: Նա իրեն մեղավոր էր զգում քրոջ հանդեպ այն բանի համար, որ մինչև այսօր չէր արել այն, ինչի մասին քույրը խնդրել էր: «Այսօր նորից չգնացի դատարան, բայց այսօր արդեն իսկապէս ժամանակ չկար»: Ու վճռելով, որ դա անպայման կանի վաղը, նա գնաց կնոջ մոտ: Գնալով նրա մոտ, Լեինը մտքով արագ վերհիշեց իր անցկացրած ամբողջ օրը: Օրվա ամբողջ դեպքերը խոսակցութիւններ էին. խոսակցութիւններ, որ նա լսել էր և որոնց մասնակցել էր: Բոլոր խոսակցութիւններն այնպիսի նյութերի մասին էին, որոնցով ինքը երբեք չէր զբաղվի, եթե մենակ լիներ դուրսում, իսկ այստեղ նրանք շատ հետաքրքրական էին: Եվ բոլոր խոսակցութիւնները լավ էին. միայն երկու դեպքում այնքան էլ լավ չէին: Մեկն այն էր, ինչ

ասաց նա գայլաձկուն մասին, մյուսը՝ ինչ-որ բան այն չէր դեպի Աննան տածած իր քնքուշ խղճահարութեան մեջ:

Լեինը կնոջ գտավ տխուր և ծանծրացած: Երեք քույրերի ճաշը կարող էր լինել շատ ուրախ. բայց հետո, երբ նրանք երկար սպասեցին Լեինին, ամենքին համակեց ծանծրայթ: Քույրերը գնացին, և Կիտին մնաց մենակ:

— Իսկ դու ի՞նչ էիր անում, — հարցրեց Կիտին, նայելով ամուսնու աչքերին, որոնք փայլում էին ինչ-որ առանձնապէս կասկածելի կերպով: Բայց, որպեսզի չխանգարի նրան՝ պատմելու բոլորը, Կիտին թաքցրեց իր ուշադրութիւնը և հավանութեան ժպիտով լսում էր նրա պատմածն այն մասին, թե ինչպէ՛ս անցկացրեց նա երեկոն:

— Ես շատ ուրախացա, որ պատահեցի վոտնակուն: Ես ինձ զգում էի նրա հետ շատ թեթև ու պարզ: Հասկանո՞ւմ ես, այժմ ես կաշխատեմ երբեք այլևս շտեմսովել նրա հետ, բայց, որպեսզի վերջ տրվեր այդ անհարմար դրութեանը, — ասաց նա և հիշելով, որ ինքը, աշխատելով երբեք այլևս շտեմսովել, անմիջապէս գնաց Աննայի մոտ, կարմրեց: — Ահա մենք ասում ենք, թե ժողովուրդը խմում է. ես չգիտեմ ո՞վ է ավելի խմում՝ ժողովուրդը, թե՞ մեր դասը. ժողովուրդը գեթ տոն օրերին, իսկ...

Բայց Կիտիի համար հետաքրքրական չէր դատողութիւնն այն մասին, թե ինչպէ՛ս է խմում ժողովուրդը: Նա տեսավ, որ իր ամուսինը կարմրեց, և ուզում էր իմանալ, թե ինչո՞ւ:

— Իսկ հետո որտե՞ղ էիր:

— Ստիվան սաստիկ համոզում էր ինձ՝ գնալ Աննա Արկադեևայի մոտ:

Եվ ասելով այդ, Լեինը կարմրեց է՛լ ավելի, ու նրա կասկածն այն մասին, արդո՞ք ինքը լա՞վ արեց, թե՞ վատ, գնալով Աննայի մոտ, վերջնականապէս փարատվեց: Այժմ նա գիտեր, որ չպետք էր անել այդ բանը:

Կիտիի աչքերն առանձնապէս լայն բացվեցին ու փայլեցին Աննայի անունը լսելուց, բայց ուժ գործ դնելով իր վրա, նա թաքցրեց իր հուզմունքը և խաբեց ամուսնուն:

— Ա՛, — ասաց նա միայն:

— Ի՛նչ, իհարկե, չես բարկանա, որ ես գնացի: Ստիվան

խնդրեց, հետո՝ Գողին ցանկանում էր այդ,— շարունակեց
Լևինը:

— Օ՛ր, ոչ,— ասաց Կիտին, բայց նրա աչքերի մեջ Լևինը
տեսավ իր վրա ուժ գործ դնելու ջանք, որը բարի բան չէր
խոստանում իրեն:

— Նա շատ հաճելի, շատ, շատ խղճալի, լավ կին է,—
ասում էր Լևինը, պատմելով Աննայի մասին, նրա զբաղ-
մունքների և այն մասին, ինչ հանձնարարեց նա ասել:

— Այո՛, իհարկե, նա շատ խղճալի է,— ասաց Կիտին, երբ
Լևինը վերջացրեց:— Ումի՛ց նամակ ստացար:

Վեինն ասաց և հավատալով նրա հանգիստ տոնին, գնաց
հանվելու:

Վերադառնալով, Լևինը Կիտինն գտավ նույն բազկաթոռի
մեջ: Երբ նա մոտեցավ կնոջը, սա նայեց նրան ու հեկեկաց:

— Ի՞նչ եղավ, ի՞նչ,— հարցրեց Լևինը, նախապես արդեն
իմանալով թե՛ ի՞նչ:

— Դու սիրահարվել ես այդ գարշելի կնոջը, նա քեզ կա-
խարդել է: Ես տեսա ջո աչքերից: Այո, այո՛: Իսկ ի՞նչ կարող է
դուրս գալ դրանից: Ակումբում դու խմեցիր, խմեցիր, խաղա-
ցիր և հետո գնացիր... ո՛ւմ մոտ: Ո՛չ, գնա՛նք այստեղից...
վաղը ես կմեկնեմ:

Երկար ժամանակ Լևինը չէր կարողանում հանգստացնել
կնոջը: Վերջապես հանգստացրեց, խոստովանելով միայն, որ
խղճահարության զգացումը՝ միացած գինու հետ՝ խելքահան
արին իրեն, ու ինքը ենթարկվեց Աննայի խորամանկ ազդեցու-
թյանը և, որ այսուհետև կխուսափի նրանից: Մի բան, ինչ
Լևինն անկեղծաբար ընդունում էր, այն էր, որ այդքան երկար
ապրելով Մոսկվայում և զբաղված լինելով միայն խոսակցու-
թյուններով, ուտել-խմելով, խելքը կորցրել է: Նրանք խոսեցին
մինչև գիշերվա ժամը երեքը: Ժամը երեքին միայն նրանք
հաշտվեցին այնքան, որ կարող էին քնել:

XII

Հյուրերին ճանապարհ դնելուց հետո Աննան, առանց նըս-
տելու, սկսեց ետ ու առաջ քայլել սենյակում: Նա թեև անզի-
տակցաբար (ինչպես վերջերս վարվում էր բոլոր երիտասարդ
տղամարդկանց հետ) ամբողջ երեկոն անում էր հնարավորին

չափ ամեն ինչ, որպեսզի Լևինի մեջ սեր արթնացնի իր հան-
դեպ, և թեպետ գիտեր, որ հասավ իր նպատակին, որքան այդ
հնարավոր էր ամուսնացած մի աչքիվ մարդու նկատմամբ և
մի երեկոյի ընթացքում, ու թեպետ Լևինը շատ դուր եկավ
նրան (չնայած այն խիստ տարբերությանը, տղամարդու հա-
յեցակետով, որ կար Լևինի ու Վոռնսկու միջև, նա, որպես կին,
տեսնում էր նրանց մեջ հենց այն ընդհանուր բանը, որի հա-
մար Կիտին սիրեց և՛ Վոռնսկուն, և՛ Լևինին),— այսուամենայ-
նիվ նա դադարեց մտածել Լևինի մասին, հենց որ սա դուրս
գնաց սենյակից:

Մի, շարունակ մի միտք զանազան ձևերով հետամտում էր
Աննային, ձեռք չբաշխելով նրանից: Եթե ես այդպես ազդում
եմ ուրիշների վրա, ընտանիքի տեր այդ սիրող մարդու վրա,
ապա ինչո՞ւ նա այդպես սառն է իմ հանդեպ... և ոչ թե սառն
է, ես գիտեմ, նա սիրում է ինձ: Բայց այժմ ինչ-որ մի նոր
բան բաժանում է մեզ: Ինչո՞ւ նա չկա ամբողջ երեկո: Նա
պատվիրել է Ստիվային ասել, որ չի կարող թողնել Յաշվինին
և պետք է հետեի նրա խաղի: Ի՞նչ մի երեխա է Յաշվինը-
Սակայն, ենթադրենք, որ դա ճիշտ է: Նա երբեք սուտ չի ասում:
Բայց այս ճշմարտության մնչ կա ուրիշ բան: Նա ուրախ է՝
ամեն առիթով ցույց տալու ինձ, որ ունի ուրիշ պարտավորու-
թյուններ: Ես գիտեմ այդ, ես համաձայն եմ դրան: Սակայն
ինչո՞ւ ապացուցել ինձ այդ: Նա ուզում է ապացուցել, որ իմ
հանդեպ տածած սերը չպիտի խանգարի իր ազատությանը:
Բայց ինձ պետք չեն ապացույցներ, ինձ պետք է սեր: Նա
պետք է հասկանար իմ այս կյանքի ամբողջ ծանրությունն
այստեղ, Մոսկվայում: Մի՞թե ես ապրում եմ: Ես չեմ ապրում,
ես սպասում եմ հանգուցաբացին, որը տակավին ձգձգվում է
ու ձգձգվում: Նորից պատասխան չկա: Եվ Ստիվան ասում է,
որ չի կարող գնալ Ալեքսեյ Ալեքսանդրովիչի մոտ, իսկ ես չեմ
կարող գրել երկրորդ անգամ: Ես չեմ կարողանում ոչինչ անել,
աչինչ սկսել, ոչինչ փոխել, ես զսպում եմ ինձ, սպասում եմ,
հնարելով ինձ համար զբաղմունքներ՝ անզլիացու ընտանիք,
գրել, ընթերցանություն, բայց այս բոլորը խաբեություն է լոկ,
այս բոլորը նույն մորֆին է: Նա պետք է խղճա ինձ», ասում
էր Աննան, զգալով, թե ինչպե՛ս իր աչքերը լցվում են ինքն
իրեն խղճալու արցունքներով:

Նա լսեց Վոռնսկու զանգի ուժգին ձայնը և շտապ սրբեց արցունքներն ու ո՛չ միայն սրբեց արցունքները, այլև նստեց լամպի մոտ, բացեց գիրքը, ձևանալով հանգիստ: Պետք էր ցույց տալ նրան, թե ինքը դժգոհ է այն բանից, որ նա չվերադարձավ, ինչպես խոստացել էր, միայն դժգոհ է, բայց ո՛չ մի կերպ ցույց չտալ նրան իր վիշտը և, որ գլխավորն է, խղճահարություն իր հանդեպ: Աննան ինքը կարող էր խղճալ իրեն, բայց ո՛չ Վոռնսկին նրան: Աննան չէր ուզում պայքար, հանդիմանում էր Վոռնսկուն այն բանի համար, որ նա ուզում էր պայքարել, բայց ակամա ինքը կանգնում էր պայքարի դիրքում:

— Է՛, հո չէի՞ր ձանձրանում, — ասաց Վոռնսկին աշխույժ և ուրախ, մոտենալով նրան: — Ի՛նչ սարսափելի կիրք է խաղը:

— Ո՛չ, ես չէի ձանձրանում ու վաղուց արդեն սովորել եմ չձանձրանալ: Ստիվան ու Լեինն էին այստեղ:

— Այո՛, նրանք ուզում էին գալ քեզ մոտ: Հավանեցի՞ր դու Լեինին, — ասաց նա, նստելով Աննայի կողքին:

— Շատ: Նրանք նոր գնացին: Իսկ ի՞նչ արեց Յաշվինը:

— Տարել էր տասնյոթ հազար: Ես նրան կանչեցի: Ուզում էր արդեն տուն գնալ: Բայց վերադարձավ նորից և հիմա տանու է տվել:

— Հապա էլ ինչի՞ համար էիր մնում, — հարցրեց Աննան, հանկարծ բարձրացնելով աչքերը նրա վրա: Աննայի դեմքի արտահայտությունը սառն էր ու թշնամական: — Դու Ստիվային ասել էիր, թե մնում ես, որ դուրս տանես Յաշվինին: Մինչդեռ դու թողիր նրան:

Պայքարի սառն պատրաստակամության միևնույն արտահայտությունը երևաց նաև Վոռնսկու դեմքին:

— Նախ՝ ես նրան ոչինչ չէի խնդրել հաղորդելու քեզ, երկրորդ՝ ես երբեք սուտ չեմ ասում: Իսկ, որ գլխավորն է՝ ես ուզում էի մնալ և մնացի, — ասաց նա խոժոռվելով: — Աննա, ինչո՞ւ, ինչո՞ւ, — ասաց նա թուրքական լուռությունից հետո, կոանալով դեպի Աննան, և բացեց ձեռքը, հույս ունենալով, որ Աննան իր ձեռքը կդնի նրա ձեռքի մեջ:

Աննան ուրախ էր քնքրության հրավերի համար: Բայց շարունակյալ ինչ-որ տարօրինակ ուժ թույլ չտվեց նրան անձնա-

տուր լինելու այդ հրապույրին, կարծես թե պայքարի պայմանները թույլ չէին տալիս նրան հնազանդվելու:

— Հասկանալի է, որ դու ուզում էիր մնալ ու մնացիր: Դու անում ես այն, ինչ ուզում ես: Բայց ինչո՞ւ ես դու այդ բանն ասում ինձ: Ինչի՞ համար է, — ասում էր Աննան, ավելի և ավելի տաքանալով: — Մի՞թե մեկն ու մեկը վիճարկում է քո իրավունքները: Բայց դու ուզում ես լինել իրավացի և եղիր իրավացի:

Վոռնսկու ձեռքը փակվեց, նա ինքը ետ քաշվեց, և նրա դեմքն ընդունեց ավելի համառ արտահայտություն, քան առաջ:

— Քեզ համար այդ համառության բան է, — ասաց Աննան, սեռուն հայացքով նայելով նրան և հանկարծ գտնելով իրեն զրգոող դեմքի այդ արտահայտության անունը, — այո՛, իսկապես համառության բան է: Քեզ համար հարցը այն է, թե դո՞ւ կլինես ինձ հաղթողը, իսկ ինձ համար... — նա նորից խղճաց իրեն և քիչ մնաց, որ արտասվեր: — Եթե դու իմանայիր, թե ի՛նչն է ինձ տանջում: Երբ ես զգում եմ, ինչպես զգում եմ այժմ, որ դու թշնամաբար, այո՛, իսկապես թշնամաբար ես վերաբերվում ինձ, եթե դու գիտենայիր, թե դա ի՛նչ է նշանակում ինձ համար: Եթե դու իմանայիր, թե ես այդ բոլորներին որքա՛ն մոտ եմ դժբախտության, թե ինչպե՛ս վախենում եմ, ևս վախենում եմ ինձնից, — և նա շուտ եկավ, ծածկելով հեկեկանքը:

— Ինչի՞ մասին ենք վիճում մենք, — ասաց Վոռնսկին, սարսափած Աննայի հուսահատության արտահայտությունից և նորից կոանալով դեպի նա ու վերցնելով նրա ձեռքը, համբուրեց այն: — Ինչի՞ համար: Մի՞թե ես տանից դուրս փրկություն եմ զվարճությունների: Մի՞թե ես չեմ խուսափում կանանց հասարակությունից:

— Իհարկե՛, — ասաց Աննան:

— Դե ասա՛, ես ի՛նչ պետք է անեմ, որ դու հանգիստ լինես: Ես պատրաստ եմ անելու ամեն ինչ, որպեսզի դու լինես երջանիկ, — ասում էր Վոռնսկին, զգացված Աննայի հուսահատությունից, — ի՛նչ ասես՝ չեմ անի ես, Աննա, որպեսզի ազատեմ քեզ զոնն մի ցավից, ինչպես այժմ:

— Ոչի՛նչ, ոչի՛նչ, — ասաց Աննան: — Ես ինքս չգիտեմ, արդյոք մենավոր կյա՞նքը, զղե՞րս... Է՛հ, յիսուկնք այդ մա-

սին: Ինչո՞վ վերջացավ վազարշավը, դու չպատմեցիր ինձ,— հարցրեց Աննան, աշխատելով քողարկել հաղթանակը, որն այնուամենայնիվ մնաց իր կողմը:

Վոռնսկին խնդրեց ընթրիք ու սկսեց պատմել Աննային վազարշավի մանրամասները, բայց Վոռնսկու տոնի, նրա հայացքի մեջ, որոնք հետզհետե դառնում էին ավելի սառը, Աննան տեսնում էր, որ նա չի ների իրեն այդ հաղթանակը, որ նրա մեջ նորից հաստատվում էր համառության այն զգացումը, որի դեմ պայքարում էր ինքը: Վոռնսկին ղեպի Աննան հիմա ավելի սառն էր, քան առաջ, կարծես զղջում էր, որ հնազանդվեց: Եվ Աննան մտաբերելով այն խոսքերը, որոնք հաղթանակը տվին իրեն, այսինքն՝ «ես մոտ եմ դժբախտության և վախենում եմ ինձնից», հասկացավ, որ այդ վեհնքը վտանգավոր զենք է և որ չի կարելի գործածել դա ուրիշ անգամ: Ու Աննան զգում էր, թե այն սիրո կողքին, որը կապում էր իրենց, հաստատվեց իրենց միջև ինչ-որ պայքարի շար՝ ոգի, որին ինքը չէր կարող դուրս վանել ո՛չ նրա, ո՛չ էլ, մանավանդ, իր սրտից:

XIII

Չկան այնպիսի պայմաններ, որոնց մարդ չկարողանա վարժվել, մանավանդ երբ նա տեսնում է, որ իրեն շրջապատող բոլոր մարդիկ ապրում են հենց այդպես: Երեք ամիս առաջ Լեինը չէր հավատա, որ ինքը կարող է հանգիստ քնել այն պայմաններում, որոնց մեջ գտնվում էր այսօր. որ ապրելով աննպատակ, անմիտ կյանքով, ըստ այսմ, իր միջոցներից վեր կյանքով, որ հարբեցողությունից հետո (նա այլ կերպ չէր կարող անվանել այն, ինչ տեղի ունեցավ ակումբում), որ անհեթեթ բարեկամական հարբերություններից հետո այն մարդու հետ, որին մի ժամանակ սիրահարված է եղել իր կինը, և առավել ևս անհեթեթ այցելությունից հետո այն կնոջը, որին այլ կերպ չէր կարելի անվանել, քան՝ կորած, ու այդ կնոջով հրապուրվելուց և իր կնոջը վշտացնելուց հետո ինքը կարողանար հանգիստ քնել այս պայմաններում: Բայց հոգնածության, անքուն գիշերի և խմած գինու ազդեցության տակ նա քնեց ամուր ու հանգիստ:

Ժամը հինգին բացվող դռան ճոնչոցը արթնացրեց նրան:

Նա վեր թռավ ու նայեց շուրջը: Կիտին անկողնում չէր՝ նրա կողքին: Բայց միջնորմի ետևում կար շարժուն լույս, և նա լսեց կնոջ սոսների ձայնը:

— Ի՞նչ կա... Ի՞նչ,— ասաց նա քնաթաթախ:— Կիտի՛, ի՞նչ է եղել:

— Ոչինչ,— ասաց Կիտին, մոմը ձեռքին դուրս գալով միջնորմի ետևից:— Վատ էի զգում ինձ,— ասաց նա, ժպտալով առանձնապես քաղցր և նշանակալից ժպիտով:

— Ի՞նչ է, սկսվե՞ց, սկսվե՞ց,— վախեցած ասաց Լեինը,— Պետք է ուղարկել,— և նա սկսեց շտապ հագնվել:

— Ո՛չ, ո՛չ,— ասաց Կիտին, ժպտալով ու ձեռքով պահելով նրան:— Հավանորեն, ոչինչ չկա: Ես մի փոքր միայն վատ էի զգում: Բայց հիմա անցավ:

Եվ Կիտին մոտենալով մահճակալին, հանգցրեց մոմը, պառկեց ու հանդարտվեց: Թեպետև Լեինին կասկածելի թվաց կնոջ կարծես զուսպ, խաղաղ շնչառությունը և ամենից ավելի՝ այն առանձին քնքրության ու հուզվածության արտահայտությունը, որով Կիտին նրան ասաց «ոչինչ», դուրս գալով միջնորմի ետևից. բայց նա այնպես ուզում էր քնել, որ անմիջապես քնեց: Հետո միայն նա հիշեց Կիտիի խաղաղ շնչառությունը և հասկացավ այն բոլորը, ինչ տեղի ունեցրեց նրա թանկագին, սիրելի հոգու մեջ այն ժամանակ, երբ նա, առանց շարժվելու, պառկել էր ամուսնու կողքին, սպասելով կնոջ կյանքում ամենամեծ ղեպքին: Ժամը յոթին Լեինին արթնացրեց Կիտիի ձեռքի հպումը նրա ուսին և խաղաղ շշուկով: Կիտին կարծես պայքարում էր նրան արթնացնելու ափսոսանքի և նրա հետ խոսելու ցանկության միջև:

— Կոստյա, մի՛ վախենա: Ոչինչ: Բայց կարծես... Պետք է մարդ ուղարկել Լիզավետա Պետրովնայի ետևից:

Մոմը նորից վառվեց: Կիտին նստել էր մահճակալին ու ձեռքին բռնել էր այն գործվածքը, որով նա զբաղվում էր վերջին օրերս:

— Խնդրեմ, մի՛ վախենա, ոչինչ: Ես ամենևին չեմ վախենում,— տեսնելով ամուսնու վախեցած դեմքը, ասաց Կիտին ու սեղմեց նրա ձեռքն իր կրծքին, ապա՝ շուրթերին:

Լեինը շտապ վեր թռավ, մոռացած ինքն իրեն ու աչք չհեռացնելով Կիտիից, հագավ խալաթը ու կանգ առավ, շարու-

նակ նայելով նրան: Պետք էր զնալ, բայց նա չէր կարողանում կտրվել կնոջ հայացքից: Մի՞թե կասկած կարող էր լինել, որ նա սիրում էր Կիտիի գեմքը, գիտեր նրա հայացքը, նրա արտահայտությունը, բայց երբեք չէր տեսել նրան այդպիսի: Ի՞նչ գարշելի և սարսափելի էր պատկերանում նա ինքն իրեն, մտաբերելով Կիտիի երեկվա վիշտն ու վերավորանքը հանգեց այն Կիտիի, ինչպիսին էր նա այժմ: Կիտիի կարմրած վարդագույն դեմքը, երիզավորված գիշերվա շեպչիկի տակից դուրս պրծած փափուկ մազերով, փայլում էր ուրախությունից ու վճռականությամբ:

Որքան էլ քիչ անբնականություն ու պայմանականություն կար Կիտիի ընդհանուր բնավորության մեջ, այսուամենայնիվ Լևինը զարմացած էր այն բանից, ինչը բացվեց այժմ նրա առաջ, երբ հանկարծ վերցվեցին բոլոր ծածկոցները, և կնոջ հոգու միջուկը լուսավորվեց նրա աչքերում: Եվ այդ պարզության ու մերկության մեջ Կիտին, այն Կիտին, որին սիրում էր Լևինը, ավելի ևս տեսանելի էր: Կիտին ժպտալով նայում էր ամուսնուն, բայց հանկարծ ցնցվեցին նրա հոնքերը, նա բարձրացրեց գլուխը և արագ մոտենալով Լևինին, բռնեց նրա ձեռքն ու ամբողջ մարմնով սեղմվեց նրան, համակելով նրան իր ջերմ շնչով: Նա տառապում էր և կարծես թե գանգատվում էր ամուսնուն իր տառապանքներից: Եվ Լևինին առաջին րոպեին թվաց, ըստ իր սովորության, որ ինքը մեղավոր է: Բայց Կիտիի հայացքի մեջ կար քնքշություն, որն ասում էր, թե ինքը ո՛չ միայն չի հանդիմանում, այլև սիրում է նրան այդ տառապանքների համար: «Եթե ոչ ես, ապա ո՞վ է մեղավոր այդ բանում», ակամա մտածում էր Լևինը, փնտրելով այդ տառապանքների նախապատճառին, որպեսզի պատժի նրան, բայց նախապատճառ չկար: Կիտին տառապում էր, գանգատվում էր ու հաղթահարում էր այդ տառապանքները, և ուրախանում էր նրանց համար ու սիրում էր նրանց: Լևինը տեսնում էր, որ կնոջ հոգում ինչ-որ գեղեցիկ բան է կատարվում, բայց ինչ, չէր կարողանում հասկանալ: Դա բարձր էր նրա հասկացողությունից:

— Ես մարդ ուղարկեցի մայրիկի մոտ: Իսկ դու շուտ գնա կիզավետա Պետրովնայի ետևից... Կոստյա... ոչինչ, անցավ Կիտին հեռացավ ամուսնուց ու զանգահարեց:

— Ա՛յ, հիմա գնա: Պաշան դուրիս է: Ոչինչ, ես ինձ վատ չեմ զգում:

Եվ Լևինը զարմանքով տեսավ, որ Կիտին վերցրեց գիշերվա բերած ձեռագործը ու նորից սկսեց գործել:

Այդ միջոցին, մինչև Լևինը դուրս էր գալիս մի դռնից, նկատեց, որ մյուսից մասնում էր աղախինը: Լևինը կանգ առավ դռան մոտ ու լսեց, թե ինչպես Կիտին մանրամասն ցուցմունք էր տալիս աղախինին և նրա հետ ինքն էլ սկսեց տեղաշարժել մահճակալը:

Լևինը հազնվեց ու, մինչև կլծեին ձիերը, որովհետև կառապաններ դեռ չկային փողոցում, նորից ներս վազեց ննջարան, այն էլ ո՛չ թե ոտների ծայրին, այլ թև առած, ինչպես թվաց նրան: Երկու աղախինները մտահոգված մի բան էին տեղափոխում ննջարանում: Կիտին քայլում ու գործում էր, արագ գցելով թելի հատիկները և կարգադրություններ էր անում:

— Ես հիմա գնում եմ բժշկի մոտ: Կիզավետա Պետրովնայի ետևից գնացին, բայց ես էլ կգնամ: Բան պետք չէ՞: Հա՞, Դուլիի մո՞տ:— Կիտին նայեց նրան, ըստ երևույթին, շլսելով այն, ինչ ասում էր նա:

— Այո՛, այո՛: Գնա՛, — արագ ասաց Կիտին, խոժոռվելով և ձեռքը թափահարելով նրա վրա:

Լևինն արդեն մտնում էր ընդունարան, երբ ննջարանից հանկարծ լսվեց աղիողորմ տնջոց. որն անմիջապես և դադարեց: Նա կանգ առավ ու երկար ժամանակ չէր կարողանում հասկանալ:

«Այո՛, դա Կիտին է», ասաց նա ինքն իրեն և գլուխը բռնած, վազեց ներքև:

— Տեր աստված, ողորմի՛ր, ների՛ր, օգնի՛ր, — կրկնում էր նա մի տեսակ հանկարծ անսպասելիորեն իր շուրթերին եկած խոսքերը: Եվ նա, այդ չհավատացող մարդը, կրկնում էր այդ խոսքերը ո՛չ միմիայն շրթունքներով: Այժմ, այդ րոպեին, նա գիտեր, որ ո՛չ միայն իր բոլոր կասկածները, այլև բանականությունամբ հավատալու այն անհնարինությունը, որ գոյություն ուներ իր մեջ, չէին խանգարում նրան դիմելու աստծուն: Այդ բոլորն այժմ փոշու պես թռավ, ցնդեց նրա հոգուց: Էլ ո՞ւմ պիտի դիմեր նա, եթե ոչ նրան, որի ձեռքին էր ինքը, իր հոգին և իր սերը:

Ձին դեռ պատրաստ չէր. բայց զգալով իր մեջ առանձին շարվածություն՝ թե՛ ֆիզիկական ուժերի, թե՛ ուշադրության դեպի այն դործը, որ ինքը պետք է կատարեր, առանց մի րոպե կորցնելու և առանց սպասելու ձիուն, նա դուրս եկավ փողոց ոտքով ու հրամայեց կուզմային՝ հասնել իր ետևից։

Անկյունում նա պատահեց շտապող գիշերային մի կառույցանի, Փոքրիկ սահնակում, թավշյա սալուպով¹, գլխին կապած թաշկինակ, նստել էր կիզափետա Պետրովնան։ «Փա՛ռք աստծո, փա՛ռք աստծո,— ասաց լեհներ, ցնծությամբ ճանաչելով նրա փոքրիկ, շիկավուն դեմքը, որն այժմ ուներ առանձնապես լուրջ, նույնիսկ խիստ արտահայտություն։ Առանց հրամայելու կառույցանին, որ կանգ առնի, նա ետ դարձավ ու վազեց նրա կողքով։

— Ուրեմն, մոտ երկու՞ ժամ։ Ո՞չ ավելի,— հարցրեց կիզափետա Պետրովնան։— Դուք տանը կգտնեք Պյոտր Դմիտրիչին, միայն մի՛ շտապեցրեք նրան։ Գեղատնից էլ ափիոն վերցրեք։

— Ուրեմն դուք կարծում եք, որ կարող է վերջանալ բանահարձակը։ Տեր աստված, ողորմի՛ր և օգնի՛ր,— ասաց լեհներ, տեսնելով դարպասից դուրս եկող իր ձին։ Թռչելով սահնակի մեջ՝ կուզմայի կողքին, նա հրամայեց գնալ բժշկի մոտ։

XIV

Բժիշկը դեռ չէր վեր կացել. ծառան ասաց, որ «ուշ է պակել և չի՛ հրամայել արթնացնել, բայց շուտով վեր կկենա»։ Մտառն մաքրում էր լամպերի ապակիները և թվում էր, թե սաստիկ զբաղված է դրանով։ Մտառի այդ ուշադրությունը ապակիներին և անտարբերությունը դեպի այն, ինչ կատարվում էր լեհի մեջ, սկզբում զարմացրեց նրան, բայց անմիջապես, մտախոհելուց հետո, նա հասկացավ, որ ո՛չ ոք չգիտե և պարտավոր չէ իմանալ իր զգացումները, ուստի ավելի ևս հարկավոր է գործել հանդիստ, մտածված ու վճռականորեն, որպեսզի կարելի լինի խորտակել անտարբերության այդ պատը և հասնել իր նպատակին։ «Չշտապել ու ոչինչ աչքա-

թող չանել», ասում էր ինքն իրեն լեհներ, զգալով իր մեջ ավելի ու ավելի լեռնացումը ֆիզիկական ուժերի և ուշադրության՝ հանդեպ այն ամենի, ինչ պետք է նա աներ առաջիկայում։

Իմանալով, որ բժիշկը դեռ չի վեր կացել, լեհներ իրեն պատկերացող դանազան ծրագրերից կանգ առավ հետևյալի վրա. կուզմային տոմսով ուղարկել ուրիշ բժշկի մոտ, ինքը գնա դեղատուն՝ ափիոնի և երբ վերադառնա, ու բժիշկը դեռ վեր կացած չլինի, այդ դեպքում՝ կաշառելով ծառային կամ բռնությամբ, եթե նա չհամաձայնի, արթնացնել բժշկին, ինչ էլ լինի։

Գեղատանը նիհար դեղագործը հենց նույն անտարբերությամբ, որով ծառան մաքրում էր ապակիները, կնքում էր դրոշմաթղթով դեղափոշիներն այդտեղ սպասող կառույցանի համար և հրաժարվեց ափիոն բաց թողնել։ Աշխատելով շտապել ու շտաքանալ, տալով բժշկի ու մանկաբարձուհու ազգանունները և բացատրելով, թե ինչի՞ համար է ափիոնը, լեհներ սկսեց համոզել նրան։ Գեղագործը գերմաներեն խորհուրդ հարցնելով, արդո՞ք բաց թողնել, և միջոցովի ետևից ստանալով համաձայնություն, հանեց սրվակը, ձագարը, դանդաղորեն մեծ պամից լցրեց փոքրի մեջ, կպցրեց պիտակը, կնքեց, շնայած լեհին խնդրին՝ չանել այդ, և դեռ ուզում էր փաթաթել։ Այդ բանին լեհներ արդեն չկարողացավ դիմանալ, խլեց նրա ձեռքից սրվակը և վազեց դեպի ապակյա մեծ դուռը։ Բժիշկը դեռ չէր վեր կացել, և ծառան, որ այժմ զբաղված էր գորգը փռելով, հրաժարվեց արթնացնել։ Առանց շտապելու, լեհներ հանեց տասը ուրբիանոց մի թղթադրամ և դանդաղ արտասանելով բռնորդ, բայց ժամանակ չկորցնելով, տվեց նրան թրջթաղամբ ու բացատրեց, որ Պյոտր Դմիտրիչը (ինչպե՛ս մեծ ու նշանակալից էր թվում այժմ լեհինին առաջ այնքան աննշան Պյոտր Դմիտրիչը) խոստացել է գնալ օրվա ամեն ժամին, որ նա հավանորեն չի բարկանա, ուստի սպասավորը կարող է այս րոպեիս արթնացնել նրան։

Մտառն համաձայնեց, գնաց վերև ու լեհինին հրավիրեց ընդունարան։

Լեհներ լսում էր դռան ետևից, թե ինչպե՛ս հազում էր, բայց լսում, լվացվում և ինչ-որ բան էր ասում բժիշկը։ Անցավ երեք րոպե. լեհինին թվում էր, թե անցավ ավելի քան մեկ ժամ։ Նա այլևս չէր կարող սպասել։

¹ Կանացի երկար ու լայն վերարկու։

— Պյոտր Դմիտրիչ, Պյոտր Դմիտրիչ, — աղերսագին ձայնով տասաց նա բաց դռան միջից: Ի սեբ, աստծո, ներհցեք ինձ: Ընդունեցեք ինձ այնպես, ինչպես կաք: Արդեն երկու ժամից ավելի է:

— Իսկո՛ւյն, իսկո՛ւյն, — պատասխանեց ձայնը, և Լևինը դարձանքով լսեց, որ բժիշկը այդ ասում էր ժպտալով:

— Մի բուպեղով...

— Իսկո՛ւյն:

Անցավ էլի երկու բուպե, մինչ բժիշկը հասնում էր կոշիկները, և էլի երկու բուպե, մինչ բժիշկը կհագներ զգեստ և կսանրեր զլուխը:

— Պյոտր Դմիտրիչ, — խղճուկ ձայնով նորից սկսեց Լևինը, բայց այդ ժամանակ դուրս եկավ բժիշկը, հագնված ու սանրված: Ձեռքով խիղճ շունեն, — մտածեց Լևինը: — Սանրվե՛լ այն միջոցին, երբ մենք կործանվում ենք:

— Բարի լույս, — ասաց բժիշկը, ձեռքը տալով նրան ու կարծես զրգոելով նրան իր հանգստությամբ: — Մի՛ շտապեք: Ի՞նչ կասեք:

Աշխատելով ըստ հնարավորին հանգամանորեն, Լևինն սկսեց պատմել բոլոր անկարևոր մանրամասները կնոջ վիճակի մասին, անդադար ընդհատելով իր պատմությունը, խընդրելով բժշկին, որ նա անմիջապես գնա իր հետ:

— Մի՛ շտապեք: Ըստ երևույթին, դուք չգիտեք, որ ես պետք չեմ, բայց խոստացել եմ և, իհարկե, կգամ: Սակայն շտապելու բան չկա: Խնդրեմ, նստեցեք, արդյոք չէի՞ք կամե՛նա սուրճ:

Լևինը նայեց նրան, հայացքով հարցնելով, հո չի՞ ծիծաղում իր վրա: Բայց բժշկի մտքով անգամ չէր անցնում ծիծաղել:

— Դիտե՛մ, դիտե՛մ, — ասաց բժիշկը ժպտալով, — ես ինքս ընտանիքի տեր եմ, բայց մենք, ամուսիններս, այդ բուպեներին ամենաողորմելի մարդիկ ենք: Ես ունեմ մի կին-պացիհետ, որի ամուսինը նման զեպքերում միշտ փախչում, պահվում է ձիանոցում:

— Բայց ի՛նչ եք կարծում, Պյոտր Դմիտրիչ: Դուք կարծում եք, որ կարող է վերջանալ բարեհաջո՞ղ:

— Բոլոր տվյալները հօդուտ բարեհաջող ելքի են:

— Ուրեմն դուք հիմա կգա՞ք, — հարցրեց Լևինը, զայրույթով նայելով ծառային, որը սուրճ էր բերում:

— Մի ժամից:

— Ո՛չ, ի սեբ աստծո:

— Ուրեմն թողեք, գեթ սուրճ խմեմ:

Բժիշկն սկսեց սուրճ խմել: Երկուսն էլ լռեցին:

— Բայց թուրքերին լա՛վ են ջարդում: Կարողացի՞ք երեկ վա հեռագիրը, — ասաց բժիշկը, ծամելով բուլկին:

— Ո՛չ, ես չեմ կարող, — ասաց Լևինը, վեր թռչելով: — Ուրեմն քառորդ ժամից դուք կլինե՞ք:

— Կես ժամից:

— Ազնիվ խո՞սք:

Երբ Լևինը վերադառնում էր տուն, պատահեց իշխանուհուն, և նրանք միասին մոտեցան ննջարանի դռանը: Իշխանուհու աչքերում արցունքներ էին երևում, և ձեռքերը դուրս դրած էին: Տեսնելով Լևինին, նա զրկեց նրան ու լաց եղավ:

— Ինչպե՞ս է, հոգյա՛կս, կիզավետա Պետրովնա, — ասաց իշխանուհին, բռնելով իրենց ընդառաջ եկող, մտազբաղ ու պայծառ դեմքով կիզավետա Պետրովնայի ձեռքը:

— Լավ է գնում, — պատասխանեց նա, — համոզեցեք, թող պառկի: Ավելի հեշտ կլինի:

Այն բուպեից, երբ Լևինը զարթնեց ու հասկացավ, թե բանն ի՛նչ է, պատրաստվեց, որ առանց խորհելու, առանց ոչինչ նախատեսելու, փակելով իր բոլոր մտքերն ու զգացումները, հաստատուն կերպով, չվրդովելով կնոջը, այլ, ընդհակառակն, հանգստացնելով նրան և զորավիզ լինելով նրա քաջությանը, — տանի այն, ինչ սպասում է իրեն: Թույլ շտալով իրեն նույնիսկ մտածելու այն մասին, թե ի՛նչ կլի՛նի, ինչո՞վ կվերջանա, դատելով հարցուփորձից, թե որքա՞ն է տևում այդ սովորաբար, Լևինը երևակայությամբ պատրաստվեց համբերելու և զսպելու իրեն մոտ հինգ ժամ, ու դա նրան թվում էր հնարավոր: Բայց երբ նա վերադարձավ բժշկից ու նորից տեսավ Կիտիի տառապանքները, սկսեց ավելի ու ավելի հաճախ կրկնել. «Տե՛ր աստված, ների՛ր, օգնի՛ր», սկսեց հառաչել և զլուխը բարձրացնել դեպի երկինք ու վախ զգաց, որ չի դիմանա, լաց կլինի կամ դուրս կփախչի այնպես տանջվում էր նա: Իսկ անցել էր միայն մի ժամ:

Սակայն այդ ժամից հետո անցավ էլի մի ժամ, երկու, երեք ժամ, անցան բոլոր հինգ ժամերը, որ դրել էր իր համար սրպես համբերության ամենահեռավոր ժամկետ, և դրությունն էլի նույնն էր ու նա համբերում էր, սրովհետև անելու ուրիշ բան չկար, քան համբերել, ամեն բոպե մտածելով, որ հասել է համբերության վերջին սահմանագծին, և որ սիրտը հիմա, ուր այ է, կայացի կարեկցությունից:

Բայց անցնում էին էլի րոպեններ, ժամեր, կրկին ժամեր, և ավելի ևս ւսճում ու լարվում էին նրա տանջանքի և սարսափի զգացումները:

Կյանքի այն բոլոր սովորական պայմանները, առանց որոնց չի կարելի ոչինչ պատկերացնել, այլևս գոյություն չունեին ևեհի համար: Լեինը կորցրել էր ժամանակի զգացողությունը: Երբեմն րոպենները, այն րոպենները, երբ Կիտին կանչում էր նրան իր մոտ, և Լեինը բռնում էր նրա քրտնած, մերթ արտասովոր ուժով սեղմող, մերթ իրեն վանող ձեռքը, թվում էին նրան ժամեր, երբեմն ժամերը թրվում էին րոպեններ: Լեինը զարմացավ, երբ Լիզավետա Պետրովնան խնդրեց նրան՝ մոմը վառել շիրմայի ետևում, և նա իմացավ, որ երեկոյան ժամը հինգն է արդեն: Սթե նրան ասեին, որ այժմ առավոտյան ժամը տասն է միայն, նա նույնպես քիչ կզարմանար: Ինչպես նա համարյա չէր իմանում, թե որտե՞ղ է գտնվում ինքն այդ ժամանակ, նույնպես չէր իմանում, թե երբ ի՞նչ է եղել: Լեինը տեսնում էր Կիտիի բորբոքված, մերթ տարակուսող ու տառապող, մերթ ժպտացող ու նրան հանգստացնող դեմքը: Լեինը տեսնում էր և՛ իշխանուհուն, կարմրած, լարված, կախ ընկած սպիտակ մազերի խոպոպիկներով, աչքերին արցունք, որը նա կույ էր տալիս եռանդով, կծելով շրթունքները. տեսնում էր և՛ Դոլլին, և՛ բժշկին, որը ծխում էր հաստ պապիրոսներ, և՛ Լիզավետա Պետրովնային՝ հաստատակամ, վճռական ու հանգրստացնող դեմքով, և՛ ծերունի իշխանին, որը քայլում էր գահիճում՝ խոժոռ դեմքով: Բայց նա չգիտեր, ինչպե՞ս էին նրանք գալիս-գնում, որտե՞ղ էին նրանք: Իշխանուհին մերթ բժշկի հետ էր՝ ննջարանում, մերթ առանձնասենյակում, որտեղ երևան եկավ հացի պատրաստի սեղան. մերթ լինում էր ու թե իշխանուհին, այլ Դոլլին: Հետո Լեինը հիշում էր, որ

իրեն ուղարկեցին մի տեղ: Մի անգամ նրան ուղարկեցին, որ բերի սեղանն ու բազմոցը: Նա ջանասիրությամբ կատարեց այդ, կարծելով, թե դա հարկավոր է Կիտիի համար, և հետո միայն իմացավ, որ իր համար գիշերօթոց էր պատրաստում: Հետո նրան ուղարկեցին բժշկի մոտ՝ առանձնասենյակ, հարցնելու ինչ-որ բան: Բժիշկը պատասխանեց, ապա խոսեց դուժալում եղած անկարգությունների մասին: Հետո նրան ուղարկեցին ննջարան՝ իշխանուհու մոտ՝ բերելու արծաթապատ, ոսկեզօծ շրջադրվագով սրբապատկերը, և նա իշխանուհու պատվ աղախնի հետ բարձրացավ պահարանի գլուխը՝ իջեցնելու սրբապատկերը և ջարդեց կանթեղը, ու իշխանուհու աղախինը հանգստացնում էր նրան կնոջ և կանթեղի առթիվ, ու նա բերեց նրբապատկերը և դրեց Կիտիի գլխավերևում, խնամքով խորելով այն բարձերի ետևը: Բայց նա չգիտեր, թե որտեղ, ե՞րբ և ի՞նչի համար էր այդ բոլորը: Նա չէր հասկանում նույն՝ ես, թե ինչու՞ իշխանուհին բռնում էր իր ձեռքը և խղճահար նայելով իրեն, խնդրում էր հանգստանալ, իսկ Դոլլին համոզում էր մի բան ուտել ու դուրս էր տանում սենյակից. նույնիսկ բժիշկը լուրջ ու կարեկցությամբ էր նայում նրան ու առաջարկում էր կաթիլներ:

Լեինը գիտեր ու զգում էր միայն, թե այն, ինչ կատարվում էր, նման էր այն բանին, որ տեղի ունեցավ մի տարի առաջ նահանգական քաղաքի հյուրանոցում՝ Նիկոլայ եղբոր մահվան անկողնում: Բայց այն վիշտ էր, իսկ սա՝ ուրախություն: Սակայն և՛ այն վիշտը, և՛ այս ուրախությունը հավասարապես դուրս էին կյանքի բոլոր սովորական պայմաններից. նրանք սովորական այս կյանքի մեջ կարծես այն անցքերն էին, որոնց միջից երևում էր ինչ-որ գերագույն բան: Եվ հավասարապես ծանր, տանջալից ձևով էր մոտենում այն, ինչ պետք է կատարվեր. և հավասարապես անհասանելիորեն, մտազննելով այդ գերագույն բանը, բարձրանում էր հոգին այնպիսի բարձրության վրա, որը նա (հոգին) առաջ երբեք չէր էլ հասկացել, և ուր բանականությունն արդեն չէր հասնում նրան:

«Տեր աստված, ների՛ր և օգնի՛ր», կրկնում էր նա անզգար, չնայած այդքան տևական ու կատարյալ թվացող օտարացմանը, զգալով, որ ինքը դիմում է աստծուն ճիշտ այնպես

վստահ ու պարզորեն, ինչպես մանկության և առաջին երկտասարդության տարիներին:

Այդ ամբողջ ժամանակ նա ուներ երկու, իրարից բաժան տրամադրություն: Կիտիի ներկայությունից դուրս, բժշկի հետ, որ մեկը մյուսի հետևից ծխում էր հաստ գլանակներ ու հանգցնում էր դրանք լեցուն մոխրամանի եզրին, Դոլլիի և իշխանի հետ, որտեղ խոսում էին ճաշի՝ քաղաքականության, Մարիա Պետրովնայի հիվանդության մասին, և որտեղ Լևինը հանկարծ մի րոպե բոլորովին մոռանում էր այն, ինչ տեղի ուներ, ու զգում էր իրեն ասես արթնացած, — և ուրիշ տրամադրություն՝ Կիտիի ներկայությամբ. նրա սնարի մոտ, որտեղ սիրտն ուզում էր պայթել կարեկցությունից ու չէր պայթում, և նա անդադար աղոթում էր աստծուն: Ու ամեն անգամ, երբ մոռացության րոպեից նրան հանում էր ննջարանից լսվող ճիչը, նա ընկնում էր հենց այն տարօրինակ մոլորության մեջ, որն առաջին րոպեին համակեց նրան. ամեն անգամ, լսելով ճիչը, նա վեր էր թռչում, վազում էր արդարանալու, բայց ճանապարհին հիշում էր, որ ինքը մեղավոր չէ. և ուզում էր պաշտպանել, օգնել, Սակայն նայելով Կիտիին, նա նորից տեսնում էր, որ օգնել չի կարելի, սարսափում էր և ասում. «Տեր աստված, ների՛ր և օգնի՛ր»: Ու որքան շատ ժամանակ էր անցնում, այնքան ավելի ուժեղ էին դառնում այդ երկու տրամադրությունները. այնքան ավելի հանգստանում էր նա Կիտիի ներկայությունից դուրս. բոլորովին մոռանալով նրան, և այնքան ավելի տանջալից էին դառնում թե՛ Կիտիի տառապանքներն ինքնին, թե՛ անճարակության զգացումը նրանց առաջ: Նա վեր էր թռչում, ցանկանում էր փախչել որևէ տեղ, և վազում էր դեպի Կիտին:

Իրբեմն, երբ նորից ու նորից Կիտին կանչում էր նրան, նա մեղադրում էր կնոջը: Բայց տեսնելով նրա հնազանդ, ժպտուն դեմքը և լսելով «ես քեզ տանջեցի» խոսքերը, Լևինը մեղադրում էր աստծուն, սակայն, հիշելով աստծո մասին, անմիջապես խնդրում էր ներել ու ողորմալ:

XV

Լևինը շփոտեր, ո՞ւր էր, թե վաղ: Բոլոր մոմերն արդեն վառվել, վերջացել էին: Դոլլին հենց նոր եղել էր առանձնա-

սենյակում և բժշկին առաջարկել էր պառկել: Լևինը նստած լսում էր բժշկի պատմածները խարդախ հիպոնոսացնողի մասին ու նայում էր նրա ծխախոտի մոխրին: Հանգստի ժամամիջոցն էր, և նա ընկավ ինքնամոռացության մեջ: Նա բոլորովին մոռացել էր այն, ի՞նչ կատարվում էր այժմ: Նա լսում էր բժշկի պատմությունը և հասկանում լսածը: Հանկարծ լսվեց աներևակայելի մի ճիչ: Ճիչն այնքան սարսափելի էր, որ Լևինը նույնիսկ վեր շթոավ տեղից, այլ շունչը պահած, վախեցած-հարցական հայացքով նայեց բժշկին: Բժիշկը գլուխը թեքեց մի կողքի, ականջ դնելով, և հավանությամբ ժպտաց: Բոլորն այնքան արտասովոր էր, որ այլևս ոչինչ չէր զարմացնում Լևինին: «Նրեի այդպես է պետք», մտածեց նա ու շարունակեց նստած մնալ: Ո՞ւմ ճիչն էր այդ: Նա թռավ տեղից. ոտների ծայրի վրա վազեց ննջարան, մոտեցավ կիզավետա Պետրովնային, իշխանուհուն և կանգնեց իր տեղը, Կիտիի սնարի մոտ: Ճիչը հանդարտվեց, բայց ինչ-որ բան փոխվեց այժմ: Թե ինչ՝ նա չտեսավ ու չհասկացավ և չէր ուզում տեսնել ու հասկանալ: Բայց այդ բանը նա տեսավ կիզավետա Պետրովնայի դեմքից. կիզավետա Պետրովնայի դեմքը խիստ էր ու գունատ և առաջվա պես վճռական, թեպետ նրա ծնոտները մի փոքր ցնցվում էին ու աչքերը շեշտակի հառած էին Կիտիին: Կիտիի բորբոքված, տանջված դեմքը, քրտնած երեսին կպած մի փունջ մազերով, դարձած էր դեպի Լևինը և փնտրում էր նրա հայացքը: Վեր բարձրացրած ձեռքերը փնտրում էին նրա ձեռքերը: Քրտնած ձեռքերով բռնելով նրա սառը ձեռքերը, Կիտին սկսեց դրանք սեղմել իր դեմքին:

— Մի՛ հեռանա, մի՛ հեռանա: Ես չեմ վախենում, չեմ վախենում, — արագ ասում էր Կիտին: — Մայրի՛կ, վերցրեք ականջօղեքս: Նրանք խանգարում են ինձ: Դու չե՞ս վախենում: Շուտո՞վ, շուտո՞վ, կիզավետա Պետրովնա...

Նա խոսում էր արագ, արագ և ուզում էր ժպտալ: Բայց հանկարծ նրա դեմքը այլալվեց, նա ետ հրեց ամուսնուն իրենից:

— Ո՛չ, սոսկալի բան է: Ես կմեռնեմ, կմեռնեմ: Մո՛տ եկ, մո՛տ եկ, — բղավեց նա, և նորից լսվեց նույն ճիչը, որ ոչ մի բանի հնարավոր չէր նմանեցնել:

Լևինը բռնեց գլուխը ու դուրս փախավ սենյակից:

— Ոչի՛նչ, ոչի՛նչ, ամեն ինչ լավ է,— ասաց Լեինի ետեից Գուլին:

Բայց ինչ էլ ասեին նրանք, Լեինը գիտեր, որ այժմ ամեն բան կորած է: Գուլիսը հենած դռան շրջանակին, նա կանգնել էր հարևան սենյակում և լսում էր մեկի վնասոցը, ոռնոցը, որ երբեք չէր լսել և գիտեր, որ բղավում է նա, որ առաջ կիտի էր: Վաղուց արդեն էլ երեխա չէր ցանկանում նա: Բայց այժմ ատում էր այդ երեխային: Նա այժմ նույնիսկ չէր ցանկանում կիտիի կյանքը, նա ցանկանում էր միայն, որ դադարեին այդ սոսկալի տանջանքները:

— Բ՛իշկ, ի՛նչ: Բան է այդ: Ի՞նչ բան է այդ: Աստված իմ,— ասաց Լեինը, բռնելով ներս եկած բժշկի ձեռքը:

— Վերջանում է,— ասաց բժիշկը: — Եվ բժշկի դեմքն այնպես լուրջ էր, երբ նա ասում էր այդ, որ Լեինը վերջանում է հասկացա՞վ մեռնում է իմաստով:

Գուլիսը կորցրած, Լեինը վազեց ննջարան: Առաջին բանը, որ նա տեսավ, Լիզավետա Պետրովնայի դեմքն էր: Այն ավելի ևս խոժոռ էր ու խիստ: Կիտիի երեսին գուլյն չկար: Այնտեղ, որտեղ առաջ նրա դեմքն էր, կար ինչ-որ սարսափելի բան՝ թե ըստ լարվածության, թե ըստ այն հնչյունի, որ դուրս էր գալիս այնտեղից: Նա գուլիսը սեղմեց մահճակալի փայտին, զգալով, որ սիրտը կտոր-կտոր է լինում: Չէր լուծում սոսկալի ճիշը, որը դարձավ ավելի ևս սոսկալի և կարծես հասնելով սոսկանքի վերջին սահմանագծին, հանկարծ հանդարտեց: Լեինը չէր հավատում իր լսողությանը, բայց չէր կարելի կասկածել. ճիշը հանդարտեց: և լավեց անդորր իրարանցում, շրշյուն ու շտապ շնչառություն, և Կիտիի ընդհատվող, մի ու քնքուշ, երջանիկ ձայնը կամաց արտասանեց. «վերջացավ»:

Լեինը բարձրացրեց գուլիսը: Թեևրն անզոր իջեցնելով, զցելով վերմակի վրա, անսովոր գեղեցիկ ու խաղաղ, Կիտին լուռ նայում էր ամուսնուն և ուզում էր ու չէր կարողանում ժպտալ:

Ու հանկարծ այն խորհրդավոր ու սարսափելի, ո՛չ այս աշխարհից, որտեղ Լեինն ապրում էր այդ քսաներկու ժամաքնթացքում, նա վայրկենապես իրեն բերված զգաց առաջվա սովորական աշխարհը. բայց սա այժմ փայլում էր երջանկության այնպիսի նոր լույսով, որ նա չկարողացավ դիմա-

նալ դրան: Զգված բոլոր լարերը կտրվեցին: Ինդուլյասն հեկեկանքն ու արցունքները, որոնք նա ո՛չ մի կերպ չէր նախատեսել, բարձրացան նրա մեջ այնպես ուժգնորեն, ցնցելով նրա ամբողջ մարմինը, որ երկար ժամանակ խանդարում էին նրան, և նա չէր կարողանում խոսել:

Ծնկի եկած անկողնու առաջ, նա կնոջ ձեռքը բռնել էր շրթունքների մոտ ու համբուրում էր, և այդ ձեռքը մատների թույլ շարժումով պատասխանում էր նրա համբույրներին: Իսկ մինչդեռ այնտեղ, մահճակալի ոտների կողմը, Լիզավետա Պետրովնայի ճարպիկ ձեռքերում, ինչպես կրակը կանթեղի վրա, օրորվում էր կյանքը մարդկային արարածի, որը երբեք չկար առաջ և որը նույնպես, նույն իրավունքով, իր համար նույնպիսի կարևորություն մար պիտի ապրի ու պտղաբերի իր նման արարածներ:

— Ո՛ղջ է, ո՛ղջ: Այն էլ տղա՛: Մի անհանգստանաք,— լսում էր Լեինը Լիզավետա Պետրովնայի ձայնը, որը գողգոջուն ձեռքերով շրմփացնում էր երեխայի մեջքին:

— Մայրի՛կ, ճի՛շտ է,— հարցրեց Կիտիի ձայնը:

Իշխանուհու հեկեկանքները միայն պատասխանեցին նրան:

Ու լուռության միջից, որպես աներկբա պատասխան մոր հարցի, լավեց մի բոլորովին ուրիշ ձայն, քան բոլոր այն ձայնները, որոնք զուսպ խոսում էին սենյակում: Դա ոչինչ հասկանալ չուզեցող, համարձակ, հանդուգն ճիշ էր, հասկանալի չէ, թե որտեղի՞ց՝ հանդես եկած մարդկային նոր արարածի:

Եթե առաջ Լեինին ասեին, որ Կիտին մեռավ և որ ինքն էլ մեռավ նրա հետ, և որ իրենց երեխաները հրեշտակներ են, և որ աստված այստեղ է, իրենց առաջ, նա ո՛չ մի բանի վրա չէր զարմանա, բայց հիմա, վերադառնալով իրական աշխարհ, նա մտքի մեծ ջանքեր էր թափում հասկանալու համար, որ Կիտին ողջ է, առողջ է, և որ այդպես հուսահատորեն ճշացող էակն իր որդին է: Կիտին ողջ էր, տառապանքները վերջացել էին: Եվ Լեինն անասելիորեն երջանիկ էր: Այդ հասկանում էր նա և լիովին երջանիկ էր: Իսկ երեխան՝ Որտեղի՞ց է, ինչի՞ համար, ո՞վ է նա... Լեինը ո՛չ մի կերպ

չէր կարողանում վարժվել այդ մտքին: Դա նրան թվում էր ինչ-որ ավելորդ բան, հավելված, որին նա չէր կարողանում վարժվել երկար ժամանակ:

XVI

Տասներորդ ժամին ծերունի իշխանը, Սերգեյ Իվանովիչը և Ստեպան Արկադևիչը նստել էին Լեինի մոտ ու ծննդկանի մասին խոսելուց հետո՝ խոսք արին նաև կողմնակի բաների մասին: Լեինը լսում էր նրանց և այս խոսակցությունների միջոցին ակամա մտաբերելով անցածը, ինչ տեղի էր ունեցել մինչև այսօր առավոտ, հիշում էր նաև իրեն, ինչպես էր ինքը երեկ դրանից առաջ: Կարծես հարյուր տարի էր անցել այդ օրից: Նա իրեն զգում էր ինչ-որ անհասանելի բարձրության վրա, որտեղից խնամքով ցած էր իջնում, որպեսզի չվիրավորի իր հետ խոսողներին: Նա խոսում էր և շարունակ մտածում կնոջ մասին, նրա այժմյան կացության մանրամասներին ու որդու մասին և աշխատում էր իրեն վարժեցնել նրա գոյության մտքին: Կանացի ամբողջ աշխարհը, որը նրա համար ստացել էր նոր՝ մինչ այդ նրան անհայտ նշանակություն, այն օրից հետո, երբ նա ամուսնացավ, այժմ նրա հասկացողությունների մեջ բարձրացավ այնքան վեր, որ նա չէր կարող երևակայությամբ ընդգրկել այն: Նա լսում էր ակումբում երեկվա ճաշի վերաբերյալ խոսակցությունը և մտածում. «Ի՞նչ է կատարվում այժմ Կիտիի հետ, արդյոք քնե՞ց: Ինչպե՞ս է նա: Ի՞նչ է մտածում: Արդյոք բղավո՞ւմ է իր Դմիտրի որդիին»: Եվ խոսակցության կեսին, խոսքը կիսատ նա վեր թռավ ու դուրս գնաց սենյակից:

— Մարդ ուղարկիր ասելու ինձ՝ կարելի՞ է գնալ Կիտիի մոտ, — ասաց իշխանը:

— Լա՛վ, իսկո՛ւյն, — պատասխանեց Լեինը և առանց կանգ առնելու գնաց կնոջ մոտ:

Կիտին քնած չէր ու կամաց խոսում էր մոր հետ, ծրագրեր կազմելով ապագա կնունքի մասին:

Հարդարված, սանրված, կապույտով զուգած շքեղ շեպչիկով, ձեռքերը դրած վերմակին, Կիտին պառկել էր մեջքի վրա և զիմավորելով ամուսնուն հայացքով, հայացքով էլ քաշում,

ձգում էր նրան դեպի ինքը: Նրա հայացքը, առանց այդ էլ լուսաշող դառնում էր է՛լ ավելի լուսաշող, որքան ավելի էր մոտենում նրան Լեինը: Նրա դեմքին կար երկրայինից դեպի գերերկրայինը անցնող նույն աչյս փոփոխությունը, որ լինում է ննջեցյալների դեմքին, բայց այնտեղ հրածեղա է, այստեղ՝ զիմավորում: Նորից հուզումը հորդեց դեպի Լեինի սիրտը, նման այն հուզումին, որ զգաց նա ծննդաբերության րոպեին: Կիտին վերցրեց նրա ձեռքը և հարցրեց, արդյոք քնե՞լ է: Նա չէր կարողանում պատասխանել և շուտ էր գալիս, համոզվելով ինքը իր թուլությանը:

— Իսկ ես նիրհեցի. Կոստյա, — ասաց նա ամուսնուն: — Եվ հիմա այնպես լավ եմ զգում ինձ:

Նա նայում էր Լեինին, բայց հանկարծ փոխվեց դեմքի արտահայտությունը:

— Տվե՛ք նրան ինձ, — ասաց Կիտին, լսելով երեխայի ծղրտոցը: — Տվե՛ք, Լիզավետա Պետրովնա, Կոնստանտին Դմիտրիչն էլ կնայի:

— Ա՛յ, ահա, թող հայրիկն էլ նայի, — ասաց Լիզավետա Պետրովնան, բարձրացնելով ու մոտեցնելով ինչ-որ կարմիր, տարօրինակ և տարուբերվող բան: — Սպասեք, մենք նախ պատրաստվենք, — և Լիզավետա Պետրովնան դրեց մահճակալի վրա այդ տարուբերվող ու կարմիր բանը, սկսեց բանալ ու փաթաթել երեխային, մի մատով բարձրացնելով և շուտ տալով նրան ու վրան շող տալով ինչ-որ բան:

Լեինը նայելով այդ խիստ փոքրիկ, ողորմելի էակին, զուր ջանքեր էր թափում՝ գտնելու իր հոգում նրա հանդեպ հայրական զգացումի որևէ հատկանիշ: Նա միայն զզվանք էր զգում դեպի այդ էակը: Բայց երբ նրան մերկացրին, ու երևացին բարակ, շատ բարակ թաթիկները, զաֆրանի տոտիկները, նույնպես մատիկներով, ու մինչև անգամ մեծ մատով, որ տարբերվում էր մյուսներից, և երբ նա տեսավ, թե ինչպե՞ս Լիզավետա Պետրովնան սեղմում էր այդ փափուկ դսպանակների նման շված թաթիկները, զնելով դրանք քաթանե շորերի մեջ, նրան համակեց այնպիսի խղճահարություն այդ էակի հանդեպ և այնպիսի երկյուղ, թե մանկաբարձուհին կվնասի երեխային, որ Լեինը բռնեց նրա ձեռքը:

Լիզավետա Պետրովնան ծիծաղեց:

— Ի՞նչ վախենաք, մի՞ վախենաք:

Երբ երեխային փաթաթեցին ու դարձրին կոշտ տիկնիկ, Լիզավետա Պետրովնան ճոճեց նրան, կարծես պարծենալով իր աշխատանքով և մի կողմ քաշվեց, որպեսզի Լևինը կարողանար տեսնել որդուն իր ամբողջ գեղեցկությամբ:

Կիտին, աչք չհեռացնելով, շեղակի հայացքով նայում էր նույն տեղը: — Տվե՛ք, տվե՛ք ինձ, — ասաց նա և նույնիսկ բարձրացավ:

— Ի՞նչ եք անում, Կատերինա Ալեքսանդրովնա, չի կարելի այդպիսի շարժումներ անել: Սպասեք, ես կտամ: Հիմի մենք մեզ ցույց կտանք հայրիկին, թե ի՞նչ կտրիճն ենք:

Եվ Լիզավետա Պետրովնան բարձրացրեց դեպի Լևինը մի ձեռքով (մյուսը մատներով միայն նեցուկ էր եղել ճոճարակին) այդ տարօրինակ, ճոճվող ու կարմիր էակը, որ գլուխը թաքցրել էր բարուրի ծայրի ետևում: Բայց կար նաև քիթ, կային շեղակի նայող աչքեր և ծածկացնող շրթունքներ:

— Հիանալի երեխա է, — ասաց Լիզավետա Պետրովնան: Լևինը տխուր հառաչեց: Այդ հիանալի երեխան ներշնչում էր նրան միայն զզվանքի և խղճահարության զգացում: Այդ բոլորովին այն զգացումը չէր, որին սպասում էր նա:

Նա շուտ եկավ, մինչև Լիզավետա Պետրովնան երեխային կհարմարեցներ մոր անսովոր կրծքին:

Հանկարծ մի ծիծաղ ստիպեց նրան՝ բարձրացնել գլուխը: Ծիծաղում էր Կիտին: Երեխան սկսեց ծծել:

— Դե՛, հերիք է, հերի՛ք, — ասում էր Լիզավետա Պետրովնան, բայց Կիտին բաց չէր թողնում երեխային: Նա քնեց մոր ձեռքերին:

— Նայիր հիմա, — ասաց Կիտին, երեխային դարձնելով դեպի Լևինն այնպես, որ նա կարողանար տեսնել նրան: Կնճոտ պառավական փոքրիկ դեմքը հանկարծ ավելի ևս կնճոտովեց, ու երեխան փռչտաց:

Ժպտալով ու հազիվ զսպելով հիացմունքի արցունքները, Լևինը համբուրեց կնոջը և դուրս գնաց մութ սենյակից:

Այն, ինչ զգում էր նա դեպի այդ փոքրիկ էակը, բոլորովին այն չէր, ինչ սպասում էր ինքը: Այդ զգացումի մեջ չկար ուրիշ ուրախ ու խնդաղին. ընդհակառակը, այդ մի նոր տանջալից վախ էր: Այդ խոցելիության նոր կարգի գիտակցու-

թյուն էր: Եվ այդ գիտակցությունն այնպես տանջալից էր սկզբում, այնպես զորեղ էր վախի պոպոզներ՝ շինի թև պոպոզից տուժի այդ անողնակուն էակը, որ վախի պառճատով նկատելի չէր անմիա ուրախության, նույնիսկ պարծանքի այն տարօրինակ զգացումը, որն ունեցա՞յ նա, երբ երեխան փռչտաց:

XVII

Ստեպան Արկադևիչի գործերը վատ էին:

Անտառի երկու երրորդի համար ստացված դրամն արդեն ծախսվել էր, և վերջին երրորդ մասի համար հասանելիք համարյա ամբողջ գումարը նա նախօրոք վերցրել էր վաճառականից, հանելով տասը տոկոսը: Վաճառականն այլևս դրամ չէր տալիս, մանավանդ, որ այս ձևեռ Գարյա Ալեքսանդրովնան, առաջին անգամ ուղղակի հայտարարելով իր իրավունքները սեփական կարողություն վրա, հրաժարվեց ստորագրել պայմանագիրը՝ անտառի վերջին երրորդ մասի հաշվին դրամ ստանալու համար: Ամբողջ ոտճիկն սպառվում էր տան ծախսերը հոգալու և վերջ չունեցող մանր պարտքերը վճարելու վրա: Դրամ բոլորովին չկար:

Ստեպան Արկադևիչի կարծիքով դա անախորժ, անհարմար բան էր և չպետք է շարունակվեր այդպես: Դրա պատճառը նրա կարծիքով այն էր, որ ինքն ստանում էր չափազանց քիչ ուճիկ: Այն պաշտոնը, որ ուներ նա, հայտնապես շատ լավ պաշտոն էր հինգ տարի առաջ բայց ոչ այժմ: Պետրովը՝ բանկի գիրակատրը, ստանում էր 12 000: Սվենտիցկին՝ ընկերության անգամը, ստանում էր 17 000: Սյուսինը, հիմնելով բանկ, ստացավ 50 000: «Հավանորեն ես քնած եմ եղել, և ինձ մոռացել են», մտածում էր ինքն իրեն Ստեպան Արկադևիչը: Եվ նա սկսեց ականջ դնել, գիտել, աչք ման ածել ու ձմեռվա վերջին գտավ մի շատ լավ պաշտոն, և գրոհեց նրա վրա, սկզբում Մոսկվայից՝ հորաքույր ու մորաքույրերի, հորեղբայր ու մորեղբայրների, բարեկամների միջոցով, իսկ հետո, երբ գործը հասունացավ, գաբնանն ինքը գնաց Պետերբուրգ: Դա մեկն էր այն պաշտոններից, որոնք հիմա, տարբեր շափերի՝ տարեկան 1000-ից մինչև 50 000 ոտճիկով, ավելի քան

էին, քան առաջ կային կաշառք վերցնելու տաքուկ պաշտոններ, այդ հարավային երկաթուղիներէ և բանկային հիմնարկներէ փոխադարձ-վարկային բալանսի միացյալ գործակալութեան հանձնաժողովի անդամի պաշտոնն էր: Այդ պաշտոնը, ինչպես Խոստատարակ նման պաշտոնները, պահանջում էր այնպիսի հսկայական դիտութիւն ու գործունեութիւն, որ դժվար էր միավորել մի մարդու մեջ: Իսկ, որովհետև այս բոլոր հատկութիւններն իր մեջ միավորող մարդ չկար, ոստի լավ կլիներ, որ այդ տեղն ստանար ազնիվ մի մարդ, քան անազնիվ: Իսկ Ստեպան Արկաղեիչը ո՛չ միայն ազնիվ մարդ էր (առանց շեշտի), այլև նա ազնիվ մարդ էր (շեշտով), այն առանձնահատուկ նշանակութեամբ, որն ունի այդ խոսքը Մոսկվայում, երբ ասում են. ազնի՛վ գործիչ, ազնի՛վ գրականագետ, ազնի՛վ ամսագիր, ազնի՛վ հիմնարկ, ազնի՛վ ուղղութիւն և, որը նշանակում էր ոչ միայն այն, թե այսինչ մարդը կամ հիմնարկն անազնիվ չէ, այլև ընդունակ է, առիթ եղած դեպքում, խայթելու կառավարութեանը: Ստեպան Արկաղեիչը Մոսկվայում շփուլում էր նաև այն շրջանների հետ, որտեղ մտել էր այդ խոսքը, համարվում էր այնտեղ ազնիվ մարդ, այդ իսկ պատճառով ավելի, քան ուրիշները, իրավունք ունեւր գրավելու այդ տեղը:

Այդ պաշտոնը տալիս էր տարեկան յոթից մինչև տասը հազար, և Օբլոնսկին կարող էր գրավել այն առանց թողնելու իր պետական պաշտոնը: Այդ տեղը կախում ունեւր երկու մինիստրութեանից, մի տիկնոջից ու երկու հրեայից, և այս բոլոր մարդկանց Ստեպան Արկաղեիչը պետք է տեսներ Պետերբուրգում, թեև նրանք ամենքն արդեն նախապատրաստված էին: Բացի դրանից, Ստեպան Արկաղեիչը խոստացել էր իր բույր Աննային՝ վճռական պատասխան ստանալ Կարենիից ապահարդանի մասին: Եվ խնդրելով ու ստանալով Գոլիցի հիսուն ռուբլի, նա գնաց Պետերբուրգ:

Նստած Կարենիին առանձնասենյակում և լսելով նրա նախապիծը ռուսական ֆինանսների վատ կացութեան պատճառների մասին, Ստեպան Արկաղեիչն սպասում էր միայն այն ըրպեին, երբ նա կվերջացնի, որպեսզի խոսքեր իր գործի և Աննայի մասին:

— Այո՛, այդ շատ ճիշտ է,— ասաց նա, երբ Ալեքսեյ

Ալեքսանդրովիչը հանելով pince-nez, առանց որի նա այժմ չէր կարողանում կարդալ, հարցական նայեց իր նախկին աներձագին,— այդ ճիշտ է իր մանրամասնութիւնների մեջ, բայց և այնպես՝ մեր ժամանակի սկզբունքը ազատութիւնն է:

— Այո՛, բայց ես առաջադրում եմ ուրիշ սկզբունք, որն ընդգրկում է ազատութեան սկզբունքը,— ասաց Ալեքսեյ Ալեքսանդրովիչը, շեշտելով «ընդգրկում է» խոսքը, և նորից դնելով pince-nez, որպեսզի ունկնդրի համար կրկին կարդա այն տեղը, որտեղ ասված էր հենց այդ բանը:

Եվ վերցնելով գեղեցիկ գրված, լայն լուսանցքներով ձեռագիրը, Ալեքսեյ Ալեքսանդրովիչը նորից կարդաց համոզիչ տեղը:

— Հովանավորութեան սիստեմը ես չեմ ուզում ո՛չ թե մասնավոր մարդկանց շահի համար, այլ ընդհանուր բարիքի համար, և՛ ստորին, և՛ բարձր դասակարգերի համար միատեսակ,— ասում էր նա, pince-nez-ի վրայից նայելով Օբլոնսկուն:— Բայց նրանք չեն կարողանում հասկանալ այդ, նրանք գրադված են անձնական շահերով ու տարվում են ֆրազներով:

Ստեպան Արկաղեիչը գիտեր, որ երբ Կարենիին սկսում էր խոսել այն մասին, թե ի՛նչ են անում և ի՛նչ են կարծում նրանք, այսինքն՝ այն մարդիկ, որոնք չէին ուզում ընդունել նրա նախագծերը և որոնք ամբողջ շարիքի պատճառն էին Ռուսաստանում, ուրեմն արդեն մոտ էր գրույցի վերջը. այդ պատճառով, նա այժմ սիրով հրաժարվեց ազատութեան սկզբունքից ու լիովին համաձայնեց: Ալեքսեյ Ալեքսանդրովիչը լուց, մտազբաղ թերթիւով իր ձեռագիրը:

— Ա՛խ, ի դեպ,— ասաց Ստեպան Արկաղեիչը,— ես ուզում էի խնդրել քեզ, առիթի դեպքում, երբ տեսնվես Պոմոռսկու հետ, մի երկու խոսք ասես այն մասին, որ ես շատ կկամենայի ստանալ հարավային երկաթուղիների փոխադարձ վարկի բալանսի միացյալ գործակալութեան հանձնաժողովի անդամի պաշտոնը: Ստեպան Արկաղեիչի համար այդ պաշտոնի անունը, այնքան մոտիկ իր սրտին, արդեն դարձել էր սովոր բան, և նա առանց սխալվելու արագ արտասանեց այն:

Ալեքսեյ Ալեքսանդրովիչը հարցրեց, թե ինչո՞ւմ էր կայանում այդ նոր հանձնաժողովի գործունեութիւնը, և մտա-

սուզվեց, նա խորհում էր, արդյոք այդ նոր հանձնաժողովի գործունեության մեջ հակառակ բան չկա՞ր իր նախագծերին: Բայց, որովհետև այդ նոր հիմնարկի գործունեությունը շատ բարդ էր և նրա նախագծերն ընդգրկում էին շատ մեծ շրջան, նա անկարող էր մեկեն հասկանալ այդ, ուստի հանելով prince-nez, ասաց.

— Անկասկած, ես կարող եմ ասել նրան, սակայն իսկապես դու ինչու՞ ես ուզում գրավել այդ տեղը:

— Ռոճիկը լավ է, մինչև ինքը հազար, իսկ իմ միջոցները...

— Ինքը հազար,— կրկնեց Ալեքսեյ Ալեքսանդրովիչը և խոժոռվեց:

Այդ ոռճիկի բարձր գումարը հիշեցնում էր նրան, թե այդ տեսակետից Ստեպան Արկադևիչի առաջիկա գործունեությունը դեմ էր իր նախագծերի գլխավոր իմաստին, որոնք միշտ հակված էին դեպի խնայողություն:

— Ծա կարծում եմ, և գրել եմ այդ մասին զեկուցում, որ մեր օրերում այդ հսկայական ոռճիկները հատկանիշ են մեր կառավարչության կեղծ տնտեսական assiette¹-ի:

— Հապա ի՞նչ ես ուզում դու,— ասաց Ստեպան Արկադևիչը:— Ծնթաղենք, թե բանկի դիրեկտորն ստանում է տասը հազար,— չէ՞ որ նա արժե դրան: Կամ ինժեներն ստանում է քսան հազար: Կենդանի գործ է, բա ո՞նց ես ուզում:

— Ծա այն կարծիքին եմ, որ ոռճիկը վճար է պարանքի համար և պետք է ենթարկվի պահանջի ու առաջարկի օրենքին: Իսկ եթե ոռճիկ նշանակելը շեղվում է այդ օրենքից, ինչպես օրինակ, երբ ես տեսնում եմ, որ ինստիտուտից դուրս են գալիս երկու ինժեներ, երկուսն էլ միատեսակ բանիմաց ու ընդունակ են, և մեկն ստանում է քառասուն հազար, իսկ մյուսը բավականանում է երկու հազարով, կամ որ ընկերությունները բանկերի դիրեկտորներ են նշանակում հսկայական ոռճիկով՝ իրավագետներին, հուսարներին, որոնք չունեն առանձին մասնագիտական ո՛չ մի գիտելիք, ես եզրակացնում եմ, որ ոռճիկը նշանակվում է ո՛չ պահանջի և առաջարկի օրենքով, այլ ուղղակի կողմնապահությունով: Այստեղ ևս կա շարադրություն, որ կարևոր է ինքնըստինքյան

¹ Դրություն:

և վնասարար է անդրադառնում պետական ծառայության վրա: Ծա կարծում եմ...

Ստեպան Արկադևիչն շտապեց ընդհատել փեսային:

— Այո՞, բայց համաձայնիր, որ բացվում է նոր, անկասկած օգտակար հիմնարկ: Ոնց ուզում ես, կենդանի գործ է: Առանձնապես թանկ են գնահատում այն, որպեսզի գործը ազնվաբա՛ր տարվի,— ասաց Ստեպան Արկադևիչը շեղտով:

Բայց ազնիվի մոսկովյան նշանակությունն անհասկանալի էր Ալեքսեյ Ալեքսանդրովիչին:

— Ազնվությունը բացասական հատկություն է միայն,— ասաց նա:

— Այնուամենայնիվ, դու շատ կպարտավորեցնես ինձ,— ասաց Ստեպան Արկադևիչը,— եթե մի երկու խոսք ասես Պոմոսկուն: Հենց այնպես, խոսակցության մեջ...

— Բայց չէ՞ որ դա ավելի կախված է Բոլզարինովից, կարծեմ,— ասաց Ալեքսեյ Ալեքսանդրովիչը:

— Բոլզարինովն իր կողմից միանգամայն համաձայն է,— ասաց Ստեպան Արկադևիչը կարմրելով:

Ստեպան Արկադևիչը կարմրեց Բոլզարինովի անունը տալիս, որովհետև նա հենց այդ օրը առավոտյան եղել էր հրեա Բոլզարինովի մոտ, և այդ այցելությունը թողել էր նրա սրբտում անախորժ հիշողություն:

Ստեպան Արկադևիչը հաստատ գիտեր, թե այն գործը, որին ինքն ուզում էր ծառայել, նոր, կենդանի և ազնիվ գործ է, բայց այսօր առավոտյան, երբ Բոլզարինովը հայտնապես դիտմամբ հարկադրեց նրան երկու ժամ սպասել ընդունարանում մյուս խնդրարկուների հետ, նա հանկարծ անհարմար զգաց իրեն:

Արդյոք նրա համար անհարմար էր ա՞յն, որ նա, Ռյուրիկի վարժը, իշխան Օբլոնսկին, երկու ժամ սպասում էր ջհուգի ընդունարանում, թե՞ այն, որ իր կյանքում առաջին անգամ չէր հետևում իր նախնիների օրինակին՝ ծառայելով կառավարությանը, այլ մտնում էր մի նոր ասպարեզ, բայց նա իրեն շատ անհարմար էր զգում: Բոլզարինովի մոտ սպասումի այդ երկու ժամվա ընթացքում Ստեպան Արկադևիչը, կայտառ գնալ-զալով ընդունարանում, ուղղելով բակենբարդները:

զրուցի բռնակերով ուրիշ խնդրարկունների հետ և մտածելով այն կալամբուրը, որ կասի այդ առթիվ, թե ինչպես սպասում էր ինքը ջհուդի մոտ, խնամքով թաքցնում էր ուրիշներից, մինչև իսկ իրենից՝ իր զգացածը:

Բայց այդ ամբողջ ժամանակ նա անհարմար էր զգում իրեն ու սրտնեղում էր, թեև ինքն էլ չգիտեր, թե ինչի՞ց. արդոք ա՞յն բանից, որ ոչինչ դուրս չէր գալիս կալամբուրից, «բանը հասավ ջհուդին, սպասել տվեց ինձ յահուդին», թե՞ մի այլ բանից: Իսկ երբ, վերջապես, Բուզարինովը վերին աստիճանի քաղաքավարությունամբ ընդունեց նրան, հայտնապես հիացած նրա նվաստացումից, և համարյա մերժեց նրան, Ստեպան Արկադևիչն շտապեց մոռանալ այդ, որքան հնարավոր է շուտ: Եվ հիշելով՝ այժմ միայն կարմրեց:

XVIII

— Այժմ մի գործ էլ ունեմ ես, և դու գիտես՝ ի՞նչ գործ... Աննայի մասին, — ասաց Ստեպան Արկադևիչը, մի փոքր լռելուց և իր վրայից անախորժ տպավորությունը թոթափելուց հետո:

Հենց որ Ստեպան Արկադևիչն արտասանեց Աննայի անունը, Ալեքսեյ Ալեքսանդրովիչի դեմքը բոլորովին փոխվեց. առաջվա աշխուժության փոխարեն այն արտահայտում էր հոգնածություն ու անկենդանություն:

— Իսկապես դուք ի՞նչ եք ուզում ինձնից, — ասաց նա, շուտ գալով բազկաթոռի մեջ և շրխկոցով փակելով իր pince-nez.

— Վճիռ, որևէ վճիռ, Ալեքսեյ Ալեքսանդրովիչ: Ես հիմա դիմում եմ քեզ («ոչ որպես վիրավորված ամուսնու», ուզում էր ասել Ստեպան Արկադևիչը, բայց վախենալով, չլինի թե դրանով փշացնի գործը, փոխարինեց այդ այս խոսքերով) ո՞չ որպես պետական մարդու, որ դուրս եկավ ո՞չ ի դեպ, այլ որպես սոսկ մարդու, բարի մարդու և քրիստոնյայի: Դու պետք է խղճաս Աննային, — ասաց նա:

— Այսինքն՝ իսկապես ի՞նչ բանում, — կամաց հարցրեց Կարենինը:

— Այո՞, պետք է խղճաս նրան, Եթե դու տեսնեիր նրան, ինչպես ես, — ես ամբողջ ձմեռն անցկացրի նրա հետ, — դու կխղճայիր նրան: Նրա դրուժյունը սոսկալի՞ է, իսկապես սոսկալի:

— Ինձ թվում է, — պատասխանեց Ալեքսեյ Ալեքսանդրովիչն ավելի բարակ ձայնով, համարյա ճշոցով, — որ Աննա Արկադևնան ունի այն բոլորը, ինչ ուզում էր ինքը:

— Ա՛խ, Ալեքսեյ Ալեքսանդրովիչ, ի սեր աստժո, թողնենք փոխադարձ մեղադրանքները, ինչ եղավ՝ անցավ, և դու գիտես, թե Աննան ի՞նչ է ցանկանում ու սպասում՝ ապահարզան:

— Բայց ես կարծում էի, որ Աննա Արկադևնան հրաժարվում է ապահարզանից այն դեպքում, եթե ես պահանջում եմ որդուս թողնել ինձ: Ես այդպես էլ պատասխանեցի և ենթադրում էի, որ այդ գործը վերջացած է: Ես այն համարում եմ վերջացած, — ճշաց Ալեքսեյ Ալեքսանդրովիչը:

— Բայց, ի սեր աստժո, մի՛ տաքանար, — ասաց Ստեպան Արկադևիչը, ձեռքով դիպչելով փեսայի ծնկին: — Գործը չի վերջացել: Եթե դու թույլ կտաս ինձ համառոտակի կրկնել եղածը, բանն այսպե՛ս էր. երբ դուք բաժանվեցիք, դու վեհանձն էիր, ինչպես հնարավոր է լինել վեհանձն, դու տալիս էիր նրան՝ Աննային, ամեն բան՝ ազատություն, նույնիսկ ապահարզան: Նա գնահատեց այդ: Ո՛չ, դու մի՛ կասկածիր: Իսկապե՛ս գնահատեց: Եվ այն աստիճան, որ առաջին րոպեներին, զգալով իր մեղքը քո առաջ, նա չկշռադատեց ու չէր կարող կշռադատել բոլորը: Նա ամեն բանից հրաժարվեց: Բայց իրականությունը, ժամանակը ցույց տվին, որ նրա դրուժյունը տանջալից է և անհնարին:

— Աննա Արկադևնայի կյանքը չի կարող հետաքրքրել ինձ, — ընդհատեց Ալեքսեյ Ալեքսանդրովիչը, բարձրացնելով հոնքերը:

— Թույլ տուր ինձ շահավատալ քեզ, — մեղմորեն առարկեց Ստեպան Արկադևիչը: — Նրա վիճակը տանջալից է իր համար, և շահեկան չէ ոչ ոքի համար: Նա արժանի է դրան, կասես դու: Նա գիտեց այդ և չի խնդրում քեզ. նա ուղղակի ասում է, որ չի համարձակվի ոչինչ խնդրել: Բայց ես, մենք՝ բոլոր հարազատներս, նրան սիրող ամենքս աղաչում ենք

քեզ: Ինչի՞ համար է նա տանջվում: Դրանից ո՞ւմ ի՞նչ օգուտ:

— Թույլ տվեք, դուք կարծես ինձ դնում եք մեղադրյալի վիճակում,— թոթովեց Ալեքսեյ Ալեքսանդրովիչը:

— Ո՛չ, ամենևին ո՛չ, հասկացիր ինձ,— նորից դիպչելով նրա ձեռքին, ասաց Ստեպան Արկադևիչը, կարծես հավատացած էր, որ այդ հպումը մեղմացնում է փեսային:— Ես ասում եմ միայն հետևյալը. նրա դրուժյունը տանջալից է, և միայն գո՛ւ կարող ես թեթևացնել ու դու ոչինչ չես կորցնի: Ես քեզ համար ամեն ինչ այնպես կկազմակերպեմ, որ դու չես նկատի: Զէ՞ որ խոստացել ես:

— Խոստումն արվել էր առաջ: Եվ ես ենթադրում էի, որ որդուս հարցը վճռում էր գործը: Բացի դրանից, ես հույս ունեի, որ Աննա Արկադևնան վեհանձնություն կունենա...— դժվարություններ ասում էր գունատված Ալեքսեյ Ալեքսանդրովիչը, դողդողացող շրթունքներով:

— Նա ամեն ինչ թողնում է հենց քո վեհանձնությանը: Նա խնդրում, աղաչում է քեզ մի բանի մասին՝ հանել նրան այն անտանելի վիճակից, որի մեջ գտնվում է ինքը: Նա այլևս չի խնդրում որդուն: Ալեքսեյ Ալեքսանդրովիչը, դու բարի ժարդ ես: Մի վայրկյան մտիր նրա դրուժյան մեջ: Ապահարզանի հարցը նրա համար, նրա վիճակում, կյանքի ու մահվան հարց է: Եթե դու առաջ խոստացած չլինեիր, նա կհաշտվեր իր վիճակի հետո, կապրեր գյուղում: Բայց դու խոստացար, նա գրեց քեզ ու տեղափոխվեց Մոսկվա: Եվ ահա Մոսկվայում, որտեղ ամեն հանդիպում դաշույնի հարված է նրա սրտին, նա ապրում է վեց ամիս, ամեն օր սպասելով որոշման: Զէ՞ որ այդ միևնույն բանն է, ինչպես մահվան դատապարտվածին ամիսներ պահեն, օղբ գցած վզին, խոստանալով, թե կարող է պատահել մահ, կարող է պատահել ներումն: Խղճա նրան, և հետո ես հանձն եմ առնում այնպես անել ամեն ինչ... Vos scrofules¹...

— Ես չեմ խոսում այդ մասին, այդ մասին...— գարշանքով ընդհատեց նրան Ալեքսեյ Ալեքսանդրովիչը:— Բայց, գուցե, ես խոստացել եմ այն, ինչ խոստանալու իրավունք չունեի:

— Ուրեմն դու մերժո՞ւմ ես այն, ինչ խոստացել ես:

¹ Ձեռք թափեղրությունը.

— Ես երբեք չեմ մերժել հնարավորի իրագործումը, բայց ես ուզում եմ ժամանակ ունենալ մտածելու, թե որքա՞ն հնարավոր է խոստացածս:

— Ո՛չ, Ալեքսեյ Ալեքսանդրովիչը,— տեղից թռչելով, խոսեց Օբլոնսկին,— ես չեմ ուզում հավատալ դրան: Նա այնպես դժբախտ է, ինչպես կարող է դժբախտ լինել միայն կինը, և դու չես կարող մերժել այդպիսի...

— Որքան հնարավոր է խոստացածս: Vous professez d'être un libre penseur¹: Սակայն ես, որպես հավատացյալ ժարդ, չեմ կարող այդպիսի կարևոր գործում վարվել հակառակ քրիստոնեական օրենքի:

— Բայց քրիստոնեական համայնքներում և մեզանում, որքան գիտեմ ես, թույլատրված է ապահարզանը,— ասաց Ստեպան Արկադևիչը:— Ապահարզան թույլատրել է նաև մեր եկեղեցին: Եվ մենք տեսնում ենք...

— Թույլատրվել է, բայց ո՛չ այդ իմաստով:

— Ալեքսեյ Ալեքսանդրովիչը, ես դժվարանում եմ ճանաչել քեզ,— ասաց Օբլոնսկին կարճ լուռությունից հետո:— Մի՞թե դու չէիր (ու մի՞թե մենք չէինք, որ գնահատեցինք այդ), որ բոլորը ներեցիր և դրդված, իսկապես քրիստոնեական զգացումից, պատրաստ էիր ամեն ինչ զոհաբերելու: Դու ինքդ ասացիր՝ տալ բաճկոնը, երբ վերցնում են շապիկը, և հիմա...

— Ես խնդրո՞ւմ եմ,— հանկարծ ոտքի կանգնելով, գունատ և դողդողուն ծնոտով, ծղրտան ձայնով խոսեց Ալեքսեյ Ալեքսանդրովիչը,— խնդրում եմ ձեզ՝ վերջ տալ, վերջ տալ... այդ խոսակցությանը:

— Ա՛խ, ոչ: Դե ների՛ր, ների՛ր ինձ, եթե ես վշտացրի քեզ,— շփոթված ժպտալով ասաց Ստեպան Արկադևիչը, մեկնելով ձեռքը,— բայց ես, այսուամենայնիվ, որպես դեսպան, հայտնեցի քեզ ինձ արված հանձնարարությունը:

Ալեքսեյ Ալեքսանդրովիչը տվեց իր ձեռքը, միտք արավ և ասաց.

— Ես պետք է խորհեմ ու փնտրեմ ցուցումներ: Վաղը չէ մյուս օրը ես ձեզ վճռական պատասխան կտամ,— ասաց նա, մտառելով ինչ-որ բան:

¹ Դուք ձեզ պահում եք ազատամտորեն:

Ստեպան Արկաղեկին արդեն ուզում էր դուրս գնալ, երբ Գոռնեյը եկավ զեկուցելու.

— Սերգեյ Ալեքսեևիչը:

— Ո՞վ է այդ Սերգեյ Ալեքսեևիչը, — հարցրեց Ստեպան Արկաղեկիչը, բայց և անմիջապես հիշեց:

— Ա՛խ, Սերյո՞ժան, — ասաց նա: «Սերգեյ Ալեքսեևիչը, ես կարծում էի՝ դեպարտամենտի դիրեկտորն է: Աննան խնդրել է ինձ՝ տեսնել նրան, հիշեց նա:

Եվ նա հիշեց այն երկշոտ, խղճուկ արտահայտությունը, որով Աննան, ճանապարհելով նրան, ասաց. «Համենայն դեպս՝ դու կտեսնես նրան: Իմացիր մանրամասնորեն, որտե՞ղ է նա, ո՞վ է նրա հետ: Եվ, Ստիվա... եթե միայն հնարավոր է: Զե՞ որ հնարավոր է»: Ստեպան Արկաղեկիչը հասկացավ, թե ի՞նչ էր նշանակում այդ «եթե միայն հնարավոր է»: Եթե միայն հնարավոր է ապահարզանը սարքել այնպես, որ իրեն տրվի որդին... Այժմ Ստեպան Արկաղեկիչը տեսնում էր, որ դրա մասին մտածել անգամ չի կարելի, բայց և այնպես ուրախ էր տեսնելու քրոջ որդուն:

Ալեքսեյ Ալեքսանդրովիչը հիշեցրեց աներձագին, որ որդուն երբեք ոչինչ չեն ասում մոր մասին և որ ինքը խնդրում է՝ ո՛չ մի խոսքով չհիշեցնել մոր մասին:

— Նա լուրջ հիվանդացավ՝ մոր հետ այն տեսակցությունից հետո, որը մենք չէինք նա-խա-տե-սել, — ասաց Ալեքսեյ Ալեքսանդրովիչը: — Մենք նույնիսկ վախենում էինք, որ վտանգ է սպառնում նրա կյանքին: Բայց խելացի բժշկությունը և ամուսնը ծովում լողանալը վերականգնեցին նրա առողջությունը, և այժմ ես՝ բժշկի խորհրդով՝ նրան տվի դպրոց: Հիրավի, ընկերներս ազդեցությունը նրա վրա լավ հետևանք ունեցավ, ու նա բուրդովին առողջ է և լավ է սովորում:

— Ի՛նչ կտրիճ է դարձել: Այն էլ ո՛չ թե Սերյոժա, այլ ամբողջ Սերգեյ Ալեքսեևիչը, — ժպտալով ասաց Ստեպան Արկաղեկիչը, նայելով կայտառ ու ազատ ներս եկած գեղեցիկ, լայնակուրծք երեխային՝ կապույտ կուրտկայով ու երկար շալվարով: Երեխայի տեսքն առողջ էր և ուրախ: Նա ողջունեց քեռուն, որպես օտարի, բայց ճանաչելով նրան, կարմրեց և

կարծես վիրավորված ու բարկացած ինչ-որ բանի համար, շտապ շուռ եկավ նրանից: Երեխան մոտեցավ հորը և տվեց նրան դպրոցում ստացած թվանշանները:

— Ոչի՛նչ, լավ է, — ասաց հայրը, — կարող ես գնալ:

— Նա նիհարել ու մեծացել է և այլևս երեխա չէ, այլ համարձակ տղա. ես սիրում եմ այդ, — ասաց Ստեպան Արկաղեկիչը: — Գու հիշո՞ւմ ես ինձ:

Երեխան արագ նայեց հորը:

— Հիշում եմ, mon oncle¹, — պատասխանեց նա, նայելով քեռուն և նորից աչքերը կախ գցեց:

Քեռին մոտ կանչեց երեխային և բռնեց նրա ձեռքը:

— Հը՛, ինչպե՞ս են գործերդ, — ասաց նա, կամենալով խոսել և շիմանալով, թե ի՛նչ ասի:

Երեխան կարմրելով ու չպատասխանելով, զգուշությամբ քաշում էր իր ձեռքը քեռու ձեռքից: Հենց որ Ստեպան Արկաղեկիչը բաց թողեց ձեռքը, նա ազատություն ստացած թուռնի պես, հարցական նայելով հորը, արագ քայլերով դուրս գնաց սենյակից:

Անցել էր մի տարի այն օրից, երբ Սերյոժան վերջին անգամ տեսավ մորը: Այդ ժամանակից հետո նա երբեք ոչինչ չէր լսել մոր մասին: Եվ հենց այս տարի նա մտավ դպրոց և ճանաչեց ու սիրեց ընկերներին: Այժմ այլևս չէին զբաղեցնում նրան այն տենչերն ու հիշողությունները մոր մասին, որոնք տեսակցությունից հետո հիվանդացրին նրան: Երբ այդ մտքերը գալիս էին, նա եռանդով վանում էր իրենից, համարելով դրանք ամոթալի ու հատուկ միայն աղջիկներին և ո՛չ տղային ու ընկերոջը: Նա գիտեր, որ հոր ու մոր մեջ կար գծություն, որը բաժանել էր նրանց, գիտեր, որ իրեն վիճակված է մնալ հոր հետ, և աշխատում էր հաշտվել, վարժվել այդ մտքին:

Քեռուն տեսնելը, որը նման էր մորը, անախորժ էր նրա համար, որովհետև դա արթնացնում էր նրա մեջ հենց այն հիշողությունները, որ նա համարում էր ամոթալի: Այդ նրա համար անախորժ էր մանավանդ այն մի քանի խոսքերի պատճառով, որոնք նա լսեց, սպասելով առանձնասենյակի դռան մոտ, իսկ առանձնապես այն պատճառով, որ հոր ու քեռու դեմքի արտահայտությունից նա կռահում էր, թե նրանց

¹ Քեռիս:

Միջև պետք է խոսք լիներ մոր մասին: Եվ, որպեսզի չդատապարտի հորը, որի հետ նա ապրում էր ու որից կախում ունեւրէր, որ գլխավորն է՝ որպեսզի անձնատուր չլինի այն զգայականութեանը, որը համարում էր այնքան նվաստացուցիչ, Սերյոժան աշխատում էր շնայել այդ քեռուն, որը եկել էր խախտելու իր հանգիստը, և շմտածել այն մասին, ինչ հիշեցնում էր նա:

Բայց երբ նրա ետեւից դուրս եկած Ստեպան Արկադեւիչը, տեսնելով նրան սանդուղքի վրա, կանչեց իր մոտ ու հարցրեց, թե ինչպե՛ս է անցկացնում նա ժամանակը դպրոցում՝ դասից մինչև դաս, Սերյոժան, հոր ներկայութեանից ազատ, խոսքի բռնակց քեռու հետ:

— Այժմ մեզ մոտ ընդունված է երկաթուղի խաղալը, — ասաց նա, պատասխանելով քեռու հարցին: — Գիտե՞ք, թե ո՛նց է այդ. երկու հոգի նստում են նստարանին: Դրանք ուղեւորներ են: Իսկ մեկը կանգնում է նույն նստարանի վրա: Եվ ամենքը լծվում են: Կարելի է և՛ ձեռքերով, կարելի է և՛ գոտիներով, ու սկսում են գնալ բոլոր դահլիճներով: Դռները նախապես արդեն բացվում են: Բայց այդտեղ շատ դժվար է լինել կոնդուկտոր:

— Նա, որ կանգնած է, — հարցրեց Ստեպան Արկադեւիչը ծագտալով:

— Այո՛, այստեղ պետք է և՛ համարձակութուն, և՛ ճարպկութուն, մանավանդ, երբ հանկարծ կանգ առնեն կամ մեկն ու մեկն ընկնի:

— Այո՛, դա հանաք բան չէ, — ասաց Ստեպան Արկադեւիչը, տխուր ու խորազնին նայելով մայրական այդ աշխույժ աչքերին, որոնք այժմ արդեն տղայական չէին, և ոչ լիովին անմեղ: Ու թեպետ նա խոստացավ Ալեքսեյ Ալեքսանդրովիչին՝ չխոսել Աննայի մասին, բայց չհամբերեց:

— Իսկ դու հիշո՞ւմ ես մորդ, — հանկարծ հարցրեց նա:

— Ո՛չ, չեմ հիշում, — արագ ասաց Սերյոժան և խիստ կարմրելով, կախ գցեց աչքերը: Եվ քեռին այլևս ոչինչ չկարողացավ իմանալ նրանից:

Սլավոն դաստիարակը կես ժամ հետո գտավ իր սանիկին սանդուղքի վրա և երկար ժամանակ չէր կարողանում հասկանալ, շարանո՞ւմ է նա, թե՞ լալիս է:

— Ի՛նչ կա, երևի որևէ տեղդ ցավեց, երբ ընկաք, — ասաց դաստիարակը: — Ես ասում էի, չէ՞, որ դա վտանգավոր խաղ է: Պետք է հայտնել դիրեկտորին:

— Եթե ցավար, ոչ ոք չէր նկատի այդ: Դա արդեն հաստատ բան է:

— Հապա ի՞նչ:

— Թողեք ինձ: Հիշում եմ, թե չեմ հիշում... Նրա ի՛նչ բանն է: Ինչի՞ համար հիշեմ: Ինձ հանգիստ թողեք, — դիմեց նա արդեն ո՛չ թե դաստիարակին, այլ ամբողջ աշխարհին:

XX

Ստեպան Արկադեւիչը, ինչպես միշտ, ժամանակը պարապ չէր անցկացնում Պետերբուրգում: Պետերբուրգում, բացի գործերից՝ քրոջ ապահարզանի և իր պաշտոնի հարցը լուծելուց, նա, ինչպես միշտ, պետք է թարմանար Մոսկովյան լճացածութեանից հետո, ինչպես ասում էր նա:

Մոսկովյան, շնայած իր cafés chatants-ին և օմնիբուսներին, այսուամենայնիվ կանգնած ճահիճ էր: Այդ բանը միշտ զգում էր Ստեպան Արկադեւիչը: Ապրելով Մոսկովայում, մանավանդ ընտանիքին մոտիկ, նա զգում էր, որ հուսալքվում է: Երկար ժամանակ, առանց տեղ մեկնելու ապրելով Մոսկովայում, նա հասնում էր այն դրութեան, որ սկսում էր անհանգստութեան զգալ կնոջ վատ տրամադրութեանից ու հանդիմանութեաններից, երեխաների առողջական կացութեանից, դաստիարակութեան հոգսից, իր պաշտոնի մանր շահերից. նույնիսկ այն բանը, որ նա պարտքեր ուներ, անհանգստութեան էր պատճառում նրան: Բայց բավական էր միայն գալ և ապրել Պետերբուրգում, այն շրջանում, որի հետ շփվում էր նա, որտեղ ապրո՞ւմ էին, այո՛, իսկապես ապրում էին, ո՛չ թե թթվում, ինչպես Մոսկովայում էր, և անմիջապես բոլոր այդ մտքերը շքանում ու հալվում էին, ինչպես հալվում է մոմը կրակի շնչից:

Կի՞նր... Հենց այսօր նա խոսում էր իշխան Չեչենսկու հետ: Իշխան Չեչենսկին ուներ կին և ընտանիք՝ հասած պատերազմների, և ուներ մի այլ, ապօրինի ընտանիք, որից՝ նույնպես երեխաներ: Թեպետ առաջին ընտանիքը նույնպես լավ էր, բայց իշխան Չեչենսկին իրեն ավելի երջանիկ էր զգում երկ-

րորդ ընտանիքում: Ու նա իր ավագ որդուն տանում էր երկ-
րորդ ընտանիքը և պատմում էր Ստեպան Արկադևիչին, թե,
իր կարծիքով, դա օգտակար է որդու համար ու զարգացնում
է նրան: Ի՞նչ կասեին այդ մասին Մոսկվայում:

Երեխանե՞րը... Պետերբուրգում երեխաները չէին խանգա-
րում հայրերին՝ ապրել: Երեխաները դաստիարակվում էին
դպրոցական հիմնարկներում, և շկար Մոսկվայում տարածված
այն վայրենի հասկացողությունը, Լվովն՝ օբինակ, թե երե-
խաներին՝ կյանքի ամբողջ փարթամությունը, իսկ ծնողներին՝
միայն աշխատանք ու հոգսեր: Այստեղ հասկանում էին, որ
մարդ պարտավոր է ապրել իր համար, ինչպես պետք է ապրի
կրթված մարդը:

Մառայությունը... Մառայությունն էլ այստեղ այն համառ,
անհուսալի ծանրաքաշիկը չէր, որ քարշ էին տալիս Մոսկվա-
յում, այստեղ հետաքրքրություն կար դեպի ծառայությունը
Հանդիպում, սպասարկման պատրաստակամություն, դիպուկ
խոսք, հանձին այս կամ այն մարդու զանազան բաներ պատ-
կերացնելու ընդունակություն,— և մարդ հանկարծ կարիերա
է ստեղծում, ինչպես Բրյանցըր, որին երեկ պատահեց Ստե-
պան Արկադևիչը, և որն առաջին բարձրաստիճան պաշտոնա-
տարն էր այժմ: Այդպիսի ծառայությունը հետաքրքրական է:

Առանձնապես հանգստացուցիչ կերպով էր ազդում Ստե-
պան Արկադևիչի վրա դրամական գործերի նկատմամբ եղած
պետերբուրգյան հայեցակետը: Բարտնյանսկին, որը ծախսում
էր առնվազն հիսուն հազար ըստ այն train-ի¹, որ վարում էր
նա, երեկ դրա մասին Ստեպան Արկադևիչին ասաց զարմա-
նալի մի խոսք:

Ճաշից առաջ, խոսակցության մեջ, Ստեպան Արկադևիչն
ասաց Բարտնյանսկուն.

— Կարծեմ, դու մոտ ես Մորդովինսկուն, դու կարող ես ինձ
լավություն անել, խնդրեմ իմ մասին մի երկու խոսք ասես
նրան: Կա մի պաշտոն, որը ես կուզենայի ստանալ: Գործա-
կալության անդամ...

— Է՞հ, միևնույն է, ես այդ չեմ հիշի... ինձ միայն ասա,

¹ Ապրելակերպ:

թե ի՞նչ բան ունես դու երկաթուղային գործերում՝ ջնուղների
հետ... ինչ ուզում ես ասա, բայց գարշելի բան է:

Ստեպան Արկադևիչը շատաց նրան, որ այդ կենդանի գործ
էր. Բարտնյանսկին դա չէր հասկանա:

— Գրամ է պետք, ապրելու հնար չկա:

— Հո ապրո՞ւմ ես:

— Ապրում եմ, բայց պարտքեր ունեմ:

— Ի՞նչ ես ասում: Շա՞տ,— ասաց Բարտնյանսկին կա-
րեկցություններ:

— Շատ, շատ, մոտ քսան հազար:

Բարտնյանսկին ուրախ քրքջաց:

— Օ՛, երջանիկ մարդ,— ասաց նա: — Ես ունեմ մեկ ու
կես միլիոն պարտք, իսկ մեջտեղում՝ ոչինչ, և, ինչպես տես-
նում ես, դեռ կարելի է ապրել:

Ու Ստեպան Արկադևիչը ո՛չ թե միայն խոսքերով, այլ գոր-
ծով տեսնում էր դրա իսկությունը: Ժիվախովն ունեւր երեք
հարյուր հազար պարտք և՛ ո՛չ մի կոպեկ հոգեպահուստ, ու
նա ապրում էր, այն էլ ո՞նց: Կոմս Կրիվցովին վաղուց էին
արդեն թաղել ամենքը, իսկ նա երկու կին էր պահում: Պետ-
րովսկին կերել էր հինգ միլիոն և դարձյալ ապրում էր ճիշտ
առաջվա պես ու նույնիսկ ֆինանսների վարիչ էր և ստանում
էր քսան հազար ռոճիկ: Բայց, դրանից դատ, Պետերբուրգը
ֆիզիկապես հաճելի կերպով էր ազդում Ստեպան Արկադևիչի
վրա: Պետերբուրգը երիտասարդացնում էր նրան: Մոսկվայում
նա երբեմն նայում էր իր սպիտակած մազերին, նիրհում էր
ճաշից հետո, ճմլկոտում էր, համրաքայլ, ծանր շնչելով էր
բարձրանում սանդուղքով, ձանձրանում էր ջահել կանանց
հետ, չէր պարում պարահանդեսներում: Իսկ Պետերբուրգում
նա միշտ զգում էր, որ տասը տարի հաշվից դուրս է ընկնում:

Պետերբուրգում նա զգում էր այն, ինչ ասում էր նրան դեռ
երեկ վաթսունամյա իշխան Պյոտր Օբլոնսկին, որ նոր էր վե-
րադարձել արտասահմանից:

— Մենք այստեղ ապրելու եղանակը չգիտենք,— ասում
էր Պյոտր Օբլոնսկին:— Կհավատա՞ս արդյոք, ամառը ես
անցկացրի Բադենում. ճիշտ եմ ասում, ինձ զգում էի բոլորու-
վին երիտասարդ: Տեսնում եմ ջահել կին, և մտքերս... Ճա-
շում ես, մի թեթև խմում՝ ուժ կա մեջդ, առույգություն: Եկա

Ռուսաստան՝ պետք է գնայի կնոջս մոտ, այն էլ գյուղ: Այն շնա հավատա, երկու շաբաթից հետո խալաթ հագա, թողի ճաշի համար հազմվելու սովորույթը: Էլ ո՛ր մնաց ջահել կանանց մասին մտածելը: Կատարյալ ծերունի: Մնում էր միայն մտածել հոգու փրկութեան մասին: Գնացի Փարիզ, նորից կարգի ընկա:

Ստեպան Արկադևիչը ճիշտ նույն տարբերությունն էր զգում, ինչ և Պյոտր Օբլոնսկին: Մոսկվայում նա այնպես էր ընկնում, որ իրոք, եթե երկար ապրեր այնտեղ, գուցե իսկպես հասներ մինչև հոգու փրկութեան. իսկ Պետերբուրգում նա նորից իրեն կարգին մարդ էր զգում:

Իշխանուհի Բետսի Տվերսկայայի և Ստեպան Արկադևիչի միջև վաղուցվանից գոյություն ունեին չափազանց տարօրինակ հարաբերություններ: Ստեպան Արկադևիչը միշտ կատակով սիրաթովում էր նրան և ասում, նույնպես կատակով, ամենամանավայելու բաներ, իմանալով, որ այդ ամենից ավելի է դուր գալիս նրան: Կարենինի հետ ունեցած իր խոսակցության հետևյալ օրը Ստեպան Արկադևիչը գնալով իշխանուհու մոտ, իրեն այնքան երիտասարդ էր զգում, որ կատակով այդ սիրաթովչանքի ու զատարկախոսության մեջ գնաց այն աստիճան հեռու, որ արդեն չգիտեր, ինչպես ետ քաշվեր, որովհետև դժբախտաբար, Բետսին ո՛չ միայն դուր չէր գալիս նրան, այլև զզվելի էր նրա համար: Իսկ այդ տոնը հաստատվեց այն պատճառով, որ նա շատ էր դուր գալիս իշխանուհուն: Այնպես որ նա շատ ուրախացավ, երբ եկավ իշխանուհի Մյազկայան ու վերջ դրեց նրանց առանձնացմանը:

— Ա՛, դո՛ւք է՛լ այստեղ եք,— ասաց նա, տեսնելով Օբլոնսկուն:— Ասացեք, ինչպե՞ս է ձեր խեղճ քույրը: Ինձ մի՛ նայեք այդպես,— ավելացրեց նա:— Այն օրից, երբ ամենը հարձակվեցին նրա վրա, ամենքը, այսինքն՝ բոլոր նրանք, որոնք հարյուր հազար անգամ վատ են նրանից, ես այն կարծիքին եմ, որ նա շատ լավ արեց: Ես չեմ կարող ներել Վոնսկուն, որ նա ինձ իմաց չտվեց, երբ Աննան Պետերբուրգում էր: Ես կերթայի նրա մոտ և նրա հետ ամենուր: Խնդրեմ հայտնեք նրան իմ սերը: Հապա, պատմեք ինձ նրա մասին:

— Այո՛, նրա դրությունը ծանր է, նա... — սկսեց պատմել Ստեպան Արկադևիչը, իր պարզամտությամբ հալած յուզի տեղ

ընդունելով իշխանուհի Մյազկայայի խոսքերը՝ «հապա պատմեցեք ձեր քրոջ մասին»: Իշխանուհի Մյազկայան, ըստ իր սովորության, անմիջապես ընդհատեց նրան ու սկսեց ի՛նքը պատմել:

— Աննան արեց այն, ինչ անում են ամենքը, բացի ինձնից, բայց թաքցնում են. իսկ նա չէր ուզում խաբել և շատ լավ արեց: Ավելի ևս լավ արեց, որ թողեց ձեր կիսախելագար փեսային: Ներեցեք ինձ: Գուք ասում էիք, թե նա խելո՞ք է, խելո՞ք, ե՛ս էի միայն ասում, որ նա տխմար է: Այժմ, երբ նա կապվեց Լիդիա Իվանովնայի և Landau-ի հետ, ամենքն ասում են, որ նա կիսախելագար է, և ես ուրախ կլինեի շճամաձայնել ամենքին, բայց այս անգամ չեմ կարող:

— Խնդրեմ բացատրեք ինձ,— ասաց Ստեպան Արկադևիչը,— թե ի՞նչ է նշանակում այդ: Երեկ ես եղա նրա մոտ քրոջըս գործով ու խնդրեցի վճռական պատասխան: Նա ինձ պատասխան չտվեց և ասաց, թե կմտածի, իսկ այսօր առավոտյան պատասխանի փոխարեն հրավեր ստացա լինել կոմսուհի Լիդիա Իվանովնայի մոտ՝ այսօր երեկոյան:

— Այդպես, այդպե՛ս,— խնդությամբ ասաց իշխանուհի Մյազկայան:— Նրանք կհարցնեն Landau-ին, թե ի՛նչ կասի նա:

— Ինչպե՞ս թե Landau-ին: Ինչի՞ համար: Ի՛նչ բան է Landau-ն:

— Ինչպե՞ս դուք չեք ճանաչում Jules Landau-ին. le fameux, Jules Landau, le clairvoyant¹: Նա նույնպես կիսախելագար է, բայց նրանից է կախված ձեր քրոջ բախտը: Ահա թե ի՛նչ է ստացվում գավառական կյանքից, դուք ոչինչ չգիտեք: Գիտե՞ք ինչ. Landau commis² էր խանութում, Փարիզում և մի անգամ գնում է բժշկի: Բժշկի ընդունարանում նա քնում է ու քնի մեջ սկսում է խորհուրդներ տալ բոլոր հիվանդներին: Եվ զարմանալի խորհուրդներ: Զետո ճանաչո՞ւմ եք Յուրի Մելեդիինսկուն՝ այն հիվանդին. կինն իմանում է այդ Landau-ի մասին ու վերցնում է նրան ամուսնու մոտ: Landau-ն բժշկում է նրա ամուսնուն: Ըստ իս, ո՛չ մի օգուտ նրան չի տալիս,

¹ Ժյոտ Լանդոյին: Հռչակավոր գուշակ Ժյոտ Լանդոյին:

² Լանդոն գործակատար էր:

որովհետև նա էլի թույլ է առաջվա պես, բայց նրանք հավատում են նրան ու վերցնում են իրենց հետ: Եվ բերում են Ռուսաստան: Այստեղ ամենքը վրա ընկան նրան, ու նա սկսեց բոլորին բռնկել: Բռնկեց կոմսուհի Բեզզուբովային, և սա այնպես սիրեց նրան, որ որդեգրեց:

— Ինչպե՞ս թե որդեգրեց:

— Այնպե՛ս, որդեգրեց: Նա հիմա այլևս Landau չէ, այլ կոմս Բեզզուբով է: Բայց բանն այդ չէ. իսկ Լիդիան,— ես նրան սիրում եմ շատ, սակայն նրա գլուխն իր տեղում չէ,— այժմ վրա է ընկել այդ La d u-ին և առանց նրան ո՛չ Ալեքսեյ Ալեքսանդրովիչը, ո՛չ էլ կոմսուհին ոչինչ չեն վճռում, ուստի ձեր քրոջ բախտը հիմա գտնվում է այդ Landau-ի, այլ կերպ ասած՝ կոմս Բեզզուբովի ձեռքին:

XXI

Բարսեղյանսկու մոտ հիանալի ճաշից ու մեծ քանակությամբ խմած կոնյակից հետո Ստեպան Արկադևիչը, նշանակված ժամանակից մի փոքր միայն ուշ, մտնում էր կոմսուհի Լիդիա Իվանովնայի բնակարանը:

— Ուրիշ ո՞վ կա կոմսուհու մոտ. ֆրանսիացի՞ն,— հարցրեց Ստեպան Արկադևիչը բարապանին, դիտելով Ալեքսեյ Ալեքսանդրովիչի ծանոթ վերարկուն և օղակներով տարօրինակ ու նախիվ անծանոթ վերարկուն:

— Ալեքսեյ Ալեքսանդրովիչ Կարենինը և կոմս Բեզզուբովը,— ասաց բարապանը խիստ տոնով:

«Իշխանուհի Մյակոկայան ճիշտ գուշակեց,— մտածեց Ստեպան Արկադևիչը, բարձրանալով սանդուղքներից:— Տարօրինակ բան: Սակայն վատ չէր լինի մոտիկանալ կոմսուհուն: Նա հսկայական ազդեցություն ունի: Եթե նա մի երկու խոսք ասի Պոմոսկուն, հաստատ բան է արդեն»:

Դրսում բոլորովին լույս էր դեռ, բայց կոմսուհի Լիդիա Իվանովնայի փոքրիկ ընդունարանում, վարագույրներն իջեցրած, արդեն վառվում էին լամպերը:

Կլոր սեղանի մոտ, լամպի լույսի տակ նստել էին կոմսուհին ու Ալեքսեյ Ալեքսանդրովիչը և կամաց խոսում էին ինչ-որ բանի մասին: Ո՛չ բարձրահասակ, լղար մի մարդ, կսնացի

կոնքով, ծնկատեղեղում ներս ընկած ոտներով, շատ գո.սատ, քեղեցիկ, փայլուն, սքանչելի աչքերով ու երկար մազերով, որոնք թափված էին նրա սյուրտուկի օձիքին, կանգնել էր սենյակի մյուս ծայրին, դիտելով պատից կախված պորտրենները: Բարևելով տանտիրուհուն և Ալեքսեյ Ալեքսանդրովիչին, Ստեպան Արկադևիչն ակամա մի անգամ էլ նայեց անծանոթ մարդուն:

— Monsieur Landau! — դիմեց նրան կոմսուհին՝ Օբլոնսկուն ապշեցնող քնքշությամբ ու զգուշությամբ: Եվ կոմսուհին ծանոթացրեց նրանց:

Landau-ն շտապ ետ նայեց, մոտեցավ ու ժպտալով դրեց Ստեպան Արկադևիչի պարզած ձեռքի մեջ իր քրտնած, անշարժ ձեռքը և անմիջապես նորից հեռացավ ու սկսեց նայել պորտրենները: Կոմսուհին և Ալեքսեյ Ալեքսանդրովիչը նշանակալից նայեցին իրար:

— Ես շատ ուրախ եմ ձեզ տեսնելուս համար, մանավանդ այսօ՛ր,— ասաց կոմսուհի Լիդիա Իվանովնան, տեղ նշելով Ստեպան Արկադևիչին Կարենինի կողքին:

— Ես ձեզ ծանոթացրի նրա հետ, որպես Landau-ի,— ասաց կոմսուհին քնքուշ ձայնով, նայելով ֆրանսիացուն և հետո անմիջապես Ալեքսեյ Ալեքսանդրովիչին,— բայց իրոք, նա կոմս Բեզզուբով է, ինչպես գիտեք երևի: Միայն նա չի սիրում այդ տիտղոսը:

— Այո, ես լսել եմ,— պատասխանեց Ստեպան Արկադևիչը.— ասում են, նա բոլորովին բռնկել է կոմսուհի Բեզզուբովային:

— Կոմսուհին այսօր ինձ մոտ էր, նա այնպես ողորմելի է,— դիմեց Լիդիա Իվանովնան Ալեքսեյ Ալեքսանդրովիչին:— Այդ անջատումը սոսկալի է նրա համար: Նրա համար դա այնպիսի հարված է:

— Իսկ նա վճռականորեն գնո՞ւմ է,— հարցրեց Ալեքսեյ Ալեքսանդրովիչը:

— Այո՛, նա գնում է Փարիզ: Երեկ նա լսեց ձայն,— ասաց կոմսուհի Լիդիա Իվանովնան, նայելով Ստեպան Արկադևիչին:

— Ա՛խ, ձայն,— կրկնեց Օբլոնսկին, զգալով, որ պետք է, որքան հնարավոր է, զգուշ լինել այս մարդկանց շրջանում,

որտեղ տեղի ունի կամ պիտի տեղի ունենա առանձին մի բան,¹ որի գաղտնիքի բանալին դեռ չի գտել ինքը:

Տիրեց ընկերական լուսթյուն, որից հետո կոմսուհի Լիդիա Իվանովնան, կարծես թե ձեռնամուխ լինելով խոսակցութեան զխափոր նյութին, նուրբ ժպիտով ասաց Օբլոնսկուն.

— Ես ձեզ վաղուց եմ ճանաչում և շատ ուրախ եմ ավելի մոտ ճանաչելու հնարավորութեան առթիվ: Les amis de nos amis sont nos amis¹: Սակայն բարեկամ դառնալու համար պետք է մտասուզվել բարեկամի հոգու կացութեան մեջ, իսկ ես վախենում եմ, որ դուք այդ բանը չեք անում Ալեքսեյ Ալեքսանդրովիչի նկատմամբ: Դուք, իհարկե, հասկանում եք, թե ինչի՞ մասին եմ ասում ես,— ասաց նա, բարձրացնելով իր գեղեցիկ, մտասուզ աչքերը:

— Կոմսուհի, ես մասամբ հասկանում եմ, որ Ալեքսեյ Ալեքսանդրովիչի վիճակը... — ասաց Օբլոնսկին, լավ չճանաչանալով, թե բանն ի՞նչ է և կամենալով մնալ ընդհանուր մտքերի սահմաններում:

— Փոփոխությունը ո՛չ թե արտաքին կացութեան մեջ է, — խիստ տոնով ասաց կոմսուհի Լիդիա Իվանովնան, միաժամանակ սիրահարված հայացքով հետևելով Ալեքսեյ Ալեքսանդրովիչին, որը վեր կացավ ու մոտեցավ Landau-ին, — փոփոխվել է նրա սիրտը, նրան տրված է նոր սիրտ, և ես վախենում եմ, դուք լիովին չեք հասկանում այն փոփոխությունը, որ կատարվել է նրա մեջ:

— Այսինքն՝ ընդհանուր գծերով ես կարող եմ պատկերացնել այդ փոփոխությունը: Մենք միշտ եղել ենք բարեկամներ և այժմ... — ասաց Ստեպան Արկադևիչը, քնքուշ հայացքով պատասխանելով կոմսուհու հայացքին, կշռադատելով, թե երկու միևնույններից որի՞ն ավելի մոտ է Լիդիա Իվանովնան, որպեսզի իմանա, թե նրանցից որի՞ մասին պետք է խնդրել նրան:

— Այն փոփոխությունը, որ տեղի է ունեցել նրա մեջ, չի կարող թուլացնել նրա սիրո զգացումը մերձավորների նկատմամբ. ընդհակառակն, նրա մեջ կատարված փոփոխությունը պետք է ուժեղացնի այդ սերը: Բայց ես վախենում եմ, որ

դուք չեք հասկանա ինձ: Թե՛յ չէի՞ք կամենա, — հարցրեց կոմսուհին, աչքերով նշելով ծառային, որ թե՛յ էր բերում մատուցարանով:

— Ո՛չ, բողբոջի, կոմսուհի: Հասկանալի էր, որ նրա դժբախտությունը...

— Այո՛, դժբախտություն, որը դարձավ գերագույն բախտավորություն, երբ սիրտը դարձավ նո՛ր, լցված այդ բախտավորությամբ, — ասաց Լիդիա Իվանովնան, սիրահարվածի պես նայելով Ստեպան Արկադևիչին:

«Ես կարծում եմ, կարելի է խնդրել՝ բարի խոսք ասել երկուսին էլ», մտածում էր Ստեպան Արկադևիչը:

— Օ՛, իհարկե, կոմսուհի, — ասաց նա, — բայց ես կարծում եմ, այդ փոփոխություններն այնքան ինտիմ են, որ ոչ ոք, նույնիսկ ամենամոտիկ մարդը, չի սիրում խոսել դրանց մասին:

— Ընդհակառակն: Մենք պետք է խոսենք և օգնենք իրար:

— Այո՛, անկասկած, բայց լինում է համոզմունքների այնպիսի տարբերություն և ընդամին... — քնքուշ ժպիտով ասաց Օբլոնսկին:

— Սրբազան ճշմարտության գործում չի կարող տարբերություն լինել:

— Օ՛, արդարև, իհարկե, բայց... — և շփոթվելով, Ստեպան Արկադևիչը լռեց: Նա հասկացավ, որ հարցը վերաբերում էր կրոնին:

— Ինձ թվում է, նա այս բոպեխ կքնի, — նշանակալից շշուկով ասաց Ալեքսեյ Ալեքսանդրովիչը, մոտենալով Լիդիա Իվանովնային:

Ստեպան Արկադևիչը ետ նայեց: Landau-ն նստել էր պատուհանի մոտ, հենված բազկաթոռի բռնակին ու մեջքին, գլուխը կախ: Նկատելով իր վրա դարձած հայացքները, նա բարձրացրեց գլուխը և ժպտաց մանկական միամիտ ժպիտով:

— Ուշադրություն մի՛ դարձնեք, — ասաց Լիդիա Իվանովնան ու թեթև շարժումով աթոռը մոտ քաշեց Ալեքսեյ Ալեքսանդրովիչին: — Ես նկատել եմ... — սկսեց նա ինչ-որ բան, երբ սենյակ մտավ ծառան՝ ձեռքին նամակ: Լիդիա Իվանովնան արագ կարդաց տոմսը և ներողություն խնդրելով, զարմանալի արագությամբ պատասխանը գրեց, հանձնեց ու վերադար-

¹ Մեր բարեկամների բարեկամները մեր բարեկամներն են:

ձավ սեղանի մոտ:— Ես նկատել եմ,— շարունակեց նա սկը-
ւած խոսակցությունը, որ մոսկվացիք, մանավանդ տղամար-
դիկ, ամենատարբեր մարդիկն են կրոնի խնդրում:

— Օ՛, ո՛չ, կոմսուհի, ինձ թվում է, որ մոսկվացիք ունեն
ամենահաստատուն մարդկանց համբավ,— պատասխանեց
Ստեպան Արկադևիչը:

— Այո՛, որքան հասկանում եմ ես, դուք դժբախտաբար,
անտարբերներից եք,— ասաց հոգնած ժպիտով Ալեքսեյ Ալեք-
սանդրովիչը, դիմելով Օբլոնսկուն:

— Ինչպե՞ս կարելի է լինել անտարբեր,— ասաց Լիդիա
Իվանովնան:

— Այս տեսակետից ես ոչ թե անտարբեր եմ, այլ սպա-
սողականության մեջ եմ,— ասաց Ստեպան Արկադևիչն իր
ամենամեղմացնող ժպիտով:— Ես չեմ կարծում, որ ինձ հա-
մար հասել է այդ հարցերի ժամանակը:

Ալեքսեյ Ալեքսանդրովիչը և Լիդիա Իվանովնան իրար նա-
ջեցին:

— Մենք երբեք չենք կարող իմանալ, արդյոք մեզ համար
հասե՞լ է, թե չի հասել ժամանակը,— ասաց Ասեքսեյ Ալեք-
սանդրովիչը խիստ տոնով:— Մենք չպետք է մտածենք այն
մասին, արդյոք պատրա՞ստ ենք, թե պատրաստ չենք. շնորհ
չի դեկավարվում մարդկային նկատառումներով. երբեմն այն
չի իջնում տքնողների վրա, այլ իջնում է շուտադատվածների
վրա, ինչպես Սավուղն էր:

— Ո՛չ, կարծես հիմա դեռ չէ,— ասաց Լիդիա Իվանով-
նան, որն այդ ժամանակ հետևում էր Ֆրանսիացու շարժում-
ներին:

Landau-ն վեր կացավ ու մոտեցավ նրանց:

— Թույլ կտա՞ք ինձ լսելու,— հարցրեց նա:

— Օ՛, իհարկե, ես չէի ուզում խանգարել ձեզ,— ասաց
Լիդիա Իվանովնան, քնքշությամբ նայելով նրան,— նստեք
մեզ հետ:

— Պետք է միայն մարդ աչքերը չփակի, որ չզրկվի լույ-
սից,— շարունակեց Ալեքսեյ Ալեքսանդրովիչը:

— Ա՛խ, եթե դուք հասկանալիք այն երջանկությունը, որ
համակում է մեզ, զգալով մեր հոգում նրա մշտական ներկա-

ջությունը,— ասաց կոմսուհի Լիդիա Իվանովնան, երանու-
թյամբ ժպտալով:

— Բայց մարդ երբեմն կարող է իրեն անընդունակ զգալ՝
հասնելու այդ բարձրությունը,— ասաց Ստեպան Արկադևիչը,
զգալով, որ ինքը կեղծում է, ընդունելով կրոնական բարձրու-
թյունը, միաժամանակ սիրտ շանելով խոստովանելու իր ազա-
տամտությունը մի անձի առաջ, որը Պոմոսկուն ասած իր մի
խոսքով կարող է տալ իրեն իր ցանկացած պաշտոնը:

— Այսինքն՝ դուք ուզում եք ասել, որ մեղքը խանգարո՞ւմ
է նրան,— ասաց Լիդիա Իվանովնան:— Սակայն թյուր կարծիք
է այդ: Հավատացողների համար մեղք չկա, մեղքն արդեն
բավված է: Pardon,— ավելացրեց նա, նայելով նորից ներս
եկած ծառային, որը բերում էր մի ուրիշ տոմս:— Կոմսուհին
կարդաց և բերանացի պատասխանեց.— ասացեք վաղը, մեծ
իշխանուհու մոտ... Հավատացողի համար մեղք չկա,— շարու-
նակեց նա խոսակցությունը:

— Այո՛, բայց հավատն առանց գործերի մեռած բան է,—
ասաց Ստեպան Արկադևիչը, հիշելով այդ ֆորալը հավատի
հանգանակից, մի ժպիտով արդեն պաշտպանելով իր անկա-
խությունը:

— Ահա՛ այն, Հակոբ առաքյալի թղթից,— ասաց Ալեքսեյ
Ալեքսանդրովիչը՝ թեթև կշտամբանքով դիմելով Լիդիա Իվա-
նովնային, հայտնապես որպես մի այնպիսի բանի մասին,
որ իրենց մեջ արդեն բազմիցս խոսվել է:— Ինչքա՞ն վնաս
է պատճառել այդ տեղի սխալ մեկնաբանումը: Ոչինչ այնպես
չի վանում կրոնից, ինչպես այդ մեկնաբանումը: Ես գործեր
չունեմ, ես չեմ կարող հավատալ», մինչդեռ, ո՛չ մի տեղ չի
ասված այդ բանը: Այլ ասված է հակառակը:

— Դեգերել աստծո համար, տքնությամբ, պատով փրկել
հոգին,— գարշալից արհամարհանքով ասաց Լիդիա Իվանով-
նան,— մեր վանականների վայրենի հասկացողությունն է...
Այնինչ, այդ ո՛չ մի տեղ ասված չէ: Դա շատ ավելի պարզ
ու հեշտ բան է,— ավելացրեց նա, նայելով Օբլոնսկուն այն
ամենաքաջալերիչ ժպիտով, որով արքունիքում նա քաջալերում
էր նոր միջավայրից շփոթված, ջահել ֆրեյլինաներին:

— Մենք փրկված ենք Քրիստոսով, որ տանջվեց մեզ հա-
մար: Մենք փրկված ենք հավատով,— հաստատեց Ալեքսեյ

Ալեքսանդրովիչը, իր հայացքով հավանութուն տալով կոմս
առհու խոսքերին:

— Vous comprenez l'anglais? — հարցրեց կիդիա Իվա-
նովնան և ստանալով դրական պատասխան, վեր կացավ ու
սկսեց ընտրել դարակի գրքերը:— Ես ուզում եմ կարդալ ձեզ
„Safe and Happy“ կամ „Under the wing?“² — ասաց նա,
հարցական նայելով Կարենինին: Եվ գտնելով իր ուզած գիրքը
ու նորից նստելով նախկին տեղը, բացեց այն:— Դա շատ կարճ
բան է: Այստեղ նկարագրված է այն ուղին, որով ձեռք է բեր-
վում հավատ, և այն բախտավորութունը, գերերկրային այն
բախտավորութունը, որն այդ դեպքում համակում է մարդու
հոգին: Հավատացող մարդը չի կարող դժբախտ լինել, որով-
հետև նա մենակ չէ: Ա՛յ, ահա կտեսնեք դուք:— Նա արդեն
պատրաստվում էր կարդալ, երբ նորից ներս մտավ ծառան:—
Քորոզդինան: Ասացե՛ք՝ վաղը, ժամը երկուսին: Այո՛, — ասաց
նա, մատը դնելով գրքի մեջ՝ հարկավոր տեղում ու հառաչան-
քով նայելով դիմացը՝ իր մտասույզ գեղեցիկ աչքերով:— Ահա
թե ինչպե՛ս է ներազդում իսկական հավատը: Դուք ճանաչո՞ւմ
եք Մարի Սանինային: Դուք գիտե՞ք նրա դժբախտութունը, —
նա կորցրեց իր միակ որդուն: Նա հուսահատության մեջ էր:
Եվ ի՞նչ: Նա գտավ այդ բարեկամին, և այժմ նա գոհունակու-
թյուն է հայտնում աստծուն իր երեխայի մահվան համար:
Ահա՛ բախտավորութուն, որ տալիս է հավատը:

— Օ՛, իհարկե, այդ շատ... — ասաց Ստեպան Արկադևիչը,
գոհ այն հանգամանքից, որ հիմա կկարդան ու հնարավորու-
թյուն կտան իրեն մի փոքր ուշքի գալու: «Ո՛չ, ինչպես երևում
է, ավելի լավ է այսօր ո՛չ մի բանի մասին չխնդրել», մտա-
ծում էր նա, «միայն թե դուրս պրծնեմ այստեղից, առանց
խառնաշփոթելու»:

— Չեզ համար ձանձրալի կլինի, — ասաց կոմսուհի կիդիա
Իվանովնան, դիմելով Landau-ին, — դուք անդերեն չգիտեք,
բայց դա կարճ բան է:

— Օ՛, ես կհասկանամ, — ասաց նույն ժպիտով Landau-ն
ու փակեց աչքերը:

Ալեքսեյ Ալեքսանդրովիչն ու կիդիա Իվանովնան նշանակա-
լից նայեցին իրար, և սկսվեց ընթերցումը:

XXII

Ստեպան Արկադևիչը բոլորովին շշմել էր իր համար տա-
րօրինակ այն նոր գրույցներից, որ լսում էր ինքը: Պետեր-
բուրգյան կյանքի բարդութունն առհասարակ զրգոխը կերպով
էր ազդում նրա վրա, դուրս հանելով նրան մոսկովյան լճա-
ցումից: Բայց այդ բարդացումները նա սիրում էր և հասկա-
նում իրեն մոտիկ ու ծանոթ շրջաններում: Իսկ այդ խորթ մի-
ջավայրում նա շշմել էր, շվարիլ և չէր կարողանում բոլորն
ընդգրկել: Լսելով կոմսուհի կիդիա Իվանովնային ու իր վրա
հառած զգալով Landau-ի գեղեցիկ, նախ՛վ, թե՛ խորա-
մանկ — նա ինքն էլ չգիտեր — աչքերը, Ստեպան Արկադևիչն
սկսում էր գլխում ինչ-որ առանձին ծանրութուն զգալ:

Նրա գլխում իրար էին խառնվել ամենաբազմապիսի մտ-
քեր. «Մարի Սանինան ուրախանում էր, որ մեռավ իր երե-
խան... Լավ կլիներ հիմա ծխել... Փրկվելու համար պետք է
միայն հավատալ, և վանականները չգիտեն, թե ինչպե՛ս
պետք է անել այդ. իսկ գիտե կոմսուհի կիդիա Իվանովնան...
Եվ ինչի՞ց է գուխս այդպես ծանրացել: Արդյոք կոնյակի՞ց,
թե՛ այն բանից, որ այս բոլորն արդեն շատ տարօրինակ է:
Այսուամենայնիվ, կարծեմ, մինչ այժմ ես անվայելուչ ոչինչ
չարի: Բայց և այնպես, այլևս չի կարելի ոչնչի մասին խնդրել
կոմսուհուն: Ասում են, որ նրանք ստիպում են աղոթել: Չլինի
թե ինձ էլ ստիպեն: Այդ արդեն կլինի շափազանց տխմար բան:
Եվ ի՞նչ դատարկ բան է կարդում կոմսուհին, թեև լավ է ար-
տասանում: Landau — Բեզզո՛ւբով, ինչո՞ւ է նա Բեզզոբովս:
Հանկարծ Ստեպան Արկադևիչն զգաց, որ իր ներքևի ծնոտն
անզսպորեն ծռմովում է հորանջելու համար: Նա ուղղեց բա-
կենբարդները, ծածկելով հորանջը, և ցնցվեց: Բայց դրանից
անմիջապես հետո նա զգաց, որ արդեն բնած է ու պատրաստ-
վում է խռմփալու: Նա ուշքի եկավ այն բոլորին, երբ կոմսուհի
կիդիա Իվանովնայի ձայնն ասաց. «նա քնած է»:

Ստեպան Արկադևիչը վախեցած սթափվեց, զգալով իրեն
մեղավոր ու հանցանքի մեջ բռնված: Բայց նա անմիջապես

¹ Դուք հասկանո՞ւմ եք անգլերեն:

² «Ապահովության ու երջանկության մեջ կամ «Նորմալու տակ»:

մխիթարվեց. տեսնելով, որ «նա քնած է» խոսքերը վերաբնձրում են ո՛չ թե իրեն, այլ Landau-ին: Ֆրանսիացիին նույնպես քնեց, ինչպես և Ստեպան Արկաղեհիչը: Բայց Ստեպան Արկաղեհիչի քունը, ինչպես կարծում էր նա, կարող էր վիրավորել նրանց (թեպետ նա այդ էլ չէր կարծում, այնպես տարօրինակ էր թվում նրան ամեն ինչ), իսկ Landau-ի քունը լափազանց ուրախացրեց նրանց, մանավանդ կոմսուհի Լիդիա Իվանովնային:

— Mon ami¹, — ասաց Լիդիա Իվանովնան զգույշ, որպեսզի աղմուկ չհանի, շտկելով իր մետաքսե զգեստի ծալքերը և հուզված կանչելով Կարենինին ո՛չ թե Ալեքսեյ Ալեքսանդրովիչ, այլ „mon ami“, — donnez lui la main. Vous voyez?² Սր՛ս, — թշուաջ նա նորից ներս եկած ծառայի վրա: — Ո՛չ ոքի չընդունել:

Ֆրանսիացիին քնած էր կամ ձևանում էր, թե քնած է, գուխը հենած բազկաթոռի թիկնատեղին, և քրտնած ձեռքով, որ ընկած էր ծնկին, անում էր թույլ շարժումներ, կարծես որսալով ինչ-որ բան: Ալեքսեյ Ալեքսանդրովիչը վեր կացավ, ուզում էր շարժվել զգույշ, բայց կարթկելով աթոռը, մոտեցավ ու ձեռքը դրեց ֆրանսիացու ձեռքի մեջ: Ստեպան Արկաղեհիչը նույնպես վեր կացավ և աչքերը լայն բանալով, կամենում էր զարթնեցնել իրեն, ի՞թե քնած է, նայում էր մերթ մեկին, մերթ մյուսին: Այս բոլորը տեղի ունեցավ արթուն կացությամբ: Ստեպան Արկաղեհիչն զգում էր, որ գլուխը հետզհետե ավելի ու ավելի վատանում է:

— Que le persone qui est arrivée la dernière, celle qui demande, qu'elle—sorte. Qu'elle sorte!³ — ասաց ֆրանսիացին, առանց բացելու աչքերը:

— Vous m'excuserez, mais vous voyez... Revenez vers dix heures, encore mieux demain⁴.

¹ Բարեկամս:

² Բարեկամս, տվեք նրան ձեռք ձեռքը: Տեսնո՞ւմ եք:

³ Թող դուրս գնա այն անձնավորությունը, որը եկավ վերջինը, որը հարցնում է:

⁴ Դուք ներքեցեք ինձ, բայց դուք տեսնում եք... Եկեք ժամը տասի մոտ: կամ ավելի լավ է վաղը:

Qu'elle sorte!¹ — անհամբերությամբ կրկնեց ֆրանսիացին:

— C'est moi, n'est ce pas²? Եվ ստանալով դրական պատասխան, Ստեպան Արկաղեհիչը, մոռացած թե՛ այն, ինչի մասին ուզում էր ինքը խնդրել Լիդիա Իվանովնային, մոռացած թե՛ քրոջ գործի մասին, համակված մի ցանկությամբ միայն՝ դուրս պրծնել այստեղից՝ որքան հնարավոր է շուտ, դուրս գնաց մատների ծայրին և վազեց փողոց, ինչպես վարակված տնից ու երկար ժամանակ խոսում ու կատակում էր կառապանի հետ, կամենալով շուտափույթ ուշքի գալ:

Ֆրանսիական թատրոնում, որտեղ նա հասավ վերջին արարին, հետո թաթարների մոտ շամպայն խմելիս, Ստեպան Արկաղեհիչը մի քիչ հանգստացավ իրեն հատուկ մթնոլորտում: Բայց և այնպես այդ երեկո նա իրեն շատ վատ էր զգում:

Վերագառնալով տուն՝ Պյոտր Օբլոնսկու բնակարանը, որտեղ իջել էր Պետերբուրգում, Ստեպան Արկաղեհիչը գտավ Բետսիի ուղարկած տոմսը: Բետսին գրում էր նրան, որ շատ է ցանկանում վերջացնել սկսած խոսակցությունը և խնդրում է նրան՝ վաղը գալ իր մոտ: Հազիվ նա կարողացավ կարգալայն տոմսը և խոտովել այդ առթիվ, երբ ներքևում լսվեցին ինչ-որ ծանր բան բերող մարդկանց ծանր քայլեր:

Ստեպան Արկաղեհիչը դուրս եկավ նայելու: Դա երիտասարդացած Պյոտր Օբլոնսկին էր: Նա այնպես հարբած էր, որ չէր կարողանում բարձրանալ սանդուղքներով. բայց հրամայեց կանգնեցնել իրեն, տեսնելով Ստեպան Արկաղեհիչին, ու կպած նրան, գնաց նրա հետ նրա սենյակը և սկսեց պատմել, թե ինչպե՛ս անցկացրեց երեկոն և տեղն ու տեղը քնեց:

Ստեպան Արկաղեհիչը հոգեպես լքված էր, որ սակավ էր պատահում նրա հետ, և երկար ժամանակ քունը չէր տանում: Այն բոլորը, ինչ մտաբերում էր նա, գարշելի էր, բայց ամենից ավելի գարշանքով, որպես ամոթալի բան, մտաբերում էր նա կոմսուհի Լիդիա Իվանովնայի մոտ անցկացրած երեկոն:

Հետևյալ օրը նա Ալեքսեյ Ալեքսանդրովիչից ստացավ Ան-

¹ Թող նա դուրս գնա:

² Դա ես եմ, այնպես չէ՞:

նային ապահարզան տալու կտրական մերժում և հասկացավ, որ այդ որոշումը հիմնված էր այն բանի վրա, ինչ ասել էր Ֆրանսիացին իր իսկական, թե ձևացրած քնի մեջ:

XVIII

Ընտանեկան կյանքում որևէ բան ձեռնարկելու համար անհրաժեշտ է կամ լիովին պառակտում ամուսինների միջև, կամ սիրահոժար համաձայնություն: Իսկ երբ ամուսինների հարաբերություններն անորոշ են, և չկա ո՛չ մեկը, ո՛չ մյուսը, ո՛չ մի գործ չի կարող ձեռնարկվել:

Շատ ընտանիքներ տարիներով մնում են ամուսինների համար զգվելի դարձած նույն պայմաններում այն պատճառով միայն, որ չկա ո՛չ կատարյալ պառակտում, ո՛չ էլ համաձայնություն:

Մոսկովյան կյանքն անտանելի էր դարձել թե՛ Վոռնսկու, թե՛ Աննայի համար շոգի և փոշու մեջ, երբ արևն արդեն փայլում էր ո՛չ գարնան, այլ ամառվա պես, և զբոսայգիներում բոլոր ծառերն արդեն հագել էին տերևներ, ու տերևներն արդեն ծածկվել էին փոշով: Բայց նրանք, շտեղափոխվելով Վոզդվիժենսկոյն, ինչպես այդ վաղուց որոշված էր, շարունակում էին ապրել իրենց համար զգվելի դարձած Մոսկովյանում, որովհետև վերջերս համաձայնություն չկար նրանց միջև:

Նրանց իրարից բաժանող գրգռումները շունչ արտաքին ո՛չ մի պատճառ, և բացատրվելու բոլոր փորձերը ո՛չ միայն չէին վերացնում, այլ ուժեղացնում էին այն: Դա ներքին գրգռումներ էր, որը Աննայի համար հետևանք էր Վոռնսկու սիրո նվազման, Վոռնսկու համար զղջում, որ ինքն Աննայի պատճառով իրեն դրել է այնպիսի ծանր դրության մեջ, ինչն Աննան թեթևացնելու փոխարեն՝ ավելի ծանրացնում է: Ո՛չ մեկը, ո՛չ մյուսը չէր ասում իր գրգռումների պատճառը, բայց նրանք փոխադարձաբար իրար հա՛տարում էին անիրավացի և ամեն առիթով աշխատում էին այդ ապացուցել իրար:

Աննայի համար Վոռնսկին ամբողջովին, իր բոլոր սովորություններով, մտքերով, ցանկություններով, իր հոգեկան ու ֆիզիկական ամբողջ կազմով, մի՛ բան էր՝ սեր գեպի կանաթ, և այդ սերը, Աննայի կարծիքով, պետք է ամբողջապես կենսորոնացած լիներ միայն իր վրա: Այդ սերը նվազել էր. հետևա-

բար, Աննայի գատողություններ, Վոռնսկին այդ սիրո մի մասը պետք է փոխանցած լիներ ուրիշ կանանց կամ ուրիշ կնոջ վրա, — և Աննան խանդում էր: Նա խանդում էր ո՛չ թե որևէ կնոջ հանդեպ, այլ Վոռնսկու սիրո նվազման պատճառով: Խանդի համար տակավին շունենալով ունալ առարկա, նա փնտրում էր այն: Ամենաշնչին ակնարկի պատճառով նա իր խանդը մի առարկայից փոխանցում էր մյուսին: Մերթ նա խանդում էր Վոռնսկուն այն կոպիտ կանանց նկատմամբ, որոնց հետ Վոռնսկին, շնորհիվ իր ամուրի կապերի, կարող էր այնպես հեշտություններ հարաբերություն ունենալ. մերթ նա խանդում էր Վոռնսկուն բարձր հասարակության կանանց նկատմամբ, որոնց Վոռնսկին կարող էր հանդիպել. մերթ նա խանդում էր Վոռնսկուն երևակայական մի աղջկա նկատմամբ, որի հետ Վոռնսկին կուզենար ամուսնանալ, խզելով իր կապերն Աննայի հետ: Եվ այս վերջին խանդն ամենից ավելի էր տանջում Աննային, մանավանդ այն պատճառով, որ ինքը՝ Վոռնսկին, անզգուշաբար, անկեղծ մի բոպեի, ասաց Աննային, թե իր մայրն այնպես քիչ է հասկանում իրեն, որ փորձ արեց համոզելու՝ ամուսնանալ իշխանազնուհի Սորոկինայի հետ:

Ու խանդելով նրան, Աննան զայրանում էր նրա վրա և ամեն բանում առիթ էր փնտրում զայրույթի համար: Իր դրության մեջ եղած բոլոր ծանր պարագաների համար Աննան մեղադրում էր նրան: Սպասումի տանջալից այն կացությունը, որ ապրեց Աննան Մոսկովյանում՝ երկնքի ու երկրի միջև, Ալեքսեյ Ալեքսանդրովիչի դանդաղկոտությունն ու անվճռականությունը, իր մեկուսացումը, — այս բոլորն Աննան վերագրում էր նրան: Եթե նա սիրեր, կհասկանար Աննայի կացության ամբողջ ծանրությունը և կհաներ նրան այդ վիճակից: Նա մեղավոր էր նաև այն բանում, որ Աննան ապրում էր Մոսկովյանում և ո՛չ թե գյուղում: Վոռնսկին չէր կարող ապրել, թաղվելով գյուղում, ինչպես ուզում էր Աննան: Նրա համար անհրաժեշտ էր հասարակություն, և նա Աննային դրեց այդ սոսկալի կացության մեջ, որի ծանրությունը չէր ուզում հասկանալ: Եվ որ Աննան հավիտյան անջատված է որդուց՝ այդ բանում էլ նա՛ էր մեղավոր:

Աննային չէին հանգստացնում նույնիսկ քնքշության այն

Հագվադեպ բոսիները, որ լինում էին նրանց միջև. Վոռնսկու քեղբայրության մեջ Աննան այժմ տեսնում էր հանգստի, վստահության նրբերանգ, որոնք չկային առաջ և որոնք գրգռում էին Աննային:

Արդեն մթնշաղ էր: Աննան մենակ, սպասելով Վոռնսկու վերադարձին ամուրիների ճաշից, ուր գնացել էր նա, ետ ու առաջ էր բայում նրա առանձնասենյակում (այն սենյակը, որտեղ ամենից ավելի քիչ էր լսվում փողոցի աղմուկը) և ամենայն մանրամասնությամբ վերամտորոշում էր երեկվա վեճի արտահայտությունները: Վեճի անմոռանալի վերավոր կան խոսքերից ետ զալով դեպի այն, ինչն առիթ տվեց այդ խոսքերին, նա հասավ վերջապես խոսակցության սկզբին: Երկար ժամանակ նա չէր կարողանում հավատալ, թե պառակտումն սկսվեց այդպիսի անմեղ խոսակցությունից, որը մոտ չէր ոչ որի սրտին: Իսկ իրոք, դա այդպես էր: Ամբողջն սկսվեց այն բանից, որ Վոռնսկին ծիծաղեց կանանց գիմնագիտության վրա, համարելով դրանք անպետք, իսկ Աննան պաշտպանեց: Վոռնսկին անհարգալից վերաբերվեց կանանց կրթությանն առհասարակ և ասաց, որ Գաննան, Աննայի հովանավորած անգլուհին, բնավ կարիք չունի ֆիզիկայի գիտության:

Այդ գրգռեց Աննային: Նա այդ բանում տեսավ արհամարհական ակնարկ իր պարապմունքների առթիվ: Եվ նա մտածեց ու ասաց այնպիսի մի ֆրազ, որը կհատուցեր Վոռնսկուն՝ Աննային պատճառած ցավի փոխարեն:

— Ես չեմ սպասում, որ դուք հիշեիք ինձ. հիշեիք իմ գոացումները ինչպես կարող է հիշել դրանք սիրող մարդը, բայց ես սպասում էի սոսկ քաղաքավարի վերաբերմունքի,— ասաց Աննան:

Եվ իրոք, Վոռնսկին կարմրեց սրտենդությունից ու ասաց ինչ-որ անախորժ բան: Աննան չէր հիշում, թե ինքն ի՞նչ պատասխանեց նրան, բայց այստեղ Վոռնսկին, ինչ-որ բանի առթիվ, Աննային հայտնապես նույնպես ցավ պատճառելու ցանկությամբ, ասաց.

— Ինձ հետաքրքիր չէ ձեր աչառու վերաբերմունքն այդ աղջկան. այդ ճիշտ է, որովհետև ես տեսնում եմ, որ դա անբնական է:

Վոռնսկու այդ խստասրտությունը, որով նա կործանում էր այն աշխարհը, որ այնպիսի դժվարությամբ Աննան ստեղծել էր իր համար, որպեսզի կարողանա տանել իր ծանր կյանքը, Վոռնսկու այդ անարդարությունը, որով նա Աննային մեղադրում էր կեղծարարության, անբնականության մեջ, հանեցին Աննային: Ինքնատիրապետումից:

— Շատ ցավում եմ, որ ձեզ համար հասկանալի է ու բնական միայն կոպիտը և նյութականը,— ասաց Աննան ու դուրս գնաց սենյակից:

Երբ երեկ երեկոյան Վոռնսկին եկավ Աննայի մոտ, նրանք հիշատակություն չարին եղած վեճի մասին, սակայն երկուսն էլ զգում էին, որ վեճը հարթված է, բայց չի մոռացվել:

Այսօր Վոռնսկին տանը չէր ամբողջ օրը. և Աննան իրեն զգում էր այնպես միայնակ ու այնպես ծանր էր իր համար, որ կոված է նրա հետ, որ ուզում էր բոլորը մոռանալ, ներել և հաշտվել նրա հետ, ուզում էր մեղադրել իրեն ու արդարացնել նրան:

«Ես ի՞նքս եմ մեղավոր: Ես դուրաբորբոք եմ, ես անմտորեն խանդոտ եմ: Ես կհաշտվեմ նրա հետ, և կերթանք գյուղ, այնտեղ ես կլինեմ ավելի հանգիստ», ասում էր Աննան ինքն իրեն:

«Անբնական է,— հիշեց հանկարծ Աննան իրեն ամենից ավելի վերավորած ո՛չ այնքան այդ խոսքը, որքան իրեն ցավ պատճառելու դիտավորությունը:— Ես գիտեմ, թե նա ի՞նչ էր ուզում ասել. նա ուզում էր ասել՝ անբնական է, չսիրելով սեփական աղջկան, սիրել օտարի երեխային: Ի՞նչ է հասկանում նա դեպի երեխաները տածած սիրուց, իմ սիրուց դեպի Սերյոժան, որին ես զոհաբերեցի նրա համար: Բայց դա ինձ ցավ պատճառելու ցանկություն է միայն: Ո՛չ, նա սիրում է ուրիշ կնոջ, այլ կերպ լինել չի կարող»:

Եվ տեսնելով, որ ինքն իրեն հանգստացնելու ցանկությամբ նա նորից կատարեց այնքան անգամներ անցած իր շրջանը ու վերադարձավ առաջվա գրգռմունքին, սոսկաց ինքն իրենից. «Մի՞թե չի կարելի: Մի՞թե ես չեմ կարող վերցնել ինձ վրա,— ասաց Աննան ինքն իրեն և նորից սկսեց սկզբից:— Նա արդարամիտ է, նա ազնիվ է, նա սիրում է ինձ: Ես սիրում եմ նրան, մոտ օրերս կստացվի ապահարգանք: Էլ ի՞նչ է պետք:

Պետք է հանգիստ, վստահութիւն, և ես դա կվերցնեմ ինձ վրա: Այո՛, հիմա, երբ նա գա, կասեմ, որ մեղավորը ես էի, թեպետև մեղավոր չէի, ու մենք կգնանք այստեղից»:

Ու որպեսզի այլևս չմտածի և անձնատուր չլինի գրգռմունքին, Աննան զանգահարեց ու հրամայեց բերել սնդուկները՝ իրերը դարսելու՝ գյուղ գնալու համար:

Ժամը տասին եկավ Վոռնսկին:

XXIV

— Է՛, ինչպե՞ս էր, ուրա՞խ էր, — հարցրեց Աննան, գեմքի մեղավոր ու հեղ արտահայտութեամբ դուրս գալով նրան ընդառաջ:

— Սովորականի պես, — պատասխանեց նա, Աննայի վրա զցած մի հայացքից անմիջապէս հասկանալով, որ նրա լավ տրամադրութեան պահերից մեկն է: Վոռնսկին արդեն վարժվել էր այդ անցումներին և այսօր առանձնապէս ուրախ էր գրա համար, որովհետև ինքն էլ ամենալավ տրամադրութեան էր:

— Ի՞նչ եմ տեսնում: Այ դա լավ է, — ասաց նա, նշելով նախասենյակում դրած սնդուկները:

— Այո՛, պետք է գնալ: Ես գնացել էի զբոսնելու, և այնպէս լավ էր, որ ուզեցի գյուղ գնալ: Հուսամ, ոչինչ չի խանգարում գնալու, չէ՞:

— Մի բան կուզենայի միայն: Ես իսկույն կգամ, և կխոսենք, միայն հազուատս փոխեմ: Հրամայիր, թող թեյ տան: Եվ Վոռնսկին գնաց իր առանձնասենյակը:

Վիրավորական մի բան կար նրա ասածի մեջ՝ «Այ դա լավ է». այդպէս ասում են երեխային, երբ նա վերջ է տալիս իր կամակորութիւններին. առավել ևս վիրավորական էր հակադրութիւնը Աննայի մեղավոր և Վոռնսկու ինքնավստահ տոնի միջև: Ու Աննան մի վայրկյան զգաց իր մեջ բարձրացող պայքարի ցանկութիւնը. բայց ուժ գործ գնելով իր վրա, նա հաղթահարեց այն և Վոռնսկուն դիմավորեց նույնպէս ուրախ:

Երբ Վոռնսկին վերադարձավ, Աննան պատմեց նրան իր անցկացրած օրը և գյուղ գնալու իր ծրագրերը, մասամբ կրկնելով նախապէս պատրաստած խոսքերը:

— Գիտե՞ս, ես համարյա ներշնչված, ոգևորված եմ:—

ասում էր Աննան:— Ի՞նչ կարիք կա այստեղ սպասելու ասպահարզանի: Մի՞թե միևնույն բանը չէ գյուղում: Ես չեմ կարող այլևս սպասել: Ես չեմ ուզում հուսալ, ես ոչինչ չեմ ուզում լսել ապահարզանի մասին: Ես վճռեցի, որ դա այլևս չպիտի ազդի իմ կյանքի վրա: Համաձա՞յն ես դու:

— Օ՛, իհարկե՛ս, — ասաց Վոռնսկին, անհանգիստ նայելով նրա հուզված դեմքին:

— Ի՞նչ էիք անում դուք այնտեղ, ո՞վ կար, — հարցրեց Աննան, քիչ լռելուց հետո:

Վոռնսկին թվեց հյուրերի անունները:— Ճաշը հիանալի էր, և՛ նավամբցումը, և՛ մյուս բոլոր բաները բավական հաճելի էին, բայց Մոսկվայում շեն կարող առանց ridicule-ի՛: Հանդես եկավ ինչ-որ տիկին, շվեդական թագուհուն լողալ սովորեցնող ուսուցչուհին, և ցույց էր տալիս իր արհեստը:

— Ինչպե՞ս, լողո՞ւմ էր, — հարցրեց Աննան խոժոռվելով:

— Ինչ-որ կարմիր costume de natatons-ով², պառավ, այլանդակ մի կին: Ուրեմն, ե՞րբ ենք գնում:

— Ի՞նչ տխմար ֆանտազիա: Եվ ի՞նչ, նա ինչ-որ առանձնահատուկ էր լողում, — ասաց Աննան, առանց պատասխանելու:

— Բացարձակապէս առանձին ոչինչ: Դրա համար էլ ես ասում եմ, սոսկալի հիմար բան էր: Ուրեմն դու ե՞րբ ես մտադիր գնալու:

Աննան ցնցեց գլուխը, կարծես կամենալով վանել իրենից անախորժ միտքը:

— Ե՞րբ գնալ: Որքան շուտ, այնքան լավ: Վաղը չենք հասցնի: Մյուս օրը:

— Այո՛... ո՛չ, կաց: Մյուս օրը կիրակի է, ես պետք է լինեմ maman-ի մոտ, — ասաց Վոռնսկին շփոթվելով, որովհետև հենց որ արտասանեց մոր անունը, իր վրա զգաց Աննայի սեւեռուն, կասկածելի հայացքը: Նրա շփոթութիւնը հաստատեց Աննայի կասկածները: Նա բռնկեց ու մեկդի բաշվեց Վոռնսկուց: Այժմ արդեն Աննային պատկերացավ ո՛չ շվեդական թագուհու ուսուցչուհին, այլ իշխանազնուհի Սո-

¹ Միծաղելի բան:

² Լողանալու և-սարք:

բակինան, որն ապրում էր կոմսուհի Վոռնսկայայի հետ՝ Մոսկվայի մոտ գտնվող դյուզում:

— Դու կարող ես գնալ վաղը, — ասաց Աննան:

— Ո՛չ: Այն գործով, որի համար ես գնում եմ, հավասարմագրերն ու դրամը չեն կարող ստացվել վաղը, — պատասխանեց Վոռնսկին:

— Եթե այդպես է, մենք բոլորովին չենք գնում:

— Իսկ ինչո՞ւ:

— Դրանից ավելի ուշ չեմ գնա ես: Երկուշաբթի կամ երբեք:

— Բայց ինչո՞ւ, — ասաց Վոռնսկին, կարծես զարմացած: — Չէ՞ որ դա իմաստ չունի:

— Քեզ համար իմաստ չունի, որովհետև դու գործ չունես ինձ հետ, չես հետաքրքրվում ինձնով: Դու չես ուզում հասկանալ իմ կյանքը: Միակ բանը, որ գրավում էր ինձ այստեղ, Գաննան էր: Դու ասում ես, որ դա կեղծարարություն է: Չէ՞ որ դու երեկ ասում էիր, որ ես չեմ սիրում աղջկաս, իսկ ձևանում եմ, իբր սիրում եմ այդ անղուհուն, որ այդ անբնական է. ես կուզենայի իմանալ, թե կյանքի ի՞նչ եղանակ կարող է այստեղ ինձ համար լինել բնական:

Մի վայրկյան Աննան ուշքի եկավ ու սարսափեց, որ դավաճանեց իր մտադրությանը: Բայց իմանալով հանդերձ, որ ինքը կործանում է իրեն, անկարող էր դապել իրեն, անկարող էր ցույց շտալ Վոռնսկուն, թե ինչպես անիրավացի է նա, և թե ինչպես ինքը անկարող է հնազանդվել նրան:

— Իս երբեք այդպիսի բան չեմ ասել. ես ասում էի, որ չեմ համակրում այդ անականակալ սերը:

— Ինչո՞ւ դու, որ պարծենում ես քո ուղղամտությամբ, չես ասում ճշմարտությունը:

— Ծն երբեք չեմ պարծենում և երբեք սուտ չեմ ասում. — ասաց Վոռնսկին կամաց, զսպելով իր մեջ բարձրացող ցատումը: — Շատ ափսո՞ս, եթե դու չես հարգում...

— Հարգանքը հնարել են նրա համար, որպեսզի թաքցնեն այն դատարկ տեղը, որտեղ պետք է լինի սերը... Իսկ եթե դու այլևս չես սիրում ինձ, ավելի լավ և ազնիվ կլինի ուղղակի ասել այդ:

— Ո՛չ, այդ դառնում է անտանելի, — ճշաց Վոռնսկին, վեր կենալով աթոռից: Ու կանգնելով Աննայի դիմաց, նա

դանդաղորեն ասաց. — Ինչի՞ համար ես դու փորձում իմ համբերությունը, — հարցրեց նա այնպիսի տոնով, կարծես կարող էր ասել էլի շատ բան, բայց զսպում էր իրեն: — Համբերությունը սահման ունի:

— Ի՞նչ եք ուզում ասել դրանով, — ճշաց Աննան, սոսկումով զննելով ատելության այն բացահայտ արտահայտությունը, որ կար նրա դեմքին, մանավանդ նրա դաժան, ահարկու աչքերում:

— Ծն ուզում եմ ասել, — սկսեց Վոռնսկին, բայց կանգ առավ: — Ծն պետք է հարցնեմ ձեզ՝ ի՞նչ եք ուզում ինձնից:

— Ի՞նչ կարող եմ ուզենալ ես: Ծն կարող եմ ուզենալ միայն մի բան, որ դուք չլքեք ինձ, ինչպես մտադիր եք, — ասաց Աննան, հասկանալով այն բոլորը, ինչ մինչև վերջ շասաց Վոռնսկին: — Բայց ես այդ չեմ ուզում, դա երկրորդական բան է: Ծն սեր եմ ուզում, իսկ սեր չկա: Հետևաբար, ամեն ինչ վերջացել է:

Աննան դիմեց դեպի դուռը:

— Կա՞ց: Սպա... սի՛ր, — ասաց Վոռնսկին, առանց բանալու հոնքերի մոռյլ կնճիորը, բայց կանգնեցնելով Աննային, բռնելով նրա ձեռքից: — Բանն ի՞նչ է: Ծն ասացի, թե մեր մեկնումը պետք է հետաձգել երեք օրով. դու, որպես դրան պատասխան, ասացիր, որ ես ստում եմ, որ ես անազնիվ մարդ եմ:

— Այո՛ և կրկնում եմ. այն մարդը, որը կշտամբում է ինձ, թե ամեն ինչ զոհաբերել է ինձ համար, — ասաց Աննան, մտաբերելով առաջվա վեճի խոսքերը, — ավելի վատ է, քան անազնիվ մարդը, — նա մարդ է՝ առանց սրտի:

— Ո՛չ, համբերությունը սահման ունի, — ճշաց Վոռնսկին և արագ բաց թողեց նրա ձեռքը:

«Նա ասում է ինձ, այդ պարզ է», մտածեց Աննան և լուռ, առանց ետ նայելու, հրերուն քայլերով դուրս գնաց սենյակից: «Նա սիրում է ուրիշ կնոջ, այդ ավելի ևս պարզ է», մտածեց Աննան, մտնելով իր սենյակը: «Ես սեր եմ ուզում, իսկ սեր չկա: Հետևաբար, ամեն ինչ վերջացած է, — կրկնեց նա իր ասած խոսքերը, — և պետք է վերջացնել»:

«Բայց ինչպե՞ս», — հարցրեց Աննան ինքն իրեն ու նստեց բազկաթոռին՝ հայելու առաջ:

Այն միտքը, թե ո՛ւր կգնա այժմ ինքը,— արդյոք հորա-
քրո՞ջ, որի մոտ դաստիարակվել էր, Դո՛ւլիի մոտ, թե՛ ուղ-
ղակի մենակ կգնա արտասահման, և ի՛նչ է անում նա հի-
մա, մենակ առանձնասենյակում, արդյոք վերջնական է այդ
գծտությունը, թե՛ հնարավոր է գեռ հաշտությունը, ի՛նչ կա-
սեն այժմ իր մասին պետերորդյան իր նախկին բոլոր ծա-
նոթները, ինչպե՛ս կնայի դրա վրա Ալեքսեյ Ալեքսանդրովի-
չը, և ուրիշ շատ մտքեր այն մասին, թե ի՛նչ կլինի այժմ
խզումից հետո, խուժում էին նրա գլուխը, բայց նա այդ մըտ-
քերին անձնատուր էր լինում ո՛չ ամբողջ հոգով։ Նրա հագում
կար ինչ-որ աղոտ միտք, միակ միտքը, որ հետաքրքրում էր
նրան, սակայն նա չէր կարողանում գիտակցել այն։ Մի ան-
գամ էլ հիշելով Ալեքսեյ Ալեքսանդրովիչի մասին, նա հիշեց
նաև իր ծննդաբերությանը հաշորդող ժամանակը և այն զգա-
ցումը, որն այն ժամանակ չէր հեռանում նրա սրտից։ «Ինչո՞ւ
չմեռա ես», մտաբերեց նա իր այն ժամանակվա խոսքերը և
այն ժամանակվա զգացումը։ Ու հանկարծ նա հասկացավ այն,
ինչ կար իր հոգում։ Այո՛, այդ այն միտքն էր, միակ միտքը,
որ լուծում էր ամեն ինչ։ «Այո՛, մեռնե՛լ»...

«Ալեքսեյ Ալեքսանդրովիչի և Սերյոժայի ամոթն ու խայ-
տառակությունը, և իմ սոսկալի ամոթը՝ բոլորը, բոլորը փրկի-
վում է մահվամբ։ Մեռնե՛լ՝ և նա կզղչա, կափսոսա, կսիրի,
կտանջվի ինձ համար»։ Դեպի ինքն իրեն ունեցած կարեկցու-
թյան սառած ժպիտով Աննան նստել էր բազկաթոռին, հանե-
լով ու նորից դնելով ձախ ձեռքի մատանիները, վառ կերպով
զանազան կողմերից պատկերացնում էր իր մահից հետո նրա
զգացումները։

Մոտեցող քայլերը, նրա քայլերը, ուշազրավեցին Աննա-
յին։ Իբրև թե զբաղված իր մատանիների դասավորությամբ,
Աննան նույնիսկ շուռ չեկավ դեպի նա։

Վոռնսկին մոտեցավ Աննային ու վերցնելով նրա ձեռքը,
կամաց ասաց.

— Աննա, գնանք վաղը չէ մյուս օրը, եթե ուզում ես։ Ես
համաձայն եմ ամեն բանի։

Աննան լուռ էր։

— Ի՛նչ կասես,— հարցրեց նա։

— Դու գիտես,— ասաց Աննան և հենց նույն րոպեին, ան-
կարող լինելով այլևս դիմանալու, հեկեկաց։

— Գցի՛ր ինձ, գցի՛ր,— ասում էր Աննան հեկեկանքների
միջից։— Վաղը ես կգնամ, կհեռանամ... Ես կանեմ ավելին։
Ո՛վ եմ ես. անառակ մի կին։ Քո վզից կախած քար։ Ես չեմ
ուզում տանջել քեզ, չեմ ուզում։ Ես կազատեմ քեզ։ Դու ինձ
չես սիրում, դու սիրում ես ուրիշին։

Վոռնսկին ազաչում էր նրան հանգստանալ և հավատաց-
նում էր, որ նրա խանդը շուտի հիմքի նշույլ անգամ, որ ինքը
երբեք չի դադարել ու չի դադարի նրան սիրելուց, որ սիրում
է ավելի, քան սիրում էր առաջ։

— Աննա, ինչի՞ համար ես այդպես տանջում քեզ և ինձ,—
ասում էր Վոռնսկին, համբուրելով նրա ձեռքերը։ Վոռնս-
կու դեմքին այժմ արտահայտվում էր քնքրություն, և Աննա-
յին թվում էր, որ ինքը լսում է նրա ձայնի մեջ արցունքների
հնչյուն ու իր ձեռքի վրա զգում էր նրանց թացությունը։ Եվ
Աննայի հուսահատական խանդը վայրկենապես փոխվեց հու-
սահատական, մոլի քնքրություն։ Նա գրկում էր Վոռնսկուն,
համբույրներով ծածկում էր նրա գլուխը, պարանոցը, ձեռ-
քերը։

XXV

Զգալով, որ հաշտությունը լիակատար էր, Աննան առա-
վոտվանից սկսեց աշխուժորեն պատրաստվել գյուղ գնալու
համար։ Թեպետև վճույմ չէր, արդյոք իրենք գնում են եր-
կուշաբթի՛, թե՛ երեքշաբթի, որովհետև երկու կողմերն էլ երեկ
զիջում էին իրար, Աննան եռանդով պատրաստվում էր ճա-
նապարհվելու, միանգամայն անտարբեր զգալով՝ մի օրով
շո՛ւտ կմեկնեն, թե՛ ուշ։ Նա կանգնած էր իր սենյակում բաց
սնդուկի առաջ, ջոկելով իրերը, երբ Վոռնսկին, արդեն պատ-
րաստ, սովորականից ավելի վաղ մտավ նրա մոտ։

— Ես հիմա կգնամ маман-ի մոտ, նա կարող է ինձ
դրամ ուղարկել Եգորովի հետ։ Եվ վաղը ես պատրաստ եմ
գնալու,— ասաց Վոռնսկին։

Որքան էլ Աննան լավ էր տրամադրված, այնուամենայ-
նիվ՝ մոր մոտ՝ ամառանոց գնալու հիշատակությունը խո-
ցեց նրան։

— Ո՛չ, ես ինքս էլ չեմ հասցնի,— ասաց նա և անմիջապես մտածեց. «Ուրեմն կարելի էր դասավորել այնպես, որպեսզի լիներ այն, ինչ ե՛ս էի ուզում»։— Ո՛չ, ինչպես դու ուզում էիր, այնպես էլ արա։ Կնա սեղանատուն, ես իսկույն կդամ, չոկեմ միայն այս անպետք իրերը,— ասաց նա, էլի մի բան գցելով Աննուշկայի թևին, որի վրա արդեն բարձրացել էր հին ու մին կտորների ամբողջ սար։

Վոռնսկին ուտում էր իր բիֆշտեբսը, երբ Աննան մտավ սեղանատուն։

— Չես հավատա, թե ինչպես զզվելի են դարձել ինձ համար այս սենյակները,— ասաց նա, նստելով Վոռնսկու կողքին, իր սուրճի առաջ։— Չկա ոչինչ ավելի սոսկալի բան, քան այս chambres garnies-ը¹։ Սրանք շունեն դեմք, շունեն արտահայտություն, հոգի։ Այդ ժամացույցը, վարագույրները, և, որ գլխավորն է՝ պատանները՝ սոսկալի են։ Ես մտածում եմ Վոզդվիժենսկոյի մասին, որպես ավետյաց երկրի մասին։ Գու դեռ չե՞ս ուղարկում ձեռքը։

— Ո՛չ, նրանք կգնան մեզնից հետո։ Իսկ դու գնալո՞ւ ես որևէ տեղ։

— Ես ուզում էի գնալ Վիլսոնի մոտ։ Հարկավոր է զգեստներս տանել նրան։ Ուրեմն վճռականապես վա՛ղը,— հարցրեց Աննան ուրախ ձայնով. բայց հանկարծ նրա դեմքը փոխվեց։

Վոռնսկու կամերդիները եկավ խնդրելու Պետերբուրգից ուղարկված հեռագրի ստացականը։ Առանձին ոչինչ չկար այն բանում, որ Վոռնսկին հեռագիր էր ստացել, բայց նա, կարծես թե կամենալով մի բան թաքցնել Աննայից, ասաց, որ ստացականն առանձնասենյակում է, և շտապ դիմեց Աննային.

— Անպայման վաղը կվերջացնեմ ամեն բան։

— Ումի՛ց է հեռագիրը,— հարցրեց Աննան, չլսելով նրան։

— Ստիվայից,— պատասխանեց նա ո՛չ սիրահոժար։

— Հապա ինչո՞ւ ցույց չտվիր ինձ։ Ի՛նչ գաղտնիք կարող է լինել իմ ու Ստիվայի միջև։

Վոռնսկին ետ կանչեց կամերդիներին և հրամայեց բերել հեռագիրը։

— Ես չէի ուզում ցույց տալ, որովհետև Ստիվան հեռագրելու սիրահար է։ Ի՛նչ հեռագրելու բան կա, երբ ոչինչ որոշված չէ։

— Ապահարզանի մասի՛ն է։

— Այո՛, բայց նա գրում է՝ դեռ ոչինչ չի արել։ Խոստացել է այս օրերս տալ վճռական պատասխան. Ահա՛, կարդա։

Աննան դողդոջուն ձեռքերով վերցրեց հեռագիրը և կարդաց այն, ինչ ասաց Վոռնսկին։ Վերջում ավելացրած էր. «Եթե՛ հույս կա, բայց ես կանեմ հնարավոր և անհնարին ամեն ինչ»։

— Երեկ ես ասացի, որ ինձ համար բոլորովին միևնույն է, թե երբ կստանամ ապահարզան, և նույնիսկ կստանա՞մ արդյոք,— ասաց Աննան կարմրելով։— Ո՛չ մի կարիք չկար ինձնից ծածկելու։ «Այդպես նա կարող է ծածկել ու ծածկում է ինձնից իր նամակագրությունը կանանց հետ», մտածեց Աննան։

— Յաշվինն ուզում էր գալ այսօր առավոտյան Վոյտովի հետ,— ասաց Վոռնսկին.— կարծեմ, նա Պեցովից տարել է բոլորը։ նույնիսկ ավելի, քան Պեցովը կարող է վճարել,— մոտ վախսուն հազար։

— Ո՛չ,— ասաց Աննան, զրգոված այն հանգամանքից, որ Վոռնսկին խոսակցությունն այդպես փոխելով ցույց էր տալիս, թե նա՛ Աննան զրգոված է,— իսկ ինչո՞ւ ես կարծում, թե այդ լուրն այնպես հետաքրքրում է ինձ, որ հարկավոր է նույնիսկ ծածկել։ Ես ասացի, որ չեմ ուզում մտածել այդ մասին ու կկամենայի. որպեսզի դու ևս այնպես քիչ հետաքրքրվեիր դրանով, ինչպես ես։

— Ես հետաքրքրվում եմ այն պատճառով, որ սիրում եմ պարզություն,— ասաց Վոռնսկին։

— Պարզություն ո՛չ թե ձեի մեջ, այլ սիրո,— վրա բերեց Աննան, ավելի ու ավելի զրգովելով ո՛չ թե նրա խոսքերից, այլ այն սառը, հանգիստ տոնից, որով խոսում էր նա։— Ինչի՞ համար ես կամենում այդ։

«Աստվա՛ծ իմ, դարձյալ սիրո մասին», մտածեց Վոռնսկին կնճռոտվելով։

— Չէ՛ որ դու գիտես, թե ինչի՞ համար. բե՛ր համար և երեխաների համար, որոնք կլինեն,— ասաց Վոռնսկին։

¹ Կահավորված սենյակներ։

— Երեխաներ չեն լինի:

— Շատ ափսոս,— ասաց նա:

— Քեզ այդ պետք է երեխաների համար. իսկ իմ մասին գու չե՞ս մտածում,— ասաց Աննան, բոլորովին մոռանալով ու չլսելով, որ նա ասաց՝ քեզ եմամառ և երեխաների համար:

Երեխաներ ունենալու հնարավորության հարցը վաղուց դարձել էր վիճելի ու գրգռում էր Աննային: Երեխաներ ունենալու նրա ցանկությունն Աննան բացատրում էր այն հանգամանքով, որ Վոռնսկին չէր խնայում, ափսոսում նրա գեղեցկությունը:

— Ա՛խ, ես ասացի՝ քե՛զ համար: Ամենից ավելի քե՛զ համար,— կրկնեց նա, կնճռոտվելով կարծես ցավից,— որովհետև ես համոզված եմ, որ քո գրգռվածությունը մեծ մասամբ առաջանում է վիճակի անորոշությունից:

«Այո՛, ահա նա դադարեց ձևանալուց, և երևում է նրա գլուխի ինձ տածած ամբողջ սառն ատելությունը», մտածեց Աննան, չլսելով նրա խոսքերը, բայց սոսկումով գննելով այն սառն ու դաժան դատավորին, որը նրա աչքերի միջից նայում էր Աննային, բորբոքելով նրան:

— Պատճառն ա՛յդ չէ,— ասաց Աննան,— և նույնիսկ ես չեմ հասկանում, թե ինչպե՞ս կարող է իմ գրգռմունքի պատճառը լինել, ինչպես դո՛ւ ես ասում, այն, որ ես կատարելապես գտնվում եմ քո իշխանության տակ: Վիճակի ի՞նչ անորոշություն կա այստեղ. ընդհակառակն:

— Շատ ցավում եմ, որ դու չես ուզում հասկանալ,— քնդհատեց նա Աննային, համառորեն կամենալով մինչև վերջ արտահայտել իր միտքը.— անորոշությունն այն է, որ դու կարծում ես, թե ես ազատ եմ:

— Այդ առթիվ կարող ես բոլորովին հանգիստ լինել,— ասաց Աննան և, երեսը շուռ տալով նրանից, սկսեց խմել տուրճը:

Աննան ազատելով ճկույթը, բարձրացրեց գավաթը և մոտեցրեց բերանին:

Մի քանի կում խմելուց հետո նա նայեց Վոռնսկուն և նրա դեմքի արտահայտությունից պարզ հասկացավ, որ նրա համար զգվելի էին իր ձեռքը, շարժումը և այն հնչյունը, որ ինքն առաջացնում էր շրթունքներով:

— Ինձ համար բոլորովին միևնույն է, թե ի՞նչ է մտածում քո մայրը և ինչպե՞ս է ուզում ամուսնացնել քեզ,— ասաց Աննան դողդոջուն ձեռքով ցած դնելով գավաթը:

— Բայց մենք խոսում էինք ո՛չ դրա մասին:

— Ո՛չ, հենց դրա՛ մասին: Եվ հավատա, որ ինձ համար հետաքրքրական չէ անսիրտ կինը, լինի նա պառավ, թե ո՛չ պառավ, լինի նա քո մայրը, թե օտար մի կին, և ես չեմ ուզում ճանաչել նրան:

— Աննա, ես խնդրում եմ քեզ անհարգալից չխոսել իմ մոր մասին:

— Մի կին, որ իր սրտով չզուշակեց, թե ինչի՛ մեջ է իբր որդու երջանկությունն ու պատիվը, նա սիրտ չունի:

— Ես կրկնում եմ իմ խնդիրը. անհարգալից չխոսել իմ մոր մասին, որին ես հարգում եմ,— ասաց Վոռնսկին, բարձրացնելով ձայնը և նայելով նրան խստահայաց:

Աննան չպատասխանեց: Շեշտակի նայելով նրան, նրա դեմքին, ձեռքերին, Աննան ամենայն մանրամասնությամբ հիշեց երեկվա հաշտության տեսարանը և նրա մոլեկիրք շոյանքները: «Այդ և ճիշտ այդպիսի գգվանքներ նա շոյալաբար վատնել է, կվատնի և ուզում է վատնել ուրիշ կանանց վրա», մտածում էր Աննան:

— Դու չե՞ս սիրում մորդ: Այս բոլորը ֆրազներ են, ֆրազներ և ֆրազներ,— ասաց նա, ատելությամբ նայելով Վոռնսկուն:

— Իսկ եթե այդպես է, ուրեմն հարկավոր է...

— Հարկավոր է վճռե՛լ, ու ես վճռե՛լ եմ,— ասաց Աննան և ուզում էր դուրս գնալ, բայց այդ ըոպպին սենյակ մտավ Յաշվինը: Աննան բարեկեց նրան ու կանգ առավ:

Ինչի՛ համար,— երբ Աննայի հոգում մոլեգնում էր փոթորիկը և նա զգում էր, որ կանգնած է կյանքի շրջադարձի վրա, որը կարող է ունենալ սոսկալի հետևանքներ,— ինչի՛ համար նա այդ ըոպպին պիտի ձևանար օտար մի մարդու առաջ, որը վաղ թե ուշ իմանալու է բոլորը,— Աննան չզիտեր. բայց անմիջապես ճնշելով իր մեջ ներքին փոթորիկը, նա նրստեց ու սկսեց խոսել Նյուրի հետ:

— Ինչպե՞ս են ձեր գործերը, ստացա՞ք ձեր պարտքը,— հարցրեց նա Յաշվինին:

— Ոչինչ. երևում է ամբողջը շեմ ստանա, մինչդեռ չորեքշաբթի պետք է գնալ: Իսկ դո՞ւք երբ,— հարցրեց Յաշվինը, խոժոժված նայելով Վոռնսկուն և, ըստ երևույթին, կոահելով տեղի ունեցած վեճի մասին:

— Կարծեմ, վաղը չէ մյուս օրը,— ասաց Վոռնսկին:

— Սակայն դուք վաղուց արդեն պատրաստվում եք:

— Բայց այժմ արդեն վճռականապես,— ասաց Աննան, ուղիղ նայելով Վոռնսկու աչքերին այնպիսի հայացքով, որն ասում էր նրան, որ նա բնավ չմտածեր հաշտության հնարավորության մասին:

— Մի՞թե դուք չեք խղճում այդ դժբախտ Պեցովին,— շարունակեց Աննան իր խոսակցությունը Յաշվինի հետ:

— Երբեք հարց չեմ տվել ինձ, Աննա Արկադևնա, խղճո՞ւմ եմ, թե չեմ խղճում: Չէ՞ որ իմ ամբողջ կարողությունն այստեղ է,— նա նշեց իր կողքի գրպանը,— և այժմ ես հարուստ եմ, իսկ այսօր կգնամ ակումբ և, կարող է պատահել, որ այնտեղից դուրս գնամ աղքատացած: Չէ՞ որ ով նստում է ինձ հետ խաղալու, նույնպես ուզում է ինձ թողնել առանց շապկի, ես էլ՝ նրա՛ն: Եվ մենք պայքարում ենք, ու հենց դրա մեջ է բավականությունը:

— Իսկ եթե դուք ամուսնացած լինեիք,— ասաց Աննան,— ինչպե՞ս կզգար իրեն ձեր կինը:

Յաշինը ծիծաղեց:

— Երևի, այդ է պատճառը, որ չեմ ամուսնացել և երբեք էլ մտադրություն չեմ ունեցել:

— Իսկ Հելսինգֆո՞րսը,— ասաց Վոռնսկին, մասնակցելով խոսակցությանը և նայեց ժպտացող Աննային:

Հանդիպելով նրա հայացքին, Աննայի դեմքը հանկարծ քնդունեց սառը-խիստ արտահայտություն, կարծես նա ասում էր Վոռնսկուն. «Չի՞ մոռացվել էլի նույնն է»:

— Մի՞թե դուք սիրահարված եք եղել,— ասաց Աննան Յաշվինին:

— Օ՛, աստված իմ, այն էլ քանի՛, քանի անգամ: Բայց, հասկանո՞ւմ եք, մեկը կարող է նստել թղթախաղի, սակայն այնպես, որ միշտ վեր կենա, երբ rendez vous-ի՛ ժամանակը

1 Ժամադրություն:

հասնի: Իսկ ես կարող եմ գրադվել սիրով, բայց այնպես, որ երեկոյան շուշանամ թղթախաղին: Այդպես էլ անում եմ:

— Ո՛չ, ես այդ մասին չեմ հարցնում, այլ հարցնում եմ ներկայի մասին:— Աննան ուզում էր ասել Հելսինգֆորս, բայց չէր ուզում արտասանել Վոռնսկու ասած խոսքը:

Եկավ Վոյտովը, որ գնել էր հովատակը. Աննան վեր կացավ ու դուրս գնաց սենյակից:

Տանից դուրս գնալուց առաջ Վոռնսկին մտավ Աննայի մոտ: Աննան ուզում էր ձևանալ, իբր մի բան է որոնում սեղանի վրա, բայց ամաչելով ձևանալուց, ուղիղ նայեց նրա դեմքին սառը հայացքով:

— Ի՞նչ եք ուզում,— հարցրեց Աննան ֆրանսերեն:

— Ուզում եմ վերցնել Գամբետի վկայագիրը. ծախեցի՞ ձին,— ասաց Վոռնսկին այնպիսի տոնով, որը բառերից ավելի պարզ էր արտահայտում հետևյալը. «Ծս բացատրվելու ժամանակ շունեմ, և դա ոչնչի էլ չի հանգի»:

«Ծս ո՛չ մի բանում մեղավոր չեմ նրա առաջ,— մտածում էր Վոռնսկին:— Եթե նա ուզում է ինքն իրեն պատժել, tant pis pour elle², Բայց դուրս գնալիս՝ Վոռնսկուն թվաց, որ Աննան մի բան ասաց, և հանկարծ նրա սիրտը ցնցվեց Աննային կարեկցելու զգացումից:

— Ի՞նչ, Աննա,— հարցրեց նա:

— Ոչինչ,— պատասխանեց Աննան նույնպես սառը և հանգիստ:

«Ա՛, ոչինչ այդպես tant pis», մտածեց Վոռնսկին, նորից սառելով, շուռ եկավ և դուրս գնաց: Դուրս գնալիս նա հայելու մեջ տեսավ Աննայի դեմքը՝ գունատ, դողողուն շուրթերով: Նա ուզում էր կանգ առնել ու մխիթարական խոսք ասել Աննային, բայց ոտքերը նրան դուրս տարան սենյակից ավելի շուտ, քան նա կմտածեր, թե ի՛նչ ասի: Այդ ամբողջ օրը նա անցկացրեց տանից դուրս և երբ եկավ ուշ երեկոյան, աղախինն ասաց, որ Աննա Արկադևնայի զլուխը ցավում է, և նա խնդրել է չմտնել իր մոտ:

2 Ավելի վատ իր համար:

Երբեք դեռ չէր պատահել, որ ամբողջ օրն անցնեն գրծոված գրությամբ: Այսօր այդ առաջին անգամ էր: Եվ դա գրծատուութուն չէր: Գա բացահայտ խոստովանք էր կատարված սառնության: Մի՞թե կարելի էր նրան նայել այնպես, ինչպես նայեց Վոռնսկին, երբ մտնում էր սենյակ՝ վկայագրի համար. նայել նրան, տեսնել, որ նրա սիրտը կտոր-կտոր է լինում հուսահատութունից և լուռ անցնել-գնալ այդպիսի անտարբեր-հանգիստ դեմքով: Վոռնսկին ոչ թե սառել էր դեպի Աննան, այլ ատում էր նրան, որովհետև սիրում էր ուրիշ կնոջ, դա պարզ էր:

Ու մտաբերելով բոլոր այն դաժան խոսքերը, որ ասաց նա, Աննան հնարում էր այն խոսքերն էլ, որոնք նա, հիվանդանոցն, կամենում էր ու չէր կարող ասել, և գրգռվում էր ավելի ու ավելի:

«Ծն ձեզ չեմ պահում,— կարող էր ասել նա՝ Վոռնսկին.— Գուք կարող եք գնալ, ուր ուզում եք: Գուք չէիք ուզում բաժանվել ձեր ամուսնուց երևի նրա համար, որ վերադառնաք նրա մոտ: Վերադարձեք: Եթե ձեզ դրամ է պետք, ես կտամ: Զեզ քանի՞ ուրբի է պետք»:

Բոլոր այն դաժան խոսքերը, որ կարող էր ասել կոպիտ մարդը, Վոռնսկին ասաց նրա երևակայության մեջ, և Աննան չէր ներում այդ խոսքերը, կարծես թե նա իրոք ասել էր:

«Մի՞թե հենց երեկ չէր, որ նա հավաստիացնում էր սիրո մեջ, նա՝ այդ արդարամիտ և ազնիվ մարդը: Մի՞թե ես իզուր չեմ հուսահատվել արդեն շատ ու շատ անգամ», ասում էր գրանից հետո Աննան ինքն իրեն:

Այդ ամբողջ օրը, չհաշված Վիլսոնի մոտ գնալը, որը նրանից խլեց երկու ժամ, Աննան անցկացրեց կասկածների մեջ այն մասին, արդյոք ամեն բան վերջացած է, թե՞ կա հաշտության հույս, արդյոք պետք է որ ինքն իսկույն գնահատանա՞, թե՞ էլի մի անգամ տեսնի նրան: Աննան սպասում էր նրան ամբողջ ցերեկը և երեկոն, գնալով իր սենյակը, հրամայելով հայտնել նրան, թե իր գլուխը ցավում է, ուզում էր գուշակել. «Եթե նա գա, շնայած աղախնի խոսքերին, ուրեմն

դեռ սիրում է: Իսկ եթե չգա, ուրեմն ամեն ինչ վերջացած է, և այն ժամանակ ես կվճռեմ, թե ի՞նչ պիտի անեմ»...

Աննան երեկոյան լսեց կանգ առնող նրա կառքի թխկոցը, նրա տված զանգի ձայնը, նրա քայլերը և խոսակցությունն աղախնի հետ. նա հավատաց այն բանին, ինչ ասացին նրան, չէր ուզում ուրիշ ոչինչ իմանալ ու զնաց իր սենյակը: Ուրեմն ամեն բան վերջացած էր:

Եվ մահը, որպես միակ միջոցը՝ վերականգնելու Վոռնսկու սրտում իր հանդեպ սերը, պատժելու Վոռնսկուն ու հաղթանակելու այն պայքարում, որ մղում էր Վոռնսկու դեմ իր սրտում բույն դրած շար ոգին, պարզ ու վառ կերպով պատկերացավ Աննային:

Այժմ արդեն միևնույն էր՝ գնա՞լ, թե՞ չգնալ Վոզզվի-ժենսկոյե, ապահարզան ստանա՞լ, թե՞ չստանալ ամուսնուց,— բոլորը, բոլորը պետք չէր այլևս: Պետք էր միայն մի բան՝ պատժել նրան:

Երբ Աննան լցրեց իր համար սովորական պիտոնի կաթիլները և մտածեց այն մասին, թե հերիք է միայն խմել ամբողջ սրվակը, ու մահը պատրաստ է, նրան այդ թվաց այնքան հեշտ ու հասարակ բան, որ նա նորից սկսեց հրճվանքով մտածել այն մասին, թե Վոռնսկին ինչպես կտանջվի, կզղջա և կսիրի իր հիշատակը, երբ արդեն ուշ կլինի: Աննան պառկել էր անկողնում բաց աչքերով և մարելամոտ մի մոմի լույսի տակ դիտում էր առաստաղի ծեփովի կառնիզներն ու սրա մի մասը ծածկող շիրմայի ստվերը և վառ կերպով պատկերացնում իրեն, թե ի՞նչ կզգա Վոռնսկին, երբ ինքը (Աննան) այլևս չի լինի ու կդառնա նրա համար հիշողություն միայն: «Ինչպե՞ս կարող էի ես ասել նրան այդ դաժան խոսքերը», կասի Վոռնսկին: «Ինչպե՞ս կարող էի ես դուրս գնալ սենյակից, ոչինչ չասելով նրան: Բայց այժմ արդեն նա չկա: Նա ընդմիշտ հեռացավ մեզանից: Նա այնտեղ է»... Հանկարծ շիրմայի ստվերն օրորվեց, ծածկեց բոլոր կառնիզները, ամբողջ առաստաղը, մյուս կողմից ուրիշ ստվերներ թափով վազեցին նրան ընդառաջ, մի վայրկյան ստվերները փախան, բայց հետո նոր թափով եկան, վրա ընկան, օրորվեցին, միացան իրար, ու խավարը պատեց ամեն ինչ: «Մահ», մտածեց նա: Եվ նրան համակեց այնպիսի մի սարսափ, որ նա երկար

Ժամանակ չէր կարողանում հասկանալ, թե որտե՞ղ է ինքը, և երկար ժամանակ չէր կարողանում դողդոջուն ձեռքերով գտնել լուցկին ու վառել ուրիշ մոմ՝ վառված ու մարած մոմի փոխարեն: «Ո՛ր, ինչ ուզում լինի, միայն թե ապրել: Չէ՞ որ ես սիրում եմ նրան: Չէ՞ որ նա սիրում է ինձ: Այդ եղավ ու կանցնի», — ասում էր Աննան, զգալով, որ իր այտերից հոսում են դեպի կյանք վերադառնալու ցնծության արցունքներ: Եվ որպեսզի ազատվի այդ վախից, նա շտապ գնաց Վոռնսկու առանձնասենյակը:

Վոռնսկին պինդ քնած էր առանձնասենյակում: Աննան մոտեցավ ու վերևից լուսավորելով նրա դեմքը, երկար նայում էր նրան: Այժմ, երբ նա քնած էր, Աննան սիրում էր նրան այնպես, որ տեսնելով նրան, անկարող էր զսպելու քնքշության արցունքները, բայց նա գիտեր, որ եթե Վոռնսկին զարթներ, կնայեր իրեն սառը, իր իրավացի լինելը գիտակցող հայացքով, և որ, նախքան ասելու նրան իր սիրո մասին, ինքը պետք է ապացուցեր նրան, թե ինչպես մեղավոր է նա, Վոռնսկին իր առաջ: Աննան, առանց արթնացնելու նրան, վերադարձավ իր սենյակը և երկրորդ անգամ ափիոն ընդունելուց հետո՝ առավոտյան դեմ քնեց ծանր, կիսատ քնով, որի ամբողջ տևողության ընթացքում նա չէր դադարում զգալ իրեն:

Առավոտյան սոսկալի այն կոշմարը, որը մի բանի անգամ կրկնվել էր երազի մեջ՝ Վոռնսկու հետ կապվելուց դեռ առաջ, նորից պատկերացավ ու արթնացրեց նրան: Գզգզված մորուքով ծերուկն ինչ-որ բան էր անում, կուսած երկաթի վրա, ասելով անմիտ ֆրանսերեն խոսքեր, և Աննան, ինչպես միշտ՝ այդ կոշմարի դեպքում (որը նրա սոսկանքն էր) զգում էր, որ այդ մուժիկն ուշադրություն չի դարձնում իր (Աննայի) վրա, բայց անում է ինչ-որ սոսկալի բան երկաթի մեջ՝ իր հետ: Եվ Աննան զարթնեց պաղ քրտինքի մեջ:

Երբ նա վեր կացավ, հիշեց, ասես՝ մուժի մեջ, երեկվա օրը: Եվ ե՛հ կար: Եղավ այն, ինչ արդեն եղել էր մի քանի անգամ: Ծս ասացի, որ գլուխս ցավում է, և նա շեկավ ինձ մոտ: Վաղը մենք գնում ենք, պետք է տեսնել նրան ու պատրաստվել ճանապարհվելու համար», մտածեց Աննան: Եվ իմանալով, որ Վոռնսկին առանձնասենյակումն է, Աննան գնաց նրա մոտ:

Անցնելով ընդունարանից, Աննան լսեց, որ գլխավոր մուտքի առաջ կանգնեց մի կառք, և նայելով պատահանից դուրս, տեսավ կառքը, որի միջից կիսով չափ երևում էր ջահել մի աղջիկ՝ մանուշակագույն գլխարկով ու ինչ-որ բան էր հրամայում զանգահարող ծառային: Նախասենյակում տեղի ունեցած բանակցություններից հետո մեկը բարձրացավ վերև, ու ընդունարանի կողքին լսվեցին Վոռնսկու քայլերը: Նա արագ քայլերով իջնում էր սանդուղքներից: Աննան նորից մոտեցավ լուսամուտին: Ահա Վոռնսկին առանց գլխարկի դուրս եկավ մուտքի դռնից և մոտեցավ կառքին: Մանուշակագույն զբլխարկով ջահել աղջիկը տվեց նրան մի ծրար: Վոռնսկին ժրպտալով մի բան ասաց աղջկան: Կառքը գնաց-հեռացավ: Վոռնսկին արագ վազեց, ետ դարձավ սանդուղքներով:

Հանկարծ ցրիվ եկավ այն մառախուղը, որ ամեն բան քուզարկել էր Աննայի հոգում: Երեկվա զգացումները նոր ցավով ձմլեցին նրա հիվանդ սիրտը: Նա չէր կարողանում հասկանալ այժմ, թե ինչպե՞ս կարող է ինքն ստորանալ այն աստիճան, որ ամբողջ օրն անցկացնի Վոռնսկու հետ՝ Վոռնսկու տանը: Նա գնաց Վոռնսկու առանձնասենյակը, որ հայտնի նրան իր որոշումը:

— Սորոկինան էր եկել դստեր հետ, ինձ դրամ ու գրություններ բերեց маман-ից: Երեկ ես չկարողացա ստանալ: Ինչպե՞ս է գլուխդ, լա՞վ է, — ասաց Վոռնսկին հանգիստ, չկամենալով տեսնել և հասկանալ Աննայի դեմքի մոռյլ ու հաղթական արտահայտությունը:

Աննան լուռ, շեշտակի նայում էր նրան, կանգնած սենյակի մեջտեղում: Վոռնսկին նայեց նրան, մի վայրկյան խոժոռվեց ու շարունակեց կարգալ նամակը: Աննան շուռ եկավ ու սկսեց դանդաղ դուրս գնալ սենյակից: Վոռնսկին դեռ կարող էր վերադարձնել նրան, բայց Աննան մոտեցավ դռանը: Վոռնսկին տակավին լուռ էր, և լսվում էր միայն շուռ տրվող թղթի թերթի շրշյունը:

— Հա՛, ի դեպ, — ասաց Վոռնսկին այն ժամանակ. երբ Աննան արդեն դռան մեջ էր, — վճռականապես վաղը գնո՞ւմ ենք. այնպես չէ՞:

— Դո՛ւք, բայց ո՛չ ես, — ասաց Աննան, շուռ գալով դեպի նա:

— Աննա, այդպես անհնարին է ապրել...

— Դո՛ւք, բայց ո՛չ ես, — կրկնեց նա:

— Այդ անտանելի է դառնում:

— Դուք... դուք կզոջաք այդ բանում, — ասաց Աննան և դուրս գնաց:

Վախեցած հուսահատական այն արտահայտությունից, որով ասվեցին այդ խոսքերը, Վոռնսկին թռավ տեղից և ուզում էր վազել նրա ետևից, բայց սթափվելով, նորից նստեց ու ատամներն ամուր սեղմելով, մթազնեց: Այդ անվայելուչ սպառնալիքը, ինչպես կարծում էր Վոռնսկին, մի տեսակ գրգռեց նրան: «Ես փորձեցի ամեն ինչ, — մտածեց նա, — մնում է մի բան՝ ուշադրություն չդարձնել», և նա սկսեց պատրաստվել՝ գնալ քաղաք ու նորից մոր մոտ, որը պետք է ստորագրեր հավատարմագրերը:

Աննան լսում էր նրա քայլերի ձայնն առանձնասենյակում ու սեղանատանը: Ընդունարանի մոտ նա կանգ առավ: Բայց նա չգնաց դեպի Աննան, այլ միայն կարգադրեց, որ առանց իրեն բաց թողնեն հովատակը Վոյտովին: Հետո Աննան լսեց, թե ինչպես բերին կառքը, ինչպես բացվեց դուռը, և նա նորից դուրս գնաց: Բայց ահա նա կրկին մտավ նախասենյակ, և մեկը վազեց վերև: Դա կամերդիներն էր, որ վազ տվեց մոռացված ձեռնոցները բերելու: Աննան մոտեցավ լուսամուտին և տեսավ, թե ինչպես նա, առանց նայելու, վերցրեց ձեռնոցները և ձեռքը դիպցնելով կառապանի մեջքին, մի բան ասաց նրան: Հետո առանց նայելու պատուհաններին, Վոռնսկին իր սովորական դիրքով նստեց կառք, ոտքը գցելով ոտքին և հագնելով ձեռնոցը, գնաց անհետացավ անկյունագարձին:

XXVII

«Գնա՛ց: Վերջացա՛ծ է», ասաց Աննան ինքն իրեն, կանգնած լուսամուտի մոտ. ու որպես այդ հարցին պատասխան, խավարի տպավորությունները հանգած մոմի և սոսկալի երազի առկայություններ, սառը սարսափով համակեցին նրա սիրտը, ի մի ձուլվելով:

— Ո՛չ, այդ լինելու բան չէ, — ճշաց Աննան և անցնելով

աննյակը, ամուր զանգահարեց: Նա այնպես սարսափում էր այժմ մենակ մնալուց, որ շսպասելով սպասավորի գալուն, ինքը գնաց նրան ընդառաջ:

— Իմացեք, ո՛ւր գնաց կոմսը, — ասաց Աննան:

Սպասավորը պատասխանեց, որ կոմսը գնաց ձիախոռ:

— Կոմսը հրամայեց զեկուցել, եթե դուք տեղ եք գնալու, կառքը իսկույն կվերադառնա:

— Լավ, Կացե՛ք: Այս բուպեխ ես տոմս կգրեմ: Միխայլին այս տոմսով ուղարկեք ձիախոռ: Որքան հնարավոր է՝ շուտ:

Նա նստեց ու գրեց:

«Ես մեղավոր եմ: Վերադարձիր տուն, պետք է բացատրե՛լ: Ի սեր աստծո, եկ, ես սարսափում եմ»:

Նա կնքեց ու տվեց սպասավորին:

Նա վախենում էր այժմ մենակ մնալուց և սպասավորի ետևից դուրս գնաց սենյակից ու մտավ մանկասենյակ:

«Է՛, ի՛նչ, սա այն չէ, սա նա չէ: Թրտե՛ղ եմ նրա կապույտ աչքերը, անուշ և երկչոտ ժպիտը», եղավ Աննայի գլխում ծագած առաջին միտքը, երբ նա տեսավ իր փամփուխի կարմրաթուշ աղջկան՝ սև գանգուր մազերով՝ Սերյոժայի փոխարեն, որին նա սպասում էր տեսնել մանկասենյակում, իր խճճված մտքերի ժխորի մեջ: Աղջիկը, նստած սեղանի մոտ, համառորեն և ամուր խփում էր սեղանին ձեռքի խցանը և անիմաստորեն նայում էր մորը երկու հաղարջներով՝ իր սև աչիկներով: Պատասխանելով անզուհուն, որ ինքը բոլորովին առողջ է. և որ վաղը գնում է գյուղ, Աննան նստեց աղջկա մոտ և սկսեց նրա առաջ պատեցնել ջրամանի խցանը: Բայց երեխայի բարձրաձայն, զրնգուն ծիծաղը և այն շարժումը, որ նա արավ հոնքերով, այնպես վառ կերպով հիշեցրին Աննային Վոռնսկուն, որ նա արագ վեր կացավ ու դուրս գնաց, զսպելով հեկեկանքները: «Մի՞թե բոլորը վերջացած է: Ո՛չ, լինելու բան չէ այդ, — մտածում էր Աննան: — Նա կգա: Բայց նա ինչպե՞ս կբացատրի ինձ այն ժպիտը, այն աշխուժությունը, երբ խոսում էր նա այն աղջկա հետ: Սակայն եթե չբացատրի էլ, ես դարձյալ կհավատամ: Եթե չհավատամ, ապա ինձ մնում է մի բան... Իսկ ես չեմ ուզում»:

Աննան նայեց ժամացույցին: Անցել էր տասներկու րոպե: «Այժմ արդեն նա ստացել է տոմսը և ետ է գալիս: Շատ չի քաշի, էլի տասը րոպե... Իսկ եթե նա չգա՞: Ո՛ր, չի կարող պատահել: Պետք է, որ նա ինձ շտեպնի լացակումած աչքերով: Գնամ լվացվեմ: Այո՛, այո՛. արդյոք սանրվե՞լ եմ ես, թե՞ ոչ», մտածեց նա: Եվ շէր կարողանում հիշել: Նա ձեռքով շոշափեց գլուխը: «Այո՛, ես սանրված եմ, բայց երբ՝ բոլորովին չեմ հիշում»: Նա նույնիսկ չէր հավատում իր ձեռքին ու մոտեցավ տրյումոյին, որ տեսնի, իրո՞ք սանրված է, թե ոչ: Նա սանրված էր և չէր կարողանում հիշել, ե՞րբ էր սանրվել: «Ո՞վ է դա,— մտածում էր նա, դիտելով հայելու մեջ բոցավառ այն դեմքը, տարօրինակ փայլուն աչքերով, որոնք վախեցած նայում էին իրեն:— Ա՛խ, դա ե՛ս եմ, հանկարծ հասկացավ նա ու զննելով իրեն ամբողջովին, հանկարծ զգաց իր վրա Վոոնսկու համբույրները և ցնցվելով, շարժեց ուսերը: Ապա ձեռքը մոտեցրեց շուրթերին ու համբուրեց այն:

«Ի՞նչ բան է այդ, ես խելագարվում եմ», և նա գնաց ննջաբան, որտեղ Աննուշկան հավաքում էր սենյակը:

— Աննուշկա,— ասաց նա, կանգնելով աղախնի դիմաց ու նայելով նրան, ինքն էլ շիմանալով, թե ի՞նչ կասի նրան:

— Դուք ուզում էիք գնալ Դարյա Ալեքսանդրովնայի մոտ,— կարծես հասկանալով, ասաց աղախինը:

— Դարյա Ալեքսանդրովնայի մո՞տ: Այո՛, կգնամ:

«Տասնհինգ րոպե այնտեղ գնալը, տասնհինգ՝ ետ գալը: Նա գալիս է արդեն, նա կգա հիմա»: Աննան հանեց ժամացույցը և նայեց: «Բայց ինչպե՞ս կարող էր նա գնալ, թողնելով ինձ այսպիսի կացության մեջ: Ինչպե՞ս կարող է նա ապրել, չհաշտված ինձ հետ»: Աննան մոտեցավ պատուհանին ու սկսեց նայել դեպի փողոց: Ըստ ժամանակի նա արդեն կարող էր վերադառնալ: Բայց հաշիվը կարող էր սխալ լինել, և Աննան նորից սկսեց մտաբերել, թե ե՞րբ գնաց նա, և հաշվել րոպեները:

Այն միջոցին, մինչ Աննան մոտենում էր մեծ ժամացույցին, որ ստուգի իր ժամացույցը, մեկը կառքով մոտեցավ տանը: Պատուհանից նայելով դուրս, նա տեսավ Վոոնսկու կառքը: Բայց ոչ ոք չէր բարձրանում սանդուղքներով, ու ներ-

քնում լսվում էին ձայներ: Դա ուղարկված լրատարն էր, որ վերադարձավ կառքով: Աննան իջավ, գնաց նրա մոտ:

— Կոմսին չգտանք: Նա գնացել էր Նիժեգորոդյան ճանապարհի ուղղությամբ:

— Ի՞նչ ես ուզում: Ի՞նչ...— դիմեց Աննան կարմրաթուշուրախ Միխայլին, որը վերադարձրեց նրան իր տված տոմսը:

«Բայց չէ՞ որ նա չի ստացել տոմսը», հիշեց Աննան:

— Այս տոմսի հետ գնա գյուղ՝ կոմսուհի Վոոնսկայայի մոտ, իմանո՞ւմ ես: Եվ անմիջապես պատասխան բեր,— ասաց Աննան լրատարին:

«Հապա ե՛ս, իսկ ի՞նչ եմ անելու ես,— մտածեց նա:— Այո՛, ես կգնամ Դոլլիի մոտ, իսկապես. թե չէ կխելագարվեմ: Հա՛, ես կարող եմ նաև հեռագրել»: Եվ նա գրեց հեռագիրը:

«Ինձ անհրաժեշտ է խոսել ձեզ հետ, անմիջապես եկեք»: Հեռագիրն ուղարկելուց հետո նա գնաց հագնվելու: Արդեն հագնված ու զխարկը դրած, նա նորից նայեց հաստացած, հանգիստ Աննուշկայի աչքերին: Այդ փոքրիկ, բարի թուխ աչքերի մեջ պարզ երևում էր կարեկցություն:

— Աննուշկա, սիրելիս, ի՞նչ անեմ ես,— թոթովեց Աննան հեկեկալով, անճարակորեն ընկնելով բազկաթոռի մեջ:

— Ինչո՞ւ եք այդպես անհանգստանում, Աննա Արկադևնա, դա հո պատահում է: Գնացեք, մտածումն քնեցրե՛ղ ցրի՛վ կգան,— ասաց աղախինը:

— Այո՛, ես կգնամ,— սթափվելով ու վեր կենալով ասաց Աննան:— Իսկ եթե առանց ինձ հեռագիր ստացվի, ուղարկեցե՛ք Դարյա Ալեքսանդրովնայի մոտ... Ո՛ր, ես ինքս կվերադառնամ:

«Այո՛, պետք չէ մտածել, պետք է մի բան անել, գնալ, որ զխավորն է՝ հեռանալ այս տանից», ասաց նա, սարսափով ականջ դնելով հուզմունքի այն կլկլթոցին, որ տեղի ունեցավ սրտում, և շտապ դուրս գնաց ու նստեց կառք:

— Ո՛ւր կհրամայեք,— հարցրեց Պյոտրը՝ նստիքին տեղավորվելուց առաջ:

— Դեպի Զնամենկա, Օբլոնսկիների մոտ:

Նղանակը պարզ էր: Ամբողջ առավոտ տեղում էր մանրակաթիլ թավ անձրև, ու հիմա՛ ջիչ առաջ երկինքը պարզեց: Թիթեղապատ կտուրները, մայթերի սալաքարերը, փողոցի կոպիճները, կառքերի անիվներն ու կաշին, պղինձն ու թիթեղը,— բոլորը, բոլորը պայծառորեն փայլում էր մայիսյան արևի տակ: Ժամը երեքն էր. փողոցների ամենահեռուն ժամանակը:

Նստած հանգիստ կառքի անկյունում, որը թեթևակի օրորվում էր իր առածիզ զսպանակներով՝ գորշ ձիերի արագ վազքից, Աննան անիվների անլուծի դղրդոցի և մաքուր օդի մեջ արագորեն իրար փոխարինող տպավորությունների ազդեցության տակ նորից մտորելով վերջին օրերի դեպքերը, տեսավ իր դրությունը բոլորովին այլ կերպ, քան թվում էր նրան տանը: Այժմ մահվան միտքն էլ չէր թվում նրան այլևս այնպես սարսափելի ու պարզ, և մահն ինքնին այլևս չէր պատկերանում անխուսափելի: Այժմ նա հանգիմանում էր իրեն այն նվաստացման համար, որ հասել էր ինքը: «Ես աղաչում եմ նրան՝ ներել ինձ: Ես հնազանդվեցի նրան: Ընդունեցի, որ մեղավոր եմ ես: Ինչի՞ համար: Մի՞թե ես չեմ կարող ապրել առանց նրա»: Եվ չպատասխանելով այն հարցին, թե ինչպե՞ս կապրի ինքն առանց նրա, Աննան սկսեց կարգալ ցուցանակները: «Գրասենյակ և պահեստ: Ատամնաբույժ»: Այո՛, բոլորը ես կպատմեմ Դոլլիին: Նա չի սիրում Վոռնսկուն: Կամաչեմ, սիրտս կցավի, բայց ամեն բան կասեմ Դոլլիին: Դոլլին սիրում է ինձ, և ես կհետևեմ նրա խորհրդին: Ես չեմ հնազանդվի Ալեքսեյին. ես թույլ չեմ տա նրան դաստիարակելու ինձ: Ֆիլիպով, կալաչներ: Ասում են, որ նրանք խմորը տանում են Պետերբուրգ: Այնպես լա՛վ է Մոսկվայի ջուրը: Հապա Միտիշչինյան ջրհորներն ու բլինները»: Եվ նա հիշեց, թե ինչպե՞ս վաղուց, շատ վաղուց, երբ ինքը դեռ տասնյոթ տարեկան էր, հորաքրոջ հետ գնաց Տրոյիցե վանքը: «Գնացինք ձիերով: Մի՞թե դա ե՛ս էի, կարմիր ձեռքերով: Որքան շատ բան դարձավ աննշան այն բոլորից, ինչն այն ժամանակ ինձ թվում էր այնպես զեղեցիկ և անմատչելի, իսկ այն, ինչ կար այն ժամանակ, այժմ անմատչելի է հավիտյան: Արդյոք կհավատայի՞

ես այն ժամանակ, որ կարող եմ հասնել այսպիսի նվաստացման: Ինչպե՞ս կպարծենա և գո՛հ կլինի նա, ստանալով իմ առժառ: Բայց ես կապացուցեմ նրան... Ի՛նչ վատ հոտ ունի այդ ներկը: Ինչի՞ համար են նրանք շարունակ ներկում ու կառուցում: «Մոդաներ և զարդեր», կարդաց Աննան: Մի տղամարդ բարեկեց նրան: Դա Աննուշկայի ամուսինն էր: «Մեր ձրիակներն են»,— հիշեց իմ, ինչպես ասում էր Վոռնսկին:— Մե՛ր, ինչո՞ւ մեր: Սոսկալին այն է, որ չի կարելի արմատախիլ անել անցյալը: Չի կարելի արմատախիլ անել, բայց կարելի է թաքցնել հիշողությունը նրա մասին: Եվ ես կթաքցնեմ»: Ու այստեղ նա հիշեց իր անցյալի մասին՝ Ալեքսեյ Ալեքսանդրովիչի հետ, այն մասին, թե ինչպես ինքը ջնջեց նրան իր հիշողությունից: «Դոլլին կմտածի, որ ես թողնում եմ երկրորդ ամուսնուս և որ այդ պատճառով անկասկած ես իրավացի չեմ: Մի՞թե ես ուզում եմ լինել իրավացի: Ես չեմ կարող», մրմնջաց նա և ուզեց լաց լինել: Բայց նա անմիջապես սկսեց մտածել այն մասին, թե ինչի՞ համար կարող էին այդպես ծպտալ այդ երկու աղջիկը... «Երևի սիրո մասին, հա՛: Նրանք չգիտեն, թե ինչպես տխուր, ինչպես ստոր բան է այդ... Զրոսայգի և երեխաներ: Երեք տղա վազում են, պատկերացնելով ձիակառիկ: Սերյո՞ժա: Եվ ես բոլորը կկորցնեմ ու չեմ վերադարձնի նրան՝ Ալեքսեյին: Այո՛, ես բոլորը կկորցնեմ, եթե նա չվերադառնա: Նա գուցե ուշացավ գնացքին և հիմա արդեն վերադարձել է: Նորից ուզում ես նվաստացո՞ւմ,— ասաց Աննան ինքն իրեն:— Ո՛չ, ես կմտնեմ Դոլլիի մոտ և ուղղակի կասեմ նրան. ես դժբախտ եմ, ես արժանի եմ դրան, ես մեղավոր եմ, բայց վերջ ի վերջո՛՞ դժբախտ եմ, օգնիր ինձ: Այդ ձիերը, այդ կառքը՝ ինչպես զգվելի եմ ես ինքս ինձ համար այդ կառքի մեջ. այս բոլորը նրա՛նն է. բայց ես այլևս չեմ տեսնի դրանք»:

Հնարելով այն խոսքերը, որոնցով ինքը բոլորը կպատմի Դոլլիին, և դիտմամբ թունավորելով իր սիրտը, Աննան բարձրացավ սանուղքներով:

— Ուրիշ մարդ կա՞, — հարցրեց նա նախասենյակում:
— Կատերինա Ալեքսանդրովնա Լեինան,— պատասխանեց սպասավորը:

«Կի՛տին. նույն այն Կիտին, որին սիրահարված էր Վոռն-

սկին,— մտածեց Աննան:— Այն կինը, որի մասին Վոռն-սկին հիշում էր սիրով: Վոռնսկին ափսոսում է, որ շամուսնացավ Կիտիի հետ: Իսկ իմ մասին նա հիշում է ատելութամբ և ափսոսում է, որ կապվեց ինձ հետ»:

Այն միջոցին, երբ եկավ Աննան, քույրերը խորհրդակցում էին երեխային կերակրելու մասին: Գոլլին մենակ դուրս եկավ դիմավորելու հյուրին, որն այդ րոպեին խանգարեց նրանց զրույցը:

— Ա՛, դու դեռ չե՞ս գնացել: Ես ի՛նքս ուզում էի գալ քեզ մոտ,— ասաց նա,— այսօր, ես նամակ ստացա Ստիվալից:

— Մենք էլ հեռագիր ստացանք,— պատասխանեց Աննան, ետ նայելով, որ տեսնի Կիտիին:

— Նա դրում է, որ չի հասկանում, թե իսկապես ի՛նչ է ուզում Ալեքսեյ Ալեքսանդրովիչը, բայց որ ինքը Պետերբուրգից չի հեռանա առանց սլատասխանի:

— Ես կարծում էի, քեզ մոտ մարդ կա: Կարելի՞ է կարողալ նամակը:

— Այո՛, Կիտին է,— ասաց Գոլլին շփոթվելով,— նա մնաց մանկասենյակում: Նա սաստիկ հիվանդ էր:

— Ես լսել եմ: Կարելի՞ է կարողալ նամակը:

— Իսկույն կրեւրեմ: Բայց նա չի մերժում, ընդհակառակն, Ստիվան հույս ունի,— ասաց Գոլլին, կանգ առնելով դռան մեջ:

— Ես հույս չունեմ, բացի այդ, չեմ էլ ցանկանում,— ասաց Աննան:

«Ի՛նչ բան է այդ, Կիտին իր համար նվաստացուցի՞չ է համարում տեսնվել ինձ հետ,— մտածում էր Աննան, մնալով մենակ:— Դուցե նա իրավացի է: Բայց նա՛ չէ, Վոռնսկուն սիրահարված կի՛նը չէ, որ պիտի ցույց տա ինձ այդ բանը, թեպետև իրավացի է նա: Ես գիտեմ, որ իմ այս դրությունը ինձ չի կարող ընդունել ոչ մի կարգին կին: Ես գիտեմ, որ հենց առաջին րոպեից ես զոհաբերեցի նրա համար ամեն ինչ: Եվ ահա՛ իմ վարձատրությունը: Օ՛, ինչպես ատում եմ ես նրան: Եվ ինչո՞ւ եկա ես այստեղ: Ես ինձ ավելի վատ, ավելի ծանր եմ զգում»: Աննան լսում էր մյուս սենյակից իրար հետ խոսող քույրերի ձայնը: «Ու ի՛նչ պիտի ասեմ ես հիմա Գոլլիին: Միտիթարել Կիտիին նրանով, որ ես դժբա՛խտ եմ,

ենթարկվել նրա հովանավորությանը: Ո՛չ, Գոլլին էլ ոչինչ չի հասկանա: Եվ ես նրան ասելու բան չունեմ: Հետաքրքրական էր միայն տեսնել Կիտիին ու ցույց տալ նրան, թե ինչպես ես արհամարհո՞ւմ եմ ամենքին և ամեն ինչ, թե ինչպե՛ս ինձ համար այժմ միևնույն է»:

Գոլլին եկավ, բերեց նամակը: Աննան կարդաց և լուռ վերադարձրեց այն:

— Ես գիտեի այս բոլորը,— ասաց նա:— Ու այդ բնավ չի հետաքրքրում ինձ:

— Իսկ ինչո՞ւ ես, ընդհակառակն, հույս ունեմ,— ասաց Գոլլին, հետաքրքրությամբ դիտելով Աննային: Նա երբեք չէր տեսել նրան այդպես տարօրինակ, զրգոված դրությունը:— Գուե՞րբ ես գնում,— հարցրեց նա:

Աննան աչքերը կկոցած նայում էր դիմացը և չպատասխանեց նրան:

— Ի՛նչ է, Կիտին թաքնվո՞ւմ է ինձնից,— ասաց նա, նայելով դռանը և կարմրելով:

— Ա՛խ, ինչ դատա՛րկ բան: Նա կերակրում է, և այդ գործը նրա մոտ կարգի չի ընկնում, ես նրան խորհուրդ էի տալիս... Նա շատ ուրախ է: Նա հիմա կգա,— ասում էր Գոլլին շփոթված, չկարողանալով սուտ ասել:— Ա՛յ, ահա և նա:

Իմանալով, որ եկել է Աննան, Կիտին ուզում էր դուրս շքալ, բայց Գոլլին համոզեց նրան: Ուժերը հավաքած, Կիտին դուրս եկավ ու կարմրելով, մոտեցավ նրան և ձեռք տվեց:

— Ես շատ ուրախ եմ,— ասաց նա դողոջուն ձայնով:

Կիտին շփոթված էր իր ներսում կատարվող պայքարից, որ տեղի ունեւր դեպի այդ վատ կինը տածած թշնամանքի և նրա նկատմամբ ներողամիտ լինելու ցանկություն միջև, բայց հենց որ նա տեսավ Աննայի գեղեցիկ, համակրելի դեմքը, անմիջապես շքացավ ամբողջ թշնամանքը:

— Ես չէի զարմանա, եթե դուք չկամենայիք տեսնվել ինձ հետ: Ես ամեն բանի վարժվել եմ: Դուք հիվա՞նդ էիք: Այո՛, դուք փոխվել եք,— ասաց Աննան:

Կիտին զգում էր, որ Աննան թշնամանքով է նայում իրեն: Նա այդ թշնամանքը բացատրում էր այն անհարմար դրությունը, որի մեջ այժմ զգում էր իր առաջ մի ժամանակ իրեն հովանավորող Աննան, և խղճաց նրան:

Նրանք խոսում էին հիվանդության, երեխայի, Ստիվայի մասին, բայց հայտնապես ոչինչ չէր հետաքրքրում Աննային։

— Ես եկա հրաժեշտ տալու քեզ,— ասաց Աննան, վեր կենալով։

— Ուրեմն ե՞րբ եք գնում։

Բայց Աննան նորից չպատասխանելով, դիմեց Կիտին։

— Այո՞, ես շատ ուրախ եմ, որ տեսա ձեզ,— ասաց նա ժպիտով։— Ես այնքան շատ բան եմ լսել ձեր մասին ամեն կողմից, նույնիսկ ձեր ամուսնուց։ Նա եղավ ինձ մոտ և շատ դուր եկավ ինձ,— հայտնապես վատ դիտավորությամբ ավելալացրեց Աննան։— Որտե՞ղ է նա։

— Գնաց գյուղ,— պատասխանեց Կիտին կարմրելով։

— Բարեկեցեք նրան ինձնից, անպայման բարեկեցեք։

— Անպայման,— միամտաբար կրկնեց Կիտին, կարեկցությամբ նայելով նրա աչքերին։

— Այսպես, մնաս բարով, Գոլլի։ — Եվ համբուրելով Գոլլիին ու սեղմելով Կիտիի ձեռքը, Աննան շտապ դուրս գնաց։

— էլի նույնն է և էլի նույնպես գրավիչ։ Շատ լավիկն է,— ասաց Կիտին, մենակ մնալով քրոջ հետ։ — Բայց ինչ-որ խրդա՛ւի բան կա նրա մեջ։ Մայր աստիճան խղճալի։

— Ո՛չ, այսօր նրա մեջ ինչ-որ առանձնահատուկ բան կա,— ասաց Գոլլին։ — Երբ ես ճանապարհ էի դնում նրան նախասենյակում, ինձ թվաց, որ նա ուզում է լաց լինել։

XXIX

Աննան կառք նստեց է՛լ ավելի վատ տրամադրությամբ, քան այն ժամանակ, երբ դուրս գնաց տանից։ Առաջվա տանջանքներին ավելացավ այժմ վիրավորանքի և մերժվածության ղգացումը, որը նա պարզորոշ զգաց Կիտիին հանդիպելուց։

— Ո՛ւր կհրամայեք, դեպի տո՞ւն,— հարցրեց Պյոտրը։

— Այո՞, դեպի տուն,— ասաց Աննան, այժմ շմտածելով առգամ այն մասին, թե ո՛ւր է գնում։

«Ինչպե՞ս էին նայում նրանք ինձ, որպես սոսկալի, անհասկանալի և հետաքրքրաշարժ մի բանի։ Ինչի՞ մասին կաքո՞ղ է նա այդպես տաք-տաք պատմել մյուսին,— մտածում էր

Աննան, նայելով երկու հեախոտներին։ — Մի՞թե կարելի է պատմել ուրիշին այն, ինչ զգում է մարդ։ Ես ուզում էի պատմել Գոլլիին և լավ է, որ չպատմեցի։ Ի՛նչ կուրախանար նա իմ դժբախտության համար։ Նա կթաքցներ այդ։ Բայց գլխավորը զգացումը կլինեիր ուրախությունն այն առթիվ, որ ես պատրժված եմ այն բավականությունների համար, որոնց պատճառով նա նախանձում էր ինձ։ Ավելի ևս կուրախանար Կիտին։ Ինչպե՞ս տեսնում եմ ես նրան ամբողջովին։ Նա գիտե, որ ես իր ամուսնու հետ եղել եմ սովորականից շատ ավելի սիրալիր։ Եվ նա խանդում ու ատում է ինձ։ Նաև արհամարհում է։ Նրա աչքին ես անբարոյական կի՛ն եմ։ Եթե ես լինեի անբարոյական կի՛ն, ես կարող էի նրա ամուսնուն սիրահարեցնել ինձ... Եթե ուզե՛նայի։ Ասենք, ես ուզում էի։ Ահա՛՛ դա զո՛հ է իրենից», մտածեց Աննան այն հաստ, կարմիր-երես պարոնի մասին, որը կառքով անցավ նրա մոտով, ընդունելով նրան ծանոթ կնոջ տեղ ու բարձրացրեց խունապսպղուն գլխարկը ճաղատ պլպլան գլխի վրա և հետո համոզվեց, որ սխալվել է։ «Ե՛ս կարծում էր, որ ճանաչում է ինձ։ Բայց նա ճանաչում է ինձ նույնպես քիչ, ինչպես աշխարհիս երեսին ուրիշ որե՛է մարդ։ Ես ինքս էլ չեմ ճանաչում, չգիտեմ ինձ։ Ես գիտեմ իմ ախորժակները, ինչպես ասում են ֆրանսիացիք։ Ահա՛՛ նրանք ուզում են այդ կեղտոտ պաղպաղակը։ Դա նրանք գիտեն հաստատապես», մտածում էր Աննան, նայելով այն երկու տղային, որոնք կանգնեցրին պաղպաղակավաճառին, որը գլխից իջեցրեց կիսատակառը և սրբիչի ծայրով տրորում էր քրտնած երեսը։ «Մենք ամենքս ուզում ենք քաղցր, համեղ բան։ Կո՛նֆետ չկա, ուրեմն՝ կեղտոտ պաղպաղակ։ Կիտին էլ նույնպես, Վոռնակին չեղավ, ուրեմն՝ Լեկինը։ Եվ նա նախանձում է ինձ։ Եվ ատում է ինձ։ Ու մենք ամենքս ատում ենք իրար։ Ես՝ Կիտիին, Կիտին՝ ինձ։ Ա՛յ, դա ճիշտ է։ Տյուտկին՝ Coiffeur... Je me fais coiffer par՝ Տյուտկինը... Ես այդ կասեմ նրան, երբ նա տուն գա», մտածեց Աննան և ժպտաց։ Բայց հենց նույն րոպեին նա հիշեց, որ չկա ոչ ոք, որին ծիծաղելի բան ասի ինքը։ «Ասենք, ոչինչ էլ չկա ծիծաղելի, ոչինչ ուրախալի։ Ամեն բան զարշելի է։ Զանգահարում են երեկոյան ժո՛ւ-

¹ Վարսավիրը... ինձ սանրում է Տյուտկինը (ֆրանս.)։

մասացութեան համար, և այդ վաճառականն այնպես խնամքով, զգուշ խաշակներում է երեսը, կարծես վախենում է, շինի թե մի բան վայր գցի: Ինչի՞ համար են այդ եկեղեցիները, այդ զանգահարութիւնը և այդ սուտը: Նրա համար միայն, որպեսզի քողարկեն, որ մենք ամենքս ատում ենք իրար, ինչպես այդքան մոլեգնաբար իրար հայհոյող այդ կառապանները: Յաշվինն ասում է. նա ի՛նձ է ուզում թողնել առանց շապիկի, ես էլ՝ նրա՛ն: Ա՛յ, դա ճիշտ է»:

Այս մտքերի մեջ, որոնք այնպես հրապուրեցին Աննային, որ նա նույնիսկ դադարեց իր դրութեան մասին մտածելուց, նա կանգ առավ իր տան արտաքին սանդուղքի մոտ: Տեսնելով իրեն ընդառաջ եկող բարապանին, նա նո՛ր միայն հիշեց, որ ինքն ուղարկել էր տոմս և հեռագիր:

— Պատասխան կա՞, — հարցրեց նա:

— Իսկույն կնայեմ, — պատասխանեց բարապանը և նայելով բարձրասեղանի վրա, վերցրեց ու տվեց նրան հեռագրի քառակուսի բարակ ձրարը: «Ես չեմ կարող գալ ժամը տասից վաղ: Վոռնսկի», — կարգաց նա:

• — Իսկ լրատարը չի՞ վերադարձել:

— Բնավ ո՛չ, — պատասխանեց բարապանը:

«Իսկ եթե այդպես է, ես գիտեմ, թե ի՛նչ կանեմ, — ասաց Աննան և զգալով իր մեջ բարձրացող անորոշ ցասում ու վրեժ-խնդրութեան պահանջ, նա վազեց վերև: — Ես ի՛նքս կերթամ նրա մոտ: Նախքան ընդմիշտ հեռանալը, ես կասեմ նրան բոլորը: Երբեք ոչ ոքի չեմ ատել այնպես, ինչպես այդ մարդուն», մտածում էր նա: Տեսնելով Վոռնսկու գլխարկը կախարանի վրա, Աննան ցնցվեց զզվանքից: Աննան չէր հասկանում, որ Վոռնսկու հեռագիրը իր հեռագրի պատասխանն էր և որ նա դեռ չէր ստացել տոմսը: Աննան այժմ պատկերացնում էր նրան մոր ու Սորոկինայի հետ հանգիստ խոսելիս և իր տանջանքների համար ուրախ: «Այո՛, հարկավոր է շուտ գնալ», մտածում էր նա, դեռ չիմանալով, թե ո՛ւր գնա: Նա ուզում էր շուտով դուրս գալ. հեռանալ այն զգացումների շրջանից, որ համակել էին նրան այս սարսափելի տանը: Սպասավորները, պատերը, իրերն այս տան մեջ, — բոլորը, բոլորը հարուցում էին նրա սրտում զզվանք ու գայլույթ և ճնշում նրան ինչ-որ ծանրութեամբ:

«Այո՛, պետք է գնալ երկաթուղու կայարան, իսկ եթե կայարանում չէ, ապա գնալ այնտեղ և բռնել նրան հանցանքի մեջ»: Աննան նայեց թերթերում գնացքների չվացուցակը: Երեկոյան մեկնում է ժամը 8-ից 2 րոպե անց: «Այո՛, կհասնեմ»: Նա հրամայեց լծել ուրիշ ձիեր և սկսեց դարսել ճանապարհորդական պայուսակի մեջ մի քանի օրվա համար անհրաժեշտ իրերը: Նա գիտեր, որ այլևս չի վերադառնա այստեղ: Իր գլուխն եկող ծրագրերի թվում նա աղոտորեն վճռեց և այն, թե այն բանից հետո, ինչ տեղի կունենան այնտեղ՝ կայարանում կամ կոմսուհու կալվածքում, կերթա նիժեգորոգյան ճանապարհով մինչև առաջին պատահած քաղաքը և կմնա այնտեղ:

Ճաշը դրված էր սեղանին. նա մոտեցավ, հոտ քաշեց հացից ու պանրից և համոզվելով, որ ամեն ուտելիքի հոտ զզվելի է իրեն, հրամայեց բերել կառքն ու դուրս գնաց: Տան ստվերն արդեն ընկել էր ամբողջ փողոցի վրա, և արևի տակ տակավին պարզ ու տաք երեկո էր: Ե՛վ Աննուշկան, որ ուղեկցում էր նրան սիրով, և՛ Պյոտրը, որ գնում էր իրերը կառքի մեջ, և՛ կառապանը, որ հայտնապես դժգոհ էր, — ամենքը, ամենքը զզվելի էին նրան իրենց խոսքերով ու շարժումներով:

— Գու պետք չե՛ս ինձ, Պյոտր:

— Բա ո՞նց կլինի տոմսը:

— Է՛հ, ինչպես կուզես, ինձ համար միևնույն է, — սրտենդութեամբ ասաց Աննան:

Պյոտրը թռավ նստիքին և ծովելով մի կողքի, հրամայեց գնալ կայարան:

XXX

«Ահա էլի նա: Ես դարձյալ հասկանում եմ բոլորը», — ասաց Աննան ինքն իրեն, հենց որ շարժվեց կառքը և օրորվելով դողդաց, գնաց մանր կոպճարկի վրայով, ու կրկին մեկը մյուսի ետևից սկսեցին փոխվել տպավորութիւնները:

«Հա՛, վերջին անգամ ինչի՞ մասին էի ես այնպես լավ մտածում», աշխատում էր հիշել նա: «Տյուտկինի՞» — colifeur-ի Ո՛չ, դա չէր: Հա՛, այն մասին, թե ի՛նչ էր ասում Յաշվինը. գոյութեան պայքար և ատելութիւն՝ միակ բանը, որ մարդկանց կապում է իրար հետ: Ո՛չ, դուք զուր եք գնում, —

մտքով դիմեց նա քառածի կառքով գնացող խմբին, որը հա-
վանորեն գնում էր քաղաքից դուրս՝ ուրախ ժամանցի։ — Չեզ-
չի՝ օգնի և այն շունը, որ դուք տանում եք ձեզ հետ։ Չեք փախ-
չի ձեզանից»։ Հայացքը գցելով այն կողմ, ուր շուռ էր գալիս
Պյոտրը, նա տեսավ գործարանային կիսամեռ-հարբած ճո-
ճուն գլխով բանվորին, որին գորողովուրդ կառքով տանում էր
ինչ-որ տեղ։ «Այ, ավելի շուտ, դա՛, — մտածեց նա։ — Ես ու
կոմս Վոռնսկին նույնպես չգտանք այդ բավականությունը,
թեպետև շատ բան էինք սպասում դրանից»։ Եվ Աննան այժմ
առաջին անգամ դարձրեց այն պայծառ լույսը, որի մեջ նա
տեսնում էր ամեն բան, Վոռնսկու հետ ունեցած իր հարաբե-
րությունների վրա, որոնց մասին առաջ խուսափում էր մտա-
ծել։ «Ի՞նչ էր փնտրում նա իմ մեջ։ Ո՛չ այնքան սեր, որքան
սնապարծության բավարարում»։ Նա մտաբերեց Վոռնսկու
խոսքերը, նրա գեմքի արտահայտությունը, որ հիշեցնում էր
հնազանդ որսաշուն, իրենց կապի առաջին շրջանում։ Եվ այժմ
ամեն բան հաստատում էր դա։ «Այո՛, նրա մեջ կար սնապարծ
հաջողության հաղթանակ։ Հասկանալի է, կար նաև սե՛ր, բայց
մեծ մասը հաջողության պարծանքն էր։ Նա պարծենո՛ւմ էր
ինձանով։ Այժմ անցավ այդ։ Պարծենալու բան չկա։ Պետք է
ո՛չ թե պարծենալ, այլ ամաչել։ Նա վերցրեց ինձնից այն բո-
լորը, ինչ կարող էր, և հիմա ես պետք չե՛մ նրան։ Նա նեղվում
է ինձնից և աշխատում է անազնիվ շլինել իմ հանդեպ։ Նա
երեկ խոսք թուցրեց բերնից՝ նա ուզում է ապահարզան և
ամուսնություն, որպեսզի այրի իր նավերը։ Նա սիրում է ինձ,
բայց ինչպե՛ս։ The zest is gone¹։ Սա ուզում է ամենքին
զարմացնել ու շատ գոհ է ինքն իրենից», մտածեց Աննան, նա-
յելով կարմրաթուշ գործակատարին, որ գնում էր ձիամարզա-
բանային ձիով։ «Այո՛, նրա համար իր մեջ այլևս չկա այն
համբու։ Ի՞նչ ես հեռանամ նրանից, նա կուրախանա իր հոգու
խորքում»։

Դա ենթադրություն չէր, — Աննան այդ բանը պարզ տես-
նում էր այն թափանցող լույսի մեջ, որն այժմ բացում էր նրա
համար կյանքի և մարդկային հարաբերությունների իմաստը։
«Իմ սերը գառնում է ավելի ու ավելի բուռն և ինքնասեր,

իսկ նրանը՝ հանգչում է ու հանգչում, և ահա թե ինչո՞ւ մենք
տարամիտում ենք, — շարունակում էր մտածել Աննան։ — Ու
չի կարելի օգնել դրան։ Ինձ համար ամեն ինչ նրա՛ մեջ է
միայն, և ես պահանջում եմ, որ նա ամբողջովին ավելի ու
ավելի նվիրվի ինձ։ Իսկ նա շարունակ ավելի ու ավելի ուզում է
հեռանալ ինձնից։ Մենք իրոք գնում էինք իրար ընդառաջ
մինչև մեր կապը, իսկ հետո անզսպորեն տարամիտում, գնում
ենք տարբեր կողմեր։ Ու այդ բանը չի կարելի փոխել։ Նա
ասում է ինձ, որ ես անմտորեն խանդոտ եմ, ես ինքս էլ ասում
եմ ինձ, որ ես անմտորեն խանդոտ եմ, բայց դա ճիշտ չէ։ Ես
խանդոտ չեմ, ես դժգոհ եմ։ Սակայն»... Աննան բերանը բա-
ցեց ու տեղափոխվեց կառքի մեջ հուզմունքից, որ բարձրա-
ցավ նրա կրծքում՝ հանկարծ իր գլուխն եկած մտքից։ «Եթե
ես կարողանայի լինել մի ա՛յլ բան, բացի սիրուհի լինելուց,
որը բուռն կերպով սիրում է միայն նրա շոյանքները. բայց ես
չեմ կարող և չեմ ուզում լինել այլ բան։ Ու ես իմ այդ ցան-
կությունները հարուցում եմ նրա մեջ միայն զզվա՛նք, իսկ նա իմ
մեջ՝ զայրո՛ւյթ, և դա չի կարող լինել ուրիշ կերպ։ Մի՞թե ես
չգիտեմ, որ նա չի խաբի ինձ, որ նա աչք չունի Սորոկինայի
վրա, որ նա սիրահարված չէ Կիտիին, որ նա չի դավաճանի
ինձ։ Այս բոլորը ես գիտեմ, բայց դրանից չի թեթևանում իմ
վիճակը։ Եթե նա, չսիրելով ինձ, պարտքի գիտակցությունից
զրկված՝ իմ նկատմամբ կլինի բարի, քնքուշ, իսկ չի լինի այն,
ինչ ուզո՞ւմ եմ ես։ — Ա՛խ, դա հազար անգամ ավելի վատ է
նույնիսկ, քան զայրույթը։ Դժոխք է դա։ Իսկ եղածը հենց դա
է։ Նա վաղուց արդեն չի սիրում ինձ։ Իսկ որտեղ վերջանում է
սերը, այնտեղ սկսվում է ատելությունը։ Ինձ բոլորովին ան-
ծանոթ են այս փողոցները։ Ինչ-որ լեռներ են և տներ, անվերջ
տներ... Ու տների մեջ մարդիկ, շարունակ մարդիկ... Ինչքա՞ն
են նրանք, վերջ չունեն, և ամենքը ատում են իրար։ Է՛հ, թող
ես հնարեմ ինձ համար այն, ինչ ուզում եմ, որպեսզի երջա-
նիկ լինեմ։ Հետո՞։ Ես ստանում եմ ապահարզան, Ալեքսեյ
Ալեքսանդրովիչը տալիս է ինձ Սերյոժային, և ես ամուսնա-
նում եմ Վոռնսկու հետ»։ Հիշելով Ալեքսեյ Ալեքսանդրովիչի
մասին, Աննան անմիջապես արտասովոր պարզությամբ
պատկերացրեց նրա կենդանի կերպարանքը՝ նրա հեզ, տե-
կենդան, մարած աչքերով, սպիտակ ձեռքերի կապույտ երակ-

¹ Համեն անցավ։

ներով, ինտոնացիաներով ու մատների ճոթճոթոցով, և մտաբերելով այն զգացումը, որը կար իրենց մեջ և որը նույնպես կոչվում էր սեր,— ցնցվեց զզվանքից: «է՛հ, ես կստանամ ապահարզան, ես կդառնամ Վոռնսկու կինը: Հետո ի՛նչ, արդյոք Կիտին այլևս չի՞ նայի ինձ վրա այնպես, ինչպես նայում էր այսօր: Ո՛չ, Իսկ Սերյոժան այլևս չի՞ հարցնի, կամ չի՞ մտածի իմ երկու ամուսինների մասին: Իսկ իմ և Վոռնսկու միջև ի՛նչ նոր զգացում կստեղծեմ ես: Արդյոք հնարավո՞ր է այժմ ո՛չ թե երջանկություն, այլ, որ դոնե չլինի տանջանք: Ո՛չ ու ո՛չ»,— սպասախանեց նա իրեն՝ այժմ առանց որևէ տատանման: «Անհնարին է: Կյանքն է բաժանում մեզ, և նրա դժբախտությունն իմ ձեռքի գործն է, իմ դժբախտությունը՝ նրա ձեռքի, և փոխել չի՞ կարելի ո՛չ նրան, ո՛չ ինձ: Բոլոր փորձերը եղան, արվեցին, պտուտակն ամրապնդվեց: Հա՛, աղքատ կին երեխայի հետ: Նա կարծում է, որ խղճում են իրեն: Մի՞թե մենք ամենքս նետված չենք աշխարհ նրա համար միայն, որ ատենք իրար, այդ իսկ պատճառով՝ տանջենք ինքներս մեզ և ուրիշներին: Գիմնագիտաները գնում ու ծիծաղում են: Սերյոժան, հիշեց Աննան: «Ըստ նույնպես կարծում էի, որ սիրում եմ նրան, և խանդաղատանքով հուզվում էի իմ քնքշությունից: Իսկ չէ՞ որ ես ապրում էի առանց նրան, չէ՞ որ փոխանակեցի նրան ուրիշ սիրո հետ և չէի գանգատվում այդ փոխանակությունից, քանի դեռ բավարարվում էի այն սիրով»: Եվ նա զզվանքով հիշեց այն բանի մասին, ինչն անվանում էր այն սեր: Ու Աննային ուրախացնում էր այն պարզությունը, որով նա տեսնում էր այժմ իր և բոլոր մարդկանց կյանքը: «Այդպես էլ ե՛ս, և՛ Պյոտրը, և՛ կառապան Ֆյոդորը, և՛ այդ վաճառականը, և՛ բոլոր այն մարդիկ, որոնք ապրում են այնտեղ՝ Վոլգայի ափերին, ուր հրավիրում են այդ հայտարարությունները, և՛ ամենուր, և՛ միշտ», մտածում էր Աննան, երբ արդեն մոտեցավ նիժեգորոդյան կայարանի ցած շենքին, և արտելականները վազեցին նրան ընդառաջ:

— Կհրամայեք տոմս վերցնել մինչև Օբիրա՞լովկա:— հարցրեց Պյոտրը:

Աննան բոլորովին մոռացել էր, թե ո՛ւր և ինչո՞ւ է գնում ինքը և մեծ ջանք թափելով միայն կարողացավ հասկանալ իրեն տրված հարցը:

— Այո՛,— ասաց Աննան, տալով նրան զրամով քսակը և ձեռքն առնելով փոքրիկ, կարմիր պայուսակը, դուրս եկավ կառքից:

Ամբոխի միջից դիմելով դեպի առաջին կարգի դահլիճը, Աննան կամաց-կամաց մտաբերում էր իր վիճակի բոլոր մանրամասները և այն որոշումները, որոնց մեջ տատանվում էր ինքը: Ու նորից մերթ հույսը, մերթ հին ցաված տեղերի հետ կապված հուսահատությունը սկսեցին մորմոքել նրա տանջված, սոսկալիորեն թալտացող սրտի վերքերը: Նստած աստղաձև բազմոցին ու սպասելով գնացքին, Աննան դարձանքով նայում էր դուրս ու ներս անողներին (ներսք ամենքը զզվելի էին նրա համար) և մտածում էր մերթ այն մասին, թե ինչպե՞ս ինքը կգա կայարան, տոմս կգրի Վոռնսկուն ու ի՛նչ կգրի. մերթ այն մասին, թե ինչպե՞ս հիմա նա գանդատվում է մորը (չհասկանալով Աննայի տանջանքները) իր վիճակից, և ինչպե՞ս ինքը կմտնի սենյակ ու ի՛նչ կասի նրան: Մերթ Աննան մտածում էր այն մասին, թե ինչպե՞ս կարող էր կյանքը դեռ լինել երջանիկ, և թե ինչպե՞ս ինքը տանջալից սիրում է ու ատում է նրան, և ինչպե՞ս սաստիկ բարբախում է իր սիրտը:

XXXI

Լսվեց զանգի ձայնը, անյան ինչ-որ երիտասարդ տղամարդիկ, այլանդակ, լկտի ու շտապող մարդիկ, միաժամանակ ուշադիր դեպի այն տպավորությունը, որ թողնում էին իրենք. դահլիճից անցավ նաև Պյոտրը՝ իր լիվրեով ու շտիբլետներով, անասնական բուժ դեմքով, և մոտեցավ Աննային, որ առաջնորդի նրան մինչև վագոն: Աղմկահույզ տղամարդիկ հանդարտեցին, երբ Աննան անցնում էր նրանց մոտով՝ պլատֆորմով, և մեկը մի բան փսփսաց մյուսին, իհարկե, գարշելի բան: Աննան բարձրացավ սանդուղքով ու մենակ նստեց կուպեում՝ զսպանակավոր, կեղտոտ, մի ժամանակ սպիտակ բազմոցին: Պայուսակը ցնցվելով զսպանակների վրա, տեղավորվեց: Պյոտրը տիամար ժպիտով բարձրացրեց լուսամուտի առաջ իր տրեզով գդակը՝ որպես հրաժեշտի նշան, լկտի կոնդուկտորը թրխկացրեց դուռն ու մզղակը: Տուռնյուրով անճոռնի մի տիկին (Աննան մտովի մերկացրեց այդ կնոջը և սարսափեց նրա

այլանդակութիւնից) ու մի աղջիկ, անբնականորեն ծիծաղելով, վազելով անցան ներքևում:

— Կատերինա Անդրեևնայի մոտ է, բոլորը նրա մոտ է, ma tante¹, — բղավեց աղջիկը:

«Աղջիկը՝ նա՛ էլ այլանդակված է և կոտրատվում է», մտածեց Աննան: Որպեսզի ոչ ոքի չտեսնի, նա արագ վեր կացավ ու նստեց հակադիր պատուհանի մոտ՝ դատարկ վագոնում: Կեղտոտված, այլանդակ մի մուժիկ՝ զղակով, որի տակից դուրս էին ցցվել զզոգված մազերը, անցավ այդ լուսամուտի մոտով, կռանալով դեպի վագոնի անիվները: «Ինչ-որ ծանոթ բան կա այս այլանդակ մուժիկի մեջ», մտածեց Աննան: Եվ հիշելով իր երազը, նա գնաց դեպի հակադիր դուռը, դողալով վախից: Կոնդուկտորը բացեց դուռը, ներս թողնելով մարդ ու կնոջը:

— Դուք ուզում եք դո՞ւրս գալ:

Աննան շպտատախանեց: Կոնդուկտորը և ներս եկած զույգը դիմաքողի տակ շնկատեցին սարսափը նրա երեսին: Նա վերադարձավ իր անկյունը և նստեց: Զույգը նստեց հակադիր կողմում, ուշադրությամբ, բայց թաքուն դիտելով նրա զգեստը: Ե՛վ տղամարդը, և՛ կինը թվում էին Աննային զվելի: Ամուսինը հարցրեց, արդյոք թույլ կտա՞ Աննան ծխել, հայտնապես ո՛չ նրա համար, որ ծխի, այլ որպեսզի խոսի նրա հետ: Ստանալով Աննայի համաձայնությունը, տղամարդը խոսեց կնոջ հետ ֆրանսերեն այն բանի մասին, ինչն ասելը նրան ավելի քիչ էր պետք. բան ծխելը: Չեանալով, նրանք խոսում, ասում էին հիմարություններ նրա համար միայն, որպեսզի Աննան լսեր: Աննան պարզ տեսնում էր, թե ինչպե՞ս նրանք ձանձրացրել են իրար և ինչպես ատում են միմյանց: Ու չէր կարելի շատել այդպիսի ողորմելի հրեշներին:

Լավեց երկրորդ զանգը և դրանից հետո ուղեբեռի տեղաշարժումը, աղմուկ, ճիչ ու ծիծաղ: Աննայի համար այնպես պարզ էր, որ ոչ ոք ուրախանալու բան չուներ, որ այդ ծիծաղը վրդովեց նրան: ցավ պատճառելու աստիճան, և նա ուզում էր իսկիև ականջները, որպեսզի չսի այն: Վերջապես զնգաց երրորդ զանգը, հնչեց շոգեկաթսայի ճիչը, ձգվեց շղթան և

¹ Մորաբույր, հորաբույր:

մարդը խաշակեքեց երեսը: «Հետաքրքրական է հարցնել նրան, թե ինչ է հասկանում նա այդ բանի տակ», մտածեց Աննան, զայրույթով նայելով նրան: Աննան տիկնոջ կողքից նայեց պատուհանից դուրս՝ պլատֆորմի վրա կանգնած և զնացքը ճանապարհ դնող մարդկանց. որոնք կարծես գորգը գնացրել էին ետ-ետ: Վագոնը, որի մեջ նստել էր Աննան, համաշփոթեց ցնցվելով ուլիսների միացման կետերում, անցավ կառամատույցի քարե պատի, ուղեների սկավառակի և մյուս վագոնների մոտով: Անիվներն ավելի սահիկ, ավելի հանդարտ, թեթև զնգոցով զնգացին ուլիսների վրա, պատուհանը լուսավորվեց երկկոյան պայծառ արևից, և հովիկը խաղաց վարագույրի հետ: Աննան մոռացավ վագոնում նրստած իր հարևանների մասին և զնացքի թեթև օրորումով, ներշնչելով թարմ օդ, նորից սկսեց մտածել:

«Հա՛, ինչի՞ վրա կանգ առա ես: Այն բանի վրա, որ շեմ կարող մտածել մի վիճակ, որի մեջ կյանքը տանջանք շիներ: Մենք ամենքս ստեղծված ենք նրա համար, որ տանջվենք, և որ ամենքս էլ գիտենք դա ու ամենքս էլ միջոցներ ենք մտածում, թե ինչպե՞ս խաբենք ինքներս մեզ: Իսկ երբ մարդ տեսնում է ճշմարտությունը, ի՞նչ պիտի անի»:

— Բանականությունը տրված է մարդուն նրա համար, որ ազատվի այն բանից, ինչն անհանգստացնում է իրեն, — ասաց աիկինը ֆրանսերեն, հայտնապես զոհ իր ֆրապից ու ծամածոություն անելով լեզվով:

Այդ խոսքերը կարծես պատասխանեցին Աննայի մտքին: «Ազատվել այն բանից, ինչն անհանգստացնում է», կրրկնեց Աննան: Եվ նայելով կարմրաթուշ մարդուն ու լղար կնոջը, նա հասկացավ, որ հիվանդոտ կինը համարում է իրեն չհասկացված կին, և մարդը խաբում է նրան ու հաստատում է նրա մեջ այդ կարծիքն իր մասին: Աննան կարծես տեսնում էր նրանց պատմությունը և նրանց հոգու բոլոր ծակուծուկը, և նա շարունակեց իր միտքը, փոխանցելով լույսը նրանց վրա: Բայց հետաքրքրական ոչինչ չկար, ու նա շարունակեց իր միտքը:

«Այո՛, շատ է անհանգստացնում ինձ, և բանականությունը տրված է մարդուս նրա համար, որ ազատվի. ուրեմն պետք է ազատվել: էլ ինչո՞ւ չհանգցնել մոմը, երբ այլևս նայելու

բան չկա, երբ գարշելի է այս բոլորի վրա նայելը: Բայց ինչպե՞ս: Ինչո՞ւ այդ կոնդուկտորը վազեց այդպես զգույշ, ինչո՞ւ են բղավում նրանք՝ այդ ջահել մարդիկ՝ այն վազոնում: Ինչո՞ւ են խոսում նրանք, ինչո՞ւ են ծիծաղում: Զկա ճիշտ բան, բոլորը սուտ է, բոլորը խաբեություն, բոլորը չարիք է»...

Երբ գնացքը մոտեցավ կայարանին, Աննան դուրս եկավ վագոնից մյուս ուղևորների ամբոխի մեջ և խուսափելով նրանցից, ինչպես բորոտներից, կանգնեց կառամատուցում, աշխատելով հիշել, թե ինչի՞ համար ինքն եկավ այստեղ և ի՞նչ է մտադիր անելու: Այն բոլորը, ինչն առաջ նրան թվում էր հնարավոր, այժմ այնպես դժվար էր հասկանալ, մանավանդ այս այլանդակ մարդկանց աղմկող ամբոխի մեջ, որոնք հանդիստ չէին թողնում իրեն: Մերթ մոտ էին վազում նրան արտելականները, առաջարկելով իրենց ծառայությունը, մերթ զննում էին նրան ջահել տղամարդիկ, կրունկները թխկթխկացնելով կառամատուցի տախտակներին և բարձրաձայն զրուցելով, զննում էին նրան, մերթ քաշվում էին ո՛չ այն կողմը՝ նրան ընդառաջ եկող անցորդները: Մտաբերելով, որ ինքն ուզում էր շարունակել ճանապարհը, եթե պատասխան ստացված չլիներ, Աննան կանգնեցրեց մի արտելականի և հարցրեց, արդյոք այստեղ կառապան չկա՞ կոմս Վոռնսկուն հասցեագրած տոմսով:

— Կոմս Վոռնսկուն: նրանից այս բուպեխ մարդ կար այստեղ: Դիմավորում էին իշխանուհի Սորոկինային՝ իր աղջկա հետ: Իսկ կառապանն ի՞նչ տեսակ մարդ է:

Այն միջոցին, մինչ Աննան խոսում էր արտելականի հետ, կառապան Միխայլան, կարմիր-երես, ուրախ, կապույտ պըճնամուշի վերնագգեստով ու շղթայով, հայտնապես հպարտ այն գիտակցությամբ, որ ինքն այնպես լավ կատարեց իրեն արված հանձնարարությունը, մոտեցավ Աննային ու տվեց նրան մի տոմս: Աննան բացեց տոմսը, և նրա սիրտը ճմլվեց ավելի շուտ, քան նա կկարողար այն:

«Շատ եմ ցավում, որ տոմսը ժամանակին չհասավ ինձ և կլինեմ ժամը տասին», գրում էր Վոռնսկին անփույթ ձեռագրով:

«Այդպե՞ս: Ես սպասում էի դրան», մտածեց Աննան չար ժմծիծաղով:

— Լա՛վ, որ այդպես է, գնա տուն, — կամաց ասաց նա, դիմելով Միխայլային: Նա կամաց ասաց, որովհետև սրտի բաբախման արագությունը խանգարում էր նրան շնչել: «Ո՛չ, ես չեմ թողնի, որ դու տանջես ինձ», մտածեց Աննան, սսլառնալիքով դիմելով ո՛չ թե նրան՝ Վոռնսկուն, ո՛չ թե ինքն իրեն, այլ այն անձնավորությանը, որ ստիպում էր իրեն տանջվել, և գնաց կառամատուցով՝ կայարանի մոտից:


Երկու աղախին, որոնք ման էին գալիս կառամատուցում, գլուխները ետ դարձրին, նայելով Աննային և բարձրաձայն քննարկելով տուալետը. «Իսկական է», ասացին նրանք՝ նրա վրա եղած ժանյակի մասին: Երիտասարդները հանգիստ չէին թողնում նրան: Նրանք նորից նայելով նրա դեմքին և ծիծաղելով, ինչ-որ բան բղավեցին անբնական ձայնով, ու անցան նրա մոտով: Կայարանապետն անցնելով նրա կողքից, հարցրեց, թե մեկնո՞ւմ է նա: Կվաս ծախող տղան աչք չէր հեռացնում նրանից: «Աստված իմ, ո՞ւր գնամ ես», մտածում էր Աննան, ավելի ու ավելի հեռանալով կառամատուցով: Կառամատուցի ծայրին նա կանգ առավ: Ակնոցավոր պարոնին դիմավորող կանայք ու երեխաները, որոնք բարձրաձայն ծիծաղում և խոսում էին, լռեցին, նայելով Աննային, երբ հավասարվեց իրենց: Նա արագացրեց քայլերը և հեռացավ նրանցից՝ դեպի կառամատուցի պլատֆորմի ափը: Մոտենում էր ապրանքատար գնացքը: Կառամատուցը ցնցվեց, և նրան թվաց, որ ինքը կրկին գնում է վագոնի մեջ:

Ու հանկարծ հիշելով Վոռնսկու հետ իր առաջին հանդիպման օրը ջախջախված մարդու մասին, նա հասկացավ, թե ի՞նչ պիտի անի ինքը: Արագ, թեթև քայլերով իջնելով այն աստիճաններից, որոնք ջրհանոցից տանում էին դեպի ռելսերը, նա կանգնեց համարյա կպած իր մոտով անցնող գնացքին: Նա նայում էր վագոնների ներքնամասին, պտուտակներին ու շղթաներին և դանդաղ զլորվող առաջին վագոնի շուգունե բարձր անիվներին և աշխատում էր աչքաշափով որոշել մեջտեղը առջևի ու ետևի անիվների միջև, ու այն բուպեն, երբ այդ մեջտեղը կլինի իր դիմաց:

«Այնտե՛ղ, — ասում էր նա ինքն իրեն, նայելով վագոնի ստվերին, կոճերի վրա լցրած ածխախառն ավազին, — այն-

տե՛ղ, Ճիշտ մեջտեղը, և դրանով կպատժեմ նրան ու կազատվեմ ամենքից և ինքս ինձնից»...

Նա ուզում էր ընկնել մեջտեղով իրեն հավասարված վագոնի տակ. բայց կարմիր պայուսակը, որը նա սկսեց հանել թևից, կասեցրեց նրան, և արդեն ուշ էր. մեջտեղն անցավ նրանից: Պետք էր սպասել հետևյալ վագոնին: Նրան համակեց մի զգացում, նման այն զգացումին, երբ լողանալիս պատրաստվում էր մտնել ջուրը, և նա խաշակնքեց երեսը: Խաշակնքելու սովորական շարժումը հարուցեց նրա հոգում մի ամբողջ շարք կուսական ու մանկական հիշողութիւններ, և հանկարծ պայթեց խավարը, որ նրա համար ծածկում էր ամեն ինչ, ու մի վայրկյան կյանքը պատկերացավ նրան՝ իր անցած բոլոր պայծառ ուրախութիւններով: Բայց նա աչք չէր հեռացնում մոտեցող երկրորդ վագոնի անիվներից: Եվ Ճիշտ այն րոպեին, երբ անիվների միջև եղած տարածութեան մեջտեղը հավասարվեց նրան, նա դեն գցեց կարմիր պայուսակը ու ներս քաշելով գլուխն ուսերի մեջ, ձեռքերի վրա ընկավ վագոնի տակ և թեթև մի շարժումով, կարծես պատրաստվելով անմիջապէս վեր կենալու, ընկավ ծնկների վրա: Ու հենց նույն վայրկյանին նա սարսափեց այն բանից, ինչ արեց: «Որտե՞ղ եմ ես: Ի՞նչ եմ անում: Ի՞նչո՞ւ համար»: Նա ուզում էր վեր կենալ, ետ քաշվել. բայց ինչ-որ վիթխարի, անողոք բան հրեց նրան գլխից ու ձգեց մեջքից: «Աստվա՛ծ իմ, ների՛ր բոլորք», մրմնջաց նա, զգալով, որ անհնարին է պայքարը: Մութիկն աշխատում էր երկաթի վրա, մոթմոթալով ինչ-որ բան: Եվ մոմը, որի լույսի տակ Աննան կարդում էր տազնապներով, խաբեութիւններով, վշտով ու շարիքով լի գիրքը, բոցավառվեց ավելի պայծառ լույսով, քան երբևիցե, լուսավորեց նրա համար այն բոլորը, ինչն առաջ խավարի մեջ էր, ճոթճոթաց, սկսեց հանգչել ու հանգավ ընդմիջտ:



ՈՒԹԵՐՈՐԴ ՄԱՍ

I

Անցել էր համարյա երկու ամիս: Շոգ ամառվա կեսն էր արդեն, բայց Սերգեյ Իվանովիչը դեռ նոր էր պատրաստվում մեկնել Մոսկվայից:

Այդ ժամանակամիջոցին Սերգեյ Իվանովիչի կյանքում էլ իրադարձութիւններ եղան: Արդեն մի տարի առաջ ավարտված էր նրա գիրքը, վեց տարվա աշխատանքի պտուղը, որ կոչվում էր Պետականության հիմունքների ու ձևերի տեսության փորձը Եվրոպայում և Ռուսաստանում: Այդ գրքի որոշ բաժինները և ներածութիւնը տպագրվել էին պարբերական հրատարակութիւններում, իսկ մյուս մասերը Սերգեյ Իվանովիչը կարդացել էր իր շրջանի մարդկանց, այնպես որ այդ հեղինակութեան մտքերն արդեն չէին կարող լիովին նորութիւն լինել հասարակութեան համար: Այսուամենայնիվ, Սերգեյ Իվանովիչը սպասում էր, որ իր գրքի երևան գալը լուրջ տպավորութիւն կթողնի հասարակութեան վրա և եթե հեղաշրջում չառաջացնի գիտութեան մեջ, համենայնդեպս, ուժեղ իրարանցում կբարձրացնի գիտական աշխարհում:

Այդ գիրքը խնամքով մշակելուց հետո տպագրվեց անցյալ տարի և ուղարկվեց գրավաճառներին:

Ոչ ոքի ոչինչ չհարցնելով գրքի մասին, դժկամորեն ու շինծու անտարբերութեամբ պատասխանելով իր բարեկամների հարցերին, թե արդյոք ինչպե՛ս է գնում գրքի վաճառքը, նույնիսկ հարցում չանելով գրավաճառներին, թե ինչպե՛ս է ծախվում այն, Սերգեյ Իվանովիչն աշալոջորեն, լարված ուշադրութեամբ հետևում էր այն առաջին տպավորութեանը, որ կառաջացնի իր գիրքը հասարակութեան ու գրականութեան մեջ:

Բայց անցավ մի շաբաթ, երկու, երեք շաբաթ, և հասարակույթյան մեջ նկատելի չէր ոչ մի տպավորություն. նրա բարեկամները, մասնագետներ ու գիտնականներ, երբեմն հայտնապես քաղաքավարությունից զրոյված խոսք էին անում զրքի մասին: Իսկ նրա մնացած ծանոթները, չհետաքրքրվելով գիտական բովանդակություն ունեցող զրքով, բնավ չէին խոսում նրա մասին: Եվ հասարակության մեջ, որը մանավանդ այժմ զբաղված էր ուրիշ բանով, տիրում էր բացարձակ անտարբերություն: Գրականության մեջ ևս մի ամբողջ ամիս ո՛չ մի խոսք չկար զրքի մասին:

Սերգեյ Իվանովիչը մանրամասնորեն հաշվեց այն ժամանակը, որը հարկավոր էր ունենալ զրքի ճամար, բայց անցավ մի ամիս, երկու ամիս, տիրում էր նույն լուռությունը:

Միայն Ալեքսի Ժուկ-ի մեջ, ձայնը կորցրած Դրաբանտի երգչին նվիրված ծաղրական ֆելիետոնում կար ի դեպ ասած մի քանի արհամարհական խոսք կոզնիշևի զրքի մասին, որոնք ցույց էին տալիս, որ այդ զիրքը վաղուց արդեն դատապարտել են ամենքը և ենթարկել են ընդհանուր ծաղրի:

Վերջապես երրորդ ամսին մի լուրջ հանդեսում տպվեց քրննադատական հոդված: Սերգեյ Իվանովիչը ճանաչում էր նաև հոդվածի հեղինակին: Մի անգամ հանդիպել էր նրան Գոլուբցովի մոտ:

Հոդվածագիրը շատ երիտասարդ ու հիվանդոտ ֆելիետոնիստ, որպես գրող՝ ուներ շատ կայտառ գրիչ, բայց չափազանց քիչ կրթված և անձնական հարաբերությունների մեջ երկչուտ մարդ էր:

Չնայած հոդվածագրի հանդեպ ունեցած իր լիովին արհամարհանքին, Սերգեյ Իվանովիչն ամենայն հարգանքով սկսեց կարդալ հոդվածը: Հոդվածը սարսափելի էր:

Հայտնապես, ֆելիետոնիստն ամբողջ զիրքը հասկացել էր այնպես, ինչպես անհնարին էր հասկանալ այն: Բայց նա այնպես ճարպկորեն էր կատարել քաղվածքները, որ զիրքը չկարողացողների համար (իսկ հավանաբար համարյա ոչ ոք չէր կարողացել այն) միանգամայն պարզ էր, որ ամբողջ զիրքը ո՛չ այլ ինչ էր, բայց եթե վերամբարձ բառերի կոտակում, այն էլ գործածված ո՛չ տեղին (դա ցույց էին տալիս հարցական նշանները), և որ զրքի հեղինակը կատարելապես համ-

բակ է: Ու այս բոլորն այնպես սրամիտ էր, որ Սերգեյ Իվանովիչն ինքն էլ չէր հրաժարվի այդ սրամտությունից: Բայց սարսափելին հենց այդ էր:

Չնայած այն կատարյալ բարեխղճությանը, որով Սերգեյ Իվանովիչն ստուգում էր ունենալիս փաստարկների արդարացիությունը, նա ո՛չ մի բույս կանգ չառավ այն թերությունների և սխալների վրա, որոնք ենթարկվել էին ծաղրի, բայց անմիջապես ակամա սկսեց մտաբերել ամենայն մանրամասնությամբ իր հանդիպումն ու խոսակցությունը հոդվածի հեղինակի հետ:

«Արդյոք ես որևէ բանով չե՞մ վիրավորել նրան», մտածում էր Սերգեյ Իվանովիչը:

Եվ մտաբերելով, թե ինչպես ինքն այդ երիտասարդին հանդիպելիս ուղղեց նրա տգիտությունը ցույց տվող մի բառ, Սերգեյ Իվանովիչը գտավ հոդվածի իմաստի բացատրությունը:

Այդ հոդվածից հետո զրքի մասին տիրեց մեռյալ լուռություն՝ թե՛ տպագրական, թե՛ բանավոր, և Սերգեյ Իվանովիչը տեսավ, որ իր վեցամյա երկը, մշակված այնպիսի սիրով ու աշխատանքով, անցավ անհետ:

Սերգեյ Իվանովիչի վիճակն ավելի ևս ծանր էր այն պատճառով, որ զիրքը վերջացնելուց հետո նա այլևս չունեի կարիներտային աշխատանք, որն առաջ կլանում էր նրա ժամանակի մեծ մասը:

Սերգեյ Իվանովիչը խելոք էր, կրթված, առողջ, գործունյա և չգիտեր, թե ինչի՞ վրա սպառի իր գործունեությունը: Խոսակցությունները համազումարներում, ընդունարաններում, ժողովներում, կոմիտեներում, ամենուր, որտեղ կարելի էր խոսել, գրավում էին նրա ժամանակի մի մասը միայն. բայց նա, քաղաքի հին բնակիչ, թույլ չէր տալիս իրեն ամբողջովին տարվելու այդ խոսակցություններով, ինչպես անում էր նրա անփորձ եղբայրը, երբ լինում էր Մոսկվայում. էլի մնում էր շատ ազատ ժամանակ և մտավոր շատ ուժ:

Նրա բախտից, զրքի անհաջողության պատճառով նրա համար այդ ամենածանր ժամանակ օտարազգիների, ամերիկյան բարեկամների, Սամարայի սովի, ցուցահանդեսի, սպիրիտիզմի հարցերին սկսեց փոխարինել սլավոնական հարցը, որը մինչ այդ միայն մարմրում էր հասարակության մեջ, և Սեր-

գեյ Իվանովիչը, առաջ էլ լինելով այդ հարցը հարուցողներէջ մեկը, ամբողջովին տարվեց դրանով:

Այն մարդկանց շրջանում, որին պատկանում էր Սերգեյ Իվանովիչը, ուրիշ բանի մասին չէին խոսում ու գրում, բացի՝ սլավոնական հարցից և սերբական պատերազմից: Այն բոլորը, ինչ անում է սովորաբար պարապ ամբոխը, ժամանակ սպանելով, արվում էր այժմ հօգուտ սլավոնների: Պարահանդեսներ, համերգներ, ճաշեր, հանդիսավոր ճառեր, կանացի արդուզարդեր, գարեջուր, գինեխմբեր,— բոլորը, բոլորը վկայում էր սլավոններին կարեկցելու մասին:

Սերգեյ Իվանովիչը համաձայն չէր տվյալ հարցի շատ մանրամասնութիւններին, ինչ ասում և գրում էին այդ առթիվ: Նա տեսնում էր, որ սլավոնական հարցը դարձել է մեկն այն մոդայիկ հրապուրանքներից, որոնք միշտ փոխադրվելով իրար, հանդիսանում են հասարակութան համար զբաղմունքի առարկա: Տեսնում էր նաև այն, որ շատ մարդիկ նույն գործով զբաղվում են շահախնդրական, սնափառ նպատակներով: Նա ընդունում էր, որ թերթերը տպագրում են շատ անպետք ու շահազանց բաներ մի նպատակով միայն՝ ուշադրութեան արժանանալու և ուրիշներին ձայնախելող անելու համար: Նա տեսնում էր, որ հասարակութան տրամադրութեան այդ ընդհանուր բարձրացման պայմաններում առաջ էին վազում և մշտնադիմաց ավելի բարձրաձայն բղավում բոլոր ձախողակ ու անհատապես վիրավորված մարդիկ. գլխավոր հրամանատարներ՝ առանց բանակների, մինիստրներ՝ առանց մինիստրութիւնների, ժուռնալիստներ՝ առանց ամսագրերի, պարտիզանական խմբերի պետեր՝ առանց պարտիզանների: Նա տեսնում էր, որ այդտեղ կար թեթևամիտ ու ծիծաղելի շատ բան. բայց տեսնում և համարում էր աներկբա ծավալված այն խանդավառութիւնը, որը միավորում էր հասարակութեան բոլոր դասակարգերը, և որը չէր կարելի չհամակրել: Դավանակիցների ու սլավոն եղբայրների կոտորածը առաջացրեց կարեկցութիւն դեպի տառապողները և վրդովմունք դեպի հարստահարիչները: Եվ վեհ գործի համար պայքարող սերբերի ու չեքոսլովակների հերոսութիւնը ամբողջ ժողովրդի մեջ ցանկութիւն հարուցեց օգնելու իր եղբայրներին արդեն ո՛չ թե խոսքով, այլ գործով:

Բայց միաժամանակ կար մի այլ, Սերգեյ Իվանովիչի համար

ուրախալի երևույթ. դա հասարակական կարծիքի երևան գալն էր: Հասարակութիւնը որոշակիորեն արտահայտեց իր ցանկութիւնը: Ժողովրդական հոգին ստացավ արտահայտութիւն, ինչպես ասում էր Սերգեյ Իվանովիչը: Ու որքան ավելի էր նա զբաղվում այդ գործով, այնքան ավելի բացահայտորեն թվում էր նրան, թե դա մի գործ է, որ պետք է հասնի հսկայական շահերի, պետք է դարաշրջան կազմի:

Նա իրեն գլխովին նվիրեց այդ մեծ գործին ու մոռացավ, այլևս չէր մտածում իր գրքի մասին:

Նրա ամբողջ ժամանակն այժմ զբաղված էր, այնպես որ չէր հասցնում պատասխանելու իրեն ուղղված բոլոր նամակներին ու պահանջներին:

Աշխատելով ամբողջ գարունը և ամառվա մի մասը, նա հուլիս ամսին միայն պատրաստվեց գնալ գյուղ՝ եղբոր մոտ:

Նա գնում էր և հանգստանալու երկու շաբաթով, և ժողովրդի սրբութեան սրբոցի մեջ՝ գյուղական խուլ անկյունում՝ հրճվելու ժողովրդական ոգու այն բարձրացման տեսքով, որի մեջ լիովին համոզված էին նա ինքը և մայրաքաղաքների ու քաղաքների բոլոր բնակիչները: Նրա հետ գնաց Կատավասովը, որը վաղուց էր պատրաստվում կատարելու Լեինին արած իր խոստումը՝ այցելելու նրան:

II

Սերգեյ Իվանովիչն ու Կատավասովը հազիվ կարողացան մոտենալ ժողովրդով այսօր առանձնապես եռուն Կուրսկի երկաթուղու կայարանին և դուրս գալով կառնիքից, հազիվ տեսան իրենց ետևից իրերը բերող ծառայիկն, երբ կայարանին մոտեցան նաև կամավորները՝ շորս կառքով: Մաղկփնջերով կանայք դիմավորեցին կամավորներին ու սրանց ետևից հորդած ամբոխի ուղեկցութեամբ մտան կայարան:

Կամավորներին դիմավորող տիկիներին մեկը դուրս գալով դահլիճից, դիմեց Սերգեյ Իվանովիչին:

— Դուք է՛լ եք եկել ճանապարհ դնելու,— հարցրեց տիկիները ֆրանսերեն:

— Ո՛չ, ես ի՛նքս գնում եմ, իշխանուհի, հանգստանալու եղբորս մոտ: Իսկ դուք մի՛շտ ճանապարհ եք դնում,— ասաց Սերգեյ Իվանովիչը հազիվ նկատելի ժպիտով:

— Այլ կերպ չի՛ կարելի, — պատասխանեց իշխանուհին: — Ճի՛շտ է, որ մեր կողմից արդեն ուղարկված է ութ հարյուր: Մալվինսկին չէր հավատում ինձ:

— Ութ հարյուրից ավելի: Եթե հաշվենք նաև նրանց, ովքեր գնացել են ո՛չ ուղղակի Մոսկվայից, արդեն հազարից ավելի է, — ասաց Սերգեյ Իվանովիչը:

— Ա՛յ, ահա: Ես էլ էի ասում, — ուրախ արձագանքեց տիկինը: — Հո ճի՛շտ է, որ այժմ արդեն նվիրաբերված է մոտ մի միլիոն:

— Ավելին, իշխանուհի:

— Իսկ ի՛նչ հեռագիր է այսօրվա հեռագիրը: Նորից ջարդել են թուրքերին:

— Այո՛, ես կարդացի, — պատասխանեց Սերգեյ Իվանովիչը: Նրանք ասում էին վերջին հեռագրի մասին, որը հաստատում էր, որ երեք օր շարունակ թուրքերը ջարդվել են բոլոր կտեբրում ու փախչում են և որ վաղն սպասվում է վճռական ճակատամարտ:

— Ա՛խ, հա, գիտե՞ք, մի հիանալի երիտասարդ խնդրում էր՝ զնալ կամավոր: Չգիտեմ, ինչո՛ւ էին դժվարացնում: Ես ուզում էի խնդրել ձեզ, ճանաչում եմ նրան, բարի եղեք մի տոմս գրել: Նա ուղարկված է կոմսուհի Լիդիա Իվանովնայի կողմից:

Հարցնելով այն մանրամասները, որ գիտեր իշխանուհին կամավոր գնացող երիտասարդի մասին, Սերգեյ Իվանովիչը, անցնելով առաջին կարգի սրահը, տոմս գրեց այն անձին, որից կախված էր այդ գործը, և տվեց իշխանուհուն:

— Գիտե՞ք, կոմս Վոռնսկին, հայտնի... գնում է այս գնացքով, — ասաց իշխանուհին հանդիսավոր ու բազմանշանակալից ժպիտով, երբ Կոզնիշևը նորից գտավ իշխանուհուն ու հանձնեց տոմսը:

— Ես լսեցի, որ նա գնում է, բայց չգիտեի ե՛րբ: Ա՛յս գնացքով:

— Ես տեսա նրան: Նա այստեղ է. նրան ճանապարհ է գցում մայրը միայն: Այսուամենայնիվ՝ դա լավագույն բանն է, որ կարող էր նա անել:

— Օ՛, իհարկե:

Այն միջոցին, մինչ խոսում էին նրանք, ամբոխը նրանց մոտով հորդեց դեպի ճաշի սեղանը: Նրանք նույնպես մոտ գնա-

ցին ու լսեցին մի պարոնի բարձր ձայնը, որ ճառ էր ասում կամավորներին, բաժակը ձեռքին: «Մտառայել հանուն հավատի, հանուն մարդկության, հանուն մեր եղբայրների, — ասում էր պարոնը, հետզհետե ավելի բարձրացնելով ձայնը: — Մայր Մոսկվան օրհնում է ձեզ վե՛հ գործի: «Ժի՛վիս», — բարձրաձայն և արտասովալից եզրափակեց նա:

Ամենքը բղավեցին ժիվիս, և էլի մի նոր ամբոխ խուժեց դահլիճ ու քիչ մնաց, որ գետին գլորեր իշխանուհուն:

— Ա՛, իշխանուհի, ինչպես է, — փայլելով պայծառ ժպիտով, ասաց Ստեպան Արկադևիչը, որը հանկարծ հայտնվեց ամբոխի մեջտեղը: — Իսկապես փառավոր խոսեց, ջերմ շնչով ասաց, այնպես չէ՛: Բռավո: Սերգեյ Իվանովիչն էլ: Եթե դուք էլ ձեռք կողմից այդպես մի քանի խոսք ասեիք, գիտե՞ք, քաջալերական խոսք. դուք դա այնպես լավ կարող եք անել, — ավելացրեց նա քնքուշ, հարգալից և զգույշ ժպիտով, թեթև առաջ շարժելով Սերգեյ Իվանովիչին, բռնած նրա ձեռքից:

— Ո՛չ, ես գնում եմ:

— Ո՛ւր:

— Գլուղ, եղբորս մոտ, — պատասխանեց Սերգեյ Իվանովիչը:

— Ուրեմն, դուք կտեսնեք իմ կնոջը: Ես գրել եմ նրան, բայց դուք ավելի շուտ կտեսնեք, խնդրեմ, ասացեք նրան, որ տեսաք ինձ և որ all right¹. Նա կհասկանա: Սակայն բարի եղեք ասել նրան, որ ես նշանակվել եմ միացյալ հանձնաժողովի... Մի խոսքով, նա կհասկանա: Գիտե՞ք, Les petites misères de la vie humaine², — կարծես ներողություն խնդրելով, դիմեց Օբլոնսկին իշխանուհուն: — Իսկ Մյազկայան, ո՛չ թե Լիզան, այլ Բիբիշը, այսուամենայնիվ ուղարկում է հազար հրացան և տասներկու գթության ջուր: Ես չէի՝ ասում ձեզ:

— Այո՛, ես լսեցի, — պատասխանեց Կոզնիշևը դժկամորեն:

— Ափսո՛ս, որ դուք գնում եք, — ասաց Ստեպան Արկադևիչը: — Վաղը մենք ճաշ ենք տալիս երկու գնացողի՝ Դիմեր-

¹ Կեցցե:

² Ամեն ինչ կարգին է:

³ Մարդկային կյանքի փոքրիկ թուլություններ:

Բարտնյանսկուն Պետերրուրգից և մեր Վեսլովսկուն՝ Գրիշային: Երկուսն էլ գնում են: Վեսլովսկին նորերս ամուսնացավ: Ա՛յ, կտրիճ տղա: Այնպես չէ՞, իշխանուհի, — դիմեց նա տիկնոջը:

Իշխանուհին չպատասխանելով նրան, նայեց Կոզնիշկին: Բայց բնավ չէր շփոթեցնում Ստեպան Արկադևիչին այն հանգամանքը, որ Սերգեյ Իվանովիչը և իշխանուհին կարծես թե ուզում էին ազատվել նրանից: Նա ժպտալով նայում էր մերթ իշխանուհու գլխարկի փետուրին, մերթ իր շուրջը, ասես մի բան մտաբերելով: Տեսնելով հանգանակության տուփ տանող տիկնոջը, նա մոտ կանչեց նրան և դրեց տուփի մեջ հինգ ռուբլիանոց մի թղթադրամ:

— Չեմ կարող հանգիստ տեսնել այդ տուփերը, քանի դրամ ունեմ, — ասաց նա: — Իսկ ո՞նց է այսօրվա հեռագիրը: Ապրե՛ն շերտգորցիք:

— Ի՛նչ եք ասում, — ճշաց նա, երբ իշխանուհին ասաց նրան, որ Վոռնսկին գնում է այդ գնացքով: Մի վայրկյան Ստեպան Արկադևիչի դեմքն արտահայտեց տխրություն, բայց մի րոպեից հետո, երբ թեթև ցատկոտելով յուրաքանչյուր ոտի վրա և ուղղելով բակենբարդները, նա մտավ այն սենյակը, որտեղ գտնվում էր Վոռնսկին, Ստեպան Արկադևիչն արդեն մոռացավ իր հուսահատական հեկեկանքը քրոջ դիակի առաջ ու տեսավ հանձին Վոռնսկու: միայն հերոսի և վաղեմի բարեկամի:

— Իր բոլոր թերություններով հանդերձ չի կարելի նրան արժանին չհատուցել, — ասաց իշխանուհին Սերգեյ Իվանովիչին, հենց որ Օբլոնսկին հեռացավ նրանցից: — Հիրավի, լիովին ուսական, սլավոնական բնավորություն: Միայն ես վախենում եմ, որ Վոռնսկու համար անախորժ լինի նրան տեսնելը: Ինչ կուզեք ասեք, ինձ հուզում է այդ մտրդու ճակատագիրը: Ծանապարհին խոսեք նրա հետ, — ասաց իշխանուհին:

— Այո՛, կարող է պատահել, որ խոսեմ, եթե առիթ լինի:

— Ես երբեք չեմ սիրել նրան: Բայց այս արարքը շատ բան է քավում: Նա ո՛չ միայն ինքն է գնում, այլև իր հաշվին տանում է մի էսկադրոն:

— Այո՛, ես լսեցի:

Լավեց զանգի ձայն: Ամենքը խռնվեցին դեպի դռները:

— Ահա նա, — ասաց իշխանուհին, ցույց տալով Վոռնսկուն՝ երկար վերարկուով և լայնեզր սև գլխարկով, մոր հետ թևանցուկ գնալիս: Օբլոնսկին գնում էր նրա կողքից, աշխուժությամբ պատմելով ինչ-որ բան:

Վոռնսկին խոժոռված նայում էր իր դիմաց, կարծես շտեմելով այն, ինչ ասում էր Ստեպան Արկադևիչը:

Երևի, Օբլոնսկու ցուցմունքով, նա նայեց այն կողմ, որտեղ կանգնել էին իշխանուհին ու Սերգեյ Իվանովիչը, և լուռ բարձրացրեց գլխարկը: Նրա ձեռացած ու տառապանք արտահայտող դեմքը թվում էր քարացած:

Դուրս գալով կառամատույց, Վոռնսկին լուռ առաջ գցելով մորը, գնաց մտավ վազոնի բաժանմունքը:

Կառամատույցում լավեցին տե՛ր, պանիք կայսրին, հետաուռա՞ և ժի՛վիս բացականշությունները: Կամավորներից մեկը՝ բարձրահասակ, շատ շահել մի երիտասարդ, ներս ընկած կրծքով, առանձնապես նկատելի կերպով գլխառդջույն էր տալիս, թափահարելով օդի մեջ թաղիքե գլխարկը և ծաղկեփունջը: Նրա ետևից գլուխները դուրս էին հանում, նույնպես ողջունելով, երկու սպա և մի հասակավոր մարդ՝ մեծ մորուքով, ճարպոտած գդակով:

III

Հրածեշտ տալով իշխանուհուն, Սերգեյ Իվանովիչը մոտ եկած Կատավասովի հետ մտավ ծայրեծայր լեցուն վազոնը, և գնացքը շարժվեց:

Ցարիցին կայսրանում գնացքը դիմավորեցին մի խումբ երիտասարդներ, որոնք երգում էին «Յնծա՛»): Կամավորները նրից ողջունում էին և գլուխները դուրս ցցում պատուհաններից, բայց Սերգեյ Իվանովիչը ուշադրություն չէր դարձնում նրանց վրա. նա այնքան շատ գործ էր ունեցել կամավորների հետ, որ արդեն գիտեր նրանց ընդհանուր տիպը, և դա չէր հետաքրքրում նրան: Իսկ Կատավասովը տարված իր գիտական զբաղմունքներով, առիթ չէր ունեցել դիտելու կամավորներին, այժմ շատ հետաքրքրվում էր նրանցով և հարցափորձ էր անում նրանց մասին Սերգեյ Իվանովիչին:

Սերգեյ Իվանովիչը խորհուրդ տվեց նրան՝ գնալ երկրորդ

կարգի վագոն և անձամբ խոսել նրանց հետ: Հետևյալ կայարանում Կատավասովը կատարեց այդ խորհուրդը:

Առաջին կանգառում նա անցավ երկրորդ կարգը և ծանոթացավ կամավորների հետ: Նրանք նստել էին վագոնի անկյունում, բարձրաձայն զրուցելով ու հայտնապես իմանալով, որ ուղևորների և ներս մտած Կատավասովի ուշադրության կենտրոնն իրենք են: Ամենքից ավելի բարձր էր խոսում ներսը նկած կրճքով բարձրահասակ պատանին: Նա, ըստ հրևույթին, հարբած էր և պատմում էր իրենց հիմնարկում պատահած ինչ-որ դեպքի մասին: Նրա դիմաց նստել էր արդեն ո՛չ երիտասարդ մի սպա, ավստրիական զվարդիայի համազգեստի զինվորական ֆուֆայկայով: Նա ժպտալով լսում էր պատմողին ու կանգնեցնում էր նրան: Երրորդը, հրետանային համազգեստով, նստել էր նրանց մոտ, ճամպրուկի վրա: Զորորդը քնած էր:

Խոսակցության բռնվելով պատանու հետ, Կատավասովն իմացավ հետևյալը. դա մոսկվացի հարուստ վաճառական էր, որը մինչև քսաներկու տարեկան հասակը վատնել էր մեծ կարողություն: Նա դուր չեկավ Կատավասովին այն պատճառով, որ փափկակեցության ընտելացած, երես առած ու վատառողջ մեկն էր: Նա հայտնապես հավատացած էր, մանավանդ այժմ՝ խմելուց հետո, որ կատարում է հերոսական գործ, և պարծենում էր ամենատհաճ ձևով:

Մյուսը՝ պաշտոնաթող սպան, նույնպես անախորժ տպավորություն թողեց Կատավասովի վրա: Ինչպես երևում է, ամեն բան փորձած մարդ էր: Նա ծառայել էր և՛ երկաթուղու վրա, եղել էր և՛ կառավարիչ, ինքն էլ հիմնել էր ֆաբրիկաներ, խոսում էր ամեն բանի մասին, առանց որևէ կարիքի և անտեղի գործածելով գիտական բառեր:

Երրորդը, հրետանավորը, ընդհակառակն՝ շատ դուր եկավ Կատավասովին: Նա համեստ, հանգիստ մարդ էր, որ հայտնապես խոնարհվում էր զվարդիայի պաշտոնաթող սպայի գիտության ու վաճառականի հերոսական անձնագոհության առաջ և իր մասին ոչինչ չէր խոսում: Երբ Կատավասովը հարցրեց, թե ի՞նչը դրոշմը նրան գնալ Սեբրիա, նա համեստորեն պատասխանեց.

— Է՛հ, ի՛նչ արած. ամենքը գնում են: Պետք է օգնել նաև սերբերին: Մեղք էն:

— Այո՛, մանավանդ, որ հրետանավորներ այնտեղ քիչ կան,— ասաց Կատավասովը:

— Բայց ես քիչ եմ ծառայել հրետանում, գուցե ինձ նշանակեն հետևազորի կամ հեծելազորի մեջ:

— Ո՛նց թե հետևազորի մեջ, երբ ամենից ավելի հրետանավորների կարիք կա,— ասաց Կատավասովը, նրա տարիքից ենթադրելով, որ նա արդեն պետք է ունենա բավական բարձր աստիճան:

— Ես քիչ եմ ծառայել հրետանազորում, ես հրաժարական տվի յունկեր եղած ժամանակս,— ասաց նա և սկսեց պատմել, թե ինչո՛ւ քննություն չբռնեց:

Այս բոլորը միասին վատ տպավորություն թողեցին Կատավասովի վրա, և երբ կամավորները դուրս եկան կայարան խմելու, Կատավասովն ուզում էր մեկն ու մեկի հետ զրուցելով ստուգել իր աննպաստ տպավորությունը: Զինվորական վերարկուով մի ծերունի ուղևոր ամբողջ ժամանակ ականջ էր դնում կամավորների հետ Կատավասովի սկսած խոսակցությանը: Մնալով նրա հետ մենակ, Կատավասովը դիմեց նրան:

— Այո՛, դրությունների ի՛նչ բազմապիստություն կա բոլոր այս մարդկանց մեջ, որոնք ուղևորվում են այնտեղ,— անորոշ ասաց Կատավասովը, կամենալով արտահայտել իր կարծիքը և միաժամանակ իմանալ ծերունու կարծիքը:

Երուկը եղել էր զինվորական և մասնակցել երկու ռազմարշավի: Նա գիտեր, թե ի՛նչ բան է զինվորական մարդը, և այդ պարունների տեսքից ու խոսակցությունից, և այն քաջեռանդից, որով նրանք ճանապարհին ծծում էին օդով լի տափաշշերը, նա նրանց համարում էր վատ զինվորական: Բացի դրանից, նա գավառական քաղաքի բնակիչ էր և ուզում էր պատմել, թե ինչպես իրենց քաղաքից անժամկետ, հարբեցող ու գող մի զինվոր գնաց կամավոր, որին ոչ ոք այլևս աշխատանքի չէր վերցնում: Բայց փորձից իմանալով, թե հասարակության այժմյան տրամադրությամբ վտանգավոր է ընդհանուր կարծիքին հակառակ կարծիք հայտնել և, մանավանդ, դատապարտել կամավորներին, նա նույնպես դիտում, հետազոտում էր Կատավասովին:

— Ի՞նչ արած. չէ՞ որ այնտեղ մարդիկ են պետք,— ասաց նա, ծիծաղելով աչքերով: Եվ նրանք խոսեցին վերջին ռազմական նորութեան մասին, ու երկուսն էլ իրարից թաքցրին իրենց տարակուսանքն այն առթիվ, թե ո՛ւմ հետ է վաղը ճակատամարտ սպասվում, երբ թուրքերը, համաձայն վերջին տեղեկութեան, շարդված են բոլոր կետերում: Եվ այսպես բաժանվեցին նրանք իրարից, առանց հայտնելու իրենց կարծիքը:

Կատավաստվը մտնելով իր վագոնը, ակամա կեղծելով, պատմեց Սերգեյ Իվանովիչին իր դիտողությունները կամավորներին մասին, որից երևաց, որ նրանք հիանալի տղաներ էին:

Մեծ կայարանում՝ քաղաքում, նորից դիմավորեցին կամավորներին երգով ու բացականչություններով, նորից հանդես եկան տուփերով հանգանակություն անող կանայք ու տղամարդիկ, և նորից նահանգական տիկիները ծաղկեփնջեր մատուցեցին կամավորներին ու նրանց ետևից գնացին բուֆետ. այս բոլորն արդեն շատ ավելի թույլ էր և փոքր ծավալով, քան Մոսկվայում:

IV

Նահանգական քաղաքում կանգառի միջոցին Սերգեյ Իվանովիչը չգնաց բուֆետ, այլ սկսեց ետ ու առաջ քայլել կառամատույցում:

Առաջին անգամ անցնելով Վոնսկու բաժանմունքի մոտով, նա նկատեց, որ լուսամուտի վարագույրը փակ էր: Բայց անցնելով երկրորդ անգամ, նա տեսավ լուսամուտի առաջ պատավ կոմսուհուն: Վերջինս կանչեց իր մոտ Կոզլիշկին:

— Ահա գնում եմ, ճանապարհ եմ դնում նրան մինչև Կուրսկ,— ասաց կոմսուհին:

— Այո՛, ես լսեցի,— ասաց Սերգեյ Իվանովիչը, կանգ առնելով կոմսուհու պատուհանի մոտ ու ներս նայելով:— Ի՞նչ հիանալի բնութագիծ նրա կողմից,— ավելացրեց նա, նկատելով, որ Վոնսկին բաժանմունքում չէ:

— Այո՛, այո՛, այն դժբախտությունից հետո էլ ի՞նչ պիտի աներ նա:

— Ի՞նչ սոսկալի դեպք,— ասաց Սերգեյ Իվանովիչը:

— Ա՛խ, ի՞նչ ապրումներ ունեցա ես: Ներս եկեք... Ա՛խ, ի՞նչ ապրումներ ունեցա ես,— կրկնեց կոմսուհին, երբ Սերգեյ Իվանովիչը ներս մտավ ու նստեց նրա կողքին, բազմոցին: Դա անկարելի է երևակայել: Վեց շաբաթ նա շէր խոսում ոչ ոքի հետ և ուսում էր միայն այն ժամանակ, երբ ես աղաչում. աղերսում էի նրան: Եվ ո՛չ մի ընդհատում չէր կարելի նրան թողնել մենակ: Մենք վերցրինք, թաքցրինք ամեն բան, որով նա կորոզ էր ինքնասպանություն գործել: Մենք ապրում էինք ներքևի հարկում, բայց չէր կարելի ոչինչ նախատեսել: Գուր հո գիտեք, որ նա մի անգամ, ինքնասպանության փորձ արեց այդ նույն կնոջ պատճառով,— ասաց կոմսուհին, և նրա հոնքերը կիտվեցին այդ հիշողությունից:— Այո՛, նա վերջացրեց այնպես, ինչպես պետք է վերջացներ այդպիսի կինը: Մինչև անգամ մահն էլ նա ընտրեց ստոր, անարգ:

— Մե՛նք չէ, որ պիտի դատենք, կոմսուհի,— ասաց Սերգեյ Իվանովիչը հառաչանքով,— բայց ես հասկանում եմ, թե ձեզ համար որքա՞ն ծանր էր այդ:

— Ա՛խ, էլ մի ասեք: Ես ապրում էի իմ կալվածքում, և Ալեքսեյն ինձ մոտ էր: Բերում են մի տոմս: Նա պատասխան գրեց և ուղարկեց: Մենք ոչինչ չգիտեինք, որ նա այդ ժամանակ եղել է կայարանում: Երեկոյան, երբ ես գնացի իմ սենյակը, իմ Մերին հայտնում է ինձ, որ կայարանում մի տիկին իրեն գցել է գնացքի տակ: Կարծես մի բանով խփեցին գլխիս: Ես հասկացա, որ դա նա է: Առաջինը, ինչ ասացի ես՝ ոչինչ չհայտնել Ալեքսեյին: Բայց նրանք արդեն ասել էին: Նրա կառապանն այնտեղ էր ու տեսել էր բոլորը: Երբ ես վազեցի նրա սենյակը, նա արդեն գլուխը կորցրել էր, սոսկալի էր նրա վրա նայելը: Նա ո՛չ մի խոսք չասաց ու վազեց այնտեղ: Ես չգիտեմ, թե ի՞նչ էր կատարվել այնտեղ, բայց նրան բերեցին մեռածի պես: Ես չէի կարող ճանաչել նրան: Frustration complete՝ ասում էր բժիշկը: Հետո սկսվեց գրեթե կատաղություն: Ա՛խ, ի՞նչ ասեմ,— ասաց կոմսուհին, անելով ձեռքի հուսահատական շարժում:— Սոսկալի՞ ժամանակ. ո՛չ, ի՞նչ կողք ասեք, վատ կին էր, վատ: Ի՞նչ վայրենի, հուսահատական կիրք: Ինչ-որ հասարակ բան ապացուցելու մոլություն: Եվ նա

¹ Ուժերի լիակատար անկում:

ապացուցեց: Նա կործանեց իրեն և երկու հիանալի մարդու՝ իր ամուսնուն և իմ դժբախտ որդուն:

— Իսկ ինչպե՞ս է նրա ամուսինը,— հարցրեց Սերգեյ Իվանովիչը:

— Նա վերցրեց այդ կնոջ աղջկան: Ալլոշան սկզբում ամեն բանի համաձայն էր: Բայց հիմա նրան սաստիկ տանջում է այն, որ նա իր աղջկան տվեց օտար մարդու: Բայց չի կարող ետ վերցնել տված խոսքը: Կարենինը եկել էր թաղմանը: Բայց մենք աշխատում էինք, որ նա չհանդիպեր Ալլոշային: Նրա համար, այսինքն՝ ամուսնու համար դա, այսուամենայնիվ, ավելի թեթև էր: Այդ կինը նրան ազատեց կաշկանդումից: Բայց իմ խեղճ որդին գլխովին անձնատուր եղավ այդ կնոջը: Թողեց ամեն ինչ՝ կարիերա, ինձ, և այս բոլորից հետո էլ այդ կինը շիղճաց նրան, այլ դիտմամբ բոլորովին խորտակեց նրա կյանքը: Ո՛չ, ինչ ուզում եք ասեք, նրա մահն ինքնին անկրոն, գարշելի կնոջ մահ է: Թող ների ինձ աստված, բայց ես չեմ կարող շատել այդ կնոջ հիշատակը, տեսնելով որդուս կործանումը:

— Սակայն հիմա ինչպե՞ս է նա:

— Աստված մեզ օգնեց, որ սկսվեց այդ սերբական պատերազմը: Ես ծեր կին եմ, ոչինչ չեմ հասկանում այդ բանից, բայց դա աստված ուղարկեց նրա՝ համար: Հասկանալի է, որ ինձ համար, որպես մոր, դա սարսափելի է. և որ գլխավորն է, ասում են, իբր ce n'est pas très bien vu à Pétersburg¹: Բայց ի՞նչ արած: Միակ բանը, որ կարող էր բարձրացնել նրան: Ծաղվիրը՝ նրա ընկերը, բոլորը տանուլ տվեց թղթախաղում և պատրաստվում էր գնալ Սերբիա: Նա եկավ մոտն ու համոզեց: Այժմ դա՛ է զբաղեցնում նրան: Խնդրեմ խոսեք նրա հետ, կուզենայի որ ցրվեր մի քիչ: Նա այնպես տխուր է: Հակառակի պես՝ ատամներն էլ ցավում են: Իսկ ձեզ հետ տեսնվելուց նա շատ կուրախանա: Բարի եղեք, խնդրեմ, խոսել նրա հետ, նա ման է գալիս այս կողմից:

Սերգեյ Իվանովիչն ասաց, որ շատ ուրախ է, և անցավ գնացքի մյուս կողմը:

Կառամատույցում թափած պարկերի երեկոյան շեղակի ստվերում Վոռնսկին, հագած երկար վերարկու և զխարկը քաշած աչքերին, ձեռքերը զրպաններում, քայլում էր, ինչպես զազանը վանդակում, արագ ետ դառնալով քսաներորդ քայլից: Սերգեյ Իվանովիչին թվաց, երբ մոտենում էր նրան, որ Վոռնսկին տեսնում է իրեն, բայց ձևանում է, իբր չի տեսնում: Սերգեյ Իվանովիչի համար դա միևնույն էր: Նա բարձր էր կանգնած Վոռնսկու հետ եղած ամեն անձնական հաշիվներից:

Այդ բուպեին Վոռնսկին Սերգեյ Իվանովիչի աչքերում կարևոր գործիչ էր մի մեծ գործի համար, և Կոզնիշևն իր պարտքն էր համարում քաջալերել ու խրախուսել նրան: Նա մոտեցավ Վոռնսկուն:

Վոռնսկին կանգ առավ, խորազնին նայեց, ճանաչեց և մի քանի քայլ ընդառաջելով Սերգեյ Իվանովիչին, ամուր սեղմեց նրա ձեռքը:

— Գուցե դուք չէիք կամենում տեսնվել ինձ հետ,— ասաց Սերգեյ Իվանովիչը.— բայց արդյոք ես չե՞մ կարող օգտակար լինել ձեզ:

— Ամենից քիչ անախորժ է ինձ համար ձեզ հետ հանդիպելը, քան ուրիշ մեկի,— ասաց Վոռնսկին: Ներեցեք ինձ: Կյանքում ինձ համար հաճելի ոչինչ չկա:

— Ես հասկանում եմ և կուզենայի առաջարկել ձեզ իմ ծառայությունը,— ասաց Սերգեյ Իվանովիչը, խորազնին նայելով Վոռնսկու հայտնապես տանջվող դեմքին:— Արդյոք ձեզ նամակ պե՞տք է, ուղղված Ռիստիչին, Միլանին:

— Օ՛, ո՛չ,— ասաց Վոռնսկին, կարծես դժվարությամբ հասկանալով:— Եթե ձեզ համար միևնույն է, ապա քայլենք այստեղ: Վազոններում այնպես տոթ է: Նամակ: Ո՛չ, շնորհակալ եմ. մեռնելու համար հանձնարարականներ պետք չեն: Գուցե հանձնարարական թուրքերի՞ն...— ասաց նա, ժպտալով միայն բերանով: Աչքերի մեջ նկատվում էր էլի նույն բարկացած-տառապող արտահայտությունը:

— Այո՛, բայց թերևս ձեզ համար ավելի հեշտ կլինի նախապատրաստված մարդու հետ հաստատել հարաբերություններ, որոնք, այսուամենայնիվ, անհրաժեշտ են: Սակայն ինչ-

¹ Այդ բանին խեթ աչքով են նայում Գետերբուրգում:

պես կամենաք: Ես շատ ուրախ էի, լսելով ձեր որոշման մասին: Առանց այդ էլ հարձակումներն այնքան շատ են կամավորների վրա, որ ձեզ նման մարդը կբարձրացնի հասարակական կարծիքը նրանց հանդեպ:

— Ես, որպես մարդ, լավ եմ այն տեսակետից, — ասաց Վոռնսկին, — որ կյանքն ինձ համար ոչինչ չարժե: Իսկ որ իմ մեջ կա բավարար չափով ֆիզիկական եռանդ, որպեսզի մըխվեմ կառնի մեջ և տրորեմ կամ ընկնեմ, — այդ ես գիտեմ: Ես ուրախ եմ, որ կա մի բան, ինչի համար արժե զոհաբերել կյանքը, որը ոչ թե պետք չէ ինձ, այլ դարձել է զզվելի: Մեկն ու մեկին պետք կգաս: — Եվ նա այտոսկրով արեց անհամբեր շարժում ատամի տնքացող ցավից, որը խանգարում էր նրան նույնիսկ խոսելու այն արտահայտությամբ, որով ուզում էր խոսել:

— Դուք կվերածնվեք, նախագուշակում եմ ես, — ասաց Սերգեյ Իվանովիչը, զգալով իրեն հուզված: — Իր եղբայրների ազատումը բռնություն լծից մի նպատակ է, արժանի և՛ մահվան, և՛ կյանքի: Տա՛ աստված ձեզ արտաքին հաջողություն և ներքին խաղաղություն, — ավելացրեց նա ու պարզեց ձեռքը: Վոռնսկին ամուր սեղմեց Սերգեյ Իվանովիչի մեկնած ձեռքը:

— Այո՛, որպես գործիք, ես կարող եմ որևէ դանի պետք գալ: Բայց որպես մարդ, ես ավերակ եմ, — ասաց նա հատուկ հատ:

Ամուր ատամի մորմոքիչ ցավը լցնելով նրա բերանը թքով, խանգարում էր խոսել: Նա լռեց, խորազնին նայելով ռեյսերի վրայից դանդաղ ու սահիկ գլորվող տենդերի անիվներին:

Ու հանկարծ, բոլորովին մի ուրիշ բան, ո՛չ թե ցավը, այլ ընդհանուր տանջալից ներքին անհարմար ինքնազգացումը ստիպեց նրան մի վայրկյան մոռանալ ատամի ցավը: Տենդերին ու ռեյսերին նայելիս, ծանոթի հետ խոսակցելու ազդեցության տակ, ծանոթի, որին չէր պատահել իր դժբախտությունից հետո, Վոռնսկին հանկարծ մտաբերեց Նրան, այսինքն այն, ինչ դեռ մնացել էր նրանից, երբ ինքը խելագարի պես ներս վազեց երկաթուղու կայարանի զորանոցը. զորանոցի սեղանի վրա օտար մարդկանց մեջ անամոթաբար ձգված էր արնաշաղախ մարմինը, դեռ երեկ լի կյանքով. անվթար

գլուխը ետ էր գցած իր ծանր ծամերով ու գանգրահյուս մազերով քունքերին, և կիսաբաց վարդագույն բերանով սքանչելի դեմքին սառել էր մի արտահայտություն, — տարօրինակ ու խղճուկ՝ շուրթերին, սոսկալի՝ պաղած բաց աչքերին, որը կարծես խոսքերով ասում էր այն սարսափելի բառը, ինչ ասաց Աննան վեճի ժամանակ այն մասին, թե կղղջա Վոռնսկին:

Եվ Վոռնսկին աշխատում էր հիշել նրան այնպես, ինչպես սին էր նա այն ժամանակ, երբ ինքն առաջին անգամ պատահեց նրան նույնպես կայարանում, խորհրդավոր, գեղանի, սիրող. երջանկություն փնտրող ու երջանկություն տվող, և ո՛չ թե դաժանորեն վրեժխնդիր, ինչպես հիշում էր ինքը նրան վերջին թուրքի: Վոռնսկին աշխատում էր հիշել իր լավագույն թուրքները նրա հետ. բայց այդ թուրքները թունավորված էին ընդմիջաբան: Վոռնսկին հիշում էր նրա հաղթական, ոչ ոքի համար պետքական, բայց անջնջելի զղջման կատարված սպառնալիքը: Վոռնսկին այլևս չէր զգում ատամի ցավը, և հեկեկանքը ծովանք նրա դեմքը:

Մի երկու անգամ լուռ անցնելով պարկերի մոտով ու տիրապետելով իրեն, նա հանդիստ դիմեց Սերգեյ Իվանովիչին.

— Հեռագիր չունե՞ք երեկվա հեռագրից հետո: Այո՛, ջարդել են երրորդ անգամ, բայց վաղվա համար սպասվում է վճռական ճակատամարտ:

Ու խոսելով նաև Միլանին թագավոր հայտարարելու և այն հսկայական հետևանքների մասին, որ կարող է ունենալ դա, նրանք երկրորդ գանգից հետո գնացին իրենց վազոնները:

VI

Զիմանալով, թե ե՛րբ կարող է ինքը մեկնել Մոսկվայից, Սերգեյ Իվանովիչը չհեռագրեց եղբորը, որպեսզի կառք ուղարկեն իր ետևից: Լեինը տանը չէր, երբ Կատավաստվն ու Սերգեյ Իվանովիչը, կայարանում վերցրած տարանտասով, փոշոտված՝ ինչպես նեզը, ցերեկվա ժամը 12-ին մոտեցան Պոկրովսկոյեի տան արտաքին սանդուղքներին: Կիտին, հոր և քրոջ հետ նստած պատշգամբում, ճանաչեց տազրի՛ն ու վազեց ներքև, դիմավորելու նրան:

— Ամոթ չէ՞, որ իմաց չեք տվել, — ասաց նա, ձեռքը տալով Սերգեյ Իվանովիչին ու դիմ անելով նրան ճակատը:

միաժամանակ զգացին իրենց հանգստացած և երկուսն էլ հանդարտվեցին:

— Սակայն խեղճ մանչուկս ամբողջովին բլտնած է,— ասաց Կիտին շշուկով շոշափելով երեխային:— Իսկ դուք ինչո՞ւ եք կարծում, որ ճանաչում է,— ավելացրեց նա, շեղակի նայելով խորամանկորեն,— ինչպես թվում էր նրան,— առաջ սողացած շեպչիկի տակից նայող երեխայի աչքերին, համաշափորեն փքվող նրա թուշիկներին և կարմիր ափով թաթիկին, որով նա անում էր շրջանաձև շարժումներ:

— Զի՛ կարող պատահել: Եթե ճանաչել կարողանար, ի՛նձ պիտի ճանաչեր,— ասաց Կիտին Ագաֆյա Միխայլովնայի պնդումի առթիվ ու ժպտաց:

Կիտին ժպտաց այն բանի համար, որ թեպետ ինքն ասում էր, թե մանչուկը չի կարող ճանաչել, բայց սրտով գիտեր, որ նա ճանաչում է ո՛չ միայն Ագաֆյա Միխայլովնային, այլև գիտե ու հասկանում է ամեն ինչ, և գիտե ու հասկանում է էլի շատ այնպիսի բան, ինչը ոչ ոք չգիտե և ինչն ինքը՝ նրա մայրը, իմացավ ու սկսեց հասկանալ միայն մանչուկի շնորհիվ: Ագաֆյա Միխայլովնայի համար, դայակի, պապի, նույնիսկ հոր համար Միտյան կենդանի էակ էր, որ պահանջում էր միայն նյութական հոգս ու խնամք. բայց մոր համար վաղուց արդեն նա բարոյական էակ էր, որի հետ արդեն կար հոգեկան հարաբերությունների մի ամբողջ պատմություն:

— Ա՛յ. ահա աստված տա զարթնի, դուք ինքներդ կտեսնեք: Հենց որ ես էսպես եմ անում, նա, աղունիկս, ամբողջովին պայծառանում է: Հենց էդպես էլ պայծառանում է, ոնց որ պայծառ օր,— ասում էր Ագաֆյա Միխայլովնան:

— Դե՛, լա՛վ, լա՛վ, կտեսնենք,— շնչաց Կիտին:— Հիմա գնացե՛ք, նա քնում է:

VII

Ագաֆյա Միխայլովնան դուրս գնաց ոտների ծայրերի վրա. դայակն իջեցրեց վարագույրները, դուրս քշեց մահճակալի մարմաշի առագաստի տակից ճանճերը և ձիապիծակը, որ թպրտում էր շրջանակի ապակու վրա, ու նստեց,

թափահարելով կեչիի թառամող ոստը մոր և երեխայի գլխին: — Շոգ եմ ասում, հա՛, շոգ. երեկ, աստված մի անձրև տար,— ասում է նա:

— Հա՛, ճա՛, շը՛-շը՛-շը՛... — լոկ պատասխանեց Կիտին, թեթև օրորվելով ու քնքշաբար սեղմելով, դաստակին կարծես թել կապած, փամփիկ թաթիկը, որը Միտյան շարժում էր ավելի ու ավելի թույլ. մերթ փակելով, մերթ բանալով աշիկները: Այդ թաթիկը շփոթեցնում էր Կիտին. նա ուզում էր համբուրել այն, բայց վախենում էր, չլինի թե արթնացնի երեխային: Թաթիկը վերջապես դադարեց շարժվելուց, և աչքերը փակվեցին: Երբեմն, միայն, շարունակելով իր գործը, երեխան բարձրացնում էր իր երկար, ծալ առած արտևանունքները, նայում էր մորը կիսախավարի մեջ սև թվացող թաց աչքերով: Դայակը դադարեց ոստը թափահարելուց ու նիհճեց: Վերևից լսվեց ծերունի իշխանի ձայնի որոտը և Կատավասովի քրքիչը:

«Երևի, գրույցի բռնվեցին առանց ինձ,— մտածում էր Կիտին,— բայց ափսոս, որ Կոստյան չկա: Հավանորեն նորից գնացել է մեղվանոց: Թեպետև տխուր է, որ նա հաճախ է լինում այնտեղ, այնուամենայնիվ՝ ես ուրախ եմ: Դա բավականություն է պատճառում նրան: Այժմ նա ավելի ուրախ է և ավելի լավ քան գարնանը: Թե չէ՛ նա այնպես մոռալ էր ու այնպես տանջվում էր, որ ես սկսում էի սոսկալ նրա համար: Եվ ի՛նչ ծիծաղելին է նա», շնչաց Կիտին, ժպտալով:

Նա գիտեր, թե ի՛նչն էր տանջում իր ամուսնուն: Դա լեհինի անհավատ լինելն էր: Չնայած այն բանին, որ եթե հարցնեին Կիտինին, արդյոք ենթադրո՞ւմ է ինքը, որ ապագա կյանքում կկործանվի իր ամուսինը, եթե մնա անհավատ, Կիտին պիտի համաձայներ, որ նա կկործանվի, Բայց և այնպես ամուսնու անհավատ լինելը դժբախտություն չէր պատճառում կնոջը. և Կիտին, ընդունելով հանդերձ, որ անհավատի համար չի կարող փրկություն լինել, ու աշխարհիս երեսին ամենից ավելի սիրելով իր ամուսնու հոգին, ժպիտով էր մտածում նրա անհավատության մասին և ասում էր ինքն իրեն, թե նա ծիծաղելի մարդ է:

«Ինչի՞ համար է նա ամբողջ տարի շարունակ կարդում ինչ-որ փիլիսոփայություններ,— մտածում էր Կիտին:— Եթե այդ

բայրը գրված է այդ գրքերում, ուրեմն նա կարող է հասնել
կանալ: Իսկ եթե ճիշտ չէ գրված այնտեղ, էլ ինչո՞ւ կարգալու
նա ինքն ասում է, որ կուզենար հավատալ: Հապա էլ ինչո՞ւ
չի հավատում: Երևի պատճառն այն է, որ շատ է մտածում:
Իսկ շատ է մտածում մեկուսացումից: Շարունակ մենակ է
ու մենակ: Մեզ հետ նա չի կարող ամեն բանի մասին խո-
սել: Ես կարծում եմ, նրա համար հաճելի կլինեն այս հյու-
րերը, մանավանդ Կատավասովը: Նա սիրում է դատողու-
թյուններ անել նրա հետ», մտածեց Կիտին և անմիջապես
մտքով անցավ այն հարցին, թե որտե՞ղ ավելի հարմար է
Կատավասովին տեղավորել քնելու՝ առանձի՞ն, թե՞ Սերգեյ
Իվանովիչի հետ: Ու այդտեղ հանկարծ նրա գլուխն եկավ մի
միտք, որը ստիպեց նրան ցնցվել հուզմունքից և նույնիսկ ան-
հանգստացնել Միտայիին, որը դրա համար նայեց մորը
խիստ հայացքով: «Կարծեմ լվացարարուհին դեռ չի բերել
սպիտակեղենը, իսկ հյուրերի համար անկողնի սպիտակեղեն
չկա: Եթե կարգադրություն չարվի, Ազաֆյա Միխայլովնան
գործածված սպիտակեղեն կտա Սերգեյ Իվանովիչին, և դրա
մասին մտածելուց հենց՝ արյունը խփեց Կիտիի երեսին:

«Այո՛, ես կկարգադրեմ», վճռեց նա ու վերադառնալով իր
առաջվա մտքերին, հիշեց, որ հոգեկան ինչ-որ կարևոր բան
դեռ մինչև վերջ չի մտածված, և սկսեց մտաբերել, թե ի՞նչ է
այդ: «Հա՛, Կոստյան անհավատ է», հիշեց նա նորից
ժպիտով:

«Է՛հ, անհավատ է: Ավելի լավ է, թող նա միշտ այդպես
լինի, քան տիկին Շտալը, կամ ինչպես ես էի ուզում լինել
այն ժամանակ՝ արտասահմանում: Ո՛չ, ինչ էլ լինի, նա
չի՛ ձևանա»:

Եվ մոտիկ անցյալում ամուսնու բարությունը բնորոշող
գիծը վառ կերպով պատկերացավ Կիտիին: Երկու շաբաթ
առաջ ստացվեց Ստեպան Արկաղեիչի զղջացող նամակը, ուզ-
ղած Գոլլիին: Օբլոնսկին խնդրում էր կնոջը՝ փրկել իր պա-
տիվը, ծախել կալվածքը՝ պարտքերը վճարելու համար: Գոլ-
լին հուսահատության մեջ էր, ասում էր ամուսնուն, արհա-
մարհում էր, խղճում էր, ուզում էր բաժանվել նրանից, մեր-
ժել, բայց այս բոլորը վերջացավ նրանով, որ համաձայնեց
Փախել իր բաժին կալվածքը: Գրանից հետո Կիտին հիացքի

ակամա ժպիտով հիշեց իր ամուսնու ամաչկոտությունը, նրա
բազմիցս անհարմար մոտեցումն իրեն զբաղեցնող գործին և
այն, թե ինչպե՞ս նա վերջապես մտածեց Գոլլիին օգնելու
միակ միջոցը, առանց վիրավորելու նրան, այսինքն՝ առա-
ջարկել Կիտիին՝ իր բաժին կալվածքը տալ բրոջը, ինչի մա-
սին ինքը գլխի շէր ընկնում առաջ:

«Էլ ի՞նչ անհավատ է նա: Այդպիսի սրտո՞ւմ, վախի այդ-
պիսի զգացումով, չլինի թե վշտացնի մեկն ու մեկին, նույ-
նիսկ երեխայի: Ամեն բան ուրիշների համար, ոչինչ ի՛ր հա-
մար: Սերգեյ Իվանովիչը հենց այդպես էլ կարծում է, թե
Կոստյայի պարտավորությունն է լինել նրա գործերի կառա-
վարիչը: Նույնը և քույրը: Այժմ Գոլլին երեխաների հետ նրա
խնամքին է: Հապա այն մուծիկները, որ ամեն օր գալիս են
նրա մոտ, կարծես նա պարտավոր է ծառայել նրանց»:

«Այո՛, եղի՛ր միայն այնպես, ինչպես քո հայրն է, միայն
այնպե՛ս»,— ասաց Կիտին, Միտայիին տալով դայակին ու
շրթունքը դիպցնելով նրա թուշիկին:

VIII

Այն րոպեից, երբ տեսնելով իր մեռնող սիրելի եղբորը,
Լեինն առաջին անգամ նայեց կյանքի ու մահվան հարցերին
այն նոր, ինչպես ինքն էր անվանում, համոզմունքների մի-
ջոցով, որոնք իր համար աննկատելիորեն, քսանից մինչև
երեսունչորս տարեկան հասակի ժամանակաշրջանում, փո-
խարինեցին իր մանկական ու պատանեկան հավատալիքնե-
րին,— նա սոսկաց ո՛չ այնքան մահից, որքան կյանքից,
ո՛չ մի հասկացողություն չունենալով այն մասին, թե որտե-
ղից, ինչի՛ համար, ինչո՞ւ և ի՞նչ բան է այն: Օրգանիզմ, օր-
գանիզմի քայքայում, նյութի անբնաջնջելիություն, ուժի
պահպանման օրենք, զարգացում,— ահա այն բառերը, որոնք
փոխարինեցին նրա առաջվա հավատին: Այդ բառերը և դը-
րանց հետ կապված հասկացողությունները շատ լավ էին
մտավոր նպատակների համար. բայց կյանքի համար նրանք
ոչինչ չէին տալիս: Եվ Լեինը հանկարծ իրեն զգաց այն մար-
դու դրություն մեջ, որը տաք մուշտակը կփոխեր թափանցիկ
մարմաշե զգեստի հետ ու առաջին անգամ սառնամանիքի

ժամանակ աներկբայորեն կհամոզվիր, — ո՛չ թե դատողութուններով, այլ իր ամբողջ էությունը, — որ ինքը միևնույն է թե մերկ է և որ ինքն անխուսափելիորեն պետք է մեռնի ասանջանքներով:

Այդ բոլորից սկսած, առանց հաշիվ տալու իրեն դրա մասին ու շարունակելով ապրել առաջվա պես, լեհինը անընդհատ զգում էր այդ երկյուղը իր անգիտություն համար:

Բացի դրանից, նա ազոտ կերպով զգում էր, որ այն, ինչ ինքը համարում էր իր համոզմունքները, ո՛չ միայն անգիտություն էր, այլև մտքի այնպիսի կազմ, որի շնորհիվ անհնարին էր ունենալ այն գիտելիքը, ինչ նրան հարկավոր էր:

Ամուսնություն սկզբնական շրջանում, նոր ուրախություններն ու պարտականությունները, որ իմացավ ու ճանաչեց նա, բոլորովին խլացրին այդ մտքերը: Բայց վերջերս, կնոջ ծննդաբերությունից հետո, երբ նա ապրում էր Մոսկվայում առանց գործի, լուծում պահանջող այդ հարցը սկսեց ավելի ու ավելի հաճախ, ավելի ու ավելի համառորեն պատկերանալ լեհինին:

Նրա համար այդ հարցը հետևյալն էր. «եթե ես չեմ ընդունում այն պատասխանները, որ տալիս է քրիստոնեությունն իմ կյանքի հարցերին, հապա ի՞նչ պատասխաններ եմ համարում ընդունելի»: Եվ նա իր համոզմունքների բոլոր ամբարներում շէր կարողանում գտնել ո՛չ միայն որևէ պատասխան, այլև պատասխանի նման մի բան:

Նա գտնվում էր այն մարդու դրություն մեջ, որ կերակուր էր փնտրում խաղալիքների և զենքերի խանութներում:

Ակամա, իր համար անգիտակցաբար, այժմ ամեն գրքի մեջ, յուրաքանչյուր մարդու մեջ, ամեն խոսակցության մեջ նա փնտրում էր առնչություն այդ հարցերի հետ, փնտրում էր նրանց լուծումը:

Ամենից ավելի նրան զարմացնում ու վշտացնում էր այն, որ իր շրջանի և իր տարիքի մարդկանց մեծ մասը փոխաբինելով, ինչպես ինքը, առաջվա հավատալիքները նոր համոզմունքներով, ինչպես ինքը, ոչ մի շարիք չէր տեսնում դրանում և լիովին գոհ էր ու հանգիստ: Այնպես որ, գլխավոր հարցից զատ լեհինին տանջում էին նաև ուրիշ հարցեր. արդյոք անկե՞ղծ են այդ մարդիկ. արդյոք շե՞ն ձևանում նրանք, կամ

որևէ այլ կերպ, իրենից ավելի պարզ ձևով շե՞ն հասկանում այն պատասխանները, որ տալիս է գիտությունը իրեն զբաղեցնող հարցերին: Ու նա ջանասիրությամբ ուսումնասիրում էր և՛ այդ մարդկանց կարծիքները, և՛ այն գրքերը, որոնք ձևակերպում էին այդ պատասխանները:

Առաջին բանը, որ նա գտավ՝ սկսած այն օրից, երբ այս հարցերն սկսեցին զբաղեցնել նրան, այն էր, որ ինքը սխալվում էր, իր պատանեկան համալսարանական շրջանի հիշողությունների հիման վրա ենթադրելով, իբր անցել է կրոնի ժամանակը, ու կրոնն այլևս գոյություն չունի: Բոլոր լավ, իրենց կենցաղով նրան մոտիկ մարդիկ հավատում էին, ե՛՛վ ծերունի իշխանը, և՛ լվուլը, որոնք այնպես սիրելի էին լեհինին, և՛ Սերգեյ Իվանովիչը, և՛ բոլոր կանայք հավատում էին, հավատում էր նաև իր կինն այնպես, ինչպես հավատում էր ինքն իր առաջին մանկության տարիներին. հավատում էր ուսու ժողովրդի իննսունինը հարյուրերորդը, ամբողջ այդ ժողովուրդը, որի կյանքը ներշնչում էր նրան մեծագույն հարգանքի զգացում:

Երկրորդ բանն այն էր, որ կարդալով շատ գրքեր, նա համոզվեց, թե իր հայեցակետի մարդիկ ուրիշ ոչինչ չէին հասկանում այդ հայեցակետերի տակ ու ոչինչ չբացատրելով, բացասում էին միայն այն հարցերը, որոնց մինչև պատասխան չտրվեր, նա զգում էր, որ ապրել չի կարող ինքը. այդ մարդիկ աշխատում էին լուծել իր համար ո՛չ մի հետաքրքրություն չունեցող հարցեր, ինչպես օրինակ՝ օրգանիզմների զարգացումը, հոգու մեքենական բացատրությունը և այլն:

Բացի դրանից, կնոջ ծննդաբերության ժամանակ նրա հետ պատահեց արտասովոր դեպք: Նա, չհավատացող մի մարդ, սկսեց աղոթել և այն բոլորին, երբ աղոթում էր, հավատում էր: Բայց անցավ այդ բոլորն, ու նա չէր կարողանում տեղ տալ իր կյանքի մեջ այն ժամանակվա տրամադրությունը:

Նա չէր կարող ընդունել, որ այն ժամանակ ինքը գիտեր ճշմարտությունը, իսկ հիմա սխալվում է, որովհետև հենց որ սկսում էր հանգիստ մտածել դրա մասին, ամեն ինչ քանդվում, ջարդուփշուր էր լինում: Նա չէր կարող ընդունել նաև

այն. որ այն ժամանակ ինքը սխալվում էր, որովհետեւ բարձր էր զնահատում այն ժամանակվա իր հոգեկան կացութիւնը և համարելով այդ թուլութեան արգասիք, պղծած կիներ այդ բո-
պաները: Նա ինքն իր հետ տանջալից պառակտման մեջ էր և լարում էր իր հոգեկան բոլոր ուժերը՝ դուրս գալու այդ վիճակից:

IX

Այդ մտքերը հոգնեցնում ու տանջում էին նրան մերթ ավելի թույլ. մերթ ավելի ուժեղ կերպով, բայց երբեք ձեռք չէին քաշում նրանից: Նա կարողում ու մտածում էր և որքան ավելի էր կարողում ու մտածում, այնքան ավելի հեռու էր գոյում իրեն իր հետամտած նպատակից:

Վերջերս Մոսկվայում և գլուղում, համոզվելով, որ մատե-
րիալիստների մեջ ինքը պատասխան չի գտնի, նա նորից կարդաց, մեկ էլ կարդաց և՛ Պղա՛տոն, և՛ Սպինոզա, և՛ Կանտ, և՛ Շելլինգ. և՛ Հեգել, և՛ Շոպենհաուեր, այսինքն՝ այն փի-
լիսոփաներին, որոնք կյանքը բացատրում էին ո՛չ մատերիա-
լիստորեն:

Մտքերը թվում էին նրան բեղմնավոր, երբ նա կամ կար-
ողում էր, կամ հեքքումներ էր մտածում ուրիշ ուսմունքների, մանավանդ մատերիալիստական գիտութեան դեմ. բայց հենց որ նա կարողում էր, կամ ինքն էր հնարում հարցերի լուծումը, միշտ կրկնվում էր միևնույն բանը. Հետեւելով այն-
պիսի անորոշ բառերի ձևավորմանը, ինչպես օրինակ՝ օգի, կամֆ, աղատութիւն, սուրսուանցիա, դիտմամբ ընկնելով բառերի այն թակարդի մեջ, որ զնում էին նրա համար փիլի-
սոփաները կամ նա ինքը, կարծես սկսում էր մի բան հաս-
կանալ. Բայց բավական էր, որ նա մոռանար մտքի արհեստ-
կան ընթացքը և կյանքից վերադարձնար զեպի այն, ինչը բավա-
րարում էր նրան, երբ մտածում էր, հետեւելով տվյալ մտքի թելին, — և ահա այդ արհեստական ամբողջ շենքը հանկարծ փուլ էր գալիս, ինչպես խաղաթղթից շինած տուն, ու պարզ-
վում էր, որ շենքը կառուցվել է հենց միևնույն վերադասա-
վորված բառերից, անկախ բանականութեանից, ավելի կարե-
վոր՝ կյանքի ինչ-որ բանից:

Մի ժամանակ, կարդալով Շոպենհաուեր, վերջինիս կամ-
ֆի տեղ նա դրեց սեռը, և այդ նոր փիլիսոփայութիւնը մի-
թարում էր նրան մեկ-երկու օր, մինչև նա կհիռանար նոր ուսմունքից. սակայն սա նույնպես փուլ եկավ, երբ նա հետս
կյանքի միջով նայեց նրա վրա, ու դուրս եկավ, որ դա թա-
փանցիկ մարմաշից կարված, շտաքացնող զգեստ է:

Նըբայրը՝ Սերգեյ Իվանովիչը, խորհուրդ տվեց նրան կար-
գալ հոմյակովի աստվածաբանական գրվածքները: Լեհեր
կարդաց հոմյակովի հեղինակութիւնների երկրորդ հատորը և
զարմացավ, ապշեց եկեղեցու մասին այնտեղ գետեղված ու-
սմունքից, շնայած սկզբում հեղինակի վանող, բանավեճային,
պճնալից ու սրամիտ տոնին: Նրան սկզբում զարմացրեց այն
միտքը, որ մարդուն տրված չէ աստվածային ճշմարտութիւն-
ներին հասու լինելու կարողութիւն, այլ դա տրված է սիրով
միավորված մարդկանց համակեցութեանը՝ եկեղեցուն: Նրան
ուրախացրեց այն միտքը, թե ավելի հեշտ է հավատալ գոյու-
թիւն ունեցող, այժմ ապրող եկեղեցուն, որը կազմում է
մարդկանց բոլոր հավատալիքները և որին գլխավորում է
աստված, հենց այդ պատճառով ուրեմն սուրբ և անմեղանշա-
կան եկեղեցուն ու դրանից արդեն ընդունել հավատ՝ աստծո,
ստեղծագործութեան, անկման, քավութեան վերաբերյալ,
քան սկսել աստծուց՝ հեռավոր, խորհրդավոր աստծուց,
ստեղծագործութեանից և այլն: Սակայն հետո կարդալով կա-
թոլիկ հեղինակի եկեղեցական պատմութիւնը և ուղղափառ
հեղինակի եկեղեցական պատմութիւնն ու տեսնելով, որ երկու
եկեղեցիներն էլ, անմեղանշական ըստ իրենց էութեան, փո-
խադարձաբար բացասում են միմյանց, նա հիասթափվեց
եկեղեցու խնդրում նաև հոմյակովի ուսմունքից, ուստի այդ
շենքն էլ փուլ եկավ, փոշիացավ, ինչպես և փիլիսոփայա-
կան շենքերը:

Այդ ամբողջ զարունը նա նման չէր ինքն իրեն և ունե-
ցավ սոսկալի բոպաներ:

Ձի կարելի ապրել, առանց իմանալու, թե ի՞նչ եմ ես և
ինչի՞ համար եմ այստեղ: Իսկ քանի որ իմանալ չեմ կարող
այդ, հետևաբար չի կարելի ապրել», մտածում էր Լեինը:

Անվախճան ժամանակի մեջ, նյութի անսահմանութեան
մեջ, անհուն տարածութեան մեջ զատվում, աչքի է ընկնում մի

պղպղակ— օրդանիզմ, և այդ պղպղակը մի պահ կդիմանա ու կպայթի, և այդ պղպղակը ե՛ս եմ:

Դա մի տանջալից սուտ էր, բայց դա այդ ուղղութիւնը մարդկային մտքի կատարած դարավոր աշխատանքների միակ, վերջին արգասիքն էր:

Դա վերջին այն հավատալիքն էր, որի վրա հիմնվում էին մարդկային մտքի համարյա բոլոր ճշուգեւրում կատարած բուրբ հետախուզումները: Դա՛ էր գերիշխող համոզմունքը, և լեիճը, ինքն էլ շիմանալով, թե ե՛րբ ու ինչպե՛ս, մյուս բոլոր բացատրութիւններից ակամա յուրացրեց հենց դա, որպես, այսուամենայնիվ՝ ամենից ավելի պարզ բացատրութիւն:

Բայց դա ո՛չ միայն սուտ էր, դա դաժան ծաղր էր ինչ-որ շար ուժի, շար, զգվելի ու այնպիսի ուժի, որին չէք կարելի անթարկվել:

Պետք էր ազատվել այդ ուժից: Եվ յուրաքանչյուր մարդու ազատումն իր ձեռքին էր: Պետք էր դադարեցնել կախումն այդ շարիքից: Եվ կար միայն մի միջոց՝ մահը:

Ու երջանիկ ընտանիքատեր, առողջ մարդ, լեիճը մի քանի անգամ այնքան մոտ էր ինքնասպանութեան, որ թաքցնում էր պարանը, որպեսզի չկախվի նրանով, և վախենում էր հրացանով ման գալ, շիճի թե անձնասպանութիւն գործի:

Բայց լեիճը ո՛չ հրացանով սպանեց իրեն, ո՛չ էլ կախվեց և ապրում էր առաջվա պես:

X

Երբ լեիճը մտածում էր, թե ի՛նչ է ինքը և ինչի՛ համար է ապրում, պատասխան չէր գտնում ու հուսահատվում էր: Բայց երբ նա դադարում էր ինքն իրեն դրա մասին հարց տալուց, կարծես թե գիտեր, թե ի՛նչ է ինքը և ինչի՛ համար է ապրում, որովհետև գործում էր հաստատապես ու որոշակի և ապրում էր. նույնիսկ այս վերջերս նա ապրում էր շատ ավելի հաստատապես ու որոշակի, քան առաջ:

Հունիսի սկզբներին վերադառնալով գյուղ, նա վերադարձավ նաև իր սովորական զբաղմունքներին: Դյուղական տընտեսութիւնը, հարաբերութիւնները մուծիկների և հարևանների հետ, տնային տնտեսութիւնը, քրոջ ու եղբոր գործերը,

որոնք նրա ձեռքին էին, հարաբերութիւնները կնոջ, ազգականների հետ, հոգատարութիւնը երեխայի մասին, մեզվի նոր որսը, որովնա հրապուրվեց ընթացիկ զարնանից, կլանում էին նրա ամբողջ ժամանակը:

Այդ գործերը նրան զբաղեցնում էին ո՛չ այն պատճառով, որ նա արդարացնում էր դրանք իր համար ինչ-որ ընդհանուր հայեցակետերով, ինչպես անում էր առաջ, ընդհակառակն, մի կողմից հիասթափվելով ընդհանուր օգտի համար առաջվա ձեռնարկութիւնների անհաջողութիւնից, մյուս կողմից՝ չափազանց զբաղված լինելով իր մտքերով ու գործերի քանակով հենց, որոնք ամեն կողմից թափվում էին նրա գլխին, նա բոլորովին թողեց ամեն նկատառում ընդհանուր օգտի մասին, և այդ գործերը նրան հետաքրքրում էին լոկ այն պատճառով, որ նրան թվում էր, թե ինքը պետք է անի այն, ինչ անում էր,— թե ինքն էլ այլ կերպ չի կարող վարվել:

Առաջ (դա սկսվեց համարյա մանկութիւնից և շարունակ աճում էր մինչև կատարյալ հասունութիւն), երբ նա աշխատում էր անել այնպիսի բան, որը բարիք կլիներ ամենքի համար, մարդկութեան համար, Ռուսաստանի, ամբողջ գյուղի համար, նկատում էր, որ դրա հետ կապված մտքերը հաճելի էին, բայց հենց ինքը՝ գործունեութիւնը միշտ լինում էր անհարիր, չկար լիովին վստահութիւն այն բանում, թե գործն անհրաժեշտաբար հարկավոր է, և սկզբում այնքան մեծ թվացող գործունեութիւնն ինքնին՝ շարունակ նվազելով ու նվազելով՝ հասնում էր զրոյի Իսկ հիմա, երբ ամուսնութիւնից հետո նա սկսեց ավելի ու ավելի սահմանափակվել իր կյանքով,— թեև ո՛չ մի ուրախութիւն չէր զգում իր գործունեութեան մասին մտածելիս, բայց վստահ էր, որ իր գործն անհրաժեշտ է, տեսնում էր, որ այն շատ ավելի հաջող է առաջ գնում, քան առաջ էր, և որ այն ավելի ու ավելի մեծանում է:

Այժմ նա կարծես իր կամքի հակառակ, ավելի ու ավելի խոր էր խրվում հողի մեջ, ինչպես գութանը, այնպես որ այլևս չէր կարող դուրս գալ, առանց ակոս բանալու:

Անկասկած հարկավոր էր ապրել ընտանիքում այնպես, ինչպես սովոր էին ապրել հայրերն ու պապերը, այսինքն՝ կրթութեան միևնույն պայմաններում և երեխաներին էլ դաստիարակել միևնույն պարագաներում: Դա հարկավոր էր նույն

քան, ինչքան հաշիւը, երբ ուտելու պահանջ կա. և դրա համար նույնպես հարկավոր էր, ինչպես ճաշ պատրաստելը, լարել տնտեսութեան մեքենան Պոկրովսկոյում այնպես, որպեսզի եկամուտ ստացվեր: Ինչպես անկասկած է, թե պետք է վերագարձնել պարտքը, այնպես էլ հարկավոր էր տոհմական հոգը պահել այն վիճակում, որ հողը ժառանգութիւնն ստացած որդին նույնպես շնորհակալութիւնն հայտնեի հորը, ինչպես շնորհակալութիւնն էր հայտնում իր պապին Լեինն այն բոլորի համար, ինչ կառուցել և տնկել էր նա: Ու դրա համար հարկավոր էր հողը ո՛չ թե վարձով տալ, այլ անձամբ մշակել, անասուն պահել, պարարտացնել արտերը, տնկել անտառներ:

Զէր կարելի չանել Սերգէյ Իվանովիչի, քրոջ և բոլոր այն մուծիկների գործերը, որոնք գալիս էին խորհուրդ հարցնելու և սովորել էին դրան, ինչպես շէր կարելի վայր գցել արդեն ձեռքին բռնած երեխային: Պետք էր հոգ տանել երեխաների հետ հրավիրված քենու և կնոջ ու երեխայի մասին և շէր կարելի չէին նրանց հետ օրվա գեթ մի փոքր մասը:

Ու այս բոլորը թռչնորսութեան և նոր մեղվորսութեան հետ լցնում էր Լեինի ամբողջ կյանքը, որը կորցնում էր իր իմաստը, երբ չա մտածում էր:

Սակայն բացի այն բանից, որ Լեինը հաստատապես գիտեր, թե ի՛նչ է հարկավոր անել, ճիշտ նույն կերպ էլ նա գիտեր, թե ինչպե՛ս պետք է անել այդ բոլորը և ո՛ր գործն ավելի կարևոր է մյուսից:

Նա գիտեր, որ պետք է բանվորներ վարձել՝ որքան հնարավոր է էժան. բայց, նախապես դրամ տալով, ստրկացնել նրանց, ավելի էժան, քան արժեն նրանք,— չպետք էր անել. թեպետև դա շատ շահեկան էր: Կերի սլակասութեան դեպքում կարելի էր դարձանք ծախել մուծիկներին. թեպետև մեղք էին նրանք. բայց պետք էր ոչնչացնել պանդոկը և գինեկրպակը, թեպետև նրանք եկամուտ էին բերում: Անտառից ծառ կտրելու համար պետք էր պատժել ըստ հնարավորին խիստ, բայց արտ ու արոտի մեջ թողած անասունի համար չպետք էր տուգանք վերցնել: Ու թեև դա վշտացնում էր պահասաններին և ոչնչացնում էր վախի զգացումը, բայց շէր կարելի բաց շթողնել այդ կապակցութեամբ գրաված անասունը:

Պյոտրին, որը վաշխառուին վճարում էր ամիսը տասը տոկոս, պետք էր փոխարինաբար դրամ տալ, նրան փրկելու համար, բայց շէր կարելի պակասեցնել և տարկետել շվճարող մուծիկների բահրան: Զէր կարելի ներել կառավարչին այն, որ փոքրիկ մարզագետինը շի հնձվել, և իզուր տեղը կորավ խոտը, բայց կարելի էր շհնձել և ութսուն դեսյատին, որտեղ տնկված էր մատողաշ անտառ: Զէր կարելի ներել բանվորին, որ աշխատանքի ժամանակ գնացել էր տուն, որովհետև մեռել էր հայրը.— ինչքան էլ ափսոս էր նա,— և պետք էր նրա հաշիվն անել ավելի էժան՝ գործալքած թանկ ամիսների համար. բայց շէր կարելի ամսապարեն շվճարել ծերացած, ոչ մի բանի պետքական տերունական սպասավորներին:

Լեինը գիտեր նույնպես, որ վերադառնալով տուն, պետք էր ամենից առաջ գնալ կնոջ մոտ, որը տկար էր. իսկ մուծիկները, որոնք արդեն երեք ժամ սպասում էին նրան, կարող էին էլի սպասել: Գիտեր նաև, որ շնայած այն բավականութեանը, որ նա զգում էր պարսը տեղավորելիս, պետք էր զրկվել այդ բավականութեանից և պարսի տեղավորման գործը թողնելով ծերունուն, գնալ զրուցել մուծիկների հետ, որոնք իրեն գտել էին մեղվանոցում:

Լա՛վ էր վարվում ինքը, թե՛ վատ, նա չգիտեր, և ո՛չ միայն շէր սկսի այժմ ապացուցել այդ, մինչև իսկ խուսափում էր դրա մասին խոսակցութիւններից ու մտքերից:

Գատողութիւնները նրան զգում էին կասկածների մեջ և խանգարում էին նրան տեսնելու, թե ի՛նչը պետք է և ի՛նչը պետք չէ: Իսկ երբ նա շէր մտածում, այլ ապրում էր, անդադար զգում էր իր հոգում ներկայութիւնն անսխալական դատավորի, որը վճռում էր, թե հնարավոր երկու վարձուներից ո՛րն ավելի լավ է և ո՛րն ավելի վատ: Ու հենց որ նա վարվում էր ո՛չ այնպես, ինչպես պետք էր, անմիջապես զգում էր այդ բանը:

Այդպես ապրում էր նա, շիմանալով և իմանալու հնարավորութիւնն շտեսնելով, ի՛նչ է ինքը, ինչի՛ համար է ապրում աշխարհում և այդ անգիտութեանից տանջվելով մինչ այն աստիճան, որ վախենում էր ինքնասպանութեանից ու միաժամանակ հաստատապես բաց էր անում իր սեփական, որոշակի ուղին կյանքում:

Այն օրը, երբ Սերգեյ Իվանովիչը եկավ Պոկրովսկոյե, Լեհներ գտնվում էր իր ամենատանջալից օրերից մեկում:

Աշխատանքների ամենաշտապ, թունդ ժամանակն էր, երբ ամբողջ ժողովրդի մեջ երևան է գալիս աշխատանքի հանդեպ այնպիսի արտասովոր լարված անձնազոհություն, որպիսին չի արտահայտվում կյանքի այլ պայմաններում և որպիսին բարձր կգնահատվեր, եթե այդ հատկությունները դրսևորող մարդիկ իրենք գնահատեին դրանք, եթե այդ լարվածությունը չկրկնվեր ամեն տարի և եթե դրա հետևանքները չլինեին այդպիսի հասարակ:

Հնձել ու քաղել վարսակն ու հաճարը և կրել, հնձել կիսատ մնացած մարգագետինները, վերահերկել արոսը, ծեծել սերմացուն ու ցանել աշնանացանը,— այս բոլորը թվում է հասարակ և սովորական, իսկ այս բոլորը ժամանակին անելու համար հարկավոր է, որ գյուղի բոլոր մարդիկ, մեծից մինչև փոքրը, աշխատեն այդ երեք-չորս շաբաթը եռակի ավելի, քան աշխատում են սովորաբար, սնվելով կվասով, սոխով ու սև հացով, կալսելով ու տուն կրելով դեզերը գիշերով և օրվա մեջ քնին հատկացնելով երկու-երեք ժամից ո՛չ ավելի: Ու ամեն տարի այդ բանն արվում է ամբողջ Ռուսաստանում:

Իր կյանքի մեծ մասն ապրելով գյուղում և մոտիկ հարաբերության մեջ լինելով ժողովրդի հետ, Լեհին եռուն աշխատանքի ժամանակաշրջանում միշտ զգում էր, որ ժողովրդական այդ ընդհանուր հուզմունքը հաղորդվում է նաև իրեն:

Առավոտվանից նա գնացել էր հաճարի առաջին ցանքսին, գնացել էր վարսակի, որը կրում, դիզում էին, և վերադառնալով տուն՝ կնոջ ու քենու վեր կենալու ժամին, նա սուրճ խմեց նրանց հետ միասին ու ոտով գնաց ագարակ, որտեղ պետք է գործի զենեին նոր հաստած կալսիչը՝ սերմացու պատրաստելու համար:

Այդ ամբողջ օրը Լեհին խոսելով կառավարչի և մուծիկների հետ, իսկ տանը խոսելով կնոջ հետ, Դոլլիի, նրա երեխաների, աներոջ հետ, մտածում էր միշտ միևնույն խնդրի մասին, ինչը տնտեսական հոգսերից զատ զբաղեցնում էր նրան այդ ժամանակ ու ամեն բանում կապ էր փնտրում իր

հարցի հետ. «Ի՞նչ եմ ես, որտե՞ղ եմ ես և ինչի՞ համար եմ այստեղ»:

Կանգնած հացահատիկների նոր ծածկած ծեծարանի շվաքում, ծղոտե կտուրի բարդենու կեղևահան թարմ գերանների կպած կաղնյա վանդակապատի մոտ, հոտավետ տերևները դեռ վրան, Լեհին նայում էր բաց դարբասի միջից, որտեղ խոնկում ու խաղում էր կալսման շոր ու դառն փոշին, մերթ վառ արևով լուսավորված կալի կանաչ խոտին և մարագից հենց նոր դուրս բերած թարմ ծղոտին, մերթ խայտաբղետ գլխով սպիտակակուրծք ծիծեռնակներին, որոնք ծվծվոցով թռչում, մտնում էին կտուրի տակ ու թևերը թարտացնելով, կանգնում էին դարբասի գլխածողի վրա. մերթ նայում էր մարդկանց բազմությանը, որը վխտում էր մուլթ ու փոշոտ ծածարանում, և մտածում էր տարօրինակ բաների մասին:

«Ինչի՞ համար է արվում այս բոլորը,— մտածում էր նա: — Ինչի՞ համար եմ ես կանգնել այստեղ ու ստիպում եմ նրանց աշխատել: Ինչո՞ւ են նրանք ամենքն աշխատում ու ջանք են թափում՝ ցույց տալու ինձ իրենց եռանդը: Ինչո՞ւ է այդպես շարձարվում այդ պառավ Մատրյոնան, իմ ծանոթ կինը (ես բժշկում էի նրան, երբ հրդեհի ժամանակ առաստաղակալ գերանն ընկավ նրա վրա),— մտածում էր նա, նայելով այն նիհար կնոջը, որը փոցխով քաշելով հացահատիկը, արևից սևացած բոբիկ ոտներով լարված քայլում էր անհավասար կոշտ կալում: Այն ժամանակ Մատրյոնան առողջացավ, բայց եթե ջ՛լ այսօր, ապա վաղը, կամ տասը տարուց հետո նրան կթաղեն, ու ոչինչ չի մնա ո՛չ նրանից, ո՛չ էլ կարմիր շրջագգեստով այն պճնամուկ կնոջից, որն այնպիսի ճարպիկ, նուրբ շարժումով զատում է հասկը մղեղից: Շատ շուտով կթաղեն նրան էլ, այդ ճարտուկ մալած ձին էլ,— մտածում էր նա, նայելով փոքր դժվարությամբ տանող և ուռած քթածակերով շուտ-շուտ շունչ քաշող ձիուն, որը քարշ էր գալիս իր տակից շարժվող թեք անվի գծով:— Նրան էլ կթաղեն, թափուլատու Ֆյոդորին էլ կթաղեն մղեղով լեցուն իր գանգուր մուրուբով և սպիտակ ուսի վրա պատված շապիկով, իսկ նա ճեղքում էր խրձերը, ինչ-որ բան էր հրամայում, բղավում էր կնիկներին վրա և արագ շարժումով ուղղում թափանվի փոկը: Եվ, որ

գլխավորն է, ո՛չ միայն նրանց, այլև ինձ կթաղեն, ու ոչինչ չի մնա, Ինչի՞ համար»:

Նա մտածում էր և միաժամանակ նայում էր ժամացույցին, որպեսզի հաշվի, թե ինչքա՛ն կծեծեն մի ժամում: Նա պետք է գիտենար այդ, որ ըստ այնմ պատվեր տար մի օրվա համար:

«Շուտով կլինի ժամը մեկը, այնինչ նոր միայն սկսեցին երրորդ բարդը», — մտածեց Լևինը, մոտեցավ թափուլատուին և իր բղավոցով խլացնելով մեքենայի գլորոցը, ասաց նրան, որ ավելի դանդաղ տա:

— Շատ ևս տալիս, Ֆյոդոր: Տեսնո՞ւմ ես՝ խցկվում է, դրա համար էլ լավ չի բանում: Հավասարեցրու:

Քրտնած երեսին նստած փոշուց սևացած Ֆյոդորը բղավեց ինչ-որ բան, որպես պատասխան, բայց էլի անում էր ո՛չ այնպես, ինչպես ուզում էր Լևինը:

Լևինը մոտենալով մեքենայի թմբուկին, հեռացրեց Ֆյոդորին ու ինքն սկսեց տալ:

Աշխատելով մինչև մուծիկների ճաշի ժամը, որին արդեն մնացել էր քիչ ժամանակ, նա թափուլատուի հետ դուրս եկավ կալսարանից և խոսքի բռնվեց, կանգ առնելով կալում սերմացուի համար կանոնավոր դրած հաճարի դեղին դեզի մոտ:

Թափուլատուն հեռավոր գյուղից էր, այն գյուղից, որտեղ Լևինը հողը տալիս էր արտելային սկզբունքով: Այժմ հողն այնտեղ վարձով տրված էր բակասպանին:

Լևինը խոսեց թափուլատու Ֆյոդորի հետ այդ հողի մասին ու հարցրեց, թե արդյոք եկող տարի հողը չի՞ վերցնի Պլատոնը, նույն գյուղի հարուստ և լավ մուծիկը:

— Գինը թանկ է, Պլատոնը տակից դուրս չի գա, Կոնստանտին Դմիտրիչ, — պատասխանեց մուծիկը, հասկերը հանելով քրտնած թևի տակից:

— Հասկա ո՞նց է Կիրիլլովը դուրս գալիս:

— Միտյուխայի (այդպես արհամարհալից կոչեց մուծիկը բակասպանին) համար ի՛նչ կա որ, Կոնստանտին Դմիտրիչ: Նա հուպ կտա, իրենը կստանա: Քրիստոնյային նա չի մեղքանա, Համա քեռի Ֆոկանիչը (այդպես կոչեց նա ծերունի Պլատոնին) մի՞թե կաշի կպլուկի մարդու մձբից: Մի տեղ

պարտք կթողնի, մի տեղ կբախշի ու էսպես տակից դուրս չի գա: Կարճ ասած՝ մարդ է:

— Բայց ինչո՞ւ պիտի բախշի:

— Հենց էնպես, ասել կուզի՞ մարդը տարբեր է լինում. մեկն ապրում է միայն իր համար, ոնց որ Միտյուխան, միայն իր փորն է լցնում, իսկ Ֆոկանիչը շիտակ ծերունի է: Նա ապրում է հոգու համար: Աստծուն չի մոռանում:

— Ո՞նց թե աստծուն չի մոռանում: Ո՞նց թե ապրում է հոգու համար, — համարյա ճշաց Լևինը:

— Հայտնի բան է, թե ո՞նց. ապրում է շիտակությամբ, աստծով: Մարդը տարբեր է լինում, չէ՞: Վերցնենք թեկուզ հենց ձեզ, դուք էլ մարդու շեք գրկի...

Այո՛, այո՛, մնաս բարով, — ասաց Լևինը, շնչահեղձ լինելով հուզմունքից ու շուտ գալով, վերցրեց իր փայտը և արագ գնաց դեպի տուն: Լսելով մուծիկի խոսքերն այն մասին, թե Ֆոկանիչն ապրում է հոգու համար, շիտակությամբ, աստծով, — աղոտ, բայց նշանակալից մտքերը խուռն երամով դուրս պրծան ինչ-որ փակ տեղից ու շարունակ մղվելով դեպի մի նպատակ, պտտվեցին նրա գլխում, շլացնելով նրան իրենց լույսով:

XII

Լևինը մեծ քայլերով գնում էր մեծ ճանապարհով, ականջ դնելով ո՛չ այնքան իր մտքերին (նա դեռ չէր կարողանում հասկանալ դրանք), որքան հոգեկան այն կացությանը. որը առաջ երբեք չէր ունեցել:

Մուծիկի ասած խոսքերն առաջացրին նրա հոգում էլեկտրական կայծի գործողություն, որը հանկարծ կերպարանափոխեց և ամբողջական մի պարսի մեջ միավորեց ցաքուցրիվ, անզոր, առանձին այն մտքերը, որոնք մշտապես զբաղեցնում էին նրան նաև այն ժամանակ, երբ նա խոսում էր հողը տալու մասին:

Նա զգում էր իր հոգում ինչ-որ նոր բան և հիացմունքով շոշափում էր այդ նորը, դեռ չիմանալով, թե ի՛նչ է այդ:

«Ապրել ո՛չ թե իր կարիքների համար, այլ աստծո համար: Բայց ի՞նչ աստծո: Եվ կարելի՞ էր ասել ուրիշ ավելի անի-

մաստ բան, քան այն. ինչ ասաց նա: նա ասաց, թե չպետք է ապրել իր կարիքներէ համար, այսինքն՝ չպիտի ապրել այն քանի համար, ինչը մենք հասկանում ենք, ինչը գրավում է մեզ, ինչը մենք ուզում ենք, այլ պիտի ապրել ինչ-որ անհասկանալի բանի համար, աստծո համար, որին ոչ ոք չի կարող ո՛ր հասկանալ, ո՛չ էլ որոշել, ձևակերպել: Եվ հետո ի՞նչ: Ես շհասկացա՞մ Յոզորի այդ անիմաստ խոսքերը: Թե՛ հասկանալով հանդերձ, կասկածեցի նրանց ճշմարտութեան վերաբերյալ. համարեցի դրանք տխմա՞ր, անորո՞շ, անճշգրիտ:

«Ո՛չ, ես հասկացա նրան ու հասկացա միանգամայն այնպես, ինչպես նա է հասկանում, հասկացա լիովին և ավելի պարզորոշ, քան հասկանում եմ ուրիշ որևէ բան կյանքում ու երբեք իմ կյանքում ես չեմ կասկածել և չեմ կարող կասկածել այդ բանում: Ու ո՛չ թե միայն ես, այլ ամենքը, ամբողջ աշխարհը լիովին հասկանում են միմիայն այդ և միայն դրանում չեն կասկածում ու միշտ համամիտ են իրար:

«Յոզորն ասում է, որ Կիրիլլով բակապանն ապրում է փորի համար: Դա հասկանալի է, խոհական: Մենք ամենքս, որպես բանական էակներ, չենք կարող այլ կերպ ապրել, քան եթե՛ փորի համար: Ու հանկարծ նույն այդ Յոզորն ասում է, որ փորի համար ապրելը վատ է, որ պետք է ապրել ճշմարտութեան համար, աստծո համար, և ես մի ակնարկից հասկանում եմ նրան: Ե՛վ ես, և՛ միլիոնավոր այն մարդիկ, որոնք ապրել են դարեր առաջ ու ապրում են այժմ, մուծիկները, հոգով աղքատները և իմաստունները, դրա մասին մտածող ու գրող անձնավորությունները, որոնք իրենց անորոշ լեզվով ասում են միևնույն բանը, — մենք ամենքս համաձայն ենք միայն այդ բանում, այսինքն՝ ինչի համար ապրել և ի՞նչն է լավ: Բոլոր մարդկանց հետ միասին ես ունեմ միայն մի հաստատուն, աներկբա և պարզորոշ գիտելիք. ու այդ գիտելիքը չի կարող բացատրվել բանականութեամբ. այդ գիտելիքը բանականությունից դուրս է և չունի ո՛չ մի պատճառ ու չի կարող ունենալ ո՛չ մի հետևանք:

«Եթե բարությունն ունի դրդապատճառ՝ նա այլևս բարություն չէ, եթե նա ունի հետևանք՝ վարձատրություն, այլևս բարություն չէ: Բնականաբար, բարությունը դուրս է պատճառների և հետևանքների շղթայից:

«Եվ հենց այդ գիտեմ ես, գիտենք մենք ամենքս:

«Իսկ ես փնտրում էի հրաշքներ, ափսոսում էի, որ հրաշք չեմ տեսել, որը կարողանար համոզել ինձ: Եվ ահա՛ հրաշքը, միակ հնարավոր, մշտապես գոյութուն ունեցող, ամեն կողմից ինձ շրջապատող հրաշքը, իսկ ես չէի նկատում այն:

«էլ դրանից ավելի ի՞նչ հրաշք կարող է լինել:

«Մի՞թե ես գտա ամեն բանի լուծումը, մի՞թե վերջացան այժմ իմ տանջանքները», — մտածում էր Լևինը, քայլելով փոշոտ ճանապարհով ու շնկատելով ո՛չ շոգ, ո՛չ հոգնածություն և զգալով երկար տառապանքի ամոքում: Նրա զգացումն այնպես խնդազին էր, որ նրան անհավանական էր թվում: Նա շնչասպառ էր լինում հուզմունքից և անկարող էր այլևս առաջ գնալ, ուստի ճանապարհից դուրս եկավ, մտավ անտառ և նստեց բարդիների ստվերում, չբաղած կանաչ խոտերի վրա: Նա հանեց գլխարկը քրտնած գլխից ու պառկեց, հենվելով թևին, անտառային հյութեղ, լայնատերև խոտերի մեջ:

«Այո՛, պետք է սթափվել և կշռագատել», մտածում էր նա, շեշտակի նայելով իր գիմացի շտորած կանաչ խոտին ու հետևելով կանաչ այն բզեզի շարժումներին, որը բարձրանում էր սեզի ցողունով և իր վերելքի միջոցին դեմ առավ այժմախոտի տերևին: Բոլորն սկզբի՛ց, — ասում էր նա ինքն իրեն, շուտ տալով սեզի տերևը, որպեսզի այն շխանգարի բզեզին, և կոպցնելով մի ուրիշ տերև, որ բզեզն անցներ նրա վրա: — Ի՞նչն է ուրախացնում ինձ, ի՞նչ հայտնաբերեցի ես:

«Առաջ ես ասում էի, որ իմ մարմնի մեջ, այդ խոտի և այդ բզեզի մարմնի մեջ (բզեզը շուգեց անցնել խոտի վրա, նա ուղղեց թևերն ու թռավ) կատարվում է նյութի փոխանակություն՝ ֆիզիկական, քիմիական, բնախոսական օրենքների համաձայն: Իսկ մեր ամենքիս մեջ, բարդիների, ամպերի և միզաբծերի հետ տեղի է ունենում զարգացում: Զարգացում ինչի՞ց, դեպի ի՞նչը: Անվերջ զարգացում ու պայթա՞ր, կոի՞վ... Կարծես թե կարող է լինել որևէ ուղղություն և պայթար անհունության մեջ: Ու ես զարմանում էի, շնայած այդ ուղղության մեջ իմ մտքի ամենամեծ լարվածությունը, որ այսուամենայնիվ ինձ համար չի բացվում կյանքի իմաստը, իմ դրդումների և ձգտումների իմաստը: Իսկ իմ դրդումների իմաստն իմ մեջ այնպես պարզ է, որ ես մշտապես ապրում եմ նրա համե-

մատ, ու նս գարմացա և ուրախացա, երբ մուծիկն ասաց ինձ: Կարել աստծո համար, հոգու համար:

«Ծն ոչինչ չհայտնաբերեցի: Ծն միայն իմացա այն, ինչ գիտեմ: Ծն հասկացա այն ուժը, որը կյանք է տվել ինձ ո՛չ Միմիայն անցյալում, այլև կյանք է տալիս ինձ այժմ: Ծն ազատվեցի խարեությունից, ես ճանաչեցի տիրոջը»:

Եվ նա ինքն իրեն կարճառոտ կրկնեց իր մտքի ամբողջ ընթացքը վերջին երկու տարվա ժամանակաշրջանում, որի սկիզբն էր մահվան մասին պարզ, բացահայտ միտքը, երբ տեսավ անհուսալի հիվանդ իր սիրելի եղբորը:

Առաջին անգամ այն ժամանակ պարզորեն հասկանալով, որ յուրաքանչյուր մարդու համար, ինչպես նաև իր համար, ապագայում ոչինչ չկար, բացի տառապանքից, մահից ու հավիտենական մոռացությունից, նա վճռեց, որ այդպես ապրել չի կարելի, որ պետք է կամ ի՛ր կյանքը մեկնաբանի այնպես, որպեսզի այն չպատկերանա որպես ինչ-որ դևի շարժադր, կամ պետք է ինքնասպանություն գործի:

Սակայն նա շարավ ո՛չ մեկը, ո՛չ մյուսը, այլ շարունակում էր ապրել, մտածել ու զգալ, նույնիսկ հենց այդ ժամանակ ամուսնացավ և ճաշակեց շատ ուրախություն ու երջանիկ էր, երբ չէր մտածում իր կյանքի նշանակության մասին: Իսկ ի՞նչ էր նշանակում դա: Դա նշանակում էր, որ նա ապրում էր լավ, բայց մտածում էր վատ:

Նա ապրում էր (առանց գիտակցելու այդ) այն հոգեկան ճշմարտություններով, որ ծծել էր իր մեջ կաթի հետ, իսկ մտածում էր՝ ո՛չ միայն շրջակայքում այդ ճշմարտությունները, այլև ուշի-ուշով խուսափելով դրանցից:

Այժմ նրա համար պարզ էր, որ ինքը կարող էր ապրել միայն շնորհիվ այն հավատալիքների՝ որոնցով դաստիարակվել էր:

«Ի՞նչ կլինեի ես և ինչպե՞ս կապրեի, ինչպե՞ս կանցկացնեի իմ կյանքը, եթե շունենայի այդ հավատալիքները, եթե չիմանայի, որ պետք է ապրել աստծո համար, ոչ թե իր կարիքների: Ծն կթալանեի, կստեի, կսպանեի: Ինձ համար գոյություն չէր ունենա ոչինչ այն բանից, ինչը կազմում է իմ կյանքի գլխավոր ուրախությունը»: Եվ երևակայությամբ գործ դնելով ամենամեծ ջանքեր, նա այսուամենայնիվ չէր կարո-

ղանում պատկերացնել այն գազան էակը, որ կլինեի ինքը, եթե չիմանար այն, ինչի համար ապրում է:

«Ծն փնտրում էի իմ հարցի պատասխանը: Ի՞նչ հարցիս պատասխան տալ չէր կարող միտքը, միտքն անհամաչափ է հարցին: Ինձ պատասխան տվեց ինքը՝ կյանքը, իմ իմացությունս այն բանի, թե ի՞նչը լավ է և ի՞նչը վատ: Իսկ այդ իմացությունը ես ձեռք չեմ բերել ոչնչով, այլ այն տրված է բնական հետ, տրված է այն պատճառով, որ ո՛չ մի տեղից ես չէի կարող ձեռք բերել այն:

«Ծն որտեղի՞ց ձեռք բերի այն, Արդյոք բանականությամբ հասա այն բանին, որ պետք է սիրել մերձավորին ու շխեղղել նրան: Դա ինձ ասացին մանկության ժամանակ, և ես ուրախությամբ հավատացի, որովհետև ինձ ասացին այն, ինչը կար իմ հոգում: Իսկ ո՞վ հայտաբերեց դա: Ո՛չ բանականությունը: Բանականությունը հայտաբերեց գոյության կոդիք և այն օրենքը, որը պահանջում էր՝ խեղղղել բոլոր նրանց, ովքեր խանդարում են իմ ցանկությունների բավարարմանը: Դա բանականության հետևությունն է: Իսկ բանականությունը չէր կարող հայտաբերել ուրիշին սիրելու գիտակցություն, որովհետև դա բանական, խոհական բան չէ»:

«Այո՞, գոռոզություն», մտածեց նա, շուտ գալով փոռի վրա և սկսեց հանգուցաձև կապել խոտերի ցողունները, աշխատելով չկոտրել դրանք:

«Ու ո՛չ միայն խելքի գոռոզություն, այլև խելքի տխմարություն: Իսկ, որ գլխավորն է՝ խելքի սրիկայություն, այո՞, իսկապես սրիկայություն: Իսկապես խելքի խարդախություն», կրկնեց նա:

ԱՄՄ

Եվ լեկինը մտաբերեց նորերս Դոլլիի ու նրա երեխաների հետ պատահած դեպքը: Երեխաները մնալով մեռակ, սկսում են մորին խորովել մոմերի վրա և կաթը շատրվանի պես լցնել բերանները: Մայրը վրա հասնելով նրանց այդ բանն անելիս, լեկինի ներկայությամբ սկսեց ներշնչել նրանց, որ մեծերը ծանր աշխատանքով են ձեռք բերում այն, ինչը փշացնում են երեխաները, որ այդ աշխատանքն արվում է նրանց համար, որ եթե նրանք ջարդոտեն գավաթները, թեյ

խմելու աման շեն ունենա, իսկ եթե այդպես թափեն կաթը, ուտելու բան չեն ունենա և կմեռնեն սովից:

Ու Լևինին ապշեցրեց այն հանգիստ, տխուր անվստահություներ, որով երեխաները լսում էին իրենց մոր այդ խոսքերը: Նրանք վշտացած էին միայն այն բանից, որ վերջացավ իրենց ուշագրավ խաղը, և չէին հավատում իրենց մոր ասած ո՛չ մի խոսքին: Նրանք չէին էլ կարող հավատալ, որովհետև չէին կարողանում պատկերացնել ամբողջ ծավալն այն բանի, որից օգտվում էին իրենք, ուստի չէին կարողանում պատկերացնել, որ իրենց ոչնչացրածը հենց այն է, ինչով ապրում են իրենք:

«Այդ բոլորը լինում է ինքն իրեն,— մտածում էին նրանք,— և նրա մեջ ոչինչ չկա հետաքրքրական ու կարևոր, որովհետև դա միշտ եղել է և կլինի: Ու միշտ նույնն է, միևնույնն է: Դրա մասին մենք մտածելու կարիք չունենք, դա պատրաստ է. այնինչ, մենք ուզում ենք հնարել մերը, ինչ-որ նոր բան: Ահա մենք մտածեցինք՝ մորենու պտուղները դնել գավաթի մեջ և տապակել մոմի վրա, իսկ կաթը շատրվանի պես ուղղակի լցնել իրար բերան: Դա ուրախ ու նոր բան է և ամենևին վատ չէ գավաթից խմելուց»:

«Մի՞թե միևնույն բանը շենք անում մենք, չէի անում ես, բանականության միջոցով փնտրելով բնության ուժերի նշանակությունը և մարդու կյանքի իմաստը»,— մտածում էր Լևինը:

«Եվ մի՞թե նույն բանը շեն անում բոլոր փիլիսոփայական տեսությունները, մտքի տարօրինակ, մարդուն ո՛չ հատուկ եղանակով բերելով նրան այն բանի իմացությանը, ինչը վաղուց գիտե մարդը և գիտե այնպես ստույգ, որ առանց դրան չէր էլ կարող ապրել: Մի՞թե պարզ չի երևում յուրաքանչյուր փիլիսոփայի տեսության զարգացման մեջ, որ ինքը նույնպես աներկբայորեն, ինչպես նաև մուժիկ Ֆյոդորը, և նրանից բնավ ոչ ավելի պարզ կերպով նախապես գիտե կյանքի զլխավոր իմաստը ու մտավոր կասկածելի եղանակով միայն ուզում է վերադառնալ այն բանին, ինչը հայտնի է ամենքին:

«Հապա՛, թողնեին միայն երեխաներին, որպեսզի նրանք իրենք ձեռք բերեին, իրենք շինեին ամանեղենը, իրենք կաթ

կթեին և այլն: Արդյոք շարանճիություն կանեի՞ն նրանք նրանք սովից կմեռնեին: Հապա՛, մեզ թողնեին մեր կրթերով, մտքերով, առանց միասնական աստծո և արարչի հասկացողության: Կամ առանց բարու հասկացողության, առանց բարոյական շարիքի բացատրության:

«Հապա՛, շինեցեք որևէ բան առանց այդ հասկացողությունների:

«Մենք միայն քանդում, ավերում ենք, որովհետև մենք հոգեպես կուշտ ենք: Իսկապես երեխանե՞ր:

«Որտեղի՞ց է իմ բերկրալից մուժիկի հետ ընդհանուր գիտելիքը, որը միմիայն տալիս է ինձ հոգու հանգիստ: Որտեղի՞ց ես վերցրի դա:

«Ես, աստծո հասկացությամբ դաստիարակված քրիստոնյաս, լցնելով ամբողջ իմ կյանքը հոգևոր այն բարիքներով, որ տվել է ինձ քրիստոնեությունը, ամբողջապես սոգորված այդ բարիքներով ու դրանցով ապրող, ես, ինչպես երեխաները, չհասկանալով դրանք, քանդում եմ, այսինքն՝ ազում եմ քանդել, ոչնչացնել այն, ինչով ապրում եմ: Իսկ հենց որ հասնում է կյանքի կարևոր րոպեն, ինչպես երեխաները, երբ նրանք զգում են ցուրտ ու քաղց, ես գնում եմ նրա մոտ, և ավելի պակաս, քան երեխաները, որոնց նախատում է մայրը նրանց մանկական շարանճիությունների համար,— զգում եմ, որ աչքաթող են անում, հաշվի չեն առնում փարթամ կյանքից առաջացած իմ խենթությունները:

«Այո՛, այն, ինչ գիտեմ ես, գիտեմ ո՛չ բանականությամբ, այլ դա տրված է ինձ, հայտնաբերված է ինձ համար, և դա ես գիտեմ սրտով, հավատով առ այն, ինչը դավանում է հեկեղեցին:

«Եկեղեցի՛: Եկեղեցի՛», կրկնեց Լևինը, շուտ եկավ մյուս կողքին և հենվելով թևի վրա, սկսեց նայել հեռուն, այն կողմից գեպի գետն իջնող հոտին:

«Արդյոք չե՞մ կարող ես հավատալ այն բոլորին, ի՞նչ դավանում է եկեղեցին», մտածում էր նա, փորձելով իրեն ու մտաստեղծելով այն բոլորը, ի՞նչը կարող էր այժմ խորտակել իր այժմյան հանգիստը: Նա գիտամաթ սկսեց մտաբերել հեկեղեցու այն ուսմունքները, որոնք միշտ թվում էին նրան ամենից ավելի տարօրինակ ու գայթակղեցնում էին նրան:

«Ստեղծագործութիւնը: Իսկ ես ինչո՞վ էի բացատրում գոյութիւնը: Գոյութեան մասին: Սատանա եւ մեղքը:— Իսկ ինչո՞վ եմ ես բացատրում շարիքը... Փրկի՞չը...»

Բայց ես ոչինչ, ոչինչ չգիտեմ ու չեմ կարող իմանալ, քան եթե միայն այն, ինչ ասված է ինձ ամենքի հետ միասին»:

Եվ նրան թվում էր այժմ, թե եկեղեցու հավատալիքներից չկար մեկը, որ շխորտակեր գլխավորը՝ հավատն առաստված, հավատ առ բարին, որպէս մարդու միակ կոչումը:

Եկեղեցու յուրաքանչյուր հավատալիքի տակ կարող էր գրվել ճշմարտութեանը ծառայելու հավատը՝ կարիքների փոխարեն: Եվ յուրաքանչյուր հավատալիք ո՞չ միայն չէր խախտի այդ, այլ անհրաժեշտ կլինէր, որպէսզի կատարվեր այն գլխավոր, երկրի վրա մշտապէս երևացող հրաշքը, որ հանգում է այն բանին, որպէսզի հնարավոր լինէր յուրաքանչյուրի համար, միխոնավոր ամենաբազմապիսի մարդկանց՝ իմաստունների ու խենթների, երեխաների ու ձեռքերի հետ միասին, ամենքի՝ մոծիկի, կովի, Կիտիի, աղքատների և թագավորների հետ միասին, հասկանալու աներկբայորեն միևնույն բանը և կազմելու հոգու այն կյանքը, միայն որի համար արժե ասել ու որը միայն մենք գնահատում ենք:

Պատկած մեջքի վրա, նա այժմ նայում էր բարձր, անամպ երկնքին: Մի՞թե ես չգիտեմ, որ դա անհուն տարածութիւն է և որ դա կը որ երկնակամար չէ: Բայց որքան էլ ես կկոցեմ աչքերս ու լարեմ տեսողութիւնս, չեմ կարող այն շտեմել ո՞չ-կը որ ու ո՞չ-սահմանափակ և շնայած անհուն տարածութեան մասին ունեցած իմ իմացութեանը, ես անպայման իրավացի եմ, երբ տեսնում եմ կայուն կապույտ երկնակամարը, ես այս դեպքում ավելի իրավացի եմ, քան այն ժամանակ, երբ լարվում եմ՝ տեսնելու նրանից ավելի հեռուն»:

Լեինն արդեն դադարեց մտածելուց և կարծես ականջ էր դնում միայն այն խորհրդավոր ձայներին, որոնք խոսում էին իրար հետ ինչ-որ բանի մասին՝ խնդազին ու մտահոգ:

«Մի՞թե հավատ է դա»,— մտածում էր նա, վախենալով հավատալ իր երջանկութեանը:— «Աստված իմ, շնորհակալ եմ քեզանից»,— ասաց նա, կուլ տալով կրծքում բարձրացած հեկեկանքը և երկու ձեռքով սրբելով արցունքով լեցուն աչքերը:

Լեինը նայում էր իր դիմաց ու տեսնում հոտը, հետո տեսավ իր սայլակը, որին լծել էին վորոնոյ ձին, տեսավ նաև կառապանին, որը մոտենալով հոտին, ինչ-որ բան ասաց հովվին: Հետո Լեինը լսեց արդեն իրեն մոտիկ անիվների ձայնը և գեր ձիու փնչոցը. բայց նա այնպէս տարված էր մտքերով, որ չմտածեց անգամ, թե ինչո՞ւ է գալիս իր մոտ կառապանը:

Նա հիշեց դա միայն այն ժամանակ, երբ կառապանը բռնորովին մոտենալով, ձայնեց նրան:

— Տիկի՛նն ուղարկեց, եկել է ձեր եղբայրը, հետն էլ մի ուրիշ պարոն:

Լեինը նստեց սայլակի մեջ ու վերցրեց երասանը:

Կարծես քնից արթնացած, Լեինը երկար ժամանակ չէր կարողանում սթափվել: Նա նայում էր շաղ ձիուն՝ քրտինքը գիտտերի միջև ու վզի վրա, որտեղ քսվում էր երասանակը. նա դիտում էր կառապան Իվանին, որը նստել էր կողքին, ու մտաբերում էր, որ ինքը սպասում էր եղբորը, որ կինը հավանորեն անհանգիստ է իր երկար բացակայութեան պատճառով, և աշխատում էր գուշակել, թե ո՞վ կլինէր եղբոր հետ եկած անհայտ հյուրը: Ե՛վ եղբայրը, և՛ կինը, և՛ անհայտ հյուրը պատկերանում էին նրան այժմ այլ կերպ, քան սուս՛ջ: Նրան թվում էր, որ իր հարաբերութիւնները բոլոր մարդկանց հետ այժմ արդեն ուրիշ կլինեն:

«Եղբորս հետ հիմա չի լինի այն խորթացումը, որ միշտ կար մեր միջև, վեճեր չեն լինի: Կիտիի հետ երբեք ո՞չ մի գծողութիւն, հյուրի հետ կլինեմ սիրալիք ու բարի, ով էլ լինի նա, սպասավորների, Իվանի հետ ամեն ինչ կլինի ուրիշ»:

Ձիգ տված երասանով պահելով անհամբերութիւնից փնչացող ու կարծես քայլքն ավելացնելու մասին խնդրող լավ ձին, Լեինը նայում էր կողքին նստած Իվանին, որը չգիտեր, թե ի՞նչ անի անգործ մնացած իր ձեռքերը, և շարունակ սեղմելով մարմնին իր փքվող շապիկը, առիթ էր փնտրում խոսակցութիւն սկսելու նրա հետ: Նա ուզում էր ասել, որ Իվանը զուր է այդքան բարձրից կապել լծաթամբի միջից անցնող փոկը, բայց դա նման էր հանդիմանութեան,

մինչդեռ, ինքն ուզում էր սիրալիր խոսակցութիւն անել: Իսկ ուրիշ ո՛չ մի բան չէր գալիս նրա մտքին:

— Հրամանք վերցնել դեպք աչ, թե չէ՝ քոթուկ է,— ասաց կառապանը, ուղղելով լեհինի բռնած երասանը:

— Խնդրեմ ձեռք շտաս ու շտովորեցնես ինձ,— ասաց լեհինը, սրտնեղած կառապանի այդ միջամտութիւնից, ճիշտ այնպէս, ինչպես միջամտութիւնը միշտ սրտնեղութիւն էր պատճառում նրան, և անմիջապես տխրությամբ զգաց, թե ինչպե՛ս սխալ էր իր ենթադրութիւնը, իբր իր հոգեկան կոտորութիւնը կարող էր անմիջապէս փոխել իրեն, հենց որ ինքը շփոթեր իրականութեան հետ:

Տանից քառորդ վերստ հեռավորութեան վրա լեհինը տեսավ իրեն ընդառաջ վազող Գրիշային ու Տ. Նյային:

— Քեռի Կոստյա: Գալիս են և՛ մայրիկը, և՛ պապիկը, և՛ Սերգեյ Իվանովիչը, և՛ մի ուրիշ մարդ,— ասում էին նրանք, բարձրանալով սայլի վրա:

— Ո՞վ է նա:

— Շատ սարսափելի է: Ու ձեռքերով ա՛յ, այսպէս է անում,— ասաց Տանյան, կանգնելով սայլի մեջ և նմանակելով Կատավասովին:

— Սե՛ր մարդ է, թե՛ ջահել,— ծիծաղելով հարցնում էր լեհինը, որին Տանյայի ներկայացնելը հիշեցնում էր մեկին:

«Ա՛խ, միայն թե տհաճ մարդ չլինի», մտածեց լեհինը: Թերվելով ճանապարհի ոլորտից ու տեսնելով ընդառաջ եկողներին, լեհինը ճանաչեց ծղոտե զլխարկով Կատավասովին, որը քայլում էր, թևերը թափ տալով ճիշտ այնպէս, ինչպէս ներկայացնում էր Տանյան:

Կատավասովը շատ էր սիրում խոսել փիլիսոփայութիւններից, դրա մասին պատկերացում ունենալով այն բնագիտեաների աշխատութիւններից, որոնք երբեք չէին զբաղվել փիլիսոփայութեամբ: Եվ Մոսկվայում վերջերս լեհինը շատ էր վիճում նրա հետ:

Ու այդպիսի խոսակցութիւններից մեկը, որի մեջ Կատավասովը հայտնապէս կարծում էր, թե ինքը հաղթանակեց, առաջին բանն էր, ինչ հիշեց լեհինը՝ ճանաչելով նրան:

«Ո՛չ, այլևս ո՛չ մի կերպ չեմ վիճի ու թեթևամտորեն չեմ արտահայտի իմ մտքերը», մտածեց նա:

Դուրս գալով սայլակից ու բարեկեղծ եղբորը և Կատավասովին, լեհինը հարցրեց կնոջ մասին:

— Կիտին Միտայային տարավ Կոլոկ (դա տան մոտի անտանն էր): Ուզում էր երեխային քնացնել այնտեղ, տանը շոգ է,— ասաց Դոլլին: Լեհինը երբեք խորհուրդ չէր տալիս կնոջը՝ երեխային տանել անտառ, համարելով դա վտանգավոր բան, և այդ լուրն անախորժ էր նրա համար:

— Կիտին երեխայի հետ քարշ է գալիս մի տեղից մյուսը,— ասաց իշխանը ժպտալով:— Ես խորհուրդ տվի նրան փորձել երեխային տանել սառցարան:

— Նա ուզում էր գալ մեղվանոց: Կարծում էր, որ դու այնտեղ ես: Մենք գնում ենք այնտեղ,— ասաց Դոլլին:

— Հը՛, դո՛ւ ի՞նչ ես անում,— ասաց Սերգեյ Իվանովիչը, ետ մնալով մյուսներից ու հավասարվելով եղբորը:

— Առանձնապէս ոչինչ: Ինչպէս միշտ, զբաղվում եմ տնտեսութեամբ,— պատասխանեց լեհինը:— Իսկ դո՛ւ ոնց ես, երկա՛ր ժամանակով: Մենք այնպէս վաղուց սպասում էինք քեզ:

— Մի երկու շաբաթով: Շատ գործ կա Մոսկվայում:

Այս խոսքերն ասելիս եղբայրների աչքերը հանդիպեցին իրար, և լեհինը զգաց, որ իր համար անհարմար է նայել եղբորը, շնայած իր մշտական և այժմ առանձնապէս ուժեղ ցանկութեանը՝ լինել նրա հետ բարեկամական, իսկ որ զլխարկովորն է՝ լինել պարզ հարաբերութիւնների մեջ: Նա աչքերը ցած գցեց ու չգիտեր, թե ի՞նչ ասի:

Մտորելով խոսակցութեան այնպիսի նյութեր, որոնք հաճելի լինեին Սերգեյ Իվանովիչին ու հեռացնեին նրան խոսակցութիւնից, կապված սիրական պատերազմի և սլավոնական հարցի հետ, որի մասին նա ակնարկեց՝ հիշատակելով իր զբաղմունքները Մոսկվայում,— լեհինը խոսեց Սերգեյ Իվանովիչի գրքի մասին:

— Ինչպե՛ս է, ոեցենզիաներ եղա՞ն գրքիդ մասին,— հարցրեց նա:

Սերգեյ Իվանովիչը ժպտաց հարցի կանխամտածվածութեան համար:

— Ոչ ոք զբաղված չէ դրանով, և ես ուրիշներից ավելի եմ,— ասաց նա:— Տեսե՛ք, Դարյա Ալեքսանդրովնա, անձրև

կգա,— ավելացրեց նա, հովանոցով նշելով բարդիներին կատարին երևացող սպիտակ ամպերը:

Եվ բավական էին այդ խոսքերը, որպեսզի հղբայրների միջև նորից հաստատվեր իրար նկատմամբ ոչ թե թշնամական, այլ սառը հարաբերությունը, որից այնպես ուզում էր խուսափել Լևինը:

Լևինը մոտեցավ Կատավասովին:

— Ի՛նչ լավ արիք, որ վճռեցիք զալ,— ասաց նրան:

— Վաղուց էի պատրաստվում: Հիմա կզրուցենք, կվիճենք: Սպենսեր կարդացի՞ք:

— Ո՛չ, մինչև վերջ չկարդացի,— ասաց Լևինը:— Սակայն նա այժմ պետք չէ ինձ:

— Ինչպե՞ս թե. դա հետաքրքրական է: Ինչո՞ւ:

— Այսինքն՝ ես վերջնականապես համոզվեցի, որ ինձ հետաքրքրող հարցերի լուծումը չեմ գտնի ո՛չ նրա, ո՛չ էլ նրա նմանների մեջ: Այժմ...

Բայց Կատավասովի դեմքի հանգիստ և ուրախ արտահայտությունը հանկարծ զարմացրեց նրան, ու նա այնպես ափսոսաց իր տրամադրությունը, որը հայտնապես խախտում էր այդ խոսակցությանը, որ մտաբերելով իր դիտավորությունը, կանգ առավ:

— Սակայն հետո կխոսենք,— ավելացրեց նա:— Եթե ուզում եք գնալ մեղվանոց, ապա՝ ա՛յս կողմը, ա՛յս շավիղով,— դիմեց նա ամենքին:

Նեղ արահետով հասնելով շհնձած փոքրիկ մարգագետնին, ծածկված մի կողմից ամբողջապես շողշողուն լորահատիկ ծաղկով, որի մեջ հաճախ երևում էին եղբորոսի մուգ-կանաչ բարձր թիփերը, Լևինն իր հյուրերին տեղավորեց մատաղ բարդիների թանձր զով շվաքում, նստարանների և գերանահատածների վրա, որոնք հատուկ պատրաստված էին մեղվանոց եկող, բայց մեղուններից վախեցող այցելուների համար,— ինքը գնաց փեթականոցը, որ երեխաների և մեծերի համար բերի հաց, վարունգ ու թարմ մեղր:

Աշխատելով, որքան հնարավոր է, անել ավելի քիչ արագ շարժումներ և ականջ դնելով ավելի ու ավելի հաճախ իր մոտով թռչող մեղուններին, Լևինը կածանով հասավ խրճիթին: Նախասենյակի մոտ մի մեղու տղզաց, խճվեց նրա

մորուքի մեջ, բայց նա զգուշությամբ հանեց, բաց թողեց նրան: Մտնելով ստվերաշատ նախասենյակը, նա վերցրեց պատի մեջ խփած բրիկից իր դիմացանցը, հագավ այն և ձեռքերը դնելով գրպանները, դուրս եկավ ցանկապատած մեղվանոցը, որտեղ ուղիղ շարքերով, բերձեններով կապված ցցերից, դրված էին հնձած բացատի մեջտեղում հին փեթակները, բոլորն էլ նրան իրենց պատմությամբ ծանոթ, իսկ ցանկապատի տակ շարված էին նոր, այս տարի զատած փեթակները: Փեթակների անցքերի առաջ աղոտ երևում էին մի տեղում պտույտ եկող և իրար հրնդող, խաղացող մեղուններն ու անաշխատ արունները, և նրանց միջին շարունակ նույն ուղղությամբ՝ դեպի անտառ, դեպի ծաղկած լորենին ու ետ՝ դեպի փեթակները, թռչում էին աշխատավոր մեղունները՝ ծաղկեփողով և ծաղկեփողու:

Ականջների մեջ անընդհատ հնչում էին մերթ գործով զբաղված արագ թռչող աշխատավոր մեղվի տղզոցը, մերթ պորտաբույժ արուի դոխնը, մերթ հուզված, իրենց ունեցածը թշնամուց պաշտպանող, խայթելու պատրաստ պահապան մեղունների բզզոցը: Ցանկապատի այն կողմում ծերունին ունդում էր հեցը և շէր տեսնում Լևինին: Լևինն առանց ձայնելու նրան, կանգնեց մեղվանոցի մեջտեղում:

Նա ուրախ էր իր մենակ մնալու համար, որպեսզի ուշքի գար այն իրականությունից, որն արդեն կարողացավ այնպես ճնշել նրա տրամադրությունը:

Նա հիշեց, որ ինքը բարկացավ Իվանի վրա, սառնություն ցույց տվեց եղբորը և թեթևամտորեն խոսեց Կատավասովի հետ:

«Մի՞թե դա միայն ընդհանրապես տրամադրությունն էր և կանցնի, առանց հետք թողնելու», մտածեց նա:

Բայց հենց նույն ընդհանրապես վերագառնալով իր տրամադրությանը, նա ուրախությամբ զգաց, որ իր մեջ կատարվել է մի նոր ու կարևոր բան: Իրականությունը միայն առ ժամ քողապատեց հոգեկան այն հանգիստը, որ գտել էր նա. բայց այն անվթար էր նրա մեջ:

Ճիշտ այնպես, ինչպես մեղունները, որոնք այժմ ոլորահյուսվում էին նրա շուրջը, սպառնում էին և ուշադրավում նրան, զրկում էին նրան ֆիզիկական լիովին հանգստից:

ստիպում էին նրան կծկվել, խուսափելով նրանցից,— ճիշտ այդպես էլ հոգսերը, շրջափակելով նրան այն բոսորից, երբ նա նստեց սալակը, զրկում էին նրան հոգեկան ազատութունից. բայց դա շարունակվեց այնքան ժամանակ, մինչև նա նրանց մեջ էր: Ինչպես մարմնական ուժն ամբողջապես անվթար էր նրա մեջ, չնայած մեղուներին, այնպես էլ անվթար էր նոր գիտակցած նրա հոգեկան ուժը:

— Գիտե՞ս, Կոստյա, թե Սերգեյ Իվանովիչը ո՞ւմ է տեսել այստեղ գալիս,— հարցրեց Գուլիին, երեխաներին բաժանելով վարունգ և մեղրը:— Վոռնսկուն: Նա գնում է Սերբիա:

— Այն էլ ոչ թե մենակ, այլ հետը տանում է մի էսկադրոն իր հաշվին,— ասաց Կատավասովը:

— Դա սազում է նրան,— ասաց Լեինը:— Բայց մի՞թե դեռ էլի գնում են կամավորներ,— ավելացրեց նա, նայելով Սերգեյ Իվանովիչին:

Սերգեյ Իվանովիչը չպատասխանելով, զգուշությամբ դանակի բուժ բերանով գավաթից, որտեղ անկյունաձև ընկած էր Եպիտակ մեղրախորիսխը, հանում էր ծորած մեղրի մեջ թաղված դեռ կենդանի մեղուն:

— Այն էլ ինչքա՞ն: Տեսնելու բան էր, թե ի՞նչ էր՞ կատարվում երեկ կայարանում,— ասաց Կատավասովը, խրթոցով կծելով վարունգը:

— Ինչպե՞ս հասկանալ այդ երևույթը:— Ի սեր Քրիստոսի, բացատրեք ինձ, Սերգեյ Իվանովիչ, ո՞ւր են գնում այդ բոլոր կամավորները, ո՞ւմ հետ են պատերազմում,— հարցրեց ծերունի իշխանը, հայտնապես շարունակելով այն զրույցը, որ սկսվել էր առանց Լեինի:

— Թուրքերի հետ,— հանդարտ ժպտալով պատասխանեց Սերգեյ Իվանովիչը, ազատելով ոտիկներն անճարակորեն շարժող, մեղրից սևացած մեղուն և նստեցնելով նրան դանակի վրայից բարդու ամուր տերևի վրա:

— Իսկ ո՞վ է պատերազմ հայտարարել թուրքերին: Իվան Իվանովիչ Ռադո՞զովը և իշխանուհի Լիդիա Իվանովնան ու տիկին Շտա՞լը:

— Ո՞չ ոք պատերազմ չի հայտարարել, այլ մարդիկ կարեկցում են իրենց մերձավորների տառապանքներին ու կամենում են օգնել նրանց,— ասաց Սերգեյ Իվանովիչը:

— Բայց իշխանն ասում է ո՛չ թե օգնության, այլ պատերազմի մասին,— ասաց Լեինը, պաշտպան կանգնելով անհրաշք:— Իշխանն ասում է, որ մասնավոր մարդիկ չեն կարող մասնակցել պատերազմին առանց կառավարության թույլտվության:

— Կոստյա, տե՛ս, այս մեղո՞ւն: Իսկապես մեզ կխայթոտեն,— ասաց Գուլիին, ձեռքերի թափահարությամբ պաշտպանվելով պիծակից:

— Դա մեղու չէ, պիծակ է,— ասաց Լեինը:

— Հապա՛, հապա՛, ինչպե՞ս է ձեր տեսությունը,— ժպտով ասաց Կատավասովը Լեինին, հայտնապես միճաբանության հրավիրելով նրան:— Ինչո՞ւ մասնավոր մարդիկ իրավունք չունեն:

— Իմ տեսությունն այս է. պատերազմը մի կողմից այնպիսի անասնական, դաժան ու սոսկալի բան է, որ ո՛չ մի մարդ, էլ չեմ ասում՝ քրիստոնյա, չի կարող անձամբ իր պատասխանատվությամբ վերցնել պատերազմ սկսելու նախաձեռնությունը, այլ կարող է միայն կառավարությունը, որը կոչված է դրա համար և հանգում է պատերազմի անխուսափելիորեն: Մյուս կողմից՝ թե՛ համաձայն գիտության, թե՛ համաձայն առողջ դատողության, պետական զործերում, մանավանդ պատերազմի գործում, քաղաքացիները հրաժարվում են իրենց անհատական կամքից:

Սերգեյ Իվանովիչը և Կատավասովը պատրաստի առարկություններով խոսեցին միաժամանակ:

— Բանն էլ հենց այդ է, բարեկամս, որ կարող են լինել դեպքեր, երբ կառավարությունը չի կատարում քաղաքացիների կամքը, և այն ժամանակ հասարակությունը դրսևորում է իր կամքը,— ասաց Կատավասովը:

Սակայն բացահայտ էր, որ Սերգեյ Իվանովիչը հավանություն չէր տալիս այդ առարկությանը: Նա խոժոռվեց Կատավասովի խոսքերը լսելիս և ասաց ա՛յլ բան:

— Զուր ես դու հարցը դնում այդպես: Այստեղ չկա պատերազմի հայտարարում, այլ կա ուղղակի մարդկային քրիստոնեական զգացման արտահայտություն: Սպանում են եղբայրակիցներին, արյունակիցներին ու զավանակիցներին:

Ենթադրենք, նույնիսկ ո՛չ եզրայրակիցներին, ո՛չ զավանա-
կիցներին, այլ ուղղակի երեխաների, կանանց, ծերերի. զգաց-
մունքը վրդովվում է, և ռուս մարդիկ վազում, գնում են, որ-
պեսզի օգնեն՝ զաղարեցնելու այդ սարսափելի շարագործու-
թյունը: Երևակայի՛ր, որ դու գնում ես փողոցով ու տեսնում,
որ հարբած մարդիկ ծեծում են մի կնոջ կամ երեխայի. կար-
ծում եմ, դու չես սկսի հարցեր տալ՝ արդյոք պատերազմ հալ-
տարարված է այդ մարդուն, թե՞ չի հայտարարված, այլ վրա
կրնկնես ու կպաշտպանես տուժողին:

— Այո՛, բայց չէի սպանի,— ասաց Լևինը:

— Ո՛չ, կսպանեիր:

— Չգիտեմ: Սթե ես տեսնեի այդպիսի բան, ես կղեկա-
վարվեի իմ անմիջական զգացումով, բայց նախապես չեմ կա-
րող ասել: Եվ այդպիսի անմիջական զգացում սլավոնների
հարստահարման վերաբերյալ չկա ու չի կարող լինել:

— Գուցե բե՛զ համար չկա: Բայց ուրիշների համար կա
այդ զգացումը,— դժգոհ խոժոռվելով ասաց Սերգեյ Իվանո-
վիչը:— Ժողովրդի մեջ ողջ են, ապրում են ավանդույթներն
այն ուղղափառ մարդկանց մասին, որոնք տառապում են
«պիղծ հազարացիների» լծի տակ: Ժողովուրդը լսեց իր եղ-
բայրների տառապանքների մասին և խոսեց:

— Կարող է պատահել,— խուսափողական տոնով ասաց
Լևինը,— բայց ես չեմ տեսնում այդ բանը. ես ինքս ժողո-
վուրդ եմ, և ես չեմ զգում այդ:

— Ես նույնպես,— ասաց իշխանը:— Ես ապրում էի
արտասահմանում, կարդում էի թերթեր և խոստովանում եմ,
զեռ բուլղարական արհավիրքներից առաջ ո՛չ մի կերպ չէի
հասկանում, թե ինչո՛ւ բոլոր ռուսները հանկարծ այդպես
ափրեցին եզրայրակից սլավոններին, իսկ ես ո՛չ մի սեր չեմ
զգում իմ մեջ նրանց հանդեպ: Ես շատ վշտանում էի, մտա-
ծում էի, որ այլանդակ մարդ եմ, կամ որ Կարլսբադն է այդ-
պես ներգործում ինձ վրա: Բայց զարյու վայտեղ, ես հանգրս-
տացա. ես տեսնում եմ, որ ինձնից զատ՝ կան ուրիշ մարդիկ
էլ. որոնք հետաքրքրվում են միայն Ռուսաստանով, ո՛չ թե
եզրայր-սլավոններով: Ահա Կոնստանտինն էլ:

— Անձնական կարծիքներն այստեղ ոչինչ չեն նշանա-
կում,— ասաց Սերգեյ Իվանովիչը:— Ի՞նչ արժեք ունեն անձ-
նական կարծիքները, երբ ամբողջ Ռուսաստանը՝ ժողովուրդն,
արտահայտեց իր կամքը:

— Ներեցեք ինձ: Ես չեմ տեսնում այդ: Ժողովուրդը ոչինչ
չգիտե, չի էլ ուզում իմանալ,— ասաց իշխանը:

— Ո՛չ, հայրիկ... ինչպե՞ս չէ: Հապա կիրակի եկեղե-
ցո՞ւմ,— ասաց Դուլին, որ լսում էր խոսակցությունը:—
ինչո՞րեմ, տաս սրբիչը,— ասաց նա ծերունուն, որը ժպիտով
նայում էր երեխաներին:— Հո չի կարող պատահել, որ
ամենքը...

— Է՛, ի՞նչ էր կիրակի օրը եկեղեցում: Քահանային հրա-
մայել էին կարգալ. նա էլ կարդաց: Նրանք ոչինչ չհասկացան,
հառաչում, ախ ու վախ էին անում, ինչպես ամեն քարոզ
կարդալիս,— շարունակեց իշխանը:— Հեռո նրանց ասացին,
թե հոգեփրկիչ գործի համար զրամ են հավաքում եկեղեցում,
նրանք էլ մի-մի կոպեկ հանեցին ու տվին: Իսկ թե ինչի՞ հա-
մար՝ նրանք իրենք էլ չգիտեին:

— Ժողովուրդը չի կարող չիմանալ. իր վիճակի գիտակցու-
թյունը միշտ կա ժողովրդի մեջ, և ներկայիս նման բոպեններին
այդ գիտակցությունը պարզվում է նրա համար,— համոզված
ասաց Սերգեյ Իվանովիչը, նայելով ծերունի-մեղվապա-
հին:

Սպիտակախառն սև մորուքով և արծաթափայլ խիտ մա-
զերով գեղեցիկ ծերունին կանգնած էր անշարժ, ձեռքին մեղ-
րով լի զավաթը, իր հասակի բարձրությունից գուրգուրանքով
ու հանգիստ նայելով պարոններին, հայտնապես ոչինչ չհաս-
կանալով և շուգենալով հասկանալ:

— Դրուստ էդպես է,— նշանակալից օրորելով զլուխը,
ասաց նա Սերգեյ Իվանովիչի խոսքերի առթիվ:

— Ա՛յ, ահա, հարցրեք նրան: Նա ոչինչ չգիտե, ոչինչ չի
կարծում,— ասաց Լևինը:— Միխայլիչ, լսե՛լ ես պատերազմի
մասին,— դիմեց նրան:— Հապա ասա, ինչ էին կարդում
եկեղեցում: Ի՞նչ ես կարծում դու: Պե՞տք է, որ մենք պատե-
րազմենք քրիստոնյաների համար:

— Մեր ի՞նչ կարծելու բանն է: Ալեքսանդր Նիկոլաևիչ կայսրը մեր տեղակ մտածել է, մեր տեղակ էլ կմտածի ամեն բանում: Նա մեզնից լավ է տեսնում: էլի հաց բերեմ, հա՞: Երեսանցը էլի տամ, չէ՞,— դիմեց նա Դարյա Ալեքսանդրովնային, նշելով Գրիշային, որն ուտում, վերջացնում էր հացի կեղևը:

— Ես հարցնելու կարիք չունեմ,— ասաց Սերգեյ Իվանովիչը,— մենք տեսանք և տեսնում ենք հարյուր-հարյուրավոր մարդկանց, որոնք թողնում են ամեն ինչ, որպեսզի ծառայեն արդար գործին. նրանք գալիս են Ռուսաստանի բոլոր ծայրերից և ուղղակի ու պարզապես արտահայտում են իրենց միտքն ու նպատակը: Նրանք նվիրաբերում են իրենց զրոշները կամ իրե՛նք են գնում և ուղղակի ասում են, թե ինչի համար: Հապա ի՞նչ է նշանակում դա:

— Հստ իս, նշանակում է,— ասաց տաքանալ սկսող Լևինը,— որ ութսուն միլիոն ժողովրդի մեջ միշտ կգտնվեն ո՛չ թե հարյուրավոր, ինչպես այժմ է, այլ տասնյակ հազարավոր մարդիկ, հասարակական իրենց դիրքը կորցրած, թե՛ թե՛ անհետ, անհոգ մարդիկ, որոնք միշտ պատրաստ են մրտնելու Պուգաչովի ավազակախումբը, գնալու Խիվա, Սևրբրիա...

— Ես ասում եմ քեզ, ո՛չ թե հարյուրավոր և ո՛չ թե թե՛-թե՛ անհոգ մարդիկ, այլ ժողովրդի լավագույն ներկայացուցիչները,— ասաց Սերգեյ Իվանովիչն այնպիսի գրգռմունքով, կարծես նա պաշտպանում էր իր վերջին կարողությունը:— Հապա նվիրաբերությունե՞րը: Այստեղ արդեն ուղղակի ամբողջ ժողովուրդն է արտահայտում իր կամքը:

— Այդ «ժողովուրդ» խոսքն այնպես անորոշ է,— ասաց Լևինը:— Վոյոստի գրագիրները, ուսուցիչները, մուսիկներից հաղարից մեկը գուցե գիտեն, թե ինչի՞ն է վերաբերում բանը: Իսկ մնացած ութսուն միլիոնը, Միխայլիչի պես, ո՛չ միայն չի արտահայտում իր կամքը, այլև ոչ մի հասկացողություն չունի, թե ինչի՞ նկատմամբ նա պիտի արտահայտի իր կամքը: Մենք ի՞նչ իրավունք ունենք ասելու, իբր դա ժողովրդի կամքն է:

Դիալեկտիկայի մեջ փորձված Սերգեյ Իվանովիչն, առանց առարկելու, անմիջապես խոսակցությունը շրջեց ուրիշ ուղղությամբ:

— Եթե դու ուզում ես թվաբանական եղանակով իմանալ ժողովրդի ոգին, հասկանալի է, որ դա շատ դժվար գործ է: Զայնատվության օրենք մտցված չէ մեզանում և չի կարող մտցվել, որովհետև այն չի արտահայտում ժողովրդի կամքը, բայց դրա համար կան ուրիշ միջոցներ: Դա զգացվում է օդի մեջ, դա զգում է սիրտը: Ես չեմ ասում ստորջրյա այն հոսանքների մասին, որոնք շարժվելիցն ժողովրդի կանգնած ծովում և որոնք պարզ են յուրաքանչյուր անկանխակալ մարդու համար. նայիր հասարակությանը բառիս նեղ իմաստով: Ինտելիգենցիայի շրջանի հազար ու մի կուսակցություններ, առաջ իրար թշնամի, միացել են, միավորվել: Ամեն տարածայնություն վերջացած է, հասարակական բոլոր օրգաններն ասում են նույն և միևնույն բանը, ամենքն զգացին տարերային այն ուժը, որ վերցրեց իրենց ու տանում է մի ուղղությամբ:

— Է՛հ, թերթերն են, որ ասում են նույն բանը,— հարեց իշխանը:— Դա ճիշտ է: Բայց այդ բոլորն արդեն նույնն է, ինչ գորտերը փոթորկից առաջ: Դրանց պատճառով էլ ոչինչ չի լավում:

— Արդյոք գորտե՞ր են, թե գորտեր չեն, չգիտեմ, ես թերթեր չեմ հրատարակում և չեմ ուզում նրանց պատշպանել: Բայց ես ասում եմ ինտելիգենցիայի շրջանում տիրող համամտության մասին:— ասաց Սերգեյ Իվանովիչը, դիմելով եզրորդ: Լևինն ուզում էր պատասխանել, բայց ծերունի իշխանն ընդհատեց նրան:

— Այդ համամտության մասին դեռ կարելի է ուրիշ բան ասել,— խոսեց իշխանը:— Ա՛յ, ես ունեմ մի փեսա, Ստեպան Արկադևիչը, դուք ճանաչում եք նրան: Նա այժմ ստանում է հանձնաժողովի կոմիտեի և էլի ինչ-որ բանի, ես չեմ հիշում, անդամի պաշտոն: Միայն անելու բան չկա այնտեղ,— հը՞, Դոլլի, դա գաղտնիք չէ,— իսկ ոռճիկը՝ 8000: Հապա փորձեցե՞ք, հարցրե՞ք նրան, արդյոք օգտակա՞ր է նրա ծառայությունը, նա ձեզ կապացուցի, որ ամենահարկավոր ծառա-

յությունն է: Եվ արդարամիտ մարդ է, բայց հո չի՞ կարելի շնավատալ ութ հաղարի օգտակարութիւնը:

— Հա՛, նա խնդրեց ինձ հայտնել Գարյա Ալեքսանդրով-նային՝ այդ պաշտօնն ստանալու մասին, — դժկամորեն ասաց Սերգեյ Իվանովիչը, ենթադրելով, որ իշխանը խոսում է ոչ ի զեպ:

— Այդպես էլ թերթերի համամտութիւնն է: Ինձ դա պարզաբանեցին. հենց որ պատերազմ է սկսվում, նրանց եկամուտը կրկնապատկվում է: Էլ ինչպե՞ս կարող են նրանք շնաշվել, որ ժողովրդի ու սլավոնների վիճակը... և այս բոլորը:

— Շատ թերթեր ես չեմ սիրում, բայց դա անիրավացի է, — ասաց Սերգեյ Իվանովիչը:

— Ես կղնեի միայն մի պայման, — շարունակեց իշխանը: — Alphonse Karr-ը հիանալի կերպով գրել է դա Պրուսիայի հետ պատերազմ սկսվելուց առաջ: «Ձեր կարծիքով պատերազմն անհրաժեշտ է: Հրաշալի: Ովքեր բարոզում են պատերազմ, թող կազմեն առանձին, առաջավոր ջոկատ, և դիմեն զրոհի, հարձակման, ամենքից առաջ անցնելով»:

— Կա՛վ օրի կընկնեն խմբադիրները, — բարձրաձայն ծիծաղելով ասաց Կատավասովը, կրեակայելով իր ծանոթ խմբագիրներին այդ ընտիր լեզուների մեջ:

— Ի՛նչ կստացվի զրանից, նրանք կփախչեն, — ասաց Գոլիին, — նրանք կխանգարեն միայն:

— Իսկ եթե կփախչեն, ետևներից կարտեչ կամ կողակներ դնել, մտրակը ձեռքերին, — ասաց իշխանը:

— Է՛հ, դա կատակ է և վատ կատակ, ներեցեք ինձ, իշխան, — ասաց Սերգեյ Իվանովիչը:

— Ես չեմ տեսնում, որ դա կատակ լիներ, դա... — սկսեց Լեհինը, բայց Սերգեյ Իվանովիչն ընդհատեց նրան:

— Հասարակութիւնն այսօր անդամ կանչված է անելու իրեն հատուկ գործը, — ասաց նա: — Եվ մտքի մարդիկ կատարում են իրենց գործը, արտահայտելով հասարակական կարծիքը: Թե՛ համամտութիւնը, թե՛ հասարակական կարծիքի լիովին արտահայտութիւնը մամուլի արժանիքն է և միաժամանակ ուրախալի երևույթ: Քսան տարի սրանից առաջ մենք կլուծեինք, իսկ հիմա լսվում է ուս ժողովրդի ձայնը, այն

ժողովրդի, որը պատրաստ է մի մարդու պես ոտքի կանգնելու և պատրաստ է զոհաբերելու իրեն իր հարստահարված եղբայրների համար. դա խոշոր քայլ է և ուժի առճավատչաւ:

— Բայց չէ՞ որ չպետք է միայն զոհաբերել, այլև թուրքեր սպանել, — ասաց Լեհինը վեհերոտ: — Ժողովուրդը զոհաբերում է ու պատրաստ է զոհաբերելու իր հոգու համար, և ո՛չ թե սպանութիւն, — ավելացրեց նա, ակամա կապելով խոսակցութիւնն այն մտքերի հետ, որոնք այնպես զբաղեցնում էին իրեն:

— Ինչպե՞ս թե հոգու համար: Դա, հասկանո՞ւմ եք դուք, դժվարին արտահայտութիւն է բնագետի համար: Այդ ի՞նչ է հոգի ասածը, — ժպտալով հարցրեց Կատավասովը:

— Ախ, դուք գիտե՛ք:

— Աստված վկա, ո՛չ մի հասկացողութիւն չունեմ, — բարձր քրքիչով ասաց Կատավասովը:

— Ես բերի ո՛չ թե խաղաղութիւն, այլ սուր, ասում է Քրիստոսը, — առարկեց Սերգեյ Իվանովիչը, պարզորեն, կարծես ասում էր հասկանալի մի բան, մեջ բերելով ավետարանից այն տեղը, որը միշտ ամենից ավելի էր շփոթեցնում Լեհինին:

— Դրուստ էդպես է, — նորից խոսեց նրանց մոտ կանգնած ծերունին, պատասխանելով պատահամբ իր վրա գցած հայացքին:

— Ո՛չ, բարեկամս, պարտված եք, պարտված, բոլորովին պարտված, — ուրախ բղավեց Կատավասովը:

Լեհինը կարմրեց սրտնեղութիւնից ոչ այն պատճառով, որ ինքը պարտվեց, այլ նրա համար, որ շնամբերից ու սկսեց վիճել:

«Ո՛չ, չի՛ կարելի, որ ես վիճեմ նրանց հետ, — մտածեց նա, — նրանք հազած են անթափանցելի՛ զրահ, իսկ ես մերկ եմ»:

Նա տեսնում էր, որ չէր կարելի համոզել եղբորն ու Կատավասովին, ավելի ևս քիչ հնարավորութիւն էր տեսնում իր համար, համաձայնելու նրանց: Այն, ինչ քարոզում էին նրանք, խելքի այն գոռոզութիւնն էր հենց, որը քիչ մնաց կործանեո իրեն: Նա չէր կարող համաձայնել այն բանին, որպեսզի

տասնյակ մարդիկ, դրանց թվում նաև իր եղբայրը, իրավունք
 ունենալին ասելու,— հիմնվելով մայրաքաղաքները եկած
 հարյուրավոր ճոռոմախոս կամավորների պատմածի վրա,—
 իբր իրենք թերթերի հետ միասին արտահայտում են ժողո-
 վրդի կամքն ու միտքը, և այնպիսի միտքը, որն արտահայտ-
 վում է վրեժխնդրությամբ ու սպանություններով: Նա չէր կարող
 համաձայնել դրան, որովհետև չէր տեսնում այդ մտքերի ար-
 տահայտությունը ո՛չ ժողովրդի մեջ, որի շրջանում ապրում էր
 ինքը, ո՛չ էլ այդ մտքերը գտնում էր իր մեջ (իսկ նա իրեն
 ուրիշ բան համարել չէր կարող, բայց եթե ուս ժողովուրդը
 կազմող մարդկանցից մեկը), իսկ, որ գլխավորն է՝ այն պատ-
 ճառով, որ ժողովրդի հետ միասին ինքն էլ չգիտեր, չէր կա-
 րող իմանալ, թե ի՛նչն է ընդհանուր բարիքը: Բայց հաստատ
 գիտեր, որ այդ ընդհանուր բարիքին հասնելը հնարավոր է
 միայն բարու այն օրենքի խստիվ կատարմամբ, որը հայտնի
 է յուրաքանչյուր մարդու, ուստի չէր կարող ցանկալ պատե-
 րազմ ու քարոզել այն ինչ-որ ընդհանուր նպատակների հա-
 մար: Նա ասում էր Միխայիլի և ժողովրդի հետ միասին, որն
 իր միտքն արտահայտել էր վայրագների կանչելու հետ կապ-
 ված ավանդության մեջ. «Իշխեցեք և տիրեցեք մեզ: Մենք ու-
 բախություններ խոստանում ենք լիովին հնազանդություն: Ամ-
 բողջ աշխատանքը, բոլոր նվաստացումները, բոլոր գոհարե-
 րությունները մենք վերցնում ենք մեզ վրա. բայց դատում ու
 վճռում ենք ո՛չ մենք»: Իսկ հիմա ժողովուրդը, Սերգեյ Իվանո-
 վիչի ասելով, հրաժարվել է այնքան թանկ գնով ձեռք բերված
 այդ իրավունքից:

Նա ուզում էր էլի ասել, որ եթե հասարակական կարծիքը
 անսխալական դատավոր է, ապա ինչո՞ւ հեղափոխությունը,
 կոմունան նույնպես օրինական չեն, ինչպես օրինական է շար-
 ժումը հօգուտ սլավոնների: Բայց այս բոլորն այնպիսի մտքեր
 էին, որ ոչինչ չէին կարող վճռել: Մի բան աներկբայորեն կա-
 բելի էր տեսնել, դա այն էր, որ վիճարանությունը ու՛լլալ բո-
 պիին գրգռում էր Սերգեյ Իվանովիչին, ուստի դժվար էր վի-
 ճելը: Եվ Լևինը լռեց ու հյուրերի ուշադրությունը հրավիրեց
 այն բանի վրա, որ ամպերը կիսովեցին և որ ավելի լավ է խու-
 ապիել անձրևից ու գնալ տուն:

Իշխանն ու Սերգեյ Իվանովիչը նստեցին սայլակը և գնա-
 ցին. մնացած հասարակությունը, արագացնելով քայլերը,
 ոտքով գնաց դեպի տուն:

Բայց ամպը, մերթ սպիտակելով, մերթ սևանալով, վրա
 էր գալիս այնպես արագ, որ հարկավոր էր քայլերն էլի ավե-
 րացնել, անձրևից առաջ տուն հասնելու համար: Առաջատար
 ամպերը, ցածրընթաց ու սև, ինչպես մրախառն ծուխ, արտա-
 սովոր արագությամբ վազում էին երկնքով: Մինչև տուն
 դեռ կար երկու հարյուր քայլ, բայց արդեն բարձրացավ
 քամի, և ամեն վայրկյան կարելի էր սպասել անձրևի տա-
 րափ:

Երեխաները վախեցած ու ուրախ ճշոցով վազում էին
 առջևից: Դարյա Ալեքսանդրովնան դժվարությամբ սայլքա-
 բելով իր ոտքերին կպած շրջադեցստի հետ, ո՛չ թե քայլում,
 այլ վազում էր, աչք չհեռացնելով երեխաններից: Տղամարդիկ
 ձեռքով գլխարկները բռնած, գնում էին խոշոր քայլերով:
 Նրանք արդեն արտաքին սանդուղքի մոտ էին, երբ մի մեծ կա-
 թիլ զարնվեց երկաթե ճոռի ափին ու փշրվեց: Երեխաները,
 նրանց ետևից նաև մեծերը, խինդ ու խոսքով վազեցին, մտան
 տանիքի պաշտպանության տակ:

— Ո՞ւր է Կատերինա Ալեքսանդրովնան.— հարցրեց Լևի-
 նը Ազաֆյա Սիխայլովնային, որը, ձեռքին աղլուխներ ու պլեդ-
 ներ, հանդիպեց նախասենյակում:

— Մենք կարծում էինք, ձեզ հետ է,— ասաց Միխայլով-
 նան:

— Իսկ Մի՞տյան:

— Կոտկում է, երևի, դայակն էլ նրանց հետ է:
 Լևինը խլեց պլեդները ու վազեց դեպի Կոտկ:

Այդ կարճ միջոցին տարափարբեր ամպն իր մեջտեղով այն-
 քան առաջացավ ու ծածկեց արևը, որ մթնեց, ինչպես խա-
 վարման ժամանակ: Քամին համառաբար, կարծես թե պըն-
 դելով իրենը, կանգնեցնում էր Լևինին և պոկելով լորենիների
 տերևներն ու ծաղիկը և այլանդակորեն ու տարօրինակաբար
 մերկացնելով կեչիների սպիտակ ճյուղերը, կռացնում էր դեպի
 մի կողմ ամեն ինչ՝ ակացիաները, ծաղիկները, կռատուկնե-

րը, կանաչ խոտը և ծառերի կատարները: Այգում աշխատող աղջիկները վժժոցով վազեցին, մտան ծառայանոցի տանիքի տակ: Տեղատարափ անձրևի սպիտակ վարագույրն արդեն բռնեց ամբողջ հեռավոր անտառն ու մոտիկ դաշտի կեսը և արագ մոտենում էր Կոլոկին: Օդի մեջ զգացվում էր մանր կաթիլների փոխված անձրևի խոնավությունը:

Պյուխը կողքնելով առաջ ու պայքարելով քամու դեմ, որը խլում էր նրանից գլխաշորերը, Լեինն արդեն մոտեցել էր Կոլոկին և արդեն տեսնում էր կաղնու և տևում սպիտակին տվող ինչ-որ բան, երբ հանկարծ բռնկվեց, բոցավառովեց ամբողջ երկիրը ու կարծես նրա գլխի վրա ճաքեց երկնակամարը: Բացելով շլացած աչքերը, Լեինն անձրևի թանձր վարագույրի միջից, որն այժմ բաժանում էր նրան Կոլոկից, սարսափով տեսավ ամենից առաջ տարօրինակաբար իր դիրքը փոխած՝ նրան ծանոթ կաղնու կանաչ կատարը անտառի մեջտեղում: «Մի՞թե շարզեց», հազիվ կարողացավ մտածել Լեինը, երբ կաղնու կատարը շարունակ արագացնելով ու արագացնելով իր շարժումը, ծածկվեց մյուս ծառերի ետևում, և նա լսեց ուրիշ ծառերի վրա ընկած մեծ ծառի թրխկոցը:

Կայծակի լույսը, որոտի ձայնը և մի անթարթում սառնությունը համակված մարմնի զգացողությունը Լեինի համար միախառնվեցին սարսափի տպավորության մեջ:

— Աստված իմ, աստված իմ, միայն թե ո՞չ նրանց վրա, — բացականչեց նա:

Ու թեև նա անմիջապես մտածեց այն մասին, թե այժմ ի՞նչու չունի իր խնդիրը, որպեսզի նրանք շսպանվեին արդեն բնկած կաղնուց, բայց նա կրկնում էր խնդիրը, իմանալով, որ այդ անիմաստ աղոթքից բացի ուրիշ ոչինչ անել չի կարող ինքը:

Վազելով մինչև այն տեղը, որտեղ սովորաբար լինում էին նրանք, Լեինը նրանց չգտավ:

Նրանք անտառի մյուս ծայրին էին, հին լորենու տակ. և կանչում էին նրան: Երկու ֆիգուրներ մուգ զգեստներով (նրանք առաջ բացույն զգեստով էին), կռացած մի բանի վրա, կանգնել էին: Կիտին և դայակն էին դրանք: Անձրևն արդեն դադարում էր և սկսում էր լուսանալ, երբ Լեինը մոտ վազեց նրանց: Դայակի զգեստի ցածի մասը շոր էր, բայց

Կիտի զգեստը բոլորովին թաց էր ու ամբողջովին կպել էր մարմնին: Թեև այլևս անձրև չկար, բայց նրանք դեռ կանգնած էին նույն դիրքով, ինչ դիրքով կանգնեցին, երբ պայթեց փոթորիկը: Երկուսն էլ կանգնել էին, կռացած դեպի ձեռնասայլակը՝ կանաչ հովանոցով:

— Ո՞րք եք: Առո՞ղք եք: Փա՞ռք աստծո, — ասաց նա, ջրով լի կոշիկը շփվացնելով դեռ կանգուն ջրի մեջ ու մոտ վազելով նրանց:

Կիտի կարմիր ու թաց դեմքը դարձած էր դեպի նա և երկչոտությունով ժպտում էր ձեռք փոխած զխարկի տակից:

— Բա խիղճ չունե՞ս դու: Ես չեմ հասկանում, ինչպե՞ս կարելի է այդպես անզույշ լինել, — սրտնեղությամբ հարձակվեց նա կնոջ վրա:

— Աստված վկա, ես մեղավոր չեմ: Հենց որ ուզեցի հեռանալ այստեղից, երեխան շուռումուռ եկավ: Պետք էր փոխել նրա բարուրները: Մենք հենց որ... — սկսեց ներողություն խնդրել Կիտին:

Միտյան անվնաս էր, շոր և քնել էր անխռով:

— Է՛հ, փառք աստծո. ես չգիտեմ, ինչ եմ ասում:

Հավաքեցին թաց բարուրները, դայակը հանեց երեխային ու տարավ ձեռքի վրա: Լեինը գնում էր կնոջ կողքից, մեղավոր զգալով իրեն իր սրտնեղության համար և դայակից թաքուն սեղմեց Կիտիի ձեռքը:

XV III

Ամբողջ օրվա ընթացքում, ամենաբազմապիսի խոսակցությունների միջոցին, որոնց Լեինը մասնակցում էր իր խելքի կարծես միայն արտաքին կողմով, շարունակ լսում էր ուրախ զգացումով իր սրտի լիությունը, շնայած իր հիասթափությանն այն փոփոխության նկատմամբ, որ պետք էր տեղի ունենար իր մեջ:

Անձրևից հետո գետինը չափազանց թաց էր, ուստի չէր կարելի գնալ զբոսանքի. բացի դրանից, մրկաբեր ամպերն էլ չէին հեռանում հորիզոնից և անցնում էին երկնքի ակերտով:

մերթ այնտեղ, մերթ այստեղ, գոռոգողով ու սևանալով: Ամբողջ հասարակութիւնը օրվա մնացած մասն անցկացրեց տանը:

Վիճարանութիւններ այլևս չէին ծագում, ընդհակառակն, ճաշից հետո ամենքը շատ լավ տրամադրութեան էին:

Կատարական սկզբում ծիծաղեցնում էր կանանց իր օրիգինալ կատակներով, որոնք միշտ այնպես դուր էին գալիս՝ նրա հետ առաջին ծանոթութեան միջոցին, բայց հետո, Սերգեյ Իվանովի ղրդմամբ, նա սկսեց պատմել իր հետաքրքրական դիտողութիւնները տնային արու և էգ ճանճերի բնավորութեան, նույնիսկ կերպարանքի տարբերութեան ու նրանց կյանքի մասին: Սերգեյ Իվանովիչը նույնպես ուրախ էր, և թեյի ժամանակ, եղբոր ղրդմամբ, նկարագրեց իր հայեցակետն արևելյան հարցի ապագայի վերաբերյալ, և այնպես պարզ ու լավ, որ ամենքը հրապուրված լսում էին նրան:

Կիտին միայն շկարողացավ մինչև վերջ լսել Սերգեյ Իվանովիչին, նրան կանչեցին Միտայային լողացնելու:

Կիտիի գուրս գնալուց մի քանի րոպե հետո Լեինին էլ կանչեցին նրա մոտ՝ մանկասենյակ:

Թողնելով իր թեյը և նույնպես ափսոսալով հետաքրքրական խոսակցութիւնն ընդհատելու համար, միաժամանակ անհանգստանալով, թե ինչո՞ւ էին կանչում իրեն, որովհետև դա պատահում էր միայն կարևոր դեպքերում, Լեինը գնաց մանկասենյակ:

Չնայած որ Լեինին շափաղանց հետաքրքրեց, որպես նրա համար կատարյալ նորութիւն, Սերգեյ Իվանովիչի մինչև վերջ չլսած ծրագիրն այն մասին, թե ինչպես սլավոնների քառասուն միլիոնանոց ազատագրված աշխարհը պետք է նոր զարաշրջան սկսի պատմութեան մեջ, չնայած որ նրան հուզում էր և՛ հետաքրքրութիւնը, և՛ անհանգստութիւնն այն մասին, թե ինչո՞ւ կանչեցին իրեն, բայց հենց որ նա մնաց մենակ, գուրս գալով ընդունարանից, անմիջապէս հիշեց առավոտվա իր մտքերը: Եվ բոլոր այդ նկատառումները սլավոնական տարրի նշանակութեան մասին համաշխարհային պատմութեան մեջ՝ թվացին նրան այնքան շնչին իր հոգում կատարվող հեղաշրջման համեմատութեամբ, որ Նա վայրկենապէս մտա-

ցավ այդ բոլորը և մտափոխվեց նույն տրամադրութեան մեջ, որով համակված էր այսօր առավոտյան:

Նա այժմ չէր հիշում իր մտքերի ամբողջ ընթացքը (դա պետք չէր նրան), ինչպես լինում էր առաջ: Նա մեկնեց փոխադրվեց այն զոացումի մեջ, որը ղեկավարում էր իրեն, որը կապված էր այդ մտքերի հետ, և գտավ իր հոգում այդ զոացումն է՛լ ավելի ուժեղ ու որոշակի, քան առաջ: Այժմ նրա հետ չպատահեց այն, ինչ լինում էր առաջվա մտացածին հանդարտեցումների դեպքում, երբ պետք էր վերականգնել մտքի ամբողջ ընթացքը, որպեսզի կարելի լիներ գտնել զոացումը: Այժմ, ընդհակառակն, ուրախութեան ու հանգստացման զոացումն ավելի վառ էր, քան առաջ, և միտքը չէր հասնում զոացման ետևից:

Նա գնում էր տեղատու ու նայեց արդեն մթնած երկընթում երևացած երկու աստղերին և հանկարծ հիշեց. «Այ՛ո՛, նայելով երկնքին, ես մտածում էի, թե երկնակամարը, որ տեսնում եմ, սուտ բան չէ, միևնույն ժամանակ ինչ-որ բան ես չէի մտածում մինչև վերջ, ինչ-որ բան թաքցնում էի ինքս ինձնից,— մտածեց նա:— Բայց ինչ էլ լինի, առարկութիւն չի կարող լինել: Բավական է միայն մտածել,— և ամեն բան կ'արգվի»:

Արդեն մտնելով մանկասենյակ, նա հիշեց, թե ի՞նչն էր այն, որն ինքը թաքցնում էր իրենից: Այդ այն էր, որ եթե աստվածութեան զլխավոր ապացույցը նրա հայտնութիւնն է բարու մասին, ապա ինչո՞ւ այդ հայտնութիւնը սահմանափակվում է միայն քրիստոնեական եկեղեցով: Ի՞նչ կապ ունեն այդ հայտնութեան հետ հավատալիքները բողոքականների, մասնեղականների, որոնք նույնպէս դավանում և անում են բարութիւն:

Նրան թվում էր, որ ինքը պատասխան ունի այդ հարցին. բայց չհասցնելով ինքն իր համար պարզելու այն, արդեն մտավ մանկասենյակ:

Կիտին, թեքը քշտած, կանգնել էր վաննայի մոտ, կռացած նրա մեջ ճղփացող երեխայի վրա և լսելով ամուսնու քայլերը, երեսը շուտ տալով դեպի նա, ժպիտով կանչում էր նրան իր մոտ: Մի ձեռքով Կիտին տակի կողմից բռնել էր մեջքի վրա լողացող ու փամփրկ տոտիկները կորացրած երեխային,

մյուսով՝ համաշափորեն լարելով մկանը, մզում էր նրա վրա սպունգը:

— Ա՛յ, ահա, տե՛ս, տե՛ս,— ասաց նա, երբ ամուսինը մոտեցավ նրան: — Ազաֆյա Միխայլովնան իրավացի է, ծանաշում է:

Խոսքը նրա մասին էր, որ Միտյան այսօրվանից արդեն անկասկած ճանաչում էր բոլոր յուրայիններին:

Հենց որ Լեինը մոտեցավ վաննային, նրան անմիջապես ցույց տվին փորձը, և փորձը լիովին հաջողվեց, և հարարուհին, որին դիտամբ կանչեցին նրա համար, կոացավ դեպի երեխան: Վերջինս խոժոռվեց ու բացասաբար ճոճեց գլուխը: Կիտին կոացավ դեպի նա,— երեխայի դեմքին փայլեց մի ժպիտ, նա իր թաթիկներով բռնեց սպունգը և շրթունքները ճպպացրեց, արձակելով այնպիսի գոհունական ու տարօրինակ ձայն, որ անակնկալ հիացան ո՛չ միայն Կիտին ու դայակը, այլև Լեինը:

Երեխային հանեցին վաննայից, բռնած նրան մի ձեռքով, վրան շուր լցրին, փաթաթեցին սավանի մեջ, սրբեցին և սուր ճշոցից հետո տվին մորը:

— Ես ուրախ եմ, որ դու սկսում ես սիրել նրան,— ասաց Կիտին ամուսնուն, երբ երեխային սեղմած կրծքին, հանգիստ նստեց սովորական տեղը: — Ես շատ ուրախ եմ, Թե չէ՛ դա արդեն սկսում էր վշտացնել ինձ: Դու ասում էիր, որ ոչինչ չես զգում երեխայի հանդեպ:

— Ո՛չ, մի՞թե ասում էի, որ չեմ զգում: Ես միայն ասում էի, որ հիասթափվեցի:

— Ինչպե՞ս. հիասթափվե՞լ նրանից:

— Ոչ թե հիասթափվեցի նրանից, այլ մի զգացումից, ես ավելին էի սպասում: Ես սպասում էի, որ սյուրպրիզի պես կբացվի իմ մեջ մի նոր, հաճելի զգացում: Եվ հանկարծ դրա փոխարեն՝ գարշանք. խղճահարույթյուն...

Կիտին, երեխան գրկում, ուշադրությամբ լսում էր ամուսնուն, ղենելով բարակ մատներին մատանիները, որ հանել էր Միտյային լողացնելու ժամանակ:

— Ու, որ զլխավորն է, շատ ավելի մեծ էր վախի և խրդահարույթյան, քան բավականության զգացումը: Այսօր փո-

թորկի ժամանակ իմ զգացած վախից հետո ես հասկացա, թե ինչպես սիրո՞ւմ եմ նրան:

Կիտիի դեմքը փայլեց ժպիտով:

— Շատ վախեցար, հա՞,— հարցրեց նա:— Ես էլ, բայց ինձ համար ա՛յժմ ավելի սարսափելի է, երբ արդեն վտանգն անցել է, Ես կգնամ, կնայեմ կաղնին: Ի՛նչ լավն է Կատավատվը: Եվ առհասարակ ամբողջ օրն այնպես հաճելի էր: Դու էլ այնպես լավ ես լինում Սերգեյ Իվանովիչի հետ, երբ ուզում ես... Դե՛, գնա՛ նրանց մոտ: Թե չէ՛ վաննայից հետո այստեղ այնպես շոգ է և զուրոշի...

XIX

Դուրս գալով մանկասենյակից ու մնալով մենակ, Լեինին անմիջապես նորից համակեց այն միտքը, որի մեջ կար անորոշ մի բան:

Փոխանակ գնալու ընդունարան, որտեղից լսվում էին ձայներ, նա կանգնեց տեղաստում և հենվելով ճաղերին, սկսեց նայել երկնքին:

Արդեն բուրբուլիս մթնել էր, և հարավում, դեպի ուր նայում էր նա, ամպեր չկային: Ամպերը կուտակված էին հակառակ կողմում: Այնտեղ բոցկլտում էր կայծակը և լսվում էր հեռավոր որոտ: Լեինը ահանջ էր դնում լորենիների վրայից այգու մեջ համաշափորեն թափվող կաթիլների ծլծլթոցին ու նայում էր աստղերի իրեն ծանոթ եռանկյունուն և նրա մեջտեղով անցնող ծիր-կաթնին՝ իր ճյուղավորումներով: Ամեն անգամ կայծակը բոցկլտալիս չբանում էր ո՛չ միայն ծիր-կաթինը, այլև չբանում էին պայծառ աստղերը, բայց հենց որ հանգչում էր շանթը, կրկին նրանք երևում էին նույն տեղում, կարծես նրանց շաղ էր տալիս մի դիպուկ ձեռք:

«Հապա ի՛նչն է շփոթեցնում ինձ», ասաց ինքն իրեն Լեինը, նախապես զգալով, որ հոգում արդեն պատրաստ է իր կասկածների լուծումը, թեև ինքը դեռ չգիտե այդ:

«Այո՛, աստվածություն միակ ակներև, աներկբա արտահայտումը բարու օրենքներն են, որոնք ցույց են տրված աշխարհին հայտնության միջոցով և որոնք ես զգում եմ իմ մեջ ու որոնց ընդունումով ես ոչ թե միանում եմ, այլ կամա-ակա-

մտ միացած եմ մյուս մարդկանց — հավատացողների մի համայնքի մեջ, որ կոչում են եկեղեցի: Է՞, հապա հրեանե՞րը, մահմեդականնե՞րը, կոնֆուցիականնե՞րը, բուդդայականնե՞րը՝ ի՞նչ են նրանք, — տվեց նա ինքն իրեն այն հարցը, որը նրան թվում էր նաև վտանգավոր: — Մի՞թե այդ հարյուր միլիոնավոր մարդիկ զրկված են այն լավագույն բարիքից, առանց որի իմաստ չունի կյանքը»: Նա մտասուզվեց, բայց և անմիջապես ուղղեց իրեն. «Սակայն, ինչի՞ մասին եմ ես հարցնում, — մտածեց նա: — Ո՞ւ հարցնում եմ աստվածություն նկատմամբ ամբողջ մարդկության բազմապիսի բոլոր հավատալիքների վերաբերմունքի մասին: Ես հարցնում եմ աստծո ընդհանուր հայտնության մասին ամբողջ աշխարհի համար՝ այս բոլոր միզապատ բծերով: Իսկ ի՞նչ եմ անում ես: Անձամբ ինձ համար, իմ սրտի համար աներկբայորեն գտնված է այն իմացությունը, որ անհասանելի է բանականությանը, իսկ ես համառաբար ուզում եմ բանականությամբ ու բառերով արտահայտել այդ իմացությունը»:

«Մի՞թե ես չգիտեմ, որ աստղերը շեն շրջում, — ասաց նա ինքն իրեն, նայելով այն պայծառ մոլորակին, որն արդեն փոխել էր դիրքը դեպի կեչիի բարձրագույն ճյուղը: — Բայց ես, գիտելով աստղերի շարժումը, չեմ կարող պատկերացնել ինձ երկրի պտույտ գալը, ուստի իրավացի եմ, ասելով, թե շրջում են աստղերը:

«Ու մի՞թե աստղագետները կարող էին հասկանալ և հաշվել որևէ բան, եթե նրանք նկատի ունենային երկրի բարդ, բազմապիսի բոլոր շարժումները: — Երկնային մարմինների տարածության, քաշի, շարժումների և խոտորումների մասին նրանց հանած բոլոր զարմանալի հետևությունները հիմնված են անշարժ երկրի շուրջը լուսատուների տեսանելի շարժման վրա միայն, հենց այն շարժման վրա, որը հիմա իմ առաջ է և որն այդպես էր միլիոնավոր մարդկանց համար դարբեր ընթացքում ու եղել է և կլինի միշտ միակերպ ու միշտ կարող է ստուգվել: Եվ ճիշտ այնպես, ինչպես պարապ ու խախուտ կլինեին աստղագետների՝ տեսանելի երկնքի դիտողությունների վրա չհիմնված եզրակացությունները միջօրեազօծի ու մի հորիզոնի վերաբերյալ, այդպես էլ պարապ ու խախուտ կլինեին նաև իմ եզրակացությունները, չհիմնված բարու այն

հասկացողության վրա, որն ամենքի համար միշտ եղել է և կլինի միակերպ ու որը հայտագործվել է ինձ համար բրիտտոնեության միջոցով և միշտ կարող է ստուգվել իմ հոգում: Իսկ մյուս հավատալիքների ու աստծո հանդեպ նրանց վերաբերմունքի հարցը լուծելու իրավունք և հնարավորություն չունեմ ես»:

— Ա՛, դու չգնացի՞ր, — լավեց հանկարծ Կիտիի ձայնը, որը նույն ճանապարհով գնում էր ընդունարան: — Ի՞նչ կա, հո ոչինչ չի՞ վրդովել քեզ, — հարցրեց նա, աստղերի լույսով ուշադրությամբ զննելով ամուսնու դեմքը:

Բայց Կիտին կարգին չէր տեսնի նրա դեմքը, եթե կայծակը նորից շուռավորեր այն, ծածկելով աստղերը: Կայծակի լույսով Կիտին պնեց նրա դեմքը և տեսնելով, որ նա հանգիստ է ու խնդաղին, ժպտաց նրան:

«Նա հասկանում է, — մտածում էր Լեինը, — նա գիտե, թե ինչի՞ մասին եմ մտածում ես: Ասե՛մ նրան, թե՛ շասեմ: Այո՛, կասեմ», Բայց այն բոպեին, երբ Լեինը ուզում էր խոսել, խոսեց նաև Կիտին:

— Ահա՛, թե ի՞նչ, Կոստյա: Բարի եղիր, — ասաց նա, — գնա անկյունի սենյակը և տես, արդո՞ք ամեն ինչ պատրաստե՞լ են Սեբգեյ Իվանովիչի համար: Ինձ անհարմար է: Արդո՞ք դե՞լ են նոր լվացարան:

— Լա՛վ, անպայման կզնամ, — ասաց Լեինը, վեր կենալով ու համբուրելով կնոջը:

«Ո՛չ, պետք չէ ասել, — մտածեց Լեինը, իր Կիտին առաջ անցավ նրանից: — Դա գաղտնիք է, միայն ինձ համար պետքական, կարևոր և բառերով անարտահայտելի գաղտնիք:

«Այդ նոր զգացումը շփոխեց ինձ, շերջանկացրեց, շուռավորեց ինձ հանկարծ, ինչպես փափազում էի ես, — այնպես, ինչպես և դեպի որդիս տածած զգացումը: Չկար նույնպես ո՛չ մի սյուրպրիզ: Իսկ դա հավատ է, թե հավատ չէ, ես չգիտեմ, բայց այդ զգացումը նույնպես աննկատելիորեն մուտք գործեց իմ հոգու մեջ տառապանքներով և ամուր նստեց այնտեղ:

«Այսուհետև էլ նույնպես կբարկանամ Իվան կառապանի վրա, նույնպես կվիճեմ, ո՛չ ի դեպ կարտահայտեմ իմ մըտ-

ԼԵՎ ՆԻԿՈՒԱՆՎԻՉ ՏՈՒՍՏՈՅ

ԱճՆՈՒ ԿՈՐԵՆԻՆԱ

Վ Ե Պ

ՀԱՄԱՐ ԵՐԿՐԱԳ

ТОЛСТОЙ ЛЕВ НИКОЛАЕВИЧ

Анна Каренина

Роман

Том второй

(На армянском языке)

Издательство «Советакан грох»,

ЕРЕВАН—1979

Խմբագիր՝ Գ. Գ. Խաչատրյան

Նկարիչ՝ ԱՆ. Վ. Գազարյան

Գեղ. խմբագիր՝ Վ. Ա. Հաղոսթյունյան

Տեխ. խմբագիր՝ Ա. Յ. Կովկասյան

Վերստուգող սրբագրիչ՝ Ն. Գ. Պապոյան

ИБ № 2290

Հանձնված է շարվածքի 12.02.79: Ստորագրված է տպագրության
17.07.79, Ֆորմատ՝ 84×108¹/₃₂: Քուղթ՝ տպագրական № 1: Տառատե-
սակ՝ «գրքի սովորական»: Տպագրություն՝ բարձր: 27,3 պայմ. տպագր.
մամ., հրատ. 23,7 մամ.:

Պատվեր 550: Տպաքանակ 50 000: Գինը՝ 2 ռ. 30 կ.: «Սովետական
գրող» հրատարակչություն, Երևան—9, Տերյան 91:

Издательство «Советакан грох», Ереван—9,
ул. Теряна, 91.

Հայկական ՍՍՀ հրատարակչությունների, պոլիգրաֆիայի և գրքի
սուկուրի գործերի պետական կոմիտեի Հակոբ Մեղապարտի անվան
պոլիգրաֆկոմբինատ, Երևան—9, Տերյան 91:

Полиграфкомбинат им. Акопа Мегاپарта Госкомитета по
делам издательств, полиграфии и книжной торговли
Арм. ССР, Ереван—9, ул. Теряна, 91.

Ռուս դասականների գրադարան մատենադարով շուտով
լույս են ածանելու.

Վ. Կ. Քելինսկի, Ն. Ա. Իորսուլուբով, Ն. Կ. Վերնիչևսկի—
Հատընտիր

Ֆ. Ս. Իսսուռևսկի— Ոճիր և պատիժ

Ի. Ա. Իոնչարով— Օրլումով

Ի. Ս. Տուրգենև— Հնտիր երկեր

Ս. Յու. Լեմանտով— Հնտիր երկեր

Ա. Ա. Բլազ, Ս. Ա. Սսենին— Բանաստեղծություններ